



বর্দ্ধমানাধিপতি  
মহারাজাধিরাজ শ্রীল শ্রীযুক্ত বিজয়চাঁদ মহতাব বাহাদুর ।

KUNTALINE PRESS.

বঙ্গীয় প্রকাশক ও সম্পাদক  
সন ১২৯৩ সালে  
প্রতিষ্ঠিত



নববর্ষ ।

রামায়ণী কথা ।

আজ তব নূতন জীবন  
বিদায় লইল হের ওই পুরাতন ।  
নূতন জীবনে তব হৃদয় সুন্দর সব  
ছাড়া প্রিয় মনের সন্তান ।  
পোহাল আঁধার রাতি কনক উজ্জল রাতি  
সমুদিত তকণ উপমা ।  
এ নগ প্রভাত সনে আশুক ভোমার মনে  
নব সাধ নবীন সাধন ।  
প্রাকৃট কুসুম সম স্নকোমল নিকপম  
কাস্তি তব হৃদয় শোভন ।  
হও পূত নিরমল হোক জ্যোতি সুবিসমল  
শুধু মম এই আকিঞ্চন ।  
বিধাতা করুণা কোরে শুভাশীষ দিয়া শিরে  
সাধ আশা করুন পূরণ ।

অধোদ্যাকান্ত হইতে অধোদ্যাকান্ত রামায়ণকে  
তাই ভাষে বিভক্ত করি  
করা বাইতে পারে । এক পানি অধোদ্যাকান্তেই আরদ্ধ  
ও অধোদ্যাকান্তেই পবিসমাপ্ত—বিষয় রামবনবাস ।  
আর এক পানি আরদ্যাকান্তে আরদ্ধ ও লঙ্কাকান্তে  
পবিসমাপ্ত—বিষয় সীতার উদ্ধার । এই দুই অংশের  
সঙ্গে কাব্যগত কোন আভাবিক বয়ন লক্ষিত হয় না ।  
রামবনবাসের পর সীতারহরণ ও সীতার উদ্ধার হইয়াছে,  
ইহাতে সাময়িক পৌরাণস্যোর সংশ্রব আছে কিন্তু কাব্য-  
হিসাবে এই দুই ঘটনা পরস্পর নিরপেক্ষ । ইহা ছাড়া  
প্রথম ও দ্বিতীয় অংশের রচনা আর একটি বৈলক্ষণ্য আছে ।  
প্রথম অংশের বিষয় ও ঘটনা সহজনতাপূর্ণ রাজধানীর মধ্যে  
বিকাশ পাইয়াছে । স্মরণীয় ঘটনার পন্থায় ও উচ্চতা,  
সেই অংশে কতকটা নাটকীয় পদ্ধতির উপযোগী হই-

যাচ্ছে। কিন্তু দ্বিতীয় অংশের বর্ণনার স্থান অরণ্য; সেখানে চরিত্রের বাহুল্য ও ঘটনার ঘাত-প্রতিঘাতের অবকাশ অল্প। সুতরাং রামায়ণের এই অংশের গতি মন্থর; ইহার সৌন্দর্য্যের আলেখ্য উদার এবং ইহাতে আরণ্য-দৃশ্যরাশির উপভোগের জন্ত পাঠকচক্ষুর পূর্ণ অবকাশ প্রদত্ত হইয়াছে। পাঠক এই অংশে কোঁতু-হলের অঙ্কুশাবাতে তাড়িত হন না; এখানে “পদ্মোৎপলবাধাকুলা” পম্পার বর্ণনা ও শনৈঃ শনৈঃ প্রদর্শিত শরৎ কালীয় নদীপুলিনের বর্ণনা লইয়া পাঠক একপ্রহর-কাল নিবিষ্ট থাকিতে পারেন। সহসা বীণার তন্ত্রী ছিঁড়িয়া গেলে বেরুপ পুনঃ তারসংযোজন পৰ্য্যন্ত নব তন্ত্রীর স্বর-পরীক্ষাজনিত আলাপ লইয়া শ্রোতাকে পরি-তৃপ্ত থাকিতে হয়, সীতার সংবাদ না পাওয়া পর্য্যন্ত পাঠককে সেইরূপ প্রাকৃতিক সৌন্দর্য্য এবং বর্ষা ও শরৎ ঋতুর বিরহগাথা শুনাইয়াই কবি নিযুক্ত রাখিতে-ছেন—স্বর বাঁধিতে বাঁধিতে ছইটি অধ্যায় কাটিয়া গিয়াছে।

অবোধাকাণ্ডের বর্ণনা করণরসে পরিপূর্ণ ক্রম্ব্যাময়ী। স্মৃতি ও স্মৃকবিতা এই দুয়ের সমন্বয় অবোধাকাণ্ডে বেরুপ লক্ষিত হয়, পৃথিবীর অল্প কোন কাব্য সেই উন্নত আদর্শের সম্বলিত হইতে পারে নাই। গুরুভক্তি, কর্তব্য-পরায়ণতা, পাতিব্রতা, অপত্যমেহ, ভ্রাতৃবৎসল্য, গার্হস্থ্য-জীবনের বাহ্য কিছু মূল্যবান সম্পত্তি, কবি এই অপ্যয়ে তাহার মুক্ত পরিবেশন করিয়া দেখাইয়াছেন। এ সম্পদের বিপণি অনন্যসাধারণ, গার্হস্থ্য কর্তব্য-স্বত্র এখানে কোন মন্থ, যাজ্ঞবল্ক্য বা চাণক্য নীরস লেখনী লইয়া লিখেন নাই; এখানে সরস্বতী নিজ হস্তে তুলি লইয়া গার্হস্থ্য চিত্র অঙ্কন করিয়াছেন। কর্তব্য এবং কবিত্ব এ স্থলে অভিন্ন। এখানে কবিত্বের স্বাধীন বসন্ত-বায়ু প্রবাহিত হইয়া সমা-জের পর্ণশালা উৎক্ষিপ্ত করিয়া ফেলে নাই; এখানে গৃহস্থের গৃহ-প্রাঙ্গণে নন্দন বনের সমস্ত কুসুমতরু উৎপ্ত হইয়াছে। সাহারা মনে করেন কবি বাস্তব জগতে আবদ্ধ থাকিলে তাঁহার দৃষ্টি সংকীর্ণ ও তাঁহার প্রতিভা শৃঙ্খলিত হয়, তাঁহার এই স্থলে দেখিবেন বাস্তব জগৎই কবিতার প্রকৃত রাজ্য; বাঁহার স্বর্গের সৌন্দর্য্য উপভোগ করিতে চাহেন তাঁহাদের গৃহের পাণ্ডিত্য উজ্জ্বল করিয়া অবাধ

স্বাধীনতার খেলা খেলিতে হয় না; মর্ত্যে যদি কোথাও স্বর্গ প্রতিভাত হয়, তবে তাহা স্বর্গহে।

এইবার আমরা মূল প্রশ্নের অবতারণা করিব। দশরথ রাজা সর্ব বিষয়ে একজন আদর্শ নরপতি ছিলেন। তাঁহার শৌর্য্য বীর্য্যের যশ সমস্ত স্থানে প্রচারিত ছিল, এমনি কি দেবরাজ ইন্দ্রও একবার দৈত্যদলের সন্মুখ করিতে যাইয়া সাহায্যের জন্ত ইঁহার শরণাপন্ন হইয়া ছিলেন। এই দশরথ রাজার একটা প্রধান দোষ ছিল, ইনি ইন্দ্রিয়াশক্ত ছিলেন। রামায়ণের অনেক স্থলে এক-পত্নীব্রতের পুণ্য উল্লিখিত হইয়াছে। “ন রামঃ পরম-রান্ স চক্ষুর্ভ্যামপি পশুতি।” রাম সম্বন্ধে এরূপ কথা অনেক স্থলেই পাওয়া যায়। সুতরাং সেকালে রাজাদের নৈতিক আদর্শ স্বতন্ত্র বলিয়া আমরা দশরথকে কল্পনা মনে করিতে পারি না। দশরথ রাজার ৩৫০টা মহিলা বিদ্যমান ছিল। দশরথের ইন্দ্রিয়-প্রশ্রয়ই শাস্ত্র অবোধা-নগরীর বক্ষে তুমুল অশান্তির সৃষ্টি করিয়া রামায়ণের ভিত্তি গড়িয়া দিয়াছিল। কৈকয়ীর রূপে মুগ্ধ হইয়া তিনি কৈকয়রাজার নিকট তাঁহার পানিগ্রহণ ইচ্ছা প্রকাশ করেন কিন্তু জ্যেষ্ঠা মহিলা কৌশল্যার পুত্র রাজা পাইবে কৈকয়রাজ এই আশঙ্কা জ্ঞাপন করিতে তিনি প্রতিশ্রুত হন, কৈকয়ীর গর্ভে যে পুত্র হইবে তাহাকেই তিনি রাজ্যপদে অভিষিক্ত করিবেন। (রামায়ণ, অবোধাকাণ্ড, ১০৭ সর্গ) তৎপরে দেবাসুর যুদ্ধে ক্ষত বিক্ষত হইলে কৈকয়ী তাঁহার শুশ্রূষা করেন, তখন ছইটি দিতে তিনি প্রতিশ্রুত থাকেন। এ সকল অবশ্য রাম-জন্মের পূর্বের ঘটনা। কালে রাজার চারি পুত্র জন্ম গ্রহণ করে। ইঁহার চারি জনেই রাজার প্রিয় ছিলেন কিন্তু রাম তাঁহার প্রিয়তম ছিলেন। “তেষামপি মহা-তেজা রামো রতিকরঃ পিতৃঃ।” অপর দিকে তরুণ বয়সে কৈকয়ীর প্রতি তাঁহার সর্বাপেক্ষা আসক্তি ছিল। “স বৃদ্ধস্তৃণীং ভার্য্যাং প্রাণেভ্যোহপি গরীয়সী।” তিনি কৈকয়ীর গৃহেই প্রায় সর্বদা পড়িয়া থাকিতেন। (রামায়ণ, অবোধাকাণ্ড, ৭২ সর্গ, ১২শ শ্লোক)। জ্যেষ্ঠা মহিলা কৌশল্যার প্রতি উপেক্ষা এ অবস্থায় স্বাভাবিক। কৌশল্যা রামের নিকট বলিতেছেন—“স্ত্রীলোকের প্রধান পুত্র স্বামীর প্রেম, আমার জীবনে তাহা সংঘটন হয়

নাই। আমি কৈকয়ীর দাস দাসীর দ্বারা সর্বদা উৎ-পীড়িত। স্বামী তাহা দেখিয়াও দেখেন না। কোন দাসী আমার সেবায় নিযুক্ত হইলে কৈকয়ীকে দেখিয়া ভীত হয়।”—(রামায়ণ, অবোধাকাণ্ড, ২০শ সর্গ, ৩৭—৪৩ শ্লোক)। এই অংশের সরল কাতরতা আমাদের চিত্তকে ব্যাকুল করিয়া তুলে। কিন্তু কৌশল্যা কৈকয়ীর প্রতি কখনও কুব্যবহার করেন নাই। ভরত কৈকয়ীকে বলিতে-ছেন “আমার জ্যেষ্ঠা মাতা কৌশল্যা তোমাকে সর্বদা ভয়ীরা ঋণ মেহ করিয়া থাকেন।” এস্থলে ব্যথিতা কৌশল্যার উদারতায় আমরা তাঁহাকে আদর্শ পত্নী বলিয়া পূজা করিতে পারি।

পূর্বে উক্ত হইয়াছে দশরথ কৈকয়রাজার নিকট কৈকয়ী-পুত্রকে রাজ্যাভিষিক্ত করিতে প্রতিশ্রুত ছিলেন, কিন্তু প্রাণসম জ্যেষ্ঠ পুত্র সর্বগুণ বিভূষিত রামকে তিনি কি বলিয়া উপেক্ষা করিবেন। বিশেষ সে প্রতিশ্রুতির কথা এক্ষণে আর কাহারও মনে নাই। রাম তাঁহার চরিত্রগুণে অবোধাবাসী সমস্ত লোককে তাঁহার আপনার করিয়া তুলিয়াছিলেন। “রামোহি ভরতাদ্ ভূয়স্তব শুশ্রুষতে সদা।” সুতরাং কৈকয়ীও তাঁহার প্রতি প্রসন্ন হইয়া পড়িয়াছিলেন। ভরত মাতুলালয়ে গমন করিলে রাজা-রামকে রাজ্যাভিষিক্ত করিতে অভিপ্রায় প্রকাশ করিলেন। যদিও রামের প্রতি প্রজা ও স্বর্গণ বৃন্দের স্বাভাবিকী প্রীতি বশতঃ দশরথের মনে কোন ভীতি কিম্বা আশঙ্কার কথা স্থান পায় নাই তথাপি অভিষেক-কাৰ্য্য ভরতের অনুপস্থিতিতে ও কৈকয়রাজের অগোচরে শীঘ্র শীঘ্র শেষ হইয়া যায় এই জন্ত দশরথকে একটু স্তব্ধ হইতে দেখা যায়। প্রকাশভাবে কোন আশঙ্কার কথা মনে উপস্থিত না হইলেও তাঁহার হৃদয়ের অতি নিভূতে স্বীয় প্রতিশ্রুতি-ভঙ্গজনিত কোন হৃৎটনার ভাবী ভয় আগিতেছিল কি না বলিতে পারা যায় না। তিনি রামের নিকট বলিলেন “শুভ ঘটনায় অনেক বিঘ্ন আশঙ্কা রি, ভরত দূরে থাকিতে থাকিতেই তোমার অভিষেক শেষ হইয়া যায় এই আমার ইচ্ছা। যদিও ভরত সর্বদাই জ্যেষ্ঠের অনুবর্তী কিন্তু তথাপি সদব্যক্তিরও মন সময়ে বিচলিত হইতে পারে।”—(রামায়ণ, অবোধাকাণ্ড, ৪র্থ সর্গ, ২৪—২৭ শ্লোক)। ভ্রাতৃবৎসল্য ভরত বয়সে কনিষ্ঠ

সুতরাং ইক্ষ্বাকুবংশের চিরানুগত প্রথানুসারে রাজ্য ভরতের প্রাপ্য নহে, তথাপি রাজার এই আশঙ্কার কারণ কি? হয়ত কৈকয়-রাজার নিকট স্বীয় প্রতিশ্রুতির কথা তাঁহার মনে নিভূতে ক্রিয়া করিতেছিল। এ বিষয়ে স্পষ্টতর প্রমাণ আছে। কৈকয় এবং জনক রাজাকেও তিনি এই অভিষেক ব্যাপারে নিমন্ত্রণ করেন নাই। কৈকয়-রাজ উপস্থিত হইয়া মহর্ষি জনক রাজার সমক্ষে যদি পূর্বকথার উল্লেখ করেন তবে বিভ্রাট ঘটতে পারে—ইহা কি এই আশঙ্কায় নহে? এবং বোধ হয় এই জন্তই “নতু কৈকয়রাজানং জনকং বা নরাধিপঃ। ত্বরয়া চানয়ামাস পশ্চাত্তৌ শ্রোষ্যতঃ প্রিয়ং ॥” সুতরাং তিনি এ বিষয়ে আপাততঃ সন্তুষ্ট থাকিলেন।

কবি রামের রাজ্যাভিষেক ব্যাপারে সমারোহপূর্ণ আনন্দোৎসবের মধ্যে ভয়ানক হৃৎটনার বীজ কৌশলে লুকাইয়া রাখিলেন। দশরথকে আমরা এই অভিষেক ব্যাপার শীঘ্র শীঘ্র সমাধা করিবার জন্ত উৎকণ্ঠিত দেখিতে পাই; যেন কোন দৈব প্রতিকূলতার আশঙ্কা সম্মুখের ঘটনাবলীর উপর ছায়াপাত করিতেছিল; দশরথের অতি ব্যস্ততা ও অতি ব্যগ্রতাই তাহার অস্তিত্ব আবিষ্কার করিয়া দিতেছে। তিনি বলিতেছেন “পুণ্য চৈত্র মাস, কাননরাজি সুপুষ্টিত, আর বিলম্বের প্রয়োজন নাই, কল্যই অভিষেক শেষ করা যাউক।” সুতরাং রামচন্দ্র সীতার সঙ্গে একত্র স্থান করিয়া উপবাস ব্রত পালন পূর্বক অভিষেকের জন্ত প্রস্তুত হইয়া রহিলেন।

যে দিক হইতে বিপদ আশঙ্কা করা যায় বিপদ সচরাচর সে দিক হইতে আসে না। কৈকয়-রাজ সদলবলে উপস্থিত হইয়া দশরথকে প্রতিশ্রুতি পালনের জন্ত আবদ্ধ করিলেন না; কিন্তু সময় পূর্ণ হইলে পাপের অবধারিত ফল এক দিক না এক দিক হইতে লব্ধ হইয়া থাকে। মন্থরা উৎসবময়ী অবোধার চিত্র দেখিয়া কোঁতুহল-পরবশ হইল; সে জানিতে পারিল রামের অভিষেক উৎসবে অবোধাপুরী মাতিয়া উঠিয়াছে, সে যাইয়া কৈকয়ীকে এই সংবাদ প্রদান করিল। কৈকয়ী ভরত কর্তৃক “আত্মকামা,” “প্রজ্ঞা-মানিনী” ও “চণ্ডী” বলিয়া অভিহিত হইয়াছিলেন, কিন্তু তিনি হৃদয়-শূন্য ছিলেন বলিয়া বোধ হয় না। রামকে তিনি নিজের পুত্রের ঋণই ভাল বাসিতেন। “রাজ্য যদি হি

রামশু ভরতস্যাপি তং তদা। রাগেবা ভরতে বাহুং বিশেষং  
নোপলক্ষয়ে।” ইত্যাদি বলিয়া তিনি মন্ত্ররাজ ক্রোধের  
কারণ কিছুই উপলব্ধি করিতে পারেন নাই, বরং এই  
সুসংবাদের পুরস্কার স্বরূপ মন্ত্ররাজকে রত্নহার প্রদান  
করিলেন। কিন্তু মন্ত্ররাজ সেই হার ঠেলিয়া ফেলিল এবং  
মহারাজকে “শঠ” সংজ্ঞায় অভিহিত করিল। মন্ত্ররাজ সেই  
প্রতিশ্রুতির কথা জানিত কি না বলা যায় না। ইহার  
পর মন্ত্ররাজ শিক্ষাহুসারে কৈকেয়ী ক্রোধাগারে প্রবেশ  
করিল। এই স্থল হইতে কাব্যোক্ত ঘটনার প্রতি  
কৌতূহল বিশেষরূপে জাগিয়া উঠে। সেই চন্দ্রনক্ষত্রশালী  
নিশিথে অশ্রুগ্রথিতবদ্ধদৃষ্টি রাজার শোক-করণ মুহূর্ত্ত  
দৃশ্য আমাদিগের হৃদয় আমূল ব্যথিত করিয়া তুলে। “কিং  
নু মেহয়ং দিব্য স্বপ্ন চিত্র মোহোহপি বা মম।” কৈকেয়ীর  
নিদারুণ, চিত্রহীন বাক্যজাল রাজার নিকট “অনুভূত  
উপদর্শন” বা “চিত্র উপদ্রবের” আয় বোধ হইতেছিল; সেই  
নৈরাশ পূরিত রাজার পরিবেদনাময় একান্ত সকাঁতর  
দৃষ্টি আমাদিগের চিত্র ডবীভূত করিয়া ফেলে এবং তাঁহার  
পূর্বের শত অপরাধের কথা বিস্মৃত করাইয়া দেয়। “শশু  
সলিল বিনা কিম্বা জগৎ সূর্য্য বিনা তিষ্ঠিতে পারে কিন্তু  
রাম ভিন্ন আমি বাঁচিতে পারিব না।” কখনও বা রাজা  
কৃতাজলি, কখনও বা সংজ্ঞাহীন রাজার নিস্তেজ আঁধি-  
প্রান্ত-সংলগ্ন অশ্রুবিন্দু,— কখনও বা “ন প্রভাতং ত্বয়-  
চ্ছামি নিশে নক্ষত্রভূষিতে ॥” বলিয়া গগনাসক্তদৃষ্টি রাজা  
প্রলাপ বলিতেছেন, কখনও বা দীর্ঘবাহু ইন্দীবরশ্যাম  
রামের চন্দ্রমুখ মনে করিয়া পরিতাপে দগ্ধ হইতেছেন।  
এই বিবগ রজনীর উৎকট শোকের চিত্র কবি কৈকেয়ীর  
ক্রোধাগারে চিত্রিত করিয়া দেখাইয়াছেন, তদর্শনে  
রামচন্দ্রোক্ত একটা কথা মনে হয় “অর্থদ্রোহী পরিতাজ্য  
যঃ কামমহুবর্ত্ততে। এবমাপত্ততে ক্ষিপ্ৰং রাজা দশরথো  
যথা ॥”

দশরথের মুখে আর বড় বেণী বাক্য নিঃসৃত হয় নাই।  
ভূষণ-ধ্বনি মিশ্রিত স্ত্রীলোকের আত্মকণ্ঠনিঃসৃত “হা রাম”  
নিদাদ সেই ভূতল-পতিত নিশ্চেষ্ট লজ্জাবিমূঢ় বিলুপ্তসংজ্ঞ  
রাজাকে শোকবাণে বিদ্ধ করিতেছিল। রাম যখন বিদায়  
ভিক্ষা করিয়া রাজার নিকট কৃতাজলিপুটে দাঁড়াইয়া  
ছিলেন তখন দশরথ একটি মাত্র প্রার্থনা জানাইয়াছিলেন,

“হে পুত্র, আজ রাত্রে তুমি যেয়ো না, তুমি আর একটা  
দিন মাত্র থাক, আমি এবং তোমার মাতা আর এক দিন  
তোমার মুখচন্দ্র নিরীক্ষণ করি।” কিন্তু রাম এই প্রার্থনা  
পূরণ করেন নাই। যখন সুমন্ত্র রামকে রথে লইয়া  
যান, তখন নগ্নপদে সংজ্ঞাহীন রাজাধিরাজ দশরথ সেই  
রথের পশ্চাৎ পশ্চাৎ ধাবমান হইয়াছিলেন, সেই দৃশ্য  
দেখিয়া অধোধ্যাবাসীদের উচ্ছ্বসিত শোকবেগ দ্বিগুণতর  
হইয়াছিল। রথ লইয়া সুমন্ত্র চলিয়া গেলেন, বৃদ্ধ দশরথ  
পথে মুচ্ছিত হইয়া পড়িয়া রহিলেন।


সুমন্ত্র রামকে বনে রাখিয়া দশরথকে সংবাদ কহিলেন,  
দশরথ সেই রাত্রে প্রাণত্যাগ করিবেন—সেই রাত্রে তাঁহার  
হৃদয়ের জ্বালা বড় তীব্র হইয়া উঠিল, সুমন্ত্রকে বারংবার  
বলিতে লাগিলেন আমাকে রামের নিকট রাখিয়া আইস।  
কৌশল্যাকে বলিলেন তুমি আমাকে হাত দিয়া স্পর্শ কর,  
আমি তোমাকে দেখিতে পাইতেছি না। রামের রথের  
ধূলি দেখিতে দেখিতে আমার চক্ষের দৃষ্টি সেই সঙ্গেই  
চলিয়া গিয়াছে, তাহা আর ফিরিয়া পাই নাই। কৌশল্যা  
রামের বনবাসের কথা কহিয়া তাঁহাকে গঞ্জনা করাতে  
রাজা কৃতাজলি হইয়া ক্ষমা প্রার্থনা করিলেন। সে রাত্রে  
তাঁহার প্রাণান্তকর যন্ত্রণা হইতেছিল। একবার অন্ধমুনির  
বৃত্তান্ত কৌশল্যা ও সুমিত্রার নিকট বলিলেন। তৎপর  
বলিলেন “যদি রাম একবার আসিয়া আমাকে স্পর্শ করে  
তবে বোধ হয় আমি বাঁচিতে পারি। একবার যদি তাঁহার  
চন্দ্রমুখ আবার দেখিতে পাইতাম!” যাহারা চতুর্দশ  
বৎসর অতিবাহিত হইলে রামচন্দ্রকে পুনরায় প্রত্যগত  
হইতে দেখিতে পাইবে দশরথ তাঁহাদিগকে পুণ্যবান বলিয়া  
কীর্ত্তন করিলেন—“চারু শুভকুণ্ডল রামের তারাধিপের আয়  
সুন্দর মুখখানি যাহারা চতুর্দশ বর্ষ অতীত হইলে আবার  
দেখিতে পাইবেন তাঁহারা মনুষ্য নহেন তাঁহারা দেবতা,  
আমার অদৃষ্টে সে সুখ নাই।” এই ভাবে অর্দ্ধ রাত্রে  
দশরথের প্রাণত্যাগ।

দশরথের যেরূপ শোক হইয়াছিল কৌশল্যার তাহা  
হয় নাই। কৌশল্যা চিরছঃখসহিষ্ণু, বিশেষতঃ স্বকৃত  
পাপের ফলে এই অনর্থোৎপাত ঘটয়াছিল এই অদ্ভু-  
শোচনায় দশরথ দগ্ধ হইতেছিলেন,—তাঁহার শোচনীয়  
পরিণাম দর্শনে আমরা তাঁহার সমস্ত অপরাধ বিস্মৃত হই

এবং আদর্শ পিতা বলিয়া তাঁহার পদে প্রীতিনমস্কার দিতে  
কুঞ্জিত হইতে পারি না।

কিন্তু যিনি বহুদ্রমাবৃত পুষ্পসংস্করসুন্দর পার্বত্য  
কামনরাশি, এবং কচিংবেণীকৃত, কচিং আবর্ত্তশোভী,  
ফেগনির্ম্মলহাসিনী ও জলাবাত অটুহাসোগ্রা গঙ্গাধারা  
দেখিতে দেখিতে রাজ্যশোক ভুলিয়া বিশ্বস্ত পত্নী এবং  
ভ্রাতার স্নেহচ্ছায় বনে বিহার করিতেছিলেন সেই  
রামচন্দ্রের চরিত্রও এই অধোধ্যাকাণ্ডে পূর্ণরূপে বিকাশ  
পাইয়াছে। কিন্তু তৎসম্বন্ধে আজ আর কিছু বলিব না,  
প্রবন্ধ দীর্ঘ হইয়া উঠিল।

শ্রীদীনেশচন্দ্র সেন।



কে ?



কে হবে আমার প্রিয়া ?

আজো তারে দেখি নাই কি লাভ্যা দিয়া  
গড়েছে ছলভ করি' দেবতা তাহারে ;  
শুনি নাই তার স্বর,— কি মধু ঝঞ্ঝারে  
হর্ষ তরঙ্গিয়া দেয় শিরায় শিরায় !  
তাই মোর অপ্রশস্ত মানস-কারায়  
ধরে না সে মায়ামূর্ত্তি অকূল অপার।  
কোন কবি রটে নাই তার সমাচার ;  
ভাগ্যবান শিল্পী কেহ বিবিধ যতনে  
নৈব প্রেরণার কোন স্নহলভ ক্ষণে  
পারে নাই আঁকিবারে চারু চিত্রলেখা  
তার। তবু সে লক্ষ্মীরে যায় যেন দেখা,  
শুনা যায় বাণী তার, দক্ষিণ সমীরে  
উড়ে তার স্বলত অঞ্চল, লাগে ধীরে  
পরশ তাহারি !

জন্ম জন্ম অজ্ঞাত প্রিয়ারে

তবু ভালবাসি যেন ! পাব কভু তারে,  
এই আশে এ ছুর্ভহ জীবনের ভার

অক্লান্ত সন্তোষে বহি। বাসনা আমার  
তারি লাগি ফিরে নিত্য ব্যর্থ অভিসারে  
নগরে প্রান্তরে গ্রামে পাথারে কাস্তারে !

কখনো নির্জ্জনে

ব'সে থাকি তারি আশে যদি সে গোপনে  
আমারে বিস্মিত করি সহসা সাক্ষাতে,  
দেখা দেয় কোন এক নিস্তরু সন্ধ্যাতে  
চঞ্চল সৌভাগ্যসম। না হেরি আমার  
ফিরে যায়, আর যদি না-ই আসে হয় ?

বাহি' জনহীন পথ

ফিরি শেষে ক্ষুধা গৃহে ভগ্ন-মনোরথ  
চিরশূন্য শয্যা পানে। থাকি স্বপ্নাবেশে,  
যদি সে স্বপ্নের মাঝে মূর্ত্তি ধ'রে এসে  
মোরে ধরা দেয় ! কতবার ঘুম ঘোরে  
চমকি উঠেছি হায়, বৃথা আশা করে !


বিফল, বিফল !

রাত্রি যায় নিদ্রাহীন ; দিবস সকল  
বিরহ হতাশ মাঝে করে পলায়ন।  
তবু নিত্য আপনারে রাখি সচেতন  
কি ছুর্কোষে ছুরাশায় ?

যেন মনে হয়,—

এক দিন পাব তারে ; যুচিবে সংশয়  
করণাময়ীর স্পর্শে ! হৃদয়ে হৃদয়ে  
কখন পড়িবে গ্রন্থি—প্রেম বিনিময়ে !  
পাইব বন্ধনে তারে ! সে হবে আমার ;  
হাতে ধরে নিয়ে যাবে সংসারের পার,  
অনন্ত আনন্দ রাজ্যে ! বক্ষে নিবে টানি  
আমার তৃষিত বক্ষ ; স্নকোমল পাণি  
বুলাবে ললাটে কেশে, কণ্ঠে দিবে মালা  
অভিনব মিলনের স্নেহ-অশ্রু ঢালা !  
ভুলাবে সকল ছঃখ, দৈন্ত, অপবাদ,  
স্বলন, পতন, ভুল। ছাড়ি অবসাদ  
সে দিন প্রথম এক ভ্রান্ত অন্ধ প্রাণ  
চির-পূর্ণিমার মাঝে হবে চক্ষুস্নান !

শ্রী প্রমথনাথ রায় চৌধুরী।



## বুদ্ধ ঘোষ ।

বুদ্ধদেবের উদ্ভাবিত ধর্ম কালসহকারে জগতের সর্বত্র প্রচার লাভ করিয়াছিল। যে সকল মহাত্মা উক্ত ধর্মের প্রচারকার্যে সহায়তা করিয়াছিলেন বুদ্ধ ঘোষ তাঁহাদিগের অগ্রতম। মহাবংশ নামক সুবিপুল পালি গ্রন্থে বুদ্ধদেবের জীবনচরিত সংক্ষেপে বর্ণিত আছে। মগধের বোধিগ্রাম সমীপে এক ব্রাহ্মণ যুবক বাস করিতেন। তিনি সমগ্র বিদ্যা ও সমগ্র কলায় সুনিপুণ ছিলেন ও বেদত্রয় সম্পূর্ণরূপে আয়ত্ত করিয়াছিলেন। তিনি একদা রেবত নামক একজন বৌদ্ধ ভিক্ষুর সহিত তর্কে প্রবৃত্ত হন এবং পরাজিত হইয়া বিজিতার ধর্ম গ্রহণ করেন। উক্ত ব্রাহ্মণের স্বর বুদ্ধ দেবের শ্রায় ওজস্বী ও সুমধুর ছিল বলিয়া বৌদ্ধগণ তাঁহাকে বুদ্ধ ঘোষ এই উপনাম প্রদান করেন। বৌদ্ধ ধর্মে দীক্ষিত হওয়ার পর তিনি বুদ্ধ ঘোষ নামেই প্রসিদ্ধি লাভ করিয়াছিলেন। দীক্ষা গ্রহণান্তর বুদ্ধ ঘোষ জ্ঞানোদয় নামে একখানি বৌদ্ধ গ্রন্থ প্রণয়ন করেন। অনন্তর তিনি ত্রিপিটকের টীকা বিরচন করিবার মানস করেন। এই সময়ে রেবত ভিক্ষু তাঁহাকে বলেন, “জম্বুদ্বীপে ত্রিপিটকের মূল গ্রন্থ মাত্র বিদ্যমান আছে কিন্তু উহার ব্যাখ্যা এ দেশে বর্তমান নাই। সুবিজ্ঞ মহেন্দ্র খৃঃ পূঃ ২৪১ অব্দে সিংহলী ভাষায় ত্রিপিটকের যে ব্যাখ্যা লিখিয়া গিয়াছেন উহা অবলম্বন করিয়া পালি ভাষায় ত্রিপিটকের টীকা বিরচন কর। ইহাতে জগতের প্রকৃত মঙ্গল সাধিত হইবে।”

রেবত ভিক্ষুর পরামর্শ অনুসারে বুদ্ধঘোষ সিংহল যাত্রা করেন। এই সময়ে (৪১০—৪৩২ খৃঃ অব্দে) মহানাম সিংহলের রাজা ছিলেন। বুদ্ধ ঘোষ সিংহলের অনুরোধপুর নগরস্থিত মহাবিহারে উপস্থিত হইয়া স্থবির সংঘপালের নিকট ত্রিপিটকের সিংহলী ব্যাখ্যা শ্রবণ করেন। সিংহল-বাসিগণ তাঁহার অসাধারণ বিদ্যাবৃত্তায় সন্তুষ্ট হইয়া তাঁহাকে অংথকথা (অর্থকথা) নামক পুস্তক প্রদান করেন। এই অংথকথাই ত্রিপিটকের পালি ব্যাখ্যা। বুদ্ধ ঘোষ এই অংথকথা পালি ভাষায় অনুবাদিত করিয়া জম্বুদ্বীপে ত্রিপিটকের ষষ্ঠ্য ব্যাখ্যা প্রচার করেন। বুদ্ধ ঘোষ

সিংহল হইতে যে সমস্ত বৌদ্ধ গ্রন্থের উদ্ধার করেন, বার্মিজ বা ত্রৈলঙ্গী অক্ষরে ঐ সকল গ্রন্থের প্রতিলিপি প্রস্তুত হয়। এইরূপে ক্রমে ব্রহ্মদেশে বৌদ্ধ ধর্মের প্রচার বৃদ্ধি হয়। তদনন্তর তিনি মগধের উরুবিল নগরে বোধিগ্রাম-মূলে প্রত্যাগমন করেন।

বার্মিজগণ মহাভক্তি সহকারে বুদ্ধ ঘোষের নাম উচ্চারণ করিয়া থাকেন। তাঁহারা বলেন বুদ্ধ ঘোষ সুবর্ণ দ্বীপে অর্থাৎ ব্রহ্মদেশের থ্যাটন নগরে জন্ম গ্রহণ করিয়াছিলেন। খৃষ্টীয় ৪০০ অব্দে তিনি ত্রিপিটকের প্রতিলিপি প্রস্তুত করিবার জন্ত সিংহলে গমন করিয়াছিলেন। মগধী অক্ষরে লিখিত ত্রিপিটক তিনি ত্রৈলঙ্গী (বার্মিজ) অক্ষরে লিখিয়া আনিয়াছিলেন। সিংহল হইতে ত্রিপিটক আনয়নের ৬৫০ বৎসর পরে অর্থাৎ ১০৫০ খৃঃ অব্দে উহা থ্যাটন হইতে পেগান নগরে প্রবেশ করে। বুদ্ধ ঘোষের জীবনের পুঞ্জালুপুঞ্জ বৃত্তান্ত বুদ্ধঘোষপুঞ্জি নামক গ্রন্থে বর্ণিত আছে। ঐ গ্রন্থখানি পালি ভাষায় লিখিত এবং বোধ হয় কোন ব্রহ্মদেশীয় পণ্ডিত ঐ গ্রন্থের রচয়িতা। সিংহলবাসিগণের মতে বুদ্ধ ঘোষ প্রথমে সিংহলে গমন করিয়াছিলেন ও তদনন্তর ব্রহ্মদেশে যাত্রা করেন। কিন্তু ব্রহ্মদেশবাসিগণের মত এই যে বুদ্ধ ঘোষ প্রথমে ব্রহ্মদেশের পেগু নগরে বৌদ্ধ ধর্ম প্রচার করেন ও তদনন্তর তিনি সিংহলে গমন করিয়াছিলেন।

বিস্বুদ্ধিমগ্গ ( বিস্বুদ্ধি মার্গ ) গ্রন্থের রচনা সম্বন্ধে মহাবংশে এক কোতুকাবহ গল্প লিপিবদ্ধ আছে। বুদ্ধ ঘোষ মগধ হইতে সিংহলদ্বীপে গমন করিয়া তত্রত্য স্থবিরগণের নিকট নিবেদন করেন—“মহাশয়গণ! আমি সিংহলী অংথকথা পালিভাষায় অনুবাদিত করিব বলিয়া মনঃস্থ করিয়াছি। আপনারা আমাকে একখণ্ড সিংহলী অংথকথা প্রদান করিয়া আমার অভিলাষ পূর্ণ করুন।” তাঁহারা বুদ্ধ ঘোষের বিদ্যা বুদ্ধি পরীক্ষা করিবার জন্ত তাঁহাকে দুইটা মাত্র শ্লোক প্রদান করিয়া বলেন—“তুমি অগ্রে এই দুইটা গাথার পালি ব্যাখ্যা লিখিয়া আন, যদি উহা আমাদের মনঃপূত হয় তাহা হইলে সমগ্র সিংহলী অংথকথা তোমাকে প্রদান করিব।” বুদ্ধ ঘোষ ঐ দুইটা গাথা অবলম্বন করিয়া ত্রিপিটকের সাঁহায্যে সুবিপুল বিস্বুদ্ধিমগ্গ গ্রন্থ বিরচন করেন। যখন তিনি স্থবির-

## বাল্ললা ও সংস্কৃত ছন্দ ।

কবিতার ছন্দ ও মিল সম্বন্ধে আমরা ১৩০৭ সালের কার্তিকের “ভারতী”তে কিঞ্চিৎ আলোচনা করিয়াছিলাম। ১৩০৮ সালের চৈত্রের “সাহিত্যে” সেই আলোচনা উপলক্ষে শ্রীযুক্ত শ্রীনিবাস বন্দ্যোপাধ্যায় মহাশয় রবিবাবুর রচনা ও আমাদের মন্তব্য সম্বন্ধে একটি সুদীর্ঘ প্রবন্ধের অবতারণা করিয়াছেন। প্রবন্ধটি দীর্ঘ হইলেও উহা বেশ চিত্তাকর্ষক হইয়াছে—কিন্তু ছর্ভাগ্যের বিষয়, উহার অধিকাংশ স্থলই ভ্রম-সঙ্কুল বলিয়া সাধারণ পাঠকের পক্ষে সম্পূর্ণ নিরাপদ নহে। তাই দুই চারিটি কথা বলিতে অগ্রসর হইলাম।

আমরা বলিয়াছিলাম—কোন শব্দের আদিতে সংযুক্ত বর্ণ থাকিলে এবং তাহার পূর্ববর্তী শব্দ একাক্ষর হইলে, সেই অক্ষরটি রবিবাবু গুরু ধরিয়া থাকেন, কিন্তু সেই শব্দটি একাধিক অক্ষরের হইলে তিনি তাহার শেষ বর্ণটিকে \* গুরু ধরেন না। সমালোচক মহাশয় এই নিয়মটি মানিয়া লইয়া বলেন—কবির এই পার্থক্য করিবার কোন প্রয়োজন ছিল না। কবি লিখিয়াছেন,—

কহিলাম আমি তুমি ভূমামী,  
ভূমির অন্ত নাই।

তিনি লিখিতে চান,—

কহিলাম আমি হৃদয়-স্বামী  
ব'মহ হৃদয়াননে।

কবি লিখিয়াছেন,—

স্বদেশের কাছে দাঁড়িয়ে প্রভাতে  
কহিলাম যোড় করে ;

সমালোচক লিখিতে চান,—

স্বদেশের কাছে দাঁড়িয়ে প্রাতে  
কহিলাম যোড় করে ;

অর্থাৎ চিহ্নিত অক্ষর গুলির গুরু উচ্চারণ ধরিয়া জিজ্ঞাসা করিয়াছেন, এই পরিবর্তিত ছত্রকয়টি কি


\* আমাদের লেখায় “আবশ্যক মত” এই শব্দদ্বয় ছিল, কিন্তু সমালোচক মহাশয় তাহার উল্লেখ করেন নাই। যাহা হউক, ইহার আলোচনা যথাস্থানে প্রদত্ত হইবে।

গণের সমক্ষে ঐ গ্রন্থ পাঠ করিতেছিলেন তখন কোন অদৃশ্যরূপী দেবতা ঐ গ্রন্থ কোথায় লইয়া গেলেন। তদনন্তর বুদ্ধ ঘোষ দ্বিতীয় বার বিস্বুদ্ধিমগ্গ গ্রন্থ বিরচন করেন। এবারেও উক্ত দেবতা ঐ গ্রন্থ লইয়া যান। যখন বুদ্ধ ঘোষ তৃতীয় বার বিস্বুদ্ধিমগ্গ গ্রন্থের রচনা শেষ করেন, তখন পূর্বোক্ত দেবতা অপর দুইখানি বিস্বুদ্ধিমগ্গ প্রত্যর্পণ করেন। স্থবিরগণ তখন তিন খানি গ্রন্থ যুগপৎ পাঠ করিয়া দেখেন উহাদের মধ্যে কোন পার্থক্য নাই। কোন শ্লোকে, বাক্যে বা পদে প্রভেদ না দেখিয়া স্থবিরগণ উচ্চৈঃস্বরে বলিয়া ছিলেন :—“স্বয়ং মৈত্রেশ-বুদ্ধ বুদ্ধঘোষরূপে অবতীর্ণ হইয়াছেন।” তদনন্তর স্থবিরগণের নিকট হইতে সিংহলী অংথকথা লইয়া তিনি অনুরোধপুরের গ্রন্থাকর বিহারে অবস্থান পূর্বক পালি অংথকথা বিরচন করেন। স্থবিরগণ এই অংথকথাকে ত্রিপিটকের শ্রায় প্রামাণিক গ্রন্থ বলিয়া মনে করেন। বুদ্ধ ঘোষের পালি অংথকথা ভারতের এক বিপুল জ্ঞান ভাণ্ডার। সাহিত্য, বিজ্ঞান, দর্শন, ইতিহাস ইত্যাদি সকল শাস্ত্র মন্বন করিয়া এই অংথকথা বিরচিত হইয়াছিল।

বুদ্ধ ঘোষের আবির্ভাব কাল সম্বন্ধে অনেক মতভেদ আছে। অধুনা সকল পণ্ডিতের সিদ্ধান্ত এই যে তিনি খৃষ্টীয় ৫ম শতাব্দীর প্রারম্ভে প্রাদুর্ভূত হইয়াছিলেন। বুদ্ধঘোষ সিংহলরাজ মহানামের সমসাময়িক স্মরণ্য ৪১০—৪৩২ খৃঃ অব্দে বিদ্যমান ছিলেন।

বুদ্ধ ঘোষের সিংহলী জীবন চরিত মহাবংশ গ্রন্থে বর্ণিত আছে। খৃষ্টীয় ৪১০—৪৩২ অব্দে মহানাম নামক কোন সিংহলী পণ্ডিত ঐ গ্রন্থ বিরচন করেন। মহাবংশই সিংহলের প্রাচীন ও প্রামাণিক ইতিহাস। উহা ১০০ একশত অধ্যায়ে বিভক্ত। প্রথম ৩৭ অধ্যায় মহানামের বিরচিত। বুদ্ধ ঘোষের জীবন চরিত ৩৭শ অধ্যায়ে লিপিবদ্ধ আছে। মহাবংশের রচয়িতা ও বুদ্ধঘোষ এক সময়ের লোক। অতএব মহাবংশ বর্ণিত বুদ্ধ ঘোষের জীবন চরিত অবিদ্বাস করিবার কোন হেতু নাই।

শ্রীসতীশচন্দ্র বিদ্যভূষণ ।



কুৎসিত শুনাইতেছে? আমরা বলি, হাঁ বড়ই খারাপ লাগিতেছে। ইহাতে ভাষার সরল সাধারণ স্বাভাবিক উচ্চারণ অনর্থক বিকৃত করা হইতেছে। কবিতা হইলেই যে ভাষার প্রকৃতির অনুসরণ না করিয়া কথায় কথায় ভিন্ন পথে চলিতে হইবে এমন কোন কথা নাই। কবি লিখিয়াছেন,—

ঘুমের দেশে | ভাঙিল ঘুম | উঠিল কল- স্বর, (১৭)  
গাছের সাথে জাগিল পাখী কুম্ভমে মধু- কর।  
উঠিল জাগি রাজাধিরাজ জাগিল রাণী- মাতা,  
কচালি অঁখি কুমার সাথে জাগিল রাজ- ভ্রাতা।

এখানেও সমালোচক মহাশয়ের মতে, রবিবাবুর “কলস্বর” ও “রাজভ্রাতা”র প্রত্যেকটিকেই চারি অক্ষর ধরা অন্টার হইয়াছে! তিনি সংশোধন করিয়া এইরূপ পাঠ দিয়াছেন—

ঘুমের দেশে ভাঙিল ঘুম উঠিল বলস্বর (১৮)  
গাছের সাথে জাগিল পাখী কুম্ভমে মধুপবর।  
উঠিল জাগি রাজাধিরাজ জাগিল রাণীর মাতা,  
কচালি অঁখি কুমার সাথে জাগিল রাজ-ভ্রাতা।

অর্থাৎ উর্দ্ধরেখ অক্ষরদ্বয়ের গুরু উচ্চারণ করিয়া প্রথম ও চতুর্থ ছত্রে এক একটি মাত্রা অধিক ধরিয়াছেন, এবং দ্বিতীয় ও তৃতীয় ছত্রে পরিবর্তিত ছন্দের অনুবোধে এক একটি অক্ষর অধিক বসাইয়া দিয়াছেন। এখানে আমাদের বক্তব্য, এইরূপ পরিবর্তনে রবিবাবুর ছন্দের ক্ষিপ্ৰ-গতি ছত্রশেষে প্রতিহত হইতেছে। ঠাঁহাদের ছন্দের কান আছে তাঁহারা কবিতাটি পড়িতে আরম্ভ করিলে সহজেই বুঝিতে পারিবেন যে পঞ্চম অক্ষরে কিঞ্চিৎ থামিয়া দশম অক্ষরে কিছু বেশি থামিতে হইবে; পঞ্চদশ অক্ষরেও সামান্য একটু বিরাম আছে। তবেই দেখা যাইতেছে যে, শেষের দুই অক্ষর বাদ দিলে তৎপূর্ক বর্তমান বোড়শ অক্ষরে অবধা নির্দিষ্ট হইয়া কবির বাঞ্ছিত ছন্দটি বড়ই লাঞ্ছিত হইতেছে। তবে, ইচ্ছা করিলে রবি বাবু ঐরূপ লিখিতে পারিতেন—কিন্তু সেরূপ ইচ্ছাই তাঁহার হয় নাই। হইলেও তাঁহার “কলস্বর” ঠিক থাকিত কি না সন্দেহ—কিন্তু ‘রাজ-ভ্রাতা’ যে ‘রাজার ভ্রাতা’ হইতেন তাহা নিশ্চিত।

অতঃপর সমালোচক মহাশয়, “কলধ্বনি,” “শুভগ্রহ,”

‘পুরদ্বার’ ইহাদিগের প্রত্যেকটিতেই নাকি রবি বাবু চারি অক্ষর ধরিয়াছেন, অথচ ‘অনুগ্রহ’ ‘পুরস্কার’ প্রভৃতি শব্দকে পাঁচ অক্ষর ধরিয়াছেন বলিয়া উল্লেখ করিয়াছেন। আর লিখিয়াছেন—রবি বাবুর মতে ‘প্রতিধ্বনি’ শব্দকে পাঁচ অক্ষর ধরা উচিত, কিন্তু ‘সমস্ত’ না থাকিয়া বাস্তবাবে ‘প্রতি ধ্বনি’ থাকিলে চারি অক্ষর ধরা তাঁহার অভি-মত। আমরা বলি, এ ঠিক কথাই বটে; এই দুই স্থলে উচ্চারণ ও অর্থ উভয়েরই পার্থক্য আছে। লেখক মহাশয়ের “কানে বা জ্ঞানে” এই দুই পার্থক্য ধরা পড়িল না কেন বলিতে পারি না। ‘কল ধ্বনি’ ‘শুভ গ্রহ’ ইত্যাদির চারি অক্ষর ধরা সম্ভব কি অসম্ভব তাহা ক্রমে বলিতেছি—আগে তাঁহার উদাহরণ গুলির একে একে অনুসরণ করা যাক—

“কে বলিতে চায় মোরা নাই বীর  
প্রমাণ যে তার রয়েছে গভীর,  
পূর্বপুরুষ ছুঁড়িতেন তীর  
সাম্পী বেদব্যাস।”

এখানে লেখক মহাশয় ‘বেদব্যাস’ শব্দের ‘দ’এর গুরু উচ্চারণ সম্বন্ধে কবির কোন দোষ নাই স্বীকার করিয়াছেন, কিন্তু ‘মুনি ব্যাস’ লিখিলে রবি বাবু ‘নি’র গুরু উচ্চারণ ধরিতেন না বলিয়া আক্ষেপ করিয়াছেন। লেখকের মতে, এইরূপ বিশেষ বিশেষ শব্দের প্রতি কবির পক্ষপাত (!) রাশি রাশি দৃষ্ট হয়। যথা,—

হ হ করে’ বায়ু ফেলিছে সতত  
দীর্ঘ শ্বাস!  
অন্ধ আবেগে করে গর্জন  
জলোচ্ছাস।

এখানে ‘জলোচ্ছাস’ পাঁচ মাত্রা হইল, অথচ নিম্নের উদাহরণে তুল্যাবস্থ সন্ধিসমাসবদ্ধ ‘মনোব্যাকুলতা’ শব্দকে সাত মাত্রা না ধরিয়া কবি কেন ছয় অক্ষর ধরিলেন!—

শুধু একটি মুখের এক নিমিষের  
একটি মুখের কথা  
তারি তরে বহি চির জীবনের  
চির মনোব্যাকুলতা।

এই সমস্ত দেখিয়া শুনিয়া শ্রীনিবাস বাবুর মনে হই-

যাছে (ক) “সংযুক্ত বর্ণের পূর্কে ‘রাজভ্রাতা’ ‘মনো-দ্বার’\* প্রভৃতি শব্দের ত্রায় একাধিক অক্ষর বিশিষ্ট ভিন্ন শব্দ থাকিলে এবং উভয় শব্দের মধ্যে সন্ধি সমাস থাকিলে ঐ সংযুক্ত বর্ণের পূর্ক বর্ণকে আবশ্যিকমত দীর্ঘ ধরা যাইতে পারে। যেখানে সন্ধি না হইয়া কেবল সমাস হইয়াছে সেখানেও দীর্ঘ ধরা যাইতে পারে।”

আমাদের মন্তব্যঃ—ঐরূপ সংযুক্ত বর্ণের পূর্কবর্ণকে ‘আবশ্যিক মত’ দীর্ঘ ধরা যাইতে পারে বটে, কিন্তু তাহা সম্পূর্ণ ভিন্ন কারণে ধরা যায়,—তাহা সন্ধি, কিংবা সমাস, কিংবা উভয় হইলেই হয় না। ভাষার উচ্চারণের প্রকৃ-তিই তাহার কারণ। বাঙ্গালায় অনেক শব্দ সংস্কৃত নিয়মে বর্ণবিন্যস্ত হয়, কিন্তু উচ্চারণ সর্বত্র তাহার অনু-গামী হয় না; সন্ধি সমাসগ্রস্ত হইলেও নয়। রবি বাবু ‘মনোব্যথা’ ‘মনোব্যাকুলতা’ ‘মনোদ্বার’ ‘রাজ-ভ্রাতা’ ইত্যাদির ব্যবহার কালে বাঙ্গলা চলিত উচ্চারণের প্রতিই লক্ষ্য করিয়া থাকিবেন। এখানে একটি কথা বলা বোধ হয় অসম্ভব হইবে না যে, ‘মনোব্যথা’ শব্দ ‘মন ব্যথা’ লিখিলেও চলিত, কারণ বাঙ্গলায় ‘সমস্ত’ ভাবে ‘মন’ শব্দ প্রায়শ হসন্ত উচ্চারিত হয় না। ‘মন’ শব্দের হসন্ত উচ্চারণ ঠেঁকাইবার জন্যই ‘মনোব্যাকুলতা’ শব্দ সংস্কৃত আকারে ব্যবহৃত হইয়াছে। ‘মনসাধ’ শব্দটি দেখুন—ইহাতে ‘সমস্ত’ শব্দ? তবে সংস্কৃত আকারে ‘মনসাধ’ লিখি না কেন? কারণ উহার উচ্চারণ বাঙ্গলায় ওরূপ নয়। বোধ করি ইহার উচ্চারণ অনুসরণ করিতে গিয়া হঠাৎ রবিবাবুও একবার “মনোসাধে” বাঁশী বাজাইয়া ছিলেন, আর কোন কোন প্রতিবাদীর ‘ব্যাকরণ’ কাঁদিয়া উঠিয়াছিল!

এইরূপ, ‘জলোচ্ছাস’ শব্দে পাঁচ অক্ষর ধরিবার আব-শ্যিকতা শ্রীনিবাস বাবুর নিয়মের সন্ধি সমাস জনিত নহে, পরন্তু কবির নিয়মের উচ্চারণ বশত। ‘উচ্ছাস’ শব্দটি একক যদি কবির নিয়মে চারি মাত্রার কম না হয়, তবে জল+উচ্ছাস সন্ধি হইয়া কখনই চারি মাত্রা হইতে পারে

\* সমালোচক মহাশয় উদাহরণ দেন নাই—আমরা একটি দিলাম।  
ধরিয়া মনোদ্বার প্রেমের কায়াগ্যার  
রচেছি আপনার মরমে।  
—মানসী (গুণপ্রেম)।

না—সুতরাং ইহাকে ‘আবশ্যিক মত’ দীর্ঘ হসন্ত উচ্চারণ করা যায় না। উহার উচ্চারণ সর্বদাই দীর্ঘ ধরিতে হইবে। লেখক আরও বলেন, “রবি বাবুর লেখা দেখিয়া বোধ হয় যে পূর্কপদ একাধিক হইলেই তিনি কেবল দীর্ঘ ধরিতে ইচ্ছুক, অন্যত্র নহে।” এখানেও পূর্কবৎ ‘উচ্চারণ জনিত আবশ্যিকতা বোধ হইলে’ বুঝিতে হইবে।

শ্রীনিবাসবাবুর উক্তিঃ—“যদি পূর্কপদ পরপদের সহিত রক্তে মাংসে মিলিত হইয়া একটি অবিচ্ছিন্ন অভি-ধানলভ্য নূতন পদের সৃষ্টি করে (যেমন বেদব্যাস, প্রতিধ্বনি, অনুগ্রহ, পুরদ্বার \* প্রভৃতি শব্দ) তাহা হইলে তিনি [রবি বাবু] সংযুক্ত বর্ণের পূর্ক বর্ণকে দীর্ঘ ধরিতে রাজী আছেন; কিন্তু ‘মুনি ব্যাস’ ‘প্রতি ধ্বনি’ ‘শুভ গ্রহ’ ‘মনো দ্বার’ প্রভৃতি স্থলে রাজী নন।” ইহা পড়িয়া বোধ হয় যে, আমাদের প্রদর্শিত নিয়মটিই টানিয়া বুনিয়া ফেনা-ইয়া ঘনাইয়া বলিতে বলিতে লেখক রবিবাবুর নিয়ম অনেকটা ঠিক ধরিতে পারিয়াছেন। কিন্তু তিনি—“এরূপ পক্ষপাতের (!) পক্ষপাতী” নহেন! হায়, এইখানেই যত গোলযোগ!

শ্রীনিবাস বাবু আরও বলেন যে রবিবাবু নাকি অজ্ঞাতসারে তাঁহার প্রস্তাবিত প্রসারিত নিয়মের অনু-সরণ করিয়া পরবর্তী উদাহরণে “কাণ্ডজ্ঞান” শব্দের “ণ্ড” কে দীর্ঘ ধরিয়াছেনঃ—

অনেক মুখে করে দান ধ্যান,  
কার আছে হেন কাণ্ডজ্ঞান!

[ ভারতী। ১৩০৫ লক্ষ্মীর পরীক্ষা। ১৭৪ পৃ।

পাঠক দেখিবেন, এখানেও রবিবাবু প্রচলিত উচ্চারণ-কেই আমল দিয়াছেন; “দান ধ্যানের” হসন্তাতেই তাহার স্পষ্ট প্রমাণ পাওয়া যাইতেছে—সমাস জনিত প্রয়োজন বশত অজ্ঞাতসারে তাঁহার “কাণ্ডজ্ঞান” গুরু হয় নাই, উহা প্রকৃতই গুরু।

(খ) “যেখানে সন্ধি বা সমাস কিছুই হয় নাই, সেখানে-ও আবশ্যিক মত দীর্ঘ ধরা যাইতে পারে” শ্রীনিবাস বাবু

\* শ্রীনিবাস বাবু এক স্থানে “পুরদ্বার” শব্দকে রবিবাবু চারি অক্ষর ধরিয়াছেন বলিয়াছেন [ সাহিত্য পৃঃ ৭০১, পং ১১ ]

তাহার এই মত সমর্থনের জন্ত “ছন্দোভঙ্গদোষস্পর্শরহিত”  
স্বরচিত একটি কবিতার নমুনা দিয়াছেন, যথা—

জোছনার মত স্বচ্ছ নীতল  
হৃদয় কি শোভা ধরে,  
হাসি হাসি মুখে অমিয় উৎস  
ঝরে তাহার স্বরে।

এবং যদি কেহ বুঝিতে না পারেন এই জন্য বলিয়া  
দিয়াছেন—“এখানে তাহার শব্দের ‘র’ কে দীর্ঘ ধরা  
হইল!” আগরা ইহার কি টীকা করিব? তবে অনুমান  
করি, শ্রীনিবাসবাবুর উপদেশ অনুসারে “ঝরে তাহার  
স্বরে” পাঠ করিলে কবিতাটির অমিয় উৎস উপভোগে  
পাঠকের মুখ হাসি হাসি হইয়া উঠিবে। আমাদের মতে,  
যেখানে সন্ধি সমাস কিছুই হয় নাই সেখানেও উচ্চারণের  
খাতিরে দীর্ঘ ধরিবার আবশ্যিকতা হইতে পারে, খাম-  
খেয়ালি বশত নহে।

রবি বাবু লিখিয়াছেন,—

বিভ্রভাবে নাড়িব শির  
অসংশয়ে করি শির  
মোদের বড় এ পৃথিবীর  
কেহই নহে আর। [মানসী, ১২০ পৃঃ]

এখানে “করি” শব্দের “রি” গুরু। এই উপলক্ষে  
লেখক বলেন—“কবিও অন্ততঃ একবার অজ্ঞাতসারে  
বোধ হয়, ভাষার সহজ প্রকৃতির প্রভাব অতিক্রম করিতে  
না পারিয়া এরূপ স্থলে দীর্ঘ ধরিয়াছেন।”

আমরাও বলি, ভাষার “উচ্চারণের” সহজ প্রকৃতির  
প্রভাবই রবি বাবুর রচনায় সর্বত্র পরিলক্ষিত হয় কোথায়ও  
তিনি তাহার অতিক্রম করিতে অগ্রসর হন নাই; এবং  
এখানে যে “রি” গুরু ধরিয়াছেন তাহাও নিতান্ত  
‘অজ্ঞাতসারে’ করিয়াছেন বলিয়া বোধ হয় না। আর  
একটি দৃষ্টান্ত দেওয়া যাক :—

পথিক, তোমার দলে  
যাত্রী ক’জন চলে?

গণি তাহা ভাই শেষ নাহি পাই  
চলেছে জলে হলে।

[ভারতী, বৈঃ, ১৩০৮]

এখানে “জলে” র “লে” গুরু। কে ইহাকে লঘু করিয়া  
পাঠ করিতে পারে? কতকগুলি শব্দ আছে (যেমন  
ক্ষুণ্ণি, স্পষ্ট, স্থল ইত্যাদি) তাহাদের উচ্চারণ করিতে  
হইলে পূর্ন পদের স্বরান্ত বর্ণ কিছুতেই হ্রস্ব উচ্চারিত  
হইতে পারে না। ব্যস্তভাবে উচ্চারণ করাও একটু কঠিন।  
এই জন্তই ইংরাজি ‘স্কুল’ বাঙ্গালা ‘ইস্কুল’ হইয়া পড়িতেছে।

লেখক উক্ত উভয় নিয়ম সম্বন্ধে আরও দুইটি কথা  
বলিয়াছেন, তাহারও আলোচনা আবশ্যিক। শ্রীনিবাস  
বাবু বলেন “উপরি লিখিত যে যে স্থলে সংযুক্ত বর্ণের  
পূর্নবর্ণকে ‘আবশ্যিক মত’ দীর্ঘ ধরিবার ব্যবস্থা হইয়াছে, এ  
সকল স্থলে সর্বদাই দীর্ঘ ধরিতে হইবে এমন কোনও কথা  
নাই। অর্থাৎ কোন কবি ইচ্ছা করিলে রবি বাবুর মত হ্রস্বও  
ধরিতে পারেন, কেহ বা ইচ্ছা করিলে দীর্ঘও ধরিতে  
পারেন।”

আমাদের মন্তব্য :—কোন কবির ইচ্ছার উপর অপর  
কাহারও হাত নাই। “ঝরে তাহার স্বরে”র গুরুত্বই  
তাহার প্রমাণ হাতের কাছেই আছে। তবে উপযুক্ত  
সমজ্ঞদার পাওয়াই মুস্কিল!

বাহা হউক, শ্রীনিবাস বাবু শেষের কথাটি অনেকটা  
ঠিক বলিয়াছেন,—“যে স্থলে ঐ সংযুক্ত বর্ণের অব্যবহিত  
পূর্বেই যতি পড়িবে, সে স্থলে তাহার পূর্ন বর্ণকে দীর্ঘ  
ধরা কদাপি সঙ্গত নহে। যথা—

চমকি মুখ হুহাতে ঢাকে সরমে টুটে মন,  
লজ্জাহীন প্রদীপ কেন নিভেনি সেই ক্ষণ।

এ স্থলে প্রদীপ শব্দের পূর্নবর্তী ‘ন’ অক্ষরটিকে দীর্ঘ  
ধরিতে কেহই পরামর্শ দিবেন না।”

আমাদের মন্তব্য :—আমরা “যতি”কে সর্বদা ততটা  
প্রাধান্য দিই না যতটা ‘উচ্চারণ’কে দিয়া থাকি। আর  
যতিও অনেক সময়ে উচ্চারণ ও অর্থ-সৌকর্য্যার্থেই পতিত  
হয়। ঐ ছত্র দুইটি যদি কেহ অজ্ঞতা বশত এইরূপ  
পাঠ করে, যথা—

চমকি | মুখ হুহাতে | ঢাকে সরমে | টুটে মন,  
লজ্জা | হীন প্রদীপ | কেন নিভে নি | সেই ক্ষণ।

তাহা হইলেও রবি বাবুর নিয়মে “হীন” শব্দের ‘ন’  
গুরু হইত না। আরও একটি উদাহরণ দেখুন,—

তার পরে কতু উঠিয়াছে মেঘ,  
কখনো রবি,  
কখনো ক্ষুণ্ণ মাগর, কখনো  
শান্ত ছবি।

[সোনার তরী। নিরুদ্দেশ যাত্রা]

এখানে ‘ক্ষুণ্ণ’ শব্দের আগে কি যতি পড়িয়াছে?  
নিশ্চিতই পড়ে নাই। তবে তৎপূর্নবর্তী “নো”র উচ্চা-  
রণ লঘু ধরা কি অস্বাভাবিক হইয়াছে?

এই জন্তই লেখকের নিয়ম অনুসারে তাহার রচিত  
নিয়মলিখিত পদের সমাসবন্ধ “অধীশ্বরী”র “ধী”কে হ্রস্ব  
ধরা সঙ্গত হয় নাই, সুতরাং ছন্দোভঙ্গ হইয়াছে :—

কোথা সে পাষণী কোথায় এখন  
মম হৃদি অধীশ্বরী যেই জন।

আমরা উহাকে এইরূপ লিখিতাম :—

কোথা সে পাষণী কোথায় এখন  
এ হৃদি অধীশ্বরী যেই জন।

মাত্রামিত কবিতায় যতিপতনের কার্যকারিতা  
মোটাই নাই একথা বলিতে পারি না। যেমন,—

যূমের দেশে ভাঙিল যম উঠিল কল স্বর,

এখানে “কল” শব্দের “ল” কতকটা যতিপতনে এবং  
কতকটা উচ্চারণ বশেই লঘু হইয়াছে। এইরূপ “রাজ-  
ভ্রাতা” শব্দের “জ” লঘু :—

কচালি অ’থি কুমার সাথে জাগিল রাজ-ভ্রাতা।

অগচ শ্রীনিবাস বাবু প্রবন্ধান্তে “কল স্বর” ও “রাজ-  
ভ্রাতা”র গুরু উচ্চারণ করিয়া ভ্রমে পতিত এবং কবির  
‘একদেশদর্শিতা’ (!) দেখিয়া ক্ষুণ্ণ হইয়াছিলেন!  
আরও বক্তব্য, এখানে “কল” শব্দের অকারান্ত উচ্চারণ  
এবং “রাজ” শব্দের হ্রস্ব উচ্চারণ ধরিয়া পাঠ করা  
কর্তব্য।

আমরা এতক্ষণ দেখাইলাম যে, পাকা পাকি নিয়মে  
গুরু লঘু না ধরিয়া ইচ্ছামত ধরিলে অনেক পাঠককে  
অনেক সময়ে এইরূপে বিভ্রান্ত হইতে হয়। আমাদের  
কবির ছন্দ উচ্ছৃঙ্খল নয়, নিয়মও সহজ উচ্চারণরূপ ভিত্তির  
উপরই স্থাপিত। তিনি খেয়াল বশত কোন স্থলেই  
গুরুলঘু উচ্চারণ ধরেন নাই। তথাপি ছঃখের বিষয়,  
লেখক মহাশয়ের মত নিপুণ পাঠকও পদে পদে স্থলিত

হইয়াছেন। আমরা একে একে তাহার ভ্রম নিরাকরণের  
চেষ্টা করিতেছি।

লেখক বলেন, (১) “কবি ‘ঙ্গ’ বর্ণের পূর্নবর্ণকে  
কখন বা হ্রস্ব, কখন বা দীর্ঘ ধরিয়াছেন। হ্রস্ব, যথা—

নয়ন যদি মুদিয়া থাক,  
সে ভুল কতু ভাঙ্গিবে নাক। [মানসী, ১২০ পৃঃ]

দীর্ঘ, যথা—

নীরবে দেখাও অঙ্গুলি তুলি,  
অকল সিদ্ধ উঠিছে আকুলি। [সোনার তরী, পৃ ২০৬]

কখনো ধীরে ধীরে ভেসে যায়,  
কখনো মিশে যায় ভাঙ্গিয়া। [মানসী পৃ, ১৩৭]

আমাদের মন্তব্য :—উপরের উদাহরণে “ভাঙ্গিয়া”  
শব্দ দুই স্থানেই হ্রস্ব। প্রথম উদাহরণে হ্রস্ব, আর দ্বিতীয়  
উদাহরণে দীর্ঘ নয়। কোন কোন অঞ্চলে ‘ভাঙ্গিয়া’ শব্দ  
উচ্চারণে “ভাঙি গয়া” যায়। সুতরাং কবির সতর্ক হইয়া  
বর্ণবিভ্রাস করা উচিত ছিল! কিন্তু শ্রীনিবাস বাবু  
আশ্বস্ত হউন, আজ কাল এসম্বন্ধে কবি বেশ সজাগ—  
গত্বেও তিনি এখন “ভাঙা বাংলা” লিখিতেছেন। কিন্তু  
হায়, তাহাতেও দেখিতেছি কবির নিস্তার নাই! লেখক  
বলিতেছেন :—

(২) “সাধারণতঃ তিনি ‘ও’ (ঙ?) এর পূর্নবর্তী  
বর্ণকে হ্রস্ব ধরিয়া থাকেন। কিন্তু প্রয়োজনানুসারে  
দীর্ঘও ধরিয়া থাকেন; যথা—মানসী, ১৩৭ পৃ—

কখনো ঘন নীল বিজুলি ঝিলমিল  
কখনো উষারাগে রাঙিয়া।”

আমাদের অধিক টীকা অনাবশ্যিক। তিনি “রাঙিয়া”  
লিখিলেও “রাঙি গয়া” বা “রাঙি গয়া” কেন পড়িলেন তাহার  
কারণ ঠিক পাওয়া গিয়াছে। তিনি যে একটু আগেই  
পড়িয়াছেন—

কখনো ধীরে ধীরে ভেসে যায়  
কখনো মিশে যায় “ভাঙি গয়া”;

সুতরাং, কখনো ঘন নীল বিজুলি ঝিলমিল  
কখনো উষারাগে “রাঙি গয়া”!

না পড়িলে মেলে কৈ!

(৩) শ্রীনিবাস বাবু বলেন—‘ঙ্গ’ বর্ণের পূর্নবর্ণকে

কবি কখন হ্রস্ব কখনবা দীর্ঘ ধরিয়াছেন। হ্রস্ব, যথা—

ম্যাট্‌সিনি-লীলা এমন সরেস,  
এরা সেকথার না জানিল লেশ,  
হায় অশিক্ষিত অভাগা স্বদেশ  
লজ্জায় মুখ ঢাকো। [মানসী, ১২৬ পৃ]

আমাদের মন্তব্য :—এই উদাহরণে ‘অশিক্ষিত’ শব্দ হ্রস্ব উচ্চারণে “অশিখিত” হয়—শ্রীনিবাস বাবু কি ঐরূপ পড়েন? আমরা বলি কবি এখানেও নিজের নিয়ম অক্ষুণ্ণ রাখিয়াছেন। ‘অশিক্ষিত’ শব্দের ‘শি’ গুরু ধরিয়া এইরূপ পড়ুন :—

হা(য়) অশিক্ষিত অভাগা স্বদেশ  
লজ্জায় মুখ ঢাকো।

ভরসা করি এখন গণনায় মিলিয়াছে। এইরূপ দুই একটি উপেক্ষণীয় অনূচ্চাৰ্য্য অক্ষর ত্র্যাকেট কণ্টকিত\* করিয়া না লিখিলে পদ্য অশুদ্ধ হয় না। “য়” টা ছাপা-খানার ভুলের কাণ্ডও ত হইতে পারে।

(৪) সমালোচক বলেন,—“ঔকারকে নিম্নলিখিত স্থলে কবি হ্রস্ব করিয়াছেন; যথা—

দূর হোক এ বিড়ম্বনা,  
বিদ্রপের ভাণ  
সবারে চাহে বেদনা দিতে  
বেদনা ভরা প্রাণ। [মানসী, ১১৩ পৃ]

জগৎ ছানিয়ে কি দিব আনিয়ে  
জীবন যৌবন করি ক্ষয়। [মানসী, ১৭১ পৃ]

আমাদের মন্তব্য :—“ঔ”কার লঘু উচ্চারিত কোথায়ও হয় নাই, এখানেও নহে। এখানেও ত্র্যাকেট খাটাইয়া পাঠ করুন,—

দূর হোক [এ] বিড়ম্বনা।

অথবা, ওকার স্থলে ছাপার ভুলে ঔকার হইয়াছে উহার সংশোধিত পাঠ এইরূপ হইবে; যথা—

দূর হোক এ বিড়ম্বনা।

\* শ্রীনিবাস বাবু তাঁর প্রবন্ধের এক স্থলে তাঁহার স্বরচিত একটি ছন্দে “ও” কে ত্র্যাকেট বন্ধ করিয়া উহা যে অনূচ্চাৰ্য্য তাহা বুঝাইয়া দিয়াছেন,—“উচিত হয় মিঠাই এনে খাইতে দে[ও]য়া ভাই।”

দ্বিতীয় উদাহরণে “যৌবন” দীর্ঘ রাখিয়া “জীবন” একটু খাটো করিয়া লইতে হইবে; যথা—

জীব[ন]-যৌবন করি ক্ষয়।

(৫) লেখক বলেন—“কবি সাধারণতঃ এক শব্দের অন্তর্গত সংযুক্ত বর্ণের পূর্ববর্ণকে দীর্ঘ ধরিয়াছেন, কিন্তু নিম্নোক্ত স্থলে হ্রস্ব ধরিয়াছেন” :—[ আমরা দৃষ্টান্তগুলির ক্রমে উল্লেখ করিয়া আমাদের নিজের মীমাংসা প্রত্যেকটির নীচে দিলাম। ]

“ওই কারা ব’সে আছে দূরে  
কল্পনা উদয়াচল পুরে। [মানসী, ১৪৫ পৃ]

লেখকের মতে “কল্পনা” শব্দের “ক” হ্রস্ব। আমরা তাহা বলি না, কারণ এটি মাত্রাবৃত্ত কবিতা নয়—সুতরাং “কল্পনা” তিন অক্ষর ধারায় দোষ নাই; উচ্চারণ ঠিক গুরুই আছে।

“হেথা কেন দাঁড়ায়েছ কবি  
যেন কাষ্ঠপুতল ছবি। [মানসী, ১৪১ পৃ]

লেখক বলেন, “কাষ্ঠ” দুই অক্ষর। উত্তর এটা মাত্রামিত কবিতা, সুতরাং “কাষ্ঠ” তিন মাত্রা। তবে “পুতল” শব্দে ছাপার ভুল ছিল, আমরা উহার সংশোধিত পাঠ “পুতল”ই লিখিলাম। পদ্যে “পুতল” লিখিলে দোষ হইবে কি?

“রাজার ছেলে ফিরেছি দেশে দেশে,  
সাত সমুদ্র তের নদী পার,  
যেখানে যত মধুর ছবি আছে  
বাকী ত কিছু রাখি নি দেখিবার।

[সোনার তরী, ১৫ পৃ]

শ্রীনিবাস বাবু বলেন, “এখানে সমুদ্র শব্দকে তিন অক্ষর ধরা হইয়াছে।” আমরা বলি চারি অক্ষর। বিশ্বাস না হয়, চতুর্থ ছত্রের অক্ষরসংখ্যার সহিত মিলাইয়া দেখিবেন, দ্বিতীয় ছত্রেও বারো মাত্রা হয় কি না। আর চতুর্থ ছত্রই বা বলি কেন, সকল ছত্রই একরূপ।

‘দেখ হেথা নূতন জগৎ,  
ওই কারা আত্মহারাৎ।  
যশ অপযশ বাণী—কেহ কিছু নাহি মানি,  
রচিছে সুদূর ভবিষ্যৎ। [মানসী, ১৪৪ পৃ]

লেখক বলেন, এখানে “দ্বিতীয় ও চতুর্থ ছত্রের সংযুক্ত বর্ণের পূর্ববর্ণকে হ্রস্ব ধরা হইয়াছে।” আমরা “আত্মহারাৎ” লঘু উচ্চারণ কখন ধরি না, আর “ভবিষ্যৎ”ও আমাদের মতে সর্বদাই দীর্ঘ। এ কবিতাটি মাত্রামিত নহে, বর্ণবৃত্ত; সুতরাং নূতন নিয়মের সম্পূর্ণ অনুমোদিত।

(৬) সমালোচক বলেন,—“সাধারণতঃ কবি অনুস্বারের পূর্ববর্ণকে, দীর্ঘ ধরিয়াছেন, কিন্তু নিম্নলিখিত স্থলে হ্রস্ব ধরিয়াছেন :—

ইতিহাস নাহি করিল পরশ,  
ওয়াশিংটনের জন্ম বরষ  
মুখস্থ হল নাক। [মানসী, ১২৬ পৃ]

আমাদের বক্তব্য :—কবি সর্বত্রই সানুস্বার বর্ণ গুরু ধরিয়াছেন, এখানেও তাহার ব্যতিক্রম করেন নাই। আর একবার বন্ধনী দিয়া পাঠের সন্ধান লওয়া যাক :—

“ওয়াশিংটনে[র] জন্ম বরষ

মুখস্থ হল নাক।

শ্রীনিবাস বাবু এই ছয় দফায়, কবির নিজ-নিয়মের নিজেই অপব্যবহার করিয়াছেন বলিয়া যে সকল দৃষ্টান্ত উদ্ধৃত করিয়াছেন, আমরাও দফায় দফায় তাহার ব্যাখ্যা করিলাম, এখন পাঠকই বিচার করুন কোন্ ব্যাখ্যা সমীচীন। ফলতঃ রবি বাবু আপনার ছন্দের শৃঙ্খলাকে শৃঙ্খল করিয়া পায়ে জড়াইয়া বসেন নাই; তিনি ছন্দের নূপুর কবিতার চরণে পরাইয়া তাহাকে শিঞ্জামুখরিত করিয়া তুলিয়াছেন। আমরা পুনর্বার বলি, কবি ছন্দো-বিষয়ে শ্রীনিবাস বাবুর ব্যাখ্যামত অতটা উচ্ছৃঙ্খল নহেন। আজ কাল রবি বাবুর ভক্ত শিষ্য অনেক আছেন, তাহা বোধ করি কবিরও অজ্ঞাত নাই। কিন্তু যদি কেহ তাঁহার অল্প অনুকরণকারী হইয়া থাকেন, তবে সে দোষ কাহার?

অতঃপর আমাদের নিজের পক্ষ। আমরা শ্রীযুক্ত দীনেশ বাবুর উদ্ধৃত তুলসীদাসের একটি কবিতা সংস্কৃত ছন্দের অনুকরণে লিখিত অথচ উহাতে সংস্কৃতের হ্রস্ব দীর্ঘ উচ্চারণ সর্বত্র রক্ষিত হয় নাই কেন, ইহার কারণ সজ্জপে বিবৃত করিয়াছিলাম। দীনেশ বাবু বলিয়াছিলেন যে, “কোন কবিই সংস্কৃত ছন্দগুলি প্রাদেশিক

ভাষায় আনিতে যাইয়া সংস্কৃত হ্রস্ব দীর্ঘ স্বরের নিয়ম উৎকৃষ্টভাবে রক্ষা করিতে পারেন নাই।” আমরা বলিয়াছিলাম—“ইহা অনেকাংশে ঠিক হইলেও (কি না, সর্বাংশে ঠিক না হইলেও—অর্থাৎ, কোন কবিই পারেন নাই এ কথা ঠিক না হইলেও—চাই কি, কেহ কেহ পারিয়া থাকিলেও) বোধ হয় যে কবিরা সেরূপ চেষ্টা করেন নাই, অথবা ইচ্ছা করিয়াই ঈষৎ স্থলিত হইয়াছেন।” আমাদের এই কথার উদ্দেশ্য ইহাই ছিল যে, বাঁহাদিগকে পারেন নাই বলা হইল, তাঁহাদিগের সক্ষমতা ছিল না একরূপ বলাটা অসঙ্গত। যেখানে স্থলিত-পদ হইয়াছেন সেখানে ইচ্ছাপূর্বকই হইয়াছেন বোধ হয়। ইহার প্রমাণ আমরা আলোচ্য প্রবন্ধেই কথঞ্চিৎ প্রদান করিয়াছি। সেই সংস্কৃত পণ্ডিত কবিদের কেহ কেহ হয় ত বুঝিয়াছিলেন যে প্রাদেশিক ভাষায় (অন্তত বাঙলায়) সংস্কৃত ছন্দে কাব্য লেখা পণ্ডিত, তাই অনেকেই মাঝে মাঝে দুটি একটি ক্ষুদ্র পদ্য তোটক, ভুজঙ্গ-প্রয়াত, গজগতি ইত্যাদি ছন্দে লিখিয়া গিয়াছেন।\* এখনও কোন কোন পত্রিকায় কখন কখন সংস্কৃত ছন্দের গুরু লঘু নিয়মে বাঙলা পদ্য প্রকাশিত হইতে দেখা যায়, কিন্তু সে গুলি সংস্কৃত ও বাঙলা উচ্চারণের খিচুড়ী-বিশেষ। চেষ্টা করিলেই সংস্কৃত নিয়মে বাঙলা লেখা যাইতে পারে, কিন্তু সংস্কৃত ও প্রচলিত বাঙলা উচ্চারণের সর্বত্র সামঞ্জস্য নাই বলিয়া কবিও তখন

“ভুজঙ্গ প্রয়াতে কহে ভারতী দে”

\* বর্তমান লেখকের পঠদশায় কলিকাতায় তাঁহার এক মতীর্ষ একখানি সংস্কৃত ছন্দে বাঙলা কাব্য-গ্রন্থ দেখাইয়াছিলেন—কিন্তু এহু ও গ্রন্থকার উভয়ের নামই এক্ষণে ভুলিয়া গিয়াছে। মাত্র একছত্র মনে পাড়িতেছে—

“তোমার ভাগো ঘটিবে জয়শ্রী।” (ইন্দুবজ্রা)

“বঙ্গভাষা ও সাহিত্যে” শ্রীযুক্ত দীনেশ বাবু বলেন—“মাইকেলের সমসাময়িক কবি বলদেব পালিত রচিত ‘ভূঁইরি’ কাব্যে এই চেষ্টার পূর্ণ বিকাশ দৃষ্ট হয়। যথা—

বংশস্থবিল—

তথায় ভীমাসিত বর্ষভূষিত  
প্রচণ্ড আভাময় চক্র মস্তকে।  
সবিদ্যুতাপ্তি প্রলয়োন্মুখাভবৎ  
কৃপাণপাণি প্রহরী ব্রজে ভূমে।”

কিন্তু পালিত কবিরও ছন্দপতন হইয়াছে। চতুর্থ চরণের “ভু” হ্রস্ব হওয়া উচিত ছিল।

নতুবা উহা সংস্কৃত ছন্দ কি বাঙলা ছন্দ তাহা জানিবার সহজ উপায় নাই। যাহারা এইরূপ সংস্কৃত ছন্দে লিখিতে ইচ্ছুক তাঁহারা যেন অল্পগ্রহ পূর্বক অন্তত “সংস্কৃত নিয়মে” এই কথাটুকু গোড়াতেই বলিয়া দেন, তাহা হইলে আর পাঠকের অপ্রস্তুত হইবার আশঙ্কা নাই। কারণ, সংস্কৃত উচ্চারণের যে বাঁধাবাধি নিয়ম আছে, পাঠক সেই নিয়ম অনুসারে পদ্য পাঠ করিতে আরম্ভ করিবেন; বাঙলা সহজ সাধারণ উচ্চারণকে তখন কিছুকালের জন্ত বিদায় দিলেই হইল! নিম্ন লিখিত শ্লোকটি সংস্কৃত নিয়মে লেখা এক কথা বলিয়া না দিলে হঠাৎ কে ইহাকে “দ্রুতবিলম্বিত” ছন্দে পাঠ করিবেন?—

অতি অনন্তপরায়ণ এ হিয়া!  
রুদ্রদনিহিতে অগ্নি! অতুখা  
যদি মনে করলো মদিরেক্ষণে!  
মদন বাণ হতে বধিবে তবে।

অথবা লেখক-উদ্ধৃত কবিতা লওয়া যাক :—  
“বাসবদত্তায়”—

বরিব নী ইহ মরৈ কহি নহি ধনি করে।  
নৃপবরে করপুটে, স্তুতি করে দ্রুত উঠে।

ইহা ‘গজগতি’ ছন্দে রচিত, কিংবা শুধু “সংস্কৃত নিয়মে লিখিত” এইরূপ কিছু পূর্বপরিচয় বা ইঙ্গিত না পাইলে কে চিহ্নিত বর্ণগুলির গুরু উচ্চারণ ধরিয়া পাঠ করিতে অগ্রসর হইবে?—“সম্ভাবশতকে”—

ধৃঞ্জ শ্রীনিবাস বিজ্ঞ।

কি মুখ মধুপূর্ণ তর চিত্রসরসিজ।

সুখময় তব তরু কোটর।

সুধাময় তব তিলক কল-নিকর।

ইহা যে সংস্কৃত ‘আর্য্য’ ছন্দে রচিত তাহা টিকিটুমারী না থাকিলে কে হঠাৎ প্রথম ছত্রে বারো মাত্রা ধরিয়া পাঠ করিবে? উহা বাঙলায় আটমাত্রার বেশী ধরিলে নিতান্তই শ্রুতিকটু হয়। দ্বিতীয় ছত্রটার আপত্তি উঠিবে না, কারণ উহা বাঙলা উচ্চারণের সঙ্গে মিলে, কিন্তু তৃতীয় ছত্রে আবার “কোটরে” গিয়া ঠেকিবে!

আমরা বলিয়াছিলাম—“বাঙলা ছন্দে দীর্ঘস্বরের সমস্তই গুরু উচ্চারণ করিলে নিতান্ত শ্রুতিকটু হয়।” লেখক ইহাতে আপত্তি তুলিয়া দৃষ্টান্ত স্বরূপ নিম্নলিখিত

ছটি একটি পদ্যাংশ উদ্ধৃত করিয়া বলিয়াছেন যে এগুলি শ্রুতিমধুর এবং রবি বাবুর নিয়মে লিখিলে ইহাদের সৌন্দর্য্য থাকিত না। যথা,—

[১] বাসবদত্তা—শীতল ধরনীতল জলপাতে

ছাড়িল বাদল দক্ষিণ বাতে।\*

(২) বিজ্ঞান বাবুর—

জান না কি কদাচন মূঢ়,

কর্ণবিমর্দন মর্ষ কি গুঢ়।

আমাদের মন্তব্য :—বাসবদত্তার শ্লোকটি ‘পজ্জ্বটিকা’ ছন্দে রচিত হইলেও উহার প্রথম আবৃত্তির সময় যেন কুজ্জ্বটিকার মধ্যে পড়িয়া ইতস্তত করিতে হয়। তবে হেডিং দেওয়া থাকিলে কোন শঙ্কা নাই—কারণ তাহাতে তাঁহার খাঁটি বাঙলা শব্দের প্রকৃত উচ্চারণের ধাঁধা ও ক্ষণেকের জন্ত “ছাড়িতে পারে।”

আর বিজ্ঞান বাবুর “কর্ণবিমর্দন মর্ষ কি গুঢ়” তাহা বিজ্ঞ ভুক্তভোগীরাই বলিতে পারেন; তাহা “জানি না কি কদাচন, মূঢ়” আমরা! এই ছত্র দুইটির কি ছন্দ তাহা শ্রীনিবাস বাবু উল্লেখ করেন নাই। সুতরাং ইহার শ্রুতিমধুরতা ছন্দের জন্ত, না ছন্দোভঙ্গের জন্ত, না বাঙলা উচ্চারণ বিকৃতির জন্ত, ভাল বুঝিতে পারা গেল না।

বাহা হউক, আমরা ভারতচন্দ্র, মদনমোহন, ‘সম্ভাবশতক’কার কিম্বা বিজ্ঞান বাবুর নিন্দা করিতেছি না। তাহারা ভাবের উপযুক্ত ভাষা প্রয়োগে অনেক স্থলেই সংস্কৃত ছন্দের চাতুর্য্য ও মাধুর্য্য বাঙলায় তোটকাদি ছন্দে রক্ষা করিতে কৃতকার্য্য হইয়াছেন সন্দেহ নাই। আমাদের বলব্য ছিল বাঙলা ছন্দে সংস্কৃতের গুরু লঘু লইয়া। কিন্তু শ্রীনিবাস বাবুর আপত্তি ভিন্ন পথে ধাবিত হইতেছে বলিয়াই এইরূপে দেখাইলাম যে যখন সংস্কৃত ছন্দেই বাঙলা শব্দের স্বাভাবিক গুরু লঘু উচ্চারণ পদে পদে পর্য্যাদস্ত হয়, তখন বাঙলা ছন্দে সমস্ত দীর্ঘ স্বরের উচ্চারণই সংস্কৃতভাবে করিলে কত শ্রুতিকটুই না হইতে

\* ইহার সৌন্দর্য্য বজায় রাখিয়া বাঙলা ছন্দেও আনা যাইতে পারে। যথা—

শীতল ধরনী জলধারা পাতে

ছাড়িল বাদল দক্ষিণ বাতে।

পারে! এই জন্তই আমাদের কবি অনামাচ্ছ প্রতিভা বলে ভাবার অন্তর্নিহিত উচ্চারণের ‘অমিয় উৎস’ হইতে ছন্দের স্রোতোধারা বহাইয়াছেন—ইহাতে সংস্কৃতের নিয়ম কতকটা ভাঙিয়া গিয়াছে সত্য, কিন্তু বাঙলা ভাবার উন্নয়ন ও স্বাভাবিক সৌন্দর্য্য যে সহস্রগুণে বাড়িয়াছে, তাহা অস্বীকার করিবার উপায় নাই।

এই প্রসঙ্গে আর একটি কথা এই যে, সংস্কৃতে যেমন গদ্যে পদ্যে উভয়ত্রই গুরুলঘুভেদ সমান, তেমনি রবি বাবুর নিয়মেও বাঙলা গদ্যে পদ্যে উভয়ত্রই ত্রস্ত্র দীর্ঘ স্বরের উচ্চারণ ‘প্রায়’ এক; এবং তাহাই কি বাঙলায় নয়? বোধ হয় ভাষা মাত্রেরই এই রীতি; তবে অনন্ত শব্দ-সিকুর মধ্যে সামান্য ছচারিটি বিন্দুর অসঙ্গতি অনেক ভাবারই থাকিতে পারে; তাহাতে কিছু আসে যায় না।

কথা উঠিয়াছে, রবীন্দ্র বাবুর নিয়মে বাঙলায় সংস্কৃত ছন্দ সর্বত্র ঠিক রাখা যায় না। তাহার উত্তর এই—বাঙলায় অল্প কোন্ কবির নিয়মে তাহা পারা যায়? যাহারা সংস্কৃত ছন্দে লিখেন তখন বাঙলা শব্দের ত্রস্ত্র দীর্ঘ একরূপে ধরেন, আবার পরার ইত্যাদিতে অল্পরূপে গুরু লঘু উচ্চারণ ধরেন। “পাখী সব করে রব রাতি পোহাইল” কি সংস্কৃত নিয়মে লেখা? অথচ “ছাড়িল বাদল দক্ষিণ বাতে” আকার একরূপ দীর্ঘ সংস্কৃত নিয়মে ধরা হইয়াছে। রবি বাবু সংস্কৃত ছন্দে লিখিলে কোন্ প্রণালী অবলম্বন করিতেন সে প্রশ্ন উত্থাপনের আবশ্যিকতা কি? তবে স্বীয় নিয়মে চলিলেই যে তাঁহার লেখনী ‘স্বাধীন স্ফূর্তির’ অধিকতর অবকাশ পাইত তাহার সন্দেহ নাই। রবি বাবু তোটক প্রভৃতি ছন্দে ছত্রশেবে গুরুবর্ণ সহজে পাইতেন না বটে—কিন্তু এ কথা বলা যাইতে পারে যে তাঁহার যেখানে একবার পদস্থলনের সম্ভাবনা, সেখানে অগ্ণাচ্ছ কবির বাঙলা শব্দের অথবা উচ্চারণ করিয়া পদে পদে পতিত হইবেন। আর তিনি যদি সংস্কৃত নিয়মেই সমস্ত বাঙলা শব্দের উচ্চারণ ধরিয়া লিখেন তবে অস্তুরও যে দশা তাঁহারও সেই দশা!

আমরা লিখিয়াছিলাম—সাধারণত পরারের কম অক্ষর হইলে রবি বাবু গুরু লঘু ভেদে কবিতা লিখিয়া থাকেন। আর, যতি আট অক্ষরের কমে পড়ে, তবে পরারাদিকে ও পরারেও কখন কখন গুরুলঘুভেদে

লিখিয়া থাকেন।—সমালোচক বলেন “কথাটা সর্বাংশে ঠিক নহে।”

আমরাও বলি, তিনি বেরূপে আমাদের নিয়ম উদ্ধৃত করিয়াছেন “তাহাও সর্বাংশে ঠিক নহে।” কারণ আমরা উহা ছাড়া আরও লিখিয়াছিলাম—“পংক্তি সকলের ক্ষিপ্ৰগতি, অথবা শব্দের বন্ধারের উপর ঝাঁক দেওয়া বাঙলায় হইলেও এই নিয়মে চলিয়া থাকেন।”

সুতরাং তিনি যে সকল স্থলে আমাদের নিয়মের ব্যতিক্রম হইয়াছে বলিয়া উল্লেখ করিয়াছেন সে সব স্থলে বাস্তবিক কোন ব্যতিক্রমই ঘটে নাই। যথা,—

নিম্নে বহুনা বহে স্বচ্ছ শীতল,  
উর্ধ্বে পাষণ তট, শ্রাম শিলাতল।  
মাঝে গহ্বর তাহে পশি জলবার  
ছল ছল করতালি দেয় অনিবার।

এখানে ছত্রের ক্ষিপ্ৰগতি ও শব্দের বন্ধারে ঝাঁক দেওয়া বাঙলায় বলিয়া পরার \* মাত্রামিত।

\* রবি বাবুর “আমরা ও তোমরা” নামক কবিতা হইতে আমরা—

“অপে অঙ্গ বাঁধিছ রঙ্গ পাশে,  
বাহতে বাহতে জড়িত ললিত লতা।”

প্রভৃতি ছত্র উদ্ধৃত করিয়া এক স্থলে বলিয়াছিলাম, ইহা পরার। কারণ মাত্রা হিসাবে প্রতি পংক্তি চৌদ্দ অক্ষর। লেখক ইহা প্রথমে বুঝিতে পারেন নাই এই অপরাধে দুইটি শ্লোক রচনা পূর্বক আমাদেরকে জিজ্ঞাসা করিয়াছেন—চৌদ্দ অক্ষর হইলেই যদি পরার হয় তবে এ গুলিও কি পরার?—

নং ১, “পাখী সব গাহে গান আপন মনে,  
বালিকা বধু ঘাটে বার শাস্ত্রীর মনে।”

নং ২, “কেন না প্রাণ তব হইবে না রাখিতে,  
চিবায়ে চাল আনি গুয়ে রব নিশিতে।”

আমাদের মন্তব্য :—বর্তমানে চৌদ্দ অক্ষরেই যে ‘পরার’ হয় তাহাতে সন্দেহ মাত্র নাই। প্রাচীন কালে পরারের চৌদ্দ অক্ষরের কম হইলেও হইত বেশি হইলেও হইত। প্রমণে অনাবশ্যক! ভারতচন্দ্র যে নিয়মে পরার রচনা করিয়া গিয়াছেন, এখনকার কবিরাও অধিকাংশ স্থলে সেই পথেই চলিয়া থাকেন। কিন্তু আমাদের কবি যতি ছর অক্ষরে কেহিরা। অবশিষ্ট আট অক্ষর প্রায়শ তিন শব্দে ৩+৩+২ সংখ্যায় নির্দেশিত করিয়া, অনেক স্থলে পরার লিখিয়া থাকেন। রবি বাবুর উল্লিখিত কবিতার ছত্র গুলিরও এই নিয়ম—সুতরাং ইহাকে “সমস্ত্র-বিধায়” পরার বলিলে ক্ষতি কি? আর শ্রীনিবাস বাবু যদি অভয় দেন, তবে তাঁহার রচিত পদ্য দুইটিরও নাম করণ করিতে পারি। কিন্তু প্রথমে জিজ্ঞাস্য, ১নং পদ্যে “বালিকা বধু ঘাটে বার শাস্ত্রীর মনে” কি চৌদ্দ অক্ষর হইয়াছে? প্রাচীন নিয়মের হইলে ইহা “গদ্যজলী” পরার; নব্য নিয়মের হইলে এটি “স্বত্র-চরণ-ভঙ্গ” পরার! ২নং পদ্যে কোন হার্পানী নাই, সুতরাং তাহার নাম “চাল চরণ” পরার রাখা গেল।



“শ্রাবণ গগন ঘিরে ঘন মেঘ ঘরে ফিরে,  
শূন্য নদীর তীরে রহিছ পড়ি’;  
যাহা ছিল নিয়ে গেল সোনার তরী।”

এখানেও ছত্রসমূহের ক্ষিপ্ৰগতি বশতই কবিতা  
মাত্রামিত।

“কেন আন বসন্ত নিশীথে  
অঁাখি ভরা আবেশ বিহ্বল,  
যদি বসন্তের শেষে শ্রান্ত মনে মনে হেসে  
কাতরে খুঁজিতে হয় বিদায়ের ছল?” [মানসী—৬৫ পৃ]

ইহার প্রথম দুই ছত্র পয়ারের অপেক্ষা কম অক্ষর  
বটে, কিন্তু যতি ছত্র শেষেই পতিত হইতেছে; এবং  
ইহাতে এমন একটি “আবেশ বিহ্বলতা” আছে যাহাতে  
করিয়া ছত্রগুলির গতি এইরূপ মৃদুমহুর; স্মৃতির ইহা  
বর্ণবৃত্ত।

আমরা “সাধারণতঃ” “প্রায়শঃ” ইত্যাদি কথা দ্বারা  
আমাদের বক্তব্য মোটামুটি ভাবে পাঠকসাধারণকে  
নিবেদন করিয়াছিলাম, তাহাতে একেবারেই প্রতিপ্রসব  
নাই, বা থাকিতে পারে না, একরূপ মনে করাই অচায়।  
কিন্তু শ্রীনিবাস বাবু এই “স্কুল কথা” বুঝিতে না পারিয়া  
বলিয়াছেন “কবি কোন্ স্থলে হ্রস্ব দীর্ঘ উচ্চারণ ভেদে  
কবিতা লেখেন, এবং কখন লেখেন না, তাহা আলোচনা  
করিবার এখনও সময় আসে নাই।” অথচ প্রবন্ধের  
আরম্ভেই সমালোচক মহাশয় মনে করিয়াছেন “রবি  
বাবুর লেখা সম্বন্ধে যত বেশী আলোচনা হয়, ততই  
বেশের গৌরব ও বাঙ্গালীর গুণগ্রাহিতার পরিচয় প্রকাশ  
পায়।” তাহার এই উভয় বাক্যের সামঞ্জস্য কোথায়?  
অধিকন্তু রবি বাবু ভবিষ্যতে কিরূপ ছন্দে লিখিতে পারেন  
তাহারও আভাস ইঙ্গিত সমালোচক মহাশয় দিয়াছেন!

তারপরে শ্রীনিবাস বাবুর একটি প্রশ্ন ও তাহার উত্তর।  
“কোন কবিতা পড়িতে আরম্ভ করিবার পূর্বে উহা গুরু-  
লঘুভেদে লিখিত কি না তাহা জানিবার কোন উপায়  
আছে কি? উত্তর—নাই।” আমাদের মন্তব্যঃ—এমন  
কোন ভবিষ্যদ্বিৎ পাঠকই নাই যিনি পড়িবার “পূর্বেই”  
সব জানিতে পারেন। যাহা হউক কবিতা পাঠ আরম্ভ  
করিয়াই নিপুণ পাঠকের তাহা বুঝিতে পারা আবশ্যিক  
বটে—সংস্কৃতও তাহা পারা যায়। রবি বাবুর নিয়মেও

তাহা পারা যায়। “সোনার তরী”র “গগনে গরজে  
মেঘ, ঘন বরষা” এই প্রথম ছত্র পড়িয়াই বুঝিতে পারা  
যায় যে এটি মাত্রামিত কবিতা—তজ্জন্ত সমালোচক মহা-  
শয়ের মত, দুই তিন পৃষ্ঠা দৌড়িয়া শেষে “শূন্য নদীর  
তীরে” পড়িয়া যদি পাঠটি ঠিক ধরিতে পারা যায়, তবে  
পাঠকের নিপুণতার নিতান্তই প্রশংসা করিতে পারি না।

শ্রীনিবাস বাবু এইরূপ আরও অনেক কবিতা পাঠের  
গোলযোগে পড়িয়াছেনঃ—

(১) (মানসী)—

প্রভাতের আলোকের মনে  
অনাবৃত প্রভাত গগনে  
বহিরা নূতন প্রাণ করিয়া পড়ে না গান  
উর্দ্ধ নয়ন এ ভুবনে।

শ্রীনিবাস বাবু বলেন,—ইহা লঘুগুরুভেদে লিখিত কবিতা  
এবং রঙ্গলালের “একতায় হিন্দুরাজগণ” প্রমুখ কবিতাটির  
ছন্দের সঙ্গে মিলে না, কারণ “উর্দ্ধ” এই শব্দটি তিন  
অক্ষরের সমান। আমরা বলি, ইহা মাত্রামিত কবিতা  
নহে—“উর্দ্ধ” শব্দের উপর কিঞ্চিৎ মনোযোগ আকর্ষণ করা  
হইয়াছে বলিয়া কবি এখানে উচ্চারণ অল্পমোদিত দীর্ঘ  
পাঠই প্রশস্ত ধরিয়াছেন মাত্র।

(২) সোনার তরী—

“দেখে শুনে মনে পড়ে সেই সন্ধ্যা বেলা  
শৈশবে কত গল্প কত বালা খেলা।”

শ্রীনিবাস বাবু বলেন—“এখানে হঠাৎ ‘শৈশবে’র ঐক্য  
গুরু ধরা হইয়াছে।” আমরা বলি, এই শ্লোকটির ক্ষিপ্ৰ-  
গতি নাই, স্মৃতির ইহা মাত্রামিত নহে। আমাদের মতে,  
এখানে ছাপাখানার প্রেতের দৌরাণ্ডে “শৈশবে” শব্দের  
পরে একটি “র” পঞ্চম পাইয়াছে। কিন্তু তাই বলিয়া  
ঐক্য লঘু নয়—কারণ সাধারণত বর্ণবৃত্ত পয়ারে দীর্ঘ-  
স্বরের যথেষ্ট অবসর থাকে। “শৈশবে”র ঐক্য গুরুই  
ধরিতে হইবে—তথাপি তাহার পরে একটি অক্ষরের  
আকাঙ্ক্ষা আছে, সেই অক্ষরটি “র”। পড়ুন,—

শৈশবে কত গল্প কত বালা খেলা।

সমালোচক, সোনার তরীর “স্মৃতিখিতা” নামক  
কবিতার “কে পরালে মালা” এই চরণটির “কে” শব্দটিকে  
দুই বর্ণের সমান ধরা হইয়াছে বলিয়াছেন। আমরা বলি

এখানে এই চরণটি কবিতার একটি “উপ” চরণ, স্মৃতির  
ইহাতে অচ্যুত চরণের সঙ্গে অক্ষরের মিল না ধরিলেও  
ক্ষতি নাই। পড়িবার সময় “কে” র একটু টানা উচ্চারণ  
হইবে বটে, কিন্তু তাহাতে দুই মাত্রা না ধরিলেও চলে।

যাহা হউক শ্রীনিবাস বাবু একাধিক বার স্বীকার করিয়া-  
ছেন যে, “অভিজ্ঞ পাঠকের পক্ষে এ সব কবিতা পড়া  
কষ্টকর হইবে, এমন বলিতে পারি না।” কিন্তু ইহা নব  
নিয়মের সৌভাগ্য কি দুর্ভাগ্য তাহা ভাল জানা গেল না।  
কারণ, সমালোচক মহাশয় নীচের কবিতাটি কবির  
দীনবন্ধু মিত্রের “রাত পোহাল ফরসা হল, ফুটলো কত  
ফুল” ইত্যাদি কবিতার নাচুনি-ছন্দে লিখিত মনে করিয়া  
পড়িতে গিয়াছিলেন, কিন্তু তৃতীয় চরণে আসিয়াই নাকি  
‘অপ্রস্তুত’ হইয়াছেন! দুই চরণ “উজাইয়া গিয়া” আবার  
নূতন করিয়া গুরু লঘু মানিয়া পড়িয়াছেন!—

সন্ধ্যা পবন কুঞ্জ ভবন  
নির্জন নদী-তীর,  
আর চাহি শুধু বুক ভরা মধু  
ভালবাসা প্রেয়সীর।

আমরা কিন্তু আশা করি, অভিজ্ঞ পাঠক মাত্রই “সন্ধ্যা  
পবন কুঞ্জ ভবন” পাইয়াই ‘মাত্রা’ বুঝিয়া নাচিয়া নাচিয়া  
ছুটিবেন। শেষ পর্যন্ত পছছিয়া পুনর্বার ‘উজাইয়া’  
‘নির্জন নদী তীরে’ বাইতে হইবে না। সোজা কথায়,  
ইহা যে দীনবন্ধু মিত্রের “রাত পোহাল” কবিতার ছন্দে  
লিখিত নয় তাহা প্রথমেই সহজেই বোঝা যায়।

শ্রীনিবাস বাবু পরিশেষে নীচের কবিতা (!) উদ্ধৃত  
করিয়া বলিয়াছেন এইরূপ উজাইয়া যাওয়া নাকি বাঙলা  
কবিতায় নূতন নহেঃ—

“কড় কড় মড় মড় বহিছে কড়,  
পড়ে ঘর কোঠা বাড়ী গাছ বড় বড়।”

কিন্তু আমরা এবশ্পকার কবিতার বড়ে পড়িয়া নিতান্ত  
ক্রান্ত ও শঙ্কিত হইয়াছি, তাই আর না উজাইয়া আজকার  
মত এই খানেই নৌকা ভিড়াইলাম!

শ্রীবিহারীলাল গোস্বামী।

## টেলি—ফটোগ্রাফি।

আমি বলিয়াছিলাম ফটোগ্রাফেরও টেলিগ্রাফের  
ক্ষমতা আছে। ফটোগ্রাফ টেলিগ্রাফের মত দূরের সংবাদ  
নিমেষ মধ্যে আনিয়া জানাইয়া দেয়। (১৩০৮ চৈত্রের  
প্রদীপ)। আজ এতৎসম্বন্ধে কিঞ্চিৎ আভাস দিব।

লণ্ডনের “রয়াল ফটোগ্রাফিক সোসাইটি” অল্পদিন  
হইল একটি প্রদর্শনী খুলিয়াছিলেন; তাহাতে ‘মণ্ট ব্লাঙ্ক’  
পাহাড়ের এক চিত্র প্রদর্শিত হইয়াছিল। তাহার নীচে  
লেখা ছিল ৫০ মাইল দূর হইতে গৃহীত। ফটোগ্রাফি  
কিন্তু বেশ স্পষ্ট, প্রত্যেক দ্রব্য ও দৃশ্য স্পষ্টদৃশ্য,—৫০  
মাইল দূর হইতে ইহা কিরূপে সম্ভব হইতে পারে ইহা  
দর্শক মাত্রেই ধারণার অতীত হইয়াছিল। তখন অনেকে  
উক্ত ফটোগৃহীতা Dallmeyer সাহেবকে প্রশংসা  
করেন।

Mr. T. R. Dallmeyer F. R. A. S. রয়াল  
ফটোগ্রাফিক সোসাইটির সহকারী সভাপতি। তিনি  
এক অভিনব উপায় উদ্ভাবন করিয়া বৈজ্ঞানিক জগতে  
অমর হইয়াছেন। ফটোগ্রাফের সাধারণ যন্ত্রে দূর হইতে  
ছবি তুলিলে, ঈষ্মিত একটি দ্রব্যের ছবি লইবার সুবিধা  
হয় না, তাহার পার্শ্ববর্তী বহু দৃশ্য সেই ছবিতে স্থান  
অধিকার করিয়া ঈষ্মিত পদার্থকে ক্ষুদ্র ও অস্পষ্ট করিয়া  
দেয়। বড় করিয়া ছবি লইতে হইলে আবার দূর হইতে  
কার্য্য চলে না, নিকটে কল পাতা অনিবার্য্য হইয়া পড়ে।  
এই অসুবিধা Dallmeyer সাহেবের আবিষ্কার দ্বারা  
অপনীত হইয়াছে।

Dallmeyer তাহার যন্ত্রের নাম রাখিয়াছেন ‘Tele-  
photo-graphic lens’। গ্রীক ‘টেলি’ শব্দের অর্থ ‘দূর’।  
দূর হইতে ফটোগ্রাফ লওয়া যায় বলিয়া ইহার নাম তিনি  
‘টেলি-ফটোগ্রাফ’ রাখিয়াছেন। দূরবীক্ষণ যন্ত্র যেমন  
দূরবস্তুর বীক্ষণে আমাদের চক্ষুকে সাহায্য করে, Dall-  
meyer সাহেবের lensও তেমনি ফটোগ্রাফের যন্ত্রকে  
সাহায্য করিয়া থাকে—ইহা ফটোগ্রাফ যন্ত্রের পক্ষে

টেলিফোপ-স্বরূপ। দূরবীক্ষণ কতকগুলি lens ভিন্ন আর কিছুই নহে; ঐ সকল lens এর সাহায্যে প্রকৃত পদার্থের একটা প্রতিচ্ছায়া বড় হইয়া আমাদের দৃষ্টিগোচর হয়। 'টেলি-ফটোগ্রাফিক লেন্স'ও প্রকৃত পদার্থের একটা বৃহৎ প্রতিচ্ছায়া শৃঙ্খলিত হয় এবং সেই শৃঙ্খলিত প্রতিচ্ছায়ারই ছবি ফটোপ্লেটে উঠিয়া যায়, অতএব বলা যাইতেছে যে, এই লেন্স দূরস্থ দ্রব্যকে নিকটস্থবৎ করিয়া দেয় মাত্র, ইহার আর কোন উপকারিতা নাই।

Dallmeyer বলেন যে সাধারণ যন্ত্রে দুই মাইল দূর হইতে গৃহীত ফটোকে (enlarged) করিলে যে ফল হইয়া থাকে 'টেলি-ফটো' যন্ত্র সেই ব্যবধান হইতে ব্যবহার করিলে তদপেক্ষা উৎকৃষ্ট ছবি হইয়া থাকে, অথচ একে-বারেই বড় চিত্র পাওয়া যায় বলিয়া পরিশ্রমেরও অর্ধেক লাঘব হয়।

ছায়াবাজির (Magic Lantern) চিত্র অনেকেই দেখিয়া থাকিবেন। তাহা কিঞ্চিৎ দূর হইতে দেখিলে বেশ স্পষ্ট মনে হয়। নিকটে যাইলে বড় লেপা, জড়ান অস্পষ্ট দেখায়। ফটোহাফটোন চিত্রও এইরূপ ধর্ম-বিশিষ্ট। হাফটোন চিত্র ক্ষুদ্র ক্ষুদ্র বিন্দুর ঘন ও বিরল সন্নিবেশে সৃষ্ট হইয়া থাকে। ঐ সকল বিন্দুকে ইংরাজিতে 'গ্রেন' (grain) বলে। হাফটোন চিত্র চক্ষুর নিকটস্থ করিলে এই সব বিন্দু বিরল-সন্নিবিষ্ট বলিয়া বোধ হয়, তাহাতে চিত্রে আলো ও ছায়ার ব্যতিক্রম হওয়ার দ্রষ্টব্য বিষয় সম্যক উপলব্ধি হয় না বা অস্পষ্ট বোধ হয়। যেখানে আগো সেখানে বিন্দু সমাবেশ বিরল, ও ছায়াস্থানে বিন্দু সমাবেশ ঘন হইয়া থাকে। সাধারণ ফটো যদি বড় করা যায় তাহা হইলে সে চিত্রেও 'গ্রেন' সকল কাক ফাঁক ভাবে সজ্জিত হওয়ার, নিকট হইতে চিত্র বড় লেপা ও অস্পষ্ট বোধ হয়, দূর হইতে ঠিক দেখায়। (বিস্তৃত বিবরণের জন্ত ১ম বর্ষের : ০১১ সংখ্যা প্রদীপে শ্রীযুক্ত উপেন্দ্রকিশোর রায় চৌধুরী রচিত "হাফটোন ছবি" প্রবন্ধ দ্রষ্টব্য)। কিন্তু 'টেলি-ফটো' সকল দূর হইতে তা' ভাল দেখাইবেই, নিকট হইতেও অস্পষ্ট দেখায় না, কারণ তাহার খুব বড় দ্রব্যের (বা প্রতিচ্ছায়ার) নিকট হইতে গৃহীত বড় চিত্র। ছোট চিত্রকে বড় করা নহে।

'টেলিফটোগ্রাফ' যন্ত্রে ছবি লইতে সাধারণ ফটোগ্রাফ

যন্ত্র অপেক্ষা কিঞ্চিৎ অধিক সময় আবশ্যক হয়, এজন্য অনেকে ইহার নিন্দাবাদ করিয়াছেন, কিন্তু Dallmeyer ও তাহার শিষ্যবর্গ জীবন্ত প্রাণীর সুন্দর সুন্দর চিত্র সেকেও সময়মধ্যে লইতে সক্ষম হইয়াছেন। ইহাকে বর্তমান Instantaneous ফটোর প্রায় সমকক্ষ বলা যাইতে পারে \*।

'টেলি-ফটোগ্রাফির' লেন্স সম্বন্ধে এখনো কিছু জানা যায় নাই, কালে তাহা অপ্রকট থাকিবে না। এক্ষণে Dallmeyer ইহা প্রকাশ করিতেছেন না; তবে তাহার শিষ্যের সংখ্যা দিন দিন যেরূপ বাড়িতেছে, তাহাতে ইহা অধিক দিন গোপন থাকিবে না নিশ্চিত।

পূর্বেই বলিয়াছি (Mont Blank) মণ্ড ব্যাক্সের ছবি ৫০ মাইল দূর হইতে লওয়া হইয়াছিল। অতএব দেখা যাইতেছে যে ২০১৩০ মাইলের খবর আমরা ঘরে বসিয়া পাইতে পারি। এইজন্য যুদ্ধক্ষেত্রে ইহার বড় আদর হইয়াছে। দূর হইতে, গোলাগুলির আয়ত্তাতীত হইয়া, স্বচ্ছন্দে যুদ্ধ-বার্তা সংগ্রহ করিতে 'টেলি-ফটোগ্রাফি' পরম সুস্থ, চীন-জাপানের যুদ্ধ কালে প্রথম এই যন্ত্র ব্যবহৃত হয়। জাপান গবর্নমেন্ট ইহা লইয়া যান। জাপান, চীনের যে "টি-ইয়েন" নামক বৃহৎ রণ-পোত ধ্বংস করিয়াছিলেন, তাহা যে সময় ডুবিতে ছিল, ঠিক সেই সময় দুই মাইল দূর হইতে তাহার এক বৃহৎ ছবি তুলিয়া জাপান নিজের ও Dallmeyer সাহেবের কীর্তিকে দীর্ঘ-জীবী করিয়াছেন। তৎপরে আমেরিকা ও স্পেনের যুদ্ধে (ফিলিপাইন দীপপুঞ্জ লইয়া) ইহা Mr Dwight L. Etmendorf কর্তৃক ব্যবহৃত হয়। এই Etmendorf ৩০ মাইল দূর হইতে ছবি তুলিয়াছিলেন। গত ট্রান্সভাল যুদ্ধে ইহার প্রচুর পরিমাণে ব্যবহার হইয়াছে। সংবাদপত্রের সংবাদদাতাগণ সকলেই এক একটা যন্ত্র লইয়া গিয়াছিলেন। যুদ্ধ বিভাগ হইতেও বহু যন্ত্র লইয়া যাওয়া হইয়াছিল, দূর হইতে বেলুনে বা পর্ততে চড়িয়া শত্রুর গতিবিধি জর্গের অবস্থান, রক্ষণাদির সহান সংগ্রহ করা হইয়াছিল, অগচ্চ শত্রুগণ ইহার কিছুই জানিতে পারেন নাই।

বেলুনে চড়িয়া এই যন্ত্রদ্বারা ছবি গৃহীত হইতে পারে।

\* ফটো প্লেট তিন প্রকার প্রস্তুত হয়—(১) ordinary বা ধিল্প, (২) rapid বা দ্রুত (৩) instantaneous বা তৎক্ষণ।

ইতালীর গবর্নমেন্টের সাহায্যে তাহার পরীক্ষা হইয়া গিয়াছে। সাধারণ যন্ত্রে একরূপ হওয়া স্কটিন, কারণ, বেলুন গতিশীল বলিয়া যন্ত্র নড়িয়া যায়, তাহাতে সাধারণ যন্ত্র গৃহীত ফটো জীবন্ত ও স্পষ্ট হয় না।

Mr. W. K. Dickson এই যন্ত্র-সাহায্যে বহু চিত্র তুলিয়া "Biograph & Mutoscope Co."কে দিতেছেন, এবং তাহার কিঞ্চিৎ আভাস কলিকাতার Biograph বা বায়োস্কোপে পাওয়া গিয়াছে।

নিরাপদ থাকিয়া যুদ্ধ-সংবাদ সংগ্রহ করার পক্ষে এমন সুবিধা পূর্বে ঘটে নাই। ইহার আদর যুরোপের সকল রাজ্যেই বিস্তীর্ণ হইয়া পড়িতেছে। ইহা শান্তি ও সংগ্রাম উভয় কালেই বহু সাহায্যে লাগিবে, ইহা নিঃসন্দেহ।

জ্যোতিষীগণ কিন্তু সর্পিপেক্ষা অধিক আনন্দিত হইয়াছেন। বেলুনে উচ্চে উঠিয়া এই যন্ত্র-সাহায্যে গ্রহ নক্ষত্রের ফটো যে বহু নূতন তথ্যাবিস্কারের সাহায্যকারী হইবে, তাহাতে তাহারা উৎফুল্ল হইয়া উঠিয়াছেন। বৈজ্ঞানিক Dallmeyer তাহার এই অভিনব আবিষ্কার দ্বারা সভ্য জগতের বহু উপকার করিতে সক্ষম হইবেন এবং তাহারাও তাহার নিকট চিরকাল রুতজ্ঞ রহিবে।

শ্রীচাঁকচন্দ্র বন্দ্যোপাধ্যায়।

## ফুলকুমারী।

আমার নাম ফুলকুমারী, আমার ভাই ভগিনী অসংখ্য। সকল ভাই ভগিনীই আমার সহোদর সহোদরা নহে; অনেকেই বৈমাত্র। কিন্তু আমার সকল ভগিনীই আমার মত ফুলকুমারী, ভ্রাতারা ফুলকুমার। আমাদের বংশ অতি পুরাতন। আমাদের বংশের যে, কবে সৃষ্টি হইয়াছে, তাহা বলা যায় না। তবে এটা স্থির যে, পৃথিবী মানবে পূর্ণ হইবার পূর্বেই, আমাদের আদি পিতা মাতার এখানে আবির্ভাব হইয়াছিল। শুনিতে পাই, তাহারা স্বর্গ হইতে মর্তে আসিয়াছিলেন। আমাদের ফুলবংশের কিরূপ বৃদ্ধি হইয়াছে, একটা দৃষ্টান্তেই তাহা বুঝিতে পারিবে। উদ্যান-কুলের ত কথাই নাই,

বিলাতের মত শীতপ্রধান দেশেও এখন বনফুল ২ হাজার বংশে বিভক্ত। দেবতাদের সঙ্গেই আমাদের আত্মীয়তা অধিক; দেবতারাি আমাদের মর্যাদা বুঝিতে পারেন, এই মর্ত্যালোকে থাকিয়াও তাই আমরা এখনও দেব দেবীর সেবা করিয়া থাকি, করিতে ভালও বাসি। দেব দেবীরাও আমাদের বড় ভাল বাসেন, বড় আদর করেন। আমরা যাই তাহাদিগের পদচুম্বন করিতে, তাহারা কিন্তু আমাদের বৃকে করিয়া রাখেন; আমাদের বৃকে তাহারা মাথায় বসান। দেবতার দেখা দেখি, মর্তের নর নারীও আমাদের আদর করিতে শিখিয়াছেন। মর্ত্যালোকে যত জীব জন্ত আছে, তাহার মধ্যে মানবই দেবতার আদর্শে সৃষ্ট হইয়াছিল। পূর্বে মানব, দেবেরই মত, গুরুচিত্ত ছিল। এখন মানবসমাজে পাপের প্রাচুর্য, কিন্তু এখনও নর অপেক্ষা নারীর জন্ম মন অধিক বিপুল—অধিক নির্মল—অধিক পবিত্র। এই জন্তই, এখন মর্ত্যালোকে আমরা নর অপেক্ষা নারীর কাছেই যাইতে ভালবাসি; নারী-হস্তের স্পর্শে আমরা কষ্টবোধ করি না। মানবীরাও, আমাদের সঙ্গে লইয়া দেবীর মত সাজিয়া থাকেন। আমরাও মানবীদিগকে ভালবাসি। কিন্তু দেব দেবীর যেরূপ চরণ-স্পর্শ করিতে ভালবাসি, আমরা মানব মানবীর মেরূপ চরণ-স্পর্শ করিতে ভালবাসি না। আর আমরা দেবতার মাথায় বসিতে পাই বলিয়া, বুদ্ধিমতী মানবীরাও কদাচ আমাদের পদস্পর্শ করিতে দেন না। মানব-সমাজের পুরু-দেবীরাও আমাদের আদর করেন, কিন্তু আপনাদের জন্ত তত নহে, যত মানবীদিগের জন্ত। মানবীরাই ত মানবসমাজের দেবী।

একটু পরিচয়।

প্রথমেই বলিয়াছি, আমরা যত ভগিনীই ফুলকুমারী, যত ভ্রাতাই ফুল কুমার। কিন্তু সাধারণ নামে একটা থাকিলেও আমাদের ভিন্ন ভিন্ন বংশগত ভিন্ন ভিন্ন নাম আছে। বলিয়াছি আমরা সকলেই সহোদরা নহি। আমার ভ্রাতারাও সকলে সহোদর নহে। আবার বৈমাত্র ছাড়া আমাদের অল্প ভাই ভগিনীও অনেক আছেন, আমাদের জ্ঞাতী কুটুম্ব অসংখ্য। আমাদের মধ্যে

কেহ কেহ গোলাপকুলে জন্মগ্রহণ করিয়াছেন, কেহ কেহ কমলকুলে, কেহ কেহ চম্পককুলে, কেহ কেহ মল্লিকাকুলে, কেহ কেহ যুথিকাকুলে। এইরূপ ভিন্ন ভিন্ন কুলও আছে আমাদের অসংখ্য, আবার, এক কুলেই ভিন্ন বংশ হইয়াছে। এই ধর না কেন, আমারই গোলাপ-কুলেই কত বংশ! এই গোলাপ-বংশ পৃথিবীর নানা স্থানে ছড়াইয়া পড়িয়াছে। এই ভারতেই আমাদের কত বংশ! বংশ পারস্যে আছে, তুরস্কে আছে, ইউরোপে আছে, চীনে আছে, জাপানে আছে; আছে অনেক স্থানে। আবার সর্বত্রই আমাদের বংশের নানাবিধ শাখা দেখিতে পাইবে। তুরস্কে যাও; বসোরাবংশে ভিন্নভিন্ন শাখা দেখিতে পাইবে। ইউরোপে যাও, বুলগেরিয়ায় নানা শাখা নয়নগোচর করিতে পাইবে। আবার ইউরোপেরই ফরাসিদেশে যে সকল শাখা দেখিতে পাইবে, হয়ত ইতালি-দেশে তাহার সমস্ত দেখিতে পাইবে না। একটা রহস্যে তোমরা বিশ্বিত হইবে। যে বিলাত এখন দেব-ভূমি বলিয়া পরিচিত, সে বিলাতে আমাদের কুলীনবংশ পূর্বে ছিল না। সে দেশের জল বায়ু আমাদের সহ হইত না। এরূপ অনেক স্থান আছে, যেখানকার জল বায়ু আমাদের গোলাপবংশের পক্ষে একান্ত অসহ। কিন্তু বিলাতের দেব দেবীরা অনেক কষ্টে এখন আমাদের বাস করাইতেছেন। পূর্বে কেবল বন-গোলাপ বিলাতের স্কটলণ্ডে স্বয়ং জন্মিত। গোলাপকথা পরে শুনিও।

### অসবর্ণবিবাহ।

পাশ্চাত্য সভ্যতা সকল সমাজেই বিপ্লব ঘটাইতেছে। মানবসমাজের ঞায়, আমাদের ফুলসমাজেও অসবর্ণ-বিবাহের ধুম লাগিয়াছে। অসবর্ণবিবাহের জন্ম, আমাদের বংশের নানারূপ অবাস্তববংশ উৎপন্ন হইতেছে। এখনকার ফুলসমাজে এই জন্মই তোমরা নানা প্রকৃতির নানা আকৃতির নানা গুণের নানা বর্ণের গোলাপ-কুমার এবং গোলাপ-কুমারী দেখিতেছ। নানা অবাস্তব-বংশের নানারূপ নাম-করণ হইয়াছে। যুগধর্মের অদ্ভুত মাহাত্ম্য, পাশ্চাত্য সভ্যতার অপূর্ণ মহিমা! অসবর্ণ বিবাহে যে সকল কুমার কুমারীর উৎপত্তি হইতেছে, পাশ্চাত্য সমাজে তাহাদিগেরই আদর অধিক। পাশ্চাত্য সমাজে

অসবর্ণ বিবাহের বড় আদর, অসবর্ণজাত বংশেরও বড় খাতির। কেবল মানব সমাজেই নহে, পশু সমাজেও পক্ষি-সমাজেও অসবর্ণ বিবাহের ধুম লাগিয়াছে। দেখিতেছ না, কুকুরবংশে কত জারজবংশ. আবির্ভূত হইয়াছে। অশ্বগবাদিবংশেও ত অসবর্ণজাত বংশভেদের অভাব নাই। পক্ষিসমাজেও অভাব দেখিতে পাইবে না। উদ্ভিজ্জ সমাজেও অসবর্ণবিবাহের প্রচলন হইয়াছে। এখনকার পাশ্চাত্য বিবাহ প্রথায় বাধা বন্ধন বড় কম। যাহাকে তোমরা ব্যভিচার বল, কোন কোন পাশ্চাত্য সমাজে তাহাও বিবাহ। আমার ফুলসমাজেও এরূপ বিবাহ অনেক হইয়া থাকে। এখনকার অনেক ফুলকুমার ফুল-কুমারী তোমাদের বিবেচনায় হয় ত জারজ-পর্য্যায়ে পরি-গণিত হইবে। আমার নিজ গোলাপবংশেও তুমি এইরূপ জারজ জারজা অনেক দেখিবে। কিন্তু পাশ্চাত্যসমাজ তোমার বিচার সিদ্ধান্তকে গ্রাহ্য করিবেন না। অতএব, তুমি আর বৃথা অপদস্থ হইও না, জারজ অজারজের ভেদ করিবার জন্ম বিব্রত হইও না। তোমার ভারতেও ত অসবর্ণ-বিবাহ চলিতে আরম্ভ করিয়াছে। তোমার ব্রাহ্ম-সমাজে ত অনেক স্ত্রী পুরুষকে অসবর্ণবিবাহে আবদ্ধ হইতে হইয়াছে। খৃষ্টানসমাজেও ত অসবর্ণবিবাহের অভাব নাই। এরূপ বিবাহের সন্তানদিগকে ত তুমি এখন আর জারজ বলিতে পার না। ঘরে বসিয়া সকলেই রাজার নাম ডাইন বলিতে পার; তুমি যদি প্রকাশ্যে ব্রাহ্ম খৃষ্টানদিগের অসবর্ণ বিবাহজাত সন্তানগণকে জারজ বল, তাহা হইলে ডিফামেশনে পড়িয়া জেলে যাইবে। আমাদের ফুলসমাজেও ডিফামেশন বৃদ্ধেন। আর জগতে যত রাজা রাণীর সহিত আমাদের আত্মীয়তা। ইংরেজ আমাদের রাজা, ইংরেজ মহিষী আমাদের রাণী; ইঁহারাই ত তোমাদিগেরও রাজা রাণী। বড়দিনের সময়ে আমাদের আদর দেখিয়াছিলে? কলিকাতায় এমন সাহেব বিবী ছিলেন না, যাহারা আমাদের দিগকে বৃকে করিবার জন্ম পাগল হন নাই। স্পর্শস্বথ যাহাদের ভাগ্যে ঘটে নাই, তাঁহারা আমাদের রূপ দেখিবার জন্ম লালায়িত হইয়াছিলেন। আমাদের দর্শনীর হার কত বাড়িয়াছিল, তাহা দেখিয়াছিলেন কি? এক দিকে টাকা, এক দিকে আমরা। তৌলদাঁড়ীর এক দিকে এক একটা গোলাপকুমারী বা গোলাপকুমারকে চড়াইয়া, অল্পদিব

টাকা চড়ান হইয়াছিল। তথাপি, আমাদের মন উঠে নাই। তথাপি আমরা সাহেব বিবীদের কাছে যাইতে চাই নাই। এত আদর আর কাহারও দেখিয়াছ কি?

তাই বলিতেছি, সাবধান হও, ডিফামেশনে পড়িও না। ফুলসমাজ যদি একবার বিচলিত হন, তাহা হইলে তোমাদের সর্বনাশ হইবে; মর্তের দেবতা—রাজা ইংরেজ তোমাদের মুণ্ডপাত করিবেন। আবার স্বর্গের দেবতাও তোমাদিগকে ক্ষমা করিবেন না। ইহকালে হইবে কারাবাস, পরকালে নরকবাস! আর, অভিসম্পাতেও তোমাদের নিপাত হইবে। বুঝিয়া রাখ, আমাদের ফুল-কুলে ব্যভিচার নাই, জারজ নাই, অসবর্ণ বিবাহ আমাদের ফুলশাস্ত্রে ধর্মসম্মত। যাহা পাশ্চাত্য দেবকুলে প্রচলিত, আমাদের ফুলকুলেও তাহা প্রচলিত।

### গোলাপসুন্দরী।

তোমাদিগকে প্রথমেই বলিয়াছি, আমাদের ফুলজাতি নানা বংশে বিভক্ত। গোলাপবংশই রূপে গুণে ধনে মানে গন্ধে গৌরবে সর্বশ্রেষ্ঠ। আমি যে, এই শ্রেষ্ঠবংশের—জগদ্বিখ্যাত গোলাপবংশের ফুলকুমারী, আমি ফুলকুমারী যে, গোলাপ-সুন্দরী; তাহা তোমরা আমার কথার ভাবে পূর্বেই বুঝিয়াছ। একে আমি রমণী, তাহাতে সুন্দরী; তাহাতে জন্মিয়াছি রাজবংশে। আমার আত্মপ্রাণ তোমাদিগকে স্মরণে একটু সহিতে হইবে। তোমাদের মানবসমাজেও ত কুলীনের গৌরব অধিক। হিন্দুকুলে কি কুলীন-ললনা একটু গর্ভিতা হন না? কুলীনের মেয়েদের একটু বাচালতা সর্বত্রই দেখিতে পাও। আমাকে দোষ দিলে চলিবে কেন? তোমরা যাহাই বল, আমি কুলীন-তনয়া, সুন্দরী, রাক্ষুহিতা গোলাপসুন্দরী। আমার বংশের—আমার বিশ্ব-বিখ্যাত গোলাপবংশের কথা অগ্রে কহিব; আর গোলাপবংশের কথাই অধিক করিয়া কহিব। শুনিতে না চাও, অজ্ঞ যাও।

“উড়ে গিয়ে বসো ভ্রমর কেতকীর ছলে।” মল্লিকা মালতী যাতি যুথি রজনীগন্ধা প্রভৃতি আমার কাছে অগ্রাহ্য। অশ্বের মজলিসে ইঁহারা উচ্চ উচ্চ আসন পাইতে পারে, আমাদের মজলিসে ইঁহাদিগকে দাসী বাঁদীর মত থাকিতে হয়। কমলিনী জলের আদরিণী, স্থলের তিনি কে? আর

কমলিনী ত কলঙ্কিনী, অমন সোনারচাঁদ স্বামী সূর্য থাকিতে যে কমলিনী কালো ভোমরাকে দেখিয়া ভুলিয়া যায়; সন্ধ্যাগমে সূর্যকে বিদায় দিতে না দিতে, ভোমরাকে নিজের গাউনের ভিতর লুকাইয়া রাখে। সারা রাত্রি সেই কৃষ্ণবর্ণ উপপতিটাকে বৃকের ভিতর পুরিয়া রাখে, তাহা কি তোমরা দেখ না? তোমরা অতি নিলজ্জ, তাই আমার কাছে কমলিনীর নাম কর। আমি তাহাকে স্পর্শও করি না। তাহাকে দেখিলেও আমাদের গোলাপ-তনয়াদিগকে অপবিত্র হইতে হয়। ফুলকুমারী সংসারে অনেক আছে, গন্ধরাজ চম্পক প্রভৃতি ফুলকুমারেরও অভাব নাই। কিন্তু আমাদের সঙ্গে উঁহাদের তুলনা করিও না। এ অবমান আমরা সহ্য করিতে পারি না। তোমাদের গুণে ঘাট নাই, যাহাকে ভালবাস তাহাকে আকাশে তোল। মল্লিকা ছুঁড়ীকে আবার বেলা বলিয়া ডাকা হয়! যাতি তোমাদের কাছে চামেলী! তোমার বেলা চামেলী যুই কি আমাদের কাছে দাঁড়াইতে পারে? যেমন তোমরা, তেমনই তোমাদের গৃহিণীরা; যেমন হাঁড়ী তেমনি সরা! আবার, বেলা, চামেলী, যুইকে খোঁপায় রাখা হয়, গলায় রাখা হয়। লক্ষ তারাও এক চাঁদের সঙ্গে সমকক্ষতা করিতে পারে না। একটা গোলাপসুন্দরী তোমার লক্ষ লক্ষ বেলা চামেলী প্রভৃতিকে দেশছাড়া করিতে পারে। বড় দিনে কি অন্ধ হইয়াছিলে? গোলাপ সুন্দরীরা লাটের প্রাসাদে—লাটমহিষীর কাছে—কিরূপ সম্মান লাভ করিয়াছিলেন, তাহা পোড়া চক্ষে দেখিয়াছিলে কি? বিলাতে গেলে সম্রাটের প্রাসাদে দেখিতে আমাদের গোলাপকুলের কিরূপ আদর।

আমাদের যত্ন আদর ত তোমাদের ভারতেও কম নহে। বৈষ্ণনাথ এখন আর বৈষ্ণনাথের জন্ম বিখ্যাত নহে, সেখানকার গোলাপনাথদিগেরই জন্ম এখন বৈষ্ণনাথের নাম ডাক। মধুপুর যে, এখন গোলাপনগরী। আর জৌন-পুর গাজিপুরের কথা ভুলিও না। গাজিপুরেও আমাদের বংশ ৫০০ বিধা জমিতে বসবাস করিতেছে। কাশ্মীর ত আমাদের জন্মই মর্ত্যলোকের স্বর্গ; নন্দনকানন সেইখানে। পারশ্বে আমাদের আদর ধরে না। পারস্যরাজ শাহ ও তাঁহার মহিষীরা স্বহস্তে আমাদের প্রতিপালন করেন। তুরস্কের বসোরায় আমাদের পূর্বপুরুষদের পুরাতন বাস

সেখানেও ত আদর কম নহে। পিতামহীর মুখে শুনিয়াছি, মিসরে আমাদের যে বংশ অতি পূর্বকালে আধিপত্য করিয়াছিল, সেই বংশের পুত্র কন্টারাই ইউরোপে গিয়া বসবাস ও বংশরুদ্ধি করিয়াছেন। ইউরোপের তুরস্করাজ্যে আমাদের কিরূপ সম্মান, তাহা দেখিয়াছ কি? সেখানে আমরা স্থলতানের সহিত সোহাগ করিয়া থাকি, কিন্তু আমাদের এতই গৌরব যে, এ সোহাগ দেখিয়া শুনিয়া স্থলতানারা আমাদের আদর করিতে পারেন না; তাঁহারাও আমাদের আদর করিয়া রাখেন।

বুলগেরিয়া রাজ্যের নাম শুনিয়াছত? পূর্বে বুলগেরিয়া তুরস্কের অংশ ছিল? এখন কতকটা স্বতন্ত্র ও স্বাধীন হইয়াছে। সেইখানেই আমাদের প্রধান উপনিবেশ। চল্লিশ মাইল জুড়িয়া আমাদের গোলাপবংশই সেখানে বসবাস করিতেছে। গোলাপবংশের সেখানে একাধিপত্য; যেমন সংখ্যায়, তেমনই সম্মানে। ইউরোপের যেখানে আমাদের থাকিতে কষ্ট হয়, সেখানেও আমাদের বসবাস হইয়াছে। লোকে নানা উপায়ে বিজ্ঞানের সাহায্য লইয়া জল বায়ু ভূমি আমাদের রূচিসম্মত করিয়া দিয়াছেন। যেখানে বড় শীত, বরফ হিমের বড় ভয়, সেখানে আমাদের জন্ত কাচগৃহ নির্মিত হইয়াছে। এত বড় কি আর কোন ফুলকুমারী বা ফুলকুমারের দেখিতে পাও? তোমার সাধের বেলা চামেলী কি কোন স্থানে এত আদর পাইয়া থাকে? তোমার সোহাগের কমলিনী—জলের কমলী—বারমাস জলে গলা ডুবাইয়া থাকিতে বাধ্য। পৌষ মাসের শীতেও তাহার নিস্তার নাই! আর আমাদের জন্ত দেখ, তোমার রাজার দেশেও রাণীর আদর! কাচের ঘর—যেমন করিয়া হউক, গরম করা হয়! যে আদর দেব মানবের নাই, পৃথিবীর অধিরাজ বা স্বর্গের দেবরাজ যে আদর পান না, আমরা সে আদর পাইয়া থাকি!

### বংশকীর্তন।

আমাদের গোলাপ-বংশ নানা শাখায় বিভক্ত। ভিন্ন ভিন্ন শাখার ভিন্ন ভিন্ন নাম। কিন্তু আদিকালে আমাদের মূলবংশকে বনবাসী হইয়াই থাকিতে হইয়াছিল। তখনও বংশের ভিন্ন ভিন্ন শাখা ছিল, তখন বর্ণভেদেই

শাখা-ভেদ স্থির হইত। আমাদের আদি বর্ণ চারি মানবেরও ত ব্রাহ্মণ, ক্ষত্রিয়, বৈশ্য এবং শূদ্র, এই চারি আদি বংশ বা আদিবর্ণ। আমাদেরও আদি শাখা চতুষ্টয়ে বহুগোলাপবংশের সম্প্রদায়চতুষ্টয়ে—শ্বেত, পীত, গোলাপী এবং লাল, এই চারি বর্ণে চারি শাখাই বিস্তৃত করিত। গোলাপী বর্ণের বংশই সর্কাপেফা প্রবল হইত। তাই আমাদের নাম হইয়াছিল গোলাপ। কিন্তু শ্বেত, পীত এবং লোহিতকেও গোলাপ বলিতে হইত। এখনও লালকালী, নীলকালী, বেগুণেকালী প্রভৃতি কালী নানাভেদ দেখিতে পাও। বস্তুতঃ কালী হইতেছে রুম্বরণ বহু গোলাপ এখনও নানা দেশের নানা স্থানে দেখিতে পাওয়া যায়। পৃথিবীর উত্তর গোলার্ধের নানা স্থলে আমাদের বহু বংশ এখনও বিদ্যমান। আফ্রিকার আদি দিনীয়া, এশিয়ার ভারত এবং আমরিকার মেক্সিকো দেশেই বহু গোলাপের অধিক প্রাচুর্য্য; উত্তর গোলার্ধে মণ্ডলেও না আছে এরূপ নহে। বিলাতেও বহু গোলাপ আছে। কিন্তু বিলাতের স্কটলণ্ডেই তাহার অধিক প্রতিপত্তি। বহু গোলাপ গন্ধে বড় হীন, স্কটলণ্ডে বহু গোলাপের মত যত বহু গোলাপই একগন্ধে গন্ধবর্জিত।

পূর্বতন উদ্ভিজ্জবিজ্ঞান উদ্যানিকেরা বহু গোলাপবংশ হইতেও অধিক ভিন্ন ভিন্ন শাখা স্থির করিয়াছিলেন। পরে দুইশতাব্দিককে ৪০ শাখায় পরিণত করা হইয়া সংখ্যা ক্রমেই কমিতেছে। এখন উদ্যান-গোলাপের মাহেঞ্জবোগ, তাহারই একাধিপত্য।

### উপবনগোলাপ।

বনগোলাপের আদর নাই; উপবন-গোলাপ উদ্যান-গোলাপই এখন জগতের সর্বত্র পূজিত। উদ্যান গোলাপের প্রতি মানবের বহুও আজিকার নহে। কিন্তু এখনকার উদ্ভিজ্জবিজ্ঞান আমাদের বংশে যেরূপ উন্নতি করিতেছে, পূর্বে সেরূপ উন্নতি দেখা যাইত না। পূর্বে হইত বলিয়াছি, এখনকার বিজ্ঞান বর্ণসঙ্করের বড় পক্ষপাতী। অসবর্ণ বিবাহের বড় অনুরক্ত। অসবর্ণ-বিবাহ এবং বর্ণসঙ্করেই আমাদের গোলাপদেহে বড় সৌন্দর্য্য বাড়িতেছে। আমাদের আয়তনও বাড়িতেছে।

ভিন্ন ভিন্ন উদ্যানবিদ্যা-বিদ্যারদেরা এখনকার উদ্যান-গোলাপকে ভিন্ন ভিন্ন প্রধান বংশে বিভক্ত করিয়া থাকেন। উদ্যানশাস্ত্রবিৎ বেনার সাহেব উদ্যানগোলাপকে ১০টা প্রধান শাখায় বিভক্ত করিয়াছেন; কিন্তু উইলিয়ম পল আবার ঐ দশ শাখাকেই ছয় শাখায় পরিণত করিয়াছেন। পূর্বে ইংলণ্ডে গোলাপের আদর কম ছিল। ফুল ফরাসীর কাছে যত আদর পাইতেন, ইউরোপের অল্প কাহারও কাছে তত আদর পাইতেন না। ইতালিতেও আদর ছিল, কিন্তু ফ্রান্সের মত নহে।

ইংলণ্ডে এখন গোলাপ-শাস্ত্র একটা স্বতন্ত্র শাস্ত্র বলিয়া পরিগণিত। গোলাপশাস্ত্রের আলোচনা হইতেছে এখন বিলাতের সর্বত্র। গোলাপশাস্ত্রে বাহাদের অনুরাগ এবং অভিজ্ঞতা আছে, তাহাদিগের একটা সভা হইয়াছে। সভার নাম “নেশনাল রোজ সোসাইটি” বা জাতীয় গোলাপ-সভা। গোলাপ সম্বন্ধে অধুনা এই সভার মতই সকলের শিরোধার্য্য। সভার অধ্যক্ষেরা এখন উদ্যানগোলাপকে ছয়টা মুখ্য শাখায় বিভক্ত করিয়া থাকেন। পূর্বে কেবল সৌন্দর্য্যেরই আদর ছিল, এখন সৌন্দর্য্যেরই আদর ক্রমে বাড়িতেছে। কিন্তু বাহার সৌন্দর্য্য গন্ধ ছই অধিক, গোলাপ-যুবতীদিগের ভিতর তিনিই ধন্য। দেবী মানবীদিগের ভিতরও ত দেখিতে পাই, কেবল সৌন্দর্য্যে তাদৃশ গৌরব হয় না; যিনি রূপে রূপবতী এবং গুণে গুণবতী, তিনিই শ্রেষ্ঠ। মানুষের সৌরভ বশে, আমাদের সৌরভ গন্ধে। নানবসনাজে স্ত্রী পুরুষ উভয়েরই রূপ গুণ দুই থাকিলে আদর। আমাদের ফুলসনাজেও রূপ এবং গন্ধ দুই না থাকিলে স্ত্রী পুরুষ কাহারই তেমন আদর হয় না। বাহার্য্য বলেন, বিলাতের নর নারী কেবল রূপে মুগ্ধ, তাহার্য্য এখনকার অবস্থা জানেন না। বিলাতের সকল নর নারী যদি কেবল রূপে মুগ্ধ হইতেন, তাহা হইলে, তাহাদিগের উদ্যানে কেবল শিমূল পলাশের আদর দেখিতে; গোলাপের একাধিপত্য দেখিতে পাইতে না। বিলাতের হাটে বাজারে, ঘরে বাহিরে, মজলিসে সাইকেলে, বিবাহে বাসরে, সর্ববিধ উৎসবেই গোলাপের আদর; সুগন্ধ বলিয়াই গোলাপ সকলের শিরোধার্য্য। বাসনে—অস্ত্যোক্তি সময়েও গোলাপ আদৃত। গোলাপ যে, দেব-লোকের শ্রদ্ধের।

ফুলের গঠনভেদে, পত্রের গঠনবর্ণাদিভেদে, পাপড়ী-সংখ্যা-সৌষ্ঠব-স্থূলতা-পুষ্টি-ভেদে গোলাপের বংশভেদ—শাখাভেদ হইয়াছে। আবার যে দেশে শীত বড় অধিক, সে দেশে আমাদের ফুল জাতি বসন্তেই অধিক প্রস্ফুটিত হয়, বসন্তেই অধিক সৌরভ দেয়। যে দেশে শীত কম, সে দেশে শীত কখনও ফুলের তাদৃশ প্রতিকূল নহে। অত্যাঁচ ফুলবংশে যে নিয়ম আমাদের গোলাপ-বংশেও সেই নিয়ম। বিলাতে গোলাপসুন্দর ও গোলাপসুন্দরীর নবযৌবন বসন্তে ভরা যৌবন গ্রীষ্মে। যৌবনেই রূপ অধিক, যৌবনেই গন্ধ অধিক। কিন্তু শীতপ্রধান বিলাতেও অনেক গোলাপ বারমাস রূপ দেখান, বারমাস গন্ধ দেন। তবে তারতম্য আছে; বসন্তে গ্রীষ্মে যত রূপ, যত গন্ধ, যত সৌষ্ঠব, অল্প সময়ে তত নহে।

ভারত শীতপ্রধান দেশ নহে। ফুলের যৌবন বিলাতে বখন হয়, ভারতে তখন হয় না। ভারতের মানবকুলে জন্তুকুলে যে নিয়ম, এখানে ফুলকুলেও সেই নিয়ম। এখানে যৌবন-বিকাসটা কিছু শীঘ্র শীঘ্র হইয়া থাকে। ভারতের গোলাপ পৌষ মাঘে যেমন ফুটে, বিলাতের গোলাপ সেরূপ ফুটেনা। ভারতের পৌষ মাঘের শীতে আর বিলাতের মার্চ এপ্রেলের শীতে সৌসাদৃশ্য, তাই ফুলের যৌবনবিকাসেও ঐ দুই সময়ে সৌসাদৃশ্য।

### নিদাঘের গোলাপ।

বিলাতের নিদাঘ-গোলাপগণের ভিতর প্রসিদ্ধ হইতেছেন, বোরসল্ট, স্কচ, ডামাস্ক, প্রোভেন্স, মস, ফ্রেঞ্চ, সঙ্করফ্রেঞ্চ বোকোঁ, সঙ্করচীন, অষ্ট্রিয়ান, পলি-রাজ্জা, ব্রাইয়ার, এয়ারশায়র, এভারগ্রীণ, মল্টিফ্লোরা, প্রেরারী, ব্যাঙ্কশিয়ান ইত্যাদি। অনেকেই রূপে গুণে শ্রেষ্ঠ। কিন্তু বিলাতের নিদাঘ গোলাপের ভিতর “মস” গোলাপই সর্বশ্রেষ্ঠ; তাহার যেমন রূপ, তেমনই গুণ!

### বারমেসে বা চিরযৌবন।

এ দলে আছেন, চীন বা মাসিক গোলাপ, জারজ, বারমেসে, চা-গন্ধী, বোকোঁ, নয়সেট ম্যাকটনি, ফগোসা, মাইক্রোফিলা, লরেসানা, স্কচ-বারমেসে, ইত্যাদি। চীন বা মাসিক গোলাপ, বোকোঁ এবং নয়-

সেট, এই তিন সম্প্রদায়ের খুব আদর। কিন্তু বারমেসে জারজ আর চা-গন্ধী, এই দুই গোলাপেরই একাধিপত্য। বারমেসে জারজ হইয়াও রাজা, চা-গন্ধী, রাণী। ইঁহাদের সৌন্দর্য অধিক, ঔজ্জল্য অধিক, অথচ কোমলতার একশেষ। আবার চা-গন্ধীর স্বভাবে লজ্জা-শীলতার পরাকাষ্ঠা; চা-গন্ধী যেন লজ্জায় সর্বদাই মুখ ঢাকিয়া আছেন; পাপড়ী বড়ই ঘন, বর্ণ সুন্দর, কিন্তু মুখ দেখিলে মনে হয় যেন সুন্দরী কেবল চিন্তা করিতেছেন; ভাবনা-রুড় বিমর্ষ। এই বিমর্ষভাবের জন্যই চা-গন্ধী কবি-মনোমোহিনী। বারমেসে জারজের বড় গর্ভ; জারজের লজ্জাহীনতা চিরপ্রসিদ্ধ। সাহসের সীমা নাই; বাহ্যে জারজ আধিতীয়, এত শোভা আর কাহারও নাই, বর্ণ যেমন সুন্দর তেমন উজ্জল। আবার অঙ্গপ্রত্যঙ্গ যেন মখমলের মত নরম; পাপড়ী যেমন নরম, তেমনই পুরু। জারজকে দেখিলেই লোকে ভুলিয়া তাহার কুহকে পড়ে, জারজ বারমেসে, তাইত লোককে বারমাস মজাইতেছে।

চাগন্ধীকে রাখিতে হয় বড় যতনে। ইনি আশ্রয় না পাইলে চলিয়া পড়েন, অভিমানে মাটিতে লুটান। খুব শক্ত গোলাপে ষোড়কলম করিলে, তবে ইনি কথঞ্চিৎ মাথা তুলিতে পারেন।

### ইহলোকে উপসংহার।

আমাদের গোলাপ গোলাপীর যে আদর, যে যত্ন, তাহা রাজা রাণীরও নাই, আমাদের মধ্যে অনেকে শীত আদৌ সহ্য করিতে পারেন না। শীতপ্রধান রাজ্যের উদ্যান উপবনে তাহাদিগকে কাচের ঘরে রাখিতে হয়।

ইউরোপ আমরিকার সর্বর্ণজ অসর্বর্ণজ যত গোলাপেরই তোমাদের ভারতেও শুভাগমন হইয়াছে। গোলাপের আদর যে, ভারতেও বাড়িতেছে, তাহা তোমরা দেখিতেছ। অসর্বর্ণ বিবাহে বর্ণসঙ্করে গোলাপের বৎসর বৎসর নব নব বংশ আবির্ভূত হইতেছে। কিন্তু পুরাতন বংশেরও ক্রমেই লোপ হইতেছে। “নূতনে যেমন মন পুরাতনে নয় তেমন।” গোলাপ শাস্ত্র এখন বৃহৎ শাস্ত্র, ফুল-পুরাণের ত কথাই নাই! ফুল-পুরাণের অন্তর্গত এই গোলাপ খণ্ডই বিশাল বিস্তৃত! ক্রমেই বৃদ্ধি হইতেছে। পালন পোষণ রোপণ কর্তৃনাদির কথা কহিতে গেলে, আমি অষ্টাদশ পর্বেও পার পাইব না। সর্বতথ্যের অলোচনা

করা বা আভাস দেওয়াও আমার উদ্দেশ্য নহে, সুতরাং গোলাপের ঐহিক তথ্য এইখানে সমাপ্ত হইল; ফুলকুমারীরও ঐহিক কথা এইখানেই ফুরাইল। অতঃপর সংক্ষেপে পরলোকের কথা কহিব। ফুলকুমারী গোলাপ সুন্দরী প্রাণ ও আত্মার কথাই পরে আমার আলোচ্য হইবে।

### গোলাপসুন্দরী পরলোকে।

দেখ দেখি—একবার ভাবিয়া দেখ দেখি, আমাকে দেখিতে পাইতেছ কি না—আমাকে চিনিতে পারিতেছ কি না? আমি তোমাদের সেই ফুলকুমারী—গোলাপ সুন্দরী। আমিই ফুলদেহে—আমার নখর গোলাপদেহে—তোমাদের সহিত কথা কহিতেছিলাম। এখন আমি পরলোকে আসিয়াছি, আমার দেহ তোমাদের মর্ত্যলোকে পচিয়া মাটি হইয়া গিয়াছে। কিন্তু আমার প্রাণ—আমার আত্মা বিদ্যমান। কেবল আমার নহে, আমার মত কোটি কোটি ফুলকুমারী—কোটি কোটি গোলাপ সুন্দরীর প্রাণ এখন মর্ত্যলোক ছাড়িয়াছে। আমরাদিগকে এখন আর তোমরা বনে উপবনে দেখিতে পাইবে না। দেবীর পাদ-পদ্মে বা মানবীর কমলীয় দেহে এখন আর আমরাদিগের স্থান নাই। প্রাণময়ী আমরা এখন সিসিদ্ধ স্বর্গে—বোতলরূপ দেবলোকে—কার্পারূপ অমরভবনে—বিরাজ করিতেছি। এতকাল কবিরাই আমরাদিগের অমর বৃক্ষিতে পারিতেন, আমাদের সৌরভময় প্রাণ এত দিন কবি ও ভাবুকদিগেরই হৃদয়ঙ্গম হইত। এখন জ্ঞানবান বৈজ্ঞানিকেরাও আমাদের অমরত্ব বৃক্ষিতে পারিয়াছেন। আমাদের প্রাণের কথা—আত্মার কথা এখন তাঁহাদের কহিতেছেন।

যিনি জীবতন্ম্রে অধিতীয় ছিলেন, কীটাপু হইবে মানব পর্যন্ত সকলকেই যিনি এক পর্যায়ে ফেলিবার চেষ্টা করিয়াছিলেন, তোমাদের নরকুলকে যিনি বানরকুলের সন্তানরূপে প্রতিপন্ন করিয়া গিয়াছেন, সেই চার্লস ডার্বিনকে চেন কি? তোমরা সকলে না চেন, কেহ কেহ অবশ্যই চেন। তাঁহার “ডিসেন্ট অব ম্যান” বা মানব বংশ, তাঁহার “অরিজিন অব স্পীশিস” বা জীবসম্প্রদায় সমূহের মূল প্রভৃতি গ্রন্থ তোমাদের অনেকেরই অধীত হইয়াছে। চার্লস ডার্বিনের প্রতিপত্তি এখন জগদ্ব্যাপ্ত। প্রাণীতন্ম্রে তিনি একটা নবযুগই উপস্থিত করিয়া গিয়াছেন।

৬ষ্ঠ ভাগ।]

প্রদীপ।

[ ১ম সংখ্যা।



ভারত-বন্ধু  
স্বর্গীয় মহাত্মা কেইন সাহেব।

সেই চার্লস ডারুইনের পুত্র—পিতার অনুরূপ কুলতিলক পুত্র—ফ্রান্সিস ডারুইনের সহিত যদি তোমাদের পরিচয় না হয়, তাহা হইলে, তোমাদের জীবনই ব্যর্থ! বিলাতের বৃটিশ এসোসিয়েশনের মত পণ্ডিতসভা আর নাই; যত বড় বড় বৈজ্ঞানিক, দার্শনিক এই সভার সভ্য। এই সভার তরফে ফ্রান্সিস ডারুইন যে সকল উপদেশ দিয়াছেন, তাহা শুনিয়াছ কি? যদি না শুনিয়া থাক, তবে বড়ই বঞ্চিত হইয়াছ। শুদ্ধ ইহাঁরই উপদেশ শুনিবার জন্ত, তোমাদিগের বিলাত যাওয়া উচিত ছিল।

ফ্রান্সিস ডারুইনের উপদেশাবলী পুস্তকে সন্নিবেশিত হইয়াছে। এ পুস্তক খানা যদি না পড়, তবে তোমাদিগের পড়া শুনা মিথ্যা। ফ্রান্সিস ডারুইনের মত উদ্ভিজ্জতত্ত্ববিদ পণ্ডিত জগতে নাই। কেবল যুক্তিতর্ক নহে—তিনি প্রমাণ-প্রয়োগে দেখাইয়াছেন; বৃটিশ এসোসিয়েশনের পণ্ডিতপ্রবর সভ্যদিগকে জ্ঞানালোকে আলোকিত করিয়া, শ্রোতৃ-বৃন্দকে পুলকিত করিয়া দেখাইয়াছেন, “উদ্ভিজ্জেরও প্রাণ আছে, আত্মা আছে; জগতের যত তরুলতাই নর নারীর মত প্রাণেশ্বর ও প্রাণেশ্বরী; সকলেরই ইন্দ্রিয় আছে। তরুলতাও স্নেহ ছঃখের ভোগ করে, আঘাতে কষ্টবোধ করে; উৎকৃষ্ট জল বায়ু এবং সার পেষরূপে ভক্ষ্যরূপে পাইলে, আনন্দিত হয়, খাওয়া পেয়ে বঞ্চিত হইলে, একান্ত কুণ্ঠিত হইয়া থাকে। তরুলতাও হাসে কাঁদে, উৎসাহে উত্তেজিত হয়, অবসাদে অবসন্ন হয়।”

যে সকল অবোধ মানব তরুলতাকে আঘাত করে, কষ্ট দেয়, কাটিয়া ফেলে, পোড়াইয়া থাকে, তাহাদিগকে যে, পরকালে নরকে পুড়িতে হইবে, তাহাতে সন্দেহ নাই। আমার কথায় অবিশ্বাস করিও না, ফ্রান্সিস ডারুইনের বাক্য বেদ-বাক্য। ভারতের ঋষি মহর্ষিরাও তরুলতাদির প্রাণ ও আত্মার উপলব্ধি করিতে পারিয়াছিলেন। তরুলতার প্রতি তাই তাঁহারা নিষ্ঠুরতা করিতে নিষেধ করিয়া গিয়াছেন। তাই হিন্দু শাস্ত্রে তরুলতাকে জল দেওয়া পুণ্য, তাই দেবতা-প্রতিষ্ঠার ঝায় বৃক্ষ-প্রতিষ্ঠা শ্রেষ্ঠ ধর্ম; তাই বট, অশ্বথ, মনসা প্রভৃতি বৃক্ষের পূজা বিধেয়। তাই বট, অশ্বথ, পর্কটী প্রভৃতি পঞ্চবটীর তলেই তপঃসিদ্ধি হইয়া থাকে। পুষ্প ফল তরুলতার সন্তান, তাই ফুলে দেবতার তুষ্টি, তাই ফলে দেবতার তৃষ্ণা। দেবদ্বিজের সেবার জন্ত তরুলতাই সন্তান দান করিতে কাতর নহে। তাহাদেরও ধর্মজ্ঞান আছে; তাহারাও জানে, দেবদ্বিজের তুষ্টির জন্ত পুষ্প কতাকে বলি দিলেও দোষ হয় না। কিন্তু ঋষিরা করুণাময়; পক ফলই পূজার জন্ত নির্দিষ্ট করিয়া গিয়াছেন। প্রস্ফুটিত পুষ্প না হইলে পূজা সিদ্ধ হয় না। ফল পক হইলে, ফুল পূর্ণ-প্রস্ফুটিত হইলে, নিজেই পড়িয়া যাইবার উপযুক্ত হয়, তখন তাহাদিগকে দেবপদে বা দ্বিজ-চরণে স্তম্ভ করিলে, তরুলতাকে কষ্ট দেওয়া হয় না। আর যেমন ছাগ মেঘ মহিষ দেবতার বলি হইবার জন্ত জন্মগ্রহ করে, পুষ্প ফলও সেইরূপ দেব পূজার জন্তই জন্মগ্রহ করিয়া থাকে। মানব দেবতার নাম করিয়া ছাগ মেঘাদির মাংস খায়, মানব দেবতার প্রসাদরূপ পুষ্প ফলেই অধিকারী। সংসারে বাহারা বৃথা মাংসে দন্ধোদর পূর্ণ করে, তাহারা বৃথা ফুলে নাসিকা এবং বৃথা ফলে উদর তৃপ্ত করিয়া থাকে। কলিযুগে মানুষ অজ্ঞানে আবদ্ধ, তাই তরুলতার প্রাণ বা আত্মা হৃদয়ঙ্গম করিতে সমর্থ হয় না। অধুনা যে, চার্লস ডারুইনের মত পাশ্চাত্য বৈজ্ঞানিকেরা হৃদয়ঙ্গম করিতেছেন, ইহা তাঁহাদের গৌরবের বিষয়; পৃথিবীতেও মঙ্গলের সূত্রপাত।

আমাদের প্রাণ বা আত্মার সহিত পরিচয় করিতে হইলে, তোমাদিগকে ভারতের গাজিপুরে যাইতে হইবে। সেখানকার পাঁচ শত বিঘা গোলাপবাগে আমাদের মর্ত্য ভাই ভগিনীদিগেরই সহিত তোমাদের দেখা শুনা হইবে; আমাদের পরলোকগত প্রাণ বা আত্মার সহিত সে গোলাপবাগে পরিচয় হইবে না। যেখানে আতর প্রস্তুত হইতেছে, তোমাদিগকে সেইখানে যাইতে হইবে, আতরের শিশি খুলিয়া পরলোকগত গোলাপসুন্দরী বা অগ্ন্যাত ফুলকুমারীর সহিত পরিচয় করিতে হইবে।

নুরজাহান জলে প্রভূত গোলাপ ফেলিয়া, সেই জল রৌদ্রে দিয়াছিলেন। বাদশাহ জাঁহাঙ্গীরের অসাধারণ বুদ্ধি-সম্পন্ন বেগম নুরজাহান, সেই জলে তৈল ভাসিতেছে, দেখিয়া, পাখীর কোমল পালক দিয়া, সেই তৈল তুলিয়া লইয়াছিলেন। তৈলে প্রাসাদ আমোদিত হইয়াছিল। সেই দেবভোগ্য তৈলকে নুরজাহান “আতর” নামে অভিহিত করিয়াছিলেন। সেই আতরই এখন নানা স্থানে সঞ্চিত হইতেছে, নানা ফুল হইতেই আতর গৃহীত হইতেছে।

৪



এখন ফুল জলে সিক্ত করিয়া, ফুল-জল চোয়াইয়া, সেই ফুল-জলের ধূম হইতে, আতর লব্ধ হইয়া থাকে। কেহ কেহ সূর্য্যাপক ফুল-জলেও আতর পান। এখন নানা ফুলেই আতর হইয়া থাকে; কিন্তু গোলাপের আতরই সর্বশ্রেষ্ঠ আতর। শুনিয়া হাসিবে, কোন কোন স্থানে একপ্রকার মাটি হইতেও আতর নিঃসারিত হয়; গন্ধময়ী মেদিনীর গন্ধ আতরে পরিণত হয়। নাক সিঁটকাইও না। কেহ কেহ অশ্বপূরীষ হইতে আতর বাহির করিয়া থাকেন। কিন্তু এরূপ আতরে আমরা কাতর হইয়া থাকি। এরূপ আতরকে তোমরা আতর বলিতে পার, তোমরা এরূপ আতরে তর হইয়া যাইতে পার; আমরা কিন্তু এরূপ আতরকে আতর বলি না।

আমাদের আতর আমাদের প্রাণ। গমনে, পাইভার জোয়ানা মেরীয়া প্রভৃতি ইউরোপীয় নর নারীদিগের নানারূপ সুরভি পুষ্পসার তোমরা দেখিয়াছ, অনেকের অনেক এসেন্সই তোমাদিগের নাসিকার তৃপ্তি-সাধন করিয়াছে। কিন্তু আমি পরলোক হইতে দেখিয়া বলিতেছি, ফরাসী জর্জন গন্ধব্যবসায়ীদিগের অপেক্ষা বিলাতের সৌরভ-ব্যবসায়ী গ্রস্মিথ সর্বাংশে সর্কণ্ডে শ্রেষ্ঠ, গ্রস্মিথের মত বৈজ্ঞানিক এবং দার্শনিক সৌরভব্যবসায়ী জগতে আর দেখিতে পাইবে না। লণ্ডনে তাঁহার সৌরভাগার প্রতিষ্ঠিত। কিন্তু ফরাসি রাজ্যের গ্রাস-জেলায় তাঁহার জন্ম অসীম উদ্যানে অনন্ত সুরভি ফুল দিবারাত্র ফুটিতেছে সেইখানেই পুষ্পসার নিঃসৃত হইয়া, বসায় প্রবিষ্ট হইয়া, লণ্ডনে যাত্রা করিতেছে। লণ্ডনে সেই সৌরভপূর্ণ বসায় সুরাসারে পড়িয়া গলিয়া যাইতেছে। তৎপরে সেই সুরভি সুরাসার হইতে গন্ধসার নিঃসৃত করিয়া, গ্রস্মিথের গন্ধ-পারদর্শী শিল্পীরা অসংখ্য অতিসুন্দর বিচিত্রগঠন কাচকোষ সেই গন্ধসারে পূর্ণ করিতেছেন। ঐ সকল গন্ধসার-পূর্ণ কাচকোষ নানাদেশে প্রেরিত হইতেছে; নানা নামে প্রচলিত হইয়া, নর নারীদিগের সুখবৃদ্ধি করিতেছে। কিন্তু সে কথা পরে শুনিবে। ঐ গন্ধবিশারদ গ্রস্মিথ নিজে কি বলিতেছেন, অগ্রে তাহা শুন। তিনি বলিতেছেন, “পুষ্পের প্রাণ আছে—আত্মা আছে, ইহা কি তোমরা জান না? আমি বলিতেছি, যত ফুল-কুমারী ও ফুলকুমারেরই আত্মা আছে। আমাদের মত গন্ধবিশারদ গন্ধব্যবসায়ীরা ফুলের সৌরভেই ফুলের আত্মার

সহিত পয়িচয় করিয়া থাকেন। মানুষের প্রাণ—আত্মা—যে রূপ তাহার দেহ ইহলোকে ফেলিয়া পরলোকে থাকে ফুলের আত্মাও সেইরূপ তাহার ফুল-দেহ ছাড়িয়া পরলোকে অবস্থিতি করে। ফুলের সৌরভ অচেতন পদার্থ নহে; এ সৌরভকে ফুলের এই জীবাত্মাকে, মানুষ নষ্ট করি ফেলিতে পারে; কিন্তু অবস্থা বুঝিয়া ব্যবস্থা করিলে মানুষই এই পৌষ্পাত্মাকে চিরস্থায়ী করিতে পারে।”

গ্রস্মিথের বাক্য বেদবাক্য। ঐ শোননা তিনি আবার বলিতেছেন :—

“পুষ্পের আত্মা অবিনাশী। এই দেখ, এই কাচাকোষ গোলাপের গন্ধসার রহিয়াছে। আমরা বেশ দেখি, শীতকালে এই গন্ধসারের যেরূপ গন্ধ, বসন্তে তদপেক্ষা অনেক অধিক। বাগানের গোলাপ বসন্তকালে ফুটে, বসন্তকালে গন্ধে দশ দিক আমোদিত করে। দেহী গোলাপ বসন্তে অধিক তেজস্বী হয়, এই দেখ, দেহ-হীন গোলাপ—এই গোলাপী গন্ধসার—শীতে স্বল্প গন্ধ দিয়া, এখন বসন্তে অধিক গন্ধবিস্তার করিতেছে। বসন্তে উদ্যানের সজীবগোলাপ অধিক গন্ধ দেয়, তাহার দেহ-হীন প্রাণ বসন্তে অধিক গন্ধ দিতেছে। তথাপি কি বলিবে, ফুলে প্রাণ নাই?” আমি বলিতেছি যাহা গোলাপে, তাহা অল্প ফুলে; আমাদের ফুলবংশেরই এটা সাধারণ ধর্ম কেন না, ফুলবংশের সকল ফুলেরই প্রাণ আছে—আত্মা আছে।

### স্রাণশক্তি ও গন্ধবিদ্যা।

আমি সেই গোলাপসুন্দরী, এখন পরলোকে আত্মা স্বর্গবাস আমাদের নানা স্থানে। যেখানে গন্ধশিল্প, সেইখানে আমাদের আবাস। যেখানে আতর ও এসেন্সের দোকান সেখানে আমাদের গতিবিধি, যেখানে আতর বা এসেন্স শিশি, সেইখানেই আমাদের অবস্থিতি। আমাদের কৌন্ ফুলকুমার বা ফুলকুমারীর কৌন্ স্থানে বাস, আমরা বলিতে পারি না; কিন্তু কৌন্ আবাসে ফুলকুমার ফুলকুমারীর বাস, কোন আবাসে—কোন গৃহে—কোন বংশের গোলেপার প্রাণ অবস্থিতি করিতে কোন কাচকোষে চামেলীর প্রাণ রহিয়াছে, কৌন্ মল্লিকার প্রাণ বিদ্যমান, কৌন্ কামলালেবুর প্রাণ নি

### গন্ধের উগ্রতা ও মৃদুতা।

গোলাপ-সুন্দরীর গ্রস্মিথই বলিতেছেন, “সকল গন্ধ সমান নহে, কোন কোন গন্ধ অধিক দূর পর্য্যন্ত স্বীয় তেজের বিস্তার করিতে পারে, কোন গন্ধ পারে না। কোন গন্ধ অধিক দিন থাকে, কোন গন্ধ থাকে না। পুষ্পের মধ্যে দেখিতে পাওয়া যায়, গোলাপের গন্ধ অপেক্ষা চম্পকের গন্ধ অধিক দূর গমন করিয়া থাকে। আবার গন্ধগোকুলা, কস্তুরী-মৃগ প্রভৃতির শরীর-নিঃসৃত গন্ধ ছুই তিন শতাব্দীতেও উড়িয়া যায় না। গন্ধ গোকুলার জাস্তব গন্ধ যে দস্তানায় তিনশত বৎসর পূর্বে পড়িয়াছিল, সেই পুরাতন দস্তানায় এখনও তাহা রহিয়াছে। মৃগনাভি যে ঘরে ছুই শত বৎসর পূর্বে চুনকামের সহিত দেওয়া হইয়াছিল, সে ঘরে এখনও বিরাজ করিতেছে। এইজন্তই ত আমরা সকল পুষ্পসারেই কস্তুরীমৃগের নাভি-গন্ধ অতিসূক্ষ্ম মাত্রায় মিশাইয়া দিই। এত সূক্ষ্ম মাত্রায় মিশাই যে, কস্তুরীর গন্ধ পুষ্প গন্ধে ঢাকিয়া যায়, কিন্তু কস্তুরীর জন্ম পুষ্পগন্ধ বহুদিন স্থায়ী হয়। আবার দেখ, আমার গন্ধাগারে বাহিরের কোন লোক আসিলেই গন্ধে আমোদিত হন, ঘরের গন্ধময় বায়ু তাঁহার নাসারন্ধ্রে প্রবেশ করিয়া তাঁহাকে মুগ্ধ করে। কিন্তু আমরা এই ঘরে দিবারাত্র থাকি বলিয়া, কোন গন্ধই পাই না। ঘরের সুগন্ধ আমাদের নাসাস্থ শিরায় অনুভূত হয় না। কিন্তু বৈচিত্র্য দেখ, এই শিশির ভিতর দশপ্রকার গন্ধসার মিশ্রিত হইয়া রহিয়াছে, আমি প্রত্যেক সারের স্বতন্ত্র গন্ধ জানিতে পারিতেছি; দশবিধ গন্ধের দশবিধ স্বাতন্ত্র্য পূর্ণমাত্রায় আমার নাসিকায় অনুভূত হইতেছে; কিন্তু তোমাদের নাসিকায় অনুভূত হইতেছে না। অতি মৃদু গন্ধেরও তেজ আমরা টের পাই, তোমরা পাও না। শিক্ষার তারতম্যই এই প্রভেদের হেতু। তোমরা যদি গন্ধ-বিদ্যার আলোচনা করিতে, যদি গন্ধবিদ্যার স্বতন্ত্র লেবরেটরি বা পরীক্ষাগারে তোমরা সর্বদা থাকিতে পাইতে, তাহা হইলে, তোমাদিগেরও এইরূপ দক্ষতা হইত। শিক্ষার অভাবই মানুষকে গন্ধজ্ঞানে কুণ্ঠিত করিয়া রাখিতেছে।”

সারসংগ্রহে গোলাপসুন্দরী।

গ্রস্মিথকে ছাড়িয়া দিয়া, এবার আমাদের গোলাপ-সুন্দরী নিজেই সারচর্চা আরম্ভ করিতেছেন। তাঁহার

বিরাজমান, ইত্যাদি রহস্য আমরা জানিতে পারি; আত্মাণে তোমরাও বলিতে পার। কিন্তু গ্রস্মিথের মত পুষ্পতত্ত্ব-বিশারদেরা যেরূপ পারেন, তোমরা সেরূপ পার না। অতএব, এখন আমি নিজের উক্তি ছাড়িয়া, তাঁহার উক্তিই তোমাদিগকে শোনাইতেছি। গ্রস্মিথই বলিতেছেন;—

“মানুষ চক্ষুরিন্দ্রিয়ের উন্নতি-কল্পে কত কাণ্ড করিয়া থাকেন; চক্ষুরোগের কতপ্রকার চিকিৎসা প্রচলিত রহিয়াছে, নেত্রচিকিৎসার কত চর্চা, কত উন্নতি, কত যন্ত্র, কত বিদ্যালয়, কত পুস্তক! শ্রবণেন্দ্রিয়ের প্রতিও মানুষের যত্ন কম নহে; যেখানে নেত্র-চিকিৎসা, সেইখানেই কর্ণ-চিকিৎসা! জিহ্বার কথা ত কহিতেই হয় না; রসনেন্দ্রিয় লইয়াই, ঔদরিক মানব দিবারাত্র ব্যস্ত। মানুষ স্পর্শেন্দ্রিয়েও উদাসীন নহে, উদাসীন কেবল নাসিকায়। শ্রবণবিদ্যার যেরূপ চর্চা হইতেছে, সংগীতের যেরূপ আলোচনা হইতেছে, ঘ্রাণেন্দ্রিয়ের কি সেরূপ হইতেছে? শব্দের যেরূপ আলোচনা হইতেছে, গন্ধের কি সেরূপ আলোচনা হইতেছে? গন্ধের কিছুই হইতেছে না। তাই গন্ধ-বিজ্ঞানেরও সেরূপ উন্নতি হইতেছে না। এই জগতে বুদ্ধিমান মানবও গন্ধ-ভেদ করিতে গিয়া কুণ্ঠিত হন। গন্ধ-ব্যবসায়ী আমরা যেরূপ গন্ধভেদ করিতে পারি, বিশ্ববিদ্যালয়ের বড় বৈজ্ঞানিকেরাও সেরূপ পারেন না। আমি ৬৭টা ভিন্ন ভিন্ন পুষ্পসার লইয়া মিশাইয়া দিলাম, বিশ্ববিদ্যালয়ের পণ্ডিতের নাকে ঠেকিল, তিনি গন্ধ পাইলেন। কিন্তু ৭ পুষ্পের সপ্তসারের স্বতন্ত্র সৌরভ কেহই পাইলেন না। ৭ টার এক একটাই এক একজন নাসারন্ধ্রে অনুভূত হইল। কেহ বলিলেন, গোলাপসার কেহ বলিলেন মল্লিকাসার, কেহ বলিলেন যুথিকাসার, কেহ বা বলিলেন অগ্গসার। কিন্তু আমি অনায়াসেই নাসাস্পর্শমাত্র বলিয়া দিব, এটা মিশ্রিত সার, ইহাতে গোলাপ আছে, বেলা আছে, যুই আছে, ইত্যাদি ইত্যাদি। আমাদের ঘ্রাণশক্তি যেরূপ শিক্ষিত হইতেছে, আমরা যেরূপ গন্ধ-বিদ্যায় অধিকার-লাভ করিতেছি, গন্ধের বিদ্যালয় থাকিলে, বিদ্যা থাকিলে—বিদ্যার চর্চা থাকিলে, ত সকলেই সেইরূপ ঘ্রাণশক্তির লাভ করিতে পান; গন্ধবিদ্যায়ও অধিকার-লাভ করিতে পারেন।” গ্রস্মিথের বাক্য বেদবাক্য!





হয়, ভাব দেখি! এখানেও ২৫০ ভরি গোলাপ তৈল অর্থাৎ আতরের জন্ম ১৫০ সের গোলাপকে অপহৃত হইয়া অগ্নিতে সিদ্ধ হইতে হয়। একগুণ গোলাপ-জলে দুইগুণ জল আবশ্যক, দশ সের জলে পাঁচসের পাপড়ী যোগাইতে হয়। এইরূপ সিদ্ধ গোলাপের ধূম শীতল হইয়া গোলাপজলে পরিণত হয়। সেই গোলাপজলে অতিস্বাস্তুরে পুষ্পতৈল ভাসে, তাহাই আতর। বলিয়াছি ত পাখীর কোমল পালকে করিয়া সেই তৈল—পুষ্পের সেই প্রাণ তুলিয়া লইতে হয়। কামিনীর কোমল হস্তেই ঐ কুসুমপ্রাণ সূচারূপে সংগৃহীত হইয়া থাকে। কিন্তু আতরের কথা—প্রাণের কথা—আত্মার কথা আর কহিতে পারি না; কত কোটিকোটি গোলাপসস্তানকে প্রাণ দিতে হইতেছে! তাহা আর ভাবিতে পারি না! বংশ নাকি আমাদের রক্ত বীজের ঝাড়, তাই এখনও নিমূল হইতেছে না। মহাসাগর মৎস্যহীন হইতেছে না, মৎস্য-বংশ অনন্ত বলিয়া, এক মীনসুন্দরীর এক গর্ভে কোটি সস্তানের উপযুক্ত ডিম্ব থাকে বলিয়া, মৎস্যবংশ নির্বংশ হইতেছে না। গোলাপবংশের গোলাপকামিনীরাও বহুপ্রসবিনী, ফুলজাতির ফুলসুন্দরী মাত্রেই বহুপ্রসবিনী তাই ফুলবংশ—বিশেষতঃ আমাদের গোলাপবংশ—এখনও সমূলে বিনষ্ট হয় নাই; নতুবা মানুষের গুণে ত পালান দিতে নাই! কি নিষ্ঠুরতাই ভগবান্ মানবহৃদয়ে ন্যস্ত করিয়াছেন; রাক্ষস বা কোথায় লাগে! দুর্বল কোমল নিরীহ নিষ্পাপ কুসুমবংশের পক্ষে মানুষ রাক্ষসের অধম; আবার গোলাপবংশের পক্ষে তোমাদের মানুষ রাক্ষসাধমেরও অধম!”

এই কথা কহিতে কহিতে প্রাণময়ী গোলাপকুমারীর আত্মা যে, শিশির ভিতর, অশ্রুবর্ষণ করিল না, ইহা আমরা মনে করি না। তাহার উত্তপ্ত দীর্ঘ নিশ্বাসে যে, কাচ-কোষ ফাটিল না, ইহাই বিচিত্র। কে বলে কাচ ভঙ্গুর? আমাদের ত মনে হয়, কাচ অপেক্ষা কঠোর হীরা কাচকে কাটে সত্য, কিন্তু একবার দেখিয়াছ কি কাচও হীরাকে কাটে কি না!

উপসংহারে গোলাপ সুন্দরী বলিলেন,—“মর্ত্য পুষ্পের গৌরব দেখাইবার জন্য, একবার তোমাদিগকে আমেরিকায় লইয়া যাই। দেখিবে, ফুলের রূপায় কত সেখানে লোক কুবেহ হইতেছে! মার্কিনরাজ্যের নিউইয়র্ক সহরে কি

হইতেছে, জান কি? একটা সহরে বৎসরে ২ কোটি টাকার ফুল খরচ হইতেছে, এক হাজার বাগান সহরকে ফুল যোগাইতেছে। নিউইয়র্কে প্রাতে ৬টার সময়ে ফুলের হাট বসে, আধ ঘণ্টার মধ্যেই কেনা বেচা ফুরাইয়া যায়। ফুলের দর এক এক সময়ে এতই চড়িয়া উঠে যে, স্বর্ণকেও পুষ্পের কাছে পরাজিত হইতে হয়। আমাদের গোলাপবংশেরই গৌরব অধিক। বড় দিনের উৎসবে একবার নিউইয়র্কে যাইও, দেখিবে, চারি গোলাপের এক একটা তোড়া কত হাতে কত বৃকে শোভা পাইতেছে! ৪টা গোলাপে কত পড়ে, শুনিবে? প্রত্যেক গোলাপে পড়ে ৩ পাউণ্ড অর্থাৎ ৪৫ টাকা, চারি গোলাপে ১৮০ টাকা! ওজন করিলে বুঝিবে, গোলাপের দর স্বর্ণের আট গুণ। এক ভরি সোণায় যদি ২৫ টাকা হয়, ত এক ভরি গোলাপে ২০০ টাকা! বুঝিলে, কেন আমাদের এত অহঙ্কার?” পুষ্প সাম্রাজ্যের রাজরাজেশ্বরী গোলাপ সুন্দরী নীরব হইলেন; শিশি-স্বর্গে বসিয়া প্রাণ-ময়ী পুষ্পেশ্বরী কি ভাবিতে লাগিলেন, বলিতে পারি না। কিন্তু বুঝিলাম, পুষ্পই জগতের শ্রেষ্ঠবস্তু, এই জন্মই দেব-তারার পুষ্পই অধিক তুষ্ট হইয়া থাকেন, এই জন্মই ভারতের বর্তমান দেবদেবী সাহেব বিবি ফুলে মুগ্ধ! বুঝিলাম, ফুল নিজের মর্যাদা বুঝে, এই জন্মই প্রথমে ভারতের মোগল-রাজরাজেশ্বরী নূরজাহান বেগমের কোমল করে নিজের প্রাণ হস্ত করিয়াছিল; নিজের আতর-প্রাণকে ফুলেশ্বরী ভারতেশ্বরীর হস্তে তুলিয়া দিয়া, মর্যাদা রক্ষা করিয়াছিল!

শ্রীক্ষেত্রমোহন সেন গুপ্ত।



## আত্মা।

মুর্শিদাবাদ জেলার কিন্নরগঞ্জ গ্রাম দিবসের কন্দ্রাবসানে বিশ্রাম লাভ করিতেছে। শীতকাল, মাঘমাস; সন্ধ্যা ঘনাইবার পূর্বে গো-কুল গৃহে ফিরিয়া আসিয়াছে; কৃষকেরা ক্ষেত্র হইতে গৃহে ফিরিয়াছে; পল্লী বালকদিগের দাঁড়াগুলি বা কপাটি খেলা বন্ধ হইয়াছে, গ্রামে একটা নীরবতা আসিয়া বসিয়াছে। কেবল মাঝে মাঝে দূরে এক এক দল শৃগাল চীংকার করিয়া উঠিতেছিল এবং সেই সঙ্গে সঙ্গে গ্রাম্য সারমেয়গণ নিজ নিজ বীরত্ব খ্যাপনে চেষ্টিত হইতেছিল। গোহালে গোহালে ঘোঁয়া দেওয়া হইয়াছে, সেই ধূমরাশি সমুদ্রের জলস্তম্ভের মত প্রথমে আকাশের দিকে উঠিয়া পরে ছড়াইয়া পড়িতেছিল, শিশিরমিলিত বায়ুগুণ্ডল ভেদ করিয়া উল্ক-শূন্তে উঠিতে পারিতেছিল না। সেই ধূমরাশি সমগ্র পথ ঘাট ধূসরচ্ছায়ায় পরিব্যাপ্ত করিয়া পথিপার্শ্বস্থ বৃক্ষকুঞ্জ আশ্রয় করিয়া যেন “প্যারালেল বাবে” উলটি পালটি করিয়া “জিমনাষ্টিক” খেলিতেছিল। স্বর্ঘ্য অস্ত গিয়াছিল, কিন্তু তার লাল ছটা এখনো একটু বৃক্ষশিরে লাগিয়াছিল। এই লালিমা ধূসরতায় মেশামিশি হইয়া গ্রামে একটা তাম্র আভা প্রকটিত হইয়াছিল। একটা তারা তাড়াতাড়ি প্রকাশ পাইয়া, কাঁপিতেছিল, এবং পথের উভয় পার্শ্বে দূরে দূরে প্রদীপের ক্ষীণ পীতভ আলোগুলি ক্রমশঃ জলিয়া উঠিতেছিল।

এক গৃহের দাওয়ায় হারাধন কন্দ্রকার বসিয়া বসিয়া তাহার জরাগ্রস্ত ক্ষীণ দৃষ্টি কষ্টে চালনা করিয়া এ সকল নিরীক্ষণ করিতেছিল।

হারাধনের বয়স ষাটের কিঞ্চিদধিক হইবে। কিন্তু সে এতদূর জরাগ্রস্ত হইয়া পড়িয়াছিল যে, তাহাকে দেখিয়া তাহার অতীত যৌবনের অস্তিত্ব কল্পনা করা দুঃস্বপ্ন হইয়া উঠে। তাহার অতি ক্ষীণ দেহ্যষ্টি অবনত হইয়া পড়িয়াছিল; তাহার হস্ত ও মস্তক সদা কম্পনশীল এবং তাহার লোল বদনমণ্ডলে একটা শিশুত্বের ভাব আসিয়া পড়িয়াছিল। তাহার একটা অভ্যাসদোষ ছিল, সে

প্রকাশ্য কথা কহিয়া চিন্তা করিত। এমন কি, এখনো তাহার শুষ্ক ওষ্ঠ নড়িতেছিল, এবং নিজের বিরলকেশ-মস্তকে হাত বুলাইতেছিল। সে তাহার চিন্তায় এতদূর নিমগ্ন হইয়াছিল যে, তাহার পশ্চাতে পদশব্দ ও প্রশ্ন জিজ্ঞাসিত হইলেও তাহার সংজ্ঞা হয় নাই। প্রশ্ন পুনরুক্ত হইল। হারাধন ফিরিল।

প্রশ্নকর্তা এক জন শুষ্কদেহ যুবক; বিশীর্ণ ও পাণ্ডুর মুখশ্রী; বেশ ভদ্রোচিত অথচ দারিদ্র্যব্যঞ্জক; পায়ে এক জোড়া ছিন্ন বহু তালিগ্রস্ত ধূলিধূসরিত জুতা তাহার দীর্ঘ পথ পর্যটন জ্ঞাপন করিতেছিল। যুবকের পশ্চাতে কিছু দূরে একটি অন্ধাবগুষ্ঠনবতী যুবতী দণ্ডায়মান ছিল; তাহারও দেহ্যষ্টি অনুল্লত ও ক্ষীণ; কিন্তু এখনো তাহার মলিনমুখে বিগত সৌন্দর্যের স্পষ্ট আভাস পাওয়া যায়, এখনো সে মাধুরিমার বহু ভগ্নচিহ্ন তাহার দুঃখ দারিদ্র্যের ইতিহাস স্বরূপে বর্তমান ছিল, কারণ দুঃখ ও সৌন্দর্য্য সখ্যতা করিতে পারে না। “ধনের ঘরে রূপের বাসা।”

বৃদ্ধ হারাধন তাহাদের দিকে ফিরিয়া তাহার ক্ষীণদৃষ্টি তাহাদের প্রতি নিবদ্ধ করিয়া জিজ্ঞাসা করিল, “কি বল্লে?” বৃদ্ধ ফিরিয়া প্রশ্ন করিলে যুবক সচকিত-ভাবে চাহিয়া রহিল, সহসা উত্তর করিতে পারিল না কয়েক মুহূর্ত্ত পরেই আত্মসংবরণ করিয়া কহিল—

“আমরা আজ রাত্রে মত একটু আশ্রয় চাই, কোথায় পাইব বলিতে পারেন কি?”

“এখানে গ্রামসুন্দর ঠাকুরের অতিথিশালায় স্থান পাইতে পার, কোন কষ্ট হইবে না। কিন্তু এখনি যাইবে কেন? এখনো রাত হয়নি, হাত মুখ ধুইয়া তামাক খাইয়া যাইবে।”

পল্লীবাসী ও নগরবাসীর পার্থক্য এইখানে।

যুবক যাইয়া দাওয়ায় উঠিল। রমণী ইতস্ততঃ করিতে লাগিল; সে যেন লোকচক্ষুর অন্তরালে থাকিতে চাহে; কিন্তু যুবকের একটি দৃষ্টি তাহার সে দ্বিধাভাব ঘুচাইয়া দিল; সে অতি সলজ্জভাবে, তার একটু ঘোমটা টানিয়া জড়সড় হইয়া, দাওয়ার একধারে আসিয়া বসিল। যুবকও বৃদ্ধের একটু তফাতে আলোর দিকে পশ্চাৎ করিয়া বসিল। বৃদ্ধ জিজ্ঞাসা করিল—

“তোমরা কোথা থেকে আস্ছ?”

“আজ আমরা নলহাটি থেকে আসছি; কলকাতা থেকে আজ ১০ দিন রওমা হয়েছে।”

“কলকাতা থেকে! ১০ দিন বেরিয়েছ, তবে বুঝি বরাবর হেঁটেই এসেছ? মা লক্ষ্মীর তবে ত' বড় কষ্ট হয়েছে। অত্যাঁয়, অত্যাঁয়!”

যুবতী লজ্জায় মস্তক অবনত করিল। বৃদ্ধ কেমন উন্নয়ন হইয়া পড়িল।

বৃদ্ধ সচিন্ত্যভাবে চালের দিকে দৃষ্টিবদ্ধ করিয়া রহিল, যুবকও স্থিরদৃষ্টে বৃদ্ধের ভাবাবলোকন করিতে লাগিল। ক্ষণেক পরে বৃদ্ধ একটি সুদীর্ঘ নিশ্বাস ত্যাগ করিয়া, ঈষৎ কম্পিত কণ্ঠে বলিতে লাগিল:—

“আমার একটি ছেলে কলকাতায় আছে। সে বড় ভাল ছেলে, কলকাতার মধ্যে একজন গণ্যমান্ত লোক হয়েছে। ছেলে বেলায় সকলে তাকে দেখে মনে করত, সে একটা কিছু হ'বে। সর্বদাই বই নিয়ে থাকত। আমি তাকে কত বারণ করতাম যে, ‘বাবা অত পড়লে মাথা ধরবে, চোখ খরিয়ে যাবে,’ সে কিন্তু শুনত না, মোটেই আমার কথা শুনত না। সে কত কাগজ লিখত, ছড়া লিখত, সে নিজে নিজেই লিখত, আর লিখে কলকাতার খবরের কাগজে পাঠিয়ে দিত, তারা সে গুলো ছাপিয়ে ধতি ধতি করত। তার গর্ভধারিণী ছেলের কতই না গরব করত! বাছাকে কলকাতায় পাঠিয়ে সে আর ছ' মাসও বেঁচে ছিল না।” বৃদ্ধের স্বর একটু অধিক কম্পিত হইয়া উঠিল, একটা উষ্ণ নিশ্বাস, তাহার বক্ষশোণিত খানিকটা শোষণ করিয়া বাহিরের হিম বাতাসে মিশিয়া গেল। বৃদ্ধ নীরব হইল। দাওয়ার সেই নীরবতা বড়ই মর্মবিদারক বোধ হইতেছিল। অল্পক্ষণ পরেই বৃদ্ধ আবার আরম্ভ করিল—

“আমিও আমার ছেলের অহঙ্কার করতাম, কিন্তু আমার বোধ হয় আমার চেয়ে তার গর্ভধারিণীই তাকে ভাল বুঝতে পেরেছিল। যখন বাবা আমার পড়ত, কি লিখত, সে হাঁ করে তার মুখের দিকে চেয়ে তার কাছে বসে থাকত। ওগো, আমরা গরিব লোক, যদি আরো পড়াতে পারতাম, তবে বাবা আমার নিশ্চয় হাকিম টাকিম একটা কিছু হ'ত। যা' হোক, তোমাদের কল্যাণে তার ভালই হয়েছে। সে কলকাতায় চাকরি করতে গিয়ে

ছাপাখানায় এক ভাল কর্ম পেয়েছে। অনেক টাকা রোজগার করছে। সে আমাকে খুব ভাল ভাল চিঠি লিখত; তার বিয়ের কথা কি বলব বাবা, চিঠির সব কথা আমি বুঝতেই পারতাম না।

“তার পরে খবর পেলাম সে এক বড় ঘরের সুন্দরী মেয়ে বিয়ে করেছে। তার পর থেকে তার চিঠি আসা বন্ধ হ'য়ে গেল; আর আমি তার কোন খবর পাই নি। সে আ—জ পাঁচ বছর হ'ল। তুমি তার কোন খবর জান কি বাবা? তার নাম ফটিক চন্দ্র কর্মকার।”

যুবতী বিস্ময়িত লোচনে বৃদ্ধের কাহিনী শুনিতোছিল এবং যখন বৃদ্ধ পুত্রের নামোচ্চারণ করিল, সে একটি অক্ষুট শব্দ করিয়া উঠিল। পথিক তাড়াতাড়ি তাহার হাত টিপিয়া স্থির কণ্ঠে বলিল—“আমি তার কোন খবর জানি না।”

“বটে? বোধ হয় তার অনেক কাজ, চিঠি লেখার সময় পায় না। তোমাদের কল্যাণে, দেবতা বামুনের আশীর্বাদে তার কোন অকল্যাণ হবে না, আমি তার বড় অহঙ্কার করে থাকি। সে যেখানে যেমন থাকুক, তার বড়ো বাপকে সে মনে করেই। তার একটু অবকাশ হইলেই সে আমার সঙ্গে দেখা করতে আসবে, হয় ত' তার বৌ নিয়েই আসবে। তার গর্ভধারিণী মরে যাওয়ার পর আমি অনেক দিন নিজের বাড়ীতে একলাই ছিলাম, মনে করতাম, সে বৌ নিয়ে এসে আমায় দেখবে। কিন্তু অনেক দিন দেখলাম সে এল না, আমিও অশক্ত হ'য়ে পড়লাম, তখন আমার মেয়ে আমায় তার বাড়ীতে নিয়ে এল। এই আমার মেয়ের বাড়ী, এখানে বেশ সুখেই আছি, মেয়ে জামাই খুব যত্ন করে। যখন ফটিক বাড়ী আসবে, তখন আর আমার ভাবনা কি? আবার নিজের বাড়ী ফিরে যাব, নতুন করে' ঘর তুলব—”


যুবতী দ্রুতভাবে দাওয়া হইতে উঠিয়া বাহিরে কিঞ্চিৎ দূরে যাইয়া দাঁড়াইল। যুবক তাহা দেখিয়া তাহার নিকটে গিয়া দেখিল—সে কাঁদিতেছে। যুবক বলিল “ক্ষীরো,—” যুবকের কণ্ঠরোধ হইল নয়ন সিক্ত হইয়া উঠিল।

যুবক অনতিবিলম্বে আত্মসংবরণ করিয়া বৃদ্ধের নিকট ফিরিয়া আসিল, বৃদ্ধ তখনো সেইরূপ ভাবে ছুই হাতে মাথা ধরিয়া আপন মনে বসিয়াছিল।

যুবক আসিয়া আবার বসিল, পরে ধীরে বলিতে লাগিল—“আপনার কি বিশ্বাস হয় যে আপনার ছেলে তা'র বিয়ের পর অদৃষ্টবশে স্বর্গস্থ নষ্ট করিয়াছে এবং দুঃখ দারিদ্র্যের সঙ্গে মনুষ্যোচিত সংগ্রাম না করিয়া উচ্ছন্ন গিয়াছে! আমি আপনার ছেলেকে বিলক্ষণ চিনি, সে যতদূর নীচ ও কুক্রিয়াক্রম হইতে পারে হইয়াছিল এবং একটি তপতপ্রাণী লক্ষ্মীস্বরূপা সরলাকেও নষ্ট করিবার উদ্যোগ করিয়াছিল। কিন্তু আবার ঈশ্বরানুগ্রহে ও তাহার লক্ষ্মী স্ত্রীর একান্ত যত্নে সে এক্ষণে সমস্ত কুসংসর্গ ত্যাগ করিয়া সুদিনের আশায় বুক বাঁধিয়াছে। তাহার এখন একান্ত নিঃস্ব।”

বৃদ্ধ আশ্চর্য্যান্বিত হইয়া সেই ক্ষীণ আলোকে একবার যুবকের দিকে মিটমিট করিয়া চাহিয়া দেখিল এবং একটু হাসিয়া দৃঢ়স্বরে বলিল—“তুমি আমার ছেলেকে জান না?”

শ্রীচারণচন্দ্র বন্দ্যোপাধ্যায়।



মহারাজাধিরাজ

শ্রীযুক্ত বিজয়চাঁদ মহতাব বাহাদুর।

রাজবংশের ইতিবৃত্ত।

লাহোরের অন্তঃপাতী কোটলি গ্রামে সঙ্গম রায় নামক এক ব্যক্তি বাস করিতেন। তিনি জাতিতে কপূর কাষস্থ। বাণিজ্য ব্যপদেশে সঙ্গম রায় নিজ পুত্র বক্ষবিহারী রায়ের সহিত বর্ধমানের অনতিদূরে বৈকুণ্ঠপুর নামক স্থানে আসিয়া বাস করেন। বক্ষবিহারীর পুত্র আবু রায় হইতেই বর্ধমান রাজবংশের ইতিবৃত্ত পাওয়া যায়; ফলতঃ আবু রায়ই বর্ধমান রাজ্যের প্রতিষ্ঠাতা। আবু রায়ের পরলোক-প্রাপ্তির পর, তৎপুত্র আবু রায় বর্ধমান ষ্টেটের অধিকারী হন, এবং তাহার পুত্র ঘনশ্যাম রায়ের রাজত্বকালে বিখ্যাত “শ্যাম সায়ার” নামক দীর্ঘিকা খনিত হইয়া ঘনশ্যাম রায়ের এক বিপুল কীৰ্ত্তি ঘোষণা করিতেছে।

ঘনশ্যাম রায়ের তিরোধানে কৃষ্ণরাম রায় ঐপত্রিক জমিদারীর উত্তরাধিকারী হন। তিনিও বর্ধমানের ‘কৃষ্ণসায়ার’

নামক দীর্ঘিকা প্রতিষ্ঠাতা। তিনি স্বীয় প্রতিভাবলে সম্রাট আরঙ্গজেবের নিকট হইতে সম্মান-জনক সনন্দ প্রাপ্ত হন। তৎপরে জগন্নাথ ও কীর্ত্তিচন্দ্র রায় বর্ধমানের রাজত্ব করেন। দিল্লীর বাদশাহ কীর্ত্তিচন্দ্রকে “রাজা” উপাধি প্রদান করেন এবং তৎপুত্র চিত্রসেন “মহারাজ” উপাধিপ্রাপ্ত হন। চিত্রসেনের পরলোক প্রাপ্তির পর তদীয় পিতৃব্য মিত্র সেনের পুত্র তিলকচন্দ্র রাজপদে অভিষিক্ত হন। ১৭৫৩ খৃষ্টাব্দে তিনি দিল্লীর সম্রাট আহম্মদশাহ কর্তৃক সনন্দ প্রাপ্ত হন এবং “মহারাজাধিরাজ” ও “পঞ্চাহাজারি” উপাধিদ্বয় লাভ করেন। পঞ্চাহাজারির অর্থ পাঁচ হাজার সৈন্যের দ্বৈতা। তিনি পাঁচ হাজার পদাতিক ও তিন হাজার অশ্বরোহী সৈন্য রাখিবার অল্পমতি প্রাপ্ত হন, এবং কামান রাখিবার ও রণবাণ ব্যবহার করিবার ক্ষমতাও প্রাপ্ত হন। ১৭৭১ খৃঃ অব্দে তাহার পরলোক প্রাপ্তির পর তদীয় পুত্র তেজচাঁদ বাহাদুর বর্ধমানের গদি লাভ করেন। তাহার রাজত্বকালে বিখ্যাত চিরস্থায়ী বন্দোবস্তের মূলসূত্র—১৭৯৩ সালের ১নং রেগুলেশন প্রবর্তিত হয়। মহারাজ তেজচন্দ্রের জীবিতাবস্থায়ই তদীয় পুত্র প্রতাপচাঁদ কিছুকালের জন্ত রাজ্যভার গ্রহণ করেন। মহারাজ প্রতাপচাঁদ বাহাদুর দেশে পত্নী মহলের প্রবর্তন করেন, এবং তাহা হইতেই ১৮১৯ সালের পত্নী আইন বিধিবদ্ধ হয়। মহারাজ তেজচাঁদের জীবিতাবস্থায়ই মহারাজ প্রতাপচাঁদের মৃত্যু হয়। প্রায় ৬০ বৎসর কাল রাজত্ব করিয়া ১৮৩২ সালে মহারাজ তেজচাঁদ বাহাদুর স্বর্গারোহণ করেন। তাহার মৃত্যুর পরে তদীয় পোষ্যপুত্র মাতাবচাঁদ বাহাদুর বর্ধমান গদিতে অভিষিক্ত হন। তিনি একক্রমে ৪৭ বৎসর রাজত্ব করেন, এবং বঙ্গদেশে একজন শ্রেষ্ঠ ব্যক্তি বলিয়া বিখ্যাত হন। তৎকালীন গবর্নর জেনারল লর্ড উইলিয়াম বেণ্টিঙ্কের নিকট তিনি মহারাজাধিরাজ উপাধি প্রাপ্ত হন। ১৮৬৪ খৃঃ অব্দে তিনি বড়লাটের ব্যবস্থাপক সভায় অত্যন্ত সদস্য নিযুক্ত হন। মহারাজ মাতাব চাঁদের পূর্বে অল্প কোন বঙ্গসন্তান এ গৌরব লাভ করিতে পারেন নাই। মহারাজ মাতাবচাঁদ ব্রিটিশ গবর্নমেন্টের নিকট বিশেষ সমাদর লাভ করেন। ১৮৭৭ সালের দিল্লী দরবারে তিনি রাজ গৌরবসূচক ১৩ তোপের সম্মান লাভ করেন, এবং অত্যাঁয় করদ ও মিত্র রাজগণের শ্রায় তিনিও “হিজ হাইনেস” এই ব্যক্তিগত উপাধি প্রাপ্ত

হন। মহারাজ মাতাবচাঁদ ১৮৭৯ খৃঃ অব্দে ইহলোক পরিত্যাগ করেন। তাঁহার মৃত্যুর পরে তদীয় পোষ্যপুত্র আবতাবচাঁদ বাহাছুর সিংহাসন প্রাপ্ত হন—কিন্তু দুর্ভাগ্যবশতঃ ১৮৮৫ সালের ২৫শে মার্চ তারিখে মহারাজ আবতাবচাঁদ অকালে কালগ্রাসে পতিত হন। তাঁহার পত্নী নাবালিকা থাকা হেতু বর্তমান রাজপ্লেট কোর্ট-অব-ওরাডের অধীনে আইসে।

মহারাজ আবতাবচাঁদের উইলানুসারে মহারাণী বে পোষ্যপুত্র গ্রহণ করেন অতি অল্পকাল মধ্যেই তাঁহার পরলোক প্রাপ্তি ঘটে। তৎপরে বর্তমান মহারাজ বিজয়চাঁদ মহতাব বাহাছুর পোষ্যপুত্ররূপে গৃহীত হন। ১৮৮৭ খৃঃ অব্দের জুন মাসে গবর্ণমেন্ট এই পোষ্যপুত্র গ্রহণ অনুমোদন করেন।

### জন্ম ও শিক্ষা।

১৮৮১ সালের ১৯শে অক্টোবর তারিখে বর্তমান মহারাজাধিরাজ বিজয়চাঁদ মহতাব বাহাছুর জন্মগ্রহণ করেন। তাঁহার স্বযোগ্য পিতা রাজা বনবিহারী কপূর সাহেব বাহাছুর সেই সময়ে বর্তমান ষ্টেটের সহযোগী ম্যানেজার রূপে কাণ্য করিতেছিলেন। ১৮৯১ খৃঃ অব্দ হইতে তিনি সোল-ম্যানেজার রূপে কাণ্য করিয়াছেন। রাজা বনবিহারীর তায় বিচক্ষণ বীর প্রকৃতি এবং বিষয়-কাণ্ড নিপুণ কৌশলী পুরুষ অতি অল্পই দেখিতে পাওয়া যায়। তিনি একদিকে যেমন বর্তমান ষ্টেটের সুবাবহা করিয়াছেন, অপর পক্ষে মহারাজাধিরাজ বিজয়চাঁদ মহতাব বাহাছুরের সুশিক্ষার বন্দোবস্তের জ্ঞতি করেন নাই। উপযুক্ত শিক্ষকের হস্তে পুত্রের শিক্ষাভার গুস্ত করিয়াও তিনি নিশ্চিত হইতে পারেন নাই। রাজা সাহেব সর্বদা পুত্রের নৈতিক বৈষয়িক ও চরিত্রগত উন্নতি বিষয়ে পুত্রোৎসাহরূপে পর্যবেক্ষণ করিতেন। আজি তাহারই গুণে মহারাজাধিরাজ বিজয়চাঁদ বাহাছুরের শিক্ষা দীক্ষা, বদাঙ্গতা ও সঙ্গদয়তার যশঃসৌরভ চারিদিকে বিকীর্ণ হইতেছে।

### রাজ্যাভিষেক।

বিগত ১০ই ফেব্রুয়ারী আনাদিগের অস্থায়ী ছোটনাট মাননীয় বোর্ডিং বহাছুর বর্তমানে বাইরা মহারাজাধিরাজ বিজয়চাঁদ মহতাব বাহাছুরের রাজ্যাভিষেক ক্রিয়া সম্পাদন করিয়াছেন। এ উপলক্ষে আমোদ প্রমোদ বণেষ্টি হইয়াছে,

অধিকন্তু মহারাজাধিরাজ প্রজার খাজানা রেহাই প্রভৃতি সংকল্পের অনুষ্ঠানে লক্ষাধিক টাকা দান করিয়া স্বীয় বদাঙ্গতা পরিচয় দিয়াছেন। এতকাল পর্যন্ত বর্তমান ষ্টেট কোর্ট অব ওয়াডসের কর্তৃত্বাধীনে ছিল। এখন মহারাজ রাজ্যভার স্বহস্তে গ্রহণ করিয়া অপত্য-নির্কির্শেষে প্রজাপালন করিতেছেন। বিগত করোনেশন দরবারে তিনি মহারাজাধিরাজ বাহাছুর উপাধি ভূষণে ভূষিত হইয়াছেন। মহারাজাধিরাজ বিজয়চাঁদ মহতাব বাহাছুর যেমন সুশিক্ষিত গুণগ্রাহী এবং মহা-হুভব—সেইরূপ তিনি বাঙ্গলাভাষার ও বাঙ্গলা সাহিত্যের পৃষ্ঠপোষক এবং অনুরাগী। মহারাজ যে কমলার বরণ হইয়াও বাণীর আরাধনায় অমনোযোগী নহেন—তাঁহার রচিত “বিজয় গীতিকা”ই ইহার জাজ্জল্যমান প্রমাণ।

আমরা আশীর্বাদ করি মহারাজ দীর্ঘজীবী হইয়া অপত্যনির্কির্শেষে প্রজাপালন করুন, এবং দেশের অশেষ-বিধ কল্যাণ সাধন করিয়া যশস্বী হউন।

## মহাত্মা প্যারীচরণ সরকার।\*



এদেশের ইংরাজী শিক্ষার কথা আলোচনা করিতে হইলেই স্বর্গীয় মহাত্মা প্যারীচরণ সরকারের নাম স্মৃতি

\* জীবনচরিত—শ্রীযুক্ত নবকৃষ্ণ ঘোষ বি. এ., প্রণীত, মূল্য ১০।

পথে উদিত হয়। বর্তমান সময়ে শিক্ষিত সম্প্রদায় মধ্যে এমন লোক খুব কমই আছেন যিনি তাঁহার ফাষ্টবুক পাঠ করেন নাই। ফলতঃ ফাষ্টবুকেই অনেকের ইংরাজী অক্ষর-পরিচয় হইয়াছে। এ দেশে প্রাইনারি শিক্ষা-বিস্তার বিষয়ে তাঁহার অক্লান্ত পরিশ্রম ও সর্বতোমুখী চেষ্টার বিষয় ভাবিলে বিস্মিত হইতে হয়। মহাত্মা প্যারীচরণের কর্মময় জীবন লোক-শিক্ষাকল্পেই ব্যয়িত হইয়াছিল। বড়ই পরিতাপের বিষয় যে এতকাল পর্যন্ত এই মহাত্মার সাধু জীবনচরিত সাধারণের অপরিজ্ঞাত ছিল। সম্প্রতি শ্রীযুক্ত বাবু নবকৃষ্ণ ঘোষ বি. এ. মহাশয় প্যারী বাবু এক খানি জীবনচরিত প্রণয়ন করিয়া সাধারণের অভাব কতক পূরণ করিয়াছেন।

লোকশিক্ষার তায় পবিত্র কার্য এ জগতে আর নাই, কিন্তু বৈষয়িক অগ্র কার্যের তায় অর্থোপার্জনের সুযোগ ও পদ-গৌরবের আশা শিক্ষা-কার্যে আদৌ নাই। মহাত্মা প্যারীচরণ এ সব দিকে দৃষ্টি না করিয়া লোক-শিক্ষা কার্যই জীবনের সার ত্রুত বলিয়া গ্রহণ করিয়াছিলেন।

আমরা প্যারীচরণের এই ক্ষুদ্র জীবনচরিত পাঠ করিয়া তাঁহার অনৌকিক স্বার্থত্যাগ অসাধারণ তায়-পরায়ণতা অপরিদীর্ঘ বদাঙ্গতা সর্বত্রোপরি তাঁহার মহাত্ম-ভূতিপূর্ণ কোমল হৃদয়ের পরিচয় পাই। তাঁহার এই নিরুপম চরিত্রগুণে তিনি আবাল-বৃদ্ধ বনিতার একান্ত প্রিয় ও বরণ্য হইয়াছিলেন। স্কুলমহতি বালক-বালিকাগণ প্যারীচরণের বড়ই আদরের বস্তু ছিল। তাহাদের ভাবী উন্নতিবিধানই তাঁহার জীবনের একমাত্র উদ্দেশ্য ও লক্ষ্য ছিল—গ্রন্থ মধ্যে আমরা ইহার পরিচয় পাই, সেই উদ্ভূত গ্রন্থকার কর্তৃক—এই মহৎ জীবনচরিত বাহাছুর প্যারীচরণের অতি প্রিয় ও বাহাদের মঙ্গল সাধনই তাঁহার একমাত্র জীবনবৃত্তি ছিল—সেই ছাত্রবৃন্দের পবিত্র নামেই উৎসর্গীকৃত হইয়াছে।

তিনি বারাসত অবস্থান কালে ঊণার বালিকা-বিদ্যালয় শ্রমজীবী-বিদ্যালয় কৃষি বিদ্যালয় প্রভৃতি বিবিধ সদৃষ্ট-স্থানের সুত্রপাত করেন ও তাহাতে কৃতকার্য হন। মক্লেসবাসী ছাত্রগণের থাকিবার অসুবিধা দূর করণো-দেশে তিনিই প্রথমে ছাত্রাবাস প্রবর্তন করেন। তাঁহারই

চেষ্টায় কলিকাতার হিন্দুহোষ্টেল ও বারাসতে ছাত্রাবাস প্রতিষ্ঠিত হয়।

মহাত্মা ডেভিড্ হেয়ারের শিষ্যত্ব গ্রহণ করিয়া তাঁহার পরামর্শানুসারে প্যারীচরণ সাধারণের শিক্ষা ও লোক-হিতকর বহু সদৃষ্টানের সুত্রপাত করেন। পরজন্মে তাঁহার কোমল হৃদয় বাণিত হইত, তাই আমরা দেখিতে পাই তিনি নিজে ধনগ্রন্থ হইয়াও পরজন্মে মোচনে অকাতরে অর্থদান করিয়াছেন। তিনি দান করিয়া ভ্রমেও কখনও আত্মগৌরব অনুভব করেন নাই, কর্তব্যপালন করিয়াছেন মাত্র এইরূপ বোধ করিতেন। কি পরিবারপ্রতিপালনে কি বন্ধু বান্ধবের সহিত ব্যবহারে সর্ব বিষয়েই তিনি বিশেষত্ব দেখাইয়াছেন।

তাঁহার অচলা মাতৃভক্তি ও অকৃত্রিম বন্ধু বাৎসন্য দর্শনে আমরা মুগ্ধ ও বিস্মিত হই। বারাসতের স্বর্গীয় ডাক্তার নবীনকৃষ্ণ মিত্র, কালীকৃষ্ণ মিত্র, এবং মহাত্মা বিদ্যাসাগর প্রভৃতি মহাত্মভবগণ তাঁহার অন্তরঙ্গ ও পরমবন্ধু ছিলেন। উল্লিখিত বন্ধুগণের সাহচর্যে তিনি বহু সদৃষ্টান করিয়াছেন। সমাজ সংস্কার কার্যে প্যারীচরণ মহাত্মা বিদ্যাসাগর মহাশয়ের দক্ষিণ হস্ত-স্বরূপ ছিলেন।

বাল্যকাল হইতেই প্যারীচরণ সুরাপানের বিরুদ্ধমতে দীক্ষিত হন। তদীয় শিক্ষাগুরু মহাত্মা ডেভিড্ হেয়ার এ বিষয়েও তাঁহার মন্ত্রদাতা ছিলেন। যখন প্রথম এ দেশে ইংরাজী শিক্ষার বিস্তার হয় তখন দেশীয় শিক্ষিত-সম্প্রদায় মধ্যে এক ভ্রান্ত ধারণা বর্তমান ছিল যে সুরাপান না করিলে ইংরেজদিগের সমকক্ষ হওয়া সম্ভব নহে। এই ধারণার বশবর্তী হইয়া অনেক শিক্ষিত সুবা সুরা-রাক্ষসীর করাল-কবলে নিপতিত হন। সুরাপানের বিষময় ফল ও সমাজের ভাবী অনিষ্টের বিষয় সমাক উপলব্ধি করিয়া মহাত্মা প্যারীচরণ সুরারাক্ষসীর বিরুদ্ধে তুলসী যুদ্ধে ত্রুতী হন। সভাসমিতি করিয়া, সংবাদ পত্রে লিখিয়া এবং বক্তৃতা প্রদান করিয়া, সুরাপানের অপকারিতা সাধারণের নিকট ঘোষণা করেন। যাহাতে এই বিষয় ব্যাধি সমাজ-দেহকে জরাজীর্ণ করিতে না পারে তাহার জন্ত মহাত্মা প্যারীচরণ অক্লান্ত পরিশ্রম করিয়াছিলেন। ইহার ফলে মাদক-নিবারণী সভা প্রতিষ্ঠিত ও “ওয়েল উইশার” নামক একখানি ইংরেজি মাসিক পত্র ও ইংরাজি

জন্ম “হিতসাধক নামক” বাঙ্গলা মাসিক পত্র প্রচার হয়। প্যারীচরণ বিশেষ দক্ষতার সহিত এই পত্রদ্বয় পরিচালন করিয়াছিলেন। এই “ওয়েল উইশার” ও “হিত সাধকে”র মলাটে মাদক-সেবন-রক্ষের যে রূপক চিত্র মুদ্রিত করিতেন, তাহার ভীষণ সত্যতা সাধারণের মনে আতঙ্ক উৎপাদন করিয়াছিল। “পাপপ্রবৃত্তি, চিত্তদৌর্ভাগ্য, ভোগলালসা, কুসংসর্গ, অদ্ভুত সৃষ্টি ও ইন্দ্রিয়পরায়ণতা ঐ মাদক-সেবন তরুর মূল; দরিদ্রতা, কর্তব্য-বিমূঢ়তা, ছদ্মি যশক্তি, রিপুপ্রভুত্ব, বুদ্ধিশূন্যতা উহার শাখাবলী এবং মনস্তাপ, ক্রোধ, ব্যভিচার, আত্মহত্যা, অকাল মৃত্যু, অপমৃত্যু ঐ পত্রপুষ্প-শোভাশূন্য সতেজ বীভৎস বৃক্ষের অগণিত ফল। এক দিকে সম্মতান উহার পদমূলে জলসেচন করিতেছে অপর দিকে মৃত্যু উহাকে ভূমিসাৎ করিবার জন্ম কঙ্কালসার হস্তে কুঠার উত্তোলন করিয়া দণ্ডায়মান এবং পরমেশ্বরের রোষাগ্নি উহাকে বিদগ্ধ করিবার মানসে শিখর দেশে অবতরনোন্মুখ।”

এক সময়ে তিনি গবর্ণমেন্ট পরিচালিত এডুকেশন গেজেটের বেতন ভোগী সম্পাদক ছিলেন। ইহার পরিচালনে তিনি প্রভূত কর্তব্য-নিষ্ঠা ও উচ্চ ভার পরিত্যাগের সময়েও দৃঢ়তার পরিচয় দিয়াছেন।

আমরা অতি সংক্ষেপে মহাত্মা প্যারীচরণের মহৎ জীবনের আভাষ প্রদান করিলাম মাত্র। কিন্তু সকলকেই একবার এই সুলিখিত জীবনচরিতখানি পাঠ করিতে অনুরোধ করি। ইহাতে জানিবার শুনিবার শিখিবার অনেক বিষয় লিপিবদ্ধ হইয়াছে। পুস্তকখানির ভাষা মার্জিত ও সরল। পাঠক মাত্রই ইহা পাঠে বিশেষ উপকৃত হইবেন আশা করা যায়—সেই জন্যই ইহার বহুল প্রচার একান্ত প্রার্থনীয়।



## সপত্নী।

### প্রথম পরিচ্ছেদ।

নরেশ বাবু প্রয়োজন উপলক্ষে কলিকাতায় গিয়াছিলেন। অল্প প্রাতে তিনি হরিপুরে ফিরিয়াছেন। হরিপুর তাহার পৈতৃক-বাসস্থান নহে স্বশুরবাটী। নরেশচন্দ্র বিপুল ঐশ্বর্যশালী রত্নেশ্বর-চট্টোপাধ্যায়ের একমাত্র স্ত্রী কন্যা শ্রীমতী হেমলতা দেবীর পাণিগ্রহণ করিয়াছেন এবং তদবধি এই স্থানেই বাস করিতেছেন।

নরেশ বাবু সুপুরুষ, সুশিক্ষিত ও বুদ্ধিমান যুবক। বিষয়কর্ম করিলে তিনি সংসারে কৃতিত্ব লাভ করিতে পারিতেন না, এমন নহে। কিন্তু অদৃষ্টের অনুকূলতা বা প্রতিকূলতা হেতু তাঁহাকে জীবন-সংগ্রামের কোনই কঠোর আঘাত ভোগ করিতে হয় নাই এবং জীবিকা-পাতের জন্ম তাঁহাকে কোনই আয়াস স্বীকার করিতে হয় নাই। সর্বপ্রকার ভোগৈশ্বর্য্য পরিবৃত্ত হইয়া তিনি বিলাসের ক্রোড়ে কালপাত করিতেছেন; অভাব অপ্রতুলতা জনিত নিদারুণ উদ্বেগ তাঁহার সমীপেও অগ্রসর হইতে অশক্ত। তথাপি নরেশচন্দ্র অসুখী, অশান্ত ও অপ্রসন্ন।

নরেশচন্দ্র কুলীন সন্তান। অতি শৈশবে কলিকাতা-সন্নিহিত উত্তরপাড়া গ্রামে এক দরিদ্র ব্যক্তির কন্যার সহিত তাঁহার বিবাহ হয়। সেই বালিকার পিতা নরেশচন্দ্রের পিতামাতার সাতিশয় বিরাগভাজন হইয়াছিলেন। তিনি নিতান্ত দীনতা হেতু বৈবাহিকের কোন প্রার্থনাই পূরণ করিতে পারেন নাই। কন্যাকে বা জামাতাকে দেশ-কাল-পাত্রাক্রম কোন প্রকার বস্তাভরণ প্রদান করিতে পারেন নাই। নরেশের পিতা বৈবাহিকের এই অপমান হেতু পুত্রের বিবাহ দিবার চেষ্টায় ছিলেন। রত্নেশ্বর বাবু সেই সময় কন্যার বিবাহার্থ পাত্রের অবেষণ করিতে ছিলেন। কন্যাকে মনের মত পাত্রে সমর্পণ করিয়া এবং এই জামাতাকে পুত্রবৎ গ্রহণ করিয়া সংসার-বাত্মা নিকাশ করাই তাঁহার অভিপ্রায় ছিল। নরেশ পরম গুণবান হইলেও, বিবাহিত, স্তুরাং কুলে শীলে গৌরবজনক জানিয়াও রত্নেশ্বর বাবু সে দিকে দৃষ্টিপাত করিতে ইচ্ছা করিলেন না। কিন্তু নরেশের পিতা এই বিবাহ ঘটাইবার

জন্ম সাতিশয় উৎসুক হইলেন। তিনি স্বীকার করিলেন, তাহার পুত্র আত্মীয় স্বজনের সহিত আর একত্রাবস্থান করিবেন না, পূর্ব-পত্নীর সহিত কোন সম্পর্ক রাখা দূরে থাকুক কখন তাহার নামও করিবেন না এবং সর্বথা রত্নেশ্বর বাবুর বাসনা পরতন্ত্র হইয়া, তাহার পুত্রনির্কিংশেষে জীবনযাপন করিবেন। বিবাহ স্থির হইয়া গেল। পিতার একান্ত আজ্ঞাধীন পুত্র কোন কথা কহিতে সাহস করিলেন না। অচিরে নরেশচন্দ্র রত্নেশ্বর বাবুর বিশাল অট্টালিকার জামাতারূপে পরিগৃহীত হইলেন। কিন্তু তাঁহার চিত্ত? তাঁহার কথা কেহই ভাবিল না; কেহই তাহার সন্ধান করিল না; কেহই তাহার অবস্থা বুঝিল না। পিতৃভক্ত নরেশ বুদ্ধিলেন, তিনি পাপাচরণ করিলেন, এক কর্তব্য পালন করিতে গিয়া অল্প গুরুতর কর্তব্য অবহেলা করিলেন এবং চিরদিনের জন্ম শাস্তি ও সন্তোষ হারাইলেন।

পিতামাতার সহিত নরেশের কদাচিত্ত সাক্ষাৎ হয়। তাহাতে তাঁহার হুঃখিত নহেন, পুত্র যে রাজতুল্য ভাগ্যবান হইয়াছে, ইহাই তাঁহাদের পরমানন্দ। পাঁচ বৎসর হইল এই বিবাহ হইয়াছে; এই স্ত্রীর্ষ কালের মধ্যে একদিনও কাহার নিকট তাঁহার প্রথমা পত্নীর নামও উচ্চারণ করেন নাই। তাঁহার হৃদয় কি এই কল্পনাভীত ভোগৈশ্বর্য্যে আত্মবিক্রয় করিয়া স্থখী হইয়াছে?

কলিকাতা হইতে নরেশ গৃহে—এখন রত্নেশ্বর বাবুর ভবনই তাঁহার নিজগৃহ হইয়াছে—প্রত্যাগত হইবামাত্র দাসদাসী বিবিধ বিধানে তাঁহার পরিচর্যা করিয়াছে; স্বয়ং রত্নেশ্বর বাবু আসিয়া তাঁহার শারীরিক কুশলবার্তা গ্রহণ করিয়াছেন এবং তাঁহার কার্যের সফলতা সম্বন্ধে সন্ধান করিয়াছেন, তাঁহার স্বশ্রুতাকুরাণী আসিয়া আনন্দাশ্রু পাত করিতে করিতে ছয় দিন পরে তাঁহার অন্ধকার ভবন পুনরায় আলোকিত হইল বলিয়া অভিপ্রায় ব্যক্ত করিয়াছেন। সকলেই সর্বপ্রকারে আনন্দ প্রকাশ করিয়াছেন। কেবল আইসেন নাই একজন। নরেশ বাবুর পত্নী হেমলতা এখনও স্বামীর মন্দিরে আইসেন নাই, স্বামীও পত্নী-সন্তাষণের কোন আয়োজন করেন নাই। কেন?

দাসদাসীর যত্নে স্নানাদি শেষ হইল; স্বশ্রুতাকুরাণীর যত্নে আহাতি সমাপ্ত হইল। নরেশ বাবু বিশ্রাম কক্ষে প্রবেশ করিলেন। কক্ষবিবিধ মহামুলা শোভন পদার্থে

পরিপূর্ণ। নরেশ একখানি সংবাদ পত্র হস্তে লইয়া তত্রত্য এক মকমল মণ্ডিত কোচে উপবেশন করিলেন। ধীরে ধীরে পার্শ্বের দ্বার দিয়া এক সপ্তদশ বর্ষীয়া সুন্দরী কামিনী তথায় প্রবেশ করিলেন এবং নিঃশব্দে আসিয়া নরেশের সম্মুখে উপস্থিত হইলেন। তাঁহাকে পরমাসুন্দরী বলিয়া উল্লেখ করিয়াছি। সুন্দরী বলিলে যে সকল লক্ষণ প্রথমেই আমাদের মনে হয়, সকলই তাঁহার আছে। তাঁহার দেহের বর্ণ চাঁপাফুলের মত, তাঁহার অঙ্গপ্রত্যঙ্গের গঠন সুসঙ্গত ও সুপরিণত, তাঁহার নাক মুখ চ'খ বেশ মানানসহি। তাঁহার কেশরাশি এখন অবৈণীসংবদ্ধ। পৃষ্ঠদেশ আচ্ছন্ন করিয়া সেই ঘনকৃষ্ণ কেশকলাপ যেন সুন্দরীর রক্তিম চরণযুগল চুষন করিবার নিমিত্ত অগ্রসর হইতেছে। সুন্দরীর সকলই শোভাময় হইলেও, যেন তাঁহার রূপের অনেক অভাব রহিয়াছে বলিয়া মনে হয়। তাঁহার নয়নে যেন কামিনীসুলভ সরলতা নাই, তাঁহার দেহে যেন ললনোচিত মধুরতা নাই। যেন পরুষ পুরুষভাবে তাঁহার দেহের সর্বত্র অধিকার করিয়া রহিয়াছে। তাঁহার গতি ভঙ্গী সকলই কঠোরতায় প্রলিপ্ত। এই সুন্দরী রত্নেশ্বর বাবুর একমাত্র তনয়া, নরেশ বাবুর পত্নী হেমলতা।

হেমলতা অগ্রসর হইয়া নরেশ বাবুর সম্মুখে উপস্থিত হইলেন। বিরহের পর প্রথম প্রণয়িনী-সন্দর্শনে হৃদয় যেরূপ আনন্দে নৃত্য করিতে থাকে, নরেশচন্দ্রের তাহা করিল কি? নরেশচন্দ্র একটু বিচলিত হইলেন, হাতের সংবাদপত্র পড়িয়া গেল একবার অল্প দিকে মুখ ফিরাইলেন তাহার পর একটু কৃত্রিম হাসির সহিত জিজ্ঞাসিলেন,—“তুমি ভাল আছ হেমলতা?”

হেমলতার মুখখানি যেন মেঘাচ্ছন্ন। স্বামীর সহিত ছয় দিনের পর সাক্ষাতে তাঁহার মুখে হাসি দেখা দিল না। স্বামীর প্রশ্নের কোন উত্তর না দিয়া জিজ্ঞাসা করিলেন,—“এ কয়দিন কি তুমি কলিকাতাতেই ছিলে?”

নরেশ বলিলেন,—“হাঁ।”

হেমলতা জিজ্ঞাসিলেন,—“কোথায় ছিলে?”

নরেশ বলিলেন,—“এ কথা কেন জিজ্ঞাসা করিতেছ? সুরেশ আমার বালাবন্ধু, তাঁহার বাসাতেই আমার থাকিবার কথা ছিল তুমি জান। সেখানেই আমি ছিলাম।”

হেমলতার মুখ যেন আরও গাঢ়তর মেঘাচ্ছন্ন হইল। তিনি জিজ্ঞাসা করিলেন,—“সেখানে কে কে ছিলেন?”

নরেশ একটু চিন্তাকুল হইলেন। বলিলেন,—“সুরেশের মা, তাঁহার স্ত্রী, তাঁহার শিশু পুত্র, ঐ ছিল।”

হেমলতার বদনে যেন ক্রোধের রেখা প্রকটিত হইতে লাগিল। একটু বিকৃত স্বরে তিনি জিজ্ঞাসিলেন,—“আর?”

উদ্বিগ্ন নরেশ বলিলেন,—“আর কি?”

হেমলতা কর্কশ স্বরে জিজ্ঞাসা করিলেন,—“আর কে সেখানে ছিল, সত্য করিয়া বল।”

একটু বিরক্তির সহিত নরেশ উত্তর দিলেন,—“তুমি একরূপ কর্কশভাবে কথা কহিতেছ কেন? আমার ইচ্ছা না হইলে, আমি তোমার প্রশ্নের উত্তর দিতে বাধ্য নহি, ইহা মনে রাখিয়া তোমার কথা কহা উচিত।”

হেমলতা একটু চিন্তা করিলেন। মুখে যে কথা বাহির হইতেছিল, তাহা চেপ্টা করিয়া প্রাণের মধ্যে ফিরাইয়া লইলেন। তাহার পর বলিলেন,—“তুমি সত্যবাদী, ধার্মিক বলিয়া লোকে তোমার স্তুতি করে। আমি জানিতাম, সত্য কথা বলিতে তুমি কখনই ভয় পাইবে না। এখন বুঝিলাম, সত্য কথা বলিবার সাহস তোমার নাই।”

নরেশ বলিলেন,—“বড় অন্য় কথা তুমি বলিতেছ। সত্য কথা কখনই প্রচ্ছন্ন করিতে আমার ইচ্ছা হয় না। আমি সত্য কথা বলিতে ভয় পাইতেছি না, কিন্তু তোমার ভঙ্গী দেখিয়া কথা কহিতে আমার সাহস হইতেছে না।”

আবার হেমলতা আর একটু চিন্তা করিয়া বলিলেন,—“আমি সকল কথাই জানি। তথাপি তোমার মুখ হইতে কথাটা শুনিতে আমার ইচ্ছা আছে বলিয়াই জিজ্ঞাসা করিতেছি, কলিকাতায় সুরেশ বাবুর বাসায় আর কাহারও সহিত তোমার সাক্ষাৎ হয় নাই কি?”

নরেশ বাবু বিশেষ বিরক্তির সহিত বলিলেন,—“তোমার একরূপ প্রশ্নের উত্তর দিতে আমি বাধ্য নহি। তথাপি বলিতেছি, সেখানে আমার পত্নী কুমুদিনীর সহিত আমার সাক্ষাৎ হইয়াছিল। সাক্ষাৎ হইয়াছিল কেন—আমরা কয়দিন একত্র বাস করিয়াছি। তুমি জান বা না জান, এ কথা তোমার নিকট লুকাইবার কোনই প্রয়োজন নাই। তবে এখনই না বলিয়া সময়ান্তরে ইহা তোমাকে

জানাইতাম। তোমার দৌরাণ্ডো এখনই তোমাকে জানাইতে হইল।”

তখন হেমলতা কুপিতা ফণিনীর ঞায় গর্জিয়া উঠিলেন। কি বলিতে হইবে, কি করিতে হইবে, তাহা তে তিনি ভুলিয়া গেলেন। ক্রোধে তাঁহার মুখ রক্তবর্ণ হইয়া দেহের নানা স্থানে উচ্চ শিরাসকল দেখা দিল। তাহার কম্পিত হইতে থাকিল। সেই স্তন্দরীকে তখন বিকৃত কায় রাক্ষসী বলিয়া বোধ হইতে লাগিল। তিনি ব্যস্তে লাগিলেন,—“বিশ্বাসঘাতক, তাহার সহিত জীবনে আর কখনই সাক্ষাৎ করিবে না, এই সত্যে তুমি বদ্ধ ছিলে না?”

অসীম ধৈর্যের সহিত নরেশ বাবু বলিলেন,—“আমি আমার পিতা তোমার পিতার সহিত এইরূপ সত্যবাদী করিয়াছিলেন শুনিয়াছি। পিতৃ সত্য পালন করিতে আমি নিশ্চয়ই বাধ্য। কিন্তু তাঁহার সত্যবন্ধনের বহুদূরে নারায়ণ, ব্রাহ্মণ ও অগ্নি সাক্ষী করিয়া, পবিত্র বেদ সহকারে আমি বাঁহাকে পত্নীরূপে গ্রহণ করিয়াছি, তাঁহার নিরপরাধে ত্যাগ করিবার কোনই কারণ আমি দেখি পাই নাই; সেই জন্ত যদি তাঁহার সহিত কয়দিন একত্র বাস করিয়া থাকি, তাহাতে কোন গুরুতর অপরাধ করিয়া বলিয়া আমার মনে হয় না। তুমি এই উপলক্ষে যে কথা আমার সহিত কথা কহিতেছ, তাহা অতিশয় নিন্দনীয়। বিরক্তিকর। আমি তোমাকে সাবধান করিয়া দিচ্ছি। তুমি আর কখনই এভাবে আমার সহিত কোন কথা কহিও না।”

হেমলতা ঘোর বিরক্তি-সূচক হাস্য করিয়া বলিলেন—“ধন্য তোমার স্পর্শ! তুমি আমাকে সাবধান করিতেছ কেন, একরূপে কথা কহিলে তুমি আমাকে ফাঁসি দিবে কি? কৃতঙ্গ, নরাধম, জান না, তুমি কি অবস্থা হইবে এই স্তম্ভৈশ্বর্য ভোগ করিতে পাইয়াছ? বাহার প্রাণ তোমার এই সৌভাগ্য ঘটয়াছে, তাহার নিকট চিরদিন বিনীত ও কৃতজ্ঞ না থাকিয়া আজি তুমি তাহাকে দেখাইতে, তাহার কাণ্ডের দোষ দেখাইতে এবং তাহার সহিত সমান ভাবে কথা কহিতে সাহসী হইয়াছ। কেন? তোমার এ সাহসের পরিণাম অতি ভয়ানক হইবে জানিও হেমলতা কখনই এই অত্যাচার নীরবে সহ্য করি না।”

নরেশের কোন উত্তর শুনিবার পূর্বেই হেমলতা বেগে সে স্থান হইতে প্রস্থান করিলেন।

### দ্বিতীয় পরিচ্ছেদ।

সেই দিন বৈকালে রত্নেশ্বর বাবু একজন দাসীর দ্বারা নরেশকে ডাকাইয়া পাঠাইলেন। হেমলতার সহিত সাক্ষাতের পর হইতে অতি কষ্টে নরেশের সময় কাটিতেছিল। তিনি কি করিবেন, অতঃপর কি ভাবে তাঁহার জীবনপাত করা বিধেয়, ইত্যাদি বিবিধ চিন্তায় তিনি নিতান্ত কাতর ছিলেন। সহসা রত্নেশ্বর বাবুর আস্থানে নরেশ বিচলিত হইলেন। তিনি বুঝিলেন হেমলতা যে প্রসঙ্গ অবলম্বনে, অতান্ত বিরক্তিকর ব্যবহারে উৎপীড়িত করিয়াছেন, তাঁহার পিতাও নিশ্চয়ই তাহারই উত্থাপন করিবেন। তাহাতে ক্ষতি কি? জীবনের যে গতি স্থির করিতে না পারিয়া তিনি ব্যাকুল হইতেছিলেন, হঠাৎ রত্নেশ্বর বাবুর সহিত আলাপে তাহা নির্ণীত হইবে এবং নরেশ হয়তো কর্তব্য অবধারণ করিতে পারিয়া নিশ্চিন্ত হইতে পারিবেন।

যে দাসী ডাকিতে আসিয়াছিল তাহার নাম লবঙ্গ। সে অনেকদিন রত্নেশ্বর বাবুর সংসারে কাজ করিতেছে, এবং পারিবারিক দমস্ত ব্যাপারেই লিপ্ত হইয়া জীবনপাত করে। তাহার বয়স চল্লিশ অতিক্রম করে নাই, বয়স যতই হউক, সে আপনাকে যুবতী বলিয়া জ্ঞান করে, এবং তদনুরূপ বেশভূষা করিতে কুস্তিত হয় না। নরেশ বাবুর যে ব্যবহারে হেমলতা নিরতিশয় বিরক্ত হইয়াছেন, লবঙ্গ তাহার সকলই জানে।

নরেশ জিজ্ঞাসিলেন,—“আনাকে এ অসময়ে কতী বাবু কেন ডাকিতেছেন লবঙ্গ?”

লবঙ্গ বলিল,—“আমি দাসী আমার কোন কথা বলিবার দরকার নাই। আপনি সকলই জানিতে পারিবেন জামাই বাবু! দিদি বাবুর সহিত কতী বাবুর দেখা হইয়াছিল। অনেক কাণ্ড ঘটয়াছে।”

নরেশ বাবু অনেক কাণ্ড ঘটবে বলিয়া জানিতেন এবং সে জন্ত প্রস্তুত ছিলেন। একবার ইচ্ছা হইল লবঙ্গের নিকট অনেক কাণ্ডের কতক আভাষ জানিবার চেষ্টা করার ক্ষতি কি? আবার মনে হইল, একটা দাসীর সহিত এ সকল পারিবারিক অকৌশলের আলোচনা করা

অনাবশ্যক। তিনি বলিলেন,—“আচ্ছা, তুমি এখন যাও লবঙ্গ, আমি এখনই কতী মহাশয়ের নিকট যাইতেছি।”

অনুমতি প্রাপ্ত হইয়াও লবঙ্গ প্রস্থান করিল না। সে জিজ্ঞাসা করিল,—“জামাই বাবু, আপনার বড় স্ত্রী নাকি খুব সুন্দরী?”

নরেশ বিরক্ত হইলেন। কোন উত্তর দিলেন না। লবঙ্গ আবার বলিল,—“তা তিনি দেখিতে যতই সুন্দরী হউন না কেন, তাঁহার সহিত দেখা করা আপনার ভাল হয় নাই। এখানে যেকোন কাণ্ড উপস্থিত তাহাতে এ জীবনে তাঁহার সহিত আপনার সাক্ষাতের আর কোনই উপায় থাকিবে না।”

নরেশ বাবু এই সকল অবাচিত আশ্রয়তা ও উপদেশ শ্রবণে মনে মনে অতিশয় বিরক্ত হইলেন, কিন্তু সাবধানে হৃদয়-ভাব প্রচ্ছন্ন করিয়া বলিলেন,—“যাহা অদৃষ্টে আছে তাহাই ঘটবে। তুমি এখন যাও, আমি কতীর নিকট যাইতেছি।”

নরেশ বাবু গাত্রোথান করিলেন। অগত্যা লবঙ্গ-লতাকে প্রস্থান করিতে হইল।

অস্তঃপুরের অশ্রুতম এক কক্ষে এক পর্যাক্ষোপরে রত্নেশ্বর বাবু উপবিষ্ট। তাঁহার পত্নী পর্যাক্ষ পাশ্বে মাকেল আবৃত মেজের উপর আসীনা। রত্নেশ্বর বাবুর দেহ স্তন্দরী, বর্ণ উজ্জ্বল শ্রাম, ললাট প্রশস্ত, নেত্রদ্বয় বিস্তৃত, নস্তকের কেশরাশি শ্বেত কৃষ্ণ সংমিশ্রিত, গৌফ জোড়াটা ঘন; লম্বা ও সঘন বিন্যস্ত। বক্ষদেশ লোমাবলী সমাচ্ছন্ন। তাঁহার পত্নী পরমাসুন্দরী, বয়স চল্লিশের অধিক হইলেও, এখনও তাঁহাকে পরিণতাবয়বী যুবতী ভিন্ন আর কিছুই মনে হয় না।

নরেশ বীরে বীরে ও অবনত মস্তকে এই দম্পতীর সম্মুখাগত হইলে, গৃহিণী তাঁহাকে সাদরে আসন গ্রহণ করিতে অনুরোধ করিলেন। নরেশ অশ্রু কোন উচ্চ আসনে উপবেশন না করিয়া দূরে ভূপৃষ্ঠে বসিয়া পড়িলেন।

রত্নেশ্বর একটু বিচলিত স্বরে বলিলেন,—“আমি শুনিয়াছি, তুমি কলিকাতায় গিয়া বড়ই গর্হিত কার্য করিয়াছ। ইহার সমুচিত স্বব্যবস্থা না হইলে, আমি তোমার উপর অতিশয় বিরক্ত হইব। তাহার ফল তোমার পক্ষে বড়ই অমঙ্গল জনক হইবে।”

নরেশ কম্পিতকণ্ঠে কাতর ভাবে জিজ্ঞাসা করিলেন, “কি ব্যবস্থা করিতে আমাকে আদেশ করিতেছেন।”

রত্নেশ্বর বাবু বলিলেন,—“আমার আদেশ করা নিশ্চয়োজন, তুমি বুদ্ধিমান ভাবিয়া দেখিলেই বুঝিতে পারিবে তোমার আচরণ বড়ই জঘন্য হইয়াছে। বাহা হইয়াছে তাহার আর হাত নাই। ভবিষ্যতে একরূপ কোন কার্য যেন তোমার দ্বারা আর ভ্রমেও অনুষ্ঠিত না হইতে পারে, তোমাকে অদ্য আমাদের সম্মুখে সেইরূপ প্রতিজ্ঞা করিতে হইবে।”

নরেশ নিরুত্তর। একটু উত্তেজিত স্বরে রত্নেশ্বর বলিলেন,—“কথা কহিতেছ না কেন? প্রতিজ্ঞা করিতে ইতস্ততঃ করিতেছ কেন?”

নরেশ বলিলেন,—“আমি জানি না, আমার বিবাহিতা সহধর্মিণীর সহিত সাক্ষাৎ করায় আমার কি অন্যায় হইয়াছে। ভবিষ্যতে আর কখন তাঁহার সহিত সাক্ষাতাদি করিব না, একরূপ প্রতিজ্ঞা নিতান্ত অসম্ভব ও ধর্মবিরুদ্ধ হইবে বলিয়া আমার মনে হয়।”

ক্রুদ্ধ সিংহের ন্যায় গর্জিয়া রত্নেশ্বর বাবু বলিলেন,—“অমহীন, আশ্রয়হীন ভিক্ষুকপুত্র যখন আমার কন্যাকে বিবাহ করিয়াছিল তখন, তোমার এ ধর্ম জ্ঞান কোথায় ছিল? তোমার পিতা বারংবার প্রতিজ্ঞা করিয়াছিল যে, তোমার পূর্ব স্ত্রীর সহিত আর কোন সম্বন্ধ থাকিবে না।”

হৃদয়ের প্রবল উচ্ছ্বাস অতি আয়াসে সংবৃত করিয়া নরেশ বলিলেন,—“আমার পিতা প্রতিজ্ঞা করিয়াছিলেন, ইহা আমার বেশ মনে আছে।”

রত্নেশ্বর বাবু বলিলেন,—“তবে হতভাগ্য, সে কথা ভুলিয়া কাহা করিতে এখন তোমার লজ্জা হয় না কি?”

নরেশ বাবু বলিলেন,—“পিতার আদেশে এক স্ত্রী থাকিতে অন্য বিবাহ করিয়া আনি অন্যায় কাহা করিয়াছি, কিন্তু পিতৃ আজ্ঞা পালনেও তাঁহার অভিপ্রায়রূপ কাহা নাধনে আমি বাধ্য। স্মরণ্য তাঁহার আজ্ঞায় কোন গহিত কাহা সম্পাদন করিয়াও আমি ছুঃখিত হই নাই। আমার পূর্ব স্ত্রীর সহিত সাক্ষাতাদি বিষয়ে আমার পিতার কোন বিশেষ আজ্ঞা আমি প্রাপ্ত হই নাই। তিনি এ সম্বন্ধে আমাকে কোন নিষেধসূচক আদেশ করিলে, আমি কখনই এ কাহা করিতে সাহসী হইতাম না।”

রত্নেশ্বর বাবু বলিলেন,—“তাহার আদেশ পাও না পাও আমাদের অভিপ্রায় বুঝিয়া কাহা করিতে তুমি বাধ্য। সে যাহা হউক, এ সম্বন্ধে আপাততঃ অধিক বাদ্ধিতা অনাবশ্যক। আমি তোমার পিতাকে আনি লোক পাঠাইয়াছি। সে আসিলেই তাহার সম্মুখে সব কথা শেষ করিব। তোমার এই দারুণ দুর্ভাবহারে আমি এতই বিরক্ত হইয়াছি যে, যতক্ষণ ইহার একটা শেষ করিতে না পারিতেছি, ততক্ষণ আমার আর কোন শান্তি আশা নাই।”

নরেশ অধোমুখে বসিয়া রহিলেন। রত্নেশ্বর বাবু কথাবার্তা বড়ই অপমানজনক নিতান্ত মর্শ্ববিদারক বলিয়া তাঁহার মনে হইল। তাঁহার পিতা বিবাহ দিয়া তাঁহার কতকগুলি লোকের ক্রীতদাস করিয়া দিয়াছেন, তাঁহার সর্বপ্রকার স্বাধীনতার পথ রুদ্ধ করিয়া দিয়াছেন এবং তাঁহাকে সর্বতোভাবে পরকীয় বাসনাভুক্তিতা করিয়া ব্যবস্থা করিয়া দিয়াছেন, ইহা তিনি একবারও মনে করেন নাই। পিতার আজ্ঞায় তিনি দারাস্তর পরিগ্রহ করিয়াছেন; কিন্তু কখনও সুযোগ হইলে পূর্ব স্ত্রীর মুখাবলোকন করিলেও তাঁহার পাপাচরণ হইবে, ইহা তিনি কখনো জানিতেন না। অদ্য তিনি আপনার অবস্থা স্পষ্টরূপে প্রদর্শন করিলেন। হৃদয়ে দুর্কিসহ জ্বালা! তিনি বলিলেন, শকটবাহী অশ্বতরের অথবা ভারবাহী বনীবাহী অবস্থাও তাঁহার ন্যায় শোচনীয় নহে। অনেকক্ষণ অধোমুখে বসিয়া থাকার পর ভীতভাবে নরেশ জিজ্ঞাসিলেন,—“আমার প্রতি আর কোন আদেশ আছে কি? আমি এক্ষণে প্রস্থান করিব কি?”

রত্নেশ্বর বাবু বলিলেন,—“হাঁ—আপাততঃ প্রস্থান করিতে পার। কিন্তু সাবধান, আমার সহিত পুনরায় সাক্ষাৎ হওয়ার পূর্বে তুমি এ বাটা ত্যাগ করিয়া স্থানান্তরে গমন করিও না। তোমার পিতা আসিলে তাঁহার সহিত কথা শেষ করিয়া তোমার সম্বন্ধে যথোচিত ব্যবস্থা করিব।”

নরেশ নিঃশব্দে গারোখান করিলেন এবং নিঃশব্দে প্রস্থান হইতে প্রস্থান করিলেন। কত্রী ঠাকুরাণীও তাঁহার অনুসরণ করিলেন।

ক্রমশঃ।

শ্রীদামোদর মুখোপাধ্যায়



## মহারাজা বাহাদুর সার নরেন্দ্রকৃষ্ণ দেব

কে, সি, আই, ই।

বিগত ২০শে মার্চ শুক্রবার অপরাহ্নে শোভাবাজার রাজবংশের মুকুট-মণি মহারাজা বাহাদুর সার নরেন্দ্রকৃষ্ণ দেব কে, সি, আই, ই, পরলোক গমন করিয়াছেন। অশীতিপর বৃদ্ধ হইয়াও মহারাজ যুবজনোচিত পরিশ্রমে কখনও পরাজু হইতেন না। তাঁহার ছায় মিষ্টভাবী সদালাপী স্বদেশ-হিতৈষী অতি বিবল। তাঁহার বিনয় নম্র ব্যবহারে কি রাজপুরুষগণ কি স্বদেশবাসী-আপানর সাধারণ সকলেই মুগ্ধ হইতেন। মহারাজ প্রাচীন ও নব্য মস্তাদায় মধ্যে সেতুরূপে বিরাজিত ছিলেন। তাঁহার মৃত্যুতে সকলেই দুঃখিত এবং শোকার্ত।

১৮২২ খৃঃ অব্দের ১০ই অক্টোবর তারিখে মহারাজ জন্ম পরিগ্রহ করেন। রাজা রাজকৃষ্ণ দেব বাহাদুর তাঁহার পিতা ও সুবিধাত মহারাজ নবকৃষ্ণ বাহাদুর পিতামহ। বিশ্ববিদ্যালয় স্থপতির পূর্বে প্রাচীন হিন্দু কলেজে মহারাজা শিক্ষা লাভ করিয়াছিলেন। শিক্ষা সমাপ্তে গবর্ণমেন্টে কতক তিনি ডেপুটি ম্যাজিস্ট্রেট মনোনীত হন। এবং নয় বৎসর কাল দক্ষতার সহিত রাজকাহা পরিচালন করিয়া স্বেচ্ছায় ঐ পদ পরিত্যাগ করেন। এই সময় হইতে মহারাজ দেশহিতকর বিবিধ অহুঠানে যোগদান করেন। যখন কলিকাতা জাষ্টিস্ জব্ পিস্ দ্বারা শাসিত হইত তখন হইতে আনয়ন কান পর্যন্ত মহারাজ কলিকাতা-মিউনিসিপালিটির একজন বিশিষ্ট সদস্য ছিলেন। মহারাজার প্রতি সম্মান প্রদর্শনার্থে তাঁহার মৃত্যুতে মিউনিসিপাল আফিস একদিন বন্ধ হইয়াছিল।

তিনি সমাজনৈতিক রাজনৈতিক এবং দেশহিতকর অশেষবিধ অহুঠানে সর্বদা যোগদান করিতেন। গবর্ণমেন্টের কোন বিধি ব্যবস্থার প্রতিবাদকালে রাজপুরুষগণের অসন্তোষ উৎপাদন না করিয়া সম্মানে পীর ভাবে তিনি স্বীয় মতামত ব্যক্ত করিতেন।



মহারাজ ব্রিটিশ ইণ্ডিয়ান এসোসিয়েশনের অন্যতম

নেতা ছিলেন এবং কয়েকবার ইহার সভাপতিত্বও গ্রহণ করিয়াছিলেন। লর্ড নর্থব্রুক কর্তৃক তিনি রাজোপাধি দ্বারা ভূষিত হন এবং বড়লাটের ব্যবস্থাপক সভার সদস্য মনোনীত হন। ১৮৭৭ সালে তিনি গবর্ণমেন্ট হাউসে প্রাইভেট প্রবেশাধিকার প্রাপ্ত হন। ঐ সালের দিল্লী দরবারে আমন্ত্রিত হইয়া মহারাজা বাহাদুর উপাধি এবং পরে কে, সি, আই, ই, উপাধি ভূষণে ভূষিত হইয়াছিলেন। সেদিন নিম্নতলায় যখন তাঁহার দেহ সংকারার্থে নীত হয় তখন বহু হিন্দুসন্তান তথায় উপস্থিত হইয়া মহারাজের প্রতি তাঁহাদের শেষ শ্রদ্ধা প্রদর্শন করেন।

ইতিমধ্যে মহারাজের স্মৃতিচিহ্ন স্থাপন জন্ত টাউনহলে এক বিরাট সভার অধিবেশন হইয়াছিল, ছোটলাট সাহেব তাহার সভাপতি হইয়াছিলেন।

মহারাজ দিকপাল সদৃশ দুইটি পুত্র রাখিয়া ইহলোক পরিত্যাগ করিয়াছেন। সিভিল সার্ভিসের গৌরব হুগলীর মেসন জজ কুমার গোপেন্দ্রকৃষ্ণ দেব বাহাদুর তাঁহার জ্যেষ্ঠ এবং সুবিখ্যাত এটর্নি কুমার শৈলেন্দ্রকৃষ্ণ দেব বাহাদুর কনিষ্ঠ পুত্র।

আমরা শোকসন্তপ্ত রাজপরিবারের প্রতি হৃদয়ের গভীর সহানুভূতি জ্ঞাপন করিতেছি। বিধাতা তাঁহাদিগকে শোকে মাতৃনা দান করুন, এবং মহারাজের পরলোকগত আত্মার কল্যাণ সাধন করুন।



## স্বর্গীয় মহাত্মা কেইন।



বিনাতী তারের সংবাদে প্রকাশ ভারত-হিতৈষী মহাত্মা কেইন সাহেব আর ইহ জগতে নাই। এই নিদারুণ সংবাদে প্রত্যেক শিক্ষিত ভারতবাসী মর্মান্বিত ও শোকসন্তপ্ত হইয়াছেন। ভারতবাসী চির দরিদ্র, নানারূপ অভাব-সাগরে নিমগ্ন, তাহারা একটি মিষ্ট কথা কামাল। যিনি এই দুঃস্থ দরিদ্র জাতিকে সহানুভূতির চক্ষে নিরীক্ষণ করেন, একটি মিষ্ট কথা দ্বারাও তুষ্ট করেন, তিনিই তাহাদিগের অন্তরঙ্গ এবং পরম বন্ধু। চিরছুঃখী ভারতবাসীর ছুঃখে ছুঃখিত হইয়া স্বর্গীয় মহাত্মা কেইন পালিয়ামেন্টে মহাসভায় ভারতের হিতকর বিষয় সমূহ সর্বদা আলোচনা করিতেন। মৃত্যুর অব্যবহিত পূর্বেও তিনি বিচার ও শাসন বিভাগ পৃথক করণ ও সৈন্ত সংরক্ষণের ব্যয়-হ্রাস প্রভৃতি বিষয়ের আলোচনা করিয়া গিয়াছেন। ভারতবর্ষের জন্ত তিনি যাহা করিয়াছেন তাহা অতুলনীয়।

যে কারণে স্বর্গীয় ফসেট, ব্রাইট এবং ব্রাডলা প্রভৃতি ভারত-হিতৈষী মহাত্মাগণ ভারতবাসীর কৃতজ্ঞতা-ভাজন হইয়াছিলেন, সেই কারণে মহাত্মা কেইনও আমাদের অকৃত্রিম শ্রদ্ধা ও কৃতজ্ঞতার পাত্র।

মিঃ কেইন সুরাপাননিবারণ কল্পেও প্রভূত পরিশ্রম করিয়াছেন, বিলাতের সুরাপান-নিবারিণী সভার তিনি একজন বিশিষ্ট সদস্য ছিলেন। তাহার চেষ্টায় ও পরামর্শে নানা স্থানে সুরাপান নিবারিণী সভা প্রতিষ্ঠিত হইয়াছে।

তিনি কংগ্রেসকেও অতি স্নেহের চক্ষে দেখিতেন। এবং দুইবার কলিকাতার অধিবেশনে স্বয়ং উপস্থিত হইয়া কংগ্রেসের কার্যে যোগদান করিয়াছেন। এতদ্ভিন্ন তিনি ব্রিটিশ কংগ্রেস কমিটির একজন বিশিষ্ট সদস্য ছিলেন।

১৮৪০ খৃঃ অব্দের ২৬শে মার্চ বিলাতের চেশায়ারের অন্তঃপাতি সিকোয়ে নগরে মিঃ কেইনের জন্ম হয়। শিক্ষা সমাপ্ত করিয়া ১৮৬৮ খৃঃ অব্দে লিভারপুলের বেড-রেও স্টোয়েল ব্রাউন সাহেবের কন্যা এলিসের পাণিগ্রহণ করেন। তিনি ক্রমান্বয়ে দুইবার পালিয়ামেন্টের সভ্য হইতে চেষ্টা করেন কিন্তু দুইবারই অকৃতকার্য হইয়া ১৮৮০ সালে প্রথম পালিয়ামেন্টে মহাসভায় সদস্যরূপে মনোনীত হন। মহাত্মা গ্লাডস্টোনের মন্ত্রিত্ব কালে তিনি সিভিল সার্জ অব এডমিরালিটি নিযুক্ত হইয়াছিলেন। মৃত্যুকাল পর্যন্ত তিনি পালিয়ামেন্টের সদস্যরূপে ভারতবর্ষের অশেষকি কল্যাণ সাধনে ব্রতী ছিলেন।

ভগবান মহাত্মা কেইনের শোকসন্তপ্ত পরিবার বর্গে হৃদয়ে শান্তিবারি সেচন করণ, এবং তাহার পরলোকগমন আত্মার মঙ্গল বিধান করণ।


৬ষ্ঠ ভাগ।]

প্রদীপ।

[ ১ম সংখ্যা।



স্বর্গীয় মহারাজ,  
সার নরেন্দ্রকৃষ্ণ দেব বাহাদুর কে, সি, আই, ই।





## এই সংখ্যার লেখকগণের নাম

শ্রীযুক্ত পণ্ডিত মহেন্দ্রনাথ বিদ্যানিধি, শ্রীযুক্ত নগেন্দ্রনাথ বসু,  
 শ্রীযুক্ত রাজেন্দ্রলাল আচার্য্য বি-এ, শ্রীযুক্ত চারুচন্দ্র  
 বন্দ্যোপাধ্যায় বি-এ, শ্রীযুক্ত কালীপ্রসন্ন সেন গুপ্ত,  
 শ্রীযুক্ত নলিনীকান্ত ঘোষ, শ্রীযুক্ত যোগেন্দ্রনাথ  
 চট্টোপাধ্যায়, শ্রীযুক্ত পণ্ডিত দামোদর মুখো-  
 পাধ্যায়, শ্রীযুক্ত সত্যকিঙ্কর সাহানা বি-এ,  
 শ্রীযুক্ত কালিকাপ্রসাদ ভট্টাচার্য্য, শ্রীযুক্ত  
 বীরেশ্বর মুখোপাধ্যায়, শ্রীযুক্ত  
 শরচ্চন্দ্র চক্রবর্তী, শ্রীযুক্ত মন্থথ  
 নাথ দে, শ্রীযুক্ত অতুলচন্দ্র  
 সেন, এম্-এ ও  
 সম্পাদক।

## সূচী।

বিষয়।	পৃষ্ঠা।
১। পুরাতন পুঁথি	৪৩
২। সেকেন্দ্রা (সচিত্র কবিতা)	৪৭
৩। কবিরঞ্জন	৪৯
৪। পৃথিবীর ইতিহাস (সচিত্র)	৫৯
৫। সে আমার—আমি তার (কবিতা)	৬৫
৬। লুসাই জাতি (সচিত্র)	৬৬
৭। কবিবর ৩রাজকৃষ্ণ রায় (প্রতিকৃতি সহ)	৭১
৮। সপত্নী (উপন্যাস)	৭৭
৯। বহুব্রহ্মপুর "কনফারেন্স" (সচিত্র)	৮৬
১০। কবিতা-গুচ্ছ	
মলয় পবন	৮৭
আভাস	৮৭
বাসনা	৮৭
স্বার্থপর	৮৮
বৈতরণী	৮৮
চাহিনা	৮৮

প্রদীপ  
 সন ১২১৩  
 প্রতিষ্ঠিত  
 ১। প্রদীপের আকারে সাধারণতঃ ডবল-ক্রাউন ৮  
 পৃষ্ঠা ৩২ পৃষ্ঠার কম হইবে।

২। প্রদীপের অগ্রিম বাষিকমূল্য সর্বত্র ২।০  
 আড়াই টাকা। বিনামূল্যে বা অল্পমূল্যে কাহাকেও  
 দেওয়া হয় না। অনুমতি পাইলে ভিঃ পিঃতে কাগজ  
 পাঠাইয়া মূল্য গ্রহণ করিয়া থাকি; কেহ একসঙ্গে পাঁচ  
 জন গ্রাহকের টাকা পাঠাইলে তাঁহাকে এক বৎসরের  
 "প্রদীপ" বিনামূল্যে ও বিনা মাণ্ডলে দিয়া থাকি।  
 ৩। সর্বত্রই প্রদীপের এজেন্ট আবশ্যিক। এজেন্ট-  
 দিগকে শতকরা ১২।০ টাকা হিসাবে অর্থাৎ প্রতি টাকায়  
 ১০ করিয়া কমিশন দিয়া থাকি।  
 ৪। অমনোনীত প্রবন্ধাদি টিকিট পাঠাইলে ফেরত  
 দেওয়া হয়।

৫। অনেক প্রদীপ ডাকঘরে খোওয়া যায়। কেহ  
 যথাকালে প্রদীপ না পাইলে ডাকঘরে সংবাদ লইবেন।  
 তাহাতেও অকৃতকার্য হইলে আমাদিগকে জানাইবেন।  
 কোন সংখ্যা প্রদীপ না পাইলে পরবর্তী সংখ্যা প্রকাশিত  
 হইবার পূর্বে আমাদিগকে জানাইতে হইবে। অগ্রথা  
 আমরা তজ্জগৎ দায়ী নহি।  
 ৬। কোন পত্রের উত্তর লইতে হইলে রিপ্লাই কার্ড  
 বা টিকিট সহ পত্র লিখিবেন নচেৎ উত্তর পাইবেন না।  
 ৭। চিঠি, পত্র টাকা কড়ি, প্রবন্ধ, সমালোচ্য পুস্তক  
 ও পত্রিকাদি নিয়ম ঠিকানায় আমার নামে প্রেরিতব্য।  
 ৮। বিজ্ঞাপনের দর জানিতে হইলে পত্র লিখিতে  
 হয়।  
 ৯। ব্যারিং অথবা ইন্সফিসিয়েন্ট পত্র গৃহীত হয় না।

শ্রীবিহারীলাল চক্রবর্তী,

প্রদীপ-সম্বাদিকারী।

৯২।৪ নং জানবাজার স্ট্রীট, কলিকাতা।



## বিজ্ঞাপন।

নানারূপ গোলযোগ দূর ও হিসাব নিকাশের সুবিধার জন্ত প্রদীপের নববর্ষ—পৌষ হইতে না ধরিয়া বৈশাখ হইতে আরম্ভ করা হইল, ইহাতে গ্রাহকগণের কোনরূপ ক্ষতি বা অসুবিধার কারণ নাই। এখন হইতে প্রতি মাসের প্রথম সপ্তাহ মধ্যেই ঐ মাসের প্রদীপ গ্রাহকগণের হস্তগত হইবে।

৬ষ্ঠ বর্ষে আমরা বিপুল আয়োজন করিয়াছি, বর্তমান বর্ষের ১ম ও ২য় সংখ্যার কাগজ দেখিলেই সকলে তাহা অনায়াসে বুঝিতে পারিবেন। পরবর্তী সংখ্যাসকল যাহাতে আরও চিত্তাকর্ষক ও নয়নমনোমুগ্ধকর হয় তজ্জন্ত আমরা বিশেষ চেষ্টা করিব।

সহৃদয় গ্রাহকগণ প্রদীপের অগ্রিম বার্ষিক মূল্য অবিলম্বে প্রদান করিয়া আমাদেরকে এই বহুব্যয়সাধ্য ব্যাপারে সাহায্য করুন, গ্রাহকগণের অনুগ্রহই আমাদের একমাত্র ভরসা।

শ্রীবিহারীলাল চক্রবর্তী,  
প্রদীপ-স্বত্বাধিকারী।

কার্যালয়—৯২১৪ জানবাজার স্ট্রীট, কলিকাতা।

অর্দ্ধ মূল্য! অর্দ্ধ মূল্য!! অর্দ্ধ মূল্য!!!

আপাততঃ ৫ম বর্ষের প্রদীপ সুন্দর বাধাই কয়েক সেট অর্দ্ধ মূল্যে দেওয়া যাইবে, যাহার আবশ্যক হয়, সত্বর আবেদন করুন, বিলম্বে হতাশ হইতে হইবে, প্রতি খণ্ডের (১২ মাসের সম্পূর্ণ) মূল্য ১১০ ও ডাক মাণ্ডল ও ভিঃ পিঃ খরচ ১০ আনা, মোট ১২০ দেড় টাকায় দেওয়া যাইবে।

ম্যানেজার,

প্রদীপ-কার্যালয়।

৯২১৪ জানবাজার স্ট্রীট, কলিকাতা।

শ্রীযুক্ত প্রমথ নাথ রায় চৌধুরী

প্রণীত

গৌরাঙ্গ—(নব প্রকাশিত) বড় বড় ছয় সর্গে সমাপ্ত উচ্চাঙ্গের কাব্য। আরতি—প্রমথ বাবুর পরিপক্ব হস্তের রচনা। এতব্যতীত উপায়ে কাব্যত্রয় পদ্মা

—(দ্বিতীয় সংস্করণ); গীতিকা—(দ্বিতীয় সংস্করণ) ও দীপালী—প্রত্যেকের মূল্য দেড় টাকা। গান—(স্বরলিপি সম্বলিত) মূল্য পাঁচ টাকা।


২০১ নং কর্ণওয়ালিস স্ট্রীট গুরুদাস বাবুর দোকানে ও ২০ নং কর্ণওয়ালিস স্ট্রীট, মজুমদার লাইব্রেরী এবং ৬৪নং কলেজ স্ট্রীট সিটিবুক সোসাইটিতে প্রাপ্তব্য।

আমার নিকট লইলে ডাক ও ভিঃ পিঃ খরচ লাগে না।

শ্রীঅনুকুল চন্দ্র বসু

৩৫১২ বিডন স্ট্রীট, কলিকাতা।

Pure Silver Buttons.




No. 1 Full set Rs. 3.  
2 do. 2-8.  
No. 3 Full-set Rs. 3.  
4 Canary 4.  
Full-set 3 studs 1 collar and pair of sleeve Links.

DASS AND SONS.

15. Charack Danga Road,  
P. O. Belleghatta Road, Calcutta.

THE CORONATION WATCH  
INDIAN RAILWAY TIME-KEEPER  
HUNTING CASE Rs. 9-8. OPEN FACE CASE Rs. 6-8.  
POST FREE- GUARANTEE FOR 5 YEARS



This WATCH is made by Our special order on the most improved style in order to stand in rough usage suitable for all climates good serviceable and most comfortable to wear: In strong White METAL Case, white enamelled dial, bold hands & figures, sunk second, 'key-less' action, cylinder balance, accurate time keeper; with a decent chain; glass, spring FREE. - Special For: Hardworker Overseers and Railway Employees, and to those who Generally go on Horse back. All WATCHES Regulated and examined before despatch; - MANFIELD & CO. WATCH MAKERS 3 MIRZAPUR TANK LANE CALCUTTA



সিদ্ধার্থ বাগান বান্ধব পুস্তকালয় ও সাধনা  
সন ১৩১৬  
প্রতিষ্ঠা

৬ষ্ঠ ভাগ।

জ্যৈষ্ঠ, ১৩১০।

২য় সংখ্যা।

পুরাতন পুঁথি।

(শ্রীকৃষ্ণ-মঙ্গল)

যখনকার কথা-প্রসঙ্গের সঙ্গে এই সন্দর্ভের সংশ্লিষ্ট— তখনও ভগবান্ শ্রীকৃষ্ণ, অনেক সাধের বৃন্দাবনের লীলা-খেলাসকল বিস্মৃত হইতে সম্যক্ অসমর্থ। সেই জন্তই তাঁহাকে আপন পোষ্য-পিতা 'নন্দ', পোষণ-কারিণী দয়াময়ী যশোদা, পরম প্রিয় গোপ-বৃন্দ, পরমা প্রীতির নিকেতন গোপীগণ, পরম প্রেমাস্পদীভূত গো-বৎস ও গো-পালক সকলকে অশেষ প্রকারে আশ্বাস ও সাহুনা প্রদান নিবন্ধন এক সহৃদয় সমুদ্ভাবন করিতে হইয়াছিল। তদুদ্দেশ্যেই তিনি আপন প্রাণপ্রতিম অদীম-গুণ-নিধান জীবন-বান্ধব

উদ্ধবকে গোকুলে (ব্রজ-ধামে) প্রেরণ করেন। শ্রীকৃষ্ণ-গত-প্রাণ অকৈতব বান্ধব উদ্ধব, শ্রীকৃষ্ণ কর্তৃক যথাযথ উপদিষ্ট হইলেন। ভগবানের লিপি লইয়া, স্বর্ণ-রথে বৃন্দাবনে তিনি চলিলেন। রথাক্রমে উদ্ধবের প্রশস্ত চিত্তে এই চিন্তা উদ্ভূত হইল,—“আমার অদৃষ্ট, অত্যন্ত সুপ্রসন্ন ও উন্নত।” কেন না, তিনি তখন কৃষ্ণ-গত-প্রাণ গোপীগণের সন্দর্শন পাইয়া আত্মাকে পুলকিত করিতে পারিবেন। ব্রজধামের নিতান্ত নিরুপম সুদৃশ্য সৌন্দর্য ও দৃশ্য সম্ভোগ, তদীয় ভাগ্যে সৌভাগ্যক্রমে সংঘটিত হইবে। যথা,—

“বিমানে চাপিয়া উদ্ধব, ভাবিতে লাগিল।

আজি যে আমারে বিধি প্রসন্ন হইল ॥ ১ ॥

যে গোপিনী, সদা কৃষ্ণ ভাবেন অন্তরে।

তা' সবার দরশন মিলিবে আমারে ॥ ২ ॥

আমার ভাগ্যের কথা বলিতে না পারি।

দেখিব নয়ান ভরি' গোকুল-নগরী ॥ ৩ ॥



আমরাই অকূল পাথারে ভাসিলাম! উদ্ধব, তাঁহাদিগকে প্রবোধ দিয়া বলিলেন—শ্রীকৃষ্ণ, গীত্বেই গোকুলে আসিবেন।

কখন কখন কুলবধু, রাত্রিকালে কাস্তুর বহু ক্ষণ অনুপস্থিতি হেতু যেমন মান-ভরে থাকেন এবং রজনী, ক্রমশঃই বৃদ্ধি পায়, অথচ স্বামীর সন্দর্শন লাভ হয় না, কাজেই তাঁহার হৃদয় হইতে অভিমান অপসারিত হয়,—শোকবেগ, আসিয়া তাহার অন্তর আচ্ছন্ন করে; সেইরূপ শ্রীমতী রাধা, বহুদিন কৃষ্ণ-বিরহে জর্জরিত ও অভিমানে অভিভূত; সুতরাং তিনি শ্রীকৃষ্ণের কতই দোষারোপ করিলেন—

“ধনলোভে গণিকা লভয়ে অশ্রু পতি।

নূতন তাহার প্রেম বাড়ে নিতি নিতি ॥ ৩০ ॥

যদবধি সে পুরুষ রহে ধনবান্।

তাবৎ গণিকা, সেই প্রাণের সমান ॥ ৩১ ॥

নিমূল হইলে আর ফিরিয়া না চায়।

কপট কৃষ্ণের প্রেম জেনো তার প্রায় ॥ ৩২ ॥

সরোবর-দাঝে নিতি হংস-রাজ চরে।

যদবধি সরোবরে না শুকায় নীরে ॥ ৩৩ ॥

শুকায়িলে নীর, তায় ফিরিয়া না চায়।

কপট কৃষ্ণের মন, জেনো তার প্রায় ॥ ৩৪ ॥

বিকসিত-পুষ্প-মধু পিয়ে মধুকর।

মধু খেয়ে বৈসে অশ্রু পুষ্প মধু'পর ॥ ৩৫ ॥

পুনরপি ফিরিয়া না চায় তার পানে।

কপট কৃষ্ণের প্রীতি জানিহ তেমনে ॥ ৩৬ ॥

সফরীর সলিলে \* \* \* যেমন পিরীতি।

সলিল শুকালে মৎশ্র, মরে নিতি নিতি ॥ ৩৭ ॥

সৎশ্র মরিলে সলিলের কিছু নাহি দায়।

তেমনি কৃষ্ণের প্রেম জানিহ নিশ্চয় ॥ ৩৮ ॥

এক-বৃক্ষে ফল ধরে অতি মনোহর।

নানা পক্ষিগণ তথা' রহে নিরন্তর ॥ ৩৯ ॥

যদবধি ফল ফুল রহে তরুবরে।

তদবধি পক্ষিগণ তাহাতে বিহরে ॥ ৪০ ॥

ফল তায় শেষ হইলে ছাড়ে পক্ষিগণ।

অশ্রু বৃক্ষে উড়িয়া করয়ে গমন ॥ ৪১ ॥

পুনরপি সেই বৃক্ষে ফিরিয়া না চায়।

কপট কৃষ্ণের প্রেম জেনো তার প্রায় ॥ ৪২ ॥

অবশেষে শ্রীরাধা, বিচ্ছেদ-জনিত শোক-সাগরে নিমগ্ন

হইয়া, বিলাপ করিতে লাগিলেন। কলঙ্কিনী হইয়া, গুরুজনে গঞ্জনা সহ করিয়াও যে, তাঁহার অদৃষ্টে সুখ হইল না, ইহা তাঁহার ক্ষোভের বিষয়।

“করিয়া কৃষ্ণের প্রেমে কি কাজ করিহু।

নিরবধি বিরহ-অনলে পুড়ে' মনু ॥ ৪৩ ॥

কলঙ্ক রহিল মোর জগৎ ভরিয়া।

গুরুর গঞ্জে প্রাণ যায় বিদরিয়া ॥ ৪৪ ॥

শ্রীকৃষ্ণ, স্বরায় বৃন্দাবনে আসিবেন, এইরূপ আশা দিয়া, উদ্ধবকে, যশোদার, গোপীবৃন্দের ও নন্দের নিকট হইতে নিতান্ত নিরানন্দ মনে বিদায় গ্রহণ করিতে হইল। তিনি রথারোহণে গোপীদিগের অনুপম প্রেমের বিদ্য অনুশীলন ও অনুধ্যান করিতে করিতে, মথুরায় প্রাতিগম্য করিলেন। শ্রীকৃষ্ণ, ব্রজের সংবাদ জিজ্ঞাসা করিলে, উদ্ধব, শ্রীকৃষ্ণ-বিরহ-বিধুর গোকুলের সকলেরই মৃতপ্রায় অবস্থা বর্ণনা করিলেন। তিনি ইহাও বলিলেন—ব্রজবাসিনী গোপিকারা, রাখাল-দল—তৎ-সংসৃষ্ট-তাবৎ পশু-পক্ষী-অবিশ্রান্ত নিপতিত-নয়ন-বারিতে যমুনার বারি-কলেবর অধিকতর বর্দ্ধিত করিয়াছে। ভাবুকপ্রবর উদ্ধবদেবে সেই সকল সকরণ বচন-শ্রবণে পায়গণও, বিদীর্ণ হইয়া শ্রীকৃষ্ণ-প্রমুখের অন্তঃকরণে প্রেমের সঞ্চার হইল, একথার উল্লেখ না করিলেও চলে। বাঙ্গালী পাঠক-কুলে প্রাণ-স্পর্শিনী কঠোর-মধুর “মাধুর” লীলার মাধুর্য আনন্দনে চির-কাল সমর্থ। ধন্য কবিচন্দ্র! অতুলনা তোমার সুললিত রচনা!

### গ্রন্থের সংক্ষিপ্ত পরিচয়।

(ক) শ্রীকৃষ্ণমঙ্গল—কবিচন্দ্র-বিরচিত।

(খ) পত্রসংখ্যা—১২ (বার)

(গ) আকার—দৈর্ঘ্যে ৯ ইঞ্চি; প্রস্থে—৪ ইঞ্চি।

(ঘ) কাগজ—হরিদ্রা-বর্ণ।


(ঙ) মসী (কালী)—কৃষ্ণ-বর্ণ।

(চ) শ্লোক সংখ্যা—৪০০ (চারি শত)।

“শ্রীকৃষ্ণমঙ্গল” একখানি সুছলভ প্রাচীন পুঁথি। কলকাতা আয়াসলক এই পুঁথি-খানি, ১২শ (দ্বাদশ) পত্রে সমাপ্ত পুঁথির ভাষা, অতি সরল। শ্রীকৃষ্ণমঙ্গলের সর্বত্রই প্রসাদ

শুণ, বিলক্ষণই বিগ্ৰহমান। ইহাতে শব্দ-চাতুর্যের ও ভাব-মাধুর্যের তাদৃশ বাহুল্য নাই থাকুক, কিন্তু কবির উৎপত্তির কাল বিবেচনা করিয়া দেখিলে নিশ্চিত বলিতে হইবে, শ্রীকৃষ্ণমঙ্গল, নির্দোষ না হইলেও স্বকাব্য। শ্রীকৃষ্ণ-

মঙ্গলের সংক্ষিপ্ত বিবরণের সঙ্গে সঙ্গে আমরা সময়ান্তরে কবির কবিত্বের কিছু পরিচয় দিতে চেষ্টা পাইব। তাঁহার রচিত গ্রন্থাবলীর তালিকাও, অপর সন্দর্ভে বিবৃত হইবে। \* শ্রীমহেন্দ্রনাথ বিদ্যানিধি।



### সেকেন্দ্র।

ভারত গৌরব-রবি, মহানিদ্রাবৃত হেথা,  
সম্মাধি শব্যায়;  
কি বিশ্বয়! কি বিবাদ! মরমে জাগিয়া উঠে,  
আসিলে হেথায়!  
বিশাল বিরাট শৌধ, চুষিছে গগণ-বুক  
সমুচ্চ তোরণ!  
নয়ন মুদিয়া আসে, নিরখিলে উর্দ্ধপানে  
শল্পের স্বজন!

মহাতীর্থ সম এই, নীরব নির্জন স্থল,  
পুণ্যের সঙ্গম;  
কীর্তিদীপ্ত সত্রাটের, স্মৃতির নিব্বার বহে  
চির মনোরম।  
ভূতলে নন্দন সম, কি রম্য উদ্যানরাজী  
শোভে চারিধারে;

\* এই পুঁথি খানি, মদীয় স্বর্গীয় পিতৃদেব “গোপীনাথ-দাস বেদরত্ন চূড়ামণি” মহাত্মভবের সংগৃহীত। এই গ্রন্থের সংকলনে আমাদের ভূতপূর্ব বোম্বা ছাত্র—অধুনা নানা ভাষা-বেত্তা “Edward Institution” স্কুলের প্রিন্সিপাল শ্রীযুক্ত অম্বা-চরণ ঘোষ বিদ্যাভূষণের বহুল আনুকূল্য লাভ করিয়াছি। কমলা বাগ্‌বাদিনী, উক্ত “বিদ্যাভূষণের” নাট্যকারিনী হউন।

বিটপ বল্লরী ফুল, ভরি' দেয় দশদিক  
সৌরভের ভারে।

৩

অশান্ত মানসে মোর, ভেসে আসে শতশ্রুতি  
অতীত গৌরব ;  
অসীম অবনীতলে কোথায় আছিল আর  
এ হেন বৈভব !

সে প্রতাপ ! সে গরিমা ! অদ্ভুত স্বপ্নের সম  
সে রাজ-সম্মান ;

যুঁজিলে তুলনা যার, এ বিশ্ব শিহরি' কহে  
'উন্মাদ অজ্ঞান' !

৪

কল্পনা, ধারণা, বৃথা, আয়ত্ন করিতে যাহা  
আজি মহীতলে ;

সেই স্মৃতি অবশেষ, এ মহামন্দির মাঝে  
রক্ষিত কোশলে ;

সমগ্র জগৎ হ'তে আসে তীর্থ যাত্রী সম  
পথিকের দল,

স্বল্প ভাবে মৌন মুখে ভূমে নত করি শির ;  
সম্মুখে বিহ্বল !

৫

সেকেন্দ্রা ! তোমার অঙ্কে, যুগল ছহিতা লয়ে  
দিল্লীর ঈশ্বর,

নিদ্রামগ্ন চিরতরে !—তবু সে ভকতি পূজা  
জাগ্রত প্রথর !—

মোগল সাম্রাজ্য ভাঙ, যবে অস্তাচল চূড়ে,  
নাসিছে আঁধার,

হৃদম নিশ্চয় জাঠ, তোমারে বিশ্বস্ত করে  
চূর্ণিয়া মিনার।

৬

আজো সেই ভগ্ন কেতু, তোরণ শিখরে তব  
লয়ে জীর্ণ প্রাণ !

কালের ললাট প'রে, রেখেছে অক্ষিত করি  
রাজশ্রী মহান !

ভারত জননী যেন, বন্ধ উন্মাদিনী প্রায়  
আসি হেথা ছুটে,

অশ্রুর মুকুতা সার বর্ষে, মহিমময়  
সম্রাট মুকুটে।

৭

মন্মথ রচিত তব, সুন্দর পঞ্চম তলে  
প্রাচীরের গায় ;

খোদিত কি রত্নাকরে ! ধাতার অপূর্ণ নাম  
উজ্জ্বল প্রভায় !

সুরম্য অলিন্দ, কক্ষ, কিরীট শোভিত কিবা  
সুদৃশ্য বুরুজে ;

ধনু ! চিরধন্য সেই, এ হেন সমাধি যার,  
ত্রিভুবন পূজে।

৮


সেকেন্দ্রা ! সকলি তব কীর্তির স্রতীজালে  
বেষ্টিত সুন্দর ;

রবে এ স্মৃতির মঠ, গৌরব মণ্ডিত শিরে,  
যুগ যুগান্তর !

ধরিত্রীর পুত্র রজেঃ বিলীন সে রাজ দেহ  
সাম্রাজ্য শ্মশান !

সমাধি ঐশ্বর্য্য বৃকে, রহেছে বিভূতিমাখা  
বৈরাগ্য মহান !

শ্রীনগেন্দ্রনাথ সোম।



## কবিরঞ্জন।



( জীবনী )

প্রথম প্রস্তাব।

সে আজ প্রায় দুই শতাব্দীর কথা—সেই যুগে “কবি-  
রঞ্জন” ও “রায় গুণাকর” তাঁহাদিগের ললিত মধুর কোমল  
পদাবলী রচনা করিয়া বাঙ্গালার পদ্যসাহিত্যে যে যুগান্তর  
উপস্থিত করিয়াছিলেন, সাহিত্য-মাগরে সে বিশাল তর-  
ঙ্গের কম্পন এখনও লক্ষিত হয়—কিন্তু তাহা বড় ক্ষীণ  
ও শক্তিহীন। যাহা সরল ও সুন্দর তাহাই মনোমগ্নকর,  
তাই একবার দেখিলে আবার দেখিতে ইচ্ছা হয়, ভুলি  
ভুলি করিয়াও ভুলিতে পারা যায় না। আকাশে চাঁদ  
হাসে, কাননে কুসুম কলিকা প্রক্ষুটিত হয়, প্রেমোন্মত্তা  
তরঙ্গিনী কুলু কুলু গাহিয়া অব্যক্ত প্রেম সঙ্গীতে  
জগতের অবসাদ দূর করিতে চাহে,—এ সবই তুমিও  
দেখিতেছ আমিও দেখিতেছি, শুধু একদিন নয়, যুগ  
যুগান্তর হইতেই সকলে দেখিয়া আসিতেছি,—কৈ ইহারা  
ত পুরাতন হয় না? বিমল শারদাকাশে চন্দ্ৰের হাসি-  
রাশি কতদিন দেখিয়াছ, আবার দেখিতে চাও কেন?  
সুন্দর কুসুম কলিকা কতদিন নীরবে ফুটিতে দেখিয়াছ—  
নীর্বে ফুটিয়া আবার বরিয়া খসিয়া ভাসিয়া যাইতে  
দেখিয়াছ—আবার তাহা দেখিতে চাও কেন? নদী-  
হৃদয়ে কলতান কতদিন মুগ্ধ স্তব্ধ শান্ত হৃদয়ে শুনিয়াছ—  
আবার তাহা শুনিতে চাও কেন? তোমার ভাল লাগে  
বলিয়া। যাহা সুন্দর তাহা সর্বকালেই সকলের ভাল  
লাগে। দার্শনিকতত্ত্ব “Familiarity breeds contempt”  
এই স্থানে পরাস্ত হয়। পুরাতন অনেক সময় ভাল  
লাগে না বটে, কিন্তু সকল সময় নহে। কবিপ্রতিভার  
সৌন্দর্য্য ও প্রকৃতির লীলা কখনও পুরাতন হয় না;  
তাই পুরাতন হইলেও আবার আমরা কবিরঞ্জনের কবিত্ব  
সমালোচনার প্রবৃত্ত হইয়াছি।

আমাদিগের দেশে জীবনচরিত লিখিবার প্রথা পূর্বে

প্রচলিত ছিল না। তাই কাশীদাস, মুকুন্দরাম, চণ্ডীদাস  
কবিরঞ্জন, রায় গুণাকর প্রভৃতি বঙ্গসাহিত্য ভাণ্ডারের  
অমূল্য রত্নরাজির প্রকৃষ্ট পরিচয় নাই, পূর্ণ ইতিহাস নাই।  
রত্নের উজ্জ্বল্য দেখিয়া মূল্য নিরূপণ করিতে পারি বটে,  
কিন্তু তাহার ইতিহাস লিখিতে পারি না! ইংরাজের দেশে  
একজন কৃতিবাস বা মুকুন্দরাম বা চণ্ডীদাস জন্মগ্রহণ  
করিলে ক্ষুদ্র বৃহৎ পুস্তক পুস্তিকায় তাঁহাদিগের জীবনবৃত্তান্ত  
লিপিবদ্ধ হয়—ক্ষুদ্র বৃহৎ সকল সমাজেই তাঁহাদিগকে  
লইয়া আলোচনা আন্দোলন চলিতে থাকে—আর আমরা  
ভারতবাসী, বিদ্যালয়ে বসিয়া সেই সকল মহানুভবদিগের  
জীবনী পাঠ করিতে করিতে ধন্য হই,—পরীক্ষায় উত্তীর্ণ  
হইবার জন্ত প্রাপণ শক্তিতে মুগ্ধ করিয়া ফেলি। কিন্তু  
আমাদিগের কাশীদাস কৃতিবাসের কথা আমরা জানি না।  
ইহা পরিতাপের বিষয় বটে—কিন্তু সে দোষ এ যুগের নহে।  
ইতিহাসের সমাদর বঙ্গবাসী পূর্বে বুঝিত না তাই  
আমাদিগের পূর্ণ জাতীয় ইতিহাস নাই; যাহা হউক,  
এখন ক্রমেই তাহারা বুঝিতে শিখিতেছে।

অধুনা বঙ্গভাষার উপর শিক্ষিত বাঙ্গালীর যেমন একা-  
গ্রদৃষ্টি দেখিতে পাওয়া যায়, অধিক দিনের কথা বলিতেছি  
না, বোধ হয় অর্ধশতাব্দী পূর্বে তেমন ছিল না।  
ভারতে—সর্বোপরি বঙ্গদেশে মুশলমান রাজত্ব সংস্থাপনের  
পর পারস্য বা উর্দু শিক্ষারই বিস্তার হইয়াছিল—সংস্কৃত  
বা বাঙ্গালার তত আদর ছিল না। শুনিতে পাওয়া যায়,  
কবির ভারতচন্দ্র পিতার অনিচ্ছা থাকাতেও পারস্য  
ভাষা অবহেলা করিয়া সংস্কৃত শিখিয়াছিলেন বলিয়া বড়ই  
তিরস্কৃত হইয়াছিলেন।

প্রজা রাজার পথে চলিবে ইহাই প্রকৃতির নিয়ম।  
তাই তখনকার রাজভাষা বাঙ্গালার ভাষাকে কতকাংশে  
হীনতেজা করিয়াছিল। ইহাতে যে বঙ্গভাষার কতদূর  
ক্ষতি হইয়াছে তাহা বর্ণনীয় নহে। আজকাল দেখিতে  
পাওয়া যায় প্রাচীন কবিদিগের অনেক গ্রন্থই চিরদিনের  
মত লুপ্ত হইয়াছে। এখন আর সহস্র চেষ্টা করিলেও  
তাঁহাদিগের পুনরুদ্ধারের সম্ভাবনা নাই। কে বলিতে পারে  
যে কৃতিবাস, রামায়ণ তিন্ন অন্য কোন গ্রন্থ রচনা করিয়া-  
ছিলেন না? যে লেখনী হইতে ভারত প্রসূত, কাশীদাসের  
সেই শক্তিময়ী কল্পনাময়ী লেখনী যে অল্প চিত্র অঙ্কন করে

নাই তাহাই বা কে বলিতে পারে? কবি-প্রতিভা-প্রকৃতি দেবীর অমূল্য দান—তাই বলিয়া যত্ন না করিলে কি সেই প্রতিভা কখন সমুজ্জ্বল হইতে পারে? সেক্ষপীয়র একদিনের চেষ্টায় ম্যাক্বেথ বা হামলেট রচনা করেন নাই,—ম্যাক্বেথ বা হামলেট রচনা করিবার উপযোগী করিয়া মন ও স্বীয় শক্তিকে গড়িয়া তুলিতে অনেক দিন লাগিয়াছিল। কালিদাস একদিনের যত্নে শকুন্তলা লিখিতে পারেন নাই—শকুন্তলাচরিত্র ফুটাইয়া তুলিবার জন্ত পূর্বে তাঁহার আপন হৃদয় মধ্যে বহুদিন ধরিয়া রেখাপাত করিতে হইয়াছিল। বঙ্কিমচন্দ্র লেখনী হস্তে করিবা নাহাই আমরা চন্দ্রশেখর বা মৃগাদিনী বা কপাল-কুণ্ডলা পাই নাই—কত যত্ন, কত পরিশ্রম, কত উদ্যমের ফলে যে উক্ত সকল অমূল্য গ্রন্থ বঙ্গ সাহিত্যের গৌরব বৃদ্ধি করিতেছে তাহা অনন্তমের। যনিলে মাজিলে কৃষ্ণ লৌহও ধ্বংস হয়—ক্ষীণা প্রতিভাও চমৎকারিত্বের বহুমূল্য ভূষণে ভূষিতা হইয়া থাকে,—যাহার প্রতিভা গিরি নদীর ত্রায় বেগবতী তাহার ত কথাই নাই। আমরাদিগের ছুর্ভাগ্য যে আমরা প্রাচীন কবিদিগের সেই সকল ঘসা মাজার স্বর্ণ ফল দেখিতে পাইতেছি না। তাহা পাইতেছি না বলিয়াই তাঁহাদিগের অনাধারণ কবিত্বের ক্রমবিকাশ বুঝিতে পারিতেছি না। শুধু ইহাই নহে, সে কয়েকখানি মাত্র গ্রন্থ পাইয়াছি এখন তাহা লইয়া আমরাদিগকে সন্তুষ্ট থাকিতে হইতেছে। পূর্বকালের শিক্ষিত সম্প্রদায় জাতীয় ও বঙ্গভিত্তিক ইতিহাসের সম্যক আদর বুঝিলে এনন হইত না।

যাহা হউক, বঙ্গসাহিত্যের সেই দিনে, সাহিত্যোতি-হাসের সেই “কৃষ্ণচন্দ্রীযুগে” কবিরঞ্জন জন্মিয়াছিলেন। তাই তাঁহার-সম্বন্ধে আমরা সকল কথা জানি না—জানিবার উপায়ও নাই। তবে তাঁহার, রচনা হইতে সন্দেহ কিছু জানিতে পাওয়া যায় মাত্র। অনেক কবিরঞ্জনকে রামচন্দ্র সেনের পুত্র বলিয়া উল্লেখ করেন—কিন্তু, তাহা ঠিক নহে। ইহার প্রমাণ স্বরূপ তাঁহার বিদ্যাসুন্দর হইতেই অনেক স্থল উদ্ধৃত করা বাইতে পারে;—

রাম রাম সেন নাম, মহা কবি গুণধাম,  
সদা বারে সদয় অভয়া।

তৎসুত রামপ্রসাদে, কহে কোকনদ পদে,  
কিঞ্চিং কটাক্ষে কর দয়া ॥”

(গণেশবন্দন)

ধনহেতু মহাকুল, পূর্নকার শুক মূল,  
কৃতিবাস তুল্য কীর্তি কই।

দানশীল দয়াবন্ত, শিষ্ট শাস্ত গুণানন্ত,  
প্রসন্নাকালিকা রূপামই ॥

সেই বংশ সমুদ্ভূত, ধীর সর্কগুণযুত,  
ছিল কত কত মহাশয়।

অনচিত দিনান্তর, জন্মিলেন রামেশ্বর,  
দেবীপুত্র সরল হৃদয় ॥

তদঙ্গজ রাম রাম, মহাকবি গুণধাম,  
সদা বারে সদয় অভয়া।

প্রসাদ তনয় তার, কহে পদে কালিকার,  
রূপামই মরি কুরু দয়া ॥”

(বিদ্যাসুন্দর)


মশান হইতে সুন্দরকে উদ্ধার করিয়া রাজা বখন বিন-বচনে তাঁহাকে তুষ্ট করিতেছেন তাহা বর্ণনা করিয়া বাইয়াও কবি আশ্রয় পরিচয় দিয়াছেন। সেখানেও কবি বলিয়াছেন;—

“ধন হেতু মহাকুল, পূনকার শুকমূল  
কৃতিবাস তুল্য কীর্তি কই।”

কেবল “সেই বংশ সমুদ্ভূত” “ধীর সর্কগুণযুত” তাহা আমরা দেখিতে পাই—“সেই বংশ সমুদ্ভব পুরুবার্ণ কত কব” এবং সর্কশেবেও “প্রসাদ তনয় তার” ইত্যাদি পরিবর্তে “তদঙ্গজ এ প্রসাদে কহে কালিকার পদ” দেখিতে পাওয়া যায়। এতদ্ভিন্ন উভয়ের মধ্যে আর কোনও বিভিন্নতা লক্ষিত হয় না। বিদ্যা ও সুন্দর বিবাহান্তর সুন্দরের সস্ত্রীক স্বদেশ গমন বর্ণনার শেষ ভাগে ঠিক পূর্বোক্ত পদাবলীই দৃষ্ট হয়। “অষ্টমঙ্গলা” শ্লোকে আবার উহাই দেখিতে পাওয়া যায়।

এই রকল দেখিয়া বেশ অস্বাভাবিক হয় যে রামপ্রসাদ সেন কখনই রামচন্দ্র সেনের পুত্র নহেন। তাঁহার পিতার নাম রাম রাম সেন। রামচন্দ্র রামপ্রসাদের পুত্র। আমরা নিম্নে কবিরঞ্জনের একটি বংশ তালিকা দিতেছি।

## ( কবিরঞ্জনের বংশতালিকা )



উদ্ধৃত তালিকার সহিত মিলাইয়া নিম্নলিখিত কয়েক ছত্র কবিতা পাঠ করিলেই কবিরঞ্জনের বংশপরিচয় প্রমাণিত হইবে।

“জ্যেষ্ঠা ভগ্নী ভবানী সাক্ষাৎ লক্ষ্মী দেবী।  
বার পাদপদ্ম আমি রাত্রি দিবা সেবি ॥  
ভগ্নীপতি ধীর লক্ষ্মীনারায়ণ দাস।  
পরম বৈষ্ণব কলিকাতার নিবাস ॥  
ভাগিনের যুগ্ম জগন্নাথ রূপারাম।  
আমাতে একান্ত ভক্তি সর্কগুণধাম ॥  
সর্কাগ্রজ ভগ্নী বটে শ্রীমতী অধিকা।  
তার হুঃখ দূর কর জননী কালিকা ॥”  
“গুণনিধি রূপারাম বৈমাত্রেয় ভ্রাতা।  
তারে রূপাদৃষ্টি কর মাতা নগজাতা ॥  
জগদীশ্বরীকে দয়া কর মহামায়া।  
মমাতৃজ বিশ্বনাথে দেহ পদ ছায়া ॥  
শ্রীকবিরঞ্জে মাতা কহে কৃতাজলি।  
শ্রীরামচন্দ্রালে মাতা দেহ পদধূলি ॥”  
বিদ্যাসুন্দর—কবিরঞ্জন।

“শ্রীকবিরঞ্জন এই কহে কৃতাজলি।  
শ্রীরামচন্দ্রালে মাতা দেহ পদধূলি ॥”

এইরূপ আরও অনেক দেখিতে পাওয়া যায়। কবি যে ভাবে শ্রীরামচন্দ্রালের কথা বিধিয়া গিয়াছেন এবং যতবার তাঁহার জন্ত দেবশীল প্রার্থনা করিয়াছেন, তাহাতে শ্রীরামচন্দ্রাল যে তাঁহার বড় স্নেহের সামগ্রী তাহার আর সন্দেহ থাকে না। রামচন্দ্রাল রামপ্রসাদের পুত্র।

হালিসহরের অন্তর্গত “কুমারহট্ট” বা কুমারহাটা গ্রামে কবিরঞ্জন জন্মগ্রহণ করিয়াছিলেন। তিনি নিজেই বিদ্যাসুন্দরে বলিয়া গিয়াছেন—

“ধরাতলে ধ্বংসে কুমারহট্ট গ্রাম।

তার মধ্যে সিদ্ধপিঠ রামকৃষ্ণ ধাম ॥”

যে স্থানে কবিরঞ্জন জন্মগ্রহণ করিয়াছিলেন তাহার আর এখন চিহ্ন মাত্রও নাই; তবে যে স্থানে তিনি পঞ্চ-মুণ্ডী আসন করিয়া সাধনা করিতেন—আসনের সেই স্থান অত্যাধিক বর্তমান রহিয়াছে। আজিও লোকে ঐ স্থানটী অতিশয় পবিত্র বলিয়া মনে করে—এখনও

অনেক ভিক্ষুক গায়ক ভিক্ষায় বাহির হইবার পূর্বে রাম-প্রসাদ-রচিত কালীকীর্তন বা অথ ভক্তি সঙ্গীত গাহিতে গাহিতে সভয় ভক্তির সহিত সমস্ত্রমে সেই আসনের সম্মুখে করযোড়ে দণ্ডায়মান হইয়া থাকে, এবং গান সমাপ্ত হইলে এখনও পঞ্চমুণ্ডী আসনের স্থান হইতে মৃত্তিকা লইয়া ভক্তি-তরে গাত্রে ও মস্তকে ধারণ করে। শুনিয়াছি আজকাল-নাকি রামপ্রসাদের উদ্দেশে এই স্থান প্রতি বৎসর একটি কন্যা মেলা হইয়া থাকে। কবির জন্ম তিথিই মেলার দিন।

রামপ্রসাদ জাতিতে ব্রাহ্মণ ছিলেন কি বৈষ্ণব ছিলেন তাহা লইয়া একটা বড় তর্ক আছে। প্রসাদী পদাবলীর মধ্যে নাকি কতকগুলি গানের শেষে “দ্বিজ রামপ্রসাদ বলে” এইরূপ ভণিতা দেখিতে পাওয়া যায়। \* ইহা হইতেই অনেকে অনুমান করেন যে কবিরঞ্জন ব্রাহ্মণ ছিলেন। আমরা একথা স্বীকার করিতে প্রস্তুত নহি। কবির অগাধ অনেক গানের শেষে নিম্নলিখিত রূপ ভণিতা দেখিতে পাওয়া যায়।

- (১) দাস প্রসাদ বলে ইত্যাদি।
- (২) কবি রামপ্রসাদ দাসে ইত্যাদি।
- (৩) ক্ষীণ দীন প্রসাদ দাস ইত্যাদি।
- (৪) রামপ্রসাদ দাসে প্রেমানন্দে ভাবে।
- (৫) ভনে রামপ্রসাদ দাস মার এই এক ধ্যান।
- (৬) প্রসাদ দাসে ভাবে ত্রাহি নিজ দাসে।
- (৭) দাস শ্রীকবিরঞ্জে সক্রুণে ভনে।
- (৮) ভনে দাস রাম প্রসাদ ইত্যাদি।
- (৯) কহিছে প্রসাদ দাস রসদার কিবা হাস।
- (১০) কলয়তি রামপ্রসাদ দাস ইত্যাদি।

উক্তরূপ ভণিতার অভাব নাই। কবির আত্মদত্ত বংশ পরিচয় উদ্ধৃত করিয়া আমরা দেখাইয়াছি, তিনিই বলিতেছেন—“ভগ্নীপতি ধীর লক্ষ্মীনারায়ণ দাস”—ইহা হইতেই স্পষ্ট প্রমাণিত হইতেছে যে কবিরঞ্জন কখনই জাতিতে ব্রাহ্মণ ছিলেন না। কেহ-কেহ বলিয়া থাকেন যে রামপ্রসাদের যুগে ও তৎপূর্বে বাঙ্গালার বৈষ্ণবসমাজ

\* আমি যে প্রসাদ পদাবলী পাইয়াছি তাহার ভিতর একটুকুতেও “দ্বিজ রামপ্রসাদ বলে” দেখিতে পাইলাম না। আমি বাহা পাই-রাছি তাহা ভিন্ন আরও পদাবলী বর্তমান থাকিতে পারে।

আপনাদিগকে ব্রাহ্মণে। ঔরসজাত বলিয়া পরিচিত করিয়া যথাবিহিত চেষ্টা করিয়াছিলেন—এমন কি তৎকালে তাঁহাদিগের মধ্যে কেহ কেহ ব্রাহ্মণের উপবীত পর্দা গ্রহণ ও ধারণ করিয়াছিলেন। সেই সামাজিক আন্দোলনের প্রবল তরঙ্গে পড়িয়া ভক্ত রামপ্রসাদও বোধ হয় কোন কোন গীতে আপনাকে “দ্বিজ রামপ্রসাদ” বলিয়া অভিহিত করিয়া থাকিবেন। কিন্তু কবিরঞ্জনের প্রকৃত তরল ছিল না—তিনি দেব দ্বিজে সবিশেষ ভক্তিমান ছিলেন। একটা সাময়িক অসঙ্গত ছজুকে মাজি কবি যে আপনার জাতি পরিবর্তন করিবেন এবং আপনাকে ব্রাহ্মণত্বে উন্নীত করিবেন এরূপ বোধ হয় না। প্রচলিত সামাজিক রীতির উপর বাহারা হস্তক্ষেপ করে তাঁহাদিগকে হুং শ্রেণীতে বিভক্ত করা যাইতে পারে সুপ্রতিষ্ঠিত সমাজের সনাতন বিধি ও বিভাগ বাহারা ভাঙ্গিয়া ফেলিয়া নূতন নিয়ম ও বিভাগ প্রচলন করিতে প্রয়াসী তাঁহারা সমাজ-সংহারক আর বাহারা সামাজিক কুপ্রথার উপর অস্ত্রধারণ করেন তাঁহারা সমাজসংস্কারক রামপ্রসাদ সংস্কারক ছিলেন না—রামপ্রসাদ সমাজ সংহারক ত হইতেই পারেন না; কারণ তিনি গোঁড় হিন্দু ও ভক্তিপরায়ণ ছিলেন। যাহা হউক যদি তিনি আপনাকে ব্রাহ্মণ বলিয়াই অভিহিত করিতেন তাহা হইলে আত্মবংশ পরিচয় দিতে বসিয়া আপনাকে কখন “দাস” আখ্যা প্রদান করিতেন না।

এই “দ্বিজ রামপ্রসাদ” তবে কে? আমাদের কাছে হয় “দ্বিজ রামপ্রসাদ” একজন স্বতন্ত্র ব্যক্তি। কালক্রমে তাঁহার কতকগুলি গীত কবিরঞ্জনের গীতাবলীর সহিত মিশ্র হইয়া থাকিবে। এরূপ হওয়া অসম্ভব নহে। পূর্বে আমরা বলিয়াছি যে রামপ্রসাদের যুগে ব্যক্তিগত ইতিহাস সংকলন করিবার প্রথা এ দেশে ছিল না। সুতরাং পরবর্তী লেখকগণ যাহা সংগ্রহ করিয়া গিয়াছেন তাহা যে একেবারে অসঙ্গত হইতে পারে না ইহা সত্য কথা। তাই—রামপ্রসাদের সঙ্গীতের সহিত কবি রামপ্রসাদের সঙ্গীত স্থানে স্থানে মিশিয়া গিয়াছে।

উক্ত “দ্বিজ রামপ্রসাদ” একজন স্বতন্ত্র ব্যক্তি হইলে তিনি নিশ্চয়ই রামপ্রসাদের প্রায় সমসাময়িক ছিলেন। তাহা ভিন্ন একের রচিত পদাবলীর সহিত অস্ত্রের রচনা

পদাবলী কেমন করিয়া মিশিতে পারে। ইহার-নীমাংসা করিবার পূর্বে রামপ্রসাদের যুগ বা সময় নির্ধারণ করা আবশ্যিক।

কবি ভারতের জন্মকাল ১৬৩৪ শকাব্দ। কবিরঞ্জন তাঁহারই সমসাময়িক ব্যক্তি। কেহ অনুমান করেন তিনি ১৬৪০-১৬৪৫ শকের মধ্যে জন্মগ্রহণ করিয়াছিলেন, কেহ বলেন কবিরঞ্জনের জন্মকাল ১৬৪২ শক। যাহা হউক, এইমত গ্রহণ করিলে বাঙ্গলা ১৬২৭ সালে কবিরঞ্জনের জন্ম হয়।

পূর্বে বঙ্গদেশে কবি গানের বড় আদর ছিল। কবির দলে হরু ঠাকুর, রঘু, রাম বাবু প্রভৃতি অত্যাশ্চর্য্য কবিত্ব-শক্তিসম্পন্ন ব্যক্তিদিগের অস্তিত্ব দেখা যায়। তখনকার বাঙ্গলার আবাল বৃদ্ধ সকলেই কবির আসরে বসিয়া এক মনঃপ্রাণে “ভবানী বিষয়” “সখীসংবাদ” “বিদহ” ও “খেউড়” প্রভৃতি শুনিতেন। পিতা পুত্র একত্র বসিয়া খেউড় শুনিতেন কোন আপত্তির কারণ ছিল না। তখনকার সেই এক যুগ। সে যুগে—

“সখি এ সকল প্রেম প্রেম নয়।

ইহাতে মজিয়ে নাহি সুখের উদয় ॥

সুন্দর ভঞ্জন, লোক গঞ্জন, কলঙ্ক ভাজন হ’তে হয় ॥”

প্রভৃতি রাসু নৃসিংহের গানের সুবেশ বঙ্গদেশে প্রাবলিত হইয়াছিল। রাসু-নৃসিংহ দ্বাদশ শতাব্দীর শেষভাগে ইহলোক ত্যাগ করিয়াছেন। লালু নন্দলাল এই সময়ের লোক। রাসু নৃসিংহের পর লালু নন্দলালের

“হ’ল এ সুখ লাভ পীরিতে।

চিরদিন গেল কাঁদিতে।

হয়েছে না হবে কলঙ্ক আমার গিয়েছে না যাবে কুল,  
ডুবেছি না ডুব দিয়ে দেখি পাতাল কতদূর।

শেষে এই হ’ল কাণ্ডারী পালাল; তরণী লাগিল

ভাসিতে ॥”

বঙ্গীয় বালক যুবক বৃদ্ধের কণ্ঠে কণ্ঠে ধ্বনিত হইতে লাগিল। সেই লালুর পর প্রসিদ্ধ হরু ঠাকুরের উদয়। কলিকাতা সিমুলিয়ায় ১১৪৫ সালে হরু ঠাকুরের জন্ম। হরুর বিখ্যাত সখী সংবাদ তখনকার বাঙ্গলার এক নূতন যুগান্তর উপস্থিত করিয়াছিল। হরুর শেষ অবস্থায় বং তাঁহার মৃত্যুর পরে নীলু, রামপ্রসাদ, উদয় দাস প্রভৃতি কতিপয়

ব্যক্তির কবির দল হয়। উক্ত দলগুলি সমস্তই সমকাল-বর্তী। হরু ঠাকুরের সময়েই রামবঙ্গুর কবির দল ছিল। রামবঙ্গু ১১৯৩ কি ১১৯৪ সালে জন্মগ্রহণ করিয়া থাকিবেন। তিনি ৪২ বৎসর মাত্র জীবিত ছিলেন। নীলুঠাকুরের মৃত্যুর পর রামপ্রসাদ ঠাকুর নীলুর দলের অধিকারী হইয়াছিলেন। রামবঙ্গু ও রামপ্রসাদের ভিতর বৈরুপ ছড়া কাটা কাটা হইয়াছিল তাহাই ইহার প্রমাণ। শুনিতে পাওয়া যায় শোভাবাজারের রাজা শ্রীযুক্ত নবকৃষ্ণ বাহাদুরের বাড়ীতে ৩শারদীয়া পূজার সময় কবির আসরে রামপ্রসাদ রামবঙ্গুকে বিদ্রূপ করিয়া লহরের ছড়ায় গাহিয়াছিলেন—

“নাহিকো রামবোসের এখন সেকেলের পোরোষ।

এখন দল ক’রে হয়েছেন রামবোস রামকামারের

\* \* কোষা।”

রামবঙ্গু ও ছাড়িবার পাত্র ছিলেন না, লহর রচনার তিনিও অধিতীয় হইয়াছিলেন। তাই রামপ্রসাদ বসিয়া মাত্রই রামবঙ্গু প্রত্যুত্তরে গাহিয়াছিলেন—

“তেমনি এই নীলুর দলে রামপ্রসাদ একটিন্।

যেমন ঢাকের পিঠে বায়া থাকে বাজেনাকো একটিন্।

দিন।

“যেমন রাত ভিখারীর ধামা বওয়া থাকে এক এক জন,  
হরিনাম বলে না মুখে পিছু থেকে চাল কুড়তে মন;  
কস্মে অকস্মা, ত্রৈ রামপ্রসাদ শর্মা,  
নন কাজের কাজি ঠাটর বাজী (ভাইরে)  
ঠিক যেন ধোবার বিশকস্মা;

যেমন বিদ্যাশূণ্য বিদ্যাভূষণ সিদ্ধিরস্তু বস্তুচীন।

নীলমণি বলে, নীলমণির দলে,

চুকুলো শিং ভাঙ্গা এঁড়ে বাছুরের পালে,

যেমন নবাব মলে নবাব হ’ল উজীরালী আড়াই দিন।”

ইত্যাদি।

হরু ঠাকুর, নীলু ঠাকুর, রাম বঙ্গু ও রাম প্রসাদের কাল নির্ধারিত হইলেই বুঝিতে পারা গেল যে কবিরঞ্জন ও কবিওয়ালার রামপ্রসাদ ঠিক সমসাময়িক না হইলেও প্রায় এক সময়েরই বটে। তাঁহাদিগের উভয়ের মধ্যে কালগত যে পার্থক্য দৃষ্ট হয় তাহাতে একের রচনা অস্ত্রের রচনার মধ্যে অনায়াসেই প্রবিষ্ট হইতে পারে। তৎকালে

কবিদিগের রচনা বা জীবনী সংগ্রহ করিবার রীতি তেমন প্রচলিত থাকিলে এরূপ ঘটনা না, সুতরাং “দ্বিজ রাম প্রসাদ” যে কবির দলের রামপ্রসাদ হওয়া সম্ভব তাহা কেহই অস্বীকার করিবেন না, এবং কবিরঞ্জন যে ব্রাহ্মণ ছিলেন না বৈদ্য ছিলেন তাহাও বোধ হয় অস্বীকার করিবার কোন হেতু নাই।

বিদ্যাসুন্দর কাব্যের শেষাংশে কবি যে আত্মবংশ পরিচয় দিয়াছেন তাহা পূর্বেই উদ্ধৃত করিয়াছি। তাহার প্রথমেই আছে—

“ধন হেতু মহাকুল পূর্বাপর শুদ্ধমূল  
কীর্তিবাস তুল্য কীর্তি কই।  
দানশীল দয়াবন্ত শিষ্ট শাস্ত গুণানন্ত  
প্রসন্ন কালিকা রূপামরী।”

ইহা হইতেই বেশ বুঝিতে পারা যায় যে কবি রাম প্রসাদের বংশ নির্ধনের বংশ নহে। তাঁহার জটনক পূর্বা পুরুষের নাম কীর্তিবাস। এই কীর্তিবাস হইতে রামেশ্বর সেন পর্য্যন্ত যে কয় পুরুষ গিয়াছে তাহা বলা যায় না—কবিও এ বিষয়ে নীরব রহিয়াছেন।

কবির বাল্যকাল কিরূপে ব্যয়িত হইয়াছিল তাহা জানিবার কোন উপায় নাই। তাঁহার উত্তর কালের ইতিহাসও আমরা সম্পূর্ণ জানি না। পৃথিবীতে বাঁহারাই অনন্তসাপারণ হইয়াছেন, কি ভারতে কি অল্প দেশে, তাঁহাদিগের প্রত্যেকের জীবনের সঙ্গেই অনেক কিঞ্চদন্তি লিপ্ত হইয়াছে। রামপ্রসাদের জীবনেও ইহা বিরল নহে।

কবিরঞ্জনের পিতা যত দিন জীবিত ছিলেন ততদিন পুত্রের সংশিক্ষার ব্যবস্থা করিয়াছিলেন। অল্প বয়সেই কবি পারশু, সংস্কৃত ও বঙ্গভাষায় বিশেষ ব্যাপন্ন হইয়াছিলেন। রামরাম সেন মহাশয় অধিক দিন জীবিত ছিলেন না। তাই অতি অল্প বয়সেই রামপ্রসাদের কোমল স্বক্কে সংসারের গুরুভার অর্পিত হইয়াছিল। সেই কঠিন পেষণে নিষ্পিষ্ট হইয়াও রামপ্রসাদের কবিত্ব শক্তির হ্রাস হয় নাই—কবিতা দেবী অগ্নানবদনে তাঁহাকে অনেক রক্ত দিয়াছিলেন। সাংসারিক অবস্থা সচ্ছল হইলে, সংসারের ভাবনা অত শীঘ্র ভাবিতে না হইলে হয়ত কবিরঞ্জনের আরও উচ্চদরের কবি হইতে পারিতেন।

পিতার মৃত্যুর পরই রামপ্রসাদ বাধ্য হইয়া কলিকাতা চাকুরির চেষ্টায় আসিয়াছিলেন। তাঁহার ভগিনীপতি লক্ষ্মীনারায়ণ দাসের বাটী কলিকাতায় ছিল। তখনকাল সময়ে লোকে জমীদার বা মহাজনের চাকুরি করিত—অস্থানে চাকুরি মিলিত না। শুনিতে পাওয়া যায় রামপ্রসাদ যখন প্রথমে চাকুরি করিতে আরম্ভ করেন তখন তাঁহার বয়স ১৭।১৮ বৎসর হইবে। তিনি কাহার কর্মে নিয়োজিত হইয়াছিলেন তাহা জানা যায় না। কেহ বলেন ভূকৈলাশ দেওয়ান গোকুলচন্দ্র ঘোষালের নিকট কবি দাস স্বীকার করেন; কেহ বলেন নবরঙ্গকুলাধিপতি দুর্গাচরণ মিত্র তাঁহার প্রভু ছিলেন। এ বিষয়ে এতদিন পর কিছু স্থির মীমাংসা করা চলে না। কিছুদিন চাকুরি করিয়া পর এক দিন তাঁহার উপরিতন কর্মচারী তাঁহার লিখিত খাতাপত্র দেখিয়া বড়ই ক্রুদ্ধ হইলেন। তিনি দেখিলেন সেই সকল হিসাব নিকাশের খাতার মধ্যে যেখানেই এক স্থান পাইয়াছেন, রামপ্রসাদ সেই খানেই গান লিখিয়াছেন। কর্মচারী দেখিলেন যে সেই অর্কাটীন “হুঁরীর হস্তে পড়িয়া জমীদারের পাকা খাতা একেবারে মাটি হইয়াছে। সেই খাতাগুলি তৎক্ষণাৎ প্রভুর সমক্ষে নীত হইল। প্রভু খাতা খুলিয়াই দেখিলেন কবি রামপ্রসাদ লিখিয়াছেন—

“আমায় দাও মা তবিলদারী।

আমি নিমকহারাম নই শঙ্করী।।

“পদরত্নভাণ্ডার সবাই লুটে, ইহা আমি সহিতে নারি।

ভাঁড়ার জিন্মা যার কাছে মা, সে যে ভোলা ত্রিপুরারি।

শিব আশুতোষ স্বভাবদাতা, তবু জিন্মা রাখ তারি।

অন্ধ অঙ্গ জাগরগীর, তবু শিবের মাইনে ভারি।

আমি বিনা মাইনার চাকর, কেবল চরণ ধূলার অধিকারি।

যদি তোমার বাপের ধারা ধর, তবে বটে আমি হারি।

যদি আমার বাপের ধারা ধর তবেত মা পেতে পারি।

প্রসাদ বলে এমন পদের বালাই লরে আমি মরি।

ও পদের মত পদ পাইত সে পদ লয়ে বিপদ সারি।।”

রামপ্রসাদের প্রভু গানটী দেখিলেন, দেখিয়া মোহিত হইলেন। তাঁহার প্রাণের ভিতর অলক্ষ্যে কিসের এক মধুর ধ্বনি হইল—হৃদয়ের মোহন বংশী বাজি উঠিল; সেই বংশীধ্বনির মন্তসুরে তিনি প্রসাদ হৃদয়

বীণাধ্বনি বুঝিতে পারিলেন। তিনি বুঝিলেন যে, শ্রামা নামের সুমধুর সঙ্গীতে প্রসাদের সরল সুন্দর সমগ্র বিশ্ব ধ্বনিত হইতেছে—প্রসাদ তখন শ্রামা মায়ের তহবিলদার। তাই তিনি আপন সত্তা ভুলিয়া গিয়া আবেগময় প্রাণের কথা হিসাবের পাকা খাতার লিখিয়া ফেলিয়াছেন। সেই দিন প্রসাদ-জীবনের একটি বড় স্মরণীয় দিন। সেই দিন হইতে প্রসাদ স্বাধীন মুক্ত হইয়া শ্রামা মায়ের রাঙ্গাপদ চিন্তায় নিমগ্ন হইবার পরম সুযোগ পাইয়াছিলেন। রামপ্রসাদের প্রভু তাঁহার পরিবারের ভরণ পোষণ ভ্রত নাসিক ত্রিশ টাকা বৃত্তি নির্দ্ধারিত করিয়া দিলেন—রামপ্রসাদের আর চাকুরি করিতে হইল না। পরে রাজা কৃষ্ণচন্দ্র তাঁহাকে ১০০/ বিঘা ভূমি নিষ্কর দান করেন। সেই দানপত্রে লেখা আছে—“গর আবাদী জঙ্গলভূমি আবাদ করিয়া পুত্র পৌত্রাদিক্রমে ভোগ দখল করিতে রহ।” পলাশী ক্ষেত্রে ইংরেজ পতাকা উড্ডীন হইবার এক বৎসর পর উক্ত দান পত্র লিখিত হইয়াছিল বলিয়া শুনিতে পাওয়া যায়।

কবির চিত্ত স্বাধীন—সেই স্বাধীন মুক্ত চিত্ত যদি অন্তর্বিধ চিন্তার হস্ত হইতে পরিত্রাণ পায় তাহা হইলেই কবিদিগের কবিজীবন সার্থক হয়—দেশের সাহিত্যও নানারত্নসম্বারে দিন দিন পূর্ণ হইয়া উঠে। উক্ত ৩০০ টাকা নাসিক পেন্সন্ পাইবার পর রামপ্রসাদের আর পরোপাসনা আবশ্যক হইত না—জীবিকার জঞ্জল ও ভাবিতে হইত না—তাঁহার তখন এক মাত্র চিন্তা “শ্রামা, শ্রামা, শ্রামা।” তাই তখন তাঁহার কবিত্বের প্রাণভরা উল্লাসে ভক্তি সঙ্গীত গাহিতে লাগিল—পিঞ্জর-মুক্ত বিহঙ্গের আঁর কবি আবার কুমারহটে ফিরিয়া আসিলেন। কুমারহট তাঁহার সঙ্গীত শ্রোতে উল্লসিত করিতে লাগিল; সেই মধুর সঙ্গীতে আজিও বঙ্গদেশ সঞ্চারিত হইয়া রহিয়াছে।

যদি প্রসাদ-প্রভু তাঁহার “অর্কাটীন মুহুরীর” কাব্য দেখিয়া তাঁহার কর্মচ্যুতির আদেশ করিতেন তাহা হইলেই হয়ত কবিরঞ্জনের নামও কেহ শুনিত পাইত না। আঁকর-নিহিত হীরকগুণবৎ, জলদজালাচ্ছন্ন দৃপ্ততপনতেজবৎ, রত্নাকরগর্ভনিহিত রত্নরাজিবৎ, কাননস্থিত সুরভি-কুমুম-সৌন্দর্য্যাবৎ, কবিরঞ্জনের কবিত্ব কখনই লোক-লোচনভূত হইত না—তাঁহার কবিত্ব, তাঁহার হৃদয় মধ্যেই বিদীর্ণ

হইয়া যাইত; কল্লোলিনী কবিতার সেই প্রথম ক্ষুদ্র বৃহদ কে চাহিয়া দেখিত?

কুমারহটে ফিরিয়া আসিয়া ভক্ত রামপ্রসাদ তত্ত্বমতে পঞ্চমুগ্ধী আসনাদি স্থাপন করিয়া সাধনা করিতে আরম্ভ করিলেন। ইতিমধ্যে তাঁহার বিবাহ হইয়াছিল। ঠিক কোন সময়ে যে তাঁহার বিবাহ হইয়াছিল তাহা জানিবার উপায় নাই। তাঁহার রচনাদির ভিতর কোন স্থানেই তিনি আপন শ্বশুরকুলের পরিচয় দেন নাই।

শুনিয়াছি তাঁহার পত্নীও বড় ভক্তিমতী ছিলেন। ভক্তের সহধর্মিণী যেমন হইতে হয়, তিনিও তাহাই ছিলেন। স্বয়ং কালী স্বপ্নযোগে নাকি তাঁহাকে কখন কখন “প্রত্যাদেশ” করিতেন। তাই আমরা “কবিরঞ্জন” দেখিতে পাই—

“ধন্য দারা স্বপ্নে তারা প্রত্যাদেশ তারে।

আমি কি অধম এত বৈমুখ আগারে।।

জন্মে জন্মে বিকায়েছি পাদপদ্মে তব।

কহিবার কথা নয় বিশেষ কি কব।।”

উদ্ধৃত পদ দেখিয়া ইহাও মনে হয় যে রামপ্রসাদ যখন “বিদ্যাসুন্দর” রচনা করেন তখন পর্য্যন্ত মনোমত সিদ্ধিলাভ করিতে পারেন নাই। মনোমত সিদ্ধিলাভ না হইলেও তিনি যে একেবারে নিরাশ হন নাই তাহার পরিচয়ও বিদ্যাসুন্দরে আছে—

“শ্রীমণ্ডপে জাগ্রত শৈলেশ পুত্রী যথা।

নিশাকালে চরিতার্থ শ্রীরঞ্জন তথা।।

কিঞ্চিং তিষ্ঠিলে ফলাপেক্ষা ছিল কিবা।

ক্ষীণপুণ্য দেখি বিড়ম্বনা কৈলা শিবা।।”

রামপ্রসাদ শক্তিভক্ত ছিলেন বলিয়া পরিচিত। নিম্নোক্ত স্থান পাঠ করিলে অনুমান হয় যে তিনি তত্ত্বমতাবলম্বী ছিলেন। সুন্দরের শবসাধনা বর্ণনায় তিনি তাত্ত্বিক সাধনার অনেক প্রক্রিয়া খুঁটি নাটি করিয়া লিখিয়াছেন;—

“ততঃ পরে কুশ শব্দ্য করে গুণনিধি।

পূর্ব শির রাখে শব আছে যেবা বিধি।।

এলাহিচ লবঙ্গ কর্পূর জায়ফল।

তাম্বুলাদি শবমুখে দিলেক সকল।।

পুনরপি সেই শব করে অধোমুখ।





## অষ্টমঙ্গলা।

- “নমো বিশ্বভাবিনী, দক্ষ-যজ্ঞ-বিনাশিনী,  
জনমিলা পর্বতেশ-ধরে। (১)
- কার্ত্তিকের জন্ম হেতু, ভঙ্গ রাশি মীনকেতু,  
তদবধি অনঙ্গাখ্যা ধরে ॥ (২)
- ছরন্ত মহিষাসুর তার দর্প কৈলা চূর,  
লীলায় হইলা দশভুজা।
- মহিষ-মর্দিনী নাম, সেতু-বন্ধে প্রভু রাম,  
প্রকাশিলা শারদীয়া পূজা ॥ (৩)
- শুভ নিশুভের গর্ভ, সম্মুখ সমরে খর্দ, (৪)
- শক্তি লভে সুরথ সমাধি। (৫)
- ব্রহ্মময়ী পরাংপরা, জন্মজরা মৃত্যুহরা,  
তব তত্ত্ব না জানেন বিধি ॥
- বিধি, হরি, ত্রিলোচনে, মহাকালী দরশনে,  
গতমাত্র প্রথমতঃ মায়া।
- শেষ জন্ম রূপালেশ, গত যাবতীয় ক্লেশ,  
দিলা পদ সরসিজ ছায়া ॥ (৬)
- নৃপতি বিক্রমাদিত্য, তোমা পূজে নিত্য ২  
লভিল রমণী ভানুমতী। (৭)
- তুমি আত্মশক্তি শিবা, সূচনতি জানি কিবা,  
রূপাময়ী অগতির গতি ॥
- মালাধর হারাবতী, শাপে জন্ম বসুমতী,  
ব্রত-কথা জগতে প্রচার। (৮)
- কালক্রমে ত্যজি প্রাণ, পুনরপি পরিত্রাণ,  
কেবা বুঝে চরিত্র তোমার ॥

উল্লিখিত “অষ্টমঙ্গলা” মধ্যে সর্বশেষ “মঙ্গল”ই যে কবিরচিত বিদ্যাসুন্দরের অন্তর্নিহিত উপাখ্যান তাহার আর সন্দেহ নাই। কবি ইহাকেই সহস্র পল্লবে পল্লবিত করিয়াছেন।

সুন্দর দক্ষিণ কালিকা মূর্ত্তি সংস্থাপন করিয়া শব সাধনা করিবার পর যখন সিদ্ধ হইলেন,—অর্থাৎ যখন স্বয়ং জননী আসিয়া সুন্দরকে দেখা দিলেন এবং কহিলেন, “বরং বৃণু, বরং বৃণু”—তখন পূর্ণমনোভীষ্ট, প্রেমপুলকিত সিদ্ধ সুন্দর কহিলেন;—

“দর্শনে তোমার মাগো! চতুর্বিধ মুক্তি”  
নাহি চাহি কুঞ্জরালী বাজি রাজি রাজ্য।  
জায়াপত্য দাস দাসী বাসি কিবা কাযা ॥  
মনো মম হংসপাদপদ্মে বিহরতু।

তখন শিবানী সমুদ্র হইয়া কহিলেন—“তথাস্ত তথাস্ত”  
সুন্দরকে মনোমত বর দিয়া জননী নীরদবরণী কলিকালে  
ভাবী অবস্থা প্রভৃতি বর্ণনা করিয়া অবশেষে বলিলেন—

“সাবধানে শুন পুত্র সর্বকথা কহি।  
শাপভ্রষ্ট তোমাদোহাকার জন্ম মহী ॥  
বিদ্যাবতী হারাবতী, তুমি মালাধর।  
মম পূজা প্রকাশার্থে হইয়াছ নর ॥  
শাপান্ত নিতান্ত পুত্র, পূর্ণ বটে কাল।  
পুনরপি স্বস্থানে করহ ঠাকুরাল ॥”

অষ্টমঙ্গলাতেও এই কথার প্রতিধ্বনি শুনিতে পাই;—

“মালাধর হারাবতী শাপে জন্ম বসুমতী  
ব্রতকথা জগতে প্রচার।  
কালক্রমে ত্যজি প্রাণ, পুনরপি পরিত্রাণ  
কেবা বুঝে চরিত্র তোমার ॥”

সুতরাং মালাধর ও হারাবতীর উপাখ্যান যে বিদ্যাসুন্দরের অন্তরে অন্তরে রহিয়াছে তাহা সহজেই অনুমের। বিদ্যা হারাবতী এবং সুন্দর মালাধর তাহাও কবি বলিয়া গিয়াছেন। কিন্তু “অষ্টমঙ্গলায়” ইহাই অষ্টম “মঙ্গল” “কবিরঞ্জন” সেই অষ্টমঙ্গলের ফল। তবে পূর্বে ৭টি মঙ্গল কি হইল? রামপ্রসাদ যে ৭টি মঙ্গল বন্দ দিয়া প্রথমেই—অষ্টম মঙ্গলের আলোচনায় প্রবৃত্ত হইয়াছিলেন ইহা স্বাভাবিক বলিয়া বোধ হয় না। আর যদি তাহাই করিতেন তাহা হইলে “অষ্টমঙ্গলা” লিখিয়া বিদ্যাসুন্দর সমাপ্ত করিবার আবশ্যকতা দেখা যায় না।— “অষ্টমঙ্গলা” মঙ্গলাচরণ নহে; মঙ্গলাচরণ বলিয়া নির্দেশ করিলেও উহা গ্রন্থের শেষভাগে স্থান পাইতে পারে না; গ্রন্থকার মঙ্গলাচরণ লিখিবার পরেই গ্রন্থসমাপ্ত করিয়া থাকেন।

অষ্টমঙ্গলার সহিত বিদ্যাসুন্দরের কোনরূপ সংন্ধ নাই উহা বিদ্যাসুন্দরের অঙ্গীভূত নহে—না লিখিলেও কোন ক্ষতি হইত না, বিদ্যাসুন্দর যেমন আছে তেমন থাকিত।

এই সকল কথা মনে করিলেই অনুমান হয় কবিরচিত অপর কয়েকখানি গ্রন্থ আমরা পাই নাই—সে সমুদয় লুপ্ত হইয়াছে। এরূপ হওয়া আশ্চর্যের বিষয় নহে। শ্রীহর্ষ-রচিত নৈষধের অনেকগুলি অধ্যায়ের শেষে কবি স্বরচিত কোন না কোন গ্রন্থের পরিচয় দিয়া গিয়াছেন, কিন্তু আমরা একখানি বই শ্রীহর্ষের অগ্র কোন গ্রন্থ দেখিতে পাই না।

রামপ্রসাদ বা ভারতচন্দ্রের পূর্বগানী কবি কৃষ্ণরামের বিদ্যাসুন্দর একখানি স্বতন্ত্র গ্রন্থ নহে, তাহারই “কালিকা-মঙ্গলের” অন্তর্গত বা কালিকামঙ্গলের শাখা। প্রসাদের গ্রন্থ রচিত হইবার পর ভারতের বিদ্যাসুন্দর রচিত হয়। সে সময়ে আমরা পরে আলোচনা করিব। কিন্তু ভারতের বিদ্যাসুন্দরও একখানি স্বতন্ত্র গ্রন্থ নহে, উহা তাঁহার অন্নদামঙ্গলের শাখা। তাই অনুমান হয় প্রসাদের বিদ্যাসুন্দরও তাঁহার কোন একখানি মহাগ্রন্থের অন্তর্গত হওয়াই সম্ভব। এককাল পর আনুমানিক প্রমাণ ভিন্ন প্রত্যক্ষ প্রমাণ নির্দেশ করা অসম্ভব বলিয়া বোধ হয়।


তাহার পর একথাও এখানে বিবেচ্য যে রামপ্রসাদ “কবিরঞ্জন” উপাধি প্রাপ্ত হইবার পরই বিদ্যাসুন্দর রচনা করিয়া থাকিবেন। কারণ বিদ্যাসুন্দরের ভনিভায় স্থানে স্থানে “কবিরঞ্জন” শব্দ দেখিতে পাওয়া যায়। উপাধি পাইবার পূর্বে রচিত হইলে “কবিরঞ্জন” শব্দের উল্লেখ বিদ্যাসুন্দরে থাকিত না।

বর্তমান যুগে যেমন উপাধিলাভ বড় সুলভ হইয়াছে,— কবিরত্ন বা কাব্যতীর্থ বা তর্কবাগীশ প্রভৃতির দল যেমন দিন দিন বৃদ্ধি প্রাপ্ত হইতেছে, সেকালে তেমন ছিল না। প্রকৃত বিদ্যা ও ক্ষমতা না থাকিলে সেকালে কেহ উপাধি পাইতেন না। “কবিরঞ্জন” শব্দের অর্থ বিবেচনা করিলেও দেখা যায় যে সামান্য ছই চারিটা গান বা পদ রচনার সক্ষম কবি উহার উপযুক্ত নহে। তাই মনে হয়, যখন স্বয়ং রাজা কৃষ্ণচন্দ্র রামপ্রসাদকে কবিরঞ্জন উপাধি দিয়াছিলেন তখন তিনি চারিদিক বিবেচনা করিয়াছিলেন। কে বলিতে পারে যে তিনি রামপ্রসাদ-রচিত অষ্টমঙ্গলার পূর্বে সপ্তমঙ্গলালুরূপ ৭ খানি গ্রন্থ দেখিয়াছিলেন না? হইতে পারে পরে ভারতচন্দ্রের প্রতিভায় রামপ্রসাদের সে সকল গ্রন্থ চাপা পড়িয়া গিয়াছিল।

কেহ কেহ বলিতে পারেন যদি অগ্র সাতখানি গ্রন্থ থাকিত তাহা হইলে বিদ্যাসুন্দরে তাহার পরিচয় পাইতাম। আমরা বলি, বিদ্যাসুন্দরে তাহাদিগের বতটুকু পরিচয় দেওয়া আবশ্যক, কবি অষ্টমঙ্গলা লিখিয়াই তাহা দিয়া গিয়াছেন, তদধিক আর আবশ্যক করে না।

“অষ্টমঙ্গলার” শেষ মঙ্গল লিখিবার পরই, অর্থাৎ “কে বা বুঝে চরিত্র তোমার” এই পংক্তির পরই ঐ অষ্টমঙ্গলা মধ্যে কবি আত্মবংশ পরিচয় দিয়াছেন। ইহা হইতেই অনুমিত হয় যে তিনি তাঁহার মহাগ্রন্থ সমাপ্ত করিয়া প্রাচীন প্রথা অনুসারে স্বরচিত সকল গুলি গ্রন্থের আকারে প্রকারে পরিচয় দিয়া শেষে নিজকে পরিচিত করিয়াছেন।

শ্রীরাজেন্দ্রলাল আচার্য্য বি, এ।



## পৃথিবীর ইতিহাস।


মানুষ যে জিনিষটা লইয়া নাড়াচাড়া করে তাহারই একটা তথ্য বা ইতিহাস জানিবার ইচ্ছা তাহার মনে স্বভাবতঃ উদিত হইয়া থাকে। মানুষ যে পৃথিবীর জীব, সেই পৃথিবী সম্বন্ধে মানুষের জ্ঞান ও ধারণা কিরূপ উন্নত হইয়াছে তাহাই এই বর্তমান প্রবন্ধের আলোচ্য বিষয়।

১। পৃথিবীর বয়স—বাইবেলের মতে ৪ হাজার বৎসর মাত্র। হিন্দুদিগের পৌরাণিক সাহিত্যে পৃথিবীর বয়স চারি যুগে বিভক্ত করা হইয়াছে; সত্য, ত্রেতা, দ্বাপর ও কলি। সত্যযুগের পরিমাণ ১৭২৮০০০ বৎসর, ত্রেতা ১২৯৬০০০ বৎসর; দ্বাপর ৮৬৪০০০ বৎসর; এবং কলিযুগের পরিমাণ ৪৩২০০০ বৎসর। এক্ষণে কলি-যুগ চলিতেছে। হিন্দুশাস্ত্র মতে কলির ৫০০৪ বৎসর গত হইয়াছে। তাহা হইলে পৃথিবীর বয়স বর্তমানে ৩৮৯৩০০৪ বৎসর; কোন কোন পুরাণের মতে আরো বেশী। সে বাহাই হউক পৌরাণিক প্রমাণ আজ কাল আর বৈজ্ঞানিক যুগে কলিকা পাইবে না। ভূস্তর পরীক্ষা দ্বারা ভূতত্ত্ববিদ-গণও ঐরূপ একটা সিদ্ধান্তে উপনীত হইয়াছেন।

২। পৃথিবীর গঠন ও আকার—ভারতবর্ষীয় আর্য্যগণই পৃথিবীর সর্কাপেক্ষা প্রাচীন সভ্য জাতি;



খোয়াল" ও "তকবিস্ উল্ বুলদান" প্রভৃতি পুস্তক হইতে সঙ্কলিত এবং ঐ মানচিত্র সেকেন্দর শাহের (Alexander) সময়ে স্থিরীকৃত। শেষোক্তি যথার্থ বলিয়া মনে হয় না, উহাতে ইংলণ্ড, রুশ, প্রভৃতি যুরোপীয় রাজ্য, জাপান প্রভৃতি পূর্ব রাজ্য অঙ্কিত রহিয়াছে। পশ্চিম রাজ্য বলিয়া যে স্থান চিহ্নিত হইয়াছে তাহা কি আমেরিকা? যুরোপের রাজ্যগুলির সংস্থান বড় চমৎকার, চিত্র দর্শনে স্পষ্টীকৃত হইবে। যদি কোন পারস্যনবীশ পাঠক অনুগ্রহ করিয়া পূর্বকথিত পুস্তকাদি অনুসন্ধান করিয়া জ্ঞাতব্য বিষয় সকল প্রকাশ করেন তবে ভাল হয়।



ভারতবাসী কয়েক ব্যক্তি আমেরিকা আবিষ্কারে সক্ষম হইয়াছিলেন। Hewitt সাহেব বলেন যে কতকগুলি ভারতবাসী আমেরিকায় উপনিবেশী হইয়া তথায় তুলা চাষ আরম্ভ করেন। তুলা চীন ও ভারতের স্থানীয় (indigenous) ফসল। "সিদ্ধান্ত শিরোমণি" গ্রন্থে antepodes বৃত্তান্ত যেরূপ বর্ণিত হইয়াছে তাহাতে চমৎকৃত হইয়া বাইতে হয়।

“যে যত্র তিষ্ঠতাবনীতলহুমাঅনমম্যা উপরিহিতঞ্চ।  
স মনুতেহতঃ কচতুর্থাংশা মিথশ্চ তে তির্থাগিবামনন্তি ॥  
১০০ অধঃ শিরকা কদলাস্তরহা ছায়া মনুষ্যা ইব নীরতীরে।  
অনাকুলান্তির্থাগধঃ স্থিতাশ্চ, তিষ্ঠন্তি তে তত্র, বয়ঃ যথাত্র ॥”

করিতেন। চীন সম্রাট শি-হোয়াংটি'র সময়ে (২১৩ খৃঃ পূর্ব) সমস্ত গ্রন্থ, ইতিহাস ও ইতিহাসজ্ঞ ব্যক্তি নষ্ট করা হয় তাহাতে চীন দেশের প্রাচীনতম বৃত্তান্ত কিছু জানা যায় না।

আসিয়া মহাদেশের সভ্যজাতিদিগের মধ্যে সতত-ভ্রমণকারী আরবজাতিই ভূগোলতত্ত্ব আলোচনায় রীতিমত প্রবৃত্ত হইলেন। প্রায় সহস্র বৎসর পূর্বে আবদাল্লা আহামদ মোকাদ্দাসী নামক একজন আরব ভ্রমণকারীর মনে উক্ত কল্পনা উদিত হওয়ায়, তিনি জিব্রল্টার হইতে ভারত-বর্ষ পর্যন্ত পর্যটন ও পর্যাবক্ষণ করিয়া বহুদেশের বৃত্তান্ত লিপিবদ্ধ করিয়া গিয়াছেন। কিন্তু তাঁহার এই অমানুষীয় পরিশ্রম আমাদের নিকট বিফল বলিয়াই বোধ হয়; তিনি দেশ বিদেশের নাম ও আচার ব্যবহারাদি মাত্র সঙ্কলন করিয়াছেন, কিন্তু কোনও জনপদের স্থিরসংস্থান ও পরস্পর তুলনায় দিগ্‌নির্দেশাদি করিতে পারেন নাই বলিয়া এক্ষণে সেই সকল স্থানকে “সেনাক্ত” করা ছুইয়া পড়িয়াছে। মহম্মদের মৃত্যুর পরে (৬৩২) তাহার সমগ্র দক্ষিণ-য়ুরোপ ও উত্তর আফ্রিকা, এবং সমগ্র আসিয়ার (সাইবিরিয়া বাদে) বৃত্তান্ত অবগত হইতে সমর্থ হইয়াছিলেন। ইহারা এতদূর কৃতকার্য হইলেও পৃথিবীর আকার সম্বন্ধে কোন ধারণা করিতে পারেন নাই।

তৎপরে গির্শর ও গ্রীস এ কার্যে হস্তক্ষেপ করেন। নিম্নলিখিত ব্যক্তিগণ ভূগোলতত্ত্ব আলোচনা করিয়া গিয়াছেন—(১) Hekaten of Miletus (খৃষ্ট জন্মের পূর্বে প্রাচুর্য হইলেন)। (২) Artimidorus ১০০ খৃঃ পূঃ; (৩) Marinus of Tyre খৃষ্টীয় প্রথম শতাব্দী। নিম্নলিখিত পুস্তকগুলি আজো দেখিতে পাওয়া যায়—(১) Ptolemy কৃত ভূগোল (Geography, ২য় শতাব্দী); (২) The Periplus of the Erythrean Sea; (৩) Strabo লিখিত ভূগোল, ১৯ খৃষ্টাব্দ; (৪) Pomponius Mila প্রণীত The Compendium of Geography, ৪২ খৃঃ অঃ; (৫) Compendium of Solinus, ২৩৮ খৃষ্টাব্দ; (৬) Periplus of the outer Sea ৪০০ খৃষ্টাব্দে হিরাক্লিয়া নিবাসী Marcianus কর্তৃক বিরচিত। ইহাদের মধ্যে Ptolemy সর্বশ্রেষ্ঠ।

প্রসিদ্ধ জ্যোতিষী কোপারনিকস বিরচিত “De Revo-

lutionibus Orbium Cælestium” নামক গ্রন্থে পৃথিবীর আকার সম্বন্ধে প্রাচীনদিগের ধারণা কিরূপ ছিল তাহা লিখিত হইয়াছে। “Empedocles ও Anaxemenes (৪৪৪ খৃঃ পূঃ) পৃথিবীকে চেপ্টা মনে করিতেন; Leucippus ইহাকে তুর্ধাকার (Trumpet shaped) মনে করিতেন; Heraklidus (৫০০ খৃঃ পূঃ) ও Demokritus (৪৭০--৩৬২ খৃঃ পূঃ) ইহাকে কটাের আকার প্রদান করিতেন; Anaximander (৬১০--৫৪৭ খৃঃ পূঃ) ইহাকে ফাঁপা নলের মত মনে করিতেন; Xenophenes (৬২৮-৫২০ খৃঃ পূঃ) মনে করিতেন “পৃথিবী একটা চেপ্টা থালার মত, এবং ইহার কিনারা ক্রমশ পাতলা হইয়া গিয়া অসীম সমুদ্রে ডুবিয়া গিয়াছে।” এতদ্ভিন্ন হিজিয়ডের সমসাময়িক (৮০০ খৃঃ পূঃ) গ্রীকগণ পৃথিবীকে সমুদ্রবেষ্টিত একটা চক্র (flat disc) বলিয়া অনুমান করিত; তাহাদের চক্ষু দিখলয় পর্যন্ত প্রসারিত ও প্রতিহিত হইত, তাহাতেই তাহাদের এই অনুমান বা সিদ্ধান্ত। প্রথমতঃ তাহাদিগের নিকট পৃথিবীর পরিসর পূর্বে ককেসস্ পর্বতজা ফেসিস নদী ও পশ্চিমে সিসিলি দ্বীপের মধ্যে সীমাবদ্ধ ছিল, পরে পশ্চিম সীমা জিব্রল্টার পর্যন্ত বিস্তৃত হয় এবং ঐ স্থান Pillars of Hercules নামে প্রসিদ্ধ লাভ করে। তাহাদের বিশ্বাস ছিল, এই চক্রাকার স্থলভাগ বেষ্টিত করিয়া অনন্ত অগম্য সমুদ্র তাহার ক্ষুদ্র তরঙ্গরাশি সর্বদা আফালন করিতেছে। মনস্বী প্লেটো মনে করিতেন যে পৃথিবী ঐ ক্ষুদ্র গণ্ডিতে সীমাকৃত নহে, পরন্তু উহা অনন্ত-বিস্তৃত এবং উহার আকার পাশাখেলার পাশটির মত চারিটা পার্শ্ব বিশিষ্ট।

Pythagoras (৫৮০-৫০০ খৃঃ পূঃ) ও Herodotus (খৃষ্ট পূর্ব ৪৮৪-৪২০) কেবল মাত্র বলিয়া গিয়াছেন যে পৃথিবী গোল। কিন্তু পিথাগোরাসের সমসাময়িক যবনাচার্য (ভারতবাসী) সৌরজগতের সম্বন্ধ ও স্থিতি প্রকৃষ্ট-রূপে বর্ণনা করিয়া গিয়াছেন, আরিস্টটল প্রভৃতি পরবর্তী গ্রীক মনস্বীগণ পৃথিবীকে গোলক বলিয়া বহু প্রমাণ সংগ্রহ করিতে পারিয়াছিলেন, কেবল সমুদ্রপথে বিশ্ববেষ্টিত পরবর্তী কালের জন্ম ছিল। Ptolemy (খৃষ্টীয় ২য় শতাব্দী) পৃথিবীকে গোল বলিয়া জানিয়াছিলেন; কিন্তু তিনি ইহাকে অগমন-পটু মনে করিয়াছিলেন।

প্রবন্ধান্তরে দেখাইয়াছি (প্রবাসী ১৩০৯, আষাঢ়) যে কলম্বাসের আমেরিকা আবিষ্কারের সহস্রাধিক বৎসর পূর্বে

চীনগণই প্রথম দিগদর্শন যন্ত্র আবিষ্কার করেন ও তৎসাহায্যে বহুদূর দেশেও বাণিজ্য ব্যাপদেশে গমনাগমন



## “লুসাই” জাতি।

নিরক্ষর অসভ্য জাতিগণের আচার ব্যবহার ও তাহাদের পুরাতত্ত্ব সংগ্রহব্যাপার নিতান্ত কঠিন। একরূপস্থলে অনেক সময়ে কল্পনা ও অনুমানের সাহায্য লইতে হয় এবং নানাপ্রকার কিস্তদস্তীর আশ্রয়ে তাহাদের পুরাতত্ত্ব একরূপ সংগ্রহ করিয়া লইতে হয়, নতুবা গতান্তর নাই। মণিপুরী, নাগা প্রভৃতি বর্কর জাতির সম্বন্ধে যেমন এক প্রকার কিস্তদস্তী আছে তৎসাহায্যে তাহাদিগের পুরাবৃত্ত অনেকাংশে জ্ঞাত হওয়া যায় কিন্তু অসভ্য লুসাইদিগের সম্বন্ধে তেমন কিছুই নাই। ইহাদের ভাষা, নাম, আচার ব্যবহার লইয়া অনেকে বহুকালাবধি আলোচনা করিয়াও কোন প্রকার সিদ্ধান্তে উপনীত হইতে পারেন নাই। সুতরাং সে সম্বন্ধে অধিক প্রয়াস করাও আমাদিগের বিড়ম্বনা মাত্র। বাহা হউক আজ পাঠকগণ সমীপে আমরা এই জাতির আচার ব্যবহারের কিস্তদংশ আলোচনা করিব।

বাহু প্রকৃতি, শান্ত কার্য কলাপের প্রতি দৃষ্টি করিলে ইহাদিগকে আপাততঃ শান্ত শিষ্ট জাতি বলিয়া সহজেই উপলব্ধি হইবে। বোধ হইবে পর্বতের নিভৃত লুসাই নিষ্ঠুর জাতি।

প্রতিপালিত হইয়া ইহারা নিরীহ জাতিদিগের অগ্রগণ্য হইয়া দাঁড়াইয়াছে। কিন্তু প্রকৃত পক্ষে ইহাদের কার্যকলাপের অভ্যন্তরীণ অংশ পর্যবেক্ষণ করিলে আপনার সিদ্ধান্ত নিতান্ত ভ্রম-মূলক বলিয়া স্থির হইবে। জগতে বোধ হয় এমন কোন প্রাণী নাই ( তাহাদের দেশে ) বাহা তাহাদিগের রসনা-স্পৃষ্ট হয় না। পাইলে ইহারা সবই ভক্ষণ করিতে পারে। শিয়াল, কুকুর, বিড়াল, ইন্দুর, বানর প্রভৃতি এমন কি সর্প-মাংস পর্যন্ত সকল প্রকার জন্তুর মাংস ভক্ষণ করে, অধিকন্তু মস্তকের উৎকৃষ্ট পর্যন্ত বাদদিতে ইহারা নারাজ। তজ্জন্য ইহাদিগকে “সর্বভুক” বলিলেও অত্যাচ্য হইবে না। জন্তুকে যন্ত্রণা না দিয়া হনন করা ইহাদিগের রীতিবিরুদ্ধ। লুসাইদিগের অত্যাচ্য আমোদ প্রমোদের মধ্যে খোঁচাইয়া খোঁচাইয়া “মেটনা” বধ একটা প্রধান। দশ বার জন লুসাই দল বাধিয়া বহু মেটনা ( গয়লা ) শিকার করিতে যায়,—খোঁচাইয়া তাহাকে নিহত করিয়া মহানন্দে সকলে গৃহে

ফিরিয়া আইসে। নিষ্ঠুরতা ইহাদিগের জীবনের প্রথম উপাদান। বাল্যকাল হইতেই এই মস্ত্রে ইহাদিগের প্রকৃতি সঞ্জীবিত হইয়া থাকে। শুনা যায় যুদ্ধের সময় বাহা ইহাদিগের হস্তে নিপতিত হইত অত্যন্ত যন্ত্রণা দিয়া তাহাদিগের প্রাণ বধ করিত। প্রাণান্ত পর্যন্ত প্রত্যহ ইহাদিগের হতভাগ্যের এক একটা অঙ্গ কাটিয়া দিত। এতদপরে গভীর নিষ্ঠুর কার্য আর কি হইতে পারে ?

যে জাতি যতই কেন অসভ্য হউক না ; সভ্যতার নিম্নতম স্তরে যতই অধিরোহণ করুক না কেন সকল জাতি মধ্যেই একটা দেবদত্ত স্বর্গীয় গুণ দেখা দানবে দেবত্ব বা পাওয়া যায়। ইহা তাহাদের নিজ অতিথি-সৎকার।

—ইহার জন্ত সে কাহারও নিষ্ঠুর কখনও ঋণী নহে ; মরুভূমির মধ্যে শস্য-শ্রামল উৎসর্গ ‘ওয়েসিসের’ মত কিংবা ওচণ্ডাতপদধ্ব ধরণীর মিত্র তরু ছায়ায় মত এই প্রকার একটা একটা সদাগু তাহাদিগের মধ্যে আপনি ফুটিয়া উঠে। মানব যে ঈশ্বর-সৃষ্ট ঈশ্বর সদাগু সমূহের প্রকৃত অধিকারী ইহা হইতে সহজেই উপলব্ধি হইবে। প্রায় প্রত্যেক কার্যে নিষ্ঠুরতার কঠোর নিদর্শন দৃষ্ট হইলেও এই অসভ্য জাতির এমন একটা সদাগু আছে যাহাতে অনেকানেক সভ্য জাতিও অধিক প্রাপ্ত হইয়েন নাই। অতিথি-সৎকার লুসাইদিগের কঠোর জীবনের একটা মহৎ অংশ। লুসাই যুবকগণ কখনও স্বতন্ত্র স্বতন্ত্র ভাবে রাত্রি যাপন করে না—তাহাদিগের রাত্রিবাসের নিমিত্ত প্রত্যেক গ্রামে “জলবউক” নামে একটা গৃহ আছে। দিবাভাগে আপনাপন পারিবারিক কার্য সম্পাদনান্তর শ্রান্ত গ্রাম্য যুবক আমোদ প্রমোদের সহিত এইখানে রাত্রিযাপন করে। এই “জলবউকের” এক অংশে অতিথি-সৎকারোপযোগী স্থান নির্দিষ্ট আছে স্বদেশী বা বিদেশী লোক আসিলে স্বেচ্ছাক্রমে সেই গৃহে বাস করে। গ্রামবাসিগণ কর্তব্য বোধে নানাপ্রকার পারিবারিক ফল মূল প্রভৃতি আহাৰ্য্য দিয়া অতিথিসৎকার করিতে থাকে। আজ কালকার সভ্যতা স্বার্থগন্ধ বিজড়িত অসভ্য লুসাইগণ সভ্যতার মর্ষ অল্প অল্প বুঝিয়াছে—সুতরাং তাহাদিগের অর্থ লিপ্সা বাড়িয়াছে। কিছুদিন হইল এই লিপ্সা-বশবর্তী হইয়া লুসাইগণ কয়েকটা মনুষ্য জনকে খুন করিয়াছে। অর্থই অনর্থের মূল !

লুসাইশিশু ভূমিষ্ট হইলে সকলে মিলিয়া জিহ্বা দ্বারা চাটিয়া তাহাকে পরিষ্কার করে। অত্যাচ্য অনেক অসভ্য জাতির তুলনায় এই কার্যে এক আশ্চর্য্য প্রথা তাহাদিগের কিছুমাত্র ঘণা বোধ হয় জন্ম ও মৃত্যু। না। এই এক আশ্চর্য্য প্রথা। ‘মৃত্যু সকলেরই হইবে—একাকী মরিতে নাই।’ এই বিশ্বাসের বশবর্তী হইয়া লুসাইগণ আরও ২।১ জনকে মারিয়া সেই সঙ্গ কবরস্থ করে। রাজ্যের রাজার মৃত্যু হইলে মন্ত্রী-স্বরূপ আর একজনকে সেই সঙ্গ কবর দেওয়া হয়। মৃত-দেহ একদিনে কবরস্থ করা নিষিদ্ধ। প্রস্থতির মৃত্যুর পর সন্তোজাত শিশুকে একত্রে জীবন্ত সমাধিস্থ করে। লুসাইদিগের নিষ্ঠুরতার আর একটা প্রধান নিদর্শন এই। সেক্সের সেক্সপীর এবং আরও কয়েকজন ইংরাজ এই নিষ্ঠুর সমাধি কার্য হইতে কয়েকটা শিশুপ্রাণ রক্ষা করেন।



লুসাই বালিকাজয়।

পার্শ্বে তিনটা লুসাই বালিকার ফটো দেওয়া হইল। লুসাই অসভ্য জাতি—কিন্তু ছবির দিকে—লুসাই রমণীর দিকে চাহিয়া কে বলিবে ইহারা লুসাই রমণী অসভ্য। বালিকা তিনটাই সমবয়স্ক ; প্রত্যেকের মুখে এক একটা ধূমপানের নল। লুসাই জাতি অত্যন্ত ধূমপান প্রিয়, কি বালক কি বৃদ্ধ কি যুবা সকলেই সকল সময়ে অনবরত ধূম পান করিতেছে। বালিকা তিনটা কোন নৃত্যে যাইতেছে ; উপযুক্ত বেশভূষা করিয়া বাহির হইয়াছে—অসভ্যতার কঠোর ক্রোড়ে থাকিয়াও কেমন মাধুর্য্য ফুটিয়া পড়িতেছে ; কেমন কমনীয়তা আনন্দ জ্যোতিঃ স্ফুরিত হইতেছে ; লুসাই জাতির এইটুকুই লাভ ; অসভ্য হইলেও অসভ্যতার মধ্যে এইটুকুই গৌরবের বিষয়।

পুরুষ জাতির মধ্যে যোল আনা অসভ্যতা ও কঠোরতার চিহ্ন দৃষ্ট হইবে কিন্তু রমণী জাতির মধ্যে সম্পূর্ণ স্বতন্ত্রতা বিদ্যমান। সর্কদা কলহে, যুদ্ধে, পাহাড়ে পাহাড়ে প্রাণী-হনন কার্যে ব্যাপ্ত থাকায় পুরুষ জাতি বিলাস ব্যসনের দিকে দৃষ্টি করিবার অবসর পায় না। রমণীগণ আপনাদের নিভৃত শান্ত কুটারে—শ্রামল পাহাড়ের বিস্তৃত উপত্যকায় নিষ্কিবাদে জীবন যাপন করে ; আলস্বে জীবনটা যাপন করা অপেক্ষা পাহাড়ে ফুল তুলিয়া ফুলের অলঙ্কার প্রস্তুত করিয়া কখনও নিজে পরিয়া কখন বা অপরকে পরাইয়া অথবা সুচারুরূপে আপনাদের মাথার চুলগুলি আঁচড়াইয়া ছুই একটা বিননী করিয়া তাহাতে ছুই একটা শ্বেত পুষ্প গুঁজিয়া দিয়া যতটুকু বিলাস লালসা পরিভূষ করা এবং আপনাদের যতটুকু সৌন্দর্য্য বিকাশ করিয়া সুন্দর হওয়া বিশেষ গৌরবজনক এবং প্রয়োজনীয় বোধ করে ততটুকু ইহারা করিয়া থাকে। ইহারা পুরুষদিগের অপেক্ষা অধিকতর পরিষ্কার পরিচ্ছন্ন থাকিতে বাসনা করে।

পর পৃষ্ঠায় ছবি দেখ ! ইহাকে অসভ্য-বলিবে কি ? মুখ হইতে ধূম পানের নলটা কাড়িয়া লইয়া ইহাকে বঙ্গমহিলা-গুলীর মধ্যে বসাইয়া দাও চিনিতে পারিবে না। এই যুবতিটির বয়স ১৮।১৯ বৎসর অত্যাচ্য বিবাহ হয় নাই—বোধ হয় মনোমত পাত্র মিলে নাই। বিবাহ ব্যাপারে, পতি নির্বাচন-বিষয়ে লুসাই রমণী সম্পূর্ণ স্বাধীন।

রমণীর দিকে চাহিয়া দেখ—ইহার সর্বদা পদাঙ্গুলী পর্যন্ত বস্ত্র দ্বারা আবৃত, পরিধানে অল্পরাখা, হস্তে



লুসাই যুবতী।

(ইহার বয়স ১৮:১৯ বৎসর, অদ্যাপি ইহার বিবাহ হয় নাই।)  
পুষ্পবলয়; পিতলের অলঙ্কার। কেশপাশ কেমন বিচলিত;  
দৃষ্টি তীক্ষ্ণ নহে, কেমন সরল! কোমলতা ও মাধুর্যে লুসাই  
যুবতীর লাভণ্য উছলিয়া উঠিতেছে।

অধিক বয়সে বিবাহ প্রথা লুসাইদিগের একটা বিশেষ  
গৌরবের বিষয়। হতভাগ্য বাঙ্গালদিগের তায় বাল্য-  
বিবাহ প্রথা বিবাহের বিষয়ময় বীজ এখনও ইহাদিগের  
মধ্যে উদ্ভূত হয় নাই। পূর্বেই বলিয়াছি  
পতি-নির্বাচন বিষয়ে লুসাই রমণী সম্পূর্ণ স্বাধীনা।  
বিবাহ দুই প্রকার। প্রথমতঃ পাত্র পাত্রী পরস্পর মনের  
মিল করিয়া—পিতা মাতা বর্তমান থাকিলে কোন সর্বাধিক  
নিকট আত্মীয় দ্বারা তাহাদিগকে জানায়। বিবাহের  
পূর্বের এই প্রথাকে পাশ্চাত্য 'কোর্টসিপ'ই বলুন অথবা  
'পূর্বরাগ' বলিতে হয় বলুন। এই প্রকারে মনে মনে  
মিল হইয়া গেলে তখন বরের পিতা কন্ডার পিতার নিকট  
প্রস্তাব করিয়া পণের টাকা নির্ধারণ করে। পণ গ্রহণ

বিবাহের দ্বিতীয় অঙ্গ; সর্বদাই বরকে পণের টাকা দিতে  
হয়। সমস্ত একবারে দিতে হয় না ক্রমে ক্রমে দিতে  
চলে তবে কন্ডার দোষে বিবাহ ভঙ্গ হইলে পণ পার  
করা না করা বরের ইচ্ছা। অনেক সময়ে পাত্রের মাতা  
কন্ডার জন্ত অর্থ দিতে সন্মত হয়। ১৫২০১৩০ টাকা হয়  
১৫০০ টাকার উপর পর্যন্ত পণ নির্ধারণিত হয়। শূ  
মেটনা, খালা, বাটা প্রভৃতি পণ্যীয় দ্রব্য। পণের  
টাকা অগ্রে দিলেই বিবাহ হয়।

বিবাহের দিন যথোপযুক্ত আড়ম্বরের সহিত বরবার  
কন্ডাকর্তার বাটতে উপস্থিত হয়। গ্রামের মধ্যস্থ  
অতি সতর্কতার সহিত পাত্রীকে বিবাহ সভায় উপস্থি  
করে। বর কন্ডা এবং মধ্যস্থের মধ্যে পদস্থলন বি  
অমঙ্গলের চিহ্ন। পাত্রী উপস্থিত হওয়া মাত্র সক  
আছাড়িয়া কক্কট, বিড়াল প্রভৃতি বধ করে, এরূপ  
বিশেষ শুভজনক, ভবিষ্যতে পাত্র পাত্রীর সুখকারক ও  
সর্ববিধ বিপদ হইতে ত্রাণকারক হইয়া থাকে। অতঃ  
পাত্র পাত্রী পরস্পর পরস্পরকে গ্রহণ করিতে প্রস্তুত কি  
এই প্রস্তুত উভয় পক্ষ হইতে উত্থাপিত হয়। তৎপ  
পরস্পর পরস্পরকে মন্তপান করাইলেই বিবাহ নি  
হইল।

বিবাহসভায় আনীত পাত্রীর গাত্রে যে সকল  
থাকিবে চাহিয়া মাত্র তাহা দান করিতে হইবে। সুতরা  
অনেক সময়ে নগ্ন দেহে বিবাহ করিতে হয়—এই  
আশ্চর্য্য প্রথা। বিবাহের অনতিপরেই নূতন বস্ত্র  
দেহ আবৃত করিতে হয়। কুমারী অবস্থায় সকলে স্বা  
জন্ত এক এক খানি বস্ত্র বয়ন করিয়া রাখে, বিবাহের  
স্বামীকে সেই বস্ত্র পরায়। সেই দিবস স্বামী স্ত্রী পর  
গৃথক গৃহে অবস্থান করে; পর দিন স্ত্রী স্বামীর গৃহে  
সমস্ত বিবাহিত জীবন ব্যাপিয়া পরস্পর পরস্পরকে বি  
করিয়া জীবন যাপন করে।

লুসাইগণের ধর্মজীবন নিরবচ্ছিন্ন অন্ধকার  
অধুনা বৃটিশ গবর্ণমেন্টের অধীনে পাদরী মহাশয়দি  
ধর্মোৎসব রূপায় অনেকে আলোকে আসিতে  
পিতৃ পৈতামহিক ধর্ম আর এখন ভাল লাগিতেছে  
অনেক লুসাই খৃষ্টান হইয়াছে। লুসাইগণ "পাখি  
নামক দেবতার পূজা করে। এই দেবতাই তাহা

কর্তা, পালনকর্তা, বিপদ ও রোগমোচনকর্তা।  
দেবতার পূজা কেবল পাখিয়ানের অংশ মাত্র পূজা।  
সমস্ত পূজার প্রধান অঙ্গ শূকর, কুকুর প্রভৃতি জন্তু হত্যা,  
মন্ত পান ও নৃত্য। পাখিয়ান নাকি বড় কুকুর প্রিয়।  
বংশপণ্ড কুকুরের গুহ দ্বারে প্রবেশ করাইয়া বধ করা  
পাখিয়ান পূজার বিশেষত্ব। লুসাই-উৎসবের নৃত্য বড়  
কৌতুক-জনক না হইলেও অনিষ্টকর সন্দেহ নাই। এ  
সম্বন্ধে একজন একরূপ লিখিয়াছেন:—


"কতকগুলি লোক একসঙ্গে ঢোলের এবং বাঁশীর  
শব্দে সঙ্গে সঙ্গে করিয়া উল্লাসে নৃত্য করিতে থাকে,  
কখন কখন হো হো শব্দ করিয়া কোন একটা কথা উচ্চারণ  
করে। চারিদিকে গ্রামস্থ যুবকগণ ঘরিয়্যা বসে এবং  
প্রত্যেকের ক্রোড়ে এক একটা বালিকা বসে। সকলে  
মিলিয়া মন্তপান করে। জনাকীর্ণ অন্ধকারময় গৃহে  
প্রবেশ করিবামাত্র একপ্রকার তীব্র গন্ধে আকুল হইয়া  
পড়িলাম। গৃহপ্রস্থত মদ ও "বাইবেলস্থ" সাদা তামাকের  
ধূমের গন্ধে তাহাদের অপরিষ্কার বস্ত্র ও গৃহ পার্শ্বস্থ মল  
মূত্রের গন্ধের সহিত মিলিত হইয়া কি যে এক অদ্ভুত তীব্র  
গন্ধের সৃষ্টি করিয়াছিল তাহা ভাষায় বর্ণনা করা আমার  
সাধ্যাতীত। তাহারা আমাদিগকে যত্ন করিয়া গৃহাভ্যন্তরে  
নৃত্য গীতাদির মধ্যে অতি সমাদরে বসিবার স্থান দিল।  
কৌতূহল চরিতার্থ করিবার জন্ত অতি কষ্টে অল্প সময়  
কাটাওয়া শেষে বাহিরে আসিয়া হাঁপ ছাড়িয়া বাঁচিলাম।

অসভ্য জাতি মাত্রই বহুবিধ কুসংস্কারের দাস।  
খরিং লুসাইগণও ইহা হইতে অবশ্য অব্যাহতি পায়  
নাই। তাহাদিগের নানা প্রকার কুসংস্কারের মধ্যে "খরিং"  
(ডাইন) বধ একটা বিশেষ ভয়াবহ ব্যাপার। জগতের  
মধ্যে বত প্রকার অনিষ্টকর প্রাণী আছে খরিং তাহাদের  
সর্ব শ্রেষ্ঠ। স্ত্রী পুরুষ উভয় জাতীয় "খরিং" আছে, ইহার  
মধ্যে পুরুষ "খরিং" বিশেষ অনিষ্টকারী। তাহাদিগের  
সহবাসে ও দৃষ্টিতে নানা প্রকার পীড়া জন্মিবেই ত, অব-  
শেষে প্রাণহানি পর্যন্ত হইয়া থাকে। ইংলণ্ডে পূর্বে এই  
প্রকার ডাইনদিগকে জীবন্ত দগ্ধকরার প্রথা ছিল। লুসাই  
ডাইনদিগকে একা চিরজীবন অতিবাহিত করিতে হয়।  
অধিক কুদৃষ্টি পরিচালনা করিলে সকলে একত্র হইয়া  
তাহার প্রাণ সংহার করে। প্রায় ৪১৫ বৎসর হইল

নর্থ লুসাইতে ডাবাবিলি নামী একটা লুসাই রাণীর গ্রামে  
৩৭টা লোক খরিং বলিয়া বিবেচিত হইয়া আসিতেছিল।  
রাণী তাহাদিগকে অনেক বার গ্রাম পরিত্যাগ করিতে  
আজ্ঞা দিয়াছিলেন এমন কি প্রাণ বিনাসেরও ভয় দেখা-  
ইয়াছিলেন। তখন তাহার ভীত হইয়া লুংলের পলিটিক্যাল  
অফিসারের নিকট আবেদন করিয়া স্বতন্ত্র স্থানে থাকিবার  
আদেশ পাইয়াছিল। একদা পূর্বস্থান হইতে আবশ্যকীয়  
দ্রব্যাদি আনিবার জন্য তাহারা ডাবাবিলির (Dowabili)  
গ্রামে গিয়াছিল। আবার ঠিক সেই সময়ে গলদেশের  
পীড়ায় রাণীর একটা সন্তানের মৃত্যু হয় এবং অল্পক্ষণ পরেই  
স্বয়ং ডাবাবিলি সেই পীড়ায় পীড়িত হন। তখন সকলে  
খরিংদিগের প্রতি সন্দেহ করিল। রাণী রোগ-শয্যায়  
থাকিয়া তাহাদিগের ধ্বংসের পরামর্শ করিতে লাগিলেন।  
নিজের গ্রামীণ লোকদিগের দ্বারা এ কার্য্য সংসাধিত  
হইবে না ভাবিয়া পরবর্তী গ্রামের সর্দারদিগের নিকট  
সাহায্য প্রার্থনা করিলেন। নির্দিষ্ট দিবস ৩৪ শত লোক  
দা প্রভৃতি লইয়া "খরিং" দিগকে আক্রমণ করিল। ৪  
জনকে হত্যা করিল। একটা বালককে মৃত জানে  
ফেলিয়া দিয়া গেল। লুংলের আসিষ্ট্যান্ট সার্জন মহা-  
শয়ের রূপায় বালকটী রক্ষা পাইয়া তাহার সহিত আছে।  
মৃত খরিংদিগের যকৃতের এক এক খণ্ড তখনই সকলের  
মধ্যে বিভক্ত হইয়া গেল, খরিং-দৃষ্টি হইতে শান্তি পাইবার  
জন্য সকলে সমস্ত গৃহে লইয়া গেল। ডাবাবিলির জন্যও  
একখণ্ড প্রেরিত হইল। কিন্তু হায় সেই "খরিং"-দৃষ্টি-  
শান্তকারী যকৃতখণ্ড পৌছিবার পূর্বে বৃদ্ধা রাণীর প্রাণ-  
পাখী দেহ পিঞ্জর ছাড়িয়া গিয়াছিল। আরও আশ্চর্য্য এই  
যে যখন ঘটনা অনুসন্ধান হয় তখন সকলে অস্মানবদনে দোষ  
স্বীকার করিয়াছিল। যেন অভিনব কিছুই ঘটে নাই!!

ইংরাজ গবর্ণমেন্টের রূপায় এই অসভ্যদিগের মধ্যে  
সভ্যতা প্রবেশ করিতেছে—কিছুদিন পরে সমস্ত জাতিটা  
সভ্যতার আসনে আসীন হইতে পারিবে—সুসভ্য বৃটিশ  
রাজত্বের এইটুকু বিশেষ গৌরবের  
বিষয়। লুন্দলে, আইজোল প্রভৃতি  
গ্রামের অধিবাসীগণ সভ্যসমাজ সংস্পর্শে  
সভ্য হইতেছে। অনেকে এমন হইয়াছে যে পৈত্রিক  
সংস্কারের ছায়াস্পর্শ করিতেও স্বীকার করে না—আবার

কেহ কেহ তদ্বিষয়ের অস্তিত্ব স্বীকার করিতেই সম্পূর্ণ নারাজ। অনেকে ধুতি, পেণ্টুলেন, জুতা, কোট, পরিধান করিতেছে। শুনিয়া আশ্চর্যাব্বিত হইবেন যে লুসাইদেশে দধিছন্ধাদির আধিক্য স্বত্বেও লুসাইরা কখনও তাহা আহাৰ করে না—এক্ষণে সে হাওয়ার পরিবর্তন হইয়াছে—অনেকে দধিছন্ধাদি আহাৰ করিতেছে। পরিধানে কোট, পেণ্টুলেন, মাথায় কেশবন্ধখোপা বড়ই আমোদজনক দৃশ্য। পৈতে নামক




পৈতা পুরুষদয়।

এক সপ্রদায় মাথার উপর খোঁপা বাঁধিয়া থাকে—উপরে চিত্র দেখুন।

লুসাইগণ ভাত খাইয়া থাকে, নানাপ্রকার বনজ শাক সবজী ও তরকারীসিক্ত জল দিয়া অন্ন আহাৰ করিয়া


থাকে। এই সমস্ত দ্রব্য অন্ন লবণ ভেঙে লুসাই লক্ষ্য সহযোগে সিদ্ধ হইলেই উৎকৃষ্ট হইল। এ প্রকার আহার্য্য ভক্ষণ ও পৰ্কত পসরচাচর গমনাগমন বশতঃ বোধ হয় লুসাই জাতি দীর্ঘজীবী নয়। স্থানীয় স্বাস্থ্যোৎকৃষ্টতা বয়োধিক্যে বিবাহ প্রভৃতি ইহাদিগের বলিষ্ঠ ও সুস্থকায় হইবার প্রধান কারণ অনুমেয়।

লুসাই নামের অর্থ কি? অনেকে অনেক সিদ্ধান্ত করিয়াছেন। লুসাই ভাষায় লু=মাথা, সাই (সাত)-কাটা অর্থাৎ মাথা কাটিয়া লইত বদি লুসাই মাথা কাটা লুসাই নাম হইয়াছে। এই প্রকার 'লুসাই'—'লুচাই', 'লুসেই', প্রভৃতি নানাপ্রকার ব্যা



কোট পেণ্টুলেন পরিহিত পুরুষ ও বিবী বেশীনী লুসাই কুমারী করিয়া সকলে স্ব স্ব মতানুযায়ী সিদ্ধান্ত করিয়াছেন। সুতরাং সে সম্বন্ধে অধিক বিচার না করিয়া পাঠকবর্গে উপর সে ভার প্রদান করিয়া অদ্য এই খানে ক্ষান্ত হইলাম।

শ্রীমলিনীকান্ত ঘোষ।



## কবির ৩রাজকৃষ্ণ রায়।\*

কবির জীবন ছুঃখের জীবন—এ কথা এক রকম সর্ববাদী সম্মত। আমাদের অল্পকার প্রবন্ধের আলোচ্য কবির ৩রাজকৃষ্ণ রায়ের জীবনীও সেইরূপ ছুঃখ-কাহিনীতে পরিপূর্ণ। ছুঃখের সহিত কবিতার এরূপ ঘনিষ্ঠ সম্বন্ধ কিরূপে হয়, আর কবিতাই বা সেই চিরসঙ্গী ছুঃখকে কিরূপে আপন ক্রোড়ে টানিয়া লয়—আমি অল্পকার এই প্রবন্ধে কেবল তাহাই দেখাইতে চেষ্টা করিব। চেষ্টা করিব—বলিলাম, কেন না—এরূপ বিদ্বজ্জনসমাজে আমার শ্রায় অযোগ্য ব্যক্তির দ্বারা এরূপ সামান্য প্রতিজ্ঞার পূরণ হওয়াও আমি তত সহজ মনে করি না। তবে আমাদের হতভাগ্য কবিরের শ্রায়, বোধ হয়, পৃথিবীর আর কোন কবি এত আশৈশব ও আমরণ দারিদ্র্য বঙ্কণা ভোগ করেন নাই—ইহাই আমার এক মাত্র ভরসা। আর এক কথা—রাজকৃষ্ণের ছুঃখময় জীবনের অধিকাংশ সময় এ প্রবন্ধলেখকের সহিত একত্রে কাটিয়াছে, আর সেই কারণেই বোধ হয়, বান্ধব-সমিতির কর্তৃপক্ষীয়গণ আমার অযোগ্যস্বন্ধে এই গুরুতর ভার অর্পণ করিয়াছেন। বাস্তবিক আমি কবিরের জীবনীর এত ছুঃখকাহিনী জানি, যে এই অপরাহ্নে প্রবন্ধপাঠ আরম্ভ করিয়াও, সমস্ত রাত্রি আপনাদিগকে আটক করিয়া রাখিতে পারি। তবে আপনাদিগের সে ভয় নাই। যে রাজকৃষ্ণ এই হতভাগ্য দেশে জন্মগ্রহণ করিয়া প্রতিদিন শত সহস্র নয়নাঞ্চল বিসর্জন করিয়াছেন, তাঁহার ছুঃখময় জীবনীর অসংখ্য ছুঃখ কাহিনীর মধ্যে ছুঃখ একটি বর্ণন করিয়া বৎসরান্তে এক দিন সেই হতভাগ্য কবিরের শোকে আপনাদিগের ছুঃখ এক ফোঁটা চক্ষের জল বিমোচনের সাহায্যকারী হইতে পারিলেই আমি নিজেকে সৌভাগ্যবান মনে করি।

এক সময়ে ঘোড়াশাঁকো-পাথুরিয়াঘাট অঞ্চলের একটি সামান্য খোলার ঘরে একটি মাতৃহীন বালক প্রতিপালিত হইয়াছিল। এ পৃথিবীতে বালকের এক দরিদ্র পিতা মাত্র ভরসা। অষ্টম বৎসরের বালক স্থানীয় পাঠ-

শালায় গিয়া লেখা পড়া শিখিয়া আসিত, আর বালকের পিতা নিকটবর্তী কোন ধনাঢ্যের গৃহে সামান্য চাকুরী করিত। এইরূপে কিছুদিন যায়, হঠাৎ একদিন বিস্মৃচকা রোগে সেই বালকের পিতার মৃত্যু হইল। বালক চারিদিক অন্ধকার দেখিল। শেষে এক মাতৃস্বসা আসিয়া বালকের সহায় হইল, নিরাশ্রয় বালক তখন আবার আশ্রয় পাইল। পিতার যৎকিঞ্চিৎ ছিল, তাহার উপর মাতৃস্বসার গুরুতর দৈহিক পরিশ্রমজাত কিছু কিছু উপার্জন, এই পিতৃ-মাতৃহীন বালক প্রতিপালিত ও শিক্ষিত হইতে লাগিল। তখন কে জানিত যে ভবিষ্যতে এই দরিদ্র বালকই প্রফুল্লদ চরিত্র, নরমেধ যজ্ঞ প্রভৃতি ৩০ খানি নাটক ও লয়লা-মজলু চতুরালী প্রভৃতি ৮ খানি গীতিনাট্য এবং অসংখ্য কবিতা ও গানের রচয়িতা কবির রাজকৃষ্ণ রায় হইবে? কে জানিত যে এই অজ্ঞাত দরিদ্র বালকের লেখনী হইতে কত কাব্য—কত উপন্যাস ও কত প্রহসন প্রসূত হইবে! কে জানিত যে ভবিষ্যতে এই পিতৃ-মাতৃ ও জ্ঞাতিকুটুম্বহীন দরিদ্র বালকই একদিন আপনার অমানুষিক কবিত্বশক্তি প্রভাবে রামায়ণ ও মহাভারতের শ্রায় ছুই খানি প্রকাণ্ড মহাকাব্যের পত্নানুবাদে সক্ষম হইবে?

সন ১৮৮১ সালে কবিরের "সুবমালা" নামক প্রথম কবিতা পুস্তিকা বাহির হয়, তাহার পূর্বে কেবল "এডুকেশন গেজেটে" তাঁহার কয়েকটি কবিতা মাত্র প্রকাশিত হইয়াছিল। তখন কবিরের বয়ঃক্রম ১৯ বৎসর হইবে। তবেই দেখুন—দারিদ্র্যের ক্রোড়ে পালিত বালক প্রথমেই কবিতার আশ্রয় গ্রহণ করিল। মাতৃভাষাভূরাগী যুবক মাত্রেই প্রথমে কবিতা রচনা আরম্ভ করেন সত্য, কিন্তু আমাদের কবিরের শ্রায় তাঁহার এরূপ ধারাবাহিকরূপে কবিতা পুস্তক প্রসব করিতে পারেন না। তাহার পর-বৎসরেই কবির "নাট্যসম্ভব" নামক একখানি ক্ষুদ্র নাটিকা প্রকাশিত হয়। কবি যে শক্তি প্রভাবে ৩০ খানি নাটক রচনা করিতে সক্ষম হইয়াছিলেন, এই ক্ষুদ্র উপরূপক নাটিকাতে আমরা সেই শক্তির অঙ্কুর দেখিতে পাই। তখনই বুদ্ধি-লাম—কবি কবিতা ও নাটক লইয়াই তাঁহার জীবন অতি-বাহিত করিবেন। সেই বৎসরেই আবার তিনি "পতি-ব্রতা" নামী একখানি গীতিনাট্য আর এদেশে আমাদের বর্তমান সম্রাটের প্রিন্স অফ ওয়েলসরূপে আগমন উপলক্ষে

\* সাহিত্য পরিষৎ গৃহে বান্ধব সমিতির অনুষ্ঠিত কবিরের স্মৃতি সভায় পাঠিত।

“ভারতে যুবরাজ” নামক কবিতা পুস্তক রচনা করিয়া প্রকাশ করেন। কিন্তু কবির এই সকল প্রথম উত্তম লোকের চিত্র ততদূর আকর্ষণ করিতে সক্ষম হয় নাই, শেষে তাহার পর বৎসরেই (সন ১২৮৩ সালে) যখন তাঁহার “অবসর সরোজিনী” প্রকাশিত হইল, তখন কাব্যজগতে এই নূতন উদীয়মান কবির কবিত্ব শক্তির প্রভা দেখিয়া সকলেই চমকিত হইলেন। ঠিক এই সময়েই কবিরের সহিত এই প্রবন্ধ লেখকের প্রথম আলাপ হয়। নিতান্ত ব্যক্তিগত হইলেও কিরূপে সে আলাপ হইল—আমি এস্থলে না বলিয়া থাকিতে পারিতেছি না। কলিকাতার মেছুয়া-বাজার স্ট্রীটে, তাঁহার সাধের বীণা থিয়েটারের পার্শ্বে, যেখানে কবির ছাপাখানা ছিল, এই সময় সেখানে এলবার্ট প্রেস নামে অপর এক ব্যক্তির এক ছাপাখানা প্রতিষ্ঠিত থাকে। একদিন সেই ছাপাখানায় কোন কারণ বশতঃ তাহার মালিকের অপেক্ষায় ২।৩ ঘণ্টা কাল আমায় অপেক্ষা করিতে হয়। ঘটনাক্রমে রাশিকৃত “অবসর-সরোজিনী” পুস্তক এক টেবিলের উপর দেখিয়া, আমি তাহার একখানি টানিয়া লই এবং ২।৩ ঘণ্টার মধ্যেই তাহার পাঠ সমাপন করি। তখন এই উদীয়মান কবির কবিত্বগুণে আমি মোহিত হইয়া গিয়া সেই দিনই সেই স্থলে উপযাচক ভাবে আমি তাঁহার সহিত পরিচিত হই। সে আজ প্রায় ত্রিশ বৎসরের কথা। সেই হইতেই রাজকৃষ্ণ আমার চক্ষে কেবল কবি-বর নহেন, আমার বন্ধুবরও বটেন। এই অবসর সরো-জিনীর প্রকাশ করিয়াই রাজকৃষ্ণ কবিসমাজে যশস্বী হইলেন। কবি কেমন ধীরে ধীরে আপনার গন্তব্যপথে চলিয়াছেন দেখিলেন?

আমি প্রথমেই বলিয়াছি—দুঃখের সহিত কবিতার বড়ই ঘনিষ্ঠ সম্বন্ধ। আমার মনে হয়, দুঃখের পেয়ণে হৃদয় চূর্ণ হইয়া বড়ই কোমল হইয়া যায়, আর সেই কোমল হৃদয়েই সাহিত্যের অন্ত ফসল অপেক্ষা কবিতার আবাদটাই খুব ভাল হইয়া থাকে। আবার মনে হয়—দুঃখই যেন যন্ত্রণায় অস্থির হইয়া আপনার ক্ষত বক্ষের প্রলেপ স্বরূপ কবিতাকে সেই বক্ষে টানিয়া লয়। কবির রাজকৃষ্ণ প্রথমে আর কোন কাব্যই না করিয়া—কেবল যে কবি-তারই চর্চা করিয়াছিলেন—ইহা আপনাদিগের হৃদয়ে বদ্ধ-মূল করাই আমার প্রথম ও প্রধান উদ্দেশ্য।

অবসর সরোজিনীর পর একে একে কবির “নিশী-চিন্তা” “নিভৃত নিবাস,” “ভারত গান,” “অবসর সরোজিনী, ২য় ভাগ” প্রভৃতি ৪।৫ খানি কবিতা পুস্তক দুই বৎসরের মধ্যেই প্রকাশিত হয়। কবিও তখন আশাতীত যশস্বী হন।

কিন্তু কেবল যশ লইয়া কি হইবে? সে যশে দরিদ্র কবির দুঃখ ত ঘুচিবে না। কবি দেখিলেন—এদেশে কবিতার বড় আদর নাই—অর্থাৎ কবিতা পুস্তক বড় বিক্রয় না, তাহা অপেক্ষা উপন্যাস ও নাটক প্রভৃতিই বরং অধিক বিক্রয় হইয়া থাকে। সুতরাং দারিদ্র যন্ত্রণায় হস্ত হইতে মুক্তি লাভের জন্ত কবি উপন্যাস লিখিতে আরম্ভ করিলেন। সন ১২৮৬ সালে কবির হিরণ্ময়ী উপন্যাস রচিত ও প্রকাশিত হইল। দুঃখের তাড়নে কবি আপনার গন্তব্য-পথ কেমন ছাড়িয়া চলিয়াছেন—দেখিতেছেন?

প্রথমে কবির সহিত আমার যখন পরিচয় হয়, তখন কবি চোরবাগানের এক বাসাড়ে বাড়ীর নিম্নতলের একটি ক্ষুদ্র কুঠুরীতে বাস করিতেন। কক্ষের মধ্যে আলবার্ট প্রেসের ম্যানেজারী, আর তাহাতেই যৎকিঞ্চিৎ বাহা পাই-তেন, অতি কষ্টে আপনার বাসা খয়চ ও ভরণপোষণ নির্বাহ করিতেন। সন্ধ্যার সময় মধ্যে মধ্যে আমি সেই বাসায় গিয়া কবির সহিত সাক্ষাৎ করিতাম, আর তিনি তাঁহার স্বরচিত কবিতা ও গান আমায় শুনাইতেন, কখন বা সেই স্বরচিত গান আবার সেতারে আলাপ করিয়া তাঁহার সঙ্গীতবিথাপটুতা দেখাইতেন, আর আমি মুগ্ধের স্থায় সেই আলাপে একবারে তন্ময় হইয়া গিয়া কবির মুখপানে চাহিয়া থাকিতাম। প্রথমে এইরূপ সামান্য অবস্থায় থাকিয়া পরে কবির যশমৌরভ এরূপ বিকীর্ণ হইয়া পড়িল, যে রাজকৃষ্ণের স্থায় আত্মীয়স্বজন ও গৃহসংসারবিহীন দরিদ্র কবিরও বিবাহের কথা জুটিল। গঙ্গার অপর পারে সাঙ্কীয়া গ্রামে স্বজাতীয় এক কন্যা বিবাহ করিয়া কবিও শেষে সংসারী হইয়াছিলেন।

এদিকে কবির দারিদ্র যন্ত্রণার দিন দিন হ্রাস না হইয়া বরং বৃদ্ধি হইতেছে দেখিয়া, কবির সহৃদয় গ্রন্থ-প্রকাশক আমাদের বিশেষ তত্ত্ব ও শ্রদ্ধাভাজন মাণ্ডবর শ্রীযুক্ত বাবু গুরুদাস চট্টোপাধ্যায় মহাশয় কবির জন্ত বড়ই চিন্তিত হইলেন। অনেক চিন্তার পর, তিনি অর্থাগমের যে উপায়

শির করিলেন—তাহা কবির গ্রন্থাবলী ১ম ভাগের বিজ্ঞাপ-নেই প্রকাশিত হইয়াছে। সে বিজ্ঞাপনের কতক অংশ আমি এইস্থলে উদ্ধৃত করিয়া দিতেছি:—

“বহুদিন হইতে পুস্তকের ব্যবসায় ব্যাপ্ত থাকায়, আমার বিশ্বাস আছে যে মূল্যাধিক্যপ্রযুক্তই আমাদের দেশে কোন পুস্তকই অধিক বিক্রয় হয় না। সেই বিশ্বাসেই আমি রাজকৃষ্ণ বাবুকে তাঁহার গ্রন্থাবলী অল্প মূল্যে প্রকাশ করিবার কথা বলি। তাহাতে তিনি সম্মত হইলে আমি এই বহুবায়সাধ্য কার্যে হস্তক্ষেপ করি। বলা বাহুল্য যে এই উদ্যমে আমি কৃতকার্য হইয়াছি। খণ্ডে খণ্ডে প্রকাশ করিতে আরম্ভ করিয়াই ইহার প্রথম সংস্করণ নিঃশেষিত হইয়া যায়। সুতরাং সঙ্গে সঙ্গেই দ্বিতীয় সংস্করণের আয়োজন করা হইয়াছে।”

ইহাই কবির সুলভমূল্যে গ্রন্থাবলী প্রকাশের সূত্রপাৎ। আজকাল অনেক কবির গ্রন্থাবলী যে সুলভ মূল্যে প্রকাশ আরম্ভ হইয়াছে, পূর্বে পূজনীয় গুরুদাস বাবুই কবির রাজকৃষ্ণ রায়ের গ্রন্থাবলীতে তাহার পথ প্রদর্শন করিয়াছেন, ইহা গুরুদাস বাবুর স্থায় একজন বিচক্ষণ পুস্তকব্যবসায়ীর মস্তিষ্কসম্মত বলা যাইতে পারে এবং বাঙ্গালা সুলভ সাহিত্য প্রচারের এই নূতন পথ প্রদর্শন করিয়া সাহিত্যসেবী ও সাহিত্যানুরাগী মাত্রেই তিনি ধন্যবাদের পাত্র হইয়াছেন সন্দেহ নাই।

প্রথম সংস্করণের পর, দ্বিতীয় সংস্করণের প্রথম ভাগ গ্রন্থাবলী এক কালীন দুই সহস্র কাপি মুদ্রিত হয়, কিন্তু সে দুই সহস্র কাপিই অল্পদিবসের মধ্যে একবারে নিঃশেষিত হইয়া যায়—এমন কি বঙ্গবাসী প্রভৃতি প্রধান প্রধান সংবাদ পত্রে গুরুদাস বাবুকে এই মর্মে বিজ্ঞাপন দিতে হয় যে “আর কেহ মূল্য পাঠাইবেন না, গ্রন্থাবলী নাই।” এই গ্রন্থাবলী প্রকাশের সঙ্গে সঙ্গেই যেন ধীরে ধীরে কবির আর্থিক অব-স্থারও পরিবর্তন ঘটতে থাকে। পুস্তক বিক্রয়ের দ্বারা এই সময় তিনি অর্থের মুখ দেখিতে পান। প্রেসের কাজকর্মও এই সময় তাঁহার ভালরূপ চলিতে থাকে। ৬বন্ধিম-চন্দ্র চট্টোপাধ্যায়, ৬ রজনীকান্ত গুপ্ত, ও ডাক্তার আর, জি, কর প্রভৃতি প্রসিদ্ধ প্রসিদ্ধ গ্রন্থকারগণের পুস্তক তাঁহার প্রেসে ছাপা হইতে থাকে। কবির দুঃখময় জীবনে এই সময় কেবল দুঃখের উন্মেষ দেখিতে পাওয়া যায়। এই প্রথম

ভাগ গ্রন্থাবলী প্রকাশই যেন কবির অবস্থা পরিবর্তনের কারণ হইয়া দাঁড়ায়। তাঁহার জীবিতকালে এই গ্রন্থাবলীর পঞ্চম সংস্করণ পর্যন্ত ছাপা হয়, তাঁহার মৃত্যুর পর, বিগত ৮।৯ বৎসরে কেবল আর এক সংস্করণ মাত্র ছাপা হইয়াছে। গ্রন্থাবলী প্রথম ভাগের পর ক্রমে ক্রমে তাঁহার সাতভাগ গ্রন্থাবলী প্রকাশিত হয়। কিন্তু কি জানি কেন—প্রথম ভাগের ন্যায় তাহাদের সেরূপ আদর হয় নাই। আপনারা শুনিলে বিস্মিত হইবেন যে এই সাতভাগ গ্রন্থাবলীতে তিনি ছোট বড় ৯৪ খানি গ্রন্থ রচনা করিয়া প্রকাশ করিয়াছেন। ইহা ব্যতীত তিনি আরো কত গ্রন্থ লিখিয়া গিয়াছেন। কবিতা ব্যতীত তিনি কেন যে অন্য শ্রেণীর গ্রন্থ লিখিতে ধাবিত হইতেন, তাহার রহস্য কথা আমি জানি। কবি আপনার গন্তব্য পথ ছাড়িয়া কেন যে অন্য পথে যাইতেন, সে কথা আমি আজ আপনাদিগকে প্রকাশ করিয়া বলিব। এক সময় আমিই তাঁহাকে বলিয়াছিলাম—“রাজকৃষ্ণ বাবু, আপনি কবিতা ছাড়িয়া উপন্যাস ধরুন। যখন আমাদের মতন লেখকের উপন্যাস বিক্রয় হইতেছে, তখন আপনার উপ-ন্যাসও না বিকাবে কেন?” রাজকৃষ্ণ বাবু অমনি “কির-ন্ময়ী”, “জ্যোতির্ময়ী” “অদ্ভুত ডাকাতে” প্রভৃতি ৪।৫ খানি উপন্যাস লিখিয়া ফেলিলেন। তাঁহার সুহৃদ নবকৃষ্ণ বাবু একদিন কহিলেন—“কবির, আপনি নাটক, উপ-ন্যাস ছাড়িয়া সুলপাঠ্য পুস্তক লিখিতে আরম্ভ করুন।” আমাদের দরিদ্র কবি কেবল অর্থ উপার্জনের আশায় অমনি “কবিতা কোমুদী,” “সরল কবিতা” “শিশু কবিতা” প্রভৃতি ৩৪ খানি সুলপাঠ্য পুস্তক প্রকাশ করিয়া বসিলেন। গুরুদাস ভায়া একদিন কহিলেন—“ভারতে কৃষ আসিতেছে, এই সময় কৃষের ইতিহাস লিখিলে বিলক্ষণ উপার্জন হইতে পারে।” তৎপর দিবসেই রাজকৃষ্ণ বাবু “কৃষের ইতিহাস” লিখিতে আরম্ভ করিলেন। তখন বাঙ্গলা সাহিত্যে প্রত্ন-তত্ত্ব সম্বন্ধে কোন ভাল পুস্তক নাই দেখিয়া বন্ধুবর শ্রীযুক্ত শরচ্চন্দ্র দেবের সাহায্যে “ভারত কোষ” নামক এক বৃহৎ অভিধান গ্রন্থ সংগ্রহ ও সম্পাদন করিতে আরম্ভ করিলেন। সে “ভারত কোষ”ও তিনি সম্পূর্ণ করিয়া যাইতে সক্ষম হইয়াছেন। বাস্তবিক বোধ হয়, কেবল পুস্তক রচনার জন্তই তিনি জন্মগ্রহণ করিয়াছিলেন। তা কে জানে কাব্য—কে জানে উপন্যাস—কে জানে প্রবৃত্ত—আর কে জানে



ইতিহাস। তাঁহার সর্বগ্রাসিনী প্রতিভা যে কিছুতেই পশ্চাৎ-পদ নহে। আমি জানি তিনি প্রতিদিন অতি প্রত্যুষে উঠিয়া লিখিতে বসিতেন, আর বেলা ১০টা কোন দিন ১১টা পর্যন্ত অবিশ্রান্ত লিখিতেন, সে লেখায় তাঁহার পরিশ্রম হইত, বলিয়াত বোধ হইত না—কেন না আমার স্মরণ হইতেছে, রাজকৃষ্ণ বাবুর প্রেসে গিয়া আমি একদিন গুনিলাম, আজ ৪৫ দিন তাঁহার জ্বর হইয়াছে, তিনি প্রেসে আসেন নাই। কিন্তু বাসায় গিয়া দেখিলাম—তিনি সেই জ্বর গায়েই রামায়ণের পদ্যানুবাদে ব্যস্ত। নিবারণ করিলে বলিতেন—ইহাতে আর পরিশ্রম কি?

আমি পূর্বেই বলিয়াছি যে এক সময়ে গ্রন্থাবলীর ও প্রেসের আয়ে তাঁহার অবস্থা বেশ স্বচ্ছল হয়। সে সময় তাঁহার বীণা প্রেসে ছই তিনটা প্রেস দিবারাত্র চলিত, এবং কম্পোজিটার ও প্রেসম্যানে প্রায় ২৫১০ জন লোক খাটিত। এইরূপ স্বচ্ছল অবস্থায় তিনি ৩৪ বৎসর মাত্র কাটাইতে পারিয়াছিলেন। এই সময় সন ১২৯২ সালের ২৬শে আশ্বিন তারিখে “বঙ্গ রঙ্গভূমিতে” তাঁহার প্রহ্লাদচরিত্র নাটকের প্রথম অভিনয় আরম্ভ হয়। এই সর্বজনপ্রিয় নাটক খানির রচনা কবি ৫৬ দিনে সম্পূর্ণ করেন। উক্ত নাটকের ভূমিকায় কবি লিখিয়াছেন—“এক প্রহ্লাদচরিত্র নাটকের অভিনয়ে লক্ষাধিক দর্শক সংখ্যা হইয়াছে, এবং উক্ত থিয়েটার কোম্পানি প্রায় ৫০,০০০ পঞ্চাশ হাজার টাকা উপার্জন করিয়াছেন।” রঙ্গভূমির অধ্যক্ষগণের সহিত কবির এই বন্দোবস্ত ছিল যে কোন অভিনয়যোগী নাটক রচনা করিয়া দিলে প্রথম দশটি অভিনয় রাত্রে যত টাকার টিকিট বিক্রয় হইবে, তিনি তাহার শতকরা ১০০ টাকা হিসাবে কমিশন পাইবেন। প্রহ্লাদ চরিত্র নাটকের প্রথম কয়েক অভিনয় রাত্রে ভালরূপ টিকিট বিক্রয় হয় নাই, সুতরাং এই নাটক রচনা করিয়া কবি বিশেষ লাভবান হইতে পারেন নাই। আবার উক্ত রঙ্গভূমিতে প্রহ্লাদ চরিত্র নাটকের অভিনয় আরম্ভ হইবার পর হইতে ৩৪ মাস কাল রঙ্গভূমির অধ্যক্ষগণ কবির নিকট হইতে আর কোন নূতন নাটক গ্রহণ করিলেন না, ইহাতে কবির পক্ষে বিশেষ অসুবিধা ও ক্ষতি হইতে লাগিল। আপনারা হয়ত অনেকেই জানেন যে বঙ্গ রঙ্গভূমির অভিনয়গণ বেতন পান না, অংশ পান। রাজকৃষ্ণ বাবু এই সময় অধ্যক্ষগণের নিকট

কমিশনের পরিবর্তে একটি প্রথম শ্রেণীর অংশ চাহিলেন তখন প্রথম শ্রেণীর অংশের মূল্য মাসিক শতাধিক টাকা সুতরাং অধ্যক্ষগণ সে প্রস্তাবে সম্মত হইলেন না। তখন রাজকৃষ্ণ বাবু তাঁহাদের উপর বড়ই বিরক্ত হইলেন, এবং নিজের থিয়েটার করিবার একটা বলবতী ইচ্ছা এই সময় তাঁহার মাথার মধ্যে প্রবেশ করিল। পেসাদারী থিয়েটারে অভিনেত্রী থাকায় অনেক সময় অনেক গোলযোগ ও অসুবিধা ভোগ করিতে হয়, তাহা তিনি জানিতেন, সেই কারণে অভিনেত্রীর অংশ পার্শী থিয়েটারের ছায় বালকের দ্বারা চালাইবার মতলব স্থির করিলেন। একবার ভাবিলেন না যে, একটি থিয়েটার গৃহ নির্মাণ করিয়া তাহাতে অভিনয় চালাইতে হইলে কত অর্থের আবশ্যক—একবার ভাবিলেন না যে কেবল নাটক লিখিবার ক্ষমতা থাকিলেই থিয়েটার চালান যায় না। এইবার আপনারা দেখুন—কবি ইচ্ছা করিয়া ছুঃথকে কেমন ধীরে ধীরে আপন ক্রোড়ে টানিয়া আনিতেছেন।

\* আমাদের কবি যেন বীণা ছাড়া একদণ্ড থাকিতে পারিতেন না। তিনি বীণা প্রেসের স্বত্বাধিকারী, বীণা কাগজের সম্পাদক, এইবার আবার যে নূতন থিয়েটারের প্রতিষ্ঠা করিলেন, তাহারও নামকরণ করিলেন—“বীণা থিয়েটার” এই বীণা থিয়েটারই শেষে তাঁহার কালস্বরূপ হইল। থিয়েটার প্রতিষ্ঠা করিবার পূর্বে আমি তাঁহাকে অনেক নিবেদন করিয়াছিলাম, কিন্তু তিনি কিছুতেই আমার বক্তব্য শুনিলেন না। শেষে আমাকেই আবার সেই থিয়েটারের অবৈতনিক ম্যানেজারের কার্য করিতে হয়। থিয়েটার চালান একটা রাজ্য চালান অপেক্ষাও গুরুতর কার্য বলিয়া মনে হয়, এমন বকমারীর কার্য এ সংসারে আর কিছু আছে বলিয়া আমারত বিশ্বাস হয় না।

এই বীণা থিয়েটারের ঋণজালে তিনি বড়ই ভুড়িত হইয়া পড়েন। স্ত্রী ও পুত্রের যে কিছু অলঙ্কার ছিল, তাহা সমস্তই বিক্রয় করিতে বাধ্য হন। থিয়েটারের গৃহ ত অভিনয় আরম্ভ হইবার পূর্বেই বন্ধক পড়িয়া যায়। শেষে ছাপাখানাও বন্ধক পড়ে। তথাপি ঋণের কিছুই কিনারা করিতে পারেন নাই। এমন কি ঋণের জালায় কাগজ ছাপাইয়া তিনি দ্বারে দ্বারে ভিক্ষাপ্রার্থী হন, কিন্তু তাহাতেও কোন ফললাভ করেন নাই। এই সময় উত্তমের

সকল অত্যাচার তিনি অগ্নিবদনে সহ করিয়াছেন, তাহা মনুষ্যের সাধ্য নহে। শেষে বিরক্ত হইয়া তিনি থিয়েটার গৃহ ও ছাপাখানা বেচিয়া বড় বড় মহাজনদের দেনা কোন রকমে পরিশোধ করিলেন। কিন্তু তাহার পর তাঁহার গ্রাসাচ্ছাদনের পর্য্যন্ত বড় কষ্ট আরম্ভ হইল—এমন কি এক এক দিন সপরিবারে তাঁহাকে উপবাসীও থাকিতে হইয়াছিল।

ছুঃখের সীমা নাই—দেনার অন্ত নাই—কাল কি থাকিবে, এমন কোন সংস্থান নাই—এইরূপ সম্পূর্ণ নিরুপায় অবস্থায় পড়িয়া আমাদের কবির যখন হাবুডুপু খাইতেছেন, নানারূপ ছুঃখিন্তায় ও ছুঃভাবনায় কবির স্বাস্থ্য ও মন একবারে যখন ভঙ্গ হইয়া গিয়াছে—অর্শরোগ ও দারিদ্র্য বস্ত্রহার হাতে হইতে মুক্তিনাভের জন্ত কবি যখন আত্মহত্যা করিতেও প্রস্তুত, রোগের জালায় ছুঃফুট করিতে করিতে রোগ শয্যায় পড়িয়া কবি যখন নিয়তই কাতরকণ্ঠে ডাকিতেন—“ভগবান, আমার অদৃষ্টে কি মৃত্যু নাই?” এমন সময় স্বয়ং ভগবানই যেন ষ্টার থিয়েটারের অধ্যক্ষরূপে আমাদের কবিকে দর্শন দিলেন—নিরাশ্রয় কবি ষ্টার থিয়েটারে আশ্রয় পাইলেন। যে কবি নগরবাসীর দ্বারে দ্বারে ভিক্ষা করিয়াও কোন বিশেষ সাহায্য পান নাই—যিনি প্রকাশ্যে সংবাদপত্রে সাধারণের নিকট ভিক্ষাপ্রার্থী হইয়াও সম্পূর্ণ বিফলমনোরথ হন, সেই কবির ছুঃখের কাহিনী গুনিয়া ষ্টার থিয়েটারের প্রধান অধ্যক্ষ আমাদের অধ্যক্ষের সভার সভাপতি তাঁহাকে মাথায় করিয়া আপন থিয়েটারে আনিলেন। তাঁহার অর্থকষ্ট দূর করিলেন—তাঁহার রোগের চিকিৎসা ও সুশ্রাব্য ও বন্দোবস্ত করিয়া দিলেন। নিরাশ্রয় রুগ্ন কবি শেষ দশায় এই আশ্রয়ে থাকিয়া অনেকটা সুস্থ হইতে পারিয়াছিলেন। এই সময় তিনি সর্বদাই বলিতেন—“যদি গুরুদাস বাবু ও ষ্টার থিয়েটার না থাকিত, তবে আমার দশা কি হইত?” বাস্তবিক আমাদের পরমভক্তিভাজন শ্রদ্ধাম্পদ গুরুদাস বাবু আজ পর্য্যন্ত মৃত-কবির বিধবাপত্নী ও নাবালকপুত্রের সংসার খরচ বোগাইতেছেন এবং ষ্টার থিয়েটারের অধ্যক্ষগণও কবির মৃত্যু হইতে আজ পর্য্যন্ত তাঁহার পরিবারবর্গের তত্ত্বাবধান করিয়া আসিতেছেন। ইহার জন্ত তাঁহারা সাধারণের নিকট বিশেষ ধন্যবাদই বলিয়া আমি মনে করি।

এই ষ্টার থিয়েটারে আসিয়া কবি রুগ্নশয্যায় পড়িয়াও

“নরমেধযজ্ঞ”, “লয়লামজু”, “ঋষ্যশৃঙ্গ”, “বনবীর”, “বনজীর বদরেনমির” এই পাঁচখানি নাটক ও গীতিনাট্য রচনা করেন, এবং তাহাদের অভিনয়েও বিশেষ সখ্যাতি হয়। “নরমেধযজ্ঞের” কুশীদজীবী মণিদত্তের চরিত্র কবির হাড়ে হাড়ে গাঁথা ছিল। নাটকেও সেই চরিত্র বড় উজ্জলবর্ণে অঙ্কিত হইয়াছে। আমরা জানি—এই নাটকের অভিনয় দেখিয়া তাঁহার জনৈক ভয়ঙ্কর সুদখোর মহাজন তাঁহাকে সমস্ত সুদ রেহাই দিয়াছিলেন।

সাংসারিক লোকের ছায় কবির সংসার অভিজ্ঞতা থাকে না। কবির বিষয় বুদ্ধিও বড় দেখিতে পাওয়া যায় না—সেই কারণেই আমাদের মনে হয়—কবি মাত্রেই যেন ছুঃথকে চিরসঙ্গী না করিয়া থাকিতে পারেন না। ফল কথা প্রধানতঃ দেখিতে পাওয়া যায়—ছুঃখী না হইলে প্রায়ই কবি হয় না—আবার কবি হইলেই যেন কোথা হইতে ছুঃথকে টানিয়া আনে। আমাদের কবির ৩৭ রাজকৃষ্ণ রায়ের জীবনীতেও আমরা তাহাই দেখিতে পাই।

এইবার আমরা কবির দুইটি কীর্তিস্তম্ভের উল্লেখ করিয়া আমাদের এই প্রবন্ধের উপসংহার করিব। বাঙ্গালা সাহিত্যে কবির প্রথম কীর্তি—রামায়ণ, দ্বিতীয় কীর্তি—মহাভারত। কবি যদি আর কোন গ্রন্থ না লিখিয়া কেবল এই দুইখানি রাখিয়া যাইতেন, তাহা হইলেও বাঙ্গালা সাহিত্যে তিনি অমরত্বলাভ করিতেন। ভবিষ্যতে তাঁহার আর সমস্ত গ্রন্থ আমরা ভুলিয়া যাইতে পারি—কিন্তু তাঁহার রামায়ণ ও মহাভারতের কথা আমরা কখনই ভুলিতে পারিব না। এই মহাগ্রন্থের মূল সংস্কৃত হইতে বাঙ্গালা পত্রে অনুবাদ করিয়া কবির বাঙ্গালা সাহিত্যে এক অক্ষয় কীর্তি রাখিয়া গিয়াছেন। কীর্তিবাসের রামায়ণ ও কাশীরামের মহাভারত পত্রে রচিত হইলেও তাহা মূল সংস্কৃতের অনুবাদ নহে। এমন কি—তাঁহাদের উভয়েই নাকি সংস্কৃত আদৌ জানিতেন না। কথকের কথকতা গুনিয়াই নাকি তাঁহারা রামায়ণ ও মহাভারত রচনা করিয়াছিলেন। মূলের সহিত অনেক স্থলেই উভয় গ্রন্থের অট্টন্য দেখা যায়। কোথাও মূলের অংশ পরিত্যক্ত হইয়াছে, কোথাও বা মূল অপেক্ষা অনেক পরিবর্তিত দৃষ্ট হয়। সুতরাং ঐ দুই গ্রন্থকে কীর্তিবাসের রামায়ণ ও কাশীরামের মহাভারতই বলা যাইতে পারে। আমাদের কবি মূল সংস্কৃত বজায় রাখিয়া এই

দুই গ্রন্থের পদ্যানুবাদে বাঙ্গালা সাহিত্যের যে কি মহোৎসাহ নবন করিয়াছেন, তাহা আমি বর্ণনা করিতে সম্পূর্ণ অক্ষম। আর কেবল কি পদ্যানুবাদ? এই দুই গ্রন্থের যে সকল গীতা তিনি সংগ্রহ করিয়া প্রকাশ করিয়াছেন, তাহাতেও তাঁহার অশেষ পাণ্ডিত্য, অমানুষিক অধ্যবসায় ও গুরুতর পরিশ্রমের পরিচয় পাওয়া যায়।

রামায়ণ ও মহাভারত সাধারণ লোকশিক্ষার জন্যই রচিত হয়, আমাদের কবিও সেই জন্য একরূপ প্রাঞ্জল ভাষায় ইহাদের অনুবাদে রুতকার্য্য হইয়াছেন যে, সে অনুবাদ সাধারণের বোধগম্য হইবে। এমন কি স্ত্রীলোকগণের বুদ্ধিতেও কোনরূপ কষ্ট হইবে না। সুতরাং সাধারণ লোকশিক্ষার্থে কবি আমাদের কবিও যে দুই অমূল্য রত্ন দিয়া গিয়াছেন, তাহা চিরকাল বাঙ্গালা সাহিত্যে শোভাবর্দ্ধন করিবে বলিয়া আমার দৃঢ় বিশ্বাস।

আমরা দুই ছত্র কবিতা লিখিতে গিয়া এক গা ঘামিয়া পড়ি। আর আমাদের কবির কীরূপে অবলীলাক্রমে অনর্গল কবিতা রচনা করিতে পারিতেন আমি এই স্থলে তাহার সেই আশ্চর্য্য কবিতা রচনা-ক্ষমতার কিছু পরিচয় দিব। তাঁহার রামায়ণ ছাপা চলিতেছে, শ্রীমান দুর্গাদাস লাহিড়ী, বাবু শরচ্চন্দ্র দেব ও আমি সে দিন তখন তাঁহার ছাপাখানায় বসিয়া আছি। কথায় কথায় দ্রুত কবিতা রচনার কথা উঠিল। রাজকৃষ্ণ বাবু আমাদের তিন জনকে কাগজ ও কলম লইতে বলিলেন। আর তিনি রামায়ণের তিনটি বিভিন্ন সর্গ ধরিয়া আমাদের তিন জনকে একে একে মনে মনে পদ্যে অনুবাদ করিয়া মুখে মুখে কবিতা বলিতে লাগিলেন। আর আমরা তিনজনে অতি দ্রুত লিখিয়া তাহা লিপিবদ্ধ করিতে ছিলাম। মনে রাখিবেন—মূল রামায়ণের তিনটি বিভিন্ন স্থল হইতে তিনি একই সময়ে পদ্যে অনুবাদ করিয়া বলিতেছেন, আর আমরা তিন জনে তাহা লিখিয়া শেষ করিতে কষ্ট পাইতেছি! ইহা অপেক্ষা দ্রুত কবিতা রচনার উজ্জল দৃষ্টান্ত আর কি হইতে পারে?

এদেশে কবির ৬মাইকেল মধুসূদন দত্তই প্রথমে বাঙ্গালা ভাষায় অমিত্রাক্ষর ছন্দ প্রবর্তিত করেন। তখন চতুর্দশ অক্ষরে মিত্রাক্ষরিক পয়ার ছন্দই কেবল বাঙ্গালা ভাষায় প্রচলিত ছিল। বঙ্গ রঙ্গভূমিতে যখন মাইকেলের মেঘনাদ বধের অভিনয় প্রথম আরম্ভ হইল, তখন দেখা গেল

যে সেই অমিত্রাক্ষর ছন্দ ডাঙ্গিয়া একটা অভিনয়িক ছন্দ প্রস্তুত করা যাইতে পারে। তাহাতে আর চৌদ্দ অক্ষরের গণ্ডীর মধ্যে থাকিতে হয় না, অথচ সে ছন্দ অভিনয়ের পক্ষেও বিশেষ উপযোগী হয়। আমাদের শ্রদ্ধাস্পদ কবি গিরিশচন্দ্রই প্রথমে বাঙ্গালার নাটকে এই ছন্দের অবতারণা করেন। কবির ৬রাজকৃষ্ণ রায় কিন্তু তাঁহার হরধনুর্ভঙ্গ নাটকের ভূমিকায় লিখিয়াছেন যে তিনিই প্রথমে অভিনয়োপযোগী নাটকে এই ছন্দের পক্ষপাতী হন, এবং গিরীশ বাবুর ঐ ছন্দের নাটক বাহির হইবার পূর্বে সন ১৮৮১ সালে “নিভৃত নিবাস” নামক তাঁহার একখানি কাব্যগ্রন্থে এই ভাঙ্গা অমিত্রাক্ষর ছন্দের তিনিই প্রথম নমুনা দেখান।

আমি কবির অসংখ্য গ্রন্থ ও কবিতা রচনার কতক আভাস মাত্র আপনাদিগকে দিয়াছি, এবং তাঁহার সেই সকল গ্রন্থ পাঠ করিয়াও আপনারা অসাধারণ কবিত্বের পরিচয় পাইয়াছেন। কিন্তু তাঁহার মনুষ্যত্বের সম্বন্ধে এখনও কোন কথা বলা হয় নাই। উপসংহার কালে সে কথা না বলিয়া আমি থাকিতে পারিতেছি না। রাজকৃষ্ণ বাবুর ন্যায় সরল, সহৃদয়, সত্যানুরাগী ও কর্তব্যপরায়ণ লোক আমি অতি অল্পই দেখিয়াছি। এমন সরল মন—যে, যে যাহা বলিত, তিনি তৎক্ষণাৎ তাহাই বিশ্বাস করিতেন। কাহার প্রতি তাঁহার অবিশ্বাস ছিল না। ইহার জন্য হয়ত কতবার তাঁহাকে প্রতারিত হইতে হইয়াছে, তথাপি তাহার সে মনের পরিবর্তন আমরা কখন দেখি নাই। তিনি নিজে আশৈশব দরিদ্র ছিলেন বলিয়া দরিদ্রের দুঃখ বুঝিতেন। কাহার দুঃখের কাহিনী শুনিলে তিনি কাঁদিয়া ভাসাইয়া দিতেন। একদিনের একটি ঘটনার কথা বলি শুনুন। তখন তাঁহার অবস্থা বড়ই শোচনীয়। প্রেসের লোকজনের অনেক মাহিনা বাকি পড়িয়া গিয়াছে। গুরদাস বাবুর নিকট হইতে কিছু টাকা হাওলাৎ করিয়া সেদিন সকলকে কিছু কিছু মাহিনা দেওয়া হইল। একটি মাত্র টাকা নিজের সংসার খরচের জন্ত রাখিলেন। সে দিনকার চাউল, কয়লা, বাজার ইত্যাদি সমস্তই সেই টাকাটির উপনির্ভর করিতেছে। এমন সময় তাঁহার দপ্তরী আসিয়া কহিল—“বাবু দেশে আমার জ্বর ভয়ঙ্কর পীড়ার সংবাদ পাইয়াছি। রাহাখরচ অভাবে দেশে যাইতে পারিতেছি না। রাজকৃষ্ণ বাবু সে কথা শুনিয়া সেই অবশিষ্ট টাকাটি তৎক্ষণাৎ

দপ্তরীকে দিলেন” এবং মিনতি করিয়া কহিলেন—“বাবু, আমার আর এক কপর্দকও নাই”। আমি অর্থাৎ হইয়া গেলাম। কিছুক্ষণ পরে আমি কহিলাম—“আজ আপনার সংসার খরচের কি উপায় হইবে?” কবির ঈষৎ হাসিয়া উত্তর করিলেন—“ভগবান্ দেন উপায় হইবে, নচেৎ সপরিবারে উপবাস করিব।” একরূপ কত শত ঘটনা আমি স্বচক্ষে দেখিয়াছি, যাহাতে তাঁহার মনুষ্যত্বের যথেষ্ট প্রমাণ পাওয়া গিয়াছে।

রাজকৃষ্ণ সম্বন্ধে এখনও অনেক কথা বলিতে বাকি রহিয়া গেল। আমার মনে হইতেছে যেন তাঁহার সম্বন্ধে কোন কথাই এখনও বলা হয় নাই। সম্প্রতি সাংসারিক ও বৈষয়িক ঘটনায় আমি একরূপ বিব্রত যে সে সকল কথা এই প্রবন্ধে লিপিবদ্ধ করিবার আমার আদৌ অবসর নাই। তবে একটি কথা বলিব—কবির ৬রাজকৃষ্ণ রায় কোন শ্রেণীর কবি কিম্বা তাঁহার কাব্য ও নাটকাদির সমালোচনা আমার এ প্রবন্ধের উদ্দেশ্য নহে এবং আমার দ্বারা তাহা সম্ভব বলিয়াও আমি মনে করি না। আমার মতে সে সময়ও এখন উপস্থিত হয় নাই। আজিকার এই শোক সত্য কবির জন্য শোক করিতে আমরা আসিয়াছি সেই কারণ আমিও কেবল তাঁহার দুঃখের কাহিনীর অবতারণা করিয়া সেই শোক উদ্দেকের চেষ্টা পাইয়াছি। আর তিনি যে কীরূপ দারিদ্র্য যন্ত্রণার সহিত যুদ্ধ করিতে করিতে এই সকল অসংখ্য কাব্য ও নাটকাদি লিখিয়াছেন, তাহাও দেখাইতে চেষ্টা পাইয়াছি।

আজ যে আমরা আমাদের কবির ৬রাজকৃষ্ণের জন্য শোক করিতে এতগুলি সাহিত্যসেবী এই স্থলে একত্রিত হইতে পারিয়াছি—ইহাতেও আমার আনন্দ হইতেছে। এস ভাই এই সত্য সকলে মিলিয়া আমাদের মৃত কবির উদ্দেশে দুই ফোঁটা চক্ষের জল ফেলি। রাজকৃষ্ণের স্মৃতি চিহ্নের আবশ্যিক নাই। তাঁহার অসংখ্য গ্রন্থরাশিই তাঁহার অক্ষয় স্মৃতিচিহ্ন হউক। আর যদি মৃত কবির প্রতি সম্মান দেখাইবার জন্য নিতান্তই আমাদের মন অস্থির হয়, এস ভাই তাঁহার গ্রন্থ খরিদ করিয়া তাঁহারই অনাথা বিধবা পত্নী ও নাবালক পুত্রের গ্রাসাচ্ছাদনের উপায় করি।

কবির! তুমি বঙ্গ সাহিত্যে অক্ষয়কীর্তি রাখিয়া স্বর্গে চলিয়া গিয়াছ। সুতরাং তুমি ধন্য। তুমি সেই

অনন্তধামে গিয়া সাংসারিক সকল দুঃখ যন্ত্রণার হাত হইতে মুক্তি লাভ করিয়াছ, সুতরাং এখন তুমি ভাগ্যবান পুরুষ। আমরা আর তোমার সেই হাসি মুখ দেখিতে পাইব না। আর তোমার স্নেহপূর্ণ মিষ্টকথাও শুনিতে পাইব না।— কারণ এক্ষেত্রে আমরাই ভাগ্যহীন।

শ্রীযোগেন্দ্রনাথ চট্টোপাধ্যায়।

## সপত্নী।

### তৃতীয় পরিচ্ছেদ।

রত্নেশ্বর বাবুর নিকট অপমানজনক বাক্য শ্রবণ করিয়া নরেশচন্দ্র অবনত মস্তকে তাঁহার নির্দিষ্ট কক্ষে প্রবেশ করিলেন। তাঁহার মনে হইতে লাগিল, এ শব্দ-গৃহে আর এক দিনও তাঁহার বাস করা উচিত নহে। অতঃপর তিনি এ স্থানে আর থাকিবেন না বলিয়া সংকল্প করিলেন। তিনি যখন চিন্তাকুল ভাবে এই সকল বিষয়ের আলোচনা করিতেছেন, তখন বাহির হইতে শব্দ হইল, “বাবা এখানে আছ কি?”

রত্নেশ্বর বাবুর পত্নী বাহির হইতে এই প্রশ্ন জিজ্ঞাসা করিয়া কোন উত্তর প্রাপ্তির পূর্বেই কক্ষ মধ্যে প্রবেশ করিলেন। তাঁহাকে দর্শনমাত্র নরেশচন্দ্র সসম্মানে বলিলেন,—“আপনি আসিয়াছেন মা, বড়ই ভাল করিয়াছেন, আমি এ বাটীতে আর থাকিব না, আপনি আমাকে গর্ভধারণীর স্থায় স্নেহ যত্নে পালন করিতেছেন, এজন্ত আপনার চরণ হইতে বিদায় লইতে আমার কষ্ট হইবে। কিন্তু মা, এ অধম সন্তান যে ভাবে যেখানেই থাকুক না কেন, চিরদিন আপনার অনুগত, আজ্ঞাধীন ও চিরকৃতজ্ঞ সন্তানরূপেই কালযাপন করিবে সন্দেহ নাই। এ বাটীতে আর কাহারও সত্বিত শেষ সাক্ষাৎ বা কাহারও নিকট হইতে বিদায় গ্রহণের প্রয়োজন নাই। আপনার স্ত্রীচরণ দর্শন না করিয়া যাত্রা করিতে হইলে আমার ক্লেশের সীমা থাকিত না। আমার বড়ই স্নেহ যে বিদায় কালে আপনার চরণকমল দর্শন করিতে পাইলাম। এ বাটীর কোন সামগ্রীই আমার মছে। আমি রিক্ত হস্তে

আপনাদের আশ্রয়ে আসিয়াছিলাম; কিন্তু হস্তে অণু প্রস্থান করিতেছি।

নরেশ অতি বিনয়ভাবে শ্রদ্ধাচুরাণীর চরণে প্রণাম করিলেন। গৃহিণী অধোমুখে অপেক্ষা করিতেছিলেন, তাঁহার নয়নে জল। প্রণাম সমাপ্ত হইলে তিনি বলিলেন, “বাবা তোমার সহিত হেমলতা যেরূপ মন্দ ব্যবহার করিয়াছে তাহার কথা আমি শুনিয়াছি; কর্তা যেরূপ রূঢ় কথা তোমাকে বলিয়াছেন, তাহাও আমি শুনিয়াছি। কিন্তু যিনি যাহাই বুঝিয়া থাকুন, আমি বেশ জানি তুমি তোমার প্রথমা স্ত্রীর সহিত সাক্ষাৎ করিয়া কোন মন্দ কার্য্য কর নাই। সে বালিকা তোমার ধর্ম্মপত্নী; তাহার সহিত তুমি কখন আলাপ না রাখিলে তোমার অধর্ম্ম হইবে। তোমার আর এক স্ত্রী আছে জানিয়াই তোমাকে আমরা কত্না সম্প্রদান করিয়াছি। এক্ষণে সে জন্ম তোমার সহিত মন্দ ব্যবহার করিলে পাপ হইবে। যাহা হইয়াছে তাহা মনে করিয়া তোমার সহিত মুখ তুলিয়া কথা কহিতে পারিতেছি না। এরূপ ব্যবহারের পর তোমার আর এক দণ্ডও এখানে থাকিতে ইচ্ছা না হওয়াই উচিত। তা বাবা, আমি তোমার মা, তুমি মার অনুরোধ রক্ষা কর। আজ তুমি এখানে থাক, আমি একবার সকলের সঙ্গে কথা কহিয়া ভাব গতিক বুঝি; তাহার পর আমরা হয়ে সকল কথা শুনিয়া তুমি যাহা হয় করিও।”

নরেশ বলিলেন,—“আপনার আজ্ঞা লঙ্ঘন করিতে আমার সাধ্য নাই। আজি অতি কষ্টে আমি এ স্থানেই থাকিব; কিন্তু মা, কল্যা আর আপনি কোন অনুরোধ করিবেন না।”

গৃহিণী বলিলেন,—“কল্যা কি হইবে, তাহা এক্ষণে ভাবিয়া কাজ নাই। তুমি আমার অনুরোধ পালনে সক্ষম হওয়ার আমি পরম সুখী হইলাম। আশীর্বাদ করি, তোমার চরণে যেন কখন কুশাস্কুরও না বিদ্ধ হয়। আমি এক্ষণে প্রস্থান করি। আবার শীঘ্র সাক্ষাৎ করিয়া সকল কথা জানাইব।

নরেশ অধোমুখে দাঁড়াইয়া রহিলেন। গৃহিণী প্রস্থান করিলেন।

দিনমান একরূপে কাটিয়া গেল। সন্ধ্যার পর রত্নেশ্বর

বাবু বৈঠকখানা হইতে নরেশচন্দ্রকে ডাকিয়া পাঠাইলেন নরেশ অকুণ্ঠিতচিত্তে ও অকাতরভাবে তথায় উপস্থিত হইলেন। নরেশ বাবু দেখিলেন, তথায় তাঁহার মহাশয় একজন বন্ধু সহ বসিয়া আছেন; আর তাঁহার পিতৃদেব একটু দূরে এক স্বতন্ত্র আসনে উপবিষ্ট। নরেশ চন্দ্র প্রথমেই পিতার সমীপস্থ হইয়া ভক্তি সহকারে তাঁহার চরণে প্রণাম করিলেন। তাঁহার পিতা কোন কথা জিজ্ঞাসা করিলেন না। সকলের মুখের ভাব দেখিয়া নরেশ বুঝিলেন, পূর্বে নিশ্চয়ই অনেক কথাবার্তা হইয়া গিয়াছে তিনি নির্ঝক ভাবে দাঁড়াইয়া রহিলেন।

রত্নেশ্বর বাবু বলিলেন,—“তোমার পিতা আসিয়াছেন। তোমার হাতে যখন কত্না দান করি, তখন তোমার পিতা ধার্য্য করিয়াছিলেন, যে তুমি তোমার প্রথম পত্নীর সহিত জীবনে কখন সাক্ষাৎ করিবেন না। এ কথা সত্য কি না, তুমি তোমার পিতাকে জিজ্ঞাসা করিয়া জানিতে পার।”

নরেশ বাবু বলিলেন,—“আমার পিতা যে এরূপ প্রতিজ্ঞা করিয়াছিলেন, তাহা আমি জানি।”

রত্নেশ্বর বাবু বলিলেন,—“তবে তুমি সে প্রতিজ্ঞা ভঙ্গ করিয়া অপরাধী হইলে কেন?”

নরেশ কোন উত্তর দিবার পূর্বে তাঁহার পিতা বলিলেন,—“বৈবাহিক মহাশয়, যাহা হইয়া গিয়াছে তাহার হাত নাই। ভবিষ্যতে নিশ্চয়ই নরেশ বাবুকে বিশেষ সাবধান হইয়া কার্য্য করিবেন। এবার আপনি ক্ষমা করুন, আর কখন এরূপ ঘটবে না।”

নরেশ বলিলেন,—“বাবা, আপনার সত্য পালন করিতে যদি আমার জীবনান্ত হয়, তাহাতে আমি কদাপি পশ্চাৎপদ হইব না। প্রার্থনা করিতেছি, আপনার চরণে ধরিতেছি, আপনি এ সম্বন্ধে আর কোন সত্যে বদ্ধ হইবেন না। আমি সম্প্রতি এখানে যে সকল ব্যবহার সহ করিয়াছি, তাহার পর ভবিষ্যতে আমি কি করিব তাহা এখন বলিতে পারি না।”

রত্নেশ্বর বাবু বলিলেন,—“তুমি যে কার্য্য করিয়াছ তাহার মত কোন শাস্তিই তোমাকে এখনও ভোগ করিতে হয় নাই; তথাপি তুমি আমাদের ব্যবহার মন্দ বলিয়া স্থির করিয়াছ; বেশ করিয়াছ, তাহাতে আমাদের

কোনই ক্ষতি নাই। তোমার অবিবেচনায়, তোমার সৃষ্ট দোষে আমার একমাত্র তনয়ার হৃদয়ে শেল বিধি-  
য়াছে। সে নিরন্তর কাঁদিয়া কাল কাটাইতেছে। তাঁহার চক্ষুতে যে হতভাগ্য জল ফেলাইয়া সুখী হয়, আমি তাহাকে অনায়াসে রসাতলে পাঠাইতে পারি। সে কথা যাউক, তোমার পিতার অনুরোধে আমি তোমাকে এবার ক্ষমা করিতে সম্মত আছি। তুমি ভবিষ্যতে কিরূপ ব্যবহার করবে, তাহা জানিতে পারিলে, আমিও তোমার সম্বন্ধে কর্তব্য অবধারণ করিব। অতএব বল, তোমার মনের অভিপ্রায় কি?”

নরেশ কোন উত্তর দিবার পূর্বে তাঁহার পিতা বলিলেন,—“অভিপ্রায় কি, কেন জিজ্ঞাসা করিতেছেন? যাহা আপনি বলিবেন, তাহাই করিতে হইবে। ছেলে মানুষ না বুঝিয়া অগ্রায় কাজ করিয়া ফেলিয়াছে, আপনি পরম বিজ্ঞ; পুত্রের অপরাধ ক্ষমা করাই কর্তব্য।”

নরেশ বলিলেন,—“আমি যদি কোন অপরাধ করিয়া থাকি, সে জন্ম ক্ষমা প্রার্থনা করিতে প্রস্তুত আছি। বাবা, আপনি সত্য করিয়াছিলেন, আপনার প্রথমা পুত্র-  
বধুর সহিত আমি কখন সাক্ষাৎ করিব না। আমি যথাসাধ্য যত্নে এ পাঁচ বৎসর সে সত্য পালন করিয়াছি, তাঁহার সহিত সম্প্রতি আমার সাক্ষাৎ হইয়াছে সত্য, কিন্তু আমি স্বয়ং ইচ্ছাপূর্বক সাক্ষাতের কোন আয়োজন করি নাই। যাহা হইয়াছে তাহাতে যে কোন পাপ ঘটিয়াছে এরূপ আমি মনে করি না। আমি সে জন্ম অনেক অপমান, তিরস্কার ও অসদ্ব্যবহার ভোগ করিয়াছি। অতঃপর ভবিষ্যৎ সম্বন্ধে আপনি আর কোন সত্য বন্ধন করিবেন না; আমিও সে বিষয়ে কোনই প্রতিজ্ঞা করিতে পারিব না।”

রত্নেশ্বর বাবু ক্রোধকম্পিতকণ্ঠে বলিলেন, “দেখ চট্টোপাধ্যায়, তোমার পুত্রের সাহস দেখ। যে হতভাগ্য পুত্রের ভিক্ষুক হইয়া কাল কাটাইত, যাহার অন্ন বস্ত্রের কোনই সংস্থান ছিল না, আমি দয়া করিয়া কন্যা দান না করিলে যাহার দুর্দশার সীমা থাকিত না, যে এখন আমার জামাতা হইয়া সুখ ভোগ করিতেছে তাহার অহঙ্কারের কথা শুনিয়া ক্রোধে আপাদমস্তক জ্বলিতে থাকে। মন্দাধম, তুই তোর পিতাকে ভবিষ্যৎ সম্বন্ধে কোন প্রতিজ্ঞা

করিতে নিবেদন করিতেছিস! তুই কি পরে ইচ্ছামত ব্যবহার করিবি মনে করিয়াছিস?”

নরেশ নীরব। পিতৃ সমক্ষে এরূপ নিষ্করণ তিরস্কার তাঁহার মস্তে আঘাত করিল। তিনি কোন উত্তর দিতে পারিলেন না। এ অপমান তাঁহার পিতার হৃদয়েও বড়ই গুরুতররূপে আঘাত করিল। তিনি বলিলেন,—“বৈবাহিক মহাশয়, আপনি আমাকে বৈবাহিক বলিয়া একবারও সম্বোধন করেন নাই, আমাকে কোনরূপ সমাদরও করেন নাই। সত্য বটে আপনি রাজরাজেশ্বর, আর আমি নিতান্ত দীনহীন। কিন্তু আমি আপনার অপেক্ষা কুলে বড় এবং আমি পুত্রের পিতা। এ অবস্থায় বোধ হয়, সমাজে আমারই বেশী সম্মান হওয়া সম্ভব। সে কথা যাউক, আমার পুত্র যে কার্য্য করিয়া আপনার বিরাগভাজন হইয়াছে, তাহা যে এককালে অকর্তব্য পাপকার্য্য এ কথা কোন বিজ্ঞ লোকই বলিতে পারেন না। আপনি ও আপনার কত্না এই তুচ্ছ ব্যাপার লইয়া আমার পুত্রের যেরূপ দুর্গতি করিতেছেন, তাহাতে তাহার মন সহজেই বিরক্ত হইতে পারে এবং ভবিষ্যৎ সম্বন্ধে সে ইচ্ছানুরূপ ব্যবহার করিতে উদ্বৃত হইতে পারে। বাস্তবিকই আমার পুত্র নিতান্ত দরিদ্র; কিন্তু সে লেখা পড়া শিখিয়াছে এবং সর্ব্বত্রকার কর্ম্মক্ষম হইয়াছে। সে যে কোনরূপ কর্ম্ম দ্বারা জীবিকা পাত করিতে পারিত না, এরূপ মনে করা অগ্রায়। সত্য বটে, আপনার জামাতা হওয়ার তাহার অনেক মৌভাগ্য হইয়াছে; কিন্তু তাই বলিয়া সে আপনার ক্রীতদাস হয় নাই এবং সকল স্বাধীনতা বিসর্জন দিয়া সর্ব্বতোভাবে আপনার আজ্ঞাধীন হয় নাই। আপনার ব্যবহারে আমি অতিশয় অপমানিত ও দুঃখিত হইয়াছি।”

রত্নেশ্বর বাবু অতিশয় উত্তেজিত স্বরে বলিলেন,— “তুমি অপমানিত হইয়াছ, তুমি দুঃখিত হইয়াছ! তবে তো আমার সর্ব্বনাশ হইবে দেখিতেছি। তোমার মত সামান্ত লোকের আবার অপমান কি? তোমার শ্রায় ইতর লোকের পুত্রকে আমি কত্নাদান করিয়াছি, ইহাতে আমার লজ্জার সীমা নাই, তোমাকে বৈবাহিক বলিয়া ডাকিতে হইলে আমার মাথা কাটা যাইবে। তোমার শ্রায় অনেক কুলীন আমার পাকশালায় কাজ করে। বাও তুমি, এখান হইতে দূর হইয়া যাও।”



কুমুদিনী বলিলেন,—“বোধ হয় রান্নাঘরের কোন কাজে আছেন। বাবুর সহিত তাঁহার এ ছুঃখিনী দাসীর সম্বন্ধে এবার কি কথা হইয়াছে দিদি?”

লবঙ্গ বলিল,—“অনেক কথা হইয়াছে। নরেশবাবু তোমার সহিত পুনরায় সাক্ষাতের জন্ত পাগল।”

কুমুদিনী বলিলেন,—“এ দাসী তাঁহার চরণ সেবার অধোগা। তথাপি যদি তিনি দাসীর সামান্য সেবায় তুষ্ট হইয়া থাকেন, তাহা হইলে পরম সৌভাগ্য। কিন্তু সত্য করিয়া বল, লবঙ্গ দিদি, তিনি আমার সেই সুন্দরী সতিনীর নিকটে গিয়া আমাকে একেবারে ভুলিয়া যান নাই তো?”

লবঙ্গ বলিল,—“সত্য করিয়াই বলিতেছি, তিনি তোমাকে ভুলেন নাই। ভুলা দূরে থাকুক, তাঁহার মুখে সারাদিন কেবল তোমারই কথা, তাহাতেই তো গোল বাধিয়াছে। তিনি তোমার সেই সতিনীর কাছেও তোমার অনেক সুখ্যাতির কথা কহিয়া ফেলিয়াছেন। সে বড় রাগী, ভারী ঝগড়াটে। সে নরেশ দাদার সহিত অনবরত ঝগড়া করিয়া বড় বিব্রত করিয়াছে।”

কুমুদিনী বলিলেন,—“তবে কি হইবে? এ ক্ষুদ্র সেবিকার জন্ত তাঁহাকে এখন অশেষ যত্ন পাাইতে হইতেছে।”

লবঙ্গ বলিল,—“তা হইতেছে সত্য, কিন্তু সে জন্ত চিন্তার কোন কারণ নাই। দাদা জোর করিয়া বলিয়াছেন, ‘এমন করিয়া আমাকে জ্বালাতন করিলে, আমি এখান হইতে চলিয়া যাইব।’ কাজেই হেমলতা মনের আগুন মনেই ঢাকিয়া আছেন।”

কুমুদিনী একটু চিন্তা করিয়া বলিলেন,—“তোমার নিকট যে দরখাস্ত করিয়াছিলাম তাহার কি হইল? আর একবার সাক্ষাৎ! লবঙ্গ দিদি, আর একবার সেই দেবতার চরণ দর্শন করিতে পাইলে তাঁহার দাসী প্রাণ ভরিয়া মনের কথা নিবেদন করিত।”

লবঙ্গ একটু হাসিয়া বলিল,—“তাহাও হইবে, তিনি সেজন্ত খুব ব্যস্ত আছেন। তোমার লবঙ্গ দিদির যখন সকল বিষয়ের সুব্যবস্থা করিবার ভার দিয়া তিনি নিযুক্ত করিয়াছেন, তখন সকলই ভাল হইবে। শীঘ্রই শুভ সংবাদ পাইবে। আজি আমি আর বেশী ক্ষণ থাকিব না।

নোকা দাঁড়াইয়া আছে। আবার শীঘ্র আসিব। যখন সকল দিকেই তোমার মঙ্গল হইবে, তখন কিন্তু দিদি, এ লবঙ্গী পোড়ারমুখীর কথা ভুলিও না।”

কুমুদিনী একটু দীর্ঘ নিশ্বাস ত্যাগ করিয়া বলিলেন,—“ভগবান জানেন, তোমাকে আমি অন্তরের সহিত ভালবাসি কি না। তুমি আমার জন্ত যে কষ্ট করিতেছ, তাহার পুরস্কার নাই। আমি হেমলতাকে বঞ্চিত করিতে চাহি না। তাহার হাত হইতে স্বামী কাড়িয়া লইতে চাহি না; তিনি স্বামীর বিবাহিতা ধর্ম পত্নী, তিনি সুন্দরী, তিনি ধনবতী, গুণবতী। স্বামী তাহার হইয়াই স্বচ্ছন্দে থাকুন, ইহাই আমার কামনা। আমি কেবল কখন কখন, স্বামীর সুযোগ ও অবসর মতে এক একবার তাহার চরণ দর্শন করিতে চাহি। আমার এ সৌভাগ্য কি ঘটবে লবঙ্গ দিদি?”

লবঙ্গ বলিল,—“অবশ্য ঘটবে। সকলই ভাল হইবে। তোমার আশার অপেক্ষা অনেক বেশী ফলই তুমি পাইবে। এতক্ষণ অল্প কথায় রহিয়াছি, কাজের কথা বলা হয় নাই। তোমার জন্ত এক জোড়া দেশী ধোয়া সাজী আর দশটা টাকা পাঠাইয়াছেন।”

পুটুলী খুলিয়া লবঙ্গ এক জোড়া উত্তম বস্ত্র বাহির করিল এবং অঞ্চল বস্ত্রের প্রাপ্ত হইতে দশটা টাকা বাহির করিল।

কুমুদিনী বলিলেন,—“স্বামীর প্রদত্ত সামগ্রী বড় আদরের ধন। আজি আমি এ জীবনে প্রথম স্বামীর অন্ন ভোজন করিব, স্বামীর বস্ত্রে দেহ ঢাকিব। আজি আমার শুভদিন।”

কুমুদিনী অঞ্চল বস্ত্রে নয়ন মার্জন করিলেন। লবঙ্গ বলিল,—“তবে দিদি এখন আমি আসি। আমার আজি অনেক বরাত। আবার তিন চারি দিন পরে দেখা করিব। এবার বোধ হয় তোমাদের মিলনের ব্যবস্থা করিয়া আসিতে পারিব।”


লবঙ্গ গাত্রোথান করিল। কুমুদিনী তাহার হাত ধরিয়া বলিলেন,—“আমি কি বলিব? আমার সকল ভরসাই তোমার হাতে। দিদি, আমি যেন আশায় বঞ্চিত না হই।

লবঙ্গ অগ্রসর হইয়া বলিল,—“কোন চিন্তা নাই। সকলই ভাল হইবে।”

[২য় সংখ্যা।

প্রদীপ।

শুভ ভাগ।]



১। মহারাজ শ্রীল জগদীন্দ্রনাথ রায় বাহাদুর। ২। শ্রীযুক্ত কালীপ্রসন্ন কাব্যবিশারদ। ৩। শ্রীযুক্ত সুরেন্দ্রনাথ বন্দ্যোপাধ্যায়। ৪। শ্রীযুক্ত বৈকুণ্ঠনাথ সেন। ৫। শ্রীযুক্ত জে. চৌধুরী। ৬। রায় শ্রীযুক্ত নলিনাক্ষ বসু বাহাদুর। ৭। শ্রীযুক্ত মণিমোহন সেন। ৮। শ্রীযুক্ত হে. কুমারনাথ। ৯। শ্রীযুক্ত জে. ঘোষাল। ১০। শ্রীযুক্ত ভূপেন্দ্রনাথ বসু। ১১। মৌলবী আবদুল কাসিম।

CLASSIC PRESS.

তাহার পর লবঙ্গ চলিতে লাগিল। কুমুদিনী অঙ্গন প্রান্ত পর্য্যন্ত তাহার অনুগামিনী হইলেন। লবঙ্গ ধীরে ধীরে চলিতে চলিতে গঙ্গাতীরে পৌছিল। তথায় একখানি ছোট ভাউলিয়ায় সে আরোহণ করিল। নৌকা ছাড়িয়া দিল। তীর-বেগে পানসী কলিকাতা অভিমুখে অগ্রসর হইল।

পানসী অদৃশ্য হইলে কুমুদিনী দৌর্ঘনিশ্বাস ত্যাগ করিয়া গৃহে ফিরিলেন। ভাবিলেন, আশা ফলিবে কি? অবশ্য ফলিবে। তিনি দেবতা—লবঙ্গ বড় চমৎকার লোক।

### পঞ্চম পরিচ্ছেদ।

চারিদিন পরে লবঙ্গলতা আবার কুমুদিনীর কুটীর-প্রান্তরে দেখা দিল। এবার সে বড়ই স্তম্ভিত হইয়া আসিয়াছে—নরেশচন্দ্র কলিকাতায় আসিয়াছেন। কুমুদিনীর সহিত সাক্ষাতের নিমিত্ত তিনি উন্মাদপ্রায় হইয়াছেন। পরম মিত্র সুরেশের বাসায় তিনি অবস্থিত করিতেছেন। কুমুদিনীকে তথায় লইয়া যাইবার জন্য লবঙ্গলতা দূতীর শুভাগমন হইয়াছে। বড়ই স্তম্ভিত—কুমুদিনী আনন্দে বিহ্বলা, সন্ধ্যার পর নৌকা করিয়া তাহার যাত্রা করিবেন। এক ঘণ্টার মধ্যেই কলিকাতা পৌছিবেন।

বড় আনন্দের দিন। কুমুদিনীর জননী যথাসম্ভব বহু লবঙ্গের আহাঙ্গাদির ব্যবস্থা করিয়াছেন এবং বার বার তাহাকে অন্তরের আশীর্বাদ জানাইতেছেন, কুমুদিনীর কৃতজ্ঞতা অসীম। তিনি লবঙ্গকে আপনার ইষ্টদেবী জ্ঞানে তাহার প্রসাদনে প্রস্তুত। হাথ, কোঁতুক, আনন্দ ও উৎসাহে সময় যাইতেছে। তথাপি যেন দিন যায় না। কুমুদিনী ভাবিতেছেন, সন্ধ্যার আর কত দেরী। পোড়া দক্ষা রোজ শীঘ্র শীঘ্র আইসে; আজি এত বিলম্ব কেন?

কুমুদিনীর জননী চক্ষুতে একটু কম দেখেন। সন্ধ্যার পর গৃহকর্ম সম্পাদন বা ঘরের বাহিরে গমনাগমন তাহার পক্ষে কষ্টকর। কুমুদিনী ছই তিন দিন বাটী থাকিবেন না তাই তিনি জননীর সাহায্যার্থ আগামী কয়দিনের যে যে কার্য অগ্রে করিয়া রাখিলে চলে, তৎসমস্ত ব্যস্তভাবে সম্পন্ন করিতেছেন। জননীর নিষেধ না মানিয়াও ছইতা

অস্থির ও চঞ্চলভাবে গৃহকর্ম সম্পন্ন করিতেছেন, মধ্যে মধ্যে এক একবার রৌদ্রের দিকে দৃষ্টিপাত করিতে করিতে ভাবিতেছেন, বুঝি সন্ধ্যা হইয়া গেল, না না, এখনও দেরী আছে।

স্থির ছিল, সন্ধ্যার পর পানসী আসিবে। কুমুদিনী গৃহ-কর্ম সমাপ্তির পর লবঙ্গলতার কাণে কাণে জিজ্ঞাসিলেন,—“কই দিদি, নৌকা এখনও আসিল না?”

লবঙ্গ বলিল,—“সন্ধ্যার পর নিশ্চয়ই আসিবে। দাদা বাবুর কথারও নড় চড় হয় না, ব্যবস্থারও কোন অত্রথা হয় না, সে জন্ত কোন চিন্তা নাই। তুমি এখন সাজগোজ কর।”

কুমুদিনী বলিলেন,—“সাজগোজ! আমার আছেই বা কি? করিবই বা কেন? আমি কুংসিতা—দীনহীনা দেব-চরণে প্রণাম করিতে যাইব—সাজগোজের প্রয়োজন কি দিদি?”

লবঙ্গ বলিল,—“তা সত্য, তোমার কিছুই নাই, কিন্তু আমি ঠিক বলিতে পারি, দাদা বাবু নিশ্চয়ই অল্প দিনের মধ্যে তোমায় সোণায় মুড়াইয়া দিবেন।”

কুমুদিনী অধোমুখে বলিলেন,—“ছি দিদি সোণার কামনা আমার নাই। তাহার চরণ ধুলার আমি ভিখারিণী, তাহা পাইলেই আমি চরিতার্থ হইব। আর তুচ্ছ অলঙ্কারে দেহ সাজাইয়া কল কি? আমার গৌরবের অলঙ্কার সিঁথার সিন্দুর যেন শেষ দিন পর্য্যন্ত বজায় থাকে। আর কিছু আমি চাহি না।”

লবঙ্গ বলিল,—“তা ভাই তোমার যেরূপ গড়ন পেটন তার উপর অলঙ্কার উঠিলে অলঙ্কারের জন্ম সার্থক হইবে। সে জন্তও অলঙ্কার পরিতে হইবে।”

কুমুদিনী বলিলেন,—“আমি কালো বলিয়া দিদি আমাকে তামাসা করিতেছ না কি? যে কালো যে কুংসিতা তাহার সকল লোভই ত্যাগ করা উচিত। সত্যই দিদি, আমি সংসারের সকল লোভই ছাড়িয়া দিয়াছি। কেবল এক লোভ আমি ছাড়িতে পারি নাই, কখনও পারিব না। তাহার সেই চরণ কমলের সেবা করিবার সাধ, বোধ করি মরণের পরও আমি ছাড়িতে পারিব না। আমার সে সাধও সীমাবদ্ধ। তিনি আমার হইলেও, এখন পরের। প্রার্থনা করি, তিনি

পরের হইয়াই স্মৃৎ সচ্ছন্দে থাকুন। সেই পর যদি দয়া করিয়া, আমাকে হুঃখিনী ভগ্নী জ্ঞান করিয়া কখন কখন এক একবার সেই দেব সেবার অধিকার দেন, তাহা হইলেই এ হুঃখিনী শত রাজরাণীর অপেক্ষাও স্মৃথী হইবে। আমি দেবতার ভালবাসা চাহি না, আদর চাহি না, সোহাগ চাহি না, তাঁহাকে আপন করিয়া ভোগ করিতে চাহি না। সে সকল স্পর্ধা ও অমন সাহস এ হুঃখিনীর নাই। আমি বামন হইয়া চাঁদ ধরিবার আশা কেন করিব দিদি! আমি কেবল কাতরভাবে সেই দেবতার চরণ স্মরণ করিয়া প্রার্থনা করি, দয়াময়! এই ভিক্ষা দেও, যেন কখন কখন তোমার চরণ সেবার স্মৃৎ আমার অদৃষ্টে ঘটে।”

অনেক কথা বলা হইল। প্রাণের পবিত্র মন্দির হইতে অনেক পরিমল সম্পূর্ণ ভাব-কুসুম ভাষার দ্বার দিয়া বাহির হইয়া পড়িল। একটু লজ্জা হইল। পাছে লবঙ্গ তাঁহাকে প্রগল্ভা মনে করিয়া বিরক্ত হয়, এজন্ত একটু ভয় হইল। লবঙ্গ মনে কি ভাবিল, তাহা নারায়ণ বলিতে পারেন। সে প্রকাশে বলিল,—“আশা কম করাই ভাল। কিন্তু ভাই তুমি যাই বল, যেরূপ ঘটনা দেখিতেছি, তাহাতে সে দেবতা তোমার ছাড়া আর কাহারও পূজা যে গ্রহণ করিবেন, এমন বোধ হয় না। তোমার সতিনীর পূজায় তিনি আর পরিতৃপ্ত নহেন, তোমার পূজার জন্ত তিনি ব্যাকুল হইয়া রহিয়াছেন। তিনি যে তোমারই নিজস্ব হইবেন, তাহার আর ভুল নাই।”

কুমুদিনী অনেক ক্ষণ চিন্তা করিলেন। তাহার পর বলিলেন,—“এরূপ ঘটনার কোনই সম্ভাবনা নাই; তথাপি তুমি বলিতেছ বলিয়া ইহার উত্তর দিতেছি। তিনি ধর্ম্মায়া, মহাপুরুষ। তাঁহার কার্য্য কোন দোষ হওয়া সম্ভব নহে। আমার পরে আবার যে ভাগ্যবতীকে তিনি ধর্ম্ম-পত্নীরূপে গ্রহণ করিয়াছেন, তাঁহার পূজায় সে স্মৃন্দরীর সম্পূর্ণ অধিকার জন্মিয়াছে। তাঁহার সে অধিকার কাড়িয়া লইতে কাহারও সাধ্য নাই। আমার দয়ানন্দ দেবতা সেরূপ পাপাচরণে অসমর্থ। দেবতারও কখন কখন মতিভ্রম হয় স্বীকার করিলেও, তাঁহার এ দীনা দাসী করজোড়ে গলগলীকৃতবাসে তাঁহার নিকট হইতে অভয়

ভিক্ষা লইয়া, তাঁহাকে কর্তব্যের পথ দেখাইয়া দিতে সাহস করিবে। সে হাত ধরিয়া সেই দেবতাকে সেই পুণ্যবতী সপত্নীর পার্শ্বে লইয়া যাইবে এবং তাঁহাদের মিলন ঘটাইয়া পরমানন্দ উপভোগ করিবে। তিনি আমার নিজস্ব নহেন, আমি তাঁহাকে নিজস্ব করিবার কোন চেষ্টাও কখন করিব না।”

আবার লবঙ্গ মনে মনে কি ভাবিল তাহা ভগবান জানেন। সে প্রকাশে বলিল,—“সেই তো ভাল। চেষ্টা করিয়া আপন করা—পোড়া কপাল! আপনি যদি ঘুরিয়া ফিরিয়া আসিয়া আপন হইয়া না দাঁড়ায় তবে সে আপনে কাজ কি? সে কথা যাউক ভাই, তুমি এখন বাবুর দেওয়া ভাল কাপড় একখানি পর, চুল বাঁধা আছে, তবু স্মৃৎখটায় একবার চিরুণ দেও। কপালে একটা টিপ পর।”

কুমুদিনী বলিলেন,—“আচ্ছা।”

তিনি লবঙ্গকথিত কৰ্ম্ম সামাধা করিতে গমন করিলেন। সন্ধ্যাও চুপি চুপি চোরের মত উঁকি দিতে লাগিল। কুমুদিনী ফিরিয়া আসিলেন। ছিন্ন বসন ছাড়িয়া তিনি নূতন বস্ত্র পরিয়াছেন। বিশৃঙ্খল কেশগুলি যথাস্থাপিত করিয়াছেন, কপালে একটা টিপ লাগাইয়াছেন। তাঁহার প্রকোষ্ঠে কাচের চুড়ি। আর কোথাও কোন শোভা সংবর্ধক সামগ্রী নাই। তথাপি তাঁহাকে—সেই কৃষ্ণকায় যুবতীকে পরমা স্মৃন্দরী দেখাইতেছে। মনের পবিত্রতা, হৃদয়ের উচ্চতা, বাসনার উদারতা, পাপের সংস্পর্শ-বিহীনতা এবং কুচিন্তা ও কুপ্রসঙ্গের সঙ্গ-শূন্যতা তাঁহার দেহে এক অলৌকিক জ্যোতিঃ ঢালিয়া দিয়াছে; তাঁহার অঙ্গ প্রত্যঙ্গ সমূহকে শোভাময় ও আভাময় করিয়া তুলিয়াছে এবং তাঁহার শরীরে এক অপূর্ণ রমণীয়তা আনয়ন করিয়াছে। লবঙ্গ অনেকবার চিন্তায়ুক্ত নয়নে কুমুদিনীর প্রতি নেত্র-পাত করিয়াছে। আজি একটু বিশেষ ভাবান্তরের সহিত তৃপ্ত নয়নে সেই স্মৃন্দরীর প্রতি চাহিয়া দেখিল। কুমুদিনী জিজ্ঞাসিলেন,—“কি দেখিতেছ দিদি? আমার মুখে কি আছে?”

লবঙ্গ বলিল,—“তোমার মুখে কি আছে জানি না, কিন্তু যাহা দেখিতেছি তাহা দেখিয়া নরেশ বাবু কেন অনেক বাবুই কাবু হওয়া সম্ভব।”

কুমুদিনী বলিলেন,—“ছি! আমার রূপ দেখিয়া তিনি কেন পাগল হইবেন দিদি? আমার তো রূপ নাই, যদি থাকিত তাহা হইলেও রূপের ফাঁদে ফেলিয়া তাঁহাকে বধ করিতে আমার বাসনা হইত না; তিনি রূপের মোহে মত্ত হইয়া আমাকে রূপা করিতেন না। যদি কখন আমার পূজায় তাঁহাকে তুষ্ট করিতে পারি, তাহা হইলে ভক্তি দ্বারা, ভালবাসার দ্বারা আত্ম-নিবেদন দ্বারা, তাঁহাকে প্রসন্ন করিবার চেষ্টা করিতে হইবে। নতুবা রূপের জোরে—ধিক সে নারীকে যে কেবল দেহ সাজাইয়া শরীর দেখাইয়া স্বামীর প্রেম অধিকার করিতে চাহে। সে কথা যাউক সন্ধ্যাত হইলা গেল—কই দিদি নৌকা তো এখনও আসিল না।”

ধীরে ধীরে কুমুদিনীর হৃদয় আশায় ও উৎসাহে প্রফুল্ল করিয়া সন্ধ্যা আসিল। কত পতি-বিয়োগ-বিধুরা সন্ধ্যা সমাগম দেখিয়া চমকিতে লাগিল; কত হুঃখের ও স্মৃথের পূর্ণ স্মৃতি তাহাকে এখন নূতন করিয়া দহিতে লাগিল। কত নারীর কৰ্ম্মবীর পতি হয়তো এই রজনীতে মেলট্রেণে প্রবাসে যাইবেন—পতি পত্নী উভয়েই অপরিহার্য্য বিরহের আশঙ্কায় ব্যাকুল হইতে লাগিলেন। তথাপি অগ্র পশ্চাৎ বিচার না করিয়া সন্ধ্যা আসিল। হিন্দু গৃহস্থগণের পুর মধ্যে শাঁকধ্বনি হইতে লাগিল। সকল গৃহেই প্রদীপ জ্বলিল। কুমুদিনীও ব্যস্ততা সহ ঘরের দ্বারে জল দিলেন, আলোক জালিয়া বাসগৃহে, পাকশালার তুলসী বৃক্ষ সমীপে ও মা গঙ্গার অভিমুখে সন্ধ্যা দেখাইলেন। আবার লবঙ্গের সমীপস্থ হইয়া বলিলেন,—“সন্ধ্যাতো হইয়া গেল।”

লবঙ্গ বলিল,—“এইবার এখনই মাঝিরা নৌকা লইয়া আসিবে।”

তাহার পর কুমুদিনী জননীর নিকটস্থ হইয়া বলিলেন,—“মা, কোন চিন্তা করিও না। হরির মা তোমার কাছে রাত্রিতে শুইয়া থাকিবে। সে রাত্রি দশটার পর আসিবে। রাত্রিতে একা ঘরের বাহির হইও না। বাহিরে আসিবার আবশ্যক হইলে হরির মা সঙ্গে আলো লইয়া আসিবে। আমি হরির মাকে সকল কথা বলিয়া রাখিয়াছি। হাতে খরচ পত্র আছে, আবশ্যক মত জিনিষ আনাইও। কোন বিষয়ে কষ্ট করিও না। আমার জন্ত কোন চিন্তা করিও না।”

কুমুদিনীর মাতার চক্ষু জলে আশ্রুত। তিনি কষ্টে বলিলেন,—“না মা, চিন্তা কি? তুমি লবঙ্গের সহিত স্বামীর কাছে যাইতেছ, ইহাতে ভাবনার কথা কি আছে? লবঙ্গ বড় ভাল মেয়ে; আমাদের খুব আপনার লোক। স্বামীর স্মৃনজরে পড় না, তাহা হইলেই সকল চিন্তার শেষ হয়। তা মা, আমি কতক্ষণে খবর পাইব?”

কুমুদিনী বলিলেন,—“কালি প্রাতেই যেমন করিয়া হউক, তোমার কাছে খবর আসিবে।”

এক ব্যক্তি বেড়ার অপর পার্শ্ব হইতে বলিল,—“মা ঠাকুরণ, নৌকা আসিয়াছে।”

লবঙ্গ বলিল,—“কেও—স্মৃন্দর?”

বাহির হইতে উত্তর হইল,—“আজ্ঞা, হাঁ।”

লবঙ্গ বলিল,—“আচ্ছা, তুমি নৌকায় যাও—আমরা যাইতেছি।”

বিদায়, প্রণাম, ক্রন্দন, উপদেশ, আশীর্বাদ ইত্যাদি ব্যাপারে আরও অনেকক্ষণ কাটিয়া গেল।

রাত্রি সার্কি আট ঘটকার সময় সেই প্রসন্নসলিলা জাহ্নবী-তীরে দুই নারী মূর্তির আবির্ভাব হইল। একজন কুমুদিনী, অপর লবঙ্গলতা। তখন জ্যোৎস্না উঠিয়াছে। স্মৃৎখণ্ডের স্নিগ্ধোজ্জল কিরণজালে ধরণী স্মৃশোভিতা। সেই বিমানবিহারী নিশানাথের কোমল কান্তি বক্ষে ধারণ করিয়া শান্তিময়ী স্মৃন্দরী তর্ তর্ বেগে বহিরা চলিয়াছেন। তরঙ্গ ভঙ্গ সহকারে নাচিতে নাচিতে শঙ্করজটাবিহারিণী চন্দ্রমা ও নক্ষত্র-কিরণকে কখন বা ভাঙ্গিয়া চুরিয়া ছাড়িয়া দিতেছেন, কখন বা সোহাগে সাগ্রহে সকলকেই বক্ষে স্থান দিতেছেন। দেখিতে দেখিতে গঙ্গা-হৃদয়ে অগণ্য হীরক খণ্ড বিকাশ পাইতেছে, আবার লুকাইতেছে, আবার আসিতেছে। ক্রীড়াশীল শিশুর তায় হাসিতে হাসিতে, ছুটিতে ছুটিতে চন্দ্রমা চলিতেছে। শীতকালের রজনী। মানবগণ আশ্রয়গত হইয়াছে। গঙ্গাতীর জনশূন্য। নদী-বক্ষে নৌকাও আর নাই, ঐ একখানি পান্‌সী আসিতেছে। এখানে লাগিবে না। রূপ রূপ শব্দে দাঁড় ফেলিতে ফেলিতে পান্‌সী চলিয়া গেল! আবার সর্বত্র নিস্তব্ধ। সহসা আবার পারের পাটের কল হইতে স্মৃতীক্ষণ ও দীর্ঘ-স্থায়ী বংশধ্বনি আরম্ভ হইল। তীব্র স্বর যেন বাতাসের সহিত ছলিতে ছলিতে যোজন পথ অতিক্রম করিল। স্বর

থামিয়া গেল। আবার সর্বত্র নিস্তর। কোন দিকে কোন লোক নাই। সম্মুখে এই আরোহীদিগকে বহন করিবার অভিপ্রায়ে একখানি সুন্দর ছোট ভাউলিয়া কুলের নিকট গা ভাসাইয়া নাচিতেছে। আর কোন দিকে কোন নৌকা নাই।

কুমুদিনী ও লবঙ্গ নৌকার নিকটে আসিলেন। লবঙ্গ ডাকিল,—“সুন্দর!”

“আজ্ঞা।”

“লগি ধরিয়া দাঁড়াও—নৌকা যেন না ছুলে। সাবধানে দিদি ঠাকুরাণীকে উঠিতে দেও।”

সুন্দর তাহাই করিল।

লবঙ্গ অগ্রে নৌকায় উঠিল এবং অতি সাবধানে ও বিশেষ বত্ন সহকারে হাত ধরিয়া কুমুদিনীকে নৌকায় উঠাইল। উভয়ে নৌকা মধ্যস্থ কামরায় প্রবেশ করিলেন। নৌকা ছাড়িয়া দিল।

(ক্রমশঃ)

শ্রীদামোদর মুখোপাধ্যায়।

## বহরমপুর ‘কনফারেন্স’।

বিগত ৮ই এপ্রেল বহরমপুর সহরে মহাসমারোহের সহিত বর্তমান বৎসরের বঙ্গীয় প্রাদেশিক সমিতির অধিবেশন হয়। এবারের সমিতির কার্য প্রত্যেক দিনই অতি সুশৃঙ্খলার সহিত ও সুন্দররূপে সুসম্পন্ন হইয়া গিয়াছে। এবারের প্রতিনিধির সংখ্যাও বিশেষ সন্তোষজনক হইয়াছিল। বিশেষতঃ স্থানীয় জনসাধারণের আনন্দ ও উৎসাহের সীমা ছিল না। কি ধনী, কি দরিদ্র—এমন কি রাজা মহারাজ হইতে সামান্য কুটিরবাসী পর্যন্ত স্থানীয় সকল লোকেই, এই শুভাঙ্গণে, প্রকাশ্য ভাবেই হউক, আর অপ্রকাশ্য ভাবেই হউক, যোগদান করিয়াছিলেন। স্বর্গীয় ৮রামদাস সেন মহাশয়ের উপযুক্ত পুত্র শ্রীযুক্ত মণিমোহন সেন মহাশয় অভ্যর্থনা-সমিতির সভাপতির আসন গ্রহণ করেন। এবার জমীদার-শ্রেণীর অনেকেই এই সভায় যোগদান করিয়াছিলেন দেখিয়া, আমরা

আহ্লাদিত হইয়াছি। নাটোরের সুপ্রসিদ্ধ মহারাজ শ্রীল শ্রীযুক্ত জগদীন্দ্রনাথ রায় বাহাদুর সর্বসম্মতিক্রমে ‘কনফারেন্সের’ সভাপতির আসন গ্রহণ করেন। তাঁহার বহু গবেষণা ও চিন্তাপূর্ণ বক্তৃতা বড়ই হৃদয়গ্রাহী হইয়াছিল। বহরমপুরের এই কনফারেন্সের কিছু নূতনত্ব দেখিতে পাইয়া আমরা আহ্লাদিত হইয়াছি। যাহাতে কনফারেন্সের কার্য কেবল তিন দিনের আমোদ আহ্লাদে পর্য্যবসিত না হয়, বিগত সভায় তাহার সুন্দর নিয়মাদি উদ্ভাবন করা হইয়াছে। সে নিয়মাদি কার্যে পরিণত হইলে আমরা অধিকতর আনন্দিত হইব। আর এক নূতনত্ব দেখিলাম—জাতীয় ব্যায়াম ও কুস্তী প্রভৃতি খেলার প্রবর্তন। যে কয়েকটি প্রস্তাব সে সভায় উপস্থিত করা হইয়াছিল, তাহাও আমাদের মতে সময়োপযোগী হইয়াছে।

কনফারেন্সের প্রতিনিধিবর্গের একখানি ‘হাফটোন’ চিত্র যানান্তরে সন্নিবিষ্ট হইল। পাঠকগণ দেখিবেন মাতৃপূজার দীক্ষিত প্রতিনিধিবর্গের মুখে কেমন এক স্বর্গীয় ভাব ফুটিয়া উঠিয়াছে। চিত্রের সম্মুখে ও পশ্চাতে ‘ভলাটিয়ার’ দলের প্রভবন্দ পুষ্পচিহ্নিত উত্তরীয় ধারণ করিয়া উপবিষ্ট বা দণ্ডায়মান আছেন। ইঁহারা যেন উৎসাহ ও আনন্দের জীবন্ত মূর্তি।

চিত্রের মধ্যস্থলে সভাপতি মহারাজ শ্রীল শ্রীযুক্ত জগদীন্দ্রনাথ রায় বাহাদুর জাতীয় বেশে উপবিষ্ট আছেন। তাঁহার দক্ষিণ-পার্শ্বে যথাক্রমে হিতবাদী-সম্পাদক শ্রীযুক্ত কালীপ্রসন্ন কাব্যবিহারদ, ভারত-গৌরব শ্রীযুক্ত সুরেন্দ্রনাথ বন্দ্যোপাধ্যায়, বহরমপুরের বঙ্গীয় প্রাদেশিক সমিতির প্রাণভূত শ্রীযুক্ত বৈকুণ্ঠনাথ সেন, দেশীয় শিল্পের উন্নতি-কল্পে উৎসৃষ্ট-প্রাণ শ্রীযুক্ত জে, চৌধুরী প্রভৃতি উপবিষ্ট আছেন। সভাপতি মহাশয়ের বাম-পার্শ্বে যথাক্রমে বর্ধমানের সুপ্রসিদ্ধ রায় শ্রীযুক্ত নলিনাক্ষ বসু বাহাদুর, অভ্যর্থনা-সমিতির সভাপতি সচ্ছন্দমণীল শ্রীযুক্ত মণিমোহন সেন, সঙ্ঘসাহী শ্রীযুক্ত হেমেন্দ্রনাথ সেন প্রভৃতি। জাতীয় মহাসমিতির সেবা-ব্রতে ব্রতী শ্রীযুক্ত জে ঘোষাল ও শ্রীযুক্ত ভূপেন্দ্রনাথ বসু, সভাপতি মহাশয়ের পশ্চাত্তানে দুই পার্শ্বে দণ্ডায়মান আছেন।



৬ষ্ঠ ভাগ।

আষাঢ়, ১৩১০।

৩য় সংখ্যা।

## কবিগুরু হেমচন্দ্র।

হেমচন্দ্র অস্ত গেল অনন্তের কোলে  
বঙ্গকাব্যাকাশ হ'তে। গেল কবি চলে'  
দিব্য ধামে; অন্ধতার দারুণ আঁধার  
সেখা নাই; দারিদ্র্যের ভীষণ আকার  
সেখা নাহি যায় দেখা। সেখা শুধু আলো,  
স্বচ্ছলতা, সুখ, শান্তি,—যতকিছু ভাল।  
যাও কবি রাখি পিছে গুঞ্জরিত গানে  
বাণীপদ কোকনদে, মত্ত মধুপানে।  
শুনি শুনি সেই গান ভারত নিদ্রিত  
যদি জাগে কোন দিন, তা হ'লে নিশ্চিত  
তুমি তব স্বর্গ ছাড়ি অল্প কবি মুখে  
আবার গাহিবে গান। মা'র স্মৃতি হুখে  
যে কবির হৃদি-তন্ত্রী করিবে বাঁধার  
জন্মভূমি-হুঃখাতুর তব আত্মা তাঁর!

শ্রীচারুচন্দ্র বন্দ্যোপাধ্যায়।

## কনারক মন্দির।

পূর্বীর প্রায় দশকোশ উত্তরপূর্বে সাগরসৈকতে  
কনারক ক্ষেত্রে অর্কদেবের মন্দির (Kanarak temple)  
অবস্থিত ছিল। সে মন্দির এখন ভগ্নস্তূপ, কেবল ভদ্রক  
বা মোহন মন্দিরটী জরাজীর্ণ মূর্তিতে দণ্ডায়মান থাকিয়া  
উড়িষ্যার শ্রেষ্ঠ প্রাচীন কীর্তির স্মৃতি জাগরুক রাখিয়াছে।  
আবুল ফজল হইতে আরম্ভ করিয়া ষ্টার্লিং, ফাণ্ডেশন,  
হাণ্টার যে কোন বহুদর্শী ইতিহাসকার, প্রত্নতত্ত্ববিৎ বা  
শিল্পগুণগ্রাহী ঐ ভগ্ন মন্দির দর্শন করিয়াছেন, তিনিই বলেন  
এরূপ প্রকাণ্ড ও সুরম্য মন্দির উড়িষ্যায় আর ছিল না।  
হাণ্টার সাহেব বলেন: [“The most exquisite  
memorial of sun-worship in India or I believe  
in any country is the temple of Kanarak  
upon the Orissa shore. The temple of Jagannath  
has been already described, but it falls  
far short of this marvellous structure which





প্রস্তর নিবন্ধন উহাকে দূর হইতে কৃষ্ণবর্ণ দেখায় বলিয়া ইংরেজেরা উহার Black Pagoda (ব্ল্যাক্ প্যাগোডা) নাম দিয়াছেন। অৰ্ণবপোতের নাবিকগণকে এই সুউচ্চ মন্দির উড়িয়া উপকূলের স্থান নির্দেশ করিয়া দেয়।

এই মন্দিরের পূৰ্বদ্বারোপরি সন্নিবিষ্ট নীলাভ কৃষ্ণ প্রস্তরে যে ভাস্কর কারুকার্য আছে তত সুন্দর ও সুশোভন হিন্দু ভাস্করশিল্প আর কোথাও নাই। খৃষ্টীয় দ্বাদশ শতাব্দীতে উড়িষ্যায় ভাস্করশিল্প যে চরমোন্নতি লাভ করিয়াছিল, এই ভগ্ন মন্দিরের প্রত্যেক প্রস্তরখণ্ড তাহার জাজ্বল্যমান নিদর্শন ও শ্রেষ্ঠ আদর্শ। দ্বারের ছইপার্শ্ব ও উপরিভাগ বেষ্টিত করিয়া নয় পংক্তি কারুকার্য। উহাতে অহিন্য়, নর নারী, শাখামৃগ, লতা পল্লব ও কৃত্রিম কারুকার্য খোদিত আছে। দ্বারের মস্তকোপরি মধ্যের চারিটি পংক্তিতে ধ্যানমগ্ন ঋষিগণের সৌম্যমূর্তি শ্রেণী। অপ্সরী-প্রতিমা গুলি সূঠাম লালিত্যে ও সূচারু বদনশোভায় রমণী-সৌন্দর্যের আদর্শ স্থানীয়।

ষ্টার্লিং সাহেব বলেন\*—“The whole of sculpture on these figures comprising men and animals foliage and arabesque patterns is executed with a degree of taste, propriety and freedom, which would stand a comparison with some of our best specimens of Gothic architectural ornament. The workmanship remains too as perfect as it had just come from the chisel of the sculptor owing to the extreme hardness and durability of the stone.”—“এই মানব ও পশু মূর্তি এবং বৃক্ষপত্র ও কারুকার্য সমন্বিত সমস্ত ভাস্কর কৰ্ম এত কচি উপযোগিতা ও স্বাধীনতার সহিত প্রস্তুত হইয়াছিল, যে সেগুলি ইউরোপীয় গথিক স্থপতি-শিল্পের শ্রেষ্ঠ আদর্শের সহিত তুলনায় পরাজিত হইবে না। সেই কারুকার্যগুলি আবার পাষণের নিরতিশয় কাঠিন্য ও স্থায়িত্ব প্রযুক্ত একরূপ অক্ষুণ্ণ আছে যে, যেন সেগুলি সবে মাত্র ভাস্করের বাটালি হইতে সৃষ্টিলাভ করিয়াছে।” ছাদের নিম্ন স্তরের ত্রয়োদশ সারি কার্গিসে জনতাশ্রেণী, মৃগয়া, সামরিক দৃশ্যাবলী এবং তৎকালীন সামাজিক ও দৈনন্দিন

জীবনযাত্রা ও আমোদ উৎসবের বহুতর দৃশ্যের প্রতিকৃতি পাষাণ গাত্রে উচ্চভাবে খোদিত হইয়া অমরত্ব লাভ করিয়াছে। ফাণ্ডেশন্ সাহেব লিখিয়াছেন\*—“The immense variety of illustrations of Hindu manners contained in it may be imagined when we think that with a height of one foot or eighteen inches the frieze extends to nearly three thousand feet in length and contains probably at least twice that number of figures.”—“হিন্দু-দিগের আচার ব্যবহারের এই কার্গিস গাত্রে কত বিবিধ ও অসংখ্য আলেখ্য আছে, তাহা—ইহা ভাবিলেই ধারণা করিতে পারা যায় যে, উচ্চ এক ফুট কি এক হস্ত মাত্র স্থানে এই কার্গিস দৈর্ঘ্যে প্রায় তিন সহস্র ফিট ব্যাপিয়া আছে এবং তাহার মধ্যে বোধ হয় অন্ততঃ উহার দ্বিগুণ সংখ্যক মূর্তি খোদিত আছে।” ঐ কার্গিসগুলির মধ্যের প্রত্যেক খাঁজ অর্দ্ধাঙ্গ উদ্ধবাহ মানব-মূর্তিমালা বিরাজিত—সব লক্ষ্যই নিপুণ কারিকরের অমরকীর্তি।

এই জগন্মোহনের উত্তর ও দক্ষিণ দিকে যে হস্তিমালা ও অশ্বদ্বয়ের প্রশান্ত মূর্তি আছে, সেগুলি স্বভাবসুন্দর। বাজি আরোহীকে যুদ্ধে লইয়া যাইবার জন্ত সুসজ্জিত। করীবরও তেজোমত্ত ও সূঠাম। অশ্বগুলির গাত্র ছই একটি স্থানে ফাটরা গিয়াছে বলিয়া স্থানীয় লোকেরা সেই বিদীর্ণ স্থানে সিমেন্ট ও চূণ লেপন করিয়া বিক্রত করিয়াছে—এই সংস্কার অনাবশ্যক কারণ এই মূর্তিগুলি কঠিন অথও প্রস্তর হইতে খোদিত এবং ঐ দীর্ঘতা বৃদ্ধি হইবার আর কোনও সম্ভাবনা নাই। মন্দিরের পূৰ্বদিকে সিংহটী অক্ষতদেহ, কিছু পশুরাজের গঠন উড়িষ্যার অপরাপর স্থানের সিংহমূর্তিরই আয় অস্বাভাবিক—সেগুলি শিল্পীর মনোরাজের মৌলিক সৃষ্টি, হাণ্টার সাহেবের কথায়—“evolved from the artists' inner consciousness.”

এই মন্দিরের অর্দ্ধকোশ দূরে একখানি প্রকাণ্ড প্রস্তর বালুকার উপর পড়িয়া আছে। আবুল ফজল সিংহদ্বার দিয়া প্রবেশ করিয়া প্রাঙ্গণের মধ্যস্থলে যে প্রকাণ্ড ও স্তর-চূড় কারুকার্য খচিত খিলানের কথা বলিয়াছেন ইহা সেই

\* Mr. James Fergusson's "History of Architecture," Vol. II.

প্রস্তর। ইহার চতুর্দিকে নবগ্রহের মূর্তি (আবুল ফজল যে গুলিকে ভ্রমবশতঃ উপাসক মণ্ডলী বলিয়া বর্ণনা করিয়াছেন) খোদিত আছে, তজ্জন্ত উহাকে “নবগ্রহ শিলা” বলে। এই নবগ্রহ শিলাখানি উজ্জল কৃষ্ণবর্ণ, ইহার ভাস্কর্য অতি উচ্চদরের। ইহাতে নয়টি কক্ষ খোদিত আছে এবং প্রত্যেক কক্ষে এক একটি গ্রহমূর্তি। সূর্য, চন্দ্র, মঙ্গল বৃহ ও শনির পাঁচটি শাস্ত ঋষিতুল্য সৌম্য মূর্তি, সকলেই পদ্মাননে উপবিষ্ট, মস্তকে উচ্চ কোণাকার কিরীটী, এক হস্তে কমণ্ডলু অপর হস্তে জপমালা, বৃহস্পতি সুদীর্ঘ শূক্ৰ, শুক্র একটা পুষ্টবপু সুন্দরী তরুণী প্রতিমা। কেতুর অধোদেহ মৎস্যপৃচ্ছাকৃতি, রাহু একটা বীভৎস আবক্ষ রাক্ষস মূর্তি—মস্তকে কৃষ্ণ কেশরাশি, ওষ্ঠোপরি এক দীর্ঘ দস্ত, এক করে কুঠার, অপর করে চন্দ্রখণ্ড। এই বিশাল সুমোহন গোলাকার শিলাখানি অর্ক মন্দিরের সম্মুখে যথাস্থানে সন্নি-বিষ্ট ছিল, কিন্তু উহার রূপই উহার কালস্বরূপ হইয়াছিল। কয়েক বৎসর পূর্বে কয়েকজন পুরাতত্ত্ববিৎ ইংরাজ উহার শোভায় মুগ্ধ হইয়া কলিকাতা মিউজিয়মে উহাকে আনিবার চেষ্টা করিয়াছিলেন। তাঁহারা উহাকে স্থানচ্যুত করিয়া হস্তী ও অপরায়ণ বনসাহায্যে উহাকে কোনরূপে অর্ক নাইল পথ স্থানান্তরিত করিয়াছিলেন, কিন্তু বিবিধ আয়াসেও উহাকে আর অগ্রসর করাইতে পারেন নাই। ব্যর্থমনোরথ হইয়া তাঁহারা এই অমূল্য পাষণখানিকে দ্বিখণ্ডিত করিয়া-ছিলেন কিন্তু তত্রাহ উহাকে বহন করিয়া আনিতে সমর্থ হইয়েন নাই। শেষে ঐ প্রস্তরখানি চারিখণ্ড না করিলে উত্তোলিত হইবার সম্ভাবনা নাই, গবর্ণমেণ্টের নিবট এই কথা জ্ঞাপন করিলে তৎকালীন ছোটলাট ইডেন সাহেব তাঁহাদের সেই ধ্বংসকারী ও উনবিংশ শতাব্দীর পক্ষে লজ্জাকর প্রস্তাব অগ্রাহ করেন। তদবধি ঐ প্রস্তর বালুকার উপর পড়িয়া আছে। প্রস্তরখানি অথও অবস্থায় পরিমাণে  $১৯ \times ৪ \frac{১}{২} \times ৩ \frac{১}{২}$  ঘন ফুট এবং গুরুত্বে ৬৫০ মণ ছিল। উনবিংশ শতাব্দীর শেষভাগে, ষ্টীম ও তড়িৎ শক্তির নব নব প্রয়োগের দিনে, ঐ একখানি প্রস্তর স্থানান্তরিত করণ ছঃসাধ্য কৰ্ম বলিয়া ধন ও শক্তিশালী রাজকৰ্মচারীগণ হতাশ হইয়াছিলেন, আর ৮০০ বর্ষ পূর্বে হিন্দু স্থপতিগণ, ৪০ কোশ দূরবর্তী উড়িষ্যার গিরি-প্রদেশ হইতে ঐরূপ ও উহা হইতেও গুরুভার একখানি

ছইখানি নহে, শত সহস্র প্রস্তর, জলাভূমি ও সেতুহীন নদ নদী অতিক্রম করিয়া, বহন করিয়া আনিয়া ঐ অর্কমন্দির গ্রথিত করিয়াছিল। সেই প্রাচীন কালে কি করিয়া হিন্দুগণ এই ছঃসাধ্য ব্যাপার সাধন করিয়াছিল তাহা ভাবিলে বিশ্বয়ে আধুনিক ইঞ্জিনিয়ারগণের চক্ষুস্থির হইয়া যায়! হাণ্টার সাহেব বলেন—“The architects of the twelfth century trusted to their improved mechanical appliances for lifting enormous weights and handled their colossal beams of iron and stone with as much ease and plasticity as modern workmen put up pine-rafters, and fitted in blocks of twenty to thirty tons with absolute precision at a height of eighty feet”—“খৃষ্টীয় দ্বাদশ শতাব্দীর (হিন্দু) স্থপতিগণ তাহাদের বিঘন গুরুভার উত্তোলনের উন্নতি প্রাপ্ত উপায় বা যন্ত্রের উপর নিঃশঙ্কচিত্তে নির্ভর করিত, এবং অধুনাতন কালের কারিকরগণ বেরূপ ভাবে দেবদারু কাষ্ঠের বরগা স্থাপন করে, ঠিক সেইরূপ সহজে ও সুন্দরভাবে ৫০০ শত মণ হইতে ৮০০ মণ পাষণখণ্ড অশীতি ফিট উচ্চ, নিরূপিত স্থানের তিলান্ধমাত্র ব্যতিক্রম না করিয়া স্থাপিত করিত।”

আবুল ফজল সিংহদ্বারের সম্মুখে, বহির্দেশে যে একটা কৃষ্ণ প্রস্তরের স্তম্ভের বর্ণনা করিয়াছেন, সৌভাগ্যক্রমে সেটা এখনও পূর্ণাবয়বে বিদ্যমান আছে। অর্কমন্দির ভগ্ন-দশা প্রাপ্ত হইলে এ স্তম্ভটী পুরীতে নীত হইয়াছে এবং জগন্নাথের মন্দিরের সিংহদ্বারের সম্মুখে স্থাপিত হইয়া পুরীর শোভা সম্বন্ধন করিতেছে। এই প্রসিদ্ধ অরুণ স্তম্ভটী একখানি সূচিক্রম কৃষ্ণ প্রস্তর black basalt হইতে খোদিত এবং চল্লিশ ফিট উচ্চ (আবুল ফজল ভ্রমবশতঃ বা অতিরঞ্জিত বর্ণনা নিবন্ধন ইহাকে ৫০ গজ বলিয়াছেন)। এই স্তম্ভটী বহুভুজাকারে গোলাকার; মধ্যভাগে কোন কারুকার্য নাই, উচ্চ ও অধোদেশ এরূপ কারুকার্য-বিশিষ্ট ও সূচ্যিত যে, কলাচুরাগী মাত্রেই ভাস্করের কৃষ্টির প্রশংসা না করিয়া থাকিতে পারেন না। স্তম্ভের উপরি-ভাগে একটা গরুড় মূর্তি স্থাপিত আছে। পূর্বে উড়িষ্যায় এরূপ সুশোভন স্তম্ভ অনেকগুলি ছিল, প্রতিমাত্তকারী মহাম্মদীয়গণের অহুত্রে সব লক্ষ্যই ধ্বংসপ্রাপ্ত হইয়াছে।



সময়ের অপব্যবহার বলিয়া মনে করেন। কিন্তু যে কোন কলাকরোগী মহার ব্যক্তির চক্ষে সেই দৃশ্য পতিত হয় তিনিই আক্ষেপ করেন, হায়! কেন সেই অমানুষী ভাস্কর-প্রতিভার সহিত একপ নরক-কল্পনা বিজড়িত হইল!

‘বাহা ভাল তাহা যদি আরও ভাল হইত’—মানব মনের এই ছর্ষলতার বশবর্তী হইয়াই আমরা উড়িষ্যার এই অমর-কীর্তি প্রসঙ্গে উক্ত শোচনীয় ক্রীটী পাঠকের গোচরে আনিলাম, নতুবা যে কীর্তি কালমাহাত্ম্যে পবিত্র হইয়া গিয়াছে, যে কীর্তি নিজস্ব শোভার গৌরবে প্রতিমা-ভঙ্গকারী মহামুগ্ধগণের মনে সার্বভৌম ও সার্বজনীন নৌদর্শ্যের প্রগাঢ় অহুয়াগ উদ্ভিক্ত করিয়া তাহাদের সর্ব-নাশকর হস্ত হইতে আত্ম-রক্ষা করিয়াছে, যে কীর্তি এই পতিত জাতির চির-গৌরব-স্থানীয়, সে অমূল্য কীর্তি বিন্দু মাত্র বিলয় বা বিকৃপ প্রাপ্ত হউক, ইহা কোন মহদয় ব্যক্তির মনে উদিত হইতে পারে না।

উদার ও কলাকরোগী ইংরাজ রাজ সেই প্রাচীন কীর্তি-মন্দিরগুলির আবিষ্কার, সংস্কার ও রক্ষার জন্ত সম্প্রতি বিশেষ উদ্যোগী হইয়া চারি বর্ষ হইল, একটা নূতন বিভাগ (Archaeological Survey Department) স্থাপন করিয়াছেন। উক্ত বিভাগের তত্ত্বাবধানে এবং স্ববন্দোবস্তে ভূম-নেশ্বর ক্ষেত্রের অনেকগুলি ক্ষুদ্র বৃহৎ প্রাচীন ও ভগ্ন মন্দিরের সংস্কার সাধিত হইয়াছে ও হইতেছে। সেই সঙ্গে কনারক মন্দিরের সংস্কার ও রক্ষণের বন্দোবস্ত হইবার, মন্দিরের নবগ্রহ শিলা ও অপরাপর স্থানচ্যুত ইত্যদ্যত বিক্ষিপ্ত পাষণ্ডগুলি যথাস্থানে সন্নিবেশনের এবং মন্দিরের ভগ্নাবশেষ বালুকামুক্ত করিবার আদেশ হইয়াছে। এই মন্দির সংস্কারার্থে ব্যয়ের জন্ত ইংরাজি ১৯০৩-৪ সালের বজেটে ৩৮০০০ আটত্রিশ সহস্র মুদ্রা নির্দিষ্ট করিয়াছেন। কনারকের বাহা আছে, তাহাও সংস্কারের অভাবে ক্রমশঃ বিলয় প্রাপ্ত হইবার সমূহ আশঙ্কা ছিল; সেই আশঙ্কা দূরীকরণে বন্ধপরিষ্কার হইয়াছেন বলিয়া দেশহিতৈষী ব্যক্তি মাত্রেই নিকট গবর্নমেন্ট ধন্যবাদার্থী।\*

শ্রীনবকৃষ্ণ ঘোষ।

\* এই প্রবন্ধের প্রথমভাগ (জগন্নাথ মন্দির ও ভুবনেশ্বর মন্দির) প্রয়াস পত্রে, ১৩০৮ সালের কার্তিক সংখ্যায় “উড়িষ্যার তিনটি শ্রেষ্ঠ মন্দির” নামে প্রকাশিত হইয়াছিল। লেখক।

## শিশু।

কোথা হতে এলে শিশু ধরনী-মাঝারে,  
ভাসাইতে ধরিত্রীরে প্রেম-পারাবারে;  
মক্‌ভূমি হবে ধরা ভেবে ভেবে হয়ে সারা  
প্রেমিলা বিধাতা করে মরত ভুবনে;  
জুড়াইতে দক্ষ মহী প্রেমের সিঞ্চনে।

কি মধু মাখান হাসি যাই বলিহারি,  
কি মধুর কোমলতা আহা মরি মরি,  
যখনই দেখি তোরে আপনা পাশরি ওরে  
সংসারের যত জ্বালা সব ভুলে যাই;  
ত্রিদিব মাধুরী সব দেখি এক ঠাই।

কি দিয়ে গড়িল তোমা বিধাতা সুন্দর,  
দেখাইতে নিজ কারুকার্য মনোহর;  
কমল সুরভি দিয়া গড়েছে কি তব হিয়া  
চম্পকের দাম দিয়া বদন কোমল,  
কনক নিন্দিত কান্তি কিবা সুবিমল।

পীযুষ ভাণ্ডার আহা হৃদয় ভিতরে,  
রেখেছে যতনে বিধি সঙ্গোপন করে;  
শক্র মিত্র ভেদ নাই সমভাব সর্ব ঠাই  
ডাকিলেই কাছে যাও হাসিতে হাসিতে  
সরল সুন্দর হেন কি আছে মহীতে?

মা মা বলে ডাক যবে আধ আধ স্বরে,  
প্রেমসিন্ধু ব'হে যায় মায়ের অন্তরে;  
কতই সোহাগভরে তুলে নেন অঙ্গোপরে  
অমিয় পূরিত বাণী শুনে যখন;  
কত ভাগ্যবতী মনে ভাবেন তখন।

## পৃথিবীর ইতিহাস।


যতনে নির্মাণ করি সুধা দিয়ে তোরে,  
পাঠাইলা জগদীশ অবনী মাঝারে,  
হাসিলে মুকুতা ঝরে বচনে অমিয় ক্ষরে  
রোদনেও সুধাধারা ঝরে অশ্রুধারে  
সুধার পুতলী শিশু মরত মাঝারে।

হাস হাস হাস শিশু হাস আরবার,  
মুক্তা বিনিন্দিত দত্ত করিয়ে বিস্তার;  
শাবদ কোমুদী হেন হাসাইয়া এ ভুবন  
প্ৰীতিপূর্ণ কর সবে শান্তি সুধাধারে  
ডুবে যাক শোক তাপ বিষ্মতি সাগরে।

কিন্তু এ নির্মল হাসি থাকিবে না আর,  
দুই দিন পরে হায় হইবে সংহার;  
সৌদামিনী জ্যোতি প্রায় ক্ষণেক উজলি হায়  
পুনর্বার নিভে যাবে আঁধার মাঝারে  
তাই বলি শিশু এবে হাস প্রাণ ভরে।

সংসার সমুদ্র এই ঘূর্ণাবর্তময়,  
বড়ই নিষ্ঠুর আহা নির্গম নিদয়  
একবার প্রবেশিলে সুখ শান্তি নাহি মিলে  
বাড়ব অনলে জ্ব'লে হবে ছারখার,  
তাই বলি শিশু এবে হাস আরবার।

শ্রীঅনুকুলচন্দ্র পাহাড়ী।



আকারের পরিমাণ—পৃথিবীর আকার মীমাংসা হইতে তাহার পরিমাণ প্রশ্ন স্বতঃই মনে উদিত হয়। আলেকজান্দ্রিয়ার প্রসিদ্ধ পুস্তকাগার-রক্ষক Eratosthenes সর্বপ্রথমে প্রকৃত পরিমাপ (measurement) দ্বারা পৃথিবীর পরিমাণ নির্ধারণ করিবার চুঃসাহস হৃদয়ে স্থান দিয়াছিলেন। তাঁহার সেই সুদূর অতীত কালেই ইহা চুঃসাহস বলিয়া বিবেচিত হইলেও, তিনি আপন প্রতিভা বলে জয়ী হইয়াছিলেন। একদা তিনি সংবাদ পাইলেন যে মিশরদেশীয় সীন নগরের একটি কূপের জল বৎসরের কোন এক নির্দিষ্ট দিবসে সূর্যালোকে উদ্ভাসিত হইয়া উঠে। ইহা হইতে তিনি স্থির করিলেন যে ঐ দিন ঐ সময়ে ঐ কূপের ঠিক উপরে সূর্য উপস্থিত হয়। তিনি বৎসরের ঐ নির্দিষ্ট দিনে দেখিলেন যে সূর্য আলেকজান্দ্রিয়ার শীর্ষদেশ হইতে তাহার দৈনিক বৃত্তাকার পথের ১/৫০ অংশ অন্তর্ভুক্ত করে অবস্থান করিতেছে। সীন হইতে আলেকজান্দ্রিয়ার ব্যবধান ৫০০০ ষ্টাডিয়াম। তাহা হইলে সূর্যের সমগ্র পথের পরিমাণ অবশ্যই ৫০ × ৫০০০ = ২৫০০০০ ষ্টাডিয়াম হইল। (১ ষ্টাডিয়াম ১/১০ মাইল)।

ইহার পর একজন গ্রীক পণ্ডিত স্থির করেন যে, রোড্‌স্ হইতে আলেকজান্দ্রিয়া পর্যন্ত যে বৃত্তাংশ, তাহা সমগ্র বৃত্তের ১/৪৮ ভাগ। উভয় স্থানের ব্যবধান ৫০০০ ষ্টাডিয়াম; সুতরাং সমগ্র বৃত্তের পরিমাণ ৪৮ × ৫০০০ = ২৪০০০০ ষ্টাডিয়াম বা ২৪০০০ মাইল। এই সংখ্যা সপ্তদশ শতাব্দী পর্যন্ত অদ্রান্ত বলিয়াই লোকের ধারণা ছিল।

নবম শতাব্দীতে কালিকঅল্-মামুম পৃথিবীর পরিধি-পরিমাপ জন্ত দুইজন পণ্ডিত (আব্দুল মালিক ও আলি বেন্ ইশা) নিযুক্ত করেন। তাঁহারা গজ দিয়া মাপিয়া দুইটি স্থানের মধ্যে ব্যবধান ৪৫০৬০০ এল্ বলিয়া স্থির করেন; এবং ইহাও স্থির করেন যে ঐ দুই স্থান দুই ডিগ্রি অন্তর। ইহা হইতে সমগ্র পরিধি ১৮০ × ৪৫০৬০০ = ৮১১০৮০০০ এল্, স্থির হইল। (ছয় বোদরে এক ইঞ্চি,











এবং সুবাসিত পান তামাক অনবরত চলিতেছে। আতর গোলাপ মুহুমুহু সভামধ্যে বর্ষিত হইতেছে। বিবাহ বেদিকার এক পার্শ্বে দান সামগ্রী-সস্তার সজ্জিত হইয়াছে। বরকর্তা স্বয়ং চন্দ্রনাথ বাবু সেগুলি পরিদর্শন করিতেছেন, তাঁহার ভ্রুকৃষ্ণিত মুখে স্পষ্ট বিরক্তির চিহ্ন প্রকাশ পাইতেছে। দান সামগ্রী কিছুই তাঁহার মনোমত হয় নাই, তাঁহার মতে সমস্তই 'খেলো' হইয়াছে। তাই নানারূপে কখন ভাবে কখন ইঙ্গিতে কখন বা বাক্যে বিরক্তি প্রকাশ করিতেছেন। হরিশ বাবু বৈবাহিক মহাশয়ের আচরণ দর্শনে অন্তরে অন্তরে কল্পিত হইতে-ছিলেন—অবশিষ্ট এক হাজার টাকা এখনও সংগ্রহ হয় নাই, ললিতমোহন সন্ধ্যার পূর্বে শ্রামবাজারে গিয়াছেন, এখনও ফিরিলেন না। কি উপায় হইবে তিনি তাহাই ভাবিতেছিলেন।

ক্রমে লগ্ন নিকটবর্তী হইল, চন্দ্রনাথ বাবু বলিলেন “কই চৌধুরী মহাশয় কোথায় আসুন এই বেলা টাকার হেঙ্গামটা চুকিয়ে ফেলা যাক, এদিকে তো যা করবার কোরেছেন আর উপায় কি?” হরিশ বাবু ইষ্টদেবতাকে স্মরণ করিলেন, শ্রামবাবু প্রমাদ গণিলেন—এই সময়ে ললিতমোহন আসিয়া জানাইলেন—“না, আজ আর হইল না, কোনও দৈবছবিপাকে মহাজন বিব্রত। আজ কিছুতেই হইবে না।”—অগত্যা হরিশ বাবু নগদ দুই হাজার টাকা ও গিনি প্রভৃতি সভ্য হইয়া গললগ্নীকৃতবাসে চন্দ্রনাথ বাবুর সম্মুখে দাঁড়াইয়া বলিলেন—“আমি কতাদায়গ্রস্ত, বিপন্ন, নিতান্ত দরিদ্র, মহাশয় অতি মহানুভব এবং সদাশয়, যদি আপনি আমার প্রতি রূপাপরবশ হইয়া আমার এত অক্ষমতাই সহ করিয়াছেন তবে আরও একটু করুন। আমি আপনার মর্যাদা হিসাবে নগদ ৩ হাজার টাকার স্থলে—অথ দুই হাজার মাত্র”—কথা সমাপ্ত না হইতেই চন্দ্রনাথ বাবু সক্রোধে বলিয়া উঠিলেন “ওসব জুয়াচুরীর কথা আমি শুনিতে চাই না—৫ হাজার স্থলে ৩ হাজারে সম্মত হইয়াছি বলিয়াই কি আমাকে প্রতারিত করিতে চান? হয় সব টাকা চুকাইয়া দিন—না হয় আমি বর উঠাইয়া লইয়া যাইতেছি।” সন্ধ্যাবেত ভদ্রমণ্ডলী ছুটিয়া আসিয়া বলিলেন—“শান্ত হউন আপনার শ্রায় ব্যক্তির কি এ প্রকার ক্রোধ শোভা পায় ইহার আপনার সহিত প্রতারণা

করিবেন ইহা কি সম্ভব—আপনার টাকার জন্ত হরিশ বাবু লেখাপড়া করিয়া দিতে প্রস্তুত আছেন। আর আপনি যদি ইচ্ছা করেন আমরা এ বিষয়ে জামিন হইতেও রাজি আছি। বর উঠাইয়া লইয়া যাইবেন তাহা কি ভদ্রতা সম্ভব হইবে?” চন্দ্রনাথ বাবু পূর্ববৎ উত্তর দিলেন—“ভদ্রতা অভদ্রতা আমি বুঝি না—হয় টাকা দিন নচেৎ আমি বিবাহ হইতে দিব না। লেখাপড়া জামিন ওসব কিছুতে আমার দরকার নাই।” সকলে চন্দ্রনাথ বাবুকে বিবিধ প্রকারে বুঝাইলেন হরিশ বাবু ও শ্রামবাবু কত স্তুতি মিনতি করিলেন তাঁহার পণ অটল—তিনি টাকা না পাইলে পুত্রের বিবাহ দিবেন না। পরিশেষে লগ্ন উপস্থিতপ্রায় দেখিয়া হরিশ বাবু চন্দ্রনাথ বাবুর পদধারণ করিতে গেলেন, তাঁহার নেত্রে শতধারা বহিতে-ছিল, ভগ্ন স্বরে বলিলেন রক্ষা করুন আমার কুল, মান, জাতি সকলই আজ আপনার হাতে, আপনি দয়া না করিলে আমার আর উপায় নাই, দয়া করিয়া দরিদ্রকে কিনিয়া রাখুন।”—দুই পদ পশ্চাতে সরিয়া তীব্র স্বরে চন্দ্রনাথ বাবু বলিলেন,—“বৃথা চেষ্টা, আমাকে আর ভুলাইতে পারিবেন না, টাকা না পাইলে আর কিছুতেই আমি ভুলিতে পারি না, দরিদ্রের জাতি মান রক্ষাও করিতে পারি না।” শ্রামবাবু কাতরভাবে বলিলেন, “রায় মহাশয় লগ্ন উপস্থিত, কত্যা পাত্রস্থ করিতে অনুমতি দিন।” “না, টাকা না পাইলে সে অনুমতি দিব না, টাকা দিবে কিনা বল?” “কাল আপনার টাকা নিশ্চয়ই দিব আজ দয়া করুন। কাল অবশ্য টাকা দিব একবার আপনার কিসে বিশ্বাস হয় বলুন তাই করি।” “টাকা পাইলেই আমার বিশ্বাস হয় নচেৎ নহে।” “রায়মহাশয় রূপা করুন আমাদের কুলমান বজায় রাখুন।” বিক্রপের স্বরে চন্দ্রনাথ বাবু বলিলেন “দরিদ্র জুয়াচোরের কুল মান আছে তাহা জানিতাম না। ভদ্রলোকের সহিত প্রতারণা করিতে কি কুল মানের হানি হয় না?” ক্রোধকল্পিত স্বরে শ্রামবাবু বলিলেন—“পাবধান হইয়া কথা বলিবেন, আমরা জুয়াচোর আর আপনি ভদ্রলোক! ভদ্রলোক হইলে একপা চণ্ডালের শ্রায় আপনার আচরণ কেন? চণ্ডালও আপনার আচরণে লজ্জা পায়!” ক্রোধে ক্ষোভে গজ্জিয়া চন্দ্রনাথ বাবু বলিলেন কি! আমার এত অপমান, টাকা দিতে না

পারিয়া কোথায় আমার অল্পগ্রহ ভিক্ষা করিবে তা না আমাকেই গালাগালি ও অপমান! আর এখানে মুহূর্তও না—“উত্তেজিত স্বরে শ্রামবাবু বলিলেন—“যান, চলিয়া যান আপনার শ্রায় চণ্ডালের পুত্রের সহিত আমরা কত্থার বিবাহ দিব না।” চন্দ্রনাথ বাবু রোষে ক্ষোভে কল্পিত কলেবরে গজ্জিতে গজ্জিতে গিয়া বিবাহবিশেষধারী পুত্রের হস্ত ধারণ করিয়া স্বরিত পদে বাহির হইলেন। গাড়ী প্রস্তুত ছিল অবিলম্বে চলিয়া গেলেন। তখন তাঁহার গনুচর সহচরগণ ও বরযাত্রী-দল একে একে কর্তার অনুগমন করিতে লাগিল।

(১১)

হরিশবাবু এতক্ষণ বজ্রাহতবৎ দণ্ডায়মান ছিলেন, এত অল্প সময় মধ্যে ঘটনাটা ঘটিল যে কেহ আর তাহার প্রতিরোধ করিতে সময় পাইলেন না। সভ্যসকলে স্তম্ভিত, বিস্মিত এবং কিংকর্তব্যবিমূঢ়। হরিশবাবু উন্মত্তবৎ রোদন করিতে করিতে শ্রামবাবুকে বলিলেন—“ভাই একি সর্বনাশ করিলে? তুমি ওরূপ রূঢ় আচরণ না করিলে আর এ সর্বনাশ হইত না এত পরিশ্রম এত কষ্ট সব বৃথা হইল? তোমার প্রতিজ্ঞা তুমি নিজেই বিফল করিলে—হায় হায় আমার সর্বনাশ হইল।” শ্রামবাবু এতক্ষণ চিত্রপুস্তলীবৎ হির ভাবে ছিলেন, বলিলেন—“আমার প্রতিজ্ঞা কখনও বিফল হয় নাই আজও হইবে না।” যেখানে ললিতমোহন দাঁড়াইয়াছিলেন দ্রুতপদক্ষেপে শ্রামবাবু তথায় গিয়া জামতার হস্তধারণ করিলেন, বলিলেন—“আমার সঙ্গে এম” শ্রামবাবু বিস্মিত ললিত মোহনকে দ্বিরুক্তি করিবার অবসর না দিয়া বিবাহ স্থানে লইয়া আসিয়া বরের আসনে উপবেশন করাইয়া দিলেন। ললিতমোহন তাঁহার দিকে দৃষ্টিপাত করিবারাত্র তিনি বলিলেন—“ললিত! আমি তোমার পিতৃস্থানীয় আমার আজ্ঞা তোমার অবশ্য পালনীয়। আমার সত্য রক্ষার্থে আমি তোমাকে এই বিবাহ করিতে বলিতেছি, তুমি কোন আপত্তি করিও না। আর আমি পিতা হইয়া একমাত্র কত্থার সপত্নী করিয়া দিতেছি, ইহাতে আমার অপেক্ষা আর কাহার অধিক ক্ষতি? তোমার মাতার অনুমতির জন্ত চিন্তা করিতেছ কি? সে ভার আমার হাতে। আর সময় নাই লগ্ন উত্তীর্ণ প্রায়, প্রস্তুত হও।” তাঁহার স্বর স্থির, গম্ভীর, অত্যন্ত

দৃঢ়তাব্যঞ্জক। স্তম্ভিতচিত্রপুস্তলীকাবৎ ললিতমোহন বরের আসনে বসিয়া রহিলেন, বিবাহ হইয়া গেল।

শ্রীঃ—

সমাপ্ত।

## বৈদিক যুগে আৰ্যভূমি।

ভারতবর্ষীয় আৰ্যগণ যে সভ্যতম জাতি তাহা আজ কাল এক প্রকার সার্বজনীন সত্য। যে সময়ে আমাদের প্রাচীন পিতামহগণ বেদের মধুর ধ্বনিতে পঞ্চনদ প্রদেশ প্লাবিত করিতেছিলেন তখন জগতের অস্তিত্ব জাতি অজ্ঞানতার ও অসভ্যতার গাঢ় অন্ধকারে আচ্ছন্ন। ভারতের এই প্রাচীনত্বের জন্তই আজ আমরা পরাধীন, পদানত হইয়াও সমস্ত সভ্য সমাজে সমাদৃত। ভারতের সহিত পরিচিত হইয়া আজ পাশ্চাত্য জাতিসকল জগতের প্রাচীনতম যুগের সভ্যতার ইতিহাস সন্দর্শনে সমর্থ হইয়াছেন। যতদিন আমরা ও আমাদের সর্বস্বধন বেদ সকল তাঁহাদের নিকট অজ্ঞাত ছিল, তত দিন তাঁহারা ইতিহাস-জ্ঞানের পূর্ণতা সম্পাদনে সমর্থ হইয়া নাই। আজ আমরা তাঁহাদের সেই অভাব দূরীভূত করিয়াছি।

অনেকে মনে করেন, দেশস্থ শাসনকর্তৃগণের ধারাবাহিক কাহিনীর নামই ইতিহাস। একথা সত্য নহে। বাহা দ্বারা আমরা জাতির ভাষা, আচার ব্যবহার, নীতি, ধর্ম ইত্যাদি বিষয় অবগত হইতে পারি; তাহাকেই প্রকৃত ইতিহাস বলা যায়। এই হিসাবে জাতীয় সাহিত্যই সর্বোৎকৃষ্ট ইতিহাস। ঋগ্বেদ জগতের প্রাচীনতম সাহিত্য। এই জন্তই ইহাকে সভ্য সমাজের সর্বপ্রথম ইতিহাস বলিয়া গণ্য করা হয়। আমরা অদ্য জগতের ঐ প্রাচীনতম ইতিহাস হইতে সঙ্কলন করিয়া আর্গারদিগের পূজনীয় পিতামহগণ সন্মুখে কয়েকটি ঐতিহাসিক চিত্র প্রদান করিব। সেই প্রাচীন বৈদিক যুগের সহিত তুলনায় আমরা আজ উন্নত বা অধঃপতিত তাহা বলিব না। নিম্নলিখিত

বিবরণ হইতে পাঠক তাহা অবধারণ করিতে পারেন। শেষ কথা এই যে পূর্ব পুরুষগণের ইতিহাস চিরকাল সর্বত্র সমাদৃত। সেই ভরসায় আমাদের এই প্রবন্ধের অবতারণা।\*

হিন্দুগণের মধ্যে প্রধানতঃ স্বর্গ মর্ত্য পাতাল এই ত্রিলোকের উল্লেখ পরিদৃষ্ট হয়। এই ভুবনত্রয়কে যদিও আবার অনেক ভাগে বিভক্ত করা হইয়াছে, কিন্তু মূলতঃ ঐ ত্রিলোকই প্রধান। কিন্তু আমাদের প্রাচীনতম ইতিহাস ঋগ্বেদে আমরা সচরাচর দুইটি লোকের মাত্র অস্তিত্ব প্রাপ্ত হই। তথায় উহাদিগকে খলোক ও ভুলোক নামে অভিহিত করা হইয়াছে। পাতালের নাম আমরা দেখিতে পাই না। ইহাতে স্পষ্টই বোধ হয়, আমাদের আৰ্য্য পিতামহগণ পাতাল সম্বন্ধে কোনও প্রকার মতামত পোষণ করিতেন না। এ সম্বন্ধে একজন বহুদর্শী লেখক বলেন যে, ঐ সময়ে আৰ্য্য কবিগণ পাপ ও পুণ্যের কোনও প্রকার পরিমিত পার্থক্য নির্দ্ধারিত করেন নাই। তখন তাঁহাদের বিশ্বাস ছিল যে, জীব মাত্রেই মরণ অবধি এই লোকে বাস করিয়া পরিণামে দু্যলোকে প্রস্থান করে। পুণ্যান্না ও পাপীর জন্ত যে ভিন্ন ভিন্ন লোকের প্রয়োজন হয়, ইহা তাঁহারা না বিশ্বাস করিতে পাতাল বা নরকের প্রয়োজনিতা অনুভব করেন নাই। বিশেষ, সভ্যতার সেই প্রথম যুগে তাঁহারা সন্মুখে যাহা দেখিতেন, তাহাই বিশ্বাস করিতেন। চক্ষুর অগোচর বস্তুর কল্পনা করিতে জানিতেন না। পশু-পক্ষী-মানব-সকল স্ববিশাল পৃথিবী ও মেঘ-নক্ষত্র-তারা-চন্দ্র-সূর্য্যসম্বিত অনন্ত আকাশ দিন রাত্রি তাঁহাদের সন্মুখে বিরাজ করিত। এই জন্ত তাঁহারা ঐ দুই লোকেরই উল্লেখ করিয়াছেন। চক্ষুর অগোচর গভীর অন্ধকারময় পাতালের কল্পনা করিতে পারেন নাই।

এই স্থানে আর একটি কথা উল্লেখ আবশ্যক। প্রাচীন-

\* বর্তমান প্রবন্ধে আমরা ঋগ্বেদের যে সকল স্থান উদ্ধৃত করিয়াছি তাহার মধ্যে এই প্রকার—প্রথম নবমটি অষ্টক, দ্বিতীয়টি অধ্যায়; তৃতীয়টি মণ্ডল, চতুর্থটি সূক্ত ও পঞ্চমটি শ্লোক-নির্ধায়ক। যেখানে ৭-৫-৯-১১৩-৬ আছে, সেখানে সপ্তম অষ্টক, পঞ্চম অধ্যায়, নবম মণ্ডল শতাধিক ত্রয়োদশ সূক্ত ও ষষ্ঠ শ্লোক বৃদ্ধিতে হইবে।

কালে যদিও আৰ্য্যগণের মধ্যে পাতালের নাম দেখিতে পাওয়া যায় না, কিন্তু দুই এক স্থানে নাগলোক বলিয়া এক নূতন লোকের কল্পনা দৃষ্ট হয়।† এই নাগলোক অধুনা পাতাল নামে অভিহিত হয়। কিন্তু বৈদিক যুগে উহা স্বর্গের উপরে কল্পিত হইত। পৌরাণিক ভূগোলে ঐ গোলোক-স্থানীয় নাগলোক যে কিরূপে আধুনিক পাতাল বা নরকরূপে পরিণত হইল, তাহার স্থির সিদ্ধান্ত করা বিশেষ দুঃস্বপ্ন।

ঐ প্রাচীন সময়ে আমাদের আৰ্য্য পিতামহগণের পৃথিবীর ভূগোল। ঐরূপ জ্ঞান ছিল বলিয়া বোধ হয় না। ঐরূপ আশা করাই আমাদের সমূহ অন্বেষণ। তখন সমস্ত পৃথিবী অজ্ঞানতার ঘোর অন্ধকারে সমাবৃত। পঞ্চনদবাসী মুষ্টিমেয় ভারতবাসী তখন কেবলমাত্র সভ্যতার অস্পষ্ট আলোক উপলব্ধি করিতেছেন। তখন রাজনীতি সমাজ-নীতির অতি শৈশবাবস্থা। সভ্যতার সেই প্রথম যুগে মুষ্টিমেয় আৰ্য্য সন্তান তখন পঞ্চনদ ক্ষেত্রে উপনিবেশ সংস্থাপন করিতেছেন। ঐ সময়ে পৃথিবীর ভূগোল-বৃত্তান্ত দূরে থাকুক, সমগ্র ভারতের প্রকৃত বিবরণ সম্বন্ধেও তাঁহারা সম্পূর্ণ অজ্ঞ। এরূপ অবস্থায় তাঁহাদের নিকট পৃথিবীর ভূগোল আবিষ্কারের চেষ্টা হইতেই পারে না। এই জন্ত ঐ প্রাচীন যুগে আমরা আমাদের আৰ্য্য পিতামহগণকে পৃথিবীর ভূগোল সম্বন্ধে ঐরূপ অজ্ঞ দেখিতে পাই।

প্রাচীন আৰ্য্যগণ যে সর্বপ্রথম পঞ্চনদ প্রদেশে আসিয়া উপনিবেশ সংস্থাপন করিয়াছিলেন, তদ্বিষয়ে বিদ্যুৎমাত্র সন্দেহ নাই। আমরা ঋগ্বেদের খুব ভারতবর্ষের ভূগোল।

অল্প স্থানেই পঞ্চনদ ছাড়া ভারতের অপরাংশের বিবরণ প্রাপ্ত হই। যে দুই এক স্থানের নাম প্রাপ্ত হওয়া যায়, তাহা পাঠ করিলে স্পষ্টই জ্ঞাত হওয়া যায় যে, ঐ সকল প্রদেশ বা নগর সম্বন্ধে পিতামহগণের অভিজ্ঞতা নিতান্ত অল্প ছিল। পঞ্চনদ প্রদেশ সম্বন্ধে যে তাঁহারা বিশেষ কিছু জ্ঞান লাভ করিয়াছিলেন, এরূপ বিবরণও আমরা ঋগ্বেদে দেখিতে পাই না। ইহাতে বোধ হয় যে, তাঁহারা তখন পঞ্জাবের সর্বত্রও উপনিবেশ সংস্থা-

† ঋগ্বেদ—সপ্তম অষ্টক, পঞ্চম অধ্যায়, নবম মণ্ডল, শতাধিক ত্রয়োদশ সূক্ত, নবম শ্লোক।

পন করেন নাই, সিন্ধু ও সরস্বতীর তটে বাস স্থাপন করিয়াছিলেন। সেই প্রাচীন যুগে পিতামহগণ ঐ প্রবাহিনী-কূলে স্থানিষ্ঠিত শান্তিভাবপূর্ণ আশ্রমসকল নিৰ্ম্মাণ করিয়া বহুতর যজ্ঞের অনুষ্ঠান করিয়াছিলেন। ইহার প্রমাণ ঋগ্বেদের পত্র পত্রে প্রাপ্ত হওয়া যায়।

পণ্ডিতপ্রবর মোক্ষমূলর আমাদের পূর্ব পুরুষগণের ভারতবর্ষীয় ভূগোল-জ্ঞান সম্বন্ধে বলেন—“তাঁহারা উত্তরে হিমাচল, দক্ষিণে আরবসাগর, পশ্চিমে সুলেমান পর্বত ও পূর্বদিকে যমুনা ও গঙ্গার মধ্যবর্তী প্রদেশ ভিন্ন ভারতের অপর কোনও স্থানের কিছুই জানিতেন না।\*

সম্পূর্ণ জীবন যিনি ভারতের চিরগোবর-ধন ঋগ্বেদ আলোচনায় অতিবাহিত করিয়াছেন, তাঁহার এই উক্তি যে সম্পূর্ণ সমীচীন তদ্বিষয়ে আর সন্দেহ কি? তাঁহার অভিজ্ঞতার উপর মন্তব্য প্রকাশ করিবার ক্ষমতা আমাদের নাই।

ঐ প্রাচীন যুগে সিন্ধু, শতদ্রু, পরাক্ষি (Ravi), অসিন্ধী (Chinab), বিতস্তা (Jhilam), আজিকীয়া (Bias), সপ্তনদী (Bewa), সরস্বতী, সরযু, গোমতি ও ভারতবর্ষীয় নদ নদী।

গঙ্গার উল্লেখ দেখিতে পাই। তন্মধ্যে শেষের স্রোতস্বিনীত্রয়ের যে ভাবে উল্লেখ হইয়াছে, তাহাতে স্পষ্টই বোধ হয় যে আৰ্য্যগণ তাহাদের বিষয় বিশেষ কিছু জ্ঞাত ছিলেন না। প্রথমোক্ত নদ ও নদী কয়েকটির মধ্যে আবার সিন্ধুর উল্লেখ-বাহুল্য দর্শনেই আমরা উপরে বলিয়াছি যে আৰ্য্যেরা ঐ সময়ে এই নদের উপকূলে বাস করিতেন। এমন কি ঐ সকল নদীর মধ্যে এক মাত্র সিন্ধুরই উৎপত্তি ও পতন স্থান নিরূপণ করিতে অগ্রসর হইয়াছিলেন। এবং তৎসম্বন্ধে কতকটা সাফল্য ও লাভ করিয়াছিলেন। (৮-২-১০-৬৪.৯ ও ৮-৩-১০-৭৫-৫-৬)

প্রাচীন সময়ে নদনদীদিগের উৎপত্তি সম্বন্ধে আৰ্য্যগণ বড় অদ্ভুত অথচ সুন্দর মত পোষণ করিতেন। একস্থানে আমরা ঐ বিষয়ে এইরূপ বর্ণনা পাঠ করি। “দেবতারী আসিলেন, কুঠার

ধারণ করিলেন, জল কাটিয়া দিলেন, মনুষ্যদিগের উপকারার্থ জল বর্ষণ করিলেন। নদী মধ্যে সেই জল

\* Max Muller's India : What can it teach us ? 1883 PP. 168, 174.

রাখিয়া দিলেন। আর যে স্থানে মেঘের মধ্যে জল দেখেন তাহা দধি করিয়া বাহির করিয়া দিলেন।” (৭-৭-১০-২৪-৪) এই কল্পনাটি যে সেই সেই প্রাচীনতম যুগের প্রথম সভ্য-জাতির পক্ষে সম্পূর্ণ সুসঙ্গত হইয়াছে তদ্বিষয়ে আর সন্দেহ নাই।

আৰ্য্য ঋষিগণ যে সমস্ত জনপদের উল্লেখ করিয়াছেন, তন্মধ্যে কয়েকটির নাম আধুনিক জগতে সম্পূর্ণ দুর্কোধ্য বোধে পরিত্যক্ত হইয়াছে। দুই এক স্থানে বেতসু নামক স্থানের নাম দেখিতে পাওয়া যায় (৮-১-১০-৪২-৪)।

এই স্থান সম্বন্ধে বহুবিধ মতভেদ আছে। অনেকে ইহাকে আধুনিক কাশ্মীর বলিয়া মনে করেন। আবার অনেকে ইহাকে নেপাল বলিয়া সিদ্ধান্ত করিয়াছেন। স্থানটার আধুনিক নাম, যাহাই হউক, উহা যে ঐ সময়ে একটি বিশেষ মনোহর স্থান ছিল তাহাতে সন্দেহ নাই। উপরোক্ত স্বজের শ্লোকে আমরা বৃদ্ধিতে পারি যে ইন্দ্র এক সময়ে কুৎস নামক জনৈক ব্যক্তির প্রার্থনায় সন্তুষ্ট হইয়া ঐ প্রদেশ তাহাকে অর্পণ করিয়াছিলেন। ইন্দ্র ঐ শ্লোকের শেষে বলিতেছেন “আমি পুত্রের ছায় তাহাকে ঐ প্রিয় বস্তু প্রদান করি।” নবনবতি নগর আমরা বহু স্থানে দেখিতে পাই—কিন্তু উহার বিষয়ে কোনও সঠিক বিবরণ প্রদান করা অসম্ভব। পিতামহগণ ঐ নগর সম্বন্ধে যেরূপ বিবরণ প্রদান করিয়াছেন, তাহাতে উহা যে এক সময়ে দাস বা অনার্য্য জাতির আয়ত্বাধীন ছিল তদ্বিষয়ে কিছুমাত্র সন্দেহ নাই। (৭-১-৯-৬-১) এইরূপ আরও অনেক স্থানের নাম উল্লেখ করা যাইতে পারে। বাহুল্য বোধে পরিত্যক্ত হইল। আমরা পূর্বেই বলিয়াছি আৰ্য্যেরা ভারতবর্ষে সর্বপ্রথমে পঞ্চনদ প্রদেশে উপনিবেশ সংস্থাপন করিয়াছিলেন। এই জন্ত সমগ্র ঋগ্বেদের মধ্যে আমরা ইহার অপেক্ষাকৃত বিস্তৃত বিবরণ প্রাপ্ত হই। ঐ সময়ে ভারতের অগ্ৰাণ্ড স্থানে যে, তাঁহারা বসবাস না করিয়াছিলেন এমত নহে। কিন্তু তথায় অনার্য্য-বাহুল্য দর্শনে তাঁহারা বোধ হয় কেবল মাত্র পঞ্চনদ প্রদেশকেই যজ্ঞোপযোগী বলিয়া উল্লেখ করিয়াছেন। (৮-১-১০-৫৩-৫) ঐ সময়ে তাঁহারা সংখ্যায় খুব কম ছিলেন। সেইজন্ত তাঁহারা প্রায়ই আদিম উপনিবেশ



মেলায় কিন্তু কি বর্ণন করিব, খুঁজিয়া পাই না। হয়-হস্তী দুই দশটার অসম্ভাব নাই; আর পানের খিলি হইতে পুরি-মিঠাই এবং 'স্ট্রেটেড্ ওয়াটার' হইতে 'একোয়া ভাইটী' প্রভৃতি অত্যাবশ্যক আহার্য-পানীয়ের ক্ষুদ্র-বৃহৎ বিপণি-সমাবেশেরও ক্রটি নাই। 'মেরি-গো-রাউণ্ডে' (বাঙ্গলায় বলিলে ব্যাপারটার গুরুত্ব বোধ হইবে না) সাদা কালা সকল শ্রেণীর স্ত্রী-পুরুষের পরিঘূর্ণন ও উচ্চকণ্ঠে অট্টহাস্যের উদ্ভাঙ্গন আছে; আর আছে— সাহেব-বিবির অভ্যর্থনার জন্ত স্বতন্ত্র আসন এবং 'নেটিভ নীগারের' বিদায়ের জন্ত কতু পুলিশ প্রহরীকর্তৃক গল-দেশে অর্ধচন্দ্রাকৃতি হস্তপ্রসারণ। কিন্তু এ সকল ত মেলা-মাত্রেরই অঙ্গ,—ইহাতে আর নূতনত্ব কি? ইহারই জন্ত এই কষ্ট স্বীকার করিয়া, বিরামপ্রদ বাসা ছাড়িয়া, এত দূরে আসিলাম,—ভাবিয়া নিজের বুদ্ধির প্রতি বিলক্ষণ ধিক্কার জন্মিল।

কৃত কর্মের ফলভোগ অনিবার্য ভাবিয়া ইতস্ততঃ পাদ-চারণ করিতেছি, সহসা এক দিকে দৃষ্টি পড়ায় চমক ভাঙ্গিল। শুনিয়াছিলাম, সিপির মেলা—সৌন্দর্যের হাট: এতক্ষণ সে কথার স্মরণ ছিল না, এখন এই অভিনব দৃশ্যে তাহা সত্য বলিয়া প্রতীতি জন্মিল, সঙ্গে সঙ্গে অতীতের এক অক্ষুট স্মৃতি অন্তরে জাগরুক হইয়া উঠিল। বহুদিন পূর্বে খাসিয়া শৈলে প্রবাস কালে, তত্রত্য নগ্ন ক্রমে রাজ্যে এইরূপ কোন পরীক্ষণক্ষে খাসিয়ানী স্ত্রীসমূহের নৃত্য দেখিয়া মুগ্ধ হইয়াছিলাম, আর এই সিপির মেলায় অগণন স্ত্রী-সমাগম দর্শনে ততোধিক বিস্মিত হইলাম। দেখিলাম, মেলায় একাংশ কেবল এই রমণীকুলে পরি-বৃত্ত; বালিকা বা বৃদ্ধা কিছু বিরল—প্রোঢ়া ও যুবতীর সংখ্যাই অধিক। স্ত্রীসমূহ সারি সারি স্তরে স্তরে বসিয়া মেলায় জনসমাগম ও পণ্যায়োজন নিরীক্ষণ করিতেছেন, কেহ বা বিলোল কটাক্ষ-বিক্ষেপে কোন ভ্রান্ত দর্শকের



সৌন্দর্যের হাট ।

চিত্তবিভ্রম ঘটাইতেছেন। স্ত্রীসমূহ প্রায় সকলেই অব-গুষ্ঠিতা,—অলঙ্কারের মধ্যে দৌল্যমান নাসাভরণই কেবল তাঁহাদিগের লাভণ্যবর্দ্ধন ও মর্যাদাবিকাশ করি-তেছে। বিচিত্রবসনপরিহিতা নানালঙ্কারভূষিতা মুকুটাবৃত-বেণিবদ্ধকুন্তলকলাপশোভিতা খাসিয়া রমণী সৌন্দর্য-গৌরবে ও অঙ্গসৌষ্ঠবে সিমলার এই স্ত্রীসমূহ অপেক্ষা অনেকাংশে গরীয়সী বোধ হয়; অধিকন্তু, তাঁহাদিগের সেই মহুর মোহন নৃত্য নিতান্তই নয়নানন্দদায়ক সন্দেহ নাই। তবে, সেখানকার সৌন্দর্যকলায় কেমন একটু কৃত্রিম পাশ্চাত্যভাব জড়িত, আর এখানকার অঙ্গরাগে এখনও অনাবিল প্রাচ্যভাব অক্ষুণ্ণ। উভয় ক্ষেত্রেই অব-রোধ প্রথার অসম্ভাব, এবং সেই স্ত্রেই সৌন্দর্যের পসরা-বিস্তারের একরূপ স্বযোগ বর্তমান। হাট 'বিকী-কিনি' পুত্র নহে;—শুনিয়াছি, খাসিয়া রমণীর ঐরূপ নৃত্যোৎসব ক্ষেত্রেই অনেক স্থলে বাক্‌দান-ব্যাপার সম্পন্ন হইয়া থাকে, আর এখানকার এই মহোৎসব পূর্বে প্রকৃতই রমণীর

ক্রয়-বিক্রয়-কাণ্ডে পরিসমাপ্ত হইত। মেলা ক্ষেত্রে এক পক্ষে মনোমত রমণী নিষ্কাচন ও অল্পপক্ষে যথাযোগ্য মূল্য বিনিময়ে কথাসমর্পণ সহজ হইত বলিয়াই এই উপলক্ষে এইরূপ স্ত্রীসমাগমের প্রথা প্রবর্তিত হয়। সভ্যতার ক্রমোন্মেষ সহকারে ও ইংরাজরাজের তত্ত্বাবধানে এই ঘণিত ব্যবসায় ক্রমশঃ অন্তর্হিত হইলেও, মেলায় মহিলা-সম্মিলনের আজ পর্যন্ত ব্যতিক্রম ঘটে নাই; পরন্তু, প্রকৃত পক্ষে ক্রয়-বিক্রয় না ঘটিলেও, এই স্ত্রে পাত্রী বিশেষের হস্তান্তর প্রথাও, না কি একেবারে উন্মূলিত হয় নাই।

মেলায় এই সৌন্দর্য উপভোগ ও শিক্ষালাভ করিয়া আমরা স্বস্থানে প্রত্যাবর্তন করিলাম। এখন পাঠক-পাঠিকার জন্ত এই নীরস কাহিনীর বিবরণ ও দুই দূরবর্তী পার্শ্বত্যা মেলায় স্ত্রীসমাগমের সামান্য প্রতিকৃতি প্রদর্শন তিন আমাদিগের অগ্র সঞ্চল নাই।

শ্রী :—



খাসিয়া রমণীগণের নৃত্য ।











পাখি দিয়া কত নৌকা চলিয়া যাইতেছে। কুমুদিনীর সে দিকে দৃষ্টি নাই। একখানি নৌকা হইতে মধুমাথা কোমল স্বরে টপ্পা গান চলিতেছে কুমুদিনীর কর্ণ সেদিকে নাই। নক্ষত্রনিকর-বিরাজিত নৈশ-গগনের অলৌকিক শোভাকে পরাজিত করিয়া অগণ্য আলোকমালা-বিশোভিত মহানগরী কলিকাতা সম্মুখে অপূর্ব শোভা বিস্তার করিতেছে। কুমুদিনীর নয়ন সে শোভায় আকৃষ্ট হইতেছে না। কতক্ষণে যথাস্থানে নৌকা লাগিবে, এই চিন্তায় তিনি নিমগ্ন।

ধীরে ধীরে কুমুদিনী জিজ্ঞাসিলেন,—“লবঙ্গ দিদি, আর কত দেৱী? মাঝিরা ঘাট ছাড়াইয়া যাইবে না তো?”

কেহ দেখুক না দেখুক লবঙ্গ একটু হাসিল। হাসির সহিত মিশাইয়া বলিল—“সে ভয় নাই। মাঝিরা নরেশ বাবুর চেনা জানা লোক। ঠিক ঘাটেই নৌকা লাগাইবে। ঐ যে বিদ্যুতের আলো লাগান পুল দেখা যাইতেছে, উহার এ দিকে নৌকা লাগিবে। আর দেৱী নাই।”

বাস্তবিকই আর দেৱী হইল না। প্রায় দশ মিনিটের মধ্যে নৌকা আসিয়া জগন্নাথের ঘাটে লাগিল। কুমুদিনীর আশা ও আশঙ্কার স্রোত বড়ই বাড়িয়া উঠিল। হৃদয়স্ত্রে প্রবল-বেগে রক্ত ধাবিত হইতে থাকিল। কুমুদিনী বলিলেন,—“লবঙ্গ দিদি, গাড়ীর ব্যবস্থা কর।”

লবঙ্গ বলিল,—“কোন ব্যবস্থাই করিতে হইবে না। সুরেশ বাবুর গাড়ী সন্ধ্যার পর হইতে ঘাটে দাঁড়াইয়া থাকিবে স্থির আছে। সঙ্গে নরেশ বাবু নিজে থাকিলেও থাকিতে পারেন। যদি কোন কারণে তাঁহার আসা না হয়, তাহা হইলে তাঁহার কোন বিশ্বাসী লোক গাড়ী লইয়া দাঁড়াইয়া থাকিবে কথা আছে। মাঝি! দেখ দেখি, উপরে কোন লোক গাড়ী লইয়া আছে কি না।”

“যে আঞ্জা” বলিয়া মাঝি নৌকা হইতে উপরে উঠিল। অবিলম্বে সে ফিরিয়া আসিয়া সংবাদ দিল,—“সুরেশ বাবু ডাক্তারের গাড়ী লইয়া এক লোক উপরে হাজির আছে।”

লবঙ্গ বলিল,—“দেখিলে দিদি? বন্দোবস্ত সব পাকা।”

কুমুদিনী ভাবিলেন, “লোক? তিনিই কি এ লোক?”

এত মৌভাগ্য কি হইবে? এখনই কি তাঁহাকে দেখিতে পাইব?”

হাত ধরিয়া কুমুদিনীকে সঙ্গে লইয়া লবঙ্গ বাহিরে আসিল। ধীরে ধীরে সেই দুই নারী, নৌকা হইতে অবতরণ করিয়া উপরে উঠিতে লাগিলেন। যে ঘাট সমস্ত দিন স্নানার্থী নরনারীর সমাগমে লোকারণ্য বলিয়া বোধ হয় এখন তথায় দুই চারি জন ভিন্ন আর লোক নাই। তাঁহারা অনায়াসে উপরে উঠিলেন। মাঝিরা ভাড়া বা বখসিস্ কিছুই প্রার্থনা করিল না। সরদার মাঝি সঙ্গে ছিল। সে বিদায় লইয়া প্রস্থান করিল এবং তখনই ঘাটে আসিয়া নৌকা ছাড়িয়া দিল। দেখিতে দেখিতে নৌকা বেগে দক্ষিণ দিকে চলিতে লাগিল।

কুমুদিনী ভাবিলেন, মাঝিরা ভাড়া লইল না, সে জন্ত কোন কথাও বলিল না কেন? বোধ হয় সকলই পাইয়াছে। কে দিয়াছে? তিনিই দিয়াছেন কি? যাহাই হউক সে সম্বন্ধে কোন কথাই তিনি লবঙ্গকে জিজ্ঞাসা করিলেন না। কিন্তু তাঁহার চিত্ত সে জন্ত একটুও বিচলিত হইল না কি?

সত্যই উপরে একখানি সুন্দর গাড়ী ও তাহার সন্নিকটে একটা ভদ্রবেশধারী পুরুষ দাঁড়াইয়াছিল। সম্মুখে লবঙ্গলতা তৎপশ্চাতে ব্রীড়াবনতা অবগুণ্ঠনবতী স্থূল স্ত্রী-বৃত্তা কুমুদিনীকে দেখিয়া সেই ভদ্রবেশধারী পুরুষ একটু অগ্রসর হইল এবং দূর হইতে সমস্তসে বলিল, “আপনারা আসিয়াছেন? আমি সন্ধ্যা হইতে গাড়ী লইয়া খাড়া আছি। এখন গাড়িতে উঠুন।”

লোকটা একটু সরিয়া গেল। লবঙ্গ অক্ষুট স্বরে কুমুদিনীর কানে কানে বলিল,—“সুরেশ বাবুর বিশ্বাসী নরেশ বাবু। আহা! সন্ধ্যা হইতে এখানে খাড়া থাকিয়া লোকটা বড় কষ্ট পাইয়াছে। এখন চল, শীঘ্র গাড়িতে যাই।”

কুমুদিনী ভাবিলেন, “তিনি তো আইসেন নাই। কেনই বা আসিবেন? বিশ্বাসী লোক—সুরেশ বাবুর গাড়ী, সকলই তো আসিয়াছে। আসিলে তাঁহারও তো ভারী কষ্ট হইত।” তিনি কোন কথা বলিলেন না। কিন্তু ইহাতে তাঁহার চিত্ত আর একটু বিচলিত হইল না কি?

লবঙ্গের সহিত কুমুদিনী গাড়িতে উঠিলেন। কোচ

বাস্তে কোচমানের পার্শ্বে সেই লোকটা উঠিয়া বসিল। বোড়ার পৃষ্ঠদেশে মুহু কষাঘাত পড়িল। মোড় ফিরাইয়া অধুকে বেগে ছাড়িয়া দিল। গাড়ী ছুটিতে লাগিল। সহসা কেন জানি না, কুমুদিনীর হৃদয় কাঁপিয়া উঠিল। কি যেন ঘোর বিবাদ বদন ব্যাদন করিয়া তাঁহাকে গ্রাস করিবার নিমিত্ত ধাবিত হইতেছে বলিয়া তাঁহার মনে হইতে লাগিল। কিন্তু না—ভয় আশঙ্কার কোন কারণই থাকিতে পারে না। যখন পরম হিতৈষিনী মঙ্গলময়ী লবঙ্গ-মাতা সকল সুখ মৌভাগ্যের পথ উন্মুক্ত করিয়া দিবার নিমিত্ত তাঁহাকে সঙ্গে লইয়া আসিতেছে, তখন ভয়ের কথা কিছুই নাই।

অনেক সঙ্কোচ ও বিস্তৃত পথ অতিক্রম করিয়া অনতিদূর মধ্যে অধ্বান মাথাঘষার গলির সন্নিকটে এক অপ্রস্তু পথ-পার্শ্বস্থ প্রকাণ্ড অথচ জীর্ণ ভবন-দ্বারে দণ্ডায়মান হইল। গাড়ির উপস্থিত পুরুষ লাফাইয়া নীচে নামিল এবং একটু দূরে দাঁড়াইল। কুমুদিনী গাড়ির ভিতর হইতে উকি দিয়া দেখিলেন। সুরেশ বাবুর বাটীতে একবার তিনি আসিয়াছিলেন এবং তিন দিন বাস করিয়াছিলেন। সে বাটী অতি পরিষ্কার ও সুদৃশ্য। একরূপ বালি খসা, মোনা ধরা বাটী সুরেশ বাবুর ছিল না এবং সে ভবনের সমুখস্থ রাজপথও প্রশস্ত ও সুসজ্জিত বলিয়া তাঁহার পরিচয় ছিল। তাঁহার চিত্ত অধিক মাত্রায় বিচলিত হইল।

কুমুদিনীর মনের ভাব বোধ হয় লবঙ্গ বুঝিতে পারিল। সে গাড়ী হইতে নামিয়া পড়িল এবং কুমুদিনীর হাত ধরিয়া বলিল,—“তুমি শুন নাই বুঝি, সুরেশ বাবু বাসা বদল করিয়াছেন। শীঘ্র নাম; এখনই এদিক ওদিক হইতে গাড়ী আসিয়া পড়িলে গোল বাধিবে।”

কুমুদিনী কোনরূপ ভাবিবার সময় পাইলেন না। লবঙ্গলতার হাত ধরিয়া তিনি গাড়ী হইতে নামিয়া পড়িলেন এবং ভবন মধ্যে প্রবেশ করিলেন। গাড়ী প্রস্থান করিল।

তাঁহার ভবন মধ্যে প্রবেশ করার পর, সেই পুরুষ দ্বার সন্নিধানে আসিল। লবঙ্গ তাহাকে বলিল,—“ঐ খানে থাক; যাহা করিতে হইবে তাহা পরে বলিব।”

ভবনের অবস্থা বড় মন্দ। ভিতরের উঠানে বন ও বড় বড় ঘাস। কোন দিকে কোন লোক নাই, কোথায়ও

আলোক নাই। কুমুদিনীর মন বড়ই বিচলিত হইল। তাঁহার পা আর চলে না, শরীর আর স্থির থাকে না। আসন্ন ঘোর অনিবার্য্য বিপদের নিদাক্ষণ পেষণে যেন তিনি মথিত হইয়া পড়িলেন।

চতুরা লবঙ্গ সকল কথাই বুঝিল। সে সেই পুরুষকে লক্ষ্য করিয়া বলিল,—“বাহিরের দরজা বন্ধ করিয়া দেও।”

তৎক্ষণাৎ সদর দরজা বন্ধ হইয়া গেল। লবঙ্গ তাহার পর কুমুদিনীকে বলিল,—“এ বাড়ীর বাহিরটায় এই রকম বন জঙ্গল। ভিতর খুব পরিষ্কার। সেখানেই মেয়েছেলে আর বাবুরা সকলে আছেন। তুমি আর একটু আসিলেই তাঁহাদের দেখিতে পাইবে।”

কুমুদিনী বুঝিয়াছেন, বিপদে তাঁহাকে গ্রাস করিয়াছে। তাঁহার তখন কথা কহিবার সাধ্য নাই, দাঁড়াইবার শক্তি নাই, নড়িবার সাগর্ধ্য নাই। তাঁহার দেহ সম্মুখে হেলিয়া পড়িতেছে দেখিয়া লবঙ্গ তাঁহাকে ধরিয়া ফেলিল এবং বলিল,—“ভয় নাই, এত উতলা হইতেছে কেন? আইস—ভাল হইবে।”

লবঙ্গ তাঁহাকে আকর্ষণ করিয়া লইয়া চলিল। যন্ত্র-চালিত পুতলীর তায় লবঙ্গের দেহে ভর দিয়া তিনি অগ্রসর হইতে লাগিলেন। চারিদিকে তৃণগুল্মলতা-সমাবৃত প্রাঙ্গণ মধ্যে মনুষ্য গমনাগমনের উপযোগী একটু ফাঁক ছিল। সেই পথ দিয়া তাঁহারা বাটার অভ্যন্তরভাগে প্রবেশ করিলেন। সেখানেও মানবের কণ্ঠধ্বনি শুনা গেল না। সুরেশ বাবুর পত্নী পূর্ববারের তায় সাগ্রহে আসিয়া কুমুদিনীকে আলিঙ্গন করিয়া গৃহে লইয়া যাইতে আসিলেন না। নরেশ বাবুর একটা দূরগত কণ্ঠধ্বনিও কুমুদিনীর আকুল প্রাণে শান্তি-সুখা সিঞ্চন করিল না। সুরেশ বাবুর অনেক দাসদাসী, একটা দাসীও তো আসিল না। কিন্তু উপর তলায় একটা ঘরে ক্ষীণ আলোক জ্বলিতেছে বলিয়া বোধ হইল। লবঙ্গ বলিল,—“উপরে আইস, উপরে আসিলেই সকলের সহিত দেখা হইবে।”

কুমুদিনীকে একপ্রকার টানিয়া লইয়া লবঙ্গ উপরে তুলিল। সিঁড়ি দাক্ষণ অন্ধকার ও আবর্জনা-পূর্ণ। উপরেও কেহ নাই। কোন দিকে কোন মনুষ্য মূর্তি দেখা গেল না। যে ঘরে ক্ষীণ আলোক জ্বলিতেছিল লবঙ্গ সেই

দিকে কুমুদিনীকে লইয়া চলিল। সে ঘরে একটি মাতুর আছে, একটি মূং কলমে জল আছে, একটি ঘট আছে, একখানি থালা ও দুইটি বাটি আছে। এক কোণে একটি প্রদীপ জলিতেছে। মনুষ্য কোথায়ও নাই। সেই স্থানে গিয়া লবঙ্গ বলিল,—“এখানে বইস, একটু ঠাণ্ডা হও, তাহার পর সকল কথা বলিব।”

তখন সহসা কুমুদিনীর বুদ্ধি ও বিচার শক্তি ফিরিয়া আসিল, বাক্য-কথনের ক্ষমতা পুনরাগত হইল। একান্ত শক্তিহীন দেহে বলের সঞ্চার হইল। নিতান্ত দুর্বলচিত্ত কোমলস্বভাব, স্বল্পভাষী লোকেরাও কখন কখন ঘটনার পেষণে বিস্ময়াবহ পরিবর্তন পরিগ্রহ করে। তাহাদের সাহস হয়, বাক্যের তেজ ও শৃঙ্খলা হয় এবং দেহেও বল হয়। কুমুদিনী বলিলেন,—“লবঙ্গ তোমাকে আমি বড় বিশ্বাস করিয়াছিলাম। তুমি যাহা যাহা বলিয়াছ, তাহা সম্পূর্ণ সত্য বলিয়া বিশ্বাস করিয়াছি। তোমার কথায় সন্দেহ করিলেও পাপ হয় বলিয়া মনে করিয়াছি। আমি ছুঃখিনী। আপনার ছুঃখের বোঝা ঘাড়ে লইয়া ছুঃখ কষ্টে দিন কাটাইতেছিলাম। তুমি কোথা হইতে আসিয়া আমাকে আমার প্রার্থিত স্নেহের রাজ্যে বসাইবার ব্যবস্থা করিলে। তুমি কে আমি জানিতাম না, আমার ছুঃখ দূর করিবার জন্ত তোমাকে আমি ডাকিতে যাই নাই। তুমি নিজে আসিয়া আমার ছুঃখ দূর করিবার ভার লইয়াছ। এক্ষণে আমাকে অকারণ একরূপ বিপদে ফেলিয়া, একরূপে আমার সর্বনাশের পথ মুক্ত করিয়া দিয়া তোমার কি লাভ হইল লবঙ্গ? আমি কখন জ্ঞানে বা অজ্ঞানে তোমার কোন অনিষ্ট করি নাই, তবে কেন লবঙ্গ আমার সহিত তুমি মিথ্যা কথা কহিয়া, নানা বাক্যে ছলনা করিয়া আমাকে এখানে আনিয়া ফেলিলে? তোমার মনে কি আছে তাহা ভগবান জানেন। কিন্তু আপাততঃ যাহা দেখিতেছি, তাহাতে বেশ বুঝিতেছি, আমার ঘোরতর বিপদ উপস্থিত। কেন লবঙ্গ, তুমি এ ছুঃখিনী অবলাকে একরূপ বিপদে ফেলিতেছ? ইহাতে তোমার কি লাভ? আমি ব্রাহ্মণ কন্যা, আমি তোমার পায়ে ধরিতেছি, তুমি আমাকে রক্ষা কর। আমাকে আমার মা'র কাছে রাখিয়া আইস।”

কুমুদিনী কাঁপিতে কাঁপিতে লবঙ্গের চরণ ধারণ

করিলেন। লবঙ্গ তাঁহার হস্ত হইতে চরণ মুক্ত করিয়া একটু পিছাইয়া গেল। তাহার মূর্তি যেন পিশাচীর ঞায় ভয়ঙ্কর হইল। তাহার কোমলতাপূর্ণ হাসি মাথা মুখ বিকট আকার ধারণ করিল। সে তখন বলিতে লাগিল,—“তুই আমার কোন অনিষ্ট করিস নাই; কিন্তু আমি যাহাকে প্রাণের চেয়ে বেশী ভাল বাসি যাহার স্নেহে আমার স্নেহ, দুঃখে আমার দুঃখ, তুই কোন মতেই যাহার পায়ের নখেরও যোগ্য নহিস, সেই হেমলতার তুই পরম শত্রু। তুই বামন হইয়া চাঁদে হাত দিতে চাহিস। তুই হেমলতার স্বামীকে দখল করিতে ইচ্ছা করিস! তোর সর্বনাশ করাই উচিত ছিল; উকুনের মত তোকে নখে পিষিয়া মারিয়া ফেলাই আবশ্যিক ছিল। আমার বড় দয়া, আমি তাহা করি নাই। তোর ভালই করিয়াছি। তুই ভাত কাপড়ের অভাবে মরিতেছিলি। আমি তোকে এখানে আনিয়া তোর কষ্টের শেষ করিয়া দিয়াছি। আজিই তোর ধর্ম যাইবে; এই রাত্রি হইতে তুই বেশ্য হইবি। তোর অন্ন বস্ত্রের কষ্ট দূর হইবে। আর আমার লাভ? নরেশ বাবু তোকে দর্শন করা থাক, তোর মুখও দেখিবে না; ভদ্র অভদ্র কোন সমাজেই তুই আর স্থান পাইবি না। হেমলতার কণ্টক দূর হইবে, অথচ তোর কষ্ট ঘুচিবে। আর তোর মা'র কথা বলিতেছিস? সেও কি থাকিবে? এতক্ষণ হয়তো তাহার শেষ হইয়া গেল।”

কুমুদিনী কাঁপিয়া উঠিলেন। কাতর ভাবে বলিলেন,—“লবঙ্গ তুমি স্ত্রীলোক। স্ত্রীলোকেই জানে, সতীত্বের কি মর্যাদা। লবঙ্গ, আমি কাহারও পথে কণ্টক হইব না, আমি প্রতিজ্ঞা করিতেছি, কাহারও কোন অনিষ্ট আমি জীবনে করিব না; তুমি দয়া করিয়া আমার সতীত্ব ধর্ম যাহাতে রক্ষা হয়, তাহার উপায় করিয়া দেও। দোহাই তোমার লবঙ্গ, তুমি আমাকে রক্ষা কর। আর আমার ছুঃখিনী জননী—তাঁহার কি অপরাধ? তোমার পায়ে পড়ি লবঙ্গ, তাঁহার কোন অনিষ্ট তুমি করিও না।”

আবার কুমুদিনী কাঁদিতে কাঁদিতে লবঙ্গের চরণ ধারণ করিলেন। তখন লবঙ্গ বিকট হাস্য করিয়া উঠিল।

সে হাস্য-ধ্বনি শেলের ঞায় কুমুদিনীর হৃদয়ভেদ করিয়া

দিন। বলিল,—“তোমার মা'র শেষ করাই আগে দরকার। সে বাঁচিয়া থাকিলে লোকের কাছে সকল কথা বলিয়া দিবে। তাহা হইলে আমাদের মন্ত্রণা প্রকাশ হইয়া যাইবে—আমরা ধরা পড়িব। তাহার সর্বনাশ করা চাই-ই-চাই। তাহার পর তোর সতীত্বের কথা! পোড়া কপাল! তোর আবার সতীত্ব কি? যার পেটে ভাত নাই, পরণে কাপড় নাই, তার আবার ধর্ম কি? তোর ধর্ম থাকিলেই বা কি, না থাকিলেই বা কি? এখন না হউক, দশ দিন পরে ভুই বুঝিতে পারিবি, আমি তোর কত উপকার করিয়াছি। এখন হইতে সকল কষ্টের শেষ হইবে। আর কথা কহিস না। যে পথে তুই আজি হইতে দাঁড়াইতেছিস, যাহাতে ভাল হইয়া সে পথে থাকিতে পারিস, তাহারই চেষ্টা করিতে থাক।”

এতক্ষণে কুমুদিনী আপনার অবস্থা সম্যকরূপে প্রণিধান করিলেন। বুঝিলেন যাহাকে পরমাত্মীয় জ্ঞানে তিনি সম্পূর্ণ বিশ্বাস করিয়াছেন, সে তাঁহার পরম শত্রু এবং সর্বনাশ সাধনই তাহার ব্রত। তাহার হৃদয়ে দয়া নাই। কোন রূপ বিনয়ে বা কাতরতার তাহার করুণা উৎপাদন করিবার আশা নাই। তখন তিনি বলিলেন,—“আচ্ছা লবঙ্গ আমি আর কোন কথা কহিয়া তোমাকে বিরক্ত করিব না। কিন্তু তুমি স্থির জানিও, যদি আমার এ ধর্মে মতি থাকে, যদি স্বামী-পদে আমার অচলা ভক্তি থাকে, তাহা হইলে অবশ্যই তোমার সমস্ত যড়যন্ত্র ব্যর্থ হইবে। ঈশ্বর দয়াময়। তিনি নিশ্চয়ই আমাকে রক্ষা করিবেন। আর আমি কোন কথা বলিব না।”

লবঙ্গ আবার সেই উৎকট হাসি হাসিল। তাহার পর বলিল,—“ঈশ্বর! ঈশ্বরের খুব দয়া। তাই তোকে ছারপোকায় মত মারিয়া না ফেলিয়া, এই স্নেহের দশা ঘটাইতে আমার মতি হইয়াছে। থাক তুই এখন। আমার আর তোর সঙ্গে বাস করিবার সময় নাই। যাহার জন্ত তোকে আনিয়াছি, সে আসিয়া আপন কার্য্য বুঝিয়া লইবে। আমি এখন যাই।”

কুমুদিনী বলিলেন,—“যাও! আর যেন এ জীবনে কখন তোমার মুখ দেখিতে না হয়।”

লবঙ্গ বলিল,—“বেশ্যের স্নেহ আর কে দেখিবে? তুই যতই মন্দ হ না কেন, আমার দয়ার সীমা নাই।

এই পাশের ঘরে চাউল, দাইল, কাঠ কয়লা জল উনান হাঁড়ি সবই আছে। পেটের যখন জ্বালা উপস্থিত হইবে, তখন রাঁধিয়া খাইস। আমি এখন যাই।”

কুমুদিনী কোন কথা কহিলেন না—ফিরিয়াও চাহিলেন না। লবঙ্গ চলিয়া গেল।

### সপ্তম পরিচ্ছেদ।

লবঙ্গলতা পরদিন প্রাতে হরিপুরে ফিরিল। ফিরিয়াই সে হেমলতার সহিত সাক্ষাৎ করিল। হেমলতা তখনই শয্যাভ্যাগ করিয়াছেন; ঘুমের ঘোর তখনও ভাল করিয়া যায় নাই। তথাপি দূর হইতে লবঙ্গলতাকে দর্শন-মাত্র হেমলতার দৈহিক জড়তা অপগত হইল। তিনি তীরবেগে আসিয়া লবঙ্গের কণ্ঠালিঙ্গন করিলেন এবং সঙ্গে সঙ্গে জিজ্ঞাসা করিলেন,—“তারপর?”

লবঙ্গ আদরের সহিত হেমলতার চিবুক ধারণ করিল। প্রেমে তাহার শরীর কণ্টকিত হইল। চক্ষু একটু আর্দ্র হইয়া পড়িল। একটু স্থির হইয়া লবঙ্গ বলিল,—“সকলই শুভ। যাহা যাহা করিতে সাধ ছিল, সকলই করিয়াছি। এখানকার খবর কি?”

হেমলতা বলিলেন,—“সে কথা বলিব এখন। আগে তুমি সকল কথা স্পষ্ট করিয়া বল।”

লবঙ্গ বলিল,—“স্পষ্ট করিয়া বলিতেছি শুন। যে অভাগিনী কুঁজো হইয়াও চিত হইয়া গুইবার সাধ করিয়াছিল, যে তোমার দাসীর অযোগ্য হইয়াও তোমার সমান হইতে চাহিয়াছিল, সে এখন কলিকাতায় এক জন সামান্য বেশ্য হইয়াছে। নরেশ বাবু তাহাকে স্পর্শ করা দূরে থাক, তাহার নাম শুনিলেও ঘৃণা করিবে। কোন সমাজেই তাহার আর স্থান হইবে না। তাহার জীবন্তে মরা হইয়াছে!”

দস্তে দস্ত স্থাপন করিয়া হেমলতা বলিলেন,—“নরেশ! তোমার গোরবের ধর্ম-পত্নী এখন বাজারের বেশ্য! তার পর?”

“তারপর এ কাজের এক সাক্ষী তাহার মা। সে বুড়ী, লোকের কাছে বলিলেও বলিতে পারে যে আমি তাহার মেয়েকে ফুসলাইয়া আনিয়াছি। সে পথ বন্ধ করিবার জন্ত তাহাকে নিকাশ করিয়াছি। বোধ হয় সে



অনেকই শুনিত পায় সন্তব। কিন্তু ইহা আমার বিশ্বাস, যদি তাঁহার সম্বন্ধে কোন লজ্জাজনক কথা তুমি শুনিয়া থাক, জানিবে তাহা নিশ্চয়ই তাঁহার ছরবস্থার হেতু ঘটয়াছে।”

হেমলতা একটু হাস্য করিলেন। তাহার পর বলিলেন,—“তোমার কথাই সত্য বটে। যে দারুণ ঘণা-জনক জীবিকা সে এখন অবলম্বন করিয়াছে, তাহা নিশ্চয়ই তাহার অত্যন্ত ছরবস্থার হেতুই ঘটয়াছে।”

নরেশ বলিলেন,—“অসম্ভব নহে। কি হইয়াছে শুন।”

হেমলতা বলিলেন,—“তোমার গৌরবের কুমুদিনী এখন কলিকাতায় বাজারের বেণী হইয়াছে।”

নরেশ উঠিয়া দাঁড়াইলেন। বলিলেন,—“মিথ্যা কথা! অসম্ভব কথা! আমি এরূপ কথা কাহারও মুখে শুনিত চাহি না। তুমি যদি এই মিথ্যা কথা প্রচার করিবার জন্ত এখানে আসিয়া থাক, তাহা হইলে আর কোন কথার কাজ নাই। তুমি চলিয়া যাও! তোমার কথা আমি শুনিব না।”

হেমলতার মুখ ক্রোধে রক্তবর্ণ হইল। তিনি উত্তেজিত স্বরে বলিলেন,—“তুমি সকল সময়েই আপনার অবস্থা ভুলিয়া যাও। আমাকে তুমি এখান হইতে যাইতে বলিতেছ। আমাকে এ বাটীর কোন স্থান হইতে তাড়াইয়া দিবার তুমি কে? তোমাকে আমি ইচ্ছা করিলেই তাড়াইয়া দিতে পারি; কিন্তু তুমি! তুমি আমার পিতার অনুগ্রহজীবী তুমি আমাকে তাড়াইতে চাহ কোন্ সাহসে?”

নরেশ বলিলেন,—“কথা ঠিক। আমি একবারও ভুলি নাই যে, আমি তোমাদের ক্রীতদাস। কিন্তু এ অবস্থা আমার প্রার্থনীয় নহে এবং এজন্ত আমি কাহারও নিকট রুতজ্ঞ নহি। তোমার সঙ্গে আমার প্রেমের বন্ধন থাকিলে আমি এ অবস্থায় পরম পরিতুষ্ট হইয়া স্নেহে কালযাপন করিতে পারিতাম। কিন্তু তাহা যখন তুমি ঘটাইলে না, তুমি যখন নিয়ত আপনাকে প্রভু আমাকে ভৃত্য ভিন্ন আর কিছুই মনে করিলে না, তখন তোমাদের অনুগ্রহ আমার পক্ষে নিতান্ত বিরক্তিকর হইয়াছে। এ অবস্থায় যদি তোমরা বিরক্ত হইয়া আমাকে তাড়াইয়া দেও, তাহাতে আমি সুখী ভিন্ন অসুখী হইব না। আমি তোমার পিতার অনুগ্রহজীবী নহি। তিনি একদিন দায়গ্রস্ত হইয়াই আমাকে কন্যাদান করিয়া চরিতার্থ হইয়াছেন। আমি কস্মিন্ম পুরুষ। অন্ন বস্ত্রের নিমিত্ত কাহারও নিকট আমি অনুগ্রহ ভিক্ষা করিতে চাহি না।”

হেমলতা বলিলেন,—“তোমার অহঙ্কারের মাত্রা ক্রমেই অতিশয় বাড়িয়া উঠিতেছে। পিপিড়ার পাখা উঠে মরিবার আগে। তোমার সর্বনাশ নিকট।”

নরেশ বলিলেন—“তোমার ভয়ে ভীত হইয়া কাজ করা কি দুর্ভাগ্য। ন্যায়, ধর্ম ও বিচার মতে তুমি আমার অধীন। তোমার পিতার প্রতাপ বা ঐশ্বর্য এবং তোমার অহঙ্কার বা তেজ কিছুই তোমার অধীনতা দূর করিতে পারে না। কিন্তু তোমার ন্যায় সঙ্গিনী লইয়া আমি সুখী হইব না, এজন্য তোমাকে আমি ক্ষমা করিতেছি—তোমায় স্বাধীন ভাবে বিচরণ করিতে দিতেছি। তুমি যাহা ইচ্ছা করিতে পার। আমি তোমাকে আর চাহি না।”

তখন হেমলতা দলিত-ফণা ফনিগীর ন্যায় গঞ্জিয়া উঠিলেন। বলিলেন,—“কি! আমি তোমার অধীন! তুমি আমাকে আর চাহ না! তোমার ন্যায় সামান্য ব্যক্তিকে আমি পতি বলিয়া স্বীকার করিয়াছি, দয়া করিয়া এতদিন আলাপ করিতেছি, ইহা তুমি ভাগ্য বলিয়া মান না। থাক তুমি। তোমার এ দারুণ পাপের যথেষ্ট শাস্তি হইবে। তোমাকে—রক্ষা কর, রক্ষা কর বলিয়া আমার চরণ তলে মাথা লুটাইতে হইবে, নয়ন জলে আমার চরণ ধোত করিতে হইবে, আজীবন আমার একান্ত অনুগত হইয়া থাকিবার জন্য প্রতিজ্ঞা করিতে হইবে, তবে তোমাকে ক্ষমা করিব।”

আর কোন কথা শুনিবার নিমিত্ত অপেক্ষা না করিয়া হেমলতা সে স্থান হইতে বেগে প্রস্থান করিলেন।



### হেমচন্দ্র।

জুড়ালে কি কবির মরমের জ্বালা,  
অসহ মনের কষ্ট, দুঃখ, দৈত, তাপ?  
রূপার সে ‘আহা’ বাণী হ’তে পরিত্রাণ  
পেলে কি হে অভিমানি, এতদিন পরে?  
চ’লে গেছ’—বেঁচে গেছ’—কি বলিব আর,—  
শত্রুরো এমন দশা যেন নাহি হয়,  
উন্নত শিখরে উঠি’ লুটেছ গহ্বরে,—  
স্মরি’ সে অতীত স্মৃতি চোখে আসে জল।

এই জল তব পদে পৌছবে কি আর?  
ভক্তের উত্তপ্ত শ্বাস শুনবে কি কানে?  
করিবে কি আশীর্বাদ সেই মত দেব?  
বুকে বুক রেখে, আহা, ভাসিয়ে বয়ান!

\* \* \* \* \*

প্রাণ দিয়ে দেব-ধ্বংস শোধিলে হে কবি,  
মরতে রাখিয়ে গেলে বরুণার ছবি!

শ্রীহারাচন্দ্র রক্ষিত।




Photo from the original, drawn by J. P. Ganguli.

গ্রাম্য মানের ঘাট



৬ষ্ঠ ভাগ ।

শ্রাবণ, ১৩১০ ।

৪র্থ সংখ্যা ।

### হেমচন্দ্র ।

আজ বড় ব্যথিত হৃদয়ে আমরা এ সভায় সম্মিলিত হইয়াছি। কবিকুল-শেখর, কীর্তিমান্ হেমচন্দ্র আর নাই! বঙ্গের সাহিত্য-সমাজ অন্ধকার করিয়া, বঙ্গীয় সাহিত্য-সেবীর আশা-রঞ্জিত হৃদয় শোক-মলিন-করিয়া, আত্মীয়-স্বজন-অনুরক্ত-বন্ধু-বান্ধবকে কাঁদাইয়া, বাঙ্গালীর হেমচন্দ্র সাধনোচিত লোকে প্রস্থান করিয়াছেন। বাঙ্গালীর আজ বড় দুর্দিন!

যাইতে হইবে সকলকেই; কিন্তু হুঃখ এই,—যেমনটি যায়, তেমনটি আর হয় না। তেরশত সালের—সেই “জোড়া শূত্বে” বৎসরে, বঙ্কিমচন্দ্র গিয়াছেন,—কিন্তু সে সোণার বঙ্কিম আর হইল না; তেমনি—এই “বিজোড়-শূত্বে” বৎসরে,—ঐক দশ বৎসর পরে হেমচন্দ্র গেলেন,—এই হীরার হেমও আর হইবে না! উভয়েরই আসন শূন্য—ভগবান্ জানেন, এই শূন্য আসন আর পূর্ণ হইবে কি না!

পরন্তু কবি গিয়াছেন, না বাঁচিয়াছেন!—অকৃতজ্ঞ নিষ্ঠুর সংসারের হাত এড়াইয়াছেন! প্রকৃতই, উত্তর-জীবনে হেমচন্দ্রের সর্ববিধ কষ্টই ভোগ হইয়াছিল। সে কষ্টের কথা আনুপূর্বিক স্মরণ করিলে, হৃদয়ের রক্ত শুকাইয়া যায়, চক্ষে জল আইসে, বাঙ্গালী-জীবনে ধিক্কার জন্মে। অন্তর্দৃষ্টিসম্পন্ন কবিও যেন, বহু পূর্বে, অন্তরের অন্তরে, আপনার এই ভাবী বিপদের কথা বুঝিতে পারিয়াছিলেন। তাই তিনি, বাঙ্গালী-গোরব শ্রীমধু-হৃদনের স্বর্গারোহণ উপলক্ষে লিখিয়াছিলেন,—

“হায় মা ভারতি, চিরদিন তোর  
কেন এ কুখ্যাতি ভবে!  
যে জন সেবিবে ও পদযুগল  
সেই সে দরিদ্র হবে?”

কবির এই ভবিষ্যদ্বাণী, তাঁহার আত্ম-জীবনে অক্ষরে অক্ষরে ফলিয়া গিয়াছে।

এক হিসাবে বলিতে গেলে, এই দারিদ্র্য-হুঃখই

কবিকে পূর্ণ-পরিণতির দিকে লইয়া গিয়াছিল,—কবি-জীবন সম্পূর্ণ ও সফল করিতে সমর্থ হইয়াছিল।

কিন্তু আজ সে কথা নহে, আজ আমাদের কাঁদিবার দিন। হেমচন্দ্রের জন্ম 'কবি-প্রতিভা' স্মরণ করিয়া,—সেই প্রতিভা ইহ জন্মের মত হারাইয়া, আজ আমাদের ভক্তি-অশ্রু ফেলিবার দিন। কবিও অন্তরের অন্তরে তপ্তশ্বাস ফেলিতে ফেলিতে, অরুণ্ডদ যন্ত্রণায় কাঁদিয়া গিয়াছেন,—আমরাও আজ সার্বজনীন সহানুভূতির গুণ-সম্মিলনে, তাঁহার উদ্দেশে, এক বিন্দু অশ্রু ফেলিব। বস্তুতঃ স্বর্গীয় মহাত্মা হেমচন্দ্রের জন্ম আমাদের কাছে কিছু করিতে হইবে। অন্ততঃ সেই উদ্দেশ্য সাধনোদ্দেশে, আজ এই শোক-সভা। "সাহিত্য সভার" পক্ষ হইতে আজ আমি আপনাদের সম্মুখে দণ্ডায়মান হইয়াছি ;—আপনারা সকলে মিলিয়া-মিশিয়া একযোগে, আপনাদের প্রিয় কবির জন্ম কিছু করুন। জীবিত কালে তিনি যে যশঃ ও সম্মান লাভ করিয়া গিয়াছেন, এবং বিধির বিধানে শেষ দশায় অন্ধ হইয়া, যে দুর্ভেদ দেহ-ভার বহন করিয়া গিয়াছেন,—আজ একটু উদার-উন্মুক্ত সহানুভূতিপূর্ণ হৃদয়ে, আপনারা সেই অবস্থা স্মরণ করুন। স্মরণ করুন যে, 'বৃন্দসংহারের কবি,'—'দশমহাবিছা' ও 'কবিতাবলী' প্রভৃতির রচয়িতা,—আপনাদের সাধের বাঙ্গলা সাহিত্যে কি অমূল্য মণিমাণিক্য রাখিয়া গিয়াছেন! বাঁহার স্বদেশ-ভক্তি ও স্বজাতি-প্ৰীতি 'জাতীয় কবি-জীবনের' আদর্শস্থানীয় ;—বাঁহার তেজস্বিনী ভাষা ও উন্মাদিনী শক্তি—কাব্য, মহাকাব্য, গীতি-কাব্য, খণ্ড-কাব্য, বঙ্গ-কাব্য প্রভৃতি সর্ব বিষয়েরই প্রসূতি ;—বাঁহার কবিতা পড়িতে পড়িতে প্রাণ উৎসাহে মাতিয়া উঠে,—হৃদয় অপূর্ণভাবে বিভোর হয় ;—সেই ক্ষণজন্মা শক্তিধর পুরুষের পুণ্য-স্মৃতির সম্মান রক্ষার্থ আপনারা কি কিছু করিবেন না? কবি এখন অবশ্য স্মৃতি ছুঃখের অতীত অবস্থায় গিয়াছেন ;—নিন্দা বা যশঃ তিরস্কার বা পুরস্কার এখন তাঁহার নিকট তুলা-মূল্য ;—তথাপি ব্যবহারিক হিসাবে, রুতজ্ঞতার কিছু নিদর্শন, আমরা রাখিতে বাধ্য ;—অন্ততঃ রাখা আমাদের কর্তব্য। মৃত আত্মীয়-স্বজনের আত্মার প্ৰীত্যর্থে, লোকে শ্রদ্ধা-শান্তি করে,—কত দান-ধ্যান করে ;—পারলৌকিক মঙ্গলের

নিমিত্ত প্রাণ ভরিয়া হরিধ্বনিও করিয়া থাকে ;—বাঙ্গালীর জাতীয় কবির হিসাবে হেমচন্দ্রের প্রতি ও আমাদের সেইরূপ কিছু সম্মান প্রদর্শন করা কর্তব্য। এ সম্মান, প্রকারান্তরে আমাদের আত্ম-সম্মানরূপেই পরিগণিত হইবে। কেননা, প্রকৃত মানীকে স্বয়ং ভগবানই মান দিয়া রাখিয়াছেন,—তুমি আমি তাহার কতটুকু বাড়াইতে বা কমাইতে পারি? মাননীয় কবিও তাঁর অবিদ্যমান কীর্তি, আপন অমর কাব্যাবলীতেই রাখিয়া গিয়াছেন ;—তুমি আমি তাঁর নূতন মান আর কি দিব? তবে, আমরা যে মাহুষ—তাহা প্রমাণের জন্ম আমাদের আত্ম-ইষ্ট সিদ্ধির নিমিত্ত,—আমাদের ভাবী বংশধরগণের উৎসাহ বর্ধনার্থ—এইরূপ একটা কিছু করা বাঞ্ছনীয় বটে। কেননা, আমরা যেন আপন আপন মনকেও বুঝাইতে পারি যে, দেহ রক্ষার্থ, আহার সংস্থানের জন্ম, যেমন আমাদের কাছে কতই না চেষ্টা করিতে হয় ;—তেমনি আমাদের আত্মার পুষ্টির আহার, যিনি আপন হৃদয়ের রক্ত দিয়া—স্বৈচ্ছায়, স্বতঃপ্রবৃত্ত হইয়া আমাদের পর্ব্যাপ্ত পরিমাণে দিয়া গিয়াছেন,—বিনা আয়াসে, শুইয়া-বসিয়া, মনে করিলেই যাহা আমরা পাইতে পারি,—সেই জীবন-সুখ, পরার্থপর প্রিয় কবির রুতজ্ঞতা-নিদর্শন আমরা কিছু রাখিব না? ভাতৃগণ! যে মহাত্ম্য ইংরেজের উচ্চ আদর্শে আমাদের জাতীয়-জীবন গঠনের গুণ-সূচনা হইয়াছে ;—যে ইংরেজী শিক্ষার ফলে আমরা একযোগে একতাস্বত্রে কাজ করিতে শিখিতেছি,—সেই মহাপ্রাণ ইংরেজের জাতীয় আদর্শে—আমরা আমাদের প্রিয় কবিরও সংবর্ধনা না করিব কেন? ইংলণ্ডে কোন প্রতিভাবান্ কবির মৃত্যু হইলে কত শোক-সভা হয়,—কত স্মৃতি-সমিতি বসে,—কত আয়োজন-আন্দোলন-বিচার-বিতর্ক হইয়া থাকে,—মৃত কবি তখন জীবিতস্বরূপ লোকের হৃদয়ে অধিষ্ঠিত হইয়া, দেবতার স্থায় পূজা পান ;—তাঁহার পুত্র-পরিবার বা স্বজন বন্ধুগণ তখন সে স্বর্গীয় দৃশ্য দেখিয়া আপনাদের উপস্থিত দারিদ্র্য-দুঃখ বা সর্ববিধ মনঃক্ষোভ ভুলিয়া গিয়া থাকেন ;—বিংশ শতাব্দীর এই জ্ঞান-বিজ্ঞানময় আলোকে, এই দুর্ভাগ্য বঙ্গদেশে, কি তাহার এতটুকু ছায়াপাতও হইবে না? আপনাদের অবদিত নাই যে, মহাকবি সেকুপীর

প্রভৃতি সকল প্রতিভাবান্ মৃত কবিই,—তত্রতা ভক্ত অধি-বাসাবৃন্দের নিকট দেবরূপে পূজা পাইয়া আসিতেছেন ;—তাঁহাদের স্মৃতিচিহ্ন ও পত্রপুষ্পশোভিত পবিত্র সমাধি-স্তম্ভ কত যত্নে, কত সমাদরে সংরক্ষিত হইতেছে।—সেকুপীরের জন্মস্থান—সেই ষ্টার্টফোর্ড-অন্-আভন্ এখন এক তীর্থ স্বরূপ হইয়া দাঁড়াইয়াছে ;—যে কোন বিদেশীয় পর্য্যটক—এমন কি, কাব্যাহুরাগী সম্রাট পর্য্যন্ত হৃদয়ের পরিপূর্ণ অনুরাগে সে তীর্থে গমন করিয়া থাকেন ;—মহাকবির উদ্দেশে কত স্তুতি-গাথা, কত শোক-কবিতা তথায় লিখিয়া রাখিয়া আসেন ;—মহাকবি যে কক্ষে প্রথম হাসি হাসিয়াছিলেন ;—যে পুণ্যময় কক্ষে তাঁহার প্রথম স্বর-সঙ্গীত ঝঙ্কারিত হইয়াছিল ;—সেই পবিত্র প্রকোষ্ঠে—কত ভক্তিভরে, কত সম্মানসূচক ভয়ে ভয়ে, একবার মাত্র প্রবেশ করিয়াই রুতর্ক হন!—মহাকবির সেই প্রাসাদ—সেই চিরস্মরণীয় স্মৃতি-কক্ষ আজ তিন শত বৎসরেরও অধিক হইল সংস্থাপিত হইয়াছে ;—এখন কত যত্নে, কত সন্তর্পণে তাহার সংস্কার-ক্রিয়া সাধিত হয় ;—যেখানে যেটি যেমন ভাবে আছে, সেখানে সেটি যতদূর সম্ভব—তেমনি ভাবে রাখিতে হইবে—এজন্ম কত মতর্কতা—কত শিল্পনৈপুণ্য অবলম্বন করিতে হয় ;—কেননা লোকে ভক্তি, বিশ্বাস ও ভাবে মুগ্ধ হইয়া তৎপ্রতি,—সেই পুণ্য-নিদর্শন পানে নির্নিমেষ নয়নে চাহিয়া থাকিবে!—কবির সেই প্রিয় জন্মস্থানে এখন কত সভা, কত সমিতি, কত পাঠালয়, কত রঙ্গালয় সংস্থাপিত হইয়াছে ;—বাৎসরিক উৎসবে তথায় কত অসংখ্য লোকের সমাগম হয় ;—রেল-কোম্পানির কত স্পেশাল ট্রেনও তজ্জন্ম নিয়োজিত হইয়া থাকে ;—মহাকবির প্রতি সে সম্মানের কথা স্মরণ করিলেও প্রাণ পুলকে পূর্ণ হয় ;—চোখে জল আসে।—জীবিতকালে কবি এ প্ৰীতিসম্মান, সম্যক উপভোগ করিতে না পারিলেও, এখন তাঁহার মুক্ত আত্মা সেই আনন্দময় নিত্যধাম হইতে ইহা দর্শন করিয়া, তদীয় কাব্য-উপলব্ধকারী অকপট ভক্তবৃন্দের প্রতি, উদ্দেশে, অজস্র আশীর্বাদ বর্ষণ করিয়া থাকেন!—বনু দেখি, ভক্তি ও প্ৰীতির—ইহা কি সুন্দর অভিব্যক্তি!

অবশ্য সে ইংলণ্ড,—আর এ বঙ্গদেশে!—তুলনা হইতেই পারে না।

তুলনা হইতে পারে না, তা জানি। পরন্তু ইহাও জানি যে, মনুষ্য-হৃদয় সর্বত্র এক ধাতুতে গঠিত। ইংলণ্ডে যে প্রতিভা-স্মৃতি পুণ্যতীর্থরূপে পরিণত হইয়াছে, ক্ষুদ্র বঙ্গে সেই স্মৃতি কি সামান্য একটা স্মরণীয় বিষয়েও পর্য্যবসিত হইতে পারে না? চেষ্টা করিলে বোধ হয়—হয়। আন্তরিক—অকপট—নিঃস্বার্থ চেষ্টায় বোধ করি একটু ফলও ফলিতে পারে।

হাঁ, মনে হইতেছে, দশ বৎসর আগে বঙ্কিমচন্দ্রের স্মৃতি রক্ষার জন্মও একবার এইরূপ চেষ্টা হইয়াছিল,—সে চেষ্টা একরূপ ব্যর্থ হইয়াছে। কিন্তু একবার ব্যর্থ হইয়াছে বলিয়া আর বার যে সে চেষ্টা করিতে নাই,—এমন কোন অর্থ নাই। বেশী আড়ম্বর না করিয়া, মনে জ্ঞানে সর্বান্তঃকরণে চেষ্টা করিলে, বোধ হয় ফল ফলিতে পারে। দেশের অনুরাগ ও ইচ্ছা থাকিলে, না হয় কি? বেশী নয়,—হয়ত একাই কোন মহাত্ম্য ব্যক্তি—হেমচন্দ্র ও বঙ্কিমচন্দ্র—হৃদয়েরই জন্ম দুইটি স্মৃতি-চিহ্ন সংস্থাপিত করিয়া দিতে পারেন। অধিক দূর যাইতে হয় না,—হয়ত এই মহানগরীতে বসিয়াই তাহা সংগৃহীত হইতে পারে। আর,—বলিব কি?—আর মনে হয়, যেন উপস্থিত—এই সভাস্থলেই এমন কোন ভাগ্যবান্ মহাত্মা আছেন, যিনি মনে করিলেই, এই মুহূর্ত্তেই আমাদের আশা পূর্ণ করিতে পারেন!

কিন্তু, বেশী আশা করা ভাল নয়।—বেশী আশা করিলে নাকি বিড়ম্বিত হইতে হয়। অতএব, ভ্রাতৃ-বৃন্দ! আপনারা দশে মিলিয়াই কাজ করুন!—হেমচন্দ্রের পুণ্যস্মৃতি-স্বরূপ, বাঙ্গালা সাহিত্যের মর্যাদা-কল্পে, আপনারা স্থায়ী একটা কিছু কাজ করুন। কেবল মাত্র তৈল-চিত্র বা পট-ছবির পক্ষপাতী আমরা নহি। নব্যসাহিত্যে, বঙ্কিমচন্দ্র যেমন গদ্যকাব্যের সম্রাট ছিলেন,—বর্ত্তমান যুগের পদ্যসাহিত্যে,—জাতীয় মহাকাব্যে, হেমচন্দ্রও তেমনি সম্রাটস্থানীয় হইয়া অতুল যশঃ অর্জন করিয়া গিয়াছেন।—উভয়েই প্রতিভাবান্ ;—উভয়েই মহাকবি পদ-বাচ্য।

এ হেন হেমচন্দ্রের স্মৃতি রক্ষা করিতে হইলে, আমাদের মনে হয়, বিশ্ব-বিদ্যালয়ের বাঙ্গালা পরীক্ষা-বিভাগে, সর্বোৎকৃষ্ট কবিতা রচনার জন্য, একটা ছাত্রকে "হেম-







এ সার তত্ত্ব যেন হৃদয়ঙ্গম করিয়াছিলেন। তাই কাঁদিতে কাঁদিতে, পর-পর বলিতেছেন,—

“নিজ পুত্র কণ্ঠা-মুখ, পৃথিবীর সার স্মৃতি,  
তাও আর দেখিতে পাব না।  
অপূর্ণ ভাবের চিত্র, থাকিবে স্মরণে মাত্র,  
স্বপ্নবৎ মনের কল্পনা।

কি নিরে থাকিব ভবে, কি সাধনা সিদ্ধ হবে,  
ভব-লীলা ঘুচেছে আমার ;  
বৃথা এবে এ জীবন, হর না কেন এখন,  
বৃথা রাখা ধরণীর ভার।  
ধন নাই বন্ধু নাই, কোথায় আশ্রয় পাই,  
তুমিই হে আশ্রয়ের সার।  
জীবনের শেষ কালে, সকলি হরিয়া নিলে,  
প্রাণ নিয়া ছুখে কর পার—  
বিভু কি দশা হ’বে আমার?”

পরন্তু, তখনই যেন আবার আপন ভ্রম বুঝিয়া বলি-  
তেছেন,—

“কে পারে খণ্ডিতে অদৃষ্ট-শৃঙ্খলে,  
ঘটেছে আমার যা ছিল কপালে,  
কে পারে রাখিতে বিধাতা কাঁদালে,  
বৃথা তবে কেন কাঁদিয়া মরি?”

“কোথা আজি সেই অযোধ্যার ধাম,  
কোথা পূর্ণব্রহ্ম সীতাপতি রাম,  
কোথা আজি সেই পাণ্ডবের সখা,  
কোথায় মথুরা কোথায় দ্বারক?”

“এস ভগবান, কর ধৈর্য্যদান,  
কর শান্তিময় অশাস্ত পরাণ,  
মৌভাগ্য অভাগ্য ভাবিয়া সমান,  
নিজ কৰ্ম্ম যেন সাধিতে পারি।”

এইরূপ পূর্ণভাবে জীব, জগৎ ও জগদীশ্বরের সম্বন্ধ  
নির্ণয় করিয়া, কবি ভক্তিবাদেরই প্রাধান্য দেখাইতেছেন ;  
—ভগবানে নির্ভরই যে জীবের শেষগতি, তাহা বুঝাইতে-  
ছেন। প্রেমভাবে বিভোর হইয়া বলিতেছেন,—

“জয় বিশ্বরূপ জয় অনাদি পুরুষ জয়,  
জয় প্রেমময় হরি ব্রহ্মাণ্ড-তারণ,  
জয় জগদীশ জয় বলরে বদন !  
চরণে করিয়া নতি, বলিহে তার শ্রীপতি,  
কর হে জীবের গতি দিয়া শ্রীচরণ,  
জয় জগদীশ জয় বলরে বদন।”

অত্র, দশমহাবিদ্যায়, দেবধি নারদের চিত্রে ইহা  
অপেক্ষাও উচ্চস্বরে, কবি ভক্তি-গান গাওয়াইয়াছেন ;—

“আনন্দ ধ্বনি করি, মুখে বলি হরি হরি,  
নারদ ধ্বনি রত সুললিত নটনে।  
প্রবেশিলা হেন কালে, ত্রিতন্ত্রী বাজে তালে,  
বিচেত বিভুগানে ত্রিভুবন ভ্রমণে ॥

কেবা হেন মতিমান, কে ধরে সেই জ্ঞান,  
জানিবে স্মৃগভীর জগদীশ মরমে।

অনন্ত পরমাণু, বিকট বিহুভাষু,  
উত্তব কোথা হতে, কি হইবে চরমে ?  
হর হরি ব্রহ্মন, সচেতন জীবগণ,

আদিতে ছিল কিবা জনমিল কারণে ?

মানব কিরূপ ধন, জড়ই কি বিশেষণ,  
জড়সনে সঞ্চারে কিবা বিধি মননে ?  
স্মৃতি জীবিত মানে ? কিবা অর্থ নির্বাণে ?

কা হতে জনমিল জগতের যাতনা ?  
অশুভ সৃজন কার ? নিরমল বিধাতার,

মানস হতে কি এ মলিনতা রচনা ?  
ক্ষিতি অপূ.তেজঃ নভঃ ভিন্ন কি একি সব ?  
পঞ্চ কি আদি ভূত অগণন গণনা ?

সেই তত্ত্ব নিরূপণ, করিবারে কোন্ জন,  
সমর্থ দেবধ্বনি মানবের ভাবনা ?

গাও বীণা হরি-গান, তুলত যেই জ্ঞান,  
নিষ্ফল মানি তারে পরিহর মানসে,

প্রকাশ মন-স্মৃতে, হরি-নাম লিখি বুকে,  
যে জ্ঞানে জীবলোকে প্রকটিত হরষে ॥

জগত কি স্মৃতিধাম, মধুর কি বিভূনাম,  
গাওরে প্রেমভরে মনোহর বাদনে।

ঝঙ্কার ঝঙ্কার, উল্লাসে বল আর,  
আল্লাদ সদা কিবা সাধুজন জীবনে !  
ধরম ধরমপুর, আপন ক্রিয়া কর,  
সংযত করি মন তাঁহাদের নিয়মে।  
মোক্ষদ সার বাণী, শুনারে জাগায়ে প্রাণী,  
স্বস্বরে নাদ করি রঞ্জিয়া পরমে ॥  
ত্রিগুণে যে গুণময়, যাঁ হ’তে এ সমুদয়,  
উচ্ছ্বাসে ডাক বীণা অবিরত তাঁহারে।  
দিবানিশি নাহি জ্ঞান, সপ্তমে তুলি তান,  
নারদ মনোমত—ধ্বনি বীণা বাজারে।”

এইরূপ ধর্ম্মভাবমূলক উচ্ছ্বাসের গীতি-কবিতা যিনি  
গাহিতে পারেন, তিনি ধন—তাঁহার কাব্য অমর। হেম-  
চন্দ্র জাতীয় সাহিত্যে অমরত্ব লাভ করিয়া গিয়াছেন।  
অপিচ,—

“রে রতি, রে সতি, কান্দিল পশুপতি,  
পাগল শিব প্রমথেশ।  
যোগ-মগন হর, তাপস যত দিন  
তত দিন না ছিল ক্লেশ ॥”

—দশমহাবিদ্যার এই যে শিব-বিলাপ,—ইহা অতি  
অপূর্ণ। তাই বলিতে ইচ্ছা হয়, হেমচন্দ্রের অধিক  
সুখ্যাতি করিব কোন্ বিষয়ে?—তাঁহার স্বদেশানুরাগ-  
পূর্ণ উদ্দীপনাময়ী কবিতার, না এইরূপ ভক্তিগানে?  
এইবার কবির “বৃত্ত-সংহার” সম্বন্ধে সংক্ষেপে দুই চারি  
কথা বলিব।

পূর্বেই বলিয়াছি, মাইকেলের মেঘনাদ ব্যতীত বৃত্ত-  
সংহারের শ্রায় মহাকাব্য, বাঙ্গলায় এ পর্য্যন্ত বিরচিত হয়  
নাই। মহাকাব্যের যে সব লক্ষণ থাকা বিশেষ প্রয়োজন,—  
ছন্দঃ যতি অলঙ্কার রস ইহাতে আরম্ভ করিয়া, ভাব, ভাষা,  
কল্পনা, সৌন্দর্য্য, চরিত্র-চিত্র—সকলই ইহাতে পূর্ণভাবে প্রক-  
টিত আছে। স্বর্গ, মর্ত্ত্য, পাতাল,—দেবলোক, দৈত্যলোক  
ও ঋষিলোক কত স্থানের কতবিধ চিত্র যে সূচিত্রিত হই-  
য়াছে, দুই এক কথায় তাহা নির্ণীত হইবার নহে। কবির  
সৃষ্ট বিশ্বকর্মান্নার বিরাট কৰ্ম্মশালার শ্রায়—এই মহাকাব্যের  
দিগন্ত প্রসারিণী বর্ণনা;—কোনটি ছাড়িয়া কোনটির  
কথা উল্লেখ করিব? আপনারা মুহূর্ত্তকালের জন্ত দ্বীতির

সেই অপূর্ণ আত্মত্যাগ,—দেবহিতের—তথা বিশ্বের মঙ্গলের  
জন্ত সেই জীবনোৎসর্গের অপূর্ণ চিত্রটি স্মরণ করুন ;—  
শচীর সেই মাতৃময়ী মূর্ত্তিটি কল্পনা-নয়নে অবলোকন  
করুন ; স্বর্গভ্রষ্ট ইন্দ্রের সেই ছুঃ-দৈন্ত ও যোর নির্য্যা-  
তনের কথাগুলি একটু ভাবুন ;—বুঝিবেন, কবি কি  
অসামান্য-শক্তি ও অলৌকিক প্রতিভায় আবিষ্ট হইয়া  
লেখনী ধারণ করিয়াছিলেন!

বিশেষ এই বৃত্তসংহারে আর একটি মহাগুণ আছে,  
তাহা—নাটকত্ব। এই নাটকত্বটি অতি অপূর্ণ ও উজ্জল।  
যে চরিত্র যেমনটি ফুটিতে হয়, ফুটিয়াছে। বৃত্ত, রুদ্রদীড়,  
ইন্দুবালী, ঐন্দ্রিলা—সকলই অতি চমৎকার হইয়াছে।  
সর্ব্বাপেক্ষা আবার অধিক ফুটিয়াছে, ঐন্দ্রিলা। এই ঐন্দ্রিলা  
যে কিরূপ উৎকৃষ্ট নাটকের উপাদানে গঠিত, তাহা আত্ম-  
নির্বিষ্ট চিত্তে না পড়িলে বুঝা যাইবে না। পক্ষান্তরে ইন্দ্র,  
শচী, জয়ন্ত, শিব, পার্ব্বতী ও অন্যান্য দেবদেবীগণের  
চরিত্র-চিত্রও অতি মনোহর। “রসাত্মক কাব্যই কাব্য”—  
সাহিত্য-দর্পণকারের এই উক্তি যদি ঠিক হয়, তবে হেমচন্দ্রের  
বৃত্তসংহারের পত্রে পত্রে ছত্রে ছত্রে কবিত্ব পরিস্ফুট। একটু  
আধটু নমুনা দেখিলেই বুঝিবেন।

প্রথম শচীর এই খেদোক্তিটি শুনুন ;—

“সখিরে বাসব সম, আছে ত জয়ন্ত মম,  
ইন্দ্রাণী ত বীর-প্রসবিনী।  
কোথা পুত্র হে জয়ন্ত, জননীর ছুঃখ অন্ত,  
কর শীঘ্র আসিয়া হেথায়,  
তোমার প্রসূতি, হায়! দৈত্যের দাসত্বে যায়,  
রক্ষ আসি পুত্র, তব মায়।”

এত কহি ইন্দ্রপ্রিয়া, ধ্যানে দৃঢ় মন দিয়া,  
জয়ন্তেরে করিলা স্মরণ—  
জননী ভাবেন যদি, সে ভাবনা গিরি নদী,  
ভেদি, স্মৃতে করে আকর্ষণ ॥”

বলুন দেখি, এই দুই ছত্রের মধ্যেই মাতা-পুত্রের কি  
প্রগাঢ় স্নেহ-সম্বন্ধ প্রকটিত হইয়াছে!

দেবগণের অনুযোগে যখন শিবের ক্রোধাগ্নি জ্বলিয়া  
উঠিল, তখনকার চিত্রটি কেমন দেখুন :—

“এত দর্প দহুজের অমরা হরিয়া,  
অমরাবতীর শোভা—শচী প্লামজা—

পরশে শরীর তার? হা রে বৃত্তাস্তর!  
শিবের প্রদত্ত বর ঘণিত করিলি?”  
বলিতে বলিতে ক্রোধ হইল মহেশে,  
ব্রহ্মাণ্ডের বিশ্ব যত শূন্যে মিশাইল,  
পরশিল জটাজুট অনন্ত আকাশে,  
গরজিল শিরে গঙ্গা বিভীষণ নাদে।  
গর্জিলা তেমতি, যথা হিমাঙ্গি বিদারি  
ভাগীরণী ধায় মর্ত্যে গোমুখী গহ্বরে,  
জ্বলিলা ললাট-বহ্নি প্রদীপ্ত শিখায়—  
বহ্নিময় হইল সেই শূন্যব্যাপী দেশ।  
ধরিলা সংহার-মূর্ত্তি রুদ্র ব্যোমকেশ,  
গর্জিলা সংহার-শূল করিলা ধারণ,  
তুলিলা বিশাল তুণ্ডে—দীপ্ত শ্বেত তনু,  
অনল সমুদ্রে যেন ভাসিল মৈনাক।  
ভয়ে পুরন্দর শীঘ্র সন্মুখ ছাড়িয়া  
ঈশানী-পশ্চাতে আসি কৈলা অধিষ্ঠান;  
বীরভদ্র সন্ত্রাসিত দাঁড়াইলা দূরে,  
পার্বতী ঈশানে উচ্চ করিলা সম্ভাষ—  
“সম্বর সম্বর, দেব, সংহার-ত্রিশূল,—  
না কর বিষণ্ণে ঘোর প্রলয়ের ধ্বনি,  
অকালে হইবে সর্ব সৃষ্টি বিনাশন,  
সম্বরণ কর শীঘ্র সংহার মূর্ত্তি।”

—কি তেজস্বিনী ও মর্ম্মস্পর্শিনী বর্ণনা! ভাব,  
ভাষা ও চরিত্রোন্মেষের কি সুন্দর সম্মিলন! শিবচরিত্র  
কি ঠিক শিবচরিত্রোপযোগী হয় নাই? পৌরাণিক  
আদর্শ কি কিছুমাত্রও মলিন হইয়াছে?

এইবার বৃত্ত-মহিষী ঐন্দ্রিলা-চরিত্রের একটু ছায়াপাত  
মাত্র দেখুন।

শিব-বরে বলীয়ান বৃত্ত যখন বুদ্ধিতে পারিল, শিব  
তাহার প্রতি অপ্রসন্ন হইয়াছেন, তখন সেই অসুরশ্রেষ্ঠ  
যেন কিছু ত্রিয়মাগ হইয়া পড়িল। পতিকে তদবস্থায়  
দেখিয়া ঐন্দ্রিলা বলিতেছে,—

“কি দেখিলা—কোথা রুদ্র-ক্রোধ-ছত্যাশন?  
কোথা বা বিষণ্ণ শব্দ?—উন্মাদ কল্পনা!

কে कहिल তোমাতে এ, হে দমুজেশ্বর,  
হাস্তকর উপত্যাস—রোগীর প্রলাপ?

\* \* \* \*  
আমি যদি দৈত্য-পতি তোমার আমনে  
হতম, দেখিতে তবে আমার কি পণ! —  
ভয়, চিন্তা, দ্বিধা, দয়া, আমার হৃদয়ে  
স্থান না পাইত, পণ অসিদ্ধ থাকিতে!”

\* \* \* \*  
“বামা তুমি”—বলি দৈত্য তুলিলা নয়ন।  
হেরিলা ঐন্দ্রিলা-মুখ, গর্জিত, গম্ভীর,  
দস্তে গুঠ প্রস্ফুটিত, চারু বিষাধর  
বিষ্কারিত ঘন ঘন, প্রদীপ্ত নয়ন!  
সে চিত্র নিরখি বৃত্ত আবার নীরব।  
লাবণ্য মণ্ডিত গণ্ড—দস্তের ছটায়  
চিত্ত প্রতিবিম্ব যেন প্রজ্জ্বলিত এবে  
সর্ব অঙ্গে, অবয়বে, ললাটে গ্রীবায়া!  
যেন বা কি দৈববাণী, অত্রের অশ্রুত,  
গোপনে শুনেছে বামা,—তাই সে প্রত্যয়  
দৃঢ়তর এত মনে,—তাই উপহাস  
করিছে দমুজ-বাক্যে দমুজ-মহিষী।  
দেখিয়া দৈত্যেরা মনে দর্প উপজিল;  
ঐন্দ্রিলার গর্বে যেন চিত্তে ক্ষণকাল  
জন্মিল প্রত্যয় হেন—তঁহারি সে ভ্রম!  
ঐন্দ্রিলা कहিলা তবে কটাক্ষ হানিয়া,—  
“বামা আমি” বলি দস্তে সম্ভাষি গম্ভীর,  
দাঁড়াইলা মহাদর্পে শির উচ্চ করি,  
ভূজঙ্গ যাতকে লক্ষি দংশিবার আগে  
সঘন গর্জিলা যেন প্রমারয়ে ফণা!  
কিন্মা যেন রাজহংসী পদ্মবন লুঠি  
মৃগাল আহারে তুণ্ড স্বচ্ছ সরোবরে,  
চঞ্চুতে পক্ষজ শোভা, পক্ষ সাপটির  
মধ্যহৃদে স্থির হ’য়ে গ্রীবা উচ্চ করে।  
“বামা আমি”—দমুজেশ্বর রমণী কি হেয়?  
তুচ্ছ কীট পতঙ্গ সদৃশ কিহে বামা?  
পুরুষের বন্ধু বামা—মন্ত্রী পুরুষের,  
বীরের একই মাত্র সহায় রমণী।

শুন, ওহে দৈত্যনাথ, “বামা” সত্য আমি,  
ঐন্দ্রিলা ত্রিলোক-খ্যাত গন্ধর্ব্ব-ছহিতা;  
সামান্য অবলা নহে দানবী ঐন্দ্রিলা;  
ঐন্দ্রিলা তোমার ভার্য্যা, শুন হে দানব।  
সত্যই যদি শচী-হরণে ত্র্যম্বক  
ক্রুদ্ধ হ’য়ে ক্রোধানল জ্বলিলা গগনে,  
সত্যই যদি হয় সে উচ্চ নিনাদ  
প্রলয় বিষণ্ণ-শব্দ,—স্তব্ব কেন তার?  
খণ্ডন অসাধ্য এবে সংঘটন বাহা।  
ক্রুদ্ধ যদি উমাপতি, সে ক্রোধ নির্বাণ  
হবে না, জানিহ, পুন, ভাবনা কি তবে?  
ভাবনা কার্যের আগে, সাধন এখন।  
স্থলিত হিমালী-স্তূপ কম্পিত ভূধরে  
ঘর্ষর নিনাদি, চূর্ণ করি শৃঙ্গমালা,  
ধায় ববে ধরাতলে অরণা উজাড়ি,  
কে নিবारे গতি তার—কার সাধ্য হেন?  
তেমতি জানিহ ইহা; নতুবা দৈত্যেশ,  
দানবেন্দ্র নামে ঘোর কলঙ্ক লেপিতে  
বাসনা যদি থাকে,—স্বর্গজয়ী নাম  
ঘুচাইতে চাও যদি—শচী ফিরে দাও।  
ফিরে দাও শচী তার পতির নিকটে  
নিজে ভেটবাহী হ’য়ে নিঃশঙ্ক দানব!  
নহে কহ আমি তার দাসী হ’য়ে যাই,  
করযোড়ে ইন্দ্রাণীরে সঁপি ইন্দ্র করে!”

—কি মর্ম্মভেদী শ্লেষ ও ব্যঙ্গোক্তি! কি ভীষণ  
তেজোদীপ্তময়ী মূর্ত্তি!—রমণী গর্বিতা : ও ভীষণা  
হইলে এমনি হয়,—পুরুষও তাহার নিকট হার  
মানিয়া যায়। মনুষ্য-চরিত্রাভিজ্ঞ কবি তাই ঐন্দ্রিলা-  
চরিত্র এত ভীষণ ও ভয়াবহ করিয়া অঙ্কিত করিয়াছেন।  
এই ঐন্দ্রিলা-চরিত্র পড়িতে পড়িতে ক্রটাস-পত্নী পোশিয়ার  
সেই তেজস্বিনী উক্তি মনে পড়ে। আর এক হিসাবে,  
লেডী ম্যাক্বেথ ও মার্গারেট (She-wolf of France) ও  
ইহার নিকট হারি মানে। এই এক স্থান মাত্র দেখাই-  
লাম। এমনি প্রায় সর্ব স্থানে ঐন্দ্রিলা-চরিত্রের এই গর্ব্ব,  
—এই নাটকীয় ষাৎ-প্রতিঘাত প্রদর্শিত হইয়াছে।  
রুদ্রপীড়-নিধনে, ত্রিলোকবিজয়ী স্বামী বৃত্তের নিকট

ঐন্দ্রিলার সেই প্রতিহিংসাজ্বালা-জর্জরিত তেজোময়ী উক্তি  
স্মরণ করুন;—পুত্রবধু সরলা ইন্দ্রবালা, শচীর সহচারিণী  
হইয়া তৎপ্রতি আকৃষ্ট হওয়ার,—সে দৃশ্য দর্শনে শচীর প্রতি  
ঐন্দ্রিলার সেই কঠোর ব্যঙ্গোক্তি ভাবিয়া দেখুন;—সকল  
স্থানেই ঐন্দ্রিলা, প্রদীপ্তা অসুর-মহিষীর ভীষণ মূর্ত্তি ধারণ  
করিয়াছে।

আর ইন্দ্রবালা? কাব্য-কাননের এটি একটি অতি পবিত্র  
কুসুম। এমন কোমল, এমন পরহৃৎ-কাতর, এমন আত্মপর-  
ভেদজ্ঞান-হীন অপূর্ব্ব বালিকা-মূর্ত্তি, কৈ, আর কোথাও বড়  
একটা দেখি নাই। এমন সৃষ্টি কেবল প্রকৃতির বিশাল  
বুকে ও কবির মানস-পটেই শোভা পায়! এ কুহক-  
ছুরিতপূর্ণ সংসারে, এমন চিত্র বড়ই ছলভ। দৈত্যগৃহে  
এমন স্নেহময়ী, বিশ্বপ্রীতিপ্রাণা বধূকে আনিয়া, কবি তাঁহার  
সাধের কাব্য-আলেখ্য সম্পূর্ণ করিয়াছেন। কাব্যের  
হিসাবে, ইন্দ্রবালা কবির অতি উৎকৃষ্টতর সৃষ্টি। এমন  
সার্বজনীন সহানুভূতি,—শত্রুর প্রতিও আন্তরিক অকপট  
স্নেহ,—এমন বিশ্বব্যাপিনী করুণা,—পাত্রপাত্রীর মধ্যে  
যিনি ফুটাইতে পারেন, তাঁহার শক্তি সাধারণ নহে।—হেম-  
চন্দ্রকে তাই আমরা বঙ্গের অসাধারণ কবি বলিয়া বরণ  
করি।

ইন্দ্রাণীর হৃৎখে ছুঃখিত হইয়া, দৈত্য-কুলবধু ইন্দ্রবালা  
ভাবিতেছে :—

“আমিও রমণী, রমণীও শচী,  
তবে তিনি কেন তার,  
না করিয়া দয়া, হইয়া নিষ্ঠুর  
ধরিতে গেলা ধরায়?  
কি হ’বে শচীর, পতি কাছে নাই—  
মহাবীর পতি মম,  
আমিও যদিপি পড়ি সে কখন  
বিপদে শচীর সম!”

—একি দৈত্যকুলবধু মহাবীর রুদ্রপীড়ের ধর্ম্মপত্নী, না  
স্বর্গভ্রষ্টা কোন দেব-বালা? কৈ, স্বর্গেও ত কবি এমন  
অপরূপ আদর্শ-চরিত্রের অঙ্কন করেন নাই? কবির  
ভাষাতেই বলি,—

‘মূর্ত্তিমতী সরলতা তুমি জীবকুলে,  
দানব-কুলের চারু কোমল নলিনী!’

দেবাসুরে ঘোর যুদ্ধ চলিয়াছে; ইন্দুবালা প্রতিক্ষণে কাতর অন্তরে ভাবিতেছে, তাহার স্বামী মহাবল রুদ্রপীড়ের হস্তে অসংখ্য দেবসৈন্য নিহত হইতেছে;—সহসা দনুজদলে হাহাকার উঠিল; কিন্তু পরভূঃখকাতরা ইন্দুবালা ভাবিল, এবারও তাহার স্বামী কোন দেবতাকে নির্ধ্যাতন করিয়াছে; তাই—

“জিজ্ঞাসিল ইন্দুবালা আতঙ্কে শিহরি,  
কে পড়িল রণস্থলে, কোন্ রামা হৃদিতলে,  
আবার হৃদয়নাথ ঘাতিল আমার,—  
কার ভাগ্যে ভাঙ্গিল রে, সুখের সসার?”

“চপলা অক্ষুট স্বরে রুদ্রপীড় নাম  
উচ্চারিলা অকস্মাৎ; হৃদে যেন বজ্রাঘাত,  
না পশিতে সে বচন শ্রবণের মূলে—  
পড়িল দানব-বধু ইন্দ্রজায়া-কোলে!

শুকাইলা ইন্দুবালা—নিদাঘের ফুল!  
হায় রে সে রূপরাশি, যেন স্বপনের হাসি,  
লুকাইল নিদ্রাকোলে—ফুটিবে না আর।  
ছিন্ন যেন শচী-কোলে লাভণ্যের হার।”

অশ্রুজলে আপ্ত হইতে হইতে এ স্বর্গীয় ছবি দেখিতে হয়!—এই ভাবে কবি তাহার মানস-প্রতিমার বিসর্জন করিয়াছেন!

শেষ বৃত্তের নিধন। এই দৃশ্যটি এত সুন্দর ও মনোজ্ঞ যে, আদ্যন্ত উদ্ধৃত করিয়া আপনাদিগকে শুনাইতে সাধ্য যায়। কিন্তু সমগ্রভাবে সে সাধ, কবির দুই একটি ঝঙ্কারেই মিটাইতে হইল;—

—“ডাকিল দস্তোলি

শত জীমূতের মন্ড্রে বাসবের করে।

হেরি ঘোর ঘন স্বরে ভীষণ অসুর

কহিলা নিনাদি উচে—“হা, দস্তী বাসব

ভাবিলে রক্ষিতে স্ততে বৃত্তের প্রহারে?

কর তবে এ শূল আঘাত সংবরণ

পিতা পুত্র দুই জনে।”—বেগে দিলা ছাড়ি।

ছুটিল ভৈরব শূল ভীম মূর্তি ধরি

মহাশূত্র বিদরিয়া কালাগ্নি জ্বলিল  
প্রদীপ্ত ত্রিশূল অঙ্গে! হেনকালে (হায়,  
বিধির বিধান-গতি কে পারে বুঝিতে,  
বাহিরিল শ্বেতবাহু কৈলাসের পথে  
সহসা বিমান মার্গে, শূল মধ্যস্থলে  
আকর্ষি অদৃশ্য হইল নিমেষ ভিতরে!  
অদৃশ্য হইল শূল মহাশূত্র কোলে!  
হেরিয়া দনুজপতি কাতর হৃদয়  
কহিলা কৈলাসে চাহি, দীর্ঘশ্বাস ছাড়ি,  
“হা শম্ভু, তুমিও বাম!”—দক্ষ হতশ্বাসে  
ছুটিল উন্নত প্রায় ছফারি ভীষণ,  
ছিন্নমস্তা রাহ যেন! অগ্নি চক্রাকার  
ঘুরিল ত্রিনেত্র ঘোর—দস্তে কড়নাদ!  
প্রলয় ঝটিকা গতি আসিয়া নিকটে  
প্রসারি বিপুল ভুজ ধরিলা সাপটি  
ইন্দ্রকরে ভীম বজ্র—উচ্ছিন্ন করিতে  
অস্ত্রবর। বজ্রদেহে জ্বালা ধক্ ধক্  
জ্বলিতে লাগিল ভয়ঙ্কর! সে দহন  
মহাসুর না পারি সহিতে গেলা দূরে  
ছাড়ি বজ্র; ঘোর নাদে বিকট চীৎকারি,  
লক্ষ্মে লক্ষ্মে মহাশূত্রে ভীম ভুজ তুলি  
ছিঁড়িতে লাগিলা গ্রহ নক্ষত্র মণ্ডলী,  
ছুড়িতে লাগিলা ক্রোধে বাসবে আঘাত,—  
আঘাতি বিষমাঘাতে উচ্চৈঃশ্রবা হয়।  
ব্রহ্মাণ্ড উচ্ছিন্ন প্রায়—কাঁপিল জগৎ;  
উজাড় স্বর্গের বন—উড়িল শূত্রেতে  
স্বর্গজাত তরুকাণ্ড! গ্রহ, তারাগুল,  
খসিতে লাগিল যেন প্রলয়ের ঝড়ে!  
উছলিল কত সিন্ধু, কত ভূমণ্ডল  
খণ্ড খণ্ড হৈল বেগে—চূর্ণ রেণুপ্রায়!  
সে চীৎকারে—সে কম্পনে বিশ্ববাসী প্রাণী  
চন্দ্র, সূর্য, শূত্র, গ্রহ, নক্ষত্র ছাড়িয়া,  
ছুটিতে লাগিল ভয়ে, রোধিয়া প্রবল,  
কৈলাস, বৈকুণ্ঠ, ব্রহ্মলোকে!—সে প্রলয়ে  
স্থির নহে এ তিন ভুবন! মহাকাল  
শিব-দূত কৈলাস-দ্বারে নন্দী দ্বারী

কাঁপিতে লাগিল ভয়ে! কাঁপিতে লাগিল  
ব্রহ্মলোক ব্রহ্মার তোরণ ঘন বেগে!  
কাঁপিল বৈকুণ্ঠ দ্বার! ঘোর কোলাহল  
সে তিন ভুবন মুখে, ঘন উচ্চৈঃশ্রব—

“হে ইন্দ্র, হে সুরপতি, দস্তোলি নিক্ষেপি  
বধ বৃত্তে—বধ শীঘ্র—বিশ্ব লোপ হয়।”  
এতক্ষণ সুরপতি ইন্দ্র সে হুর্ঘ্যোগে  
ছিল হতচেত প্রায়,—বিশ্ব-কোলাহলে  
স্বপনে জাগ্রত যেন বজ্র দিলা ছাড়ি;—  
না ভাবিলা, না জানিলা, ছাড়িলা কখন!  
ছুটিল গর্জিয়া বজ্র ঘোর শূন্য পথে,  
উনপঞ্চাশত বায়ু সঞ্চে দিল যোগ,  
ঘোর শব্দে ইরম্মদ অগ্নি অঙ্গে মাখি,  
আবর্ত পুষ্কর মেঘ ডাকিতে ডাকিতে  
ছুটিতে লাগিল সঞ্চে; স্নমের উজলি  
ক্ষণপ্রভা খেলাইল; দিগ্গণ্ডল যেন  
ঘোর রঞ্চে সঞ্চে সঞ্চে ঘুরিয়া চলিল!  
ঘুরিতে ঘুরিতে বজ্র চলিল অশ্বরে,—  
যেখানে অসুরপতি বিশাল শরীর,—  
বিশাল নগেঞ্জ তুল্য, ভীষণ আঘাতে  
পড়িল বৃত্তের বক্ষে,—পড়িল অসুর,  
বিক্ষা-ধরাধর যেন পড়িল ভূতলে!  
বহিল নিরুদ্ধ শ্বাস ত্রিভুবন যুড়ি।  
বহিল বৃত্তের শ্বাসে প্রলয়ের ঝড়—  
“হা বৎস, হা রুদ্রপীড়” বলিতে বলিতে  
মুদিল নয়নত্রয় হুর্জয় দানব।  
দহিল ত্রিভুলা-চিত্ত প্রচণ্ড হতাশে,  
চিরদীপ্ত চিতা যথা! ব্রহ্মাণ্ড যুড়িয়া  
ভ্রমিতে লাগিলা বামা—উন্মাদিনী এবে!”


এই শেষ। ইহা কাব্য না মহাকাব্য,—না, এ  
ছয়ের কিছু নয়,—আপনারাই তাহার বিচার করুন। বঙ্গ  
সাহিত্যে হেমচন্দ্রের স্থান কোথায়,—আপনারাই তাহার  
মীমাংসা করুন। এবং সব স্থির করিয়া আপনারাই  
বলুন,—এ হেন শক্তিধর পুরুষের পুণ্য-স্মৃতির সম্মান-  
স্বরূপ আপনারদের কিছু করা উচিত কি না। মাননীয়

সভাপতি মহাশয় অবশ্য শেষ-মীমাংসা করিবেন। যদি  
হেমচন্দ্রের জন্ম কিছু করণীয় হয়, তবে এই সময়।—বিলম্বে  
বহু বিয়োগ ঘটে, আর আমাদের উৎসাহ ও কৃতজ্ঞতা,  
মাসান্তের মধ্যেই বিলীন হইবে কিন,—তাহাও ভাবিবার  
বিষয়। বিভ্রাসাগর বক্ষিমচন্দ্রের প্রতি কৃতজ্ঞতাও  
আমাদের এই ভাবে অপসারিত হইয়াছে;—সেই জন্মই  
এই আশঙ্কা।

এখন, গঙ্গাজলে গঙ্গা-পূজার ছায়, কবির ভাষায়,  
কবির উদ্দেশে বলি,—

“গেলে চলি হেম, কাঁদায়ে অকালে  
পাইয়া বহুল ক্রেশ,  
ক্ষিপ্ত গ্রহ প্রায় ধরাতে আসিয়া  
জ্বলিয়া হইলে শেষ।  
ছিলে উদাসীন, গেলে উদাসীন  
জয়-মাল্য শিরে পরি,  
অনাথ ক’টির কার কাছে বল  
গেলে সমর্পণ করি।  
ভেবেছিলি জানি তুমি গত যবে  
গউড়বাসীরা সবে,  
অনাথ-পালক, তোমার বালক  
অক্ষেতে তুলিয়া লবে।  
হবে কি সে দিন, এ গোড়-মাঝে,  
পুরিবে তোমার আশা?  
বুঝিবে কি ধন, দিয়াছ ভাণ্ডারে  
উজ্জল করিয়া ভাষা?\*

শ্রীহারাচন্দ্র রক্ষিত।



## পৃথিবীর ইতিহাস।

দ্বীপ—পৃথিবীর যাবতীয় দ্বীপসংস্থান দুই ভাগে উল্লেখ করা যায়, (১) মহাপ্রদেশের উপকূলবর্তী; (২) সূদূর সমুদ্রমধ্যবর্তী। যে সকল দ্বীপ মহাপ্রদেশের উপকূলবর্তী, তাহারা প্রায়ই কোন না কোন কারণে মহাপ্রদেশ হইতে বিচ্ছিন্ন অংশ মাত্র। এই সকল দ্বীপকে তিন ভাগে ভাগ করা যাইতে পারে—(ক) যে সকল দ্বীপ মহাপ্রদেশ হইতে এত অল্প দিন বিচ্ছিন্ন হইয়াছে যে, মহাপ্রদেশের সহিত তাহার উদ্ভিজ্জ বা জীবজগতের সাদৃশ্য এখনও তিরোহিত হয় নাই। যথা—ইংলণ্ড, টাস্মেনিয়া, জাপান প্রভৃতি। (খ) ঐতিহাসিক যুগের পূর্বে বিচ্ছিন্ন; ইহাতে মহাপ্রদেশের সহিত কোনও সাদৃশ্য পরিলক্ষিত না হইলেও, ভূস্তর প্রভৃতিতে অতীত সংযোগের সাক্ষ্য বর্তমান আছে। যথা—নবগিনি প্রভৃতি। (গ) যে সকল দ্বীপে তাহাদের উদ্ভিজ্জ ও জীবজগতে নিজস্ব স্বাতন্ত্র্য দেখা যায় ও অল্প কোন সংযোগনিদর্শনই অধুনা অপ্রাপ্য। যথা—অষ্ট্রেলিয়া, মাডাগাস্কার, লক্ষা ও নব জীলণ্ড।

দূর সমুদ্রমধ্যবর্তী দ্বীপ সকলে নিকটস্থ মহাপ্রদেশের সহিত কোন সাদৃশ্যই পরিলক্ষিত হয় না। ইহার একটি বিশেষত্ব এই যে ইহারা কোথাও একক থাকে না, পুঞ্জিতাকারে একত্র অনেকে মিলিয়া থাকে। কখন কখন এই দ্বীপপুঞ্জ, ধনুকের মত বক্রাকার ধারণ করে, এবং বক্রাংশ প্রায়ই বিস্তৃত সমুদ্রের দিকে ফিরান থাকে। এই সকল দ্বীপও তিন ভাগে ভাগ করা যায়। (শ) প্রবাল দ্বীপ। (ষ) আগ্নেয় গিরির উচ্ছ্বাসে সম্প্রতি গঠিত। (স) অজ্ঞেয় কালে আগ্নেয় গিরির উচ্ছ্বাসে গঠিত। প্রবাল দ্বীপ সম্বন্ধে প্রসিদ্ধ পণ্ডিত ডারউইন বহু অনুসন্ধান লিপিবদ্ধ করিয়া গিয়াছেন, পাঠকের বিরক্তি ভয়ে লিখিত হইল না।

দ্বীপপ্রসঙ্গ হইতে সাগর সম্বন্ধে প্রশ্ন উঠিতে পারে, কিন্তু তৎসম্বন্ধে বহু কথায় ইতিপূর্বে প্রদীপের পৃষ্ঠা সম্পূরণ করিয়াছি।

মরুভূমি—সাগরের মত রহস্যবৃত্ত প্রদেশ ভূপৃষ্ঠে আর একটি আছে, তাহা মরুভূমি। মরুর উৎপত্তি সম্বন্ধে পূর্বে অনেক অনুমানই প্রচলিত ছিল। কেহ মনে করিতেন, সমুদ্র দ্বারা উর্ধ্বের মৃত্তিকাস্তর খোঁত হইয়া বালুকার নিম্নস্তর যখন বাহির হইয়া পড়ে, সমুদ্র সরিয়া গেলে সেই বালুকাক্ষেত্র মরুভূমি নামে পরিচিত হয়, Humboldt ইহার নীমাংসা করিয়া বলেন যে পৃথিবী ও সূর্যের সংস্থান বশতঃ যে সকল স্থান অত্যুষ্ণ, সে সকল স্থানে বাষ্পবিহীন তপ্তবায়ু সর্বদা চলিতে থাকে। ইহার উপর যদি ঐ প্রদেশ নদী বা গলিত-নির্বার-পর্বতবিহীন হয়, তবে সেই স্থান ক্রমশ বালুময় ও অনুরূপ হইয়া উঠে, বালুকাপ্রধান প্রস্তরের (Sand-stone) উপর জল বায়ুর প্রভাব ও উদ্ভিজ্জের ক্ষার হইতেও বালুকা সৃষ্টি হইয়া থাকে, এবং কালে তাহা পুঞ্জীকৃত অবস্থা হইতে বাতাসে ছড়াইয়া পড়ে ও মরু সৃষ্টি করে; কারণ বালুকার জননশক্তি একেবারে নাই। যে সকল প্রস্তর দিনে সূর্য্যতাপে উত্তপ্ত হইয়া রাত্রে হঠাৎ ঠাণ্ডা হইয়া পড়ে, তাহা প্রাকৃতিক নিয়মবশে ফাটিয়া ভাঙ্গিয়া যায়; এবং কালক্রমে রেণু রেণু হইয়া মরুভূমি সৃষ্টির সহায়তা করে। মরুপ্রদেশে বাহ্যতঃ জলাভাব মনে হইলেও বালুকাস্তরের নিম্নে যথেষ্ট জল থাকে; এমন কি মাটিতে কাণ পাতিয়া নিম্নে প্রবহমান জলস্রোত অনুভব করা যায়। কিন্তু বালুকা ভেদ করিয়া এই জল লাভ করা বড় কষ্টসাধ্য, কাজেই না থাকার সমান। বালুকার উপর বৃষ্টিপাত হইলেও তাহা শীঘ্র বালুকাস্তর ভেদ করিয়া নিম্নে চলিয়া যায়, সাহারা মরুভূমিতে ফরাশি গবর্ণমেন্ট অনেকগুলি কূপ খনন করাইয়াছেন।

পর্বত—পৃথিবীর আর এক রহস্য পর্বত, পারসী কবিগণ কল্পনা করিয়াছেন যে ভগবান প্রথমে পৃথিবী সৃষ্টি করিলে তাহা দোলায়মান হইতে থাকে; তখন তাহাকে স্থির রাখিবার জন্ত কাগজ চাপার মত এই পর্বত সকল ধরণী-পৃষ্ঠে চাপাইয়া দেওয়া হয়। সংস্কৃত সাহিত্যেও পর্বতের অপর নাম “ধরাধর” বা “ধরণীধর”। ইহা অবশ্যই কবির কল্পনা। এক্ষণে দেখা যাউক বিজ্ঞান ইহার কি নীমাংসা করিয়াছেন। প্রাথমিক মত এই যে পৃথিবীপৃষ্ঠ ঠাণ্ডা হইয়া যখন জমিতে থাকে, তখন তরলাংশ যে সঙ্কোচন প্রাপ্ত হইয়াছিল তাহারই জোরে স্থলের স্থানে

স্থানে কাঁপিয়া পর্বত সৃষ্টি করে। ইহা কিছু অসম্ভব বোধ হইতে পারে; কিন্তু পৃথিবীর বিপুল দেহের তুলনায় সর্বোচ্চ পর্বতশৃঙ্গও কটাহের ছক্কোপরিষ্ঠিত সরের বৃন্দ অপেক্ষাও ক্ষুদ্র হইবে। দ্বিতীয় মতানুসারে পৃথিবীর স্থানিক নিম্নাবতরণই পার্শ্বস্থ ভূমির উচ্চতার কারণ। কথাটা একই; কেবল দুই জনে দুই দিক হইতে দেখিয়াছেন মাত্র। ১৮১৩ সালে Hall ও Fabre নামক দুই ব্যক্তি পরীক্ষা দ্বারা উভয় মতেরই সমর্থন করিয়াছেন। Chau-courtois নামক এক ব্যক্তি বক্রপে পরীক্ষা করিয়াছিলেন তাহা কোঁতুকজনক বলিয়া এ স্থলে সংক্ষেপে লিখিত হইল। তিনি একটা রবারের বেলুন বায়ুপূর্ণ করিয়া গলান মোমে ডুবাইয়া লয়েন। যখন বেলুনটি ঢাকিয়া মোমের আবরণ শুষ্ক হইল, তখন বেলুন হইতে কিঞ্চিৎ বায়ু নিঃসারিত করিয়া বেলুনকে সঙ্কুচিত করা হইল। ইহাতে মোমের স্তর ভূপৃষ্ঠের মত উচ্চাবচ আকার ধারণ করিল।

পর্বতগঠনে পৃথিবীর সঙ্কোচনের ত্রায় মাধ্যাকর্ষণও সাহায্য করিয়া থাকে। পৃথিবী স্বপৃষ্ঠস্থ সমুদয় দ্রব্যকেই বায়ু কেন্দ্রাভিসারে ঢাকিতেছে; বাহারা দুর্বল তাহার। তাহার একান্তিক আগ্রহে কেন্দ্রাভিমুখে অগ্রসর হয়, বাহারা সবল তাহার স্থানচ্যুত হয় না। ইহাতে ভূপৃষ্ঠ অসমতল হইয়া উঠে।

ভূমিকম্প—পৃথিবীর অসমতলতা সম্পাদনে ভূমিকম্প, অগ্ন্যুৎপান প্রভৃতি আকস্মিক দৈব ঘটনাও যথেষ্ট সহায়তা করে, ভূমিকম্প সকল দেশেই অল্প বিস্তর ঘটিয়া থাকে। এই কম্প সময়ে সময়ে এত অল্প হয় যে আমরা তাহা অনুভব করিতে পারি না। D'Abbad নামক বৈজ্ঞানিক এই অননুভূত কম্পন বোধ করিবার জন্ত এক যন্ত্র আবিষ্কার করিয়াছেন। Humboldt উক্ত যন্ত্র-সাহায্যে পরীক্ষা করিয়া দেখিয়াছেন যে, পৃথিবীর শান্তিশীলতা অপেক্ষা অস্থিরতাই অধিক। দিনের প্রত্যেক মুহূর্তে ভূপৃষ্ঠের অধিকাংশ স্থানই অস্থিরতা প্রকাশ করিয়া থাকে।

ভূকম্পের গতি হয় উদ্ধাধঃভাবে নয় ভূপৃষ্ঠের সহিত সমান্তরালে সরল রেখায় তরঙ্গায়িত হয়। ঘূর্ণা গতি সম্বন্ধে অনেকে সন্দেহ করেন; কিন্তু ১৮১৮ সালের

Catanea প্রদেশের প্রসিদ্ধ ভূমিকম্পের পর কয়েকটি প্রস্তর প্রতিমূর্তি একেবারে ফিরিয়া দাঁড়াইয়াছিল, এবং ১৮২২ সালে Valparaisoতে যে কম্পন হয় তাহাতে বাড়ীঘর পর্যন্ত ঘুরিয়া দাঁড়াইয়াছিল। ১৮২৭ সালে Quito প্রদেশের Riobamba নগরে যে ভীষণ ভূকম্পন হয় তাহাতে পাকাবাড়ী সকল অভগ্নাবস্থায় ফিরিয়া দাঁড়াইয়াছিল, এবং এক গৃহের দ্রব্যাদি অল্প গৃহে চলিয়া গিয়াছিল; ভিন্ন ভিন্ন শস্যের ক্ষেত্র সকল এক হইয়া সকল শস্য একত্র হইয়া গিয়াছিল, এবং স্থানে স্থানে অগাধ গহ্বর হইয়া গিয়াছিল। ১৮১৯ সালে সিন্দু নদীর মোহানায় একটি দ্বীপ কম্পনের বেগে ডুবিয়া গিয়াছিল, এবং অল্প একটা বাঁধের মত মৃত্তিকাস্তপ জাগিয়া উঠিয়াছিল। এই মৃত্তিকাস্তপ আজো “আল্লা বাঁধ” নামে পরিচিত হইতেছে। ১৭৬২ সালে চট্টগ্রামের কতকগুলি পর্বত ভূগর্ভে অদৃশ্যভাবে নিমজ্জিত হইয়া গিয়াছিল; চুঁচুড়া ও ভাটপাড়ার মধ্যে গঙ্গায় যে বৃহৎ ও উচ্চ চড়া বহুকাল ধরিয়া গঠিত হইয়াছিল তাহা ১৮২৭ সালের ভূমিকম্পে উহা হইয়া গিয়াছে, ইহা অনেকে লক্ষ্য করিয়া থাকিবেন।

কম্পনের গতিবেগ আজো ঠিক নির্দারিত হয় নাই, কারণ ভূকম্পনের সময় ইহার গতি নির্দারণ করিবার কথা অল্প লোকেরই মনে থাকে, এবং থাকিলেও সেই প্রাণ-সংশয় কালে অল্প লোকেরই ইহাতে প্রবৃত্তি হয়। তবে Humboldt অনুমান করেন যে, মিনিটে ২২ হইতে ৩০ মাইল পর্যন্ত ভূকম্পনের তরঙ্গ চলিতে সক্ষম হয়। ১৮৫৮ সালে জর্মানি প্রদেশের ২২৮০০ বর্গ মাইল ব্যাপিয়া যে কম্পন হয়, Schmidt অনুমান করেন যে তাহার গতি মিনিটে ৬ মাইল ছিল। গতিবেগ ভূমির তারতম্যানুসারে হ্রাস বৃদ্ধি প্রাপ্ত হয়। Mallet খনি খনন কালে লক্ষ্য করিয়াছেন যে আল্গা বালুকার ভিতর দিয়া কম্পন এক সেকেন্ডে ২৫ গজ, পাথরের ভিতর দিয়া ৩৯৮ গজ, ও শক্ত পাথরের ভিতর দিয়া ৫০৭ গজ গিয়া থাকে।

Mallet ও Van Seebach কম্পনের জনন-স্থান নির্দারণ করিবারও চেষ্টা করিয়াছেন।

ভূমিকম্পের আগে, সঙ্গে বা পরে কখন কখন মেঘ-গর্জনের ত্রায় এক গুরু গভীর শব্দ শ্রুতিগোচর হয়। এই শব্দ কখন কখন এক মাসকাল পর্যন্তও অবিরত

শোনা গিয়াছে। Pliny ও Pausanius বলেন যে দীর্ঘকাল অনাবৃষ্টির পর বর্ষণ তৃপ্ত ধরণী গা ঝাড়া দিয়া উঠে; কিন্তু আধুনিক বৈজ্ঞানিকগণ ইহা সত্য বলিয়া গ্রহণ করেন নাই।

খুব সম্ভব পৃথিবীর অভ্যন্তরীণ তাপ হইতেই তাহার কম্পন ঘটিয়া থাকে; এই মত বহু প্রাচীন। Aristotle এই মত প্রচার করিয়াছিলেন। অনেকে বলেন যে পৃথিবীর অভ্যন্তরে বড় বড় ভূস্তর সকল বসিয়া পড়ে, তাহাতেই ভূমি কম্পিত হইয়া উঠে। Perrey বলেন যে তিনি বহু ভূমিকম্প পর্যবেক্ষণ করিয়া স্থির করিয়াছেন যে পূর্ণিমা, অমাবস্যা বা তৎসম কালেই অধিক ভূমিকম্প ঘটিয়া থাকে; বোধ হয় জোয়ার ভাঁটার মত ভূমিকম্পের সহিতও চন্দ্রের ঘনিষ্ঠ সম্বন্ধ আছে। Schmidt ও পরীক্ষা দ্বারা দেখিয়াছেন যে বাৎসরিক আবর্তনে চন্দ্র যখন পৃথিবীর নিকটবর্তী থাকে তখনই অধিক ভূমিকম্প হয়, চন্দ্র দূরে থাকিলে কম হয়। Mallet বলেন যে জানুয়ারি মাসে সর্বাপেক্ষা বেশী জুন মাসে সর্বাপেক্ষা কম ভূমিকম্প হয়। জানুয়ারি মাসে পৃথিবী সূর্যের সন্নিহিত হয় এবং জুন মাসে পৃথিবী সূর্য হইতে দূরে চলিয়া যায়। ইহা হইতে অনুমান করা যাইতে পারে যে সূর্যের প্রভাবেই ভূমিকম্প হইয়া থাকে। তবেই, সূর্য ও চন্দ্র উভয়েই ভূমিকম্পের কারণ হইতেছে। Falb বলেন যে পৃথিবীর অভ্যন্তরস্থ দ্রব ধাতুর জোয়ার ভাঁটাই ভূমিকম্পের কারণ (Perreyর মত) নহে; অপরন্তু দ্রব ধাতুর কাঠি প্রাপ্তিতে যে সমস্ত বাষ্প উৎপন্ন হইতেছে তাহা ও পৃথিবীর কঠিন স্তরের চাপ হইতেই ভূমিকম্প উৎপন্ন হয়। এই চাপ হইতেই আগ্নেয় গিরিরও উৎপত্তি। হিন্দু জ্যোতিষে ভূমিকম্পকে “অদ্ভুতবিশেষ” বলা হইয়াছে। ভূমিকম্পে ভবিষ্যৎ ফলাফল বর্ণিত হইয়াছে, কারণ নির্দিষ্ট হয় নাই (জ্যোতিষতত্ত্ব)।

বায়ুমণ্ডল—যে বায়ুমণ্ডল পৃথিবীকে আত্মদেহের ঢাকিয়া রাখিয়াছে, তাহার ইতিহাস বড় কোতুকাবহ ও জটিল। এ স্থলে সংক্ষেপে সরল কথায় বলিয়া আমি বিদায় হইব।

বায়ুর মধ্যে শতকরা ২১ ভাগ অক্সিজেন ও ৭৯ ভাগ

নাইট্রোজেন আছে। অত্যাশ্চর্য যে সমস্ত পদার্থ ইহাতে বর্তমান আছে তাহাব ভাগ এত অল্প যে, বৈজ্ঞানিকগণ তাহা ধর্তব্য মনে করেন নাই। অল্পজান হইতে সমগ্র জীবজগৎ (জীব, উদ্ভিদ, অগ্নি প্রভৃতি) শ্বাস প্রশ্বাস দ্বারা জীবনীশক্তি সংগ্রহ করিয়া থাকে। কিন্তু পাছে কেবলমাত্র অল্পজান থাকিলে সমস্ত জগৎ একবার অগ্নি সংযুক্ত হইলে ভস্মাবশেষ হইয়া যায়—এজ্ঞ পরমেশ্বর তাহাতে নির্জীব নাইট্রোজেন প্রভূত পরিমাণে মিশাইয়া রাখিয়াছেন। কেবল মাত্র অল্পজানের ভিতর লোহা পর্যন্ত পুড়িয়া ছাই হইতে পারে।

বায়ুমণ্ডলের গাঢ়তা সর্বত্র সমতুল নহে; যত উপরে ইহার গাঢ়তা তত কম। সমুদ্রতল হইতে ২ মাইল উচ্চে ইহার গাঢ়তা সমুদ্রতলস্থ বায়ুর ৩/৫ অংশ; ৮ মাইল উপরে ১/৬; ১২ মাইলে ১/১৪; ১৬ মাইলে ১/৩৩; ২০ মাইলে ২/১০০০; ৩২ মাইলে ১/১০০০; ৪০ মাইলে ১/৬০০০ অংশ মাত্র।

বায়ুমণ্ডলের একটা ভার আছে। আমাদের চতুর্দিকে বাতাস বিচলমান আছে বলিয়া আমরা অনুভব করিতে পারি না। সামান্য উপায়ে ইহা বুঝা যাইতে পারে;—শরীরের কোন স্থানে একটি প্রজ্জ্বলিত প্রদীপ রাখিয়া তাহার উপর একটা গেলাস ঢাকা দিয়া শরীরের সঙ্গে চাপিয়া ধরিলে, গেলাসের মধ্যস্থিত বায়ুতে যে অল্পজান আছে তাহা পুড়িয়া গিয়া গেলাসের বায়ু বাহিরের বায়ু অপেক্ষা পাতলা ও হালকা হইবে; মধ্যের বায়ু যে জোরে গেলাসকে ঠেলিয়া রাখিবে, বাহিরের বায়ু তদপেক্ষা অধিক জোর করিবে। এক্ষণে ঐ গেলাস শরীর হইতে তুলিতে গেলে বিলক্ষণ জোরের আবশ্যক হইবে, গেলাসঢাকা স্থানে যদি একটু কাটা থাকে তবে সেই ক্ষতস্থ হইতে ফোয়ারার মত শোণিত বাহির হইবে। পণ্ডিতগণ স্থির করিয়াছেন যে, প্রতি বর্গ ইঞ্চের উপর ১৫ পাউণ্ড অর্থাৎ ৭১/২ সের চাপ পড়ে। আমরা সর্ব শরীরে কি ভীষণ চাপ অজ্ঞাতসারে সহ করিতেছি, তাহা ভাবিলে বিস্ময়াবিষ্ট হইতে হয়। আমরা ৭০ হইতে ১০০ টন পর্যন্ত নিজ শরীরে বহন করি। সমগ্র বায়ুমণ্ডলের ওজন ৫ খর্ব টন।

বায়ু সম্পূর্ণ স্বচ্ছ নহে; এজ্ঞ সূর্যালোক লম্বভাবে যখন ভূপৃষ্ঠে পতিত হয় তখনও তাহার আলোকের ১/৫

অংশ নষ্ট হয়। যখন সূর্যোদয় হয় তখন আমরা যে আলোক প্রাপ্ত হই, যদি বাতাস না থাকিত তবে আমরা তাহার ৬০ গুণ আলোক প্রাপ্ত হইতাম।

বাতাস আছে বলিয়া আমরা বহু নয়নমুগ্ধকর দৃশ্য সকল দেখিয়া থাকি, যে উষার রূপে মুগ্ধ হইয়া বৈদিক ঋষিগণ তাহার গুণ গান করিয়া গিয়াছেন, বায়ু ব্যতিরেকে তাহার উদ্ভব অসম্ভব হইত\*। বাতাস আছে বলিয়া গোধূলি হয়, আমরা আকাশ নীলবর্ণ দেখি, তারার নিটি নিটি চাহনি দেখিয়া তৃপ্ত হই, এবং সূর্য ও চন্দ্রের স্নহিত রূপ দেখিয়া চমৎকৃত হই। যদি বায়ু না থাকিত বা বায়ু একেবারে স্বচ্ছ হইত তবে যে সকল দ্রব্য সূর্য্য-রশ্মি সর্বাঙ্গে না মাখিত তাহা মোটে আলোকিত হইত না; এক্ষণে বায়ু বাহিত ধূলিকণা প্রভৃতি অস্বচ্ছ পদার্থে সূর্য্যরশ্মি প্রতিফলিত হইয়া গৃহাভ্যন্তর ও সমস্ত দ্রব্যাদিই উদ্ভাসিত করে। আমি “সাগর” শব্দে “জল ও আলোক” শব্দে বাহা বলিয়াছি, বায়ু ও আলোকের সম্বন্ধ অবিকল সেইরূপ।

বায়ুর জন্মই পৃথিবী মরীচিকা দেখিয়া ভ্রান্ত হইয়া থাকে, গ্রীষ্মাতিশয্যে বায়ুস্তর বিভিন্ন তাপসম্পন্ন হইয়া মুকুরের শায় সূর্যালোক প্রতিফলিত করে, ইহাতে বহু দ্রব্যের উন্টা প্রতিমূর্ত্তি নগ্ননগোচর হইয়া জলভ্রম ঘটে। কখন কখন আকাশেও পোতাদির উন্টা ছবি দেখা যায়। অমরকোষের টীকায় এতৎসম্বন্ধে লিখিত হইয়াছে “গ্রীষ্মে মরুদেশসিকতাবার্ককরা: প্রতিফলিতাঃ ছরস্থানাঃ জলত্বেনাভাস্তি তদ্বাচিকা মৃগতৃষ্ণতি”; “উৎকট রবিরশ্মি জন্ম ফিতিবাপ্সজালং মরীচিকা; দূর শৃংখে বন্ময়ুথৈর্জলমিব দৃগুতে” ইতি ভরতঃ।

বায়ুতে জলবাষ্প সর্বদা বিচলমান আছে। এক মন ৩৭ সের ওজনের একজন মানুষের শরীরে জলীয় ভাগ ১ মন ১৮ সের, বাকী ১৯ সের কঠিন পদার্থ। বায়ুমণ্ডলে যদি জলীয় বাষ্প না থাকিত তাহা হইলে তাপসংযুক্ত হইয়া শরীরস্থ জল উড়িয়া যাইলে বাহির হইতে তাহা সম্পূর্ণ করিবার কেহ থাকিত না এবং তাহাতে মনুষ্যশরীর ক্ষীণ ও শুষ্ক হইয়া ধ্বংস প্রাপ্ত হইত।

\* বিয়ব রেখায় যে উষা বা গোধূলি দেখা যায় না, তাহার কারণ বাতাসের জলহীনতা, এবং সূর্যের লম্বভাবে অস্তগমন।

এই জলীয় বাষ্প সরিৎসাগর হইতে সূর্য্যতাপে সমুদ্রত হয় ও বায়ু তাহা গ্রহণ করে। তাপের তারতম্য-নুসারে বায়ু এক দেশ হইতে অন্য দেশে প্রবাহিত হয় ও সেই বাষ্পসকল বহন করিয়া দিগদেশে মেঘ ও বৃষ্টি সৃষ্টি করে।

বায়ুস্তরের তাপতারতম্য হেতু ঘূর্ণাবায়ুর উৎপত্তি; তাহার টানে বাড়ী ঘর, গাছ পাথর প্রভৃতি শূন্যে বহুদূর নীত হইতে দেখা যায়; নদীতে বা সমুদ্রে জলস্তস্ত ও মরুভূমে বালুকাস্তস্ত ঘূর্ণাবায়ুর টানেই উঠিয়া থাকে।

সংক্ষেপে পৃথিবীর মূল বিষয়গুলি বর্ণনা করিবার চেষ্টা করিয়াছি, কিন্তু কিছুই হইল না; বিপুল পৃথিবীর কালও নিরবধি; যুগযুগান্ত ধরিয়া বলিলেও পরমেশ্বরের সৃষ্টি-রহস্য বর্ণনা করিয়া শেষ করা সম্ভব নহে। কাজেই আমার ক্ষুদ্র শক্তির যাহা সাধ্যাত্ত তাহা সম্পন্ন করিয়া বিদায় হইলাম।

সমাপ্ত।

শ্রীচরণচন্দ্র বন্দ্যোপাধ্যায়।

## পড়ে কি হে মনে ?

নিদারূণ নিদাঘে যখন

মরুপ্রায় প্রতপ্ত জীবন ;

মধ্যাহ্নের বিসৃঙ্খল ধরায়

অগ্নিরাশি ঢালিছে তপন ;

নীতল নির্বার-তীরে বসি

স্নিগ্ধ-দেহ প্রিয়জন মনে,

চিরদিন পিপাসার্ত্ত মোরে

প্রিয়তম ! পড়ে কি হে মনে ?

গাঢ়তর নভস্তল যবে

নব নীল নীরদমালায়,

স্নিগ্ধকান্তি প্রকৃতির বক্ষ

পরিপূর্ণ ঘন বরষায়,

পিপাসার্ত্ত চাতকের মত

উর্দ্ধমুখ চাহি তোমা পানে,

বিন্দুমাত্র বারি-ভিখারীয়ে

প্রিয়তম! পড়ে কি হে মনে?

শরতের শুভ্র চন্দ্রিকায়

ধৌত যবে শ্রাম ধরাতল,

রাকাচাঁদ আঁকা নিশীথিনী

পূর্ণতায় করে চল চল,

অন্ধতমো কারাগারে বাঁধা

আঁধারের ক্ষুদ্রতম জনে,

অমৃতের পিয়ামী চকোরে

প্রিয়তম! পড়ে কি হে মনে?

পত্রে পত্রে মুক্তাবিন্দু সম

ঝরে যবে হিমালীর বিন্দু,

কুয়াশায় আধ আধ ঢাকা

পূর্ণিমার পরিপূর্ণ ইন্দু,

অশ্রুবিন্দু ছল ছল আঁধি

কু আশায় প্রমত্ত জীবনে,

চিরছুঃখী জানিয়া অন্তরে

প্রিয়তম! পড়ে কি হে মনে?

শীতে যবে রম্য হস্যাতলে

অবরোধি বাতায়নদ্বার,

সুকোমল উষ্ণ শয়নেতে

সুকুমার রাখ দেহভার,

বাহিরের তীক্ষ্ণ শীতবাত

মৃতপ্রায় ক্লিষ্ট এই জনে,

পূর্বতন পরিচিত ভাবি

প্রিয়তম! পড়ে কি হে মনে?

বসন্তের সায়াক্লে যখন

সমীরণ শিহরিয়া কায়,

খেলা করে আশে পাশে তব

জাগাইয়া স্তম্ভ যুথিকায়,

মধ্যাহ্নের তপনতাপিত

শ্রান্ত ক্লান্ত এই পাস্ত জনে,

দীন বলি বারেকের তরে

প্রিয়তম! পড়ে কি হে মনে?

শ্রীদেবব্রত কবিরত্ন।

## ভোজ্য, ভূষা ও ভাষা।

(প্রথম প্রস্তাব।)

আমাদের ভোজ্য দ্রব্য এবং বেশ ভূষার সহিত ভাষার কিরূপ সম্পর্ক, বর্তমান প্রবন্ধে তাহা অনতিবিস্তৃত ভাবে বুঝাইবার আকাঙ্ক্ষা করি। প্রবন্ধটি নূতন এবং কঠিন স্মরণ্য সম্যক্রূপে ইহাতে কৃতকার্যতা লাভ করিবার সম্ভাবনা নাই, তথাপি এবশ্প্রকার মহা প্রয়োজনীয় প্রসঙ্গের আলোচনা করা প্রত্যেক সাহিত্য-সেবী ব্যক্তির পক্ষে অবশুকর্তব্য। জননীস্বরূপিনী মাতৃভাষা আমাদের অভয় দিউন।

সমাজের হিত, দেশের হিত, আধ্যাত্মিক জগতে প্রবেশ অথবা ধর্মালোচনা করিতে হইলে কিম্বা অল্প প্রকার সাধু কার্যে ব্রতী হইলে সর্ব প্রথমে প্রাণকে (জীবনকে) রক্ষা করিবার জন্ত প্রয়াস স্বীকার করা প্রধান প্রয়োজন। মানুষ মর্ত্যধাম হইতে অন্তর্হিত হইয়া গেলে তাহার আর কার্যকরী শক্তি থাকে না স্মরণ্য পরমায়ু প্রাপ্তির জন্ত রেচক, পুরক, কুম্ভক ইত্যাদি যৌগিক সাধনার উদ্ভাবন হইয়াছে। প্রাণকে রক্ষা করিতে গেলে শরীরের দিকে লক্ষ্য রাখিতে হইবে, শরীরকে নীরোগ রাখার আবশুক হইলে ভোজ্য পদার্থ-পুঞ্জের প্রতি মনোনিবেশ করার প্রয়োজন। কেবল যে ভোজ্য পদার্থের প্রতি লক্ষ্য রাখিলেই মানুষ পরমায়ু প্রাপ্ত হয়, এ কথা বলা আমার উদ্দেশ্য নহে, কিন্তু ভোজন যে এ বিষয়ে অগ্রতম প্রধান উপাদান তাহা অগ্রাহ্য করিয়া সন্দেহ নাই। ভোজ্য পদার্থের সহিত মানবের ভাষার অতীব ঘনিষ্ঠ সম্পর্ক আছে, ইহা ক্রম সত্য। বহুল প্রত্যক্ষ ও অপ্রত্যক্ষ প্রমাণ দ্বারা প্রতিপন্ন করা বাইতে পারে যে, মাতৃভাষার আলোচনায় মানবের আয়ু সম্পৃক্ত হয়; সাহিত্যের আলোচনায় পরমানন্দ জন্মে; আনন্দসমায়ুক্ত দীর্ঘ জীবন মোক্ষক্ষুদিগেরই পরম ধন। আমাদের ভোজ্য, ভূষা ও ভাষা এই তিনটি জিনিষ আমাদের দেশের সমাজের, ধর্মের, জাতীয় জীবনের এবং প্রত্যেক নরনারীর উন্নতির প্রধান কারণ।

ভোজ্য ও ভূষার সহিত ভাষার সম্পর্ক বুঝিতে পারিলে আমরা আমাদের শরীর মন ও আত্মার উৎকর্ষের উপায় সহজে বুঝিতে সক্ষম হই।

শাস্ত্রকর্তামহোদয়গণ ভোজ্য পদার্থ সমূহকে সাহিত্যিক, রাজসিক ও তামসিক এই তিনটি শ্রেণীতে বিভক্ত করিয়া গিয়াছেন; বর্তমান কালের পাশ্চাত্য বিজ্ঞানবিদ পণ্ডিতেরাও এ কথার যথার্থ স্বীকার করিতে কুণ্ঠিত হইয়া নাই। সংস্কৃত, আরব্য, পারস্য, মিশর, যিহুদী, ইউরোপ ও আমেরিকা প্রভৃতি সকল দেশের চিকিৎসা শাস্ত্রে ভোজনের সহিত মানবের দেহের ঘনিষ্ঠ সম্পর্কের কথা পুনঃ পুনঃ উল্লিখিত হইয়াছে। বস্তুতঃ যে যেমন আহাৰ করে, তাহার শরীর ও মনোবৃত্তি ঠিক সেইরূপ প্রকৃতি প্রাপ্ত হইয়া থাকে। প্রেমিক সাধক ও ভক্তেরা প্রায়ই নিরামিষাশী; তাঁহারা তামসিক আহাৰ প্রায়ই ব্যবহার করেন না, স্মরণ্য তাঁহাদের সাধুনোচিত মনোবৃত্তি অল্পসারে তাঁহাদের ভাষাও মধুময়ী, সৌন্দর্যময়ী, কোমলা, বিমলা এবং প্রেম ও ভক্তির অল্পরূপ। বৈষ্ণবের ভাষা ও ভাব ঘোর তাত্ত্বিক বা প্রবল শাক্তের ভাব ও ভাষা হইতে সম্পূর্ণ বহুত্ব; হিংস্রক স্বাপদের শব্দ হইতে এই জগৎ ভূগভোজী পশুদির শব্দ অধিকতর কোমল এবং স্মরণ্য। নিরামিষাশী পক্ষী, আমিষভোজী বিহঙ্গ অপেক্ষা মধুরতর শব্দে তাহার আনন্দময় ভাব প্রকাশ করিতে সমর্থ। আমরা প্রতিদিন পুনঃ পুনঃ দেখিতে পাইতেছি, মাংসালী খুঁটান জাতির ভাষা হইতে সংস্কৃত ভাষা কত মধুময়ী, কত সৌন্দর্যময়ী, কত কোমলা এবং কত অমলা!! মহামতি মহম্মদ মধ্য আদিয়ার সুপ্রসিদ্ধ “কোরিশ” (Coreish clan) নামক অতীব প্রাচীন জাতি হইতে আবির্ভূত হইয়াছে; কোরিশদিগের এক সম্প্রদায় প্রায়ই তামসিক আহাৰে প্রবৃত্ত হইতেন না; তুলনায় দেখা গিয়াছে সাহিত্যিক কোরিশেরা তামসিক কোরিশ অপেক্ষা তাঁহাদের মাতৃভাষায় ও স্বজাতীয় সাহিত্যের অধিকতর উন্নতি সাধন করিয়া গিয়াছেন। কোরিশ জাতি হইতে সমুদ্ভূত হইয়া মহামতি মহম্মদ যখন নব মত ও নব ধর্ম প্রচারে ব্রতী হইয়া তখন তাঁহার সখা, সহচর, সহায়ক, শিষ্য এবং প্রশিষ্যদিগের মধ্যে আহাৰ সম্বন্ধে তামসিক

ভাব প্রবলরূপে দেখা দিয়াছিল; ক্রমে ক্রমে কোরিশ ভাষায় কোমলতা, মধুরতা ও প্রেমভাবব্যঞ্জক সৌন্দর্য অনেক পরিমাণে লুপ্ত হইয়া তাহাদের ভাষাকে কঠিনা, কঠোরা এবং কল্লোলা করিয়া তুলিয়াছে। ভাষাবিদ পণ্ডিতেরা প্রমাণ করিয়াছেন, হিব্রু ভাষা হইতে আরব্য ভাষার উৎপত্তি; হিব্রু ভাষার প্রকৃত নাম ইব্রীয়, কেহ কেহ ইহাকে “আব্রীয়” বলিয়া উচ্চারণ করেন; এই আব্রীয় ভাষা কালক্রমে আরবী (আরব্য) নাম ধারণ করিয়া নূতনবিধ ভাষায় পরিণত হইয়াছে। যাহাদের চেষ্টি, যত্ন ও চিন্তায় এই নবীন ভাষার সৃষ্টি হইয়াছিল তাহারা যিহুদী জাতি অপেক্ষা অধিক পরিমাণে এবং অধিকতরভাবে তামসিক আহাৰ, তামসিক পরিচ্ছদ এবং তামসিক প্রকৃতির প্রশ্রয় দিয়াছিল, স্মরণ্য হিব্রু ভাষা হইতে আরব্য ভাষা অধিকতর কঠিন, কঠোর এবং মাধুর্যবিহীন। বাঙ্গালায় দেখুন, বাঙ্গালী বৈষ্ণবকুলচূড়ামণিদিগের প্রেমময়ী, মধুময়ী, সৌন্দর্যময়ী, লালিত্যময়ী এবং আনন্দময়ী ভাষা অপেক্ষা আর কোনও বাঙ্গালী পণ্ডিতের ভাষা কি অধিকতর কোমলা এবং অধিকতর সরলা? বিষ্ণুপতি, চণ্ডীদাস, জয়দেব, কৃষ্ণদাস কবিরাজ, শ্রীজীব গোস্বামী, শ্রীসনাতন গোস্বামী, শ্রীরঘুনাথ গোস্বামী প্রভৃতি নিরামিষাশী ছিলেন। রঘুনাথ দাস জাতিতে কায়স্থ এবং শাক্ত; তিনি শক্তিপূজা পরিত্যাগ পুরঃসর যখন বিষ্ণুমন্ত্রে দীক্ষিত হইয়া বৈষ্ণব পদে সমাসীন হইয়াছিলেন—যখন তিনি “প্রভুপাদ গোস্বামী” উপাধিতে ভূষিত হইয়া বৈষ্ণবকুলশেখরদিগের সঙ্গে একাসনে উপবিষ্ট হইতে সমর্থ হইয়াছিলেন—যখন তামসিক আহাৰ ও তামসিক বেশভূষার সংশ্রব পরিত্যাগ করিয়া তিনি সাহিত্যিক ভূষা এবং সাহিত্যসাধকের নিরামিষ আহাৰে আনন্দ উপভোগ করিতেন, তখন তিনি স্বয়ং কহিয়াছিলেন “আমি দেখিতেছি, সাহিত্যিক ভোজনে ও সাহিত্যিক ভূষায় আমার ভাষার এবং আমার মনের বৃত্তি সমূহ সম্যক পরিবর্তিত হইয়া গিয়াছে।”

বৈষ্ণবের কোঁপিনেতে ভগবানে দেখি।

বৈষ্ণবের ভোজনেতে প্রেমভাষা লিখি।।

বাঙ্গালার বৈষ্ণব লেখকদিগের গ্রন্থাদি এবং ভক্তি-

রসপ্রধান প্রাচীন সংস্কৃত সাহিত্য আলোচনা করিবার সময়, সর্বতোমুখী প্রতিভাশালী মহামতি বঙ্কিমচন্দ্র চট্টোপাধ্যায় মহাশয় প্রায়ই কহিতেন “আমি শাক্ত, শৈব, বৈষ্ণব প্রভৃতিদিগের প্রাচীন ও আধুনিক সাহিত্যের যতই পর্যালোচনা করিতেছি, ততই ভোজনের সহিত মানবের ভাষার একটা ঘনিষ্ঠ সম্পর্ক দেখিয়া বিস্ময়-সাগরে নিমগ্ন হইতেছি।”

তির্থযজ্ঞগতের দিকে দৃষ্টিপাত করিলে আমরা বুঝিতে পারি, পক্ষিগণ আকারে যত বড় হয় ততই তাহার ভাষা কর্কশ হয়; কেবল তাহাই নহে, তাহার প্রকৃতিও তামসিক বলিয়া জানা যায়। তামসিক প্রকৃতিক বিহঙ্গমবর্গ আকারে প্রায়ই বৃহৎ এবং ভাষা বিষয়ে তাহার ক্ষুদ্র শক্তিসম্পন্ন; ক্ষুদ্রাকার পক্ষিপুঞ্জ প্রায়ই সাত্ত্বিক আহারে প্রাণ ধারণ করে, তাহার দেখিতেও সুন্দর এবং তাহাদের ভাষাও মনোহারিণী। নিরামিষাশী পাখীর স্বর অধিকতর মধুর ও সুশ্রাব্য; উচ্চারণের শক্তিও তাহাদের অধিক। তৃণভোজী ও শস্ত্রভোজী পক্ষীর মংস্র মাংসভোজী পাখী অপেক্ষা অধিকতর ক্ষমতাসম্পন্ন, ইহাদের বুদ্ধি এবং উচ্চারণ শক্তি আশ্চর্য্য হইতেও আশ্চর্য্যতর। কাক, শকুনি, গৃধ, কুকুট প্রভৃতিতে তাহা নাই।

ক, খ, গ এই তিন ব্যক্তিকে একই স্থানে দাঁড় করাইয়া দিয়া যদি ক্রুদ্ধ বা উত্তেজিত করা যায়, তাহা হইলে, এই তিন জন ভিন্ন ভিন্ন প্রকার আহাৰ্য্যভোজী না হইলে, একই প্রকার কথা তিন ব্যক্তির মুখে শুনা যাইতে পারে। কিন্তু ক যদি সাত্ত্বিক, খ যদি রাজসিক এবং গ যদি তামসিক আহাৰ্য্যভোজী হয় তাহা হইলে গালি দিবার সময় অথবা ক্রোধসমায়ুক্ত ভাব প্রকাশ করিবার সময় ইহারা ভিন্ন ভিন্ন প্রকার ভাষা ব্যবহার করিয়া থাকেন। আমরা সচরাচর দেখিতে পাই, বাঙ্গালী বাবু যখন অত্যন্ত ক্রুদ্ধ হইলে তখন প্রায়ই হিন্দী ভাষার আশ্রয় গ্রহণ করিতে বাধ্য হইলে অথবা ইংরাজির ছড়াছড়ি করিয়া থাকেন। বাহারি হিন্দী, উর্দু বা ইংরাজি কিছুই জানেন না, তাঁহারাও অদ্ভুত হিন্দুস্থানী ভাষাকে অথবা দুই একটা শতভূষ্ট ইংরাজি শব্দকে উচ্চারণ করিয়া উত্তপ্ত মনের জ্বালা নির্কাপিত করিয়া

থাকেন। একটা ক্ষুদ্র বিড়ালে যে তেজ ও তীব্রতা দেখা যায়, একটা নিরামিষাশী বিপুলবপু মাতঙ্গে তাহা দেখা যায় না। গজেন্দ্রের গম্ভীর ও গর্জিত গরজে মধুরতা আছে কিন্তু উগ্রতা নাই; মার্জারের মর্ম্মভেদী চীৎকারে মাধুর্য্য না থাকিলেও যথেষ্ট তীব্রতা আছে। একজন নিরামিষাশী ব্যক্তির মার্জার বা সারমেয়, এক জন কশাইয়ের বিড়াল বা কুকুর অপেক্ষা শতগুণে অধিকতর সাত্ত্বিক, সুতরাং তুলনায় ইহাদের ভাষা অধিকতর কোমলা ও মধুময়ী। ইহাতে বেশ বুঝা যায়, সাত্ত্বিক আহাৰ্য্যের সহিত মাতৃভাষার উন্নতির যথেষ্ট সম্পর্ক আছে। কেবল আমিষ পরিত্যাগ করিলেই সাত্ত্বিক ভোজন হয় অথবা সাত্ত্বিক ভোজন অর্থে কেবল নিরামিষ বুঝায়, এ কথা বলা আমার উদ্দেশ্য নহে। সাত্ত্বিক আহাৰ্য্যে আমার যাহা কিছু বলিবার আছে তাহা পরে বলিব। এস্থলে স্থূল কথা বলিয়া রাখি, বাহারি সাহিত্যসেবী এবং বাহারি বাঙ্গালী ভাষার উন্নতি কল্পে বন্ধপরিষ্কার তাঁহাদের মধ্যে আহাৰ্য্যের একটা সুনিয়ম থাকা অত্যন্ত আবশ্যিক। বাঙ্গালীদিগের মধ্যে বাহারি একেবারে সাহিত্যজীবী অথবা বাহারি অনবরত লেখনী পরিচালনা করেন তাঁহারা সাত্ত্বিক আহাৰ্য্য ভোজন করেন, আমার এই অনুরোধ। অনেক স্থলে দেখিয়াছি আমিষাশী অপেক্ষা নিরামিষাশীর ভাষা, ভাব, অনুকরণ, অনুবাদ, উদ্ভাবন, চিন্তাশীলতা, প্রতিভা প্রভৃতি, ঘোরতর তামসিক ভোজ্য-ভোজী পণ্ডিতের অপেক্ষা সহস্রগুণে শ্রেষ্ঠতর।

আমি এক সময়ে স্বপ্নতত্ত্বের আলোচনা করিয়াছিলাম। এই আলোচনায় আমার জীবনের অনেক বৎসর ব্যয়িত হইয়াছিল। আমি অনেক অথওনীয় প্রশ্ন এবং প্রত্যক্ষ দৃষ্টান্ত দ্বারা জানিতে পারিয়াছিলাম যে, নিদ্রিতাবস্থায় স্বপ্নের সময়ে অনেকে বিদেশীয় ভাষায় কথা কয়, কেহ বা তাহার মাতৃভাষায় কথোপকথন করিয়া থাকে, অনেকে বলিতে পারেন ইহা একটা স্বভাব বা অভ্যাস অথবা বিদেশীয় ভাষার বহু চর্চা বা আকাঙ্ক্ষা-জনিত উচ্ছ্বাস। আমি তাহা বলি না। বাহারি সাত্ত্বিক আহাৰ্য্যপ্রিয়, প্রায়ই তাহার (বিদেশীয় ভাষায় সম্যক প্রকারে অভিজ্ঞ হইলেও) মাতৃভাষায় চিন্তা করে, মাতৃভাষায় স্বপ্ন দেখে এবং স্বপ্ন কালে মাতৃভাষায়

কথোপকথন করে। তামসিক প্রকৃতিসম্পন্ন শিক্ষিত বাঙ্গালীকে আমি স্বপ্নের সময়েও ইংরাজিতে কথা কহিতে দেখিয়াছি ও শুনিয়াছি। সাত্ত্বিক ভোজ্য-প্রিয় বাঙ্গালীর হাড়ে হাড়ে বাঙ্গালী ভাষা জমিয়া যায়, তাহার হৃদয়ে ও মস্তিষ্কে মাতৃভাষা দৃঢ় মূলসহকারে বদ্ধ হইয়া যায়, তামসিকের তাহা হয় না। তামসিক ভোজ্যভোজী ব্যক্তি পণ্ডিত হইলেও তাহার রচনায় ও চিন্তায় নূতনত্ব বা আদিমত্ব খুব কম থাকে। তামসিকের ভাষায় বীরত্ব বা তীব্রত্ব থাকিতে পারে, রসিকতা বা শ্লেষত্ব থাকিতে পারে, কিন্তু স্বভাবতঃ তাহার ভাষায় লালিত্য, প্রশস্ততা, উদার্য্য, গম্ভীরতা, সরলতা ও আদিমত্ব খুব কম। বাঙ্গালী সন্তান নেপোলিয়ান বোনাপার্টীর যুদ্ধের প্রকৃত বিবরণ তাহার ভাষায় সম্যকরূপে বর্ণনা করিতে পারে কি না সন্দেহ, কারণ বাঙ্গালী ভাষায় ইউরোপীয় জাতির রাজনৈতিক উগ্রতা অথবা স্বাধীন স্পৃহার চিত্র আঁকিবার সম্যক শক্তি এখনও হয় নাই। বাঙ্গালী রমণী বা বাঙ্গালী পুরুষ, ইউরোপীয়দিগের বিবাহের পূর্বরাগ (কোর্টসিপ্ Courtship) তাহাদের ভাষায় বুঝাইতে পারে কিনা সন্দেহ, কারণ বঙ্গদেশে পূর্বরাগের প্রথা নাই। খৃষ্টান পুরুষের “চন্দ্রোৎসব” (Honey moon), যৌন নির্কাচন-প্রথা, প্রথম প্রণয়, দ্বিতীয় প্রণয়, স্ত্রীস্বাধীনতা, বিচ্ছেদগাথা (Divorce) প্রভৃতি বর্ণনা করিতে বাঙ্গালী এখনও অসমর্থ, কারণ বাঙ্গালী-সমাজে এখনও এ সকল কথার ধারণা জন্মে নাই। একজন ব্রাহ্ম যাহা পারে, একজন হিন্দু তাহা পারে না; একজন হিন্দু যাহা পারে একজন ব্রাহ্ম তাহা পারে না; কারণ উভয়ের সামাজিক প্রথা অনেক বিষয়ে স্বতন্ত্র। একজন মুসলমান লেখকের বাঙ্গালী ভাষায় যাহা পাই, একজন হিন্দুর ভাষায় তাহা পাই না। হিন্দুর রচনায় যে গুলি দেখি, মুসলমানের রচনায় তাহা দেখি না। খৃষ্টীয় বাঙ্গালী সম্বন্ধেও তাহাই বলিতে পারি। সুতরাং সমাজ এবং সামাজিক প্রথার সহিত ভাষার যেমন সম্বন্ধ, মনোবৃত্তির সহিত ভাষার সেইরূপ সম্পর্ক। মনোবৃত্তি শরীরের রস হইতে উৎপন্ন হয়; শরীর আহাৰ্য্যের অধীন; সুতরাং আহাৰ্য্য ও ভাষা পরস্পর সম্পর্কীভূত না হইয়া পারে না।

শ্রীধর্ম্মানন্দ মহাভারতী।

## অপূর্ব ব্যাধি।

### প্রথম পরিচ্ছেদ।

—“পাশ করার সহিত অর্থোপার্জনের সম্বন্ধ অতি অল্প। প্রায় ৬৭ বৎসর হইল ডাক্তারি পরীক্ষায় সম্মানের সহিত উত্তীর্ণ হইয়া চিকিৎসা করিতেছি, কিন্তু কৈ, সাংসারিক অসচ্ছলতা ত, দূর হইল না, আমাদের যে দৈন্য দশা আজিও ত তাহাই আছে।”—দিনের পর দিন যায়, সারা-দিন ঘুরিয়া বেড়াই সত্য কিন্তু কিছুই করিয়া উঠিতে পারি না, সময়ে সময়ে মন বড়ই খারাপ হইয়া যায় আর শুধু এই কথাই মনে হয় সকলই অদৃষ্ট।

একদিন বাসা হইতে কিছু দূরে একটি রোগী দেখিতে গিয়াছি, কেশ্টি কঠিন, ফিরিতে রাতি প্রায় নয়টা বাজিয়া গিয়াছে। বাড়ীতে ঢুকিয়াই দেখি বাহিরের গৃহ মধ্যে একটি ৩০ কি ৩২ বৎসর বয়স্ক একটি সাদাসিদা সার্ট-পরিহিত দোহারা দেহবিশিষ্ট ভদ্রলোক বসিয়া আছেন। আমি সেই গৃহে প্রবেশ করিতে না করিতে ভদ্রলোক কাষ্ঠাসন ত্যাগ করিয়া উঠিয়া দাঁড়াইলেন এবং আমার নমস্কার করিলেন। আমি প্রতিনমস্কার পূর্বক বসিতে বলিলাম। আগন্তুক ব্যগ্রতা সহকারে বলিলেন,—“মহাশয় আমি প্রায় তিন কোয়াটারের উপর আসিয়াছি, আমার বসিবার সময় নাই, দেখুচি আপনি বড় ক্লান্ত হ’য়ে বাড়ী আসছেন, আমাদের বড়ই বিপদ—যদি অনুগ্রহ করে একবার আমাদের বাড়ী আসেন।

আমি তখন বাস্তবিকই বিশেষ ক্লান্ত হইয়াছি, কিন্তু লোকটার কথা শ্রবণ করিয়া আমার কোনরূপ বিরক্তি বোধ হইল না, বরং নূতন লোকের বাটী হইতে ডাক আসিয়াছে দেখিয়া আনন্দই হইল। আমি বলিলাম,—“এর আর অনুগ্রহ কি মহাশয়, এ ত আমাদের কর্তব্য কাজ। আপনি একটু অপেক্ষা করুন, আমি আসিতেছি, অসুখ কি?” বাবু—“একটি গর্ভাবতী স্ত্রীলোক আজ বেলা প্রায় তিনটা সাড়ে তিনটার সময় থেকে হঠাৎ কেবল মূর্চ্ছা যাচ্ছেন।” আমি লোকটিকে বসিতে বলিলাম এবং বাটীর ভিতর হইতে হাত মুখ ধুইয়া শীঘ্র কিঞ্চিৎ জলযোগ শেষ করিয়া বহির্বাটীতে আসিলাম এবং আমার ব্যাগ ও বাটী ওঁধ লইয়া অপরিচিতের সহিত তাঁহার বাটীতে গেলাম।

আমার যেখানে লইয়া গেলেন সে পাড়াটা বড়ই নির্জন, অনেক দিন এই স্থানে আছি কিন্তু সচরাচর এখানে আসিবার প্রয়োজন হয় না। গাড়ী বাটীর দরজায় থামিবামাত্র একটি ভৃত্য আলোক দেখাইয়া আমাদিগকে একেবারে অন্দরমহলের দিকে লইয়া যাইতে লাগিল। আমি একবার বলিলাম,—“বাটীতে অগ্রে একবার খবর পাঠাবেন না?” তাহাতে আমার সঙ্গী ভদ্রলোকটি বলিলেন,—“না, বাটীতে অপর স্ত্রীলোক কেহ নাই আপনি আসুন।” আমি উপরে উঠিয়াই একটি অপেক্ষাকৃত অধিক বয়স্ক ব্যক্তিকে দেখিতে পাইলাম। তিনি ‘আসুন আসুন’, বলিয়া আমার রোগীর কক্ষে লইয়া গেলেন। আমি প্রকোষ্ঠ মধ্যে প্রবেশ করিয়া দেখিলাম, একখানি মোটা বস্ত্র আবৃত একটি রমণী শয্যার উপর শায়িতা রহিয়াছেন ও অপর একটি স্ত্রীলোক, সম্ভবতঃ দাসী শিয়রে বসিয়া একখানি তালবৃন্তের দ্বারা ধীরে ধীরে রোগীকে বাতাস করিতেছে; গৃহে অপর কেহ নাই। আমি শয্যার এক প্রান্তে উপবেশন করিয়া বাবুটীকে জিজ্ঞাসা করিলাম,—“এখন আর মুচ্ছা হইতেছে কি?”

“প্রায় অর্ধ ঘণ্টা আর মুচ্ছা হয় নাই, কিন্তু এখন বড় মাথার যন্ত্রণা হইতেছে বলচেন।”

“ওঁর হিষ্টিরিয়া আছে কি, পূর্বে কখনও ফিট্ হতো?”

তিনি বলিলেন,—“কখনও হয় নাই এই প্রথম।”

আমি রোগীকে সঙ্ঘোধন করিয়া বলিলাম,—“আপনার হাতটা একবার বার করুন ত!” রোগী আবরণের ভিতর হইতে হস্ত বাহির করিলেন, আমি বেশ করিয়া নাড়ী পরীক্ষা করিয়া দেখিলাম। কোন দোষ দেখিতে পাইলাম না, নিতান্ত স্বাভাবিক বলিয়া মনে হইল। বাবুটীকে জিজ্ঞাসিলাম,—“কয় মাস pregnancy;” তিনি বলিলেন “দশ মাস পূর্ণ হইয়াছে।”

পূর্বে আর সন্তানাদি হ’য়েছে কি?”

“একটি সন্তান হইয়াছিল সেটা ছয় বৎসরের হইয়া ৭।৮ মাস হইল মারা গিয়াছে।”

সত্য বলিতে কি রোগীকে দেখিয়া আমি কিছুই বুঝিতে পারিলাম না, এমন কি গর্ভাবস্থায় নাড়ীর অবস্থা যে প্রকার হওয়া উচিত আমি তাহার কিছুই দেখিলাম না। মনে চিন্তা করিতে করিতে বহির্বাটীতে আসিলাম।

বাবুরা জিজ্ঞাসা করিলেন, “মহাশয়! গর্ভস্থ সন্তানের কোন অনিষ্ট সম্ভাবনা নাই ত?”

আমি অশ্রমনস্কের ভাবে বলিলাম,—“উপস্থিত কোন সম্ভাবনা দেখি না।”

তৎপরে আমি একখানি ঔষধের ব্যবস্থাপত্র লিখিয়া দিয়া, যদ্যপি পুনরায় মুচ্ছা হয় এক দাগ মাত্র সেবন করাইতে বলিলাম, আর রোগীকে যেন উঠিতে না দেওয়া হয় বলিয়া দিলাম। বাবুটী এইবার আমার ভিজিটের চারিটি টাকা হস্তে প্রদান করিয়া বিনীতভাবে বলিলেন,—“মহাশয়! আমি সংবাদ পাঠাইলে কাল একবার অল্পগ্রহ ক’রে আসবেন।”

আমি স্বীকৃত হইয়া এই নূতন রোগীর বিষয় ভাবিতে ভাবিতে বাসায় ফিরিয়া আসিলাম।

### দ্বিতীয় পরিচ্ছেদ।

বাসায় ফিরিয়া আসিয়া রাত্রেই একবার আমাদের পুথি-পত্র উল্টাইলাম, তৎপরে আহালাদি করিয়া ঐ বিষয় চিন্তা করিতে করিতে নিদ্রিত হইলাম। পরদিন সন্ধ্যার পরই পুনরায় তথায় যাইবার জন্য সংবাদ আসিল; অথ বাবুরা কেহ আসেন নাই, একটি ভৃত্য একখানি পত্র লইয়া আসিয়াছে। আমি অবিলম্বেই তাহার সহিত গমন করিলাম।

তথায় পৌঁছিয়া শুনিলাম কল্যা রাত্রে আর আদৌ মুচ্ছা হয় নাই, অদ্য সমস্ত দিনের মধ্যে বৈকাল বেলায় একবার মাত্র হইয়াছিল, চোখে মুখে সামান্য জল দেওয়াতেই মুচ্ছাপনোদন হইয়াছে। গত কল্যা যে মাথার বাতনার কথা শুনিয়াছিলাম তাহা আজ সমস্ত দিনই অল্প পরিমাণে ছিল, কিন্তু সন্ধ্যার পূর্বে হইতে অত্যন্ত বৃদ্ধি হইয়াছে; রোগী অসহপ্রায় হইয়াছে।

আমি ত্বরায় রোগীর নিকট নীত হইলাম। কি দেখিব তাহা ত জানি না; বিশেষ চিন্তিতচিত্তে শেষে একবার হাত দেখিলাম। নূতনত্ব কিছুই অনুভব করিতে পারিলাম না, কল্যা যাহা দেখিয়াছি অদ্যও তাহাই। ব্যাধি কিছু নির্ণয় করিতে পারিতেছি না, তাহাতে আবার

রোগী গভিনী; যাহাতে মাথা ঠাণ্ডা থাকে এইরূপ সামান্য ঔষধের ব্যবস্থা করিয়া, মাথায় বাতাস করিতে ও মধ্যে মধ্যে বরফ দিতে বলিয়া আসিলাম।

অদ্য আর ভিজিট নগদ পাইলাম না, আসিবার সময় বলিয়া দিলেন,—“কাল সন্ধ্যার সময় গাড়ী পাঠাইব অল্পগ্রহ করিয়া আসিবেন।” আমি কেবল মাত্র বলিলাম—“দিবসে যদি আর ফিট্ হয় তবে একবার সেই সময় দেখিতে পাইলে স্তুবিধা হয়।” তৎক্ষণাৎ ছোট বাবু বলিলেন,—“যখন আসা প্রয়োজন মনে করিবেন তখন আসিবেন, যদি কাল আর ফিট্ হয় আপনাকে সংবাদ দিব।” আমি বিদায় লইয়া চলিয়া আসিলাম কিন্তু বিশেষ চিন্তা করিতে লাগিলাম। আমার বিদ্যা বুদ্ধিতে বাহ্যিক কোন রোগই দেখিলাম না।

আরও তিন দিবস গত হইল, মুচ্ছা প্রতিদিনই দুই একবার হয়, কিন্তু আমি একদিনও স্বচক্ষে দেখিলাম না। সন্ধ্যা অতীত হইলেই প্রায় গাড়ী আইসে আমি গমন করি এবং কিছুক্ষণ থাকিয়া বাসায় ফিরিয়া আসি। মাথার বাতনার কিছুই উপশম হয় নাই। আমি মুচ্ছার জন্য অধিক ভীত নহি, উহা অনেক স্ত্রীলোকের অন্তঃসত্ত্বাবস্থায় প্রসবের পূর্বে হইয়া থাকে, কিন্তু মাথার বাতনা কেন হইতেছে তাহা কিছুই বুঝিয়া উঠিতে পারিতেছি না। আমার ইচ্ছা হয় একদিন প্রাতে রোগীকে দেখি, কিন্তু তাহা তাঁহাদের বলিতে পারি না। আমার যতদূর ক্ষমতা যন্ত্রাদির সাহায্যে মাথা বুক পিঠ সব পরীক্ষা করিয়াছি; একবারও কোন দোষ লক্ষ্য করি নাই। ৬৭ বৎসর চিকিৎসা করিতেছি এরূপ রোগীও কখন দেখি নাই এবং কখন এরূপ চিন্তিতও হই নাই। আমি আমার সকল পুস্তকাদি দেখিয়াও যখন কিছু বুঝিতে পারিলাম না, তখন কোন প্রধান চিকিৎসকের সহিত একবার যুক্তি লইবার ইচ্ছা জানাইলাম, কিন্তু তাহাতে তাঁহাদের বড় মনোবোগ দেখিলাম না। এই কারণে এবং গুণ কয়েকটি কারণে আমার যেন কেমন একটু সন্দেহ উপস্থিত হইল, মনে করিলাম আর দেখিতে যাইব না।

যে কয়েকটি কারণে আমার মনে সন্দেহ জন্মে তাহা এই। রোগীর এত অধিক যন্ত্রণা কিন্তু এক দিনও সে জন্ত কাহাকেও বিশেষ চিন্তিত দেখি না, কেবল প্রতিদিন

এই কথা জিজ্ঞাসা করেন,—“গর্ভস্থ শিশুর কোন অনিষ্ট সম্ভাবনা নাই ত?” রোগী ও একটি দাসী ভিন্ন অপর স্ত্রীলোক বাটীতে কেহ আছেন বলিয়া মনে হয় না, আর অভিভাবকের মধ্যে ঐ দুইটি বাবু; জিজ্ঞাসা দ্বারা জানিয়াছি উহারা রমণীর সহোদর। এই কয় দিবসে আমি যত দূর বুঝিয়াছি ইহারা ধনী ব্যক্তি, অথচ অপর একজন ডাক্তারকে আনিতে অনিচ্ছুক। আর সর্কাপেক্ষা অধিক সন্দেহের কারণ, রমণীর নাড়ী দেখিবার সময় তাঁহার হস্তে কোন অলঙ্কার এমন কি সধবা স্ত্রীলোকের সর্ক-প্রধান ভূষণ লৌহ পর্যন্ত দেখি নাই। পরিবেশ বদনও পাড় শূন্য, বেশ বিধবার স্থায়। এই সকল দেখিয়া আমার মনে সন্দেহ জন্মিয়াছে। ভদ্র-পরিবার-ভুক্তা দুশ্চরিত্রা বিধবা নাড়ীর গর্ভস্থ সন্তান নষ্ট করা অসম্ভব নয়, কিন্তু তাহা রক্ষা করিতে চেষ্টার কথা কখনও শুনি নাই। এই রমণী চরিত্রহীনা কি সংচরিত্রা তাহা ঠিক করা আমার পক্ষে কঠিন হইল, অথচ এ কথা জিজ্ঞাসাই বা কাহাকে এবং কি প্রকারে করি। যাহা হউক আমি অনেক ভাবিয়া শেষে স্থির করিলাম আর দেখিতে যাইব না।

সন্ধ্যার সময় প্রতিদিনের স্থায় অদ্যও গাড়ী আসিল, আমি লোভ সংবরণ করিয়া ভৃত্যের দ্বারা বলিয়া দিলাম যে, আমার শরীর কিছু অসুস্থ আছে আজি যাইতে পারিব না। গাড়োয়ান ফিরিয়া গেল।

পরদিন প্রত্যুষে আমি শয্যা ত্যাগ করিয়া সবে মাত্র রাস্তার ধারের সাজায় বসিয়া তামাক খাইতেছি, দেখিলাম একখানি ভাড়াটিয়া গাড়ী আসিয়া আমার দরজায় লাগিল। সাজা হইতে দেখিলাম, সেই প্রথম দিন যে বাবুটী আসিয়াছিলেন তিনিই আসিয়াছেন। আমি ভাড়াটাড়ি নিম্নতলে যাইয়া জিজ্ঞাসা করিলাম,—“মহাশয় খবর কি?”

“একবার অল্পগ্রহ করিয়া আমাদের বাটী এখন যাইতে হইবে।”

“কেন বলুন দেখি, কোন নূতন উপসর্গ হয় নাই ত?”

“কল্যা রাত্রি দশটার পর হইতে ব্যথা ধরে, আর সেই সঙ্গে মুচ্ছাও আরম্ভ হয়; তারপর একটি ধাত্রীর দ্বারায় রাত্রি ৩।০ টার সময় সন্তান প্রসব করান হয়। ছেলেটি সুস্থ আছে, কিন্তু প্রসূতি এখনও মুচ্ছিতাবস্থায় রহিয়াছেন। আপনি বিলম্ব করিবেন না একটু শীঘ্র আসুন।”



“দশটা থেকে এখন পর্যন্ত কি একবারও জ্ঞান সঞ্চার হয় নাই?”

“মধ্যে মধ্যে অতি অল্প সময়ের জন্য জ্ঞান হইলেও পরক্ষণেই আবার মুচ্ছিত হইতেছেন। আমরা বড়ই ভীত হইয়াছি।” আমি পূর্বেই মনে করিয়াছিলাম আর তথ্য যাইব না, বিশেষ অবস্থা শ্রবণ করিয়া যাইবার পক্ষে প্রতিকূল বাসনাই প্রবলতর হইল, কিন্তু ভদ্রলোকটির অনুরণ ও কাতর বাক্যে একটু হুঃখ হইল, আমি আর কোন আপত্তি করিতে পারিলাম না, তাঁহার সহিত গমন করিলাম।

### তৃতীয় পরিচ্ছেদ।

যখন তাঁহাদের বাটিতে পৌঁছিলাম তখন সূর্য্যদেব সবে মাত্র উদিত হইবার উপক্রম করিতেছেন। আমরা একেবারে রোগীর নিকট লইয়া গেলেন। গৃহে প্রবেশ করিয়া দেখিলাম ঘরের মধ্যে স্থানে স্থানে আশু প্রসবের চিহ্ন সকল রহিয়াছে, রমণী আনুখানুভাবে পড়িয়া রহিয়াছেন, আর একটি নবজাত সূক্ষ্মকায় শিশু অপরা রমণীর ক্রোড়ে রহিয়াছে।

ধাত্রী তথায় উপস্থিত ছিল। তাহাকে জিজ্ঞাসা করিয়া যেরূপ শুনিলাম, তাহাতে প্রসব করান অস্থায় হয় নাই মনে হইল। আমি রোগীর গাত্রে হাত দিয়া দেখিলাম উত্তাপ স্বাভাবিক, কি আশ্চর্য্য নাড়ীও ঠিক স্বাভাবিক। প্রসবের পরই—বিশেষ উপস্থিত অবস্থায় এরূপ নাড়ী হইতে পারে না। যাহা হউক ঔষধ দিলাম, শুনিলাম দাঁত লাগিয়া গিয়াছে উহা উদরস্থ হইল না। আমি স্বয়ং দাঁত ছাড়াইয়া দিয়া অর্দ্ধ ঘণ্টান্তর দুইবার ঔষধ মুখে দিলাম, কতক উদরে প্রবেশ করিল কতক পড়িয়া গেল। যাহা হউক প্রায় দুই ঘণ্টা পরে অল্প অল্প জ্ঞান হইল। তৎপরে রোগী বেশ সুস্থতা লাভ করিলে, বৈকালে পুনরায় যাইবার জন্ত অনুরুদ্ধ হইয়া অদ্য সানন্দে ফিরিয়া আসিলাম।

বৈকালে আর লোকের প্রতীক্ষা না করিয়া একখানি ভাড়াটীয়া গাড়ীতে করিয়া তাঁহাদের বাটিতে গেলাম। প্রস্থতিকে বেশ সুস্থ দেখিলাম, তথাপি আবশ্যক মনে

করিয়া একটি ঔষধ লিখিয়া দিয়া আসিলাম। আজি রোগীর জন্ত মন আর বিশেষ উদ্ভিগ্ন হয় নাই, কিন্তু সেই অনির্কচনীয় সন্দেহের কিছুই হ্রাস হইল না। প্রসব হইয়াছে সন্তান জীবিত, তথাপি রমণীর আকার অবয়ব দেখিয়া তিনি যে গত রজনীতে পুত্র প্রসব করিয়াছেন তাহা যেন আমার মনে হয় না।

বিশেষ প্রয়োজন না থাকিলেও বাবুদের অনুরোধে আরও কয়েক দিবস তাঁহাদের বাটিতে যাইলাম। প্রস্থতি ও পুত্র উভয়েই বেশ সুস্থ অবস্থা প্রাপ্ত হইয়াছেন, আমার অনর্থক আর প্রতিদিন যাইতে একটু লজ্জা বোধ হইতে লাগিল। আমি একদিন আসিবার কালে বলিলাম,—“কাল আসিবার আর কোন আবশ্যক দেখি না।” এই কথা শ্রবণ করিয়া বাবুদ্বয় আমার অশেষ প্রশংসা করিয়া কৃতজ্ঞতা জানাইলেন, বলিলেন,—“মহাশয়! আপনি অনুগ্রহ না করিলে, আমরা রোগীকে কোনক্রমেই রক্ষা করিতে পারিতাম না, আপনার উপকার আমরা কখনও ভুলিতে পারিব না। অনুগ্রহ ক’রে আপনার কি প্রাপ্য বলুন।” আমার এত অধিক প্রশংসার কারণ কি বা আমার দ্বারা বিশেষ কি উপকার হইয়াছে তাহাও জানি না। আমি বলিলাম,—“সে কথা আমায় আর কি জিজ্ঞাসা কর্চেন।” বড় বাবু বলিল,—“আপনি দুই দিন অনেক ক্ষণ অপেক্ষা করিয়াছেন এবং পরিশ্রম যথেষ্ট করিয়াছেন, কি পাইলে সন্তুষ্ট হন বলুন।”

আমি বিশেষ কোন উত্তর দিলাম না, বড় বাবু ছোট বাবুকে ইঙ্গিত করিবা মাত্র তিনি কয়েকখানি নোট লইয়া আসিলেন। বড়বাবু স্বহস্তে উহা আমার হস্তে প্রদান করিয়া বলিলেন,—“মহাশয়! আপনি যে উপকার করিয়াছেন তাহার তুলনায় ইহা অতি সামান্য, অনুগ্রহ পূর্বক এই দুই শত টাকা সন্তোষ পূর্বক গ্রহণ করিবেন।”

আমি ইতিপূর্বে একস্থানে একত্রে কখন দুই শত মুদ্রা পাই নাই। টাকা গ্রহণপূর্বক বিশেষ সন্তোষ প্রকাশ করিয়া উত্তিবার উদ্যোগ করিতেছি, এমন সময় বড় বাবুটা বিনীতভাবে বলিলেন,—“মহাশয়! আমার একটা নিবেদন আছে, অনুগ্রহ করিয়া একখানি সার্টিফিকেট লিখে দিতে হইবে।”

“কিসের সার্টিফিকেট?”

“এই আপনার চিকিৎসাবীনে থাকিয়া প্রসব হইয়াছে ও রোগমুক্ত হইয়াছেন এই লিখে দিবেন, তাহা হইলেই হইবে।”

“সার্টিফিকেটের প্রয়োজন কি?”

“পরে সামান্য প্রয়োজন হইলেও হইতে পারে। আচ্ছা মহাশয় ঠিক ক’রে বলুন দেখি, এই রোগীকে চিকিৎসা করিতে আপনার মনে কোন সন্দেহ হয়েছে কি না?”

আমার মনে যে সন্দেহ উপস্থিত হইয়াছে তাহা পূর্বেই বলিয়াছি; অদ্য সার্টিফিকেটের কথা শ্রবণ করিয়া আমার সন্দেহ শতগুণে বর্দ্ধিত হইয়াছে। আমি বলিলাম,—“আজ্ঞা না; সন্দেহ আর কি হবে?”

“একটু নিঃশয় হ’য়েছে। আপনার কোন চিন্তা নাই, বাক্যে আপনি প্রসব করালেন উ’নি বাস্তবিকই বিধবা। উ’নি অন্তঃসত্ত্বা হইবার তিন মাস পরেই বিধবা হন।”

এই কথা শুনিয়া আমার মনের একটি বিষম সন্দেহ দূর হইল বটে, কিন্তু একটি নূতন সন্দেহ উপস্থিত হইল, সার্টিফিকেটের প্রয়োজন কি। যাহা হউক আরও কয়েকটা কথাবার্তার পর নিতান্ত অনিচ্ছার সহিত একখানি সার্টিফিকেট লিখিয়া দিলাম। তিনি উহা পাঠ করিয়াই বলিলেন,—“আপনার তত্ত্বাবধানে প্রসব হইয়াছে এ কথা লিখিলেন না?”

“আমি যথার্থ সার্টিফিকেট দিতে বাধ্য বটে, কিন্তু আমার দ্বারা বা আমার তত্ত্বাবধানে যাহা সম্পন্ন হয় নাই তাহা লিখিতে পারি না।”

“আপনি না হয় ঠিক সে সময়টীতে উপস্থিতই ছিলেন না কিন্তু ‘কেশ’-ত আপনার।”

‘কেশ’ আমার হইলেও আমি ওরূপ লিখিতে পারিব না, আমায় অনুগ্রহ করিয়া বিদায় দিন।”

“মহাশয়! আপনি অকারণ চিন্তা করিতেছেন কেন? আপনার সমক্ষে না হইলেও ধাত্রীর মুখে ত সব শুনিয়াছেন, আপনার লেখবার আপত্তি কি?”

“মহাশয়! মাপ করিবেন—আমি উহা লিখিতে পারিব না।”

“আপনি লিখিতে বাধ্য। চিকিৎসা করিয়াছেন সার্টিফিকেট দিতে পারেন না?”

আমি দেখিলাম বাক্যবিতণ্ডার ক্রমশঃ বৃদ্ধি হইবার উপক্রম হইতেছে, অথচ বেশ বুদ্ধিতে পারিলাম যে সার্টিফিকেট না লইয়া ছাড়িবে না। একবার মনে হইল টাকা ফেরত দিয়া চলিয়া আসি, তাহা পারিলাম না। শেষে ভীত মনে আর একখানি লিখিয়া দিলাম। তখন বাবু ধীরস্বরে,—“মহাশয়, অসন্তুষ্ট হইবেন না, আপনার কোন বিপদাশঙ্কা নাই। আপনি পুরস্কার স্বরূপ আরও ২০০ শত টাকা লউন”—এই কথা বলিয়া আমায় টাকা দিতে অগ্রসর হইলেন। আমি উহা আর গ্রহণ না করিয়া শীঘ্র বাটী ত্যাগ করিয়া বাসায় আসিয়া উপস্থিত হইলাম।

### চতুর্থ পরিচ্ছেদ।

মল্লুষের অদৃষ্টের কথা কে বলিতে পারে? উল্লিখিত ঘটনার পর প্রায় চারি বৎসর অতীত হইয়া গিয়াছে। এক্ষণে আমার সৌভাগ্য-রবি অদৃষ্টাকারের উর্দ্ধদেশে শোভিত। এই পরিবর্তন আমার চিকিৎসা ব্যবসায় হইতে নহে। ডাক্তারিতে আমার পেশার ইহজন্মে হইল না, আর হইবে বলিয়াও আশা নাই। তাহা না হয় তাহাতে আমি আর বিশেষ হুঃখিত নহি; এক্ষণে ঈশ্বরেচ্ছায় আমার অর্থাভাব দূর হইয়াছে, সে দৈন্য দশা এখন আর নাই। এই পরিবর্তনের কারণ একটি অচিন্তনীয় বিষয়সম্পত্তি প্রাপ্তি। আমি এই বিষয় প্রাপ্তির পরই মনে করিয়াছিলাম কোন একটি ব্যবসায় করিব; কিন্তু সে ইচ্ছা শীঘ্রই তিরোহিত হইল। উপস্থিত আমার কাজ কর্ম কিছুই নাই, কেবল ব্যক্তিবিশেষের বাটীতে প্রয়োজন হইলে কখনও কখনও চিকিৎসা করিয়া থাকি, নচেৎ উহা প্রায় বন্ধই হইয়াছে।

এই সুদীর্ঘ বৎসর কয়টির মধ্যে পূর্ব পরিচ্ছেদের বর্ণিত বাবুদিগকে আর কখনও দেখিতে পাই নাই। তাঁহাদের বাটীতে চিকিৎসা করিবার পর অনেক দিন পর্যন্ত আমার সে কথা মনে ছিল, সেই অপূর্ব ব্যাধির কথা অনেক ভাবিয়াছিলাম, আমার সন্দেহভঞ্জন করিবার জন্ত বিস্তর চেষ্টা করিয়াছিলাম; কিন্তু কিছুই

করিতে পারি নাই। এক এক সময় বড়ই ভয় হইত, কারণ আমি যে দিবস টাকা লইয়া তথা হইতে চলিয়া আসি, সন্ধান দ্বারা জানিয়াছিলাম তাহার পর দিবসেই তাঁহারা বাটীতে তালা বন্ধ করিয়া তথা হইতে চলিয়া যান। তাঁহাদের মনে কোন ছুরভিসন্ধি আছে, এই বিশ্বাস আমার মনে দৃঢ় হইয়াছিল। কিন্তু সময়ের সহিত স্মৃতির সম্বন্ধ নিকট, কালে আমার সকল স্মৃতিই বিস্মৃতিতে পরিণত হইল।

কয়েক মাস পূর্বে একদিন বৈকালে একখানি ইজি চেয়ারে বসিয়া আলবোলার নল মুখে দিয়া একখানি “বেঙ্গলী” দেখিতেছি। সংবাদস্তুতে ‘সিভিলিয়ানের মোকদ্দমা’ শীর্ষক একটি সংবাদ পাঠ করিলাম; তাহার মর্ম্ম এইরূপ,—“গত ২৩ জুন শ্রীরামপুর আদালতে একটি মজার মোকদ্দমার শুনানি হইয়া গিয়াছে। বৈজ্ঞানিক প্রসিদ্ধ ধনী পরলোকগত রমানাথ দে মহাশয়ের ভ্রাতাপুত্র মিঃ এ, বি, দে পাঁচ বৎসরের পর বিলাত হইতে সিভিলিয়ান হইয়া সম্প্রতি বাটী আসিয়া, আপনাকে জ্যেষ্ঠতাতের বিষয়ের একমাত্র অধিকারী বলিয়া বিষয় প্রাপ্তির জ্ঞান আদালতে নালিশ করিয়াছেন। তাঁহার অভিযোগ এইরূপ যে, রমানাথ বাবুর বিধবা পুত্রবধু যে শিশুকে আপনার গর্ভজাত পুত্র বলেন, উহা তাঁহার সন্তান নহে অপরের পুত্র, বিষয় হস্তগত করিবার মানসে উহাকে নিজ পুত্র সাজাইয়া রাখিয়াছেন। প্রতিবাদীপক্ষের সাক্ষীর শুনানি শেষ হইয়াছে, প্রতিবাদী ঐ পুত্রের প্রসবকালে যে ডাক্তার ও ধাত্রী চিকিৎসাবিনে ছিলেন তাঁহাদের সার্টিফিকেট আদালতে দাখিল করিয়াছেন। বাদীপক্ষের প্রার্থনায় সরকারী ডাক্তারের দ্বারা উক্ত রমণী ও বালকটিকে পরীক্ষা করান হইয়াছে। তাঁহার মন্তব্যে প্রকাশ যে বালকটী উক্ত স্ত্রীলোকের হওয়াই সম্ভব। ৫ই জুলাই পুনরায় দিন পড়িয়াছে। বিচারফল জানিতে উৎসুক রহিলাম।”

মিঃ এ, বি, দে আমার এক জন বিশিষ্ট বন্ধু; তিনি আমার বিচালয়ের সহপাঠী, পূর্ণ নাম বাবু অনাথবন্ধু দে; বিলাত হইতে প্রত্যাগমন করিয়া উক্ত নাম ধারণ করিয়াছেন। বন্ধুবর বিলাতে থাকিয়া প্রথম প্রথম কয়েকখানি পত্র লিখিয়াছিলেন, কিন্তু অনেক দিন উভয়ের

মধ্যেই আর পত্র-ব্যবহার হয় নাই; অথ সংবাদপত্র পাঠে জানিলাম সিভিলিয়ান হইয়া সম্প্রতি বাটী আসিয়াছেন। অনাথ বাবুকে শীঘ্র একখানি congratulation পত্র লেখা উচিত মনে করিয়া লিখিলাম এবং মোকদ্দমার বিষয় সবিশেষ জানিতে চাহিলাম।

যথা সময়ে পত্রের উত্তর আসিল। মোকদ্দমার বিষয়ও সকলি অবগত হইলাম। বুঝিলাম বিষয় প্রচুর, বন্ধুবর যে ইহাতে নিশ্চয় পরাজিত হইবেন তাহা আমার মনে হইল। আমি বন্ধুর মোকদ্দমার কথা ভাবিতেছি, হঠাৎ চারি বৎসর পূর্কের সেই বিধবা রমণীকে চিকিৎসা করা, সেই সার্টিফিকেট দেওয়া প্রভৃতি কথা মনে পড়িল। ক্রমে চিন্তা করিতে করিতে আমার মনে হইতে লাগিল এই রমণী ও বালক তাঁহারা নয় ত? আমি কোতূহল বশতঃ বন্ধুকে লিখিলাম,—“প্রতিবাদী আদালতে যে ডাক্তারের সার্টিফিকেট দিয়াছেন, তাঁহার নাম কি? সন্ধান লইয়া শীঘ্র আমায় লিখিবে বিশেষ আবশ্যক আছে।” প্রতি উত্তরে সেই ডাক্তারের নামের স্থানে আমার নাম দেখিলাম। অনাথ বিস্মিত হইয়া আমায় জিজ্ঞাসা করিয়াছে, ইহা আমিই কি না। আমি যাহা ভাবিতেছিলাম তাহাই হইয়াছে। এবার কিন্তু আর কোন ভয় হইল না। আজি অনেক দিন পরে সেই অপূর্ব ব্যাধিসংলিপ্ত সকল সন্দেহ বিনা আয়াসে মন হইতে অপসারিত হইল।

আমি পত্র পাইয়াই বন্ধুর বাটীতে গমন করিলাম। অনেক দিনের পর দেখা, বিশেষ বিলাত হইতে সম্প্রতি ফিরিয়া আসিয়াছেন; কথা কহিবার বিষয় অনেক আছে, কিন্তু প্রথমেই মোকদ্দমার কথা হইল। তাঁহার মুখে শুনিলাম রমানাথ বাবুর মৃত্যুর দুই দিন পূর্বেই তাঁহার একমাত্র পুত্রের মৃত্যু হয়, তিনি নিঃসন্তান ছিলেন অতএব বিষয় অনাথেরই প্রাপ্য। রমানাথ বাবুর পুত্রবধু স্বামীর মৃত্যুর পরই পিত্রালয়ে গমন করেন এবং তথায় যাইয়া আপনাকে গর্ভবতী বলিয়া প্রকাশ করেন। তৎপরে দেড় বৎসরের পর একটি শিশুকে লইয়া বাটী ফিরিয়া আসেন। এখানকার অধিকাংশ লোকেরই বিশ্বাস পুত্র তাঁহার নয়। অনাথ বাবু নিজে কিছুই জানেন না, লোকের মুখে শুনিয়া তাঁহার বিশ্বাস।

অর্থের জয় মুখ্য, কিন্তু পরিণামে ধর্ম্মেরই জয় হইয়া

থাকে। যদিও লোকের বিশ্বাস অনাথ বাবুর অভিযোগ সম্পূর্ণ সত্য, তথাপি অর্থলোভে অনেকেই মিথ্যা সাক্ষ্য প্রদান করিয়াছেন। আর ডাক্তার মহাশয়ের,—পুত্র ও জননীকে পরীক্ষা করিয়া অনুকূল সার্টিফিকেট দেওয়া আমি একটুমাত্রও আশ্চর্য্য মনে করি না।

অনাথ বাবুর নিকট শুনিলাম প্রতিবাদীর সহোদরেরাই এই মোকদ্দমার তদারক করিতেছেন। তাঁহারা কলিকাতার এক জন বড় ব্যারিষ্টার দিয়াছেন। বন্ধুবরও কলিকাতার কোন নামজাদা উকীলকে নিযুক্ত করিয়াছেন। আমি একবার গোপনে প্রতিবাদীর সহোদরদিগকে দেখিবার ইচ্ছা জানাইলাম। অনাথবাবু আমার ইচ্ছামত গোপনে তাঁহাদিগকে দেখাইলেন। এইবার সকল সন্দেহ মিটিল। সাহসে হৃদয় বাঁধিয়া মনে মনে প্রতিজ্ঞা করিলাম আমি স্বয়ং সাক্ষ্য দিয়া যতপি বন্ধুর কোনও উপকার করিতে পারি—করিব।

মোকদ্দমার দুই দিন মাত্র বাকি আছে, আমি আর বাটী গেলাম না। অনাথ বাবুর বিশেষ অনুরোধ ও যত্নে তাঁহার বাটীতেই রহিলাম।

### উপসংহার।

অথ ৫ই জুলাই, প্রাতেই আহালাদি করিয়া আমরা শ্রীরামপুর যাইলাম। বেলা আন্দাজ ১২টা হইয়াছে, আদালত-গৃহ ক্রমশঃই জনাকীর্ণ হইতে লাগিল। এই সময় আমাদের প্রধান উকিল কলিকাতা হইতে আসিয়া উপস্থিত হইলেন, এবং এখানকার নিযুক্ত উকিলবর্গের সহিত পরামর্শ করিতে প্রবৃত্ত হইলেন। বিপক্ষদের খেতাব ব্যারিষ্টারপ্রবর পূর্বেই আসিয়াছেন।

পূর্ববর্ণিত বাবুদ্বয় বিশেষ হর্ষ ও উৎসাহ সহকারে কাগজ পত্র হস্তে এদিক ওদিক করিতেছেন, উকিলদের নিকট বাতায়ত করিতেছেন এবং এক একবার সাক্ষীদের নিকট যাইয়া হাসিয়া হাসিয়া কথা কহিয়া তাহাদের আপ্যায়িত করিতেছেন। আমি তাঁহাদের বাটীতে চিকিৎসাকালে যে ভৃত্য ও স্মৃতিকাগৃহে যে ধাত্রীকে দেখিয়াছিলাম তাহাদের মত দুই ব্যক্তিকে যেন সাক্ষীদের

মধ্যে দেখিতে পাইলাম। আমি এরূপ সাবধানের সহিত সকলকে দেখিতেছি যে, তাঁহারা কেহ আমায় দেখিতে পাইতেছেন না।

দেখিলাম আদালতের সামান্য দর্শক হইতে সকল বিজ্ঞ উকিলগণের পর্য্যন্ত ধারণা যে মিঃ এ, বি, দে পরাজয় নিশ্চয়। একটা কোতূহলোদ্দীপক বিশেষ ধনী লোকের মোকদ্দমা উপস্থিত হইলে যেরূপ হইয়া থাকে এই মোকদ্দমায়ও সেইরূপ হইয়াছে। সকলের মুখেই ঐ বিষয়ের কথা, সকলেই বিচার ফল জানিবার জন্ত ব্যাগ্র।

অর্দ্ধ ঘণ্টা পরে আমাদের মোকদ্দমা উঠিল। উভয় পক্ষের উকিল ব্যারিষ্টারে শূণ্য চেয়ারগুলি অধিকৃত হইল। আদালতের বাকি অধিকাংশ উকিলও আসিয়া উপস্থিত হইয়াছেন, কেহ দাঁড়াইয়া, কেহ গরাদে ঠেস দিয়া, কেহ বা সাহেব ব্যারিষ্টারের কাছ ঘেঁসিয়া আপনাকে চরিতার্থ বোধ করিতেছেন এবং সেই সঙ্গে বিচার-গৃহের শোভা সংবর্দ্ধন করিতেছেন।

প্রথমেই আমাদের পক্ষের উকিল আমাকে সাক্ষ্য দিবার আদেশ প্রদান করিতে প্রার্থনা করিলেন। বিপক্ষপক্ষের উকিল তাহাতে আপত্য করিলেন, কিন্তু তাহা টিকিল না। তৎপরে একে একে পূর্ব দিবসের অবশিষ্ট সাক্ষীগণের এজাহার শেষ হইলে পর আমার ডাক হইল। আমি কাটগড়ার ভিতর প্রবেশ করিয়া যথারীতি ‘সত্য বই মিথ্যা বলিব না’—ইত্যাদি শপথ করিলাম। এই সময় একবার আদালতগৃহের জনতার প্রতি দৃষ্টিপাত করিলাম; দেখিলাম বড় বাবুর সেই ঈষদৃপক কেশ, গুম্ফ ও দাঁড়ি-বিশিষ্ট বদনকমল যেন হঠাৎ কালিমাময় হইয়া গিয়াছে। তিনি উকিলের কর্ণের নিকট মুখ লইয়া গিয়া যেন আমার কথাই কহিতেছেন মনে হইল।

এইবার আমার সাক্ষ্য গ্রহণ আরম্ভ হইল। আমার যতদূর মনে আসিল আমি সকল কথা সত্য বলিলাম, কোন কথা গোপন রাখিলাম না বা অতিরঞ্জিত করিয়া বলিলাম না। সে সময়ে আমার মনোমধ্যে যে সন্দেহের উদয় হইয়াছিল তাহাও বলিলাম। আদালতের সেই বিস্তীর্ণ জনতা নিস্তব্ধ হইয়া আমার মুখপানে বিশ্বাস-বিস্ফারিত-নেত্রে চাহিয়া রহিল। আমার প্রতি এইবার জেরা আরম্ভ হইল। বিচারপতি স্বয়ং আমায় জিজ্ঞাসা



সংলোক হইলে রোগের লক্ষণ ও উপসর্গগুলি বেমন তন্ন তন্ন করিয়া পুস্তকান্তর্গত ঔষধবিষয়ক উপদেশের সঙ্গে মিলাইয়া ঔষধ দিবে, ডাক্তারেরা প্রায়ই সেরূপ করে না। তাই আনাড়ীর হাতে অধিক ফল লাভের সম্ভাবনা। আমি নিজেও ত একজন আনাড়ী কিন্তু আমার হাতে হোমিওপ্যাথী ঔষধের ফল বড় বেশী ব্যর্থ হইয়াছে বলিয়া মনে হয় না।”

বিদ্যাসাগর মহাশয়ের দ্বিতীয় সহোদর স্বর্গীয় দীনবন্ধু ন্যায়রত্ন অগ্রজের উৎসাহ ও প্ররোচনায় এই হোমিওপ্যাথী চিকিৎসার বহুল প্রচারে সহায়তা করিয়াছিলেন। তিনিও জ্যেষ্ঠের গ্রাম সন্দ্বয় ও পরচুংখকাতর ছিলেন। সে কালে কলিকাতায় অত্যধিক কলেরা পীড়ার প্রাদুর্ভাব হইত। বিদ্যাসাগর-সহোদর দীনবন্ধু অনেক সময় আহাৰ নিজে ত্যাগ করিয়া ঔষধের বাস্তবী সঙ্গে লইয়া বিপন্ন ও অসহায় পীড়িতের দ্বারে দ্বারে ঘুরিতেন। অনেক স্থলে কেবল মাত্র ঔষধের ব্যবস্থা করিয়া ও ঔষধ দিয়া নিষ্কৃতি পাইতেন না। পথেরও ব্যবস্থা করিতে হইত, তাই অনেক সময়ে সঙ্গে মিছরি, মাগুদানা, বেদানা ইত্যাদিও থাকিত। ইহাতেও অব্যাহতি ছিল না। কোথাও কোথাও রোগীর শেষ দশা উপস্থিত হইলে মুখে জল দিতেন, স্থানে স্থানে সংকার পর্যন্তও সমাধা করিতে হইত। এই সকল বিষয়ে দীনবন্ধু, দীনবৎসল বিদ্যাসাগর মহাশয়ের সমকক্ষ ও সমাচারী ছিলেন। দীনবন্ধু স্মৃৎস জ্যোতিষ্কমণ্ডল হইয়াও কেবল সৌরকরোজ্জ্বল বিদ্যাসাগর মহাশয়ের কনিষ্ঠ বলিয়াই লোকচক্ষুর অন্তরালে অবস্থিতি করিয়া জীবন যাপন করিয়া গিয়াছেন। শ্রীরামের লক্ষ্মণের গ্রাম দীনবন্ধু চিরদিন অগ্রজের পশ্চাতে থাকিয়া পর-হিত সাধন করিয়া জীবন ধন্য করিয়া গিয়াছেন।

রেঙ্গুনেই হউক কি হংকংএই হউক এক সাহেব অনেক দিন ধরিয়া হাঁপানী রোগে কষ্ট পাইতেছিলেন। সহসা একদিন চা সেবনের পর, তাঁহার হাঁপানীর গ্লানির মাত্রা হ্রাস হইয়াছে বলিয়া বোধ হইল, অনুসন্ধানে তিনি জানিতে পারিলেন যে, কএকটা তৈলপায়ী (আর-সুলা পোকা) তাঁহার চা-পাত্রে মধ্য আশ্রয় লইয়াছিল। চা প্রস্তুত করার সময়ে তাহারাও চায়ের সঙ্গে সিদ্ধ হইয়া গিয়াছিল। সাহেব আর দু একবার তৈলা পোকা সিদ্ধ

জল পান করিয়া হাঁপানী রোগের যন্ত্রণা হইতে একেবারে অব্যাহতি লাভ করিয়া, লোকহিতের জন্ত তিনি তাঁহার প্রাপ্ত ঔষধের সংবাদ, সংবাদপত্রে প্রকাশ করিয়া দেন। সংবাদপত্রে এই সংবাদ অবগত হইয়া স্বর্গীয় মহাপুরুষ তৎক্ষণাৎ হোমিওপ্যাথীপ্রক্রিয়া মতে হাঁপানীর ঔষধ ও তৎসহ ঔষধসেবনের মুদ্রিত ব্যবস্থাপত্র প্রস্তুত করাইলেন। হাঁপানী পীড়াগ্রস্ত রোগী দলে দলে ঔষধ লইতে আসিত। আমরাও আমাদের কত বন্ধু বান্ধবের জন্ত বিদ্যাসাগর মহাশয়ের নিকট হইতে এই ঔষধ আনিয়াছি। তিনি বহু বহু স্থলে এই ঔষধের উৎকৃষ্ট ফল লাভ করিয়া সর্বদাই এই ঔষধের প্রশংসা করিতেন। তাঁহার জীবদ্দশায় প্রতিদিনই এই ঔষধ বিতরিত হইত। আমরা স্বচক্ষে দেখিয়াছি তিনি প্রচুর পরিমাণে এই ঔষধ প্রস্তুত করাইয়া স্মৃৎস কাচপাত্রে মজুত রাখিতেন। তাঁহার স্বভাবে লোকহিতসাধনসঙ্কল্প একরূপ সুন্দর আশ্রয় পাইয়াছিল যে, তাহা স্মরণ করিয়া আজ সেরূপ সহজস্বভাব ও সরল প্রকৃতির লোকাভাবে দীর্ঘদূরব্যাপী শৃঙ্খতাই পরিলক্ষিত হয়। লোকের ত অভাব নাই, কিন্তু এমন করিয়া কোন ব্যক্তি মানুষের ক্লেশ নিবারণের উপায় পাইলে তাহার অবলম্বনে ব্যস্ত হয়? লোক-হিতৈষণার এমন স্বভাবসুন্দর চিত্র সংসারে অতি অল্পই দেখা যায়, তাহা না হইলে, তাঁহার লোকান্তরগমনের পরেও তদীয় গৃহ হইতে এই ঔষধটা বিতরিত হইতে হইতে বন্ধ হইয়া যাইবে কেন। হায়, হায়! কত লোক যে এখনও এই ঔষধের জন্ত তাঁহার চিরপরিচিত আবাস-দ্বারে আসিয়া নিরাশ হৃদয়ে ফিরিয়া যায় তাহার সংখ্যা হয় না। মানুষ সকলেই সত্য কিন্তু তাঁহার মত মানুষ সংসারে অতি দুর্লভ।

শ্রীচণ্ডীচরণ বন্দ্যোপাধ্যায়।



## মাদাগাসকারের সাকালভা।

দক্ষিণ-পূর্ব আফ্রিকায় মাদাগাসকার দ্বীপ অবস্থিত। ইহার দৈর্ঘ্য প্রায় একশত ও প্রস্থ তিনশত মাইল। তীর-ভূমি সমতল ও ঢালু। এই দ্বীপের চতুর্পার্শ্বে নিবিড় অরণ্যানি হিংস্রজন্তুর আবাসভূমি হইয়া স্থাবরজীবন অতিবাহিত করিতেছে। Lemurs নামক এক জাতীয় মর্কটের জন্ত এই দ্বীপ প্রসিদ্ধি লাভ করিয়াছে। লক্ষ্য-কাণ্ডের প্রধান অধিনায়ক এই বানরকুলের প্রায় ৪৮ প্রকারের সন্তান সন্ততি বিद्यমান রহিয়াছে। প্রকাণ্ড প্রকাণ্ড বিহায়সকুলও সময়ে সময়ে দর্শকের দর্শন-পথের পথিক হইয়া থাকে। আকৃতি অনুযায়ী ডিম্ব ও ইহারা প্রসব করিয়া থাকে—এক একটা ১২ ইঞ্চি লম্বা ও ২ ইঞ্চি প্রস্থে। মাদাগাসকারে নানা প্রকার জাতি বাস করে। আদিম জাতির নাম জানা ছরুহ, তবে এখনও স্থানে স্থানে প্রস্তর-স্তূপ, অর্ধভগ্ন স্তম্ভ প্রভৃতি প্রাচীন কীর্তি সমূহ ধরণীর মুক বক্ষে শায়িত থাকিয়া অতীতের মহামহিমামণ্ডিত গৌরব দীপ্তির জ্বলন্ত সাক্ষ্য প্রদান করিতেছে। বর্তমান অধিবাসীগণ নিগ্রো এবং আরাববংশসম্মত।

সাকালভাগ পশ্চিম তীরে বাস করে। তাহারা নিগ্রোদিগের গ্রাম মসীবর্ণ এবং বলিষ্ঠদেহী। তাহাদের মস্তকের কেশদাম সুদীর্ঘ এবং কৌকড়ান, চক্ষু বিস্তীর্ণ এবং গভীর, নাসারন্ধ্র স্মৃৎস। তীরবাসী অধিকাংশ সাকালভাই ধীবরের কার্য করে, দূরবর্তী অধিবাসীগণ চাম আবাদ করিয়া জীবনযাত্রা নির্বাহ করে। ইহারা ধীবরদিগকে ধাতু, চাউল দিয়া তাহাদিগের নিকট হইতে মূল্যের পরিবর্তে লবণ ও মৎস্য লইয়া থাকে। ইহারা মদা সর্বদাই মদ খায়, চুরি ও মারামারি করে। প্রত্যেকেই প্রতিবেশীর ভয়ে শঙ্কিত থাকে। সকলের মনেই এই আশঙ্কা সর্বদা জাগরুক থাকে যে, তাহার আত্মীয় স্বজন বোধ হয় ধনলোভে তাহাকে নিহত কিম্বা দাস-রূপে বিক্রয় করিবার ষড়যন্ত্র করিতেছে।

তাহাদের এক প্রকার অদ্ভুত রকমের রণ-নৃত্য আছে। আক্রমণ, যুদ্ধ, অস্থাবন, যুদ্ধজয়ের পর হর্ষ প্রকাশ করার আদেশ সমস্তই অঙ্গ সঞ্চালনের দ্বারা প্রদর্শিত

হইয়া থাকে, মুখে কিছুই বলিতে হয় না। তাহাদের বন্দুক লম্বা এবং উপরিভাগে কাঁসার কাঁটা মারা থাকে। নৃত্যকালে তাহারা সেই সকল বন্দুক এক হস্তে শূন্যে নিক্ষেপ করিয়া অপর হস্ত দ্বারা ধারণ করে এবং অস্ত্র হস্তে একখানি রুমাল ঘুরায়। আমরা নিম্নে একটি চিত্র প্রদান করিলাম, পাঠকগণ ইহা হইতেই তাহাদের নৃত্যের প্রকৃতি বুঝিতে পারিবেন।



পূর্বতীরবাসীগণ অপেক্ষাকৃত ফরসা এবং তাহাদের চুল শুকরের কুটির গ্রাম সোজা। তাহারা অধিকাংশই শান্ত এবং নম্র প্রকৃতির। বাসস্থান অনুসারে তাহাদের ভিন্ন ভিন্ন নাম আছে। যাহারা জঙ্গলে বাস করে তাহাদিগকে “জঙ্গলী লোক,” (People of the forest) বলে, যাহারা পরিষ্কৃত ক্ষেত্রে বাস করে তাহাদিগকে “দেশের লোক” (People of the open land) বলে। এইরূপ People of the lakes প্রভৃতি আখ্যাও প্রচলিত আছে।

তীর হইতে দূরবর্তী দেশ সমূহে হোভাস্ (Hovas) নামক এক প্রকার জাতি আছে। তাহারা রাজ-জাতি, দেশ শাসন করে কিন্তু সাকালভারা তাহাদের কর্তৃত্ব সহসা স্বীকার করিতে চায় না। এই রাজ-জাতির ধমনীতে মালয় (Malay) রক্ত প্রবাহিত আছে। তাহাদের কতক জাতি হইতেও আগমন করিয়াছে, অনেকে এরূপ অনুমান করিয়া থাকেন। তাহাদের রং ফরসা, এবং তাহারা খর্বাকৃতি

ও কিছু স্থলকায়; তাহাদের কেশ কোমল, কৃষ্ণবর্ণ ও সোজা; দাড়ি অল্প, চক্ষু উজ্জ্বল লোহিতাভ।

সাকালভাগণ দীর্ঘে ছয় হস্ত এবং প্রস্থ দেড় হস্ত পরিমাণ বস্ত্র পরিধান করে। এইরূপ বস্ত্র স্ত্রীপুরুষ সকলেই পরিধান করিয়া থাকে। স্ত্রীলোকেরা কটিদেশে তিন চারি ভাঁজ জড়াইয়া শেয়াংশ স্কন্ধদেশে রাখে। রাজকীয় রং—লাল। রাণী লাল রঙ্গের পোষাক পরিধান করেন এবং যখন তিনি ভ্রমণে বহির্গত হন, তখন লাল রঙ্গের একটি ছত্র তাঁহার শিরোপরি ধরা হয়। রাস্তায় কোন লোক সম্মুখে পড়িলে,—“রাগি, দৌর্ভাগ্যবিনী হও” বলিয়া অভিবাদন করে।

অধিকাংশ স্ত্রীলোকই চুল বাঁধে না কারণ তাহা সময়-সাপেক্ষ। অনবরত দুই তিন ঘণ্টা কাল পরিশ্রম করিলে এক জনো চুল বাঁধা শেষ হয়। তাহারা চুলের ২৪টা ভাগ করে, তাহার পর পরস্পর এক একটা পাকাইয়া একত্র করিয়া একটি গোলাকার ঝুঁটি করে। কেহ কেহ ঝুঁটি করে না, চকিগণী বেণী নিতম্ব দেশে ঝুলিতে থাকে।

চাউলই তাহাদের প্রধান খাদ্য। ঢেঁকির পরিবর্তে কাঠের চাকা লাগান হাঁড়ির মধ্যে ধান রাখিয়া লম্বা কাঠ-দণ্ড দ্বারা আঘাত করিয়া স্ত্রীলোকেরা চাউল প্রস্তুত করে। শাক সব্জি, গোমাংস, ছাগমাংস, শূকরমাংস প্রভৃতি তাহারা ভাতের সহিত আহার করে। দিবসে দুইবার তাহারা ভোজন করে, একবার দ্বিপ্রহরে আর একবার সন্ধ্যার সময়। ভাত তাহাদের বড় একটি সহ্য হয় না। যদি কেহ কোন দিন অধিক পরিমাণে আহার করে, তবে তাহার সে দিন উদর ক্ষীণ হয়। পুত্রের উদর পরীক্ষা করিবার জন্ত, জননী ভোজনকালে পুত্রের উদরে একটি ফিতা টিল করিয়া বাঁধিয়া দেয়। আহার করিতে করিতে বাই ফিতা উদরসংলগ্ন হয়, অমনি তাহাকে আর আহার করিতে দেওয়া হয় না।

মাদাগাসকারবাসীদিগের নিকট পঙ্গপাল একটি উপাদেয় খাদ্য। যে সময় পঙ্গপালের ঝাঁক উপস্থিত হয়, তৎকালে আবালবৃদ্ধবনিতা সকলেই পঙ্গপাল পঙ্গপাল বলিয়া উল্লাসে নৃত্য করিয়া উঠে এবং ঝাঁকা লইয়া ধরিতে বহির্গত হয়।

তাহারা নশ্ব টানিতে বড় ভাল বাসে কিন্তু আমাদের দেশে নশ্ব যেমন নাসিকা দ্বারা টানিয়া লওয়া হয়, তাহাদের

দেশে সেরূপ প্রথা প্রচলিত নাই। তাহারা নশ্ব মুখে প্রদান করে। বাঁশ কাটিয়া তাহারা নস্যদানি প্রস্তুত করে।

আমাদের দেশে ঘরের বারান্দায় যেমন চাল লাগান, তাহাদের ঘরই সেই রকম। তিনটা খুঁটির উপর এই চাল সংরক্ষিত। লাল বর্ণের মৃত্তিকাদ্বারা দেওয়াল দেওয়া হয় এবং ঘাস দ্বারা চাল প্রস্তুত করে। ঘরের প্রবেশদ্বার অতি সংকীর্ণ; সোজাভাবে প্রবেশ করিতে গেলে মস্তকে বিষম আঘাত পাইতে হয়। অপর বাড়ীর কেহ অচু কাহারও বাড়ীতে প্রবেশ করিতে ইচ্ছুক হইলে অগ্রে বলিতে হয়—‘আমি কি প্রবেশ করিতে পারি?’ গৃহ-স্বামিনী—‘আসিতে অজ্ঞা হউক, মহাশয়’ বলিয়া অভ্যর্থনা করিয়া লইয়া যাইয়া একখানি মাছুরের উপর উপবেশন করিতে অনুরোধ করে। ইহারা অতিশয় সরল, অভ্যাগতের প্রতি কোনরূপ অত্যাচার করে না। প্রকৃতির শিশু প্রাকৃতিক দৃশ্যই বিভোর।

তাহাদের ঘরের মেজেতে চাটাই বিছান থাকে। রান্না ঘর এবং শয়ন ঘর একই বলিয়া তাহাদের ঘর সকল অতি অপরিষ্কার এবং কাল ঝুলে আবৃত। তাহাদের ঘর প্রায় ৩০।৪০ হস্ত লম্বা। একদিকে শয়ন করে, এক



দিকে রান্না হয়, এক দিকে গরু বাছুর থাকে, এক দিকে আহারীয় সামগ্রী—ভেড়া, ছাগল প্রভৃতি থাকে। দরজার নিকট ধান ভান্ধিবার যন্ত্র থাকে। উপরে তাহার একটি ছবি দিলাম।


তাহারা শুভ এবং অশুভ দিন মানে। তাহাদের বিশ্বাস অশুভ দিনে সন্তান জন্মিলে, সে সন্তান জনক জন-নীর ক্লেশের কারণ হয়। এই নিমিত্ত অশুভ দিনে কাহারও সন্তান ভূমিষ্ঠ হইলে, সে তৎক্ষণাৎ তাহাকে জলে ডুবাইয়া দেয়। আর একটি প্রথাও তাহাদের মধ্যে প্রচলিত আছে। অশুভ দিনে সন্তান ভূমিষ্ঠ হইলে তাহাকে গো-পালের সম্মুখে ফেলিয়া রাখা হয়। যদি কোন গো-বৎসই সন্তানকে পদদলিত না করে, তবে সন্তান স্থল-কণ্ঠস্থ বলিয়া আনন্দ সহকারে তাহাকে তাহারা গৃহে লইয়া যায়। যদি পদদলিত হইয়া পঞ্চম্ব প্রাপ্ত হয়, তবে জননী তাহাকে বস্ত্রাচ্ছাদিত করিয়া একটি নূতন হাঁড়ীর মধ্যে করিয়া মৃত্তিকাপ্রোথিত করে। এই সকল অগ্নি পরীক্ষা হইতে উত্তীর্ণ হইয়া কোন সন্তান জীবিত থাকিলে জন্মের দিন হইতে সপ্তম দিবসে তাহাকে ঘরের বাহির করা হয়। তাহার পর তাহাকে ধেনুপালের নিকট লইয়া যাওয়া হয়। যদি পুত্র-সন্তান হয়, তবে পিতা বলে,—‘তোমার পিতৃ গরু হউক, প্রভূত ধন হউক, অনেক সন্তানসন্ততি হউক।’ বালকের আকৃতি অল্পসারে তাহাদের নামকরণ হয়। কাহারও মুখ চেপ্টা হইলে তদনুযায়ী একটা নাম রাখা হয়, চক্ষু বৃহৎ হইলে, কি মস্তক ছোট হইলে সেই পরিণের একটা নাম রাখে।

জননী সন্তানকে কাপড় দ্বারা পৃষ্ঠের সহিত বন্ধন করিয়া বহন করিয়া লইয়া যায়। অনেক সময় দেখিতে পাওয়া যায় যে, একটি স্ত্রীলোক মস্তকে একটি প্রকাণ্ড জলকুম্ভ লইয়া পৃষ্ঠে ছয় সাত বৎসরের একটি সন্তান বাঁধিয়া অগ্রসর হইতেছে। সন্তানসন্ততি সর্বপ্রথম তাহাদের জনকজননীর নিকট হইতে ‘নিয়ে বা’ কথাটি শিক্ষা করে। অর্থাৎ তোমাদের সঙ্গে আমাকেও লইয়া যাও। সন্তানগণ প্রায়ই জননীর পশ্চাতে শয়ন করে। স্ত্রীলোকেরা ধান ভাঙ্গে, খাদ্য প্রস্তুত করে, সূতা কাটে, মাছুর, টুপি, ধামা কাঠা প্রভৃতি প্রস্তুত করে এবং সময় সময় চাষ আবাদেও সাহায্য করে।

মাদাগাসকারবাসীরা নৃত্য করিতে অতিশয় ভাল বাসে। আমোদ-প্রমোদে স্ত্রীপুরুষ সকলেই যোগদান করে কিন্তু একত্রে নৃত্য করে না। তাহাদের নৃত্যের সময় পাবেশী নড়ে না, হাতেরই সঞ্চালন অধিক হয়।

অনেক বৎসর হইতে মাদাগাসকার রমণী দ্বারা শাসিত হইয়া আসিতেছে। যিনি যখন রাণী হন, তিনি সিংহাসন প্রাপ্তির পরই নিজের বাসের জন্ত নূতন প্রাসাদ নির্মাণ করেন। প্রাসাদ একটি ছোট পাহাড়ের উপর নির্মিত হয়। সাধারণ লোকদিগের ঘরের ত্রায়ই রাজ-প্রাসাদ, তবে ইহা কিছু বৃহৎ।

পূর্বকালে নানারূপ প্রতিমা পূজিত হইত। নিম্নে একটীর প্রতিকৃতি দেওয়া হইল। উৎসব উপলক্ষে এই



সকল মূর্তি লোহিত বস্ত্রাচ্ছাদিত করিয়া রাজ পথে বাহির করা হয়। প্রতিমার পূর্বে একদল প্রহরী পথের জনতা ভঙ্গ করিবার জন্ত দৌড়াইয়া যায়। এই সকল প্রতিমার প্রসন্নতার উপর দেশের মঙ্গলামঙ্গল নির্ভর করে, তাহাদের এইরূপ ধারণা ও বিশ্বাস।

খৃষ্টান-ধর্ম প্রচারকগণ কোন দেশেই ছাড়া নাই। সর্বত্রই তাহারা অজ্ঞানাদ্ধকার দূর করিতে উপনীত হইয়াছেন। ১৮২০ খৃষ্টাব্দে এখানেও একদল ধর্ম-প্রচারক প্রথম পদার্পণ করেন। তৎকালীন রাজা, তাহাদিগকে সাদরে গ্রহণ করেন। তাহার মৃত্যুর পর তাহার এক মহিষী রাণী হন। যে দিন তিনি সিংহাসন প্রাপ্ত হন, সেই দিবস দুইটা প্রতিমা লোহিত বস্ত্রে মণ্ডিত করিয়া তাহার সম্মুখে আনীত হয়। তিনি তাহার উপর কর্তব্য করিয়া বলেন,—‘আমি তোমার প্রতি বিশ্বাস স্থাপন

করিয়াছি, আনাকে রক্ষা করিও।' খৃষ্ট যাজকগণের উপদেশমৃত পান করিয়া অনেক মাদাগাসকারবানী উক্ত ধর্মে দীক্ষিত হয়। রাণী তাহাদিগের, কাহাকে বা কারাবদ্ধ করিয়া, কাহাকেও বা প্রাণদণ্ডে দণ্ডিত করিয়া, কাহাকেও বা জীবন্ত সমাধিস্থ করিয়া নব ধর্মে দীক্ষিত হওয়া পাপের শাস্তি বিধান করেন। কিন্তু রাণীর কেবল মাত্র একটা সম্ভান নব ধর্মে দীক্ষিত হইয়াও পরিত্রাণ পাইয়াছিলেন।

তাহার পরবর্তী রাণী খৃষ্টধর্মে দীক্ষিত হন, তিনি সমুদয় প্রতিমা দগ্ধ করিতে অনুজ্ঞা প্রচার করেন। এই আদেশ অনেকাংশে পালিত হইয়াছিল। বর্তমান সময়ে তথায় ছোট বড় প্রায় একশতটা গির্জা ঘর প্রস্তুত হইয়াছে। খৃষ্ট ধর্মের কি অতুল মহিমা!

শ্রীব্রজসুন্দর সাগাল।



## নব বর্ষার প্রতি—

হিল্লোলে ভাসা'য়ে ধরা,  
ধরিয়ে অপূর্ব সাজ,  
কোথা হ'তে এলে বল,  
মোহিনী বরষা আজ!

জলদে ধরিয়ে হাতে,  
বিজলীরে ল'য়ে কোলে,  
দেখাতে মানবগণে,  
এলে কি গো ধরাতলে?

উল্লাসে বেড়াও হেসে,  
সুনীল দিগন্ত গায়,  
সুন্দর সবুজ চেলি  
বাতাসে উড়িয়া যায়!

শ্রী-অঙ্গে ঝরিছে মরি,  
কত না মাধুরীরাশি,

তরল জ্যোছনা যেন,  
অধরে উছলে হাসি!

গগনে গরজে মৃদু,  
জলদ প্রফুল্ল মনে,  
আনন্দ বিহ্বলা, মরি,  
বসুধা, প্রকৃতি সনে!

বাম্, বাম্, টুপ্, টাপ্—  
ইহাই শুনি'ছি শুধু,  
পুলকে পুরিছে মন,  
শ্রবণে বর্ষিছে মধু!

নিঝরতটিনী-কণ্ঠে  
ঝরিছে মধুর গান,  
আকুলা কল্পনা মগ,  
মোহিত বিবশ প্রাণ!

অঞ্চলে কেতকী ছটা,  
কুস্তলে কদম্বমালা,—  
কিবা সাজে সাজিয়াছে,  
আ' মরি, বরষা বালা!

(তব) রূপের মাধুরী হেরি,  
হৃদয় মোহিছে স্মৃথে,  
চাহিছে এ ক্ষুদ্র প্রাণ  
মিশিতে তোমার বুকে।

জগৎ কারণ যিনি,—  
এলে কি আদেশে তাঁর,  
জুড়াইতে দগ্ধ মহী,  
ঢালিয়া সুধার ধার?

তবে, ঢাল, ঢাল স্নেহ-সুধা,  
জুড়াক্ তাপিত প্রাণী—  
স্নিগ্ধ হোক্, নিদাঘের  
মকতপ্ত ধরাখানি।

শ্রীমতী হিরণ্ময়ী সেন গুপ্তা।



## বঙ্গের খনিজ ঐশ্বর্য্য।

আহমদাবাদের শিল্পপ্রদর্শনীর দ্বারোদঘাটন উপলক্ষে বরোদাধিপতি শ্রীময়াজি রাও গায়কবাড় যে সারগর্ভ বক্তৃতা করেন তাহাতে তিনি বিশেষ ভাবে বুঝাইয়া দেন যে, জাতীয় ধনবৃদ্ধি না হইলে আমরা কোন দিন আমাদের পূর্বপুরুষদের মত বড় হইতে পারিব না। দেশীয় কৃষি-বাণিজ্য ও শিল্পের উন্নতি ভিন্ন যে দেশের ধনবৃদ্ধি হইতে পারে না চিন্তাশীল রাজনৈতিক ও সমাজ সংস্কারকদের এই নির্বিরোধ মতের উল্লেখ করিয়া যাহাতে দেশে উদ্যমশীলতা ( Spirit of enterprise ) বিকশিত হয়; যাহাতে সেই উদ্যমশীলতা বিকশিত হইবার পথের বাধা বিদূর স্বরূপ হিন্দুধর্মের অনঙ্গীভূত শতবিধ বন্ধমূল, কটকাকীর্ণ, কুসংস্কার ও লোকাচার বিনষ্ট হয়; যাহাতে আমাদের জাতি-প্রথা ( caste system ) তাহার বর্তমান বোধাগম্য বিরুদ্ধমতাকীর্ণ ক্ষণভঙ্গুরতা হারাইয়া কিয়ৎ-পরিমাণে আঘাতসহনশীল হইয়া দাঁড়ায় তাহার চেষ্টা করিতে প্রত্যেক স্বদেশহিতৈষীকে উপদেশ দিয়াছেন। বর্তমান প্রচলিত জাতি-প্রথা যে বিরুদ্ধ মতের আকর, তাহা যে আমাদের উদ্যমশীলতা বিকাশের বিরোধী, তাহার সংহার না হউক সংস্কার যে একান্ত বাঞ্ছিত তদ্বিধে বোধ হয় শিক্ষিতদিগের মধ্যে কোনরূপ অনৈক্যই থাকিতে পারে না। কিন্তু শত দোষহুঁষ্ট জাতি-প্রথাই আমাদের জাতীয় উদ্যমহীনতার একমাত্র কারণ বলিয়া বোধ হয় না। হইতে পারে জাতি-প্রথাতেও উদ্যম-হীনতার সূত্রপাত; কিন্তু মুমুকু ও সংসারীর ধর্মের সংনিপ্রণে যে খিঁচুড়ী-ধর্মের উৎপত্তি এবং যাহা এক্ষণে ভারতের সর্বত্র শিক্ষিত ও অশিক্ষিতের প্রত্যেক হৃদয়ে, সভ্যতা ও অসভ্যতার প্রত্যেক স্তরে, অল্পাধিক পরিমাণে সহজসংস্কাররূপে ( intuition ) বিরাজিত তাহাও যে কিয়ৎ পরিমাণে ইহার মূলে নাই তাহাই বা কি প্রকারে বলা যায়? জাতি-প্রথাই আমাদের উদ্যমহীনতার একমাত্র কারণ হইলে যে দেশে উইলমেনের হোটেলে মনু-নিষিদ্ধ নাংসে উদর পূরণ করিয়াও সমাজে জোর করিয়া কুল-নর্যাদা আদায় করা যায়, সেই দেশেই, সেই ঘরের কোণেই

যে শত বাণিজ্যের পথ উন্মুক্ত রহিয়াছে; তাহারই বা আমরা কি করিতেছি? গৃহকোণের কর্তব্যই প্রথমে সম্পাদন করিতে হয়—“Think not of far off duties— But of duties which are near.” সে সম্বন্ধে আমরা কি করিয়াছি এবং কি করিতে পারি তাহাই আমাদের অধ্যকার আলোচনার বিষয়।

ভারতবর্ষের খনিজসমূহের প্রধান পরিদর্শক : ১৯০১ সনের যে বিবরণ প্রকাশ করিয়াছেন তাহা হইতে জানা যায় যে, খনিজ ঐশ্বর্য্যে বঙ্গদেশ ভারতের প্রায় অল্প সকল প্রদেশ অপেক্ষাই শ্রেষ্ঠ। কোন্ প্রদেশে কোন্ কোন্ খনিজ পাওয়া যায় তাহার এইরূপ হিসাব দেওয়া হইয়াছে :—

নম্বর	খনিজ পদার্থ	প্রদেশ	ক্ষেত্রের নাম।
১	পাথুরিয়া কয়লা	আসাম	মাকুম।
২	”	ব্রহ্মদেশ	খিনগার্ডো।
৩	”	বঙ্গদেশ	রাণীগঞ্জ।
৪	”	”	বোরিয়া।
৫	”	”	গিরিডি।
৬	”	”	দালটনগঞ্জ।
৭	”	মধ্য ভারতবর্ষ	উমারিয়া।
৮	”	মধ্য প্রদেশ	মোপানি।
৯	”	”	ওয়ারোরা।
১০	”	হাইদ্রাবাদ	
		( দাক্ষিণাত্য প্রদেশ )	সিঙ্গারেনী।
১১	”	রাজপুতনা	বিকানির।
১২	”	বেলুচিস্থান	খোস্ত।
১৩	”	পঞ্জাব	ডেনডট।
১৪	কোরাণ্ডাম	মাদ্রাজ	নামাথাল।
১৫	স্বর্ণ	ব্রহ্মদেশ	উহুস্।
১৬	”	বঙ্গদেশ	ছোটনাগপুর।
১৭	”	হাইদ্রাবাদ	
		( দাক্ষিণাত্য প্রদেশ )	লিঙ্গাসুরগড়।
১৮	”	মহীশুর	কোলার।
১৯	”	মাদ্রাজ	ওয়াইনড।
২০	গ্রেফাইট	”	নামাকল।
২১	”	ট্রাভাকোর	

নম্বর	খনিজ পদার্থ	প্রদেশ	ক্ষেত্রের নাম।	স্বর্ণ।
২২	লৌহ	বঙ্গদেশ	বরাকর।	স্বর্ণের খনি বঙ্গদেশে নূতন। ১৯০১ সনে পাহাড়ি কোম্পানি ছোটনাগপুরে স্বর্ণখনি আরম্ভ করিয়াছেন।
২৩	"	"	কালীমাটি।	অত্র।
২৪	ম্যাগনেসাইট	মান্দ্রাজ	মালেম।	১৯০১ সনে ভারতবর্ষে ৯৯৫ ৩/৪ টন অত্র উত্তোলন করা হইয়াছে, তাহার মধ্যে বঙ্গদেশে ৭৬৮ টন।
২৫	ম্যাঙ্গানিজ	"	ভিজগাপট্টনম্।	অত্র।
২৬	অত্র	বঙ্গদেশ	হাজারিবাগ।	শ্লেট।
২৭	"	মান্দ্রাজ	নালোর।	৪.০২ টন শ্লেট ১৯০১ সনে উত্তোলিত হয় তাহার মধ্যে বঙ্গদেশ হইতে ১২৩৭ টন।
২৮	পেট্রোলিয়াম	আসাম	—	ইহা হইতে বুঝিতে পারা যায় বঙ্গদেশ খনিজ ঐশ্বর্যে কিরূপ ঐশ্বর্যবান। ইহা দেখিয়া প্রাণে কেমন একটা ক্ষীণ আশার আলোক দেখা দেয়; মনে হয়, আমাদের মাতৃভূমি যখন "সুজলা, সুফলা, শস্য-শ্রামলা," আর তাহার উপর এত রত্ন বক্ষে ধারণ করিয়া আছেন তখন আমাদের এ হীনতা, দীনতা অচিরেই ঘুচিয়া যাইবে।
২৯	"	উত্তর ব্রহ্মদেশ	ইয়ানানগিয়াং।	কিন্তু যখন হিসাবটির অগ্র দিক দেখি তখন সে আশার আলোক নিবিয়া যায়, মস্তকের মর্ম্মহুল ভেদ করিয়া একটা কাতর দীর্ঘশ্বাস উখিত হইয়া ধীরে ধীরে অনন্ত আকাশে মিশাইয়া যায়। দেখুন পাঠক হিসাবের অগ্র দিক :-
৩০	রুবি	"	মোগক।	সরকারী রিপোর্টে প্রকাশ, ১৯০১ সনে ইংরেজ-পরিচালিত কয়লার খনিতে ৪২৫২০৯৩ টন কয়লা এবং দেশীয় লোকপরিচালিত খনিতে ১৪৫১৭৮৩ টন কয়লা উত্তীরাছে।
৩১	লবণ	পঞ্জাব	ঝিলাম।	ইহার মধ্যে বেঙ্গল কোল কোম্পানি ও ইষ্টইণ্ডিয়া রেলের কয়লার খনি হইতে সমস্ত উৎপন্নের প্রায় এক পঞ্চমাংশ কয়লা উত্তীরাছে।
৩২	শ্লেট	বঙ্গদেশ	মুঙ্গের।	অত্র সম্বন্ধে কি বলিতেছেন গুলুন :- The mica bearing belt in Hazaribagh occupies a large area, which belongs largely to native zemindars.
৩৩	"	পঞ্জাব	কাঙ্গরা।	Government own the forest of Koderma.
৩৪	"	"	রেওয়ারী।	* *. The bulk of the private land has been leased to Messrs. F. F. Chrestien & Co.
৩৫	টিন	ব্রহ্মদেশ	মারগুই।	তাহার পর দেখুন :- The returns show an output of 768 tons for the year 1901; 628 tons were raised by one company.

ইহা হইতে জানিতে পারা যায় ভারতবর্ষের খনিজ পদার্থের মধ্যে পাথুরিয়া কয়লা, স্বর্ণ, লৌহ, অত্র প্রভৃতিই প্রধান আর ইহার অনেকগুলিই যথেষ্ট পরিমাণে বঙ্গদেশে বর্তমান। নিম্নে যে হিসাব প্রদত্ত হইল তাহা হইতেই পাঠকগণ বুঝিতে পারিবেন বঙ্গের খনিজ ঐশ্বর্য কিরূপ।

কয়লা।

১৯০১ সনে ভারতবর্ষ, ব্রহ্মদেশ ও বেলুচিস্থানে ৩১৫টি কয়লার খনি ছিল তাহার মধ্যে ২৯২টি এক বঙ্গদেশে বাকি ২৩টি খনির মধ্যে ৫টি আসামে, ৭টি বেলুচিস্থানে, ১টি ব্রহ্মদেশে, ৮টি মধ্যপ্রদেশে এবং ২টি পঞ্জাবে। ঐ বৎসরে সর্ব সম্মত ৬৮,৪৯,২৪৯ টন কয়লা উত্তোলিত হইয়াছে তাহার মধ্যে বঙ্গদেশে ৫,৭০৩,৮৭৬ টন বাকি অগ্রাঙ্গ প্রদেশ হইতে; অর্থাৎ এক বঙ্গদেশ হইতেই সমস্ত কয়লার ৯/১০ অংশ উত্তোলিত হইয়াছে।

লৌহ।

১৯০১ সনে ৫৭,৮০০ টন লৌহ-প্রস্তর উত্তোলিত হইয়াছে; ইহার অধিকাংশই বঙ্গদেশের রাণীগঞ্জ ও পশ্চি হইতে পাওয়া গিয়াছে।

এই 'one company' মানে ক্রেস্টিন কোম্পানি।

ইহা দেখিয়া কি কোন আশা থাকে? যে দেশের বাণিজ্য পরদেশীয় মূলধনে পরিচালিত হয় সে দেশের উন্নতির আশা কি সুদূরপর্যন্ত নহে? আমরা ভিক্ষার বুলি স্বন্ধে লইয়া রাজদ্বারে ভিখারীর বেশে দাঁড়াইতে শিখিয়াছি; কিন্তু ভিখারীর ভাগ্যে অনেক সময়ে মুষ্টি লাভই হইয়া থাকে; আর এই কঠোর জীবন-সংগ্রামের দিনে ত্রস্তপক্ষ দয়া করুণা কোথায় উড়িয়া গিয়াছে,—সকলেই আপনা লইয়া ব্যস্ত কে কাহাকে ভিক্ষা দেয়? পরদেশীয় মূলধনের অবাধ স্রোত যতদিন না প্রতিহত হয় তত দিন আমাদের দেশের মঙ্গল নাই। গবর্ণমেন্ট কিন্তু ভারতে বিলাতী মূলধন প্রবাহের পক্ষপাতী; লর্ড কর্জন ত সেদিন স্পষ্টই বলিয়াছেন যে, বিলাতী মূলধন এদেশে যত অধিক পরিমাণে আমদানি হয় এদেশের পক্ষে ততই মঙ্গল। তবেই গবর্ণমেন্টের নিকট কোন সাহায্যের আশা নাই;—আর এই অবাধ বাণিজ্যের দিনে গবর্ণমেন্টই বা কি সাহায্য করিতে পারেন? এখন আমাদের একমাত্র ভরসাস্থল আমাদের দেশের জমিদারগণ। তাঁহারা যদি যথেষ্ট মূলধন নিয়োজিত করিয়া এই সকল খনির কার্যে প্রবৃত্ত হন তাহা হইলে ধীরে ধীরে বিদেশী মহাজনদিগকে হটিয়া যাইতে হইবে, কারণ শতবিধ সুবিধা তাঁহাদের দিকে :- জমি তাঁহাদের, শ্রমজীবীগণ তাঁহাদের প্রজা। ক্ষুদ্র ক্ষুদ্র ব্যবসায়ীগণ মূলধনের অভাবে এ সকল বৃহৎ ব্যাপারে হস্তক্ষেপ করিতে পারেন না; কেহ কেহ অতি সাহসে বুক বাধিয়া এ কার্যে ব্রতী হইলেও অল্প মূলধন বশতঃ বিশেষ ফললাভ করিতে পারেন না। জমিদারগণ এই সকল কার্যে ব্রতী না হইয়া এক মহৎ কর্তব্য হইতে বিচ্যুত হইতেছেন; জগদীশ্বর এই পতিত দেশের মঙ্গল কারণে তাঁহাদিগকে যে ক্ষমতা ও সুযোগ প্রদান করিয়াছেন তাঁহারা সে সকলের অপব্যবহার করিতেছেন। তাহা না হইলে অত্র রিপোর্টে—which belongs largely to native zemindars পড়িয়াই The bulk of the private land has been leased to Messrs. F. F. Chrestien & Co. পড়িতে হইত না। অত্রের জমি belongs largely to native zemindars, কিন্তু কয়লার জমি

বোধ হয় belongs wholly to native zemindars, কিন্তু কয় জন দেশীয় জমিদার খনি-কার্যে মূলধন নিয়োজিত করিয়াছেন? সত্য বটে ছোটনাগপুর ও মানভূমের জমিদারদিগের এলাকাতেই কয়লা, অত্র প্রভৃতি খনিজ পদার্থ রহিয়াছে এবং ঐ সকল জমিদারগণের মধ্যে অনেকেরই আর্থিক ও মানসিক অবস্থা বড় উজ্জল নহে,—অনেকেই ঋণগ্রস্ত এবং বিশেষ শিক্ষিত নহেন; আর সেই কারণেই তাঁহারা এই সকল অর্থ ও শিক্ষাসাপেক্ষ খনির কার্যে প্রবৃত্ত হইতে পারেন না। কিন্তু যাহারা অর্থ ও শ্রমসাপেক্ষ সর্ববিধ সুশিক্ষা লাভ করিয়াছেন, যাহাদের কোষাগার পূর্ণ, যাহাদের বক্তৃতায় ও উপাধিলাভমূল চাঁদাশ্রাঙ্করে উত্তমশীলতা পূর্ণ মাত্রায় ফুটিয়া উঠে, বঙ্গের সেই সকল জমিদারগণের এই ঋণগ্রস্ত সুশিক্ষাবিহীন ভ্রাতৃগণের প্রতি কি কোন কর্তব্য নাই? তাঁহারা যদি ইহাদের জমিতে মূলধন নিয়োগ করিয়া ব্যবসায় মনযোগ করেন তাহা হইলে তাঁহারাও লাভবান হইতে পারেন এবং ইহাদেরও ঋণভার অনেক লঘু হয়। ধনবৃদ্ধি করিতে হইলেই মূলধনের আবশ্যক। আমাদের দেশে যাহা কিছু মূলধন আছে তাহার অধিকাংশই জমিদারগণের নিকটে। তাঁহাদের সাহায্য ব্যতীত দেশের ব্যবসায় বাণিজ্য কিছুতেই উন্নত হইবে না, রাজদ্বারে না দাঁড়াইয়া আমাদের দেশের শিক্ষিতগণ ভিক্ষার বুলি লইয়া জমিদারগণের দ্বারে দাঁড়াইলে বোধ হয় অধিক ফললাভ হয়। বড়ই স্মৃথের বিষয় যে মাননীয় মহারাজ মনীন্দ্রচন্দ্র নন্দী মহোদয় এ সকল বিষয়ে হস্তক্ষেপ করিয়াছেন। কয়লা-খাদ অধিকারীদিগের মধ্যে তাঁহার নাম দেখিয়া প্রাণে আশার স্রোত প্রবাহিত হয়। যখন অনেক রাজা মহারাজাকেই এই সকল ব্যাপারে প্রবৃত্ত দেখিব তখন দেশের শিল্প বাণিজ্যের উন্নতির অধিক বিলম্ব থাকিবে না, জননী জন্মভূমি সৃষ্টির প্রথম হইতে যে সকল অমূল্য রত্ন সর্বত্র লুকাইয়া রাখিয়াছেন তাহাও তখন আঘাত দায়াদগণের হস্তে পতিত হইবে।\*

শ্রীসত্যকিঙ্কর সাহানা।

\* অত্র খনিতে এখনও যথেষ্ট সুবিধা আছে। এ সম্বন্ধে কেহ কিছু জানিতে ইচ্ছুক হইলে প্রদীপ-সম্পাদক মহাশয়কে লিখিলেই জানিতে পারিবেন।





গৃহিণী একটু অভিমানের সুরে বলিলেন,—“তোমাকে যাহা বলিতে যাইব, তুমি তাহারই উণ্টা করিবে। তবে আর কথায় কি কাজ?”

কর্তা বলিলেন,—“কেন উণ্টা করিব? তুমি সোজা কথা বুঝ না সে দোষ কি আমার?”

গৃহিণী বলিলেন,—“তোমার মেয়েকে নরেশ যদি না ভাল বাসে, সে দোষ তোমার মেয়ের না নরেশের? স্বামী দরিদ্র হইবে, আর নিঃশুণ হইবে স্ত্রী তাহার মন যোগাইয়া চলিতে বাধ্য। তোমার হেমলতা যদি নরেশকে ঘৃণা করে, তাহাকে মন্দ কথা বলে, তাহা হইলে সে ভাল বাসিতে পারে কি?”

কর্তা বলিলেন,—“মত্যা বটে, হেমলতা একটু রাগী কাহারও মন যোগাইয়া সে চলিতে জানে না। নরেশের এ কথা বুঝিয়া চলা উচিত। নরেশ যদি পূর্ণ স্ত্রীর সহিত সুযোগ পাইলে দেখা করে, তাহা হইলে হেমলতা অবশুই তাহার সহিত কর্কশ ব্যবহার করিবে।”

গৃহিণী বলিলেন,—“তুমি যাহাই ভাব, আমি জানি হেমলতারই অগ্ৰায়। তোমাকে আমি আর কি বলিব? আমার কথায় কিছু হয় না। তুমি হেমলতাকে একটু বুঝাইয়া দিও। আর জামাইকে একটাও অনাদরের কথা বলিও না। পরের ছেলে—কেবল মিষ্ট ব্যবহারেই বশ করিতে হয়।”

রত্নেশ্বর একটু বিরক্তভাবে বলিলেন,—“কি জ্বালা! কে তাহার সহিত তিক্ত ব্যবহার করে। সে আমার কথা না শুনিয়া আপনি গোল ঘটায়, আমি তাহার কি করিব? তা ভাল, আমি নরেশের সহিত কথা কহিয়া হেমলতাকে কিছু বলা যদি আবশ্যিক বলিয়া বুঝি তাহাই বলিব। কেমন, তোমার মনের মত হইল তো? আর কি বলিবে?”

গৃহিণী বলিলেন,—“আর একটা কথা। লবঙ্গকে আর রাখা হইবে না।”

কর্তা সবিস্ময়ে বলিলেন,—“কেন?”

গৃহিণী বলিলেন,—“লবঙ্গ নিরত হেমলতাকে কুমন্ত্রণা দেয়। ভাল হউক, মন্দ হউক সকল কাজেই সে উংসাহ দেয়। আমি বেশ বুঝিয়াছি এই লবঙ্গের জন্ত শেষে হেমলতাকে লইয়া আমাদের বিশেষ কষ্ট পাইতে হইবে।”

কর্তা হাসিয়া বলিলেন,—“তুমি খুব ভুল বুঝিয়াছ। লবঙ্গ বুদ্ধিমতী। সে হেমলতাকে প্রাণের মত ভাল বাসে। যাহাতে হেমলতার ভাল হয়, ইহাই তাহার এক মাত্র চিন্তা। লবঙ্গ সঙ্গে না থাকিলে হেমলতা কষ্ট পাইবে। আমি কোনমতেই তাহাকে হেমলতার দৃষ্টি ছাড়া করিব না।”

গৃহিণী হতাশভাবে বলিলেন,—“তবে আর আমি কি বলিব? কিন্তু কাঙালের কথা বাসি হইলে মিষ্ট লাগে। দেখিও তুমি—পরিণামে এ জন্ত কষ্ট পাইতে হইবে।”

এই সময়ে দ্বারের অপর পার্শ্ব হইতে শব্দ হইল,—“মা!”

গৃহিণী ব্যস্তভাবে উঠিয়া বলিলেন,—“কে হেঁমু? আইস, মা আইস!”

তখন বিষমবদনা হেমলতা ধীরে ধীরে কক্ষ মধ্যে প্রবেশ করিলেন। তাঁহাকে দর্শনমাত্র রত্নেশ্বর বাবু সাগ্রহে জিজ্ঞাসিলেন,—“একি মা, মুখ ভার কেন? কি হইয়াছে বল!”

তখন হেমলতা সংক্ষুব্ধ স্বরে বলিলেন,—“আমাকে অতিশয় অপমান করিয়াছে।”

কর্তা ব্যাকুলভাবে দাঁড়াইয়া উঠিলেন এবং জিজ্ঞাসা করিলেন,—“কে? নরেশ তোমার অপমান করিয়াছে?”

হেমলতা কোন উত্তর দিবার পূর্বে গৃহিণী বাধা দিয়া বলিলেন, “পাগলা মেয়ে! স্বামী স্ত্রীতে ঝগড়া বিবাদ হইলে, এমনই করিয়া বাপ মার কাছে জানাইতে হয় বুঝি? যাহা হইয়াছে এক সময়ে আমার কাছে বলিও। আমি যাহা ভাল হয় করিব।”

কর্তা বলিলেন,—“কি হইয়াছে বল মা, আমি এখনই তাহার প্রতিকার করিব।”

গৃহিণী বলিলেন,—“ছি ছি! তুমি কি বলিতেছ? মেয়ে জামাইয়ে ঝগড়া হইয়াছে, তাহার তুমি কি বুঝিবে? আর তাহার প্রতিবিধানই বা কি করিবে?”

কর্তা বলিলেন,—“অবশু একটা গুরুতর কাণ্ড হইয়াছে, নহিলে হেমলতা কখনই বলিতে আসিত না। কি হইয়াছে বল মা!”

গৃহিণী বলিলেন,—“না এখন বলিয়া কাজ নাই। ছি! একরূপ করিলে মেয়ে শেষে বেজায় বেহায়া হইয়া

পড়িবে। তোমার কোনকথা শুনিয়া কাজ নাই! আমি সব শুনিয়া তোমাকে জানাইব। আইস হেমলতা, ও ঘরে বসিয়া আমাকে সব কথা বলিবে চল।”

কর্তা বলিলেন,—“বল হেমলতা, কি হইয়াছে?”

গৃহিণী হাত ধরিয়া হেমলতাকে অপর ঘরে লইয়া বাইবার জন্ত আকর্ষণ করিতে লাগিলেন। হেমলতা ঘাইতে ঘাইতে বলিলেন,—“বলিয়াছে তোমার পিতা আমাকে কত দান করিয়া চরিতার্থ হইয়াছে।”

গৃহিণী বাধা দিয়া বলিলেন,—“হাঁ বলিয়াছে! তুই কি শুনিতে কি শুনিয়াছিস। সে এমন ছেলে নয়। আস এখন।”

কর্তা ক্রুদ্ধ সিংহের মত গর্জিয়া জিজ্ঞাসিলেন,—“বটে! আর কি বলিয়াছে?”

হেমলতা বলিলেন,—“আর বলিয়াছে, আমাকে আর গ্রহণ করিবে না।”

গৃহিণী দেখিলেন! সর্বনাশ যত দূর হইবার হইয়া গেল। কর্তা তখন কম্পিতকলেবর হইয়া বাহিরে বাইবার জন্ত দ্বার সমীপে আসিলেন। গৃহিণী ব্যস্ততা সহ আসিয়া তাঁহার হস্ত ধারণ করিলেন। বলিলেন,—“যাও কোথা?”

কর্তা বলিলেন,—“সেই ছোট লোক বেটাকে বিধিমনতে শাস্তি দিয়া আমি শান্ত হইব।”

গৃহিণী বলিলেন,—“বেশ তো। আগে কি করা উচিত তাহা স্থির কর; তাহার পর যাহা হয় করিও।”

কর্তা বলিলেন,—“স্থির আবার কি করিব? সে চরিতার্থ হয় নাই? তাহার বাহান্ন পুরুষ চরিতার্থ হয় নাই? আমি তাহাকে কত দান করিয়া চরিতার্থ হইয়াছি! কি স্পর্ধা! আমার কতাকে সে গ্রহণ করিবে না; তাহাকে গ্রহণ করে কে, তাহার ঠিক নাই। সে আমার কতাকে গ্রহণ করিবে না! তাহাকে দ্বারবান দিয়া জুতা খাওয়াইব।”

গৃহিণী বলিলেন,—“যাহা হয় কালি প্রাতে করিও। এই রাত্রিতে একটা গুণ্ডগোল ভাল নহে। লোকজন কি মনে করিবে?”

জোর করিয়া হাত ধরিয়া কর্তাকে পুনরায় ইজি চেয়ারে বসাইয়া এবং একজন দাসীকে তামাক আনাইবার আদেশ দিয়া গৃহিণী বলিলেন,—“তুমি সকল দিক

বিচার করিয়া কাজ করিও। তোমার মেয়ের যে বড় তেজ তাহা যে তুমি ভুলিয়া যাও।”

হেমলতা বলিলেন,—“আমার আবার কি তেজ? সে আমাকে যাহা খুসি বলিলেও বুঝি আমি কথা কহিব না?”

গৃহিণী বলিলেন,—“না। স্ত্রীলোকের চুপ করিয়া থাকাই ধর্ম।”

হেমলতা বলিলেন,—“তুমি যদি আমার মত বড় জমিদারের মেয়ে হইতে, তাহা হইলে সব বুঝিতে পারিতে। তুমি সামান্য লোকের মেয়ে—এ তেজের মর্যাদা তুমি বুঝিবে কিরূপে?”

কর্তা বলিলেন,—“ঠিক কথা।”

গৃহিণী অতি কাতরভাবে বলিলেন,—“তুমিও মেয়ের কথায় সায় দিলে? মেয়ে আমার পিতার কথা তুলিয়া গালি দিল—তুমিও তাহাতে যোগ দিলে? কি আর বলিব? আমার পোড়া কপাল!”

গৃহিণীর অঞ্চলবস্ত্র শীঘ্রই তাঁহার নয়নে উঠিতে চাহিল। তিনি পতনোন্মুখ অশ্রুধারা বস্ত্রঘর্ষণে অপসারিত করিলেন। কর্তাও যেন একটু লজ্জিত হইলেন। বলিলেন,—“কালি প্রাতেই যাহা হয় করিব।”

রাত্রিটা গোলমালে ভাবনাচিন্তায় কাটিয়া গেল। পরদিন প্রাতে কর্তা বাহিরে গিয়াই প্রথমে নরেশের সন্ধান করিলেন। নরেশ কোথায়ও নাই! অন্তরে নাই, বাহিরে নাই, বৈঠক খানায় নাই, বাগানে নাই। কোথায় তিনি! দ্বারবান জানে না, জমাদার জানে না, হেমলতা জানেন না গৃহিণী জানেন না। কোন বিপদ ঘটিল কি? না। অনেক সন্ধানের পর একজন প্রতিবাসী বলিল, সে শেষরাত্রিতে জামাইবাবুকে টেশনের দিকে ঘাইতে দেখিয়াছে। অতএব স্থির হইল, নরেশ-চন্দ্র এ সোণার পিঞ্জর হইতে পলায়ন করিয়াছেন।

রত্নেশ্বর বাবু অনেক চিন্তা করিলেন। যেমন করিয়া হউক এ পক্ষীকে পুনরায় ধরিতে হইবে। কলিকাতায় সন্ধান করাই আবশ্যিক। কলিকাতায় আরও কাজ আছে। সপরিবারে কলিকাতা গমনই ধাণ্ডা হইল।

রত্নেশ্বর বাবুর কলিকাতা গমনের ধুম পড়িয়া গেল। দাস-দাসী, সিপাহী বরকন্দাজ সকলেই জিনিষ গুছাইতে ব্যস্ত হইয়া পড়িল। হেমলতা ও লবঙ্গ বড় আনন্দে দ্রব্যাদি ট্রান্সজাত করিতে থাকিলেন। কর্তার অবশুপ্রয়োজনীয় দ্রব্যাদি গৃহিণী গুছাইয়া লইতে লাগিলেন। তারযোগে কলিকাতায় প্রকাণ্ড বাটী স্থির হইল।

নিয়মিত দিনে যথাসময়ে কলিকাতায় যাত্রা করা হইল। হেমলতার বড় আনন্দ। থিয়েটার দেখা হইবে; ঘোড়ার নাচে যাওয়া হইবে, চিড়িয়াখানাতে ও পদধূলি পড়িবে, বাজঘরও বাদ পড়িবে না। আর নরেশচন্দ্র—তাঁহার

সহিত সাক্ষাৎ হইবে হারানিধি হস্তগত হইবে, এ উল্লাসে  
তাহার প্রাণ উৎফুল্লময় কি? পোড়াকপাল! সে  
আপনিই পেটেরদায়ে আসিয়া পায় ধরিবে—আলাতন  
করিয়া মারিবে। তাহার তজ্জ্বল আবার ভাবনা!

ক্রমশঃ—

শ্রীদামোদর মুখোপাধ্যায়।

## বিলাপ।

সহিতে পারি না আর,  
ফাটে প্রাণ শতধায়  
দিবানিশি আঁখি-ধারে  
হৃদয় গলিয়া যায়।  
সে ক্ষুদ্র কুসুম মম,  
অফুটন্ত নিরুপম,  
অকালে তুলিয়া, কাল,  
সাধিলে কি প্রয়োজন?  
ভাসাইয়া নিলে তুমি  
না ফুটিতে পূর্ণদলে,  
না জানি রাখিলে কোথা  
তোমার অনন্ত তলে।  
আনিয়া দেখাও, সিদ্ধ,  
ক্রমে ক্রমে তার পরে,—  
স্নেহমাথা মুখগুলি  
দিয়াছি বা অকাতরে।  
বজ্রের উপরে বজ্র  
পড়িয়াছে নির্ঘোসিয়া,  
অকাতরে সহিয়াছি  
হৃদয় পাতিয়া দিয়া।  
অপ্সরী-কুম্বল-চ্যুত  
সে মন্দার অতুলন,  
কোথা আজি নিলে, সিদ্ধ,  
করি বীচি-বিক্ষেপণ।  
হে বিভো, করুণা করি  
স্থান দাও পদতলে,  
সহিতে পারি না আর  
এ জলন্ত চিতানলে।\*

শ্রী প্রমদাসুন্দরী দাসী।

## চিত্র সম্বন্ধে দুই একটা কথা।

বর্তমান সংখ্যায় গঙ্গার গ্রাম্য-স্নানঘাটের যে চিত্র  
সম্মিলিত হইয়াছে তাহা শ্রীযুক্ত বাবু যামিনীপ্রকাশ গাঙ্গুলীর  
অঙ্কিত ছবির ফটো হইতে গৃহীত। যামিনী বাবু এজন  
প্রতিভাবান্ চিত্র-শিল্পী। তাহার অঙ্কিত অনেকগুলি সুন্দর  
সুন্দর চিত্র দেখিয়া আমরা মোহিত হইয়াছি। ছাত্রের বিবে  
সে নয়নমনোহর দৃশ্যের সৌন্দর্য্য প্রদীপের গ্রাহকগণকে  
উপভোগ করাইবার শক্তি আমাদের নাই। সাধারণতঃ এই  
সকল চিত্রের ফটো গ্রহণ করিয়া তাহা হইতে ব্লক প্রস্তুত  
করিলে তবে আমরা মুদ্রিত করিতে পারি, কিন্তু কটোতে  
মূল-চিত্রের সৌন্দর্য্য যথাযথ প্রতিফলিত হয় না বলিয়াই  
আমরা এ কথা বলিতেছি।

যামিনী বাবু তাহার অঙ্কিত চিত্রের জগু শিমলা, দার-  
জিলিং, বোস্বাই, আহমদাবাদ প্রভৃতি স্থানের চিত্র-শিল্প  
প্রদর্শনীতে অনেক পুরস্কার ও সার্টিফিকেট প্রাপ্ত হইয়া  
ছেন, শিমলা ও দারজিলিংএ তাহার চিত্র অনেকবার প্রথম  
স্থান অধিকার করিয়াছে। স্থানাভাব বশতঃ আমরা তাহার  
বিস্তৃত বিবরণ দিতে পারিলাম না।

আমরা এস্থলে যামিনী বাবুর একখানি প্রতিকৃতি ও  
সেই সঙ্গে তিনি ষ্ট ডিওতে বেক্রপ ভাবে চিত্রাঙ্কন করিয়া  
থাকেন তাহার দুইটা দৃশ্য সহ একখানি ছবি গ্রাহকগণকে  
উপহার প্রদান করিলাম।

ইনি বড়বাজারের সুবিখ্যাত গাঙ্গুলী বংশসম্বৃত। ইহার  
পিতার নাম শ্রীযুক্ত বাবু জ্যোতিপ্রকাশ গাঙ্গুলী। যামিনী  
বাবুর পিতা স্বর্গীয় মহাত্মা দ্বারকানাথ ঠাকুরের পুত্র গিরীন্দ্র  
মোহন ঠাকুরের দৌহিত্র। যামিনী বাবু বাল্যকাল হইতেই  
চিত্র-শিল্পের বিশেষ অনুরাগী। সাত আট বৎসর অর্ন্ত  
হইল তাহাদের বাড়ীর পার্শ্বে বিলাতের সাউথকেম্‌স্ট্রিট  
কলাভবনের শিক্ষক মিঃপামার সাহেব আসিয়া বাস করেন।  
ইহার সহিত যামিনী বাবুর ঘটনাক্রমে পরিচয় হওয়ায়  
উক্ত সাহেবের শিষ্যত্ব গ্রহণ করিয়া যামিনী বাবু এত অল্পকালে  
মধ্যে ও এত অল্প বয়সে চিত্র-বিদ্যায় পারদর্শিতা লাভ করেন।  
উক্ত সাহেব বিলাত যাইয়াও পত্রাদি দ্বারা এখনও যামিনী  
বাবুকে উপদেশ প্রদান করিয়া থাকেন এবং নানা প্রকারে  
তাহার সহায়তা করেন। যামিনী বাবুর বয়স এখন সাড়ে  
২৮ বৎসর। ভগবান তাহাকে দীর্ঘজীবী করুন যেন দিন  
দিন দিন চিত্র বিজ্ঞার উৎকর্ষ সাধন করিয়া দেশের মুখ  
উজ্জ্বল করিতে সক্ষম হন।

বৃষ্টি ভাগ]

প্রদীপ।

[ ৪র্থ সংখ্যা।



শ্রীযুক্ত যামিনীপ্রকাশ গাঙ্গোপাধ্যায়।



৬ষ্ঠ ভাগ।

ভাদ্র, ১৩১০।

৫ম সংখ্যা।

## কাল।

অনাম বিশ্বব্রহ্মাণ্ডের প্রতি দৃষ্টিপাত করিয়া আমরা বিশ্বসাগরে নিমগ্ন হই। যে দিকে তাকাই সেই দিকেই দেখিতে পাই সমস্তই ক্ষণিক। সংসারে স্থাবর জন্মম যে কোন পদার্থ আছে তাহারা সকলেই ধ্বংসশীল ও ক্ষণভঙ্গুর। আমরা ইদানীং যে সকল বস্তু দেখিতে পাইতেছি সহস্র বৎসর পূর্বে ইহার অধিকাংশই ছিল না, আবার তখন যাহা বাহ্য বিদ্যমান ছিল এখন তাহার অনেক বস্তু বিলুপ্ত হইয়াছে। অধুনা যে সকল বস্তু আমাদের দৃষ্টিগোচর হইতেছে সহস্র বৎসর পরে তাহারা কোথায় থাকিবে এবং আমরাই বা কোথায় থাকিব? সংসারস্রোতে এমন কত কোটি কোটি বস্তু ভাসিয়া বাইতেছে তাহার কে ইয়ত্তা করিতে পারে? কত শত দেশ, কত শত নদী এবং কত শত পর্বত সংসারে কতিপয় বৎসরের

জগৎ অস্তিত্ব লাভ করিয়া কোথায় বিলীন হইয়া যায় তাহার ইতিবৃত্ত কে রক্ষা করিতে পারে? আমাদের ঞ্চায় কত কোটি কোটি ক্ষুদ্র জীব এই অনাদি সংসারে জন্মলাভ করিয়াছিল তাহারা এখন কোথায়? জগতের চিন্তাশীল ব্যক্তিগণ এই নিয়ত পরিভ্রমণশীল পরিবর্তন-স্বভাব ও ক্ষণভঙ্গুর সংসারের বিষয় অনুধ্যান করিয়া বিমুগ্ধ হইয়াছেন। আমরা এ স্থলে পাশ্চাত্য ভাবকগণের কথা বলিতেছি না। যে সকল মনীষী আমাদের স্বদেশে জন্মগ্রহণ করিয়া সংসার-প্রহেলিকা ভেদ করিবার প্রয়াস করিয়াছিলেন সেই সকল সংযতেন্দ্রিয়, ধ্যানপরায়ণ ও সনাত্বিনিষ্ঠ ঋষিগণই আমাদের লক্ষ্য। তাঁহাদের কেহ কেহ বলিয়াছেন জ্ঞান মিথ্যা, জ্ঞেয় মিথ্যা, জ্ঞাতাও মিথ্যা, সংসার অলীক ও জগৎ শূন্যতা মাত্র। তাঁহাদের মতে জগৎ একটা মহাস্বপ্ন। যাহারা এই স্বপ্ন দেখিতেছেন তাঁহারাও মিথ্যা, আর বাহ্য দেখিতেছেন তাহাও মিথ্যা। সংসার-রহস্যের ইহাই বোধ হয় সহজ ও প্রকৃত তত্ত্ব।

অপর কোন কোন মনীষী সিদ্ধান্ত করিয়াছেন ব্রহ্ম সত্য ও জগৎ মিথ্যা। ঘট, পট, মানুষ, বৃক্ষ, লতা ইত্যাদি সংসারে যাহা কিছু উপলব্ধ হইতেছে তাহা সমস্তই অলীক। সকল মিথ্যা বস্তুর মধ্যে একটা সংপদার্থ আছেন, তিনি ব্রহ্ম। তিনি অশব্দ, অস্পর্শ, অরূপ, অব্যয়, অরস, অগন্ধ, অনাদি, অনন্ত ও নিত্য। সেই ব্রহ্মবস্তুরই কেবল সং। অপর সমস্তই অসং। পরিদৃশ্যমান জগৎ সেই সর্ববস্তুর মায়ী মাত্র। ঘট, পট ইত্যাদি সমস্ত বস্তুই সেই ব্রহ্মের প্রকাশ মাত্র। আমিও তাঁহার প্রকাশ, বাহু জগৎও তাঁহারই প্রকাশ। তিনি আভ্যন্তর ও বাহু জগতে ওতপ্রোত ভাবে বিদ্যমান থাকিয়া ঘট, পট, আমি, তুমি ইত্যাদিরূপে প্রকাশমান হইতেছেন। এই ব্যক্ত জগৎ সেই ব্রহ্মেরই মায়ী। যে মুহূর্ত্তে আমি বুঝিব সেই ব্রহ্ম ও আমি একই পদার্থ সেই মুহূর্ত্তে মায়ীর ধ্বংস হইবে। সেই মুহূর্ত্তেই এই সংসার-প্রহেলিকা অবসান লাভ করিবে। আমি এত দিন যে সংসারকুহকে বিমুগ্ধ ছিলাম তাহা সেই মুহূর্ত্তে চরম ধ্বংস প্রাপ্ত হইবে। তখনই “আমি” ও “তুমি” অর্থাৎ আত্মা ও বাহু জগতের ভেদ অন্তর্দান করিবে। সংসার-রহস্তের এই দ্বিতীয় ব্যাখ্যা।

অপর এক শ্রেণীর ভাবুক আছেন তাঁহারা সংসারকেও মিথ্যা বলিতে চান না, আত্মাকেও অলীক বলেন না। তাঁহারা বলেন আত্মা বা আমি নিত্য বস্তু। রূপ, রস, গন্ধ, স্পর্শ ও শব্দের নিয়ত প্রকাশ ও অপ্রকাশ ঘটতেছে বটে, কিন্তু যিনি ঐ সমুদায়ের অনুভবিতা তিনি স্থির ও ধীর ভাবে সর্বদা বিদ্যমান আছেন। রূপের অপ্রকাশে উহার দ্রষ্টার অপ্রকাশ হয় না। শব্দ অন্তর্হিত হইলে শ্রোতার অন্তর্দান ঘটে না। অতএব বাহু বস্তুর বিয়োগে আত্মার বিধ্বংস ঘটে না। সকল পরিবর্তনের মধ্যে, সর্ববিধ অনিত্যতার মধ্যে, সকল প্রকার ক্ষণভঙ্গুরতার মধ্যে একটা বস্তু আছে যাহা অপরিবর্তনীয়, নিত্য ও স্থির থাকে। তাহাই আত্মা।

বাহু জগতে দুইটা দ্রব্য ভিন্ন আর সমস্তই পরিবর্তনশীল। যে দুইটা দ্রব্য অপরিবর্তনীয় উহাদের নাম আকাশ ও কাল। যখনই আমরা কিছু কল্পনা করি, দেখিতে পাই অসীম আকাশ আর অনন্ত কাল। আকাশেরও

অন্ত নাই, কালেরও অন্ত নাই। সকল বস্তুরই আশ্রয় কাল, সকলেই কালের আশ্রিত। কালের আদি বা অন্ত নাই। আমাদের অর্থাৎ আত্মারও আদি বা অন্ত নাই। কাল আত্মার নিত্য সহচর। ইহাদের উভয়েরই কোন নির্দিষ্ট লক্ষ্য আছে। কি জানি কোন শক্তির প্রভাবে আত্মা ও কাল উভয়েই নিয়ত অনন্তের অভিমুখে ধাবমান হইতেছেন। ইহারা উভয়েই অনন্তের পথিক। ইহাদের একের কার্য অপরে প্রত্যক্ষ করিতেছেন। চরম গন্তব্য স্থানে গমন করিয়া কাল আত্মার সম্বন্ধে কি সাক্ষ্য দিবেন কে বলিতে পারে?

কাল তোমার চরম লক্ষ্য কি যদি বুঝিতে পারিতাম তাহা হইলে আত্মার চরম লক্ষ্যও আমাদের জ্ঞানগোচর হইত। তুমি কোথা হইতে আসিয়াছ যদি জানিতাম তাহা হইলে আত্মার জন্মস্থানেরও কিছু পরিচয় পাইতাম। অহো ক্ষুদ্রবুদ্ধি মানব তোমাকে বা আত্মাকে কাহাকেও সুন্দররূপে চিনিতে পারে নাই। দার্শনিকগণ বৃথা তর্ক করিয়াছেন কালের আশ্রয় আত্মা কি আত্মার আশ্রয় কাল। মহর্ষি কপিল বলিয়াছেন কাল আত্মার আশ্রিত। পুরুষ অর্থাৎ আত্মার সহ প্রকৃতি অর্থাৎ বাহু জগতের সম্বন্ধ ঘটিলে যে নানাবিধ জ্ঞান উৎপন্ন হয় কালজ্ঞান তাহাদের অন্ততম। তাঁহার মতে কাল জ্ঞানেরই আকারবিশেষ। এই কালজ্ঞানের সহ অগ্রাগ্র জ্ঞান বিজড়িত। অতীত কাল বিষয়ক জ্ঞানের নাম স্মরণ, বর্তমান কাল বিষয়ক জ্ঞানের নাম প্রত্যক্ষ ও ভবিষ্যৎ কাল সম্বন্ধীয় জ্ঞানের নাম প্রত্যাশা। কপিল বলেন পুরুষ অর্থাৎ আত্মা যখন মুক্তিলাভ করেন তখন এই কালজ্ঞানের ধ্বংস হয়। সংসার দশায় আত্মা কালের সহ বিজড়িত থাকেন বটে কিন্তু মুক্তাবস্থায় তিনি উহার অতীত হইয়া পড়েন। সাংখ্য দর্শনে কাল এইরূপে আত্মার অধীন ভাবে বর্ণিত হইয়াছেন।

নৈয়ায়িক ও বৈশেষিকগণ কিন্তু আত্মাকে কালের অধীন করিয়াছেন। তাঁহারা বলেন কাল একটা স্বতন্ত্র নিত্য দ্রব্য। ইনি বিদ্যুৎ, জল পদার্থের জনক ও জগতের আশ্রয়। কাল কার্য ও কারণভেদে দ্বিবিধ। কার্যরূপী কাল অনিত্য, সোপাধিক ও সাকার কিন্তু কারণরূপী কাল নিত্য নিরূপাধি ও মিরাকার। এই কারণ

রূপী কালই বার্থ কাল, ইহাই পরম মহান বা বিদ্যুৎ। ইনিই বিশ্বকে ব্যাপ্ত করিয়া অবস্থিত আছেন। আত্মার বন্ধন দশাই হটক আর মুক্তির অবস্থাই হটক কাল সর্পাবস্থায় অবিকৃত থাকেন। আত্মা যখন পরম নির্ধারণ লাভ করেন তখন তাঁহার সংসারের উচ্ছেদ হয় বটে কিন্তু কালের উচ্ছেদ হয় না। বস্তুতঃ ত্রায় বৈশেষিক মতে কাল একটা নিত্য দ্রব্য, অথ দ্রব্যের ধ্বংসে কালের ধ্বংস হয় না।

যোগাচার সম্প্রদায়ের বৌদ্ধগণ কালকে সম্পূর্ণ ভিন্ন চক্ষে দেখিয়াছেন। তাঁহারা এই সংসাররহস্তের যে ব্যাখ্যা প্রদান করিয়াছেন তাহাও সম্পূর্ণ নূতন। তাঁহাদের মতে জড় ও চৈতন্যের মধ্যে কোন বিশেষ ভেদ নাই। স্পর্শ-জ্ঞান সমবেত চৈতন্যই জড়। বাহু জগৎ আমাদের জ্ঞানেরই আকারবিশেষ। যদি আমাদের জ্ঞান থাকে তাহা হইলেই বাহু জগতের অস্তিত্ব অনুভব করিতে পারি আর যদি আমাদের জ্ঞান না থাকে তাহা হইলে বাহু জগতের অস্তিত্ব অনুভূত হয় না, অতএব জ্ঞানই বাহু জগতের কারণ। জ্ঞান ও বাহু জগৎ একই পদার্থ। সংসারে যাহা কিছু বিদ্যমান আছে সমস্তই জ্ঞানের আকারবিশেষ। বিশ্বসংসার আর কিছুই নহে, উহা কেবল সাকার জ্ঞান। জ্ঞানের একটা আকারের নাম কাল। আমাদের সমস্ত জ্ঞানই এই কালের আকারে আকারিত। আমরা যাহা কিছু প্রত্যক্ষ করি, স্মরণ করি বা প্রত্যাশা করি সে সমস্তই কালের দ্বারা পরিচ্ছিন্ন। কালিক সম্বন্ধ ছাড়িয়া দিলে দৃষ্ট হইবে সংসারে নূতনতর কিছুই জন্মিতেছে না। সংসারের পদার্থসমূহ সুসাজিত হইয়াই রহিয়াছে। উহারা কালরূপ আবরণে আচ্ছাদিত আছে বলিয়া আমরা অতীত ও অনাগত পদার্থসমূহ দেখিতে পাইতেছি না। যদি কালরূপ আচরণ না থাকিত তাহা হইলে বর্তমান পদার্থসমূহকে গুরুপ সুস্পষ্ট ভাবে দেখিতেছি, অতীত ও অনাগত পদার্থসমূহকে সেইরূপ সুস্পষ্টভাবে প্রত্যক্ষ করিতে পারিতাম। আমরা এক্ষণে বীজ, অঙ্কুর ও বৃক্ষকে যুগপৎ দেখিতে পাইতেছি না; যাহা আজ বীজরূপে বিদ্যমান আছে, কিছু কাল অতীত না হইলে তাহা অঙ্কুররূপে পরিণত হইবে না, আবার আরও কিছুকাল অতিবাহিত

না হইলে উহা বৃক্ষরূপ ধারণ করিবে না। যদি কালিক পরিচ্ছেদ না থাকিত তাহা হইলে বীজ অঙ্কুর ও বৃক্ষ একত্র দৃষ্ট হইত। বীজ, অঙ্কুর ও বৃক্ষ একত্রই বিদ্যমান ছিল, কাল আসিয়া উহাদের মধ্যে ব্যবধান ঘটাইয়াছে। সহস্র বৎসর পরে পৃথিবীর যে অবস্থা ঘটিবে প্রকৃত প্রস্তাবে তাহা পূর্বেই ঘটয়া আছে, কালরূপ মহাসাগর আমাদের সম্মুখে প্রবাহিত হইতেছে বলিয়া উহা আমরা দেখিতে পাইতেছি না। সংসার কি? না ইহা জ্ঞানের প্রবাহ। এক প্রবাহের পর আর এক প্রবাহ, তদনন্তর আর এক প্রবাহ এইরূপ ক্রমে ক্রমে অনন্ত প্রবাহ আসিয়া আমাদের কাছে নানা বৈচিত্র্য দেখাইতেছে। যদি কাল না থাকিত তাহা হইলে এই অনন্ত প্রবাহ আমাদের নিকট যুগপৎ উপস্থিত হইত। কালের সত্তা বশতই প্রবাহ সমূহের মধ্যে পৌর্কপার্ধ্য ঘটতেছে। কাল স্বয়ংও একটা জ্ঞানপ্রবাহ মাত্র। ইহার বিশেষত্ব এই যে ইহা অপর জ্ঞানপ্রবাহসমূহের মধ্যে পরস্পর পৃথকত্ব সম্পাদন করিয়া দেয়। এই পৃথক প্রকাশমান জ্ঞানপ্রবাহ সমূহকেই যোগাচার সম্প্রদায়ের বৌদ্ধগণ ক্ষণিক বিজ্ঞান নাম প্রদান করিয়াছেন। নির্ধারণ অবস্থায় এই ক্ষণিক বিজ্ঞানসমূহ আমাদের সমক্ষে যুগপৎ উপস্থিত হইবে অর্থাৎ তখন ক্ষণিকত্ব, নিত্যত্ব, বর্তমানত্ব, অতীত ইত্যাদি জ্ঞানের ভেদ দূরীভূত হইবে। সেই ভেদরহিত, নিরাকার, পূর্ণ ও অনন্ত জ্ঞানই নির্ধারণ। দার্শনিকগণ কালের সম্বন্ধে এইরূপ নানা বিতর্ক উত্থাপিত করিয়াছেন। ঐ সমুদায়ের সম্যক আলোচনা এহলে সম্ভবপর নহে। বৈদিক ও পৌরাণিক ঋষিগণও কালতত্ত্ব নিরূপণের নিমিত্ত গভীর চিন্তায় নিমগ্ন হইয়াছিলেন। তাঁহারাও কালের আত্মস্ত নিরীক্ষণ করিতে অসমর্থ হইয়া উহার সম্বন্ধে নানা সিদ্ধান্ত প্রকাশ করিয়াছেন।

অথর্ক বেদে লিখিত আছে কাল স্বীয় উদর হইতে অনন্ত জগতের সৃষ্টি সাধন করিয়া স্বয়ংই উহাদিগকে বেষ্টিত করিয়া অবস্থিত আছেন। তিনি প্রসবিতা হইয়াও উহাদের প্রসূত সন্তান। তিনিই বিশ্বের নিয়ন্তা, তাঁহার নিয়ামক কেহ নাই। অথর্ক বেদে আরও লিখিত আছে:— কালো অশ্ব বহতি সপ্তরশ্মিঃ সহস্রাক্ষো অজরো ভূরিরৈতাঃ। তমারোহন্তি কবয়ো বিপশ্চিতস্তশ্চ চক্রা ভুবনানি বিশ্বা ॥১॥

কালো ভূমিসৃজত কালে তপতি সূর্য্য ।

কালে হ বিশ্বা ভূতানি কালে চক্ষুর্বিপশ্বতি ॥৬॥

কালে মনঃ কালে প্রাণঃ কালে নাম সমাহিতম্ ।

কালেন সর্বা নন্দন্ত্যাগতেন প্রজা ইমাঃ ॥৭॥

( অথর্ব সংহিতা, ১২ কাণ্ড, ৬৩ সূক্ত ) ॥

কাল ব্রহ্মাণ্ডরূপ শকটের অশ্ব বহন করেন, ইনি সপ্ত-  
রশ্মি, সহস্রলোচন, অজর ও বহুলবীৰ্য্যাবিশিষ্ট । কবি-  
গণ ও স্মৃধীগণ এই কালশকটেই আরোহণ করিয়া বেড়াই-  
তেছেন । বিশ্বব্রহ্মাণ্ড এই শকটের চক্র । কাল ভূমি  
সৃষ্টি করিয়াছেন, কালে সূর্য্য তাপ প্রদান করিতেছেন,  
প্রাণিগণ কালে অবস্থিত আছে । কালে চক্ষুর দর্শনক্রিয়া  
নিপন্ন হইতেছে । কালেই মন, প্রাণ ও নাম সমাহিত আছে ।  
কালের আগমনেই প্রজাগণ আনন্দ অনুভব করিতেছে ।

বিষ্ণু পুরাণে লিখিত আছে—

পরশু ব্রহ্মণো রূপং পুরুষঃ প্রথমং দ্বিজ ।

ব্যক্তাব্যক্তে তথৈবান্যে রূপে কালস্তথা পরম্ ॥

(১-২-১৪) ॥

হে দ্বিজ পরব্রহ্মের প্রথম রূপ আত্মা, ব্যক্ত ও অব্যক্ত  
জগৎ ইহার দ্বিতীয় রূপ, এবং কাল ইহার তৃতীয় রূপ ।  
মহর্ষি হারীত লিখিয়াছেনঃ—

কালস্ত ত্রিবিধো জ্যেয়োহতীতোহনাগত এব চ ।

বর্তমানস্তু তীয়স্ত বক্ষ্যামি শৃণু লক্ষণম্ ॥

কালঃ কলয়তে লোকং কালঃ কলয়তে জগৎ ।

কালঃ কলয়তে বিশ্বং তেন কালোহভিধীয়তে ॥

কালশ্র বশগাঃ সর্বে দেবর্ষিসিদ্ধ কিন্নরাঃ ।

কালো হি ভগবান্ দেবঃ স সাক্ষাৎ পরমেশ্বরঃ ॥

সর্গপালনসংহর্তা স কালঃ সর্বতঃ সমঃ ।

কালেন কল্যাতে বিশ্বং তেন কালোহভিধীয়তে ॥

কালঃ সৃজতি ভূতানি কালঃ সংহরতে প্রজাঃ ।

কালঃ স্বপিত্তি জাগতি কালো হি ছরতিক্রমঃ ॥

কালে দেবা বিনশ্বন্তি কালে চাসুর পন্নগাঃ ।

নরেন্দ্রাঃ সর্ষজীবাশ্চ কালে সর্ষৎ বিনশ্বতি ॥

( তিথিতত্ত্বতম্ । ১ম প্রশ্নান, ৪ অঃ ) ॥

কাল ত্রিবিধ—যথা ভূত, ভবিষ্যৎ ও বর্তমান । ইহার  
লক্ষণ বলিতেছি । কাল লোককে সংহার করে । কাল  
জগৎকে সংহার করে ও কাল বিশ্বকে সংহার করে ; এই

হেতু কালকে কাল বলে । দেব, ঋষি, কিন্নর সকলেই  
কালের বশীভূত, কালই ভগবান্ দেব, কালই সাক্ষাৎ  
পরমেশ্বর । কালই সৃষ্টি স্থিতি ও সংহারের কর্তা । সর্ষ  
পদার্থে কালের সমভাব । কালকর্তৃক বিশ্ব সৃষ্ট হইয়াছে,  
এই হেতুও কালকে কাল বলে । কাল প্রাণিসমূহকে  
সৃষ্টি করিয়াছে । কাল প্রজাগণকে সংহার করিতেছে,  
কাল কখনও নিদ্রিত এবং কখনও জাগরিত থাকে ।  
কেহই কালকে অতিক্রম করিতে সমর্থ হয় না । কালে  
দেবগণ বিনাশ প্রাপ্ত হন, কালে অসুর ও পন্নগগণ ক্ষয়  
লাভ করে, নরেন্দ্র ও অশ্বাশ্রু জীব কালেই লয় প্রাপ্ত  
হয় । ঋষিগণ এইরূপ নানাভাবে কালের স্বরূপ বর্ণন  
করিবার চেষ্টা করিয়াছেন । কিন্তু কাল অচিন্ত্য ও  
অনির্কচনীয় পদার্থ । তাঁহার স্বরূপ চিন্তা করা বা বর্ণন  
করা মানুষের সাধ্য নহে । যখন মন ও বাক্য কোন ছুর-  
গাহ গম্ভীর পদার্থে প্রবেশ করিতে অসমর্থ হয় তখন  
আমরা ত্রৈ পদার্থের মূর্তি কল্পনা করিয়া থাকি । মন বাহা  
ভাবিতে সক্ষম হয় নাই, বাক্য বাহা প্রকাশ করিতে পারে  
নাই, চক্ষুঃ তাহাকে দর্শন করিবার অশ্রু ব্যগ্র হয় । এই  
চাক্ষুষ ব্যগ্রতা বশতই আমরা উহার মূর্তি প্রতিষ্ঠা করি ।  
মন ও বাক্য দ্বারা কালের স্বরূপ অনুভব করিতে অসমর্থ  
হইয়াই বোধ হয় প্রাচীনগণ কালকে কখনও রুদ্র, কখনও  
শিব, কখনও মহাকালী, কখনও মহারৌদ্রী, কখনও  
বাসুকি এবং কখনও যমরূপে কল্পনা করিয়াছেন । হিন্দু  
শাস্ত্রে যে রুদ্রের বর্ণনা আছে তিনি কাল ভিন্ন আর কেহ  
নহেন । তিথিতত্ত্বাদি গ্রন্থে লিখিত আছেঃ—

অনাদিনিধনঃ কালো রুদ্রঃ সক্ষর্যণঃ স্মৃতঃ ।

কলনাৎ সর্ষভূতানাৎ স কালঃ পরিকীর্তিতঃ ॥

অনাदि निधन काले रूद्र । তিনিই সক্ষর্যণ । সর্ষ  
প্রাণীর সংহার সাধন করিয়া কালই রুদ্র নামে পরিকীর্তিত  
হইয়া থাকেন । বস্তুতঃ কালের ঘোর ভয়ঙ্কর রূপের নাম  
রুদ্র । ইনি ঝড়, বাতাস, ঝঞ্জাবাত, বিদ্যুৎ, অগ্নি ইত্যাদি  
দির অধীশ্বর ।

কালেরই অশ্রু নাম মহাকাল বা শিব । ইনি বিষ্ণু  
ব্রহ্মাণ্ডের লিঙ্গ বা বীজরূপে বিদ্যমান । ইহার কোন  
আকার নাই । অথচ নিখিল জগৎ ইহা হইতে উৎপন্ন  
হইয়াছে । এই হেতু প্রাচীনেরা ইহাকে বিশ্ব সংহার

লিঙ্গ বা উৎপাদক বীজরূপে কল্পনা করিয়াছেন । মহা-  
কালের শক্তিই সর্ষ সংহারিণী মহাকালী । তাঁহারও  
কোন রূপ নাই । তিনিও বর্ণহীন । জীবজগতের ক্রমিক  
ক্ষয় সাধন করিয়াও অসংখ্য নরমুণ্ডমালা ধারণ করিয়া  
তিনি মহারৌদ্রী নামে পরিচিতা । বস্তুতঃ রুদ্র, মহাকাল,  
শিব, মহাকালী ও মহারৌদ্রী ইহারা সকলেই অখণ্ডদণ্ডায়-  
মান অনাদিনিধন কালেরই নামান্তর মাত্র ।

এই কালই আবার অনন্ত নাগ বা বাসুকির রূপ  
ধারণ করিয়া ত্রিভুবন স্কন্ধে করিয়া দণ্ডায়মান আছেন ।  
ইহার অনন্ত মুখ ও অনন্ত ফণা । ইহার ফণার আদি নাই,  
অন্ত নাই ও মধ্য নাই । সর্ষলোকনাথ বিষ্ণু এই অনন্তরূপ  
শয্যায় শয়ন করিয়া আছেন ।

এই কালই আবার পাপ ও পুণ্যের ও বিচারের নিমিত্ত  
যম নাম ধারণ করিয়াছেন । ইনি ধর্ম্মরাজ ও মহিষবাহন ।  
ব্রহ্মবৈবর্ত পুরাণে যমরূপী কালের স্বরূপ এইরূপ বর্ণিত  
আছেঃ—

বিভক্তি দণ্ডং দণ্ডায় পাপিনাং শুদ্ধিহেতবে ।

নমামি তং দণ্ডধরং যঃ শাস্ত্রা সর্ষদেহিনাম্ ॥

বিধং চ কলয়ত্যেব যঃ সর্ষায়ুশ্চ সন্ততম্ ।

অতীব তুর্নিবার্য্যঞ্চ তং কালং প্রশ্নমাম্যহম্ ॥

( প্রকৃতি খণ্ড, ২৬ অঃ ) ।

যিনি দণ্ড দ্বারা পাপীগণকে বিশুদ্ধ করিবার অভিপ্রায়ে  
দণ্ড ধারণ করেন, সেই দণ্ডধর ও সর্ষজীবের শাসনকর্তা  
কালকে নমস্কার করি । যিনি বিশ্বকে সংহার করেন,  
ও যিনি সর্ষদা সর্ষজীবের আয়ুঃক্ষয় করেন সেই অতীব  
অদনা কালকে প্রশ্নাম করি ।

জ্যোতিষিগণ কালকে দুই শ্রেণীতে বিভক্ত করিয়াছেন,  
যথা—জ্যেয় ও অজ্যেয় । অজ্যেয় কাল আর পরমেশ্বর  
ইহারা একই পদার্থ । জ্যেয় কাল দুই প্রকার ; যথা—  
স্থূল ও স্থক্ষ । স্থূল কালের অপর নাম মূর্তকাল এবং  
স্থক্ষকালের অশ্রু নাম অমূর্তকাল । স্থূল বা মূর্তকাল অনুপল  
বিপল, পল, দণ্ড, দিন, মাস, বৎসর, যুগ, মন্বন্তর, কল্প  
ইত্যাদি নানা শ্রেণীতে বিভক্ত । কাল স্বয়ং অদৃশ্য  
হইলেও তাঁহার মূর্তি আছে । সূর্য্য চন্দ্রাদি গ্রহ নক্ষত্রাদিই  
তাঁহার মূর্তি । কাল কখনও প্রশ্ন মূর্তি ধারণ করেন,  
কখনও তিনি অপ্রসন্ন হন । কালের শুভাশুভ নির্ণয়

করিবার অভিপ্রায়ে জ্যোতিষিগণ গ্রহ নক্ষত্রাদির শুভ,  
অশুভ ইত্যাদি সংজ্ঞা প্রদান করিয়াছেন ।

অনেকে হিন্দু জাতিকে কালজ্ঞানবিহীন বলিয়া  
দোষারোপ করিয়াছেন । কোন্ ঘটনা কোন্ সময়ে  
ঘটিয়াছিল, কোন্ রাজা কোন্ সময়ে রাজত্ব করিয়া-  
ছিলেন, কোন্ গ্রহ কোন্ সময়ে লিখিত হইয়াছিল  
ইত্যাদি কিছুই তাঁহারা লিপিবদ্ধ করেন নাই । ঐতি-  
হাসিকের পক্ষে ইহা এক ঘোর অসুবিধা । কিন্তু  
ভাবিয়া দেখিলে দৃষ্ট হইবে হিন্দুগণ প্রকৃত প্রস্তাবে  
কালজ্ঞান বিহীন ছিলেন না । তাঁহারা এই অনাদি  
কালের কোন্ অংশটিকে আদি বলিয়া ধরিতেন কিছুই  
নির্ধারণ করিতে না পারিয়া নিশ্চয় ছিলেন । সংসারে  
এমন কোন্ ঘটনা আছে যাহাকে আদিমতম বলিয়া  
ধরিতে পারা যায় । তাঁহারা জগতের ঘটনামালা পরীক্ষা  
করিয়া দেখিলেন সমস্তই চঞ্চল, কোনটাই স্থির নহে ।  
সমস্ত ঘটনাই যখন চলিয়া যাইতেছে তখন কোনটিকে  
নির্দিষ্ট করিয়া ধরিতেন ভাবিয়া নিশ্চিত করিতে পারেন  
নাই । তথাপি তাঁহারা সূর্য্য চন্দ্রাদি গ্রহকে অপেক্ষাকৃত  
স্থির মনে করিয়া উহাদের পরিভ্রমণ কালকেই অশ্রু  
ঘটনার কথঞ্চিৎ পরিমাপক বলিয়া বিবেচনা করিয়া-  
ছিলেন । এই ক্ষুদ্র পৃথিবী সৃষ্ট হওয়ার পর সূর্য্য  
নভোমণ্ডলে কতবার পরিভ্রমণ করিয়াছেন, চন্দ্রাদি  
গ্রহ ও উপগ্রহগণ শূণ্যমার্গে কতবার বিচরণ করিয়াছেন  
ইত্যাদি গণনা করিয়া তাঁহারা সত্য, ত্রেতা, দ্বাপর ও  
কলি ইত্যাদি যুগ কাল নির্ণয় করিয়াছেন । বর্তমান  
যুগ আরম্ভ হইবার কত বৎসর পূর্বে বা পরে কোন্ ঘটনা  
ঘটিয়াছে ইত্যাদি লিপিবদ্ধ করিয়া তাঁহারা স্বীয় কালজ্ঞানের  
কতক পরিচয় প্রদান করিয়াছেন । জগতের অশ্রু জাতিও  
সূর্য্য, চন্দ্র বা নক্ষত্রাদির উদয় ও অস্ত দ্বারা কালের  
পরিমাণ নির্ধারণ করিবার প্রয়াস করিয়াছেন । ইহারই  
ফলে সৌরমাস চান্দ্রমাস নাক্সত্রমাস ইত্যাদির উৎপত্তি  
হইয়াছে । কিন্তু এই সমস্ত পরিমাণ অতি অকিঞ্চিৎকর ।  
অসীম অপরিমেয় ও অনির্কচনীয় কাল যথার্থতঃ কোন  
পরিমাণ দ্বারাই পরিমিত হইবার নহে ।

আনি এখানে হিন্দুশাস্ত্রাবহারী কালতত্ত্বের সংক্ষিপ্ত  
বৃত্তান্ত বর্ণন করিলাম । কিন্তু যথার্থতঃ কালের স্বরূপ

নির্ণয় করা মানবের অসাধ্য। পূর্বেই বলিয়াছি প্রাচীন হিন্দু দার্শনিকগণের একটি প্রধান তর্কের বিষয় ছিল “কাল আত্মার অধীন কি আত্মা কালের অধীন।” দার্শনিকেরা এ প্রশ্নের যে মীমাংসাই করুন না কেন জগতের উত্তমশীল জাতিসমূহ সর্বদা কালের উপর স্বীয় প্রভাব প্রকাশ করিবার জন্ত যত্ন করিয়াছেন। যাহারা অলস এবং যাহাদের উৎসাহ নাই ও অধ্যবসায় নাই তাহারা কেবল কালস্রোতে ভাসিয়া যাইতেছে। কিন্তু যাহারা পরিশ্রমী অধ্যবসায়সম্পন্ন ও বুদ্ধিমান তাহারা অনন্ত কাল মধ্যে স্বীয় উজ্জ্বল চিহ্ন রাখিয়া যাইতেছেন। কাল-সিকতা হইতে এই চিহ্ন সমূহ কোনক্রমেই অপনীত হইবে না \* ।

শ্রীসতীশচন্দ্র বিদ্যাবূষণ ।

## তন্ময় ।

ওগো,—আমার আঁখিতে মুছিয়া গিয়াছে,  
জগতের যত দৃশ্য ;  
সুধু—তোমারে করেছি হৃদয়ের রাণী—  
আমি তব দীন শিষ্য !  
আমি—তোমার ধ্যানে রহিয়াছি যেন  
দিবস রজনী মগ্ন ;  
তাই—জগতের ডাকে হইতে চাহে না  
এ মহা সাধনা ভগ্ন !  
এই—পিপাসিত আঁখি তোমারি পানেতে  
চাহিয়া র'য়েছে নিত্য !  
চির—জনমের তরে তোমারি চরণে  
চালিয়া দিয়াছি চিত্ত !  
ওগো—তোমার হৃদয় হেরিয়াছি আমি,  
দেবতা হইতে উচ্চ ;  
তাই—তব মনে তুলনা করিতে,  
এ জগৎ অতি তুচ্ছ !  
যেন—জগতের যত রবি শশী তারা  
হইয়া গিয়াছে লুপ্ত !

আর—মানব মানবী পশু পাখী সব  
কি মহা কুহকে সুপ্ত !  
তুমি—সে মহা নিশিথ তীব্র আঁধার  
করিয়া দিয়াছ দীর্ঘ,  
সুধু—তোমারি আলোকে এ বিশ্ব জগৎ  
আজিকে আলোকাকীর্ণ !  
তাই—তোমার পানেতে চাহিয়া চাহিয়া,  
হয়েছি পলকশূন্য !  
সদা—তোমারি নয়নে চয়ন করিব,  
জগতের যত পুণ্য !  
শ্রীহরিপ্রসন্ন দাসগুপ্ত ।

## বাঙ্গলা ব্যাকরণ সম্বন্ধে কতকগুলি কথা ।

বাঙ্গলা ব্যাকরণ সম্বন্ধে সংপ্রতি নানা জন, নানা মত প্রকাশ করিতেছেন। কেহ কেহ উহাকে সংস্কৃত ব্যাকরণের রীত্যনুযায়ী করিতে চান। বাঙ্গলা যে একটি স্বতন্ত্র ভাষা এবং উহার যে পৃথক ধরণের ব্যাকরণ হওয়া উচিত, তাহারা ইহা স্বীকার করেন না। তাহারা “দিবাতে” পদ দেখিলে বিরক্ত হন। দিবা শব্দটি সংস্কৃত ভাষায় অব্যয়, তাহারা বাঙ্গলাতেও উহাকে অব্যয় করিতে চান, দিবাতে না লিখিয়া দিবাভাগে লিখেন। পুরাতন পর্যায়ের বঙ্গদর্শনের খণ্ডবিশেষে ব্যাভ্রাচার্য্য বৃহল্লাঙ্গুল নামক প্রস্তাবে ব্যাকরণের নিত্য অন্তর্গামীদিগকে বিজ্ঞপ করা হইয়াছে। বর্তমান সময়ে বিজ্ঞপের মাত্রা বাড়িয়া চলিতেছে। সেরূপ হওয়া বাঞ্ছনীয় নয়। অল্প দিন হইল একটি মাতাল কেরাণী বঙ্গ-ভাষাকে গালি দিয়া বলিয়াছিল যে, তিনটা শ, ছটা য, ছটা ইকার, ছটা উকার আমাদের বালকদের সঙ্গী কহিতেছে। কেরাণীবাবুর বিশ্বাস, ইংরেজী ভাষার বানানে কোন দোষ নাই। আর একদল লোক আছে, তাহারা একটু দীর্ঘ সমস্তপদ দেখিলেই চমকিয়া উঠেন, নিত্য ইতর গ্রাম্যশব্দ বসাইয়া রচনা করিতে ভাল

বাসেন। “অপত্যনির্বিশেষে প্রজা পালন করিতে লাগিলেন” এই বাক্যকে সংস্কৃত ভাষার বাক্য বলিয়া বসেন। মনে করেন, উহা দেশের লোকে মোটেই বুঝে না। বাঙ্গলা ব্যাকরণ, সংস্কৃত ও ইংরেজী উভয় ব্যাকরণের অনুযায়ী হইলে যে কি দোষ হয়, তাহা ত বুঝিতে পারা যায় না।

কোন একখানা বাঙ্গলা ব্যাকরণ অবলম্বন করিয়া আমরা ছুচার কথা বলিতেছি।

অন্তঃস্থ, উদ্ভ, অবোগবাহ ও স্পর্শবর্ণের লক্ষণ ব্যাকরণ হইতে পরিবর্জন করা বিধেয়। বর্ণের উচ্চারণ স্থান প্রকরণটি পরিত্যজ্য। তবে ড, ঢ ও য কোথায় ড, ঢ ও য এর স্থায় উচ্চারিত হইয়া থাকে, তাহা নির্দেশ করা উচিত। বাঙ্গলা ভাষায় যে কয়েকটি বর্ণ আছে, তাহাতে সমস্ত বর্ণ লিখিতে পারা যায় না, তাহার জন্ত নূতন বর্ণের আবশ্যক। যে সকল বর্ণ আছে, তাহাতে চিহ্নবিশেষ সংযোগ করিলে প্রয়োজন সিদ্ধি হইতে পারে। অক্ষয়কুমার দত্ত প্রণীত ভারত-বর্ষীয় উপাসকসম্প্রদায় নামক পুস্তকের প্রথমে বিদেশীয় শব্দ লেখনের জন্ত এই প্রণালী অবলম্বিত হইয়াছে।

সন্ধি প্রকরণে অনেক অনাবশ্যক কথা আছে। পিতৃণ, বৃহচ্চক্র, বিদ্বাংলৈথক, তড্চক্কা, জগদনাথ প্রভৃতি পদ প্রাচীন কি নবীন কোন বাঙ্গলা গ্রন্থে দেখিয়াছি বলিয়া মনে হয় না। বাঙ্গলায় বিশেষতঃ ভিন্ন বিশেষতঃ পদ দেখি নাই। নিপাতনসিক্ত পদগুলি বালপাঠ্য ব্যাকরণে না থাকাই ভাল। প্রায়শ্চিত্ত, সীমন্ত, কুলটা প্রভৃতির ব্যুৎপত্তি শিখাইতে চেষ্টা করিলে বালক পীড়ন হইবে মাত্র। লুপ্ত অকারের চিহ্নটী বাঙ্গলা হইতে বোধ হয় উঠিয়া গিয়াছে। সন্ধির কতকগুলি উদাহরণ সমস্ত ব্যাকরণেই একরূপ, নূতন নূতন উদাহরণ বসাইলে মন্দ হয় না। যেখানে সন্ধি না করিলে চলে, সেখানে সন্ধি করা কর্তব্য নয়। এমন কতকগুলি শব্দ আছে যাহারা সংহিত অবস্থাতেই সর্বদা ব্যবহৃত হইয়া থাকে, উহাদিগকে রূঢ় শব্দের স্থায় বিবেচনা করা যাইতে পারে।

গত বিধানে দুটি তিনটি সূত্র রাখিলেই চলিতে পারে। আশ্রবন লিখিতে বাঙ্গলায় “ণ” ব্যবহৃত হয় না। গত ও গত্ব বিধানে কোন্ কোন্ উপসর্গের পর কোন্ কোন্

ধাতুর ন ও স, ণ ও য হইবে, তাহা শিখাইতে গেলে বালকদিগকে কষ্টে ফেলান হয়।

বাক্যের অন্তর্গত এক একটা অর্থবোধক বর্ণকে পদ বলে। সূত্রটি মন্দ কি? পদের এই লক্ষণ স্বীকার করিলে পদকে বিশেষ্য, বিশেষণ, অব্যয়, ক্রিয়া, সর্কনাম এই পাঁচ ভাগে বিভক্ত করা যাইতে পারে। আপত্তি হইতে পারে, অব্যয় শব্দটি বিশেষ্য ও বিশেষণ উভয়েরই অন্তর্গত হইতে পারে, হইলই বা। উহার যখন স্বতন্ত্র ধর্ম রহিয়াছে তখন উহাকে এক জাতীয় শব্দ মনে করা যাইতে পারে। সংস্কৃত ব্যাকরণে সুপ্তিভুক্ত শব্দকে পদ বলে, তদনুসারে পদনমুদার ভাগদ্বয়ে বিভক্ত হয়, বাঙ্গলা ব্যাকরণে একরূপ বিভাগ হয় না। যাহা হউক, এ বিষয়ে কোন যোগ্যতর ব্যক্তি ধীরভাবে আলোচনা করিলে, সুখী হইব।

শব্দ-বিভক্তির একটি তালিকা করা উচিত, উহা-দিগকে প্রথম, দ্বিতীয়া, তৃতীয়া আদি বিভাগে বিভক্ত করার প্রয়োজন নাই। কারণ একটি বিভক্তি অনেক কারকেই হয়। তৎপুরুষ সমাস বলিলেই চলিতে পারে, তৎপুরুষ, তৃতীয়া তৎপুরুষ প্রভৃতি নাম না করিলেও চলিতে পারে, নিত্যন্ত আবশ্যক হয়, কর্ম্মতৎপুরুষ, করণ-তৎপুরুষ নাম করিতে পারা যায়। স্বর্গীয় কালীপ্রসন্ন বিদ্যারত্নের ব্যাকরণে এইরূপ নামকরণ হইয়াছিল। অব্যয় প্রকরণ, সুবিবেচনার সহ লিখিত হওয়া উচিত। যাহা সংস্কৃত ভাষায় অব্যয়, তাহা যে বাঙ্গলা ভাষায় অব্যয় হয়, তাহা নহে। প্রাতর্ শব্দটি সংস্কৃত ভাষায় অব্যয়, বাঙ্গলায় প্রাতে গিয়াছিলাম, ব্যবহৃত হয়। বাঙ্গলায় বলিহারি যাই, বলিয়া, কারণ, হাদে, তবে সে, যেন তেন প্রকারেণ, প্রভৃতি অব্যয়ের স্থায় ব্যবহৃত হয়। বটে ক্রিয়াটি ক্রমশঃ অব্যয় হইয়া দাঁড়াইতেছে। অব্যয়ের শ্রেণীবিভাগ, কোন্ অব্যয়ের কোথায় প্রয়োগ হয়, বিশেষ রূপে তাহার আলোচনা করা কর্তব্য। উপসর্গ প্রকরণ বিস্তারিতরূপে লিখিত হওয়া কর্তব্য। উহা লিখিবার সময় বিজ্ঞেন্দ্রনাথ ঠাকুর মহোদয়ের উপসর্গের অর্থ-বিচার নামক প্রবন্ধের ও রাজেন্দ্রচন্দ্র শাস্ত্রী মহোদয়ের তদ্বিষয়ক প্রবন্ধের পরামর্শ গ্রহণ করা কর্তব্য। স্ত্রীত্ব প্রকরণের অনেক সূত্র কমান যাইতে পারে। শূদ্রী,

শূদ্রা ক্ষত্রিয়ানী, ক্ষত্রিয়া প্রভৃতির প্রভেদ বাঙ্গলা ভাষায় দৃষ্ট হয় না। অবনী, শ্রেণী, রজনী প্রভৃতি শব্দের দ্বিবিধ আকার বাঙ্গলা ভাষায় নাই। পঙ্গু শব্দটির স্ত্রীলিঙ্গে পঙ্গু শব্দও দৃষ্ট হয় নাই। খাটি বাঙ্গলা শব্দের উত্তর স্ত্রীলিঙ্গে নী প্রত্যয় হয়। নিত্যন্ত নিরক্ষর স্ত্রীলোকও পণ্ডিতের স্ত্রীকে পণ্ডিতনী ও ডাক্তারের স্ত্রীকে ডাক্তারনী বলিয়া থাকে। গোলা, গুলি, ঘট, ঘটী, গড়, গড়ী প্রভৃতি শব্দের পার্থক্য বুঝাইয়া দেওয়া উচিত। বোধ হয় ইহা বলিতে পারা যায় যে, ঘট ও গড় শব্দ ক্ষুদ্রার্থে ঘটী ও গাড়ী হয়, যেমন তেলিয়া গড়ী। যবনানী শব্দ লইয়া ঐতিহাসিক বিতণ্ডার অবতারণ করা, ব্যাকরণের উদ্দেশ্যে বহির্ভূত। মক্ষিকা শব্দটি স্ত্রীলিঙ্গ হইলেও স্ত্রীমক্ষিকা ও পুংমক্ষিকা শব্দে স্ত্রীলিঙ্গ ও পুংলিঙ্গ বুঝায়। বেগ ও খাঁ শব্দের স্ত্রীলিঙ্গে বেগম ও খাতুন হয় ব্যাকরণে একথা থাকা ভাল।

সম্প্রদান কারক, দ্বিগুসমাস, চতুর্থী-তৎপুরুষ সমাস বাঙ্গলা ব্যাকরণ হইতে পরিবর্জনীয়। ক্রিয়া বাচক বিশেষ্য পদের বিশেষণও যে ক্রিয়ার বিশেষণ হয় প্রায় ব্যাকরণে তাহা লেখা নাই। কুলের সমীপে উপকূল উপকূল শব্দটির এই ব্যাসবাক্য করা হয়। এই বাক্যে কি উপকূল শব্দটি অব্যয়ীভাব সমাস নিষ্পন্ন হয়? উপকূল শব্দে কুলের সমীপবর্তী ভূভাগ কেন বুঝায়, কোন ব্যাকরণে তাহার উল্লেখ নাই। একখানি ব্যাকরণে আছে, বনের সমীপে উপবন। উপবন শব্দের এমন অর্থ তাহা দেখি নাই। প্রথমাতঃপুরুষ, শাকপার্বিবাদি তৎপুরুষ, ময়ূরব্যংসকতঃপুরুষ, সুপ্ৰসূপা সমাস প্রভৃতি পণ্ডিতব্যবহৃত সমাসগুলির ভার সহিতে বাঙ্গলা ব্যাকরণ অসমর্থ। বিশ্বামিত্র, বিশ্বামিত্র অষ্টাবক্র প্রভৃতি শব্দের ব্যুৎপত্তি বালকদের পরে শিখিলেও চলিবে। যে যে পদে দ্বন্দ্ব সমাস হইবে, তাহার কোনটী আগে, কোনটী পরে বসিবে, সূত্র দ্বারা সম্পূর্ণরূপে তাহার ব্যবহৃত করা অসম্ভব, ব্যবহারই তাহার নিয়ামক। মাতা পিতা ও পিতা মাতা ছুইই হয়। অতদগুণসংবিজ্ঞান, তদগুণসংবিজ্ঞান, সমানাধিকরণ, ব্যাধিকরণ বহুব্রীহির লক্ষণ করা অনাবশ্যক। ব্যতিহার প্রকরণ নামক একটি প্রকরণ থাকা আবশ্যক। ধরাধরি, মারামারি, পাশাপাশি, কাণা-

কাণি, দগদগি, ধকধকি প্রভৃতি উদাহরণ স্থলে গৃহীত হইতে পারে। নূনাধিক্য বশতঃ এখানে নূনতাও আধিক্যবশতঃ এইরূপ অর্থ বুঝায়। তা প্রত্যয়ের লোপ হইয়াছে, ইহা বলিয়া দেওয়া উচিত। পুত্র ও কন্যামেহে এই পদটিকে একটি সমস্তপদ মনে করা যাইতে পারে। প্রসঙ্গ্য প্রতিষেধ ও পর্য্যাদাস নঞের নাম না দিয়া নঞ অব্যয়ের প্রয়োগ বৈচিত্র্য প্রদর্শন করা কর্তব্য। নগণ্য ও অগণ্য এই উভয় শব্দেই নঞ অব্যয় আছে, কিন্তু নগণ্য ও অগণ্য একার্থক নয়। শব্দ বিভক্তি পরে থাকিলে অন্ ও ইন্ ভাগের ন এর লোপের বিধান করা উচিত নয়। বাঙ্গলায় পক্ষীদিগকে না লিখিয়া কেহ পক্ষীদিগকে লেখে না।

কোন কোন শব্দ কেবল ক্রিয়া বিশেষণে ব্যবহৃত হয়, তাহা এবং ক্রিয়ার বিশেষণে কোন কোন শব্দের বিহ্ব হয়, তাহা প্রদর্শন করা উচিত। ইংরেজী ব্যাকরণের অনুসারে :ম, ২য় ও ৩য় পুরুষ নামকরণ উচিত। সংস্কৃত ব্যাকরণের উত্তম মধ্যম ও প্রথম পুরুষ অপেক্ষা উহা বৃদ্ধিতে সুগম। ব্যাকরণে পুরুষের লক্ষণ করা হয় না, ইহা একটি ত্রুটি। ধাতু বিভক্তির প্রকরণ ও কাল প্রকরণটি সুন্দররূপে লিখিত হওয়া চাই। ব্যাকরণে এমন সকল উদাহরণ থাকা উচিত যাহাতে ভবিষ্যতে লোকের ঐতিহাসিক সংবাদ প্রাপ্তির সুবিধা হয়। দৃষ্টান্ত দিয়া উক্তির সমর্থন করিতেছি। লেখা গেল, (ক) ১৮০৭ খৃষ্টাব্দে সিপাহী বিদ্রোহ হইয়া ছিল। (খ) ১৩০৪ সালে প্রবল ভূমিকম্প হয়। (গ) জাপানের সম্রাটকে মিকাদো বলে। (ঘ) মাকুরিমা লইয়া রুশের সহ জাপানের বিবাদ হইতে পারে। (ঙ) সেকিয়াবংশে নাধোজির ছায় সতর্ক রাজনীতিজ্ঞ পুরুষ জন্মগ্রহণ করেন নাই। (চ) রূপ অধিকারী চপ সঙ্গীতের স্রষ্টা। (ছ) এষণী শব্দে ফোড়া কাটিবার অস্ত্র বুঝায়। (জ) প্রচক্র শব্দ হইতে পেঁচ, তানক্ষম শব্দ হইতে টুক ও পল্যক্ষ শব্দ হইতে পাল্কা শব্দ হইয়াছে। কারক প্রকরণ, কাল প্রকরণ, বিশেষ্য বিশেষণ প্রকরণে রাম ভাত খাইল, যত্ন বৃক্ষে উঠিয়াছে প্রভৃতির সঙ্গে সঙ্গে কৌশল পূর্বক এমন শত শত বাক্য বসান যায়। মহাভারতের “ইহ বয়ং পুষ্পমিত্রঃ যাজ্ঞামঃ,” “অরুণ যবনঃ সাকেতান্”

“অরুণ যবনঃ মাধ্যমিকান্” এই তিনটি বাক্য দ্বারা পাতঞ্জলির সময় নিরূপিত হইয়াছে। এইরূপ কোন কালে হয়ত বাঙ্গলা ব্যাকরণের ছটা পাঁচটা কথা দ্বারা কত কাজই হইবে।

অনেকে সাহুবন্ধরূপ প্রত্যয় দেখিলেই এ যে সংস্কৃত হইল বলিয়া চীৎকার করিয়া উঠেন, সুবিধা অসুবিধার দিকে দৃষ্টি করেন না। অল্প কয়েকটি ইংফল লিখিলে গুণবাহুল্যের প্রয়োজন হয় না, বালকেরা অনায়াসে পদ সাধিতে পারে। একখানা ব্যাকরণে দেখিলাম, লিখিত আছে পরশ্শৈপদী ধাতুর উত্তর শত্ ও আত্মনে-পদী ধাতুর উত্তর কর্ত্বাচ্যে শান হয়, গণ পাঠকালে টুসংসৃষ্ট ধাতুর উত্তর অথু ও ডুসংসৃষ্ট ধাতুর উত্তর ত্রিমক প্রত্যয় হয়, এ সকল সূত্র বাঙ্গলা ব্যাকরণ হইতে নিরূপিত হওয়া কর্তব্য। যত শব্দ আছে সকলেরই যে প্রকৃতিপ্রত্যয় শিখাইতে হইবে এমন নয়। ছর্চ্ পাত্ হইতে মুহুর্ভ, মুচ্র্ ধাতু হইতে মূর্তি ইহা নাই বা শিখিলাম। পরিভ্রাণ শব্দটি বাঙ্গলায় বিশেষণরূপে ব্যবহৃত হয় না অথচ ত্রে ধাতুর উত্তর ত্র প্রত্যয় করিলে ভ্রাণ পদও হয়, বাঙ্গলা ব্যাকরণে সে কথা কেন? শানু, স্থানু, দন্দহুক, ইত্বর, পতয়ালু, অবর প্রভৃতি শব্দ বাঙ্গলায় চলিত নাই, ব্যাকরণে উহার স্থান কেন? বাঙ্গলা রুৎ ও বাঙ্গলা তদ্ধিত প্রকরণ সুবিবেচনার সহ লিখিত হওয়া কর্তব্য। স্তমিষ্ট সার্থক খাটি বাঙ্গলা শব্দ ব্যবহারে রচনা যে কত মিষ্ট হয় তাহা যাহারা বিবেকবাদের পদাবলী ও শ্রীযুক্ত বাবু বিজেন্দ্রনাথ ঠাকুর মহোদয়ের প্রণীত স্বপ্নপ্রয়াণ কাব্য পাঠ করিয়াছেন, তাহারা জানেন। তবে সেরূপ ব্যবহারের ক্ষমতা সকলের থাকে না। আনাড়ি লোকের হাতে গ্রাম্যতা দোষের সৃষ্টি হয়। নাম ধাতু প্রকরণটি বিস্তারিতরূপে লিখিত হওয়া উচিত। রীতিগুণদোষ অলঙ্কার পরিচ্ছেদ ব্যাকরণে না দিয়া সাহিত্য পুস্তকের শেষভাগে দেওয়াই কর্তব্য। কোন কোন ব্যাকরণে ঔপাদিক প্রত্যয় সন্নিবেশিত হইয়াছে এবং পাদ টীকায় মাতা, পিতা, হৃদিত শব্দ সম্বন্ধে পাশ্চাত্য পণ্ডিতগণের মত প্রকাশিত হইয়াছে। বালকেরা যখন ভাষাতত্ত্বের অন্তর্শীলন করিবে, তখন তৎসমস্ত শিখিলে চলিবে।

অতীতকাল বুঝাইতে কখন কখন ভবিষ্যতের প্রয়োগ হয়, যথা,—

কি আশ্চর্য্য পুরাকালে তব্বহীন নর।

দেবতা বলিয়া বহু বন্দিবে তোমায়ে ॥

ব্যাকরণে আরও কতিপয় উদাহরণ দিয়া ইহা দেখান কর্তব্য। অনুভবকরা, গমনকরা প্রভৃতি যে ক্রিয়াবাচক বিশেষ্য এবং আনা, দেখা, খাওয়া প্রভৃতিও যে উহার ছায়, ব্যাকরণে তাহা দেখাইয়া দেওয়া উচিত। ব্যাকরণে শীল শব্দটির বড়ই ব্যবহার, কিন্তু শীল শব্দটির অর্থ লেখা হয় না। তাচ্ছীল্যে গিন্ প্রত্যয় হয় বালকেরা কি ইহা বুঝিতে পারে? তাহারা তাচ্ছীল্য শব্দের অর্থ অবহেলা বুঝিয়া থাকে। এইরূপ ভাব শব্দের অর্থও লেখা থাকে না, উহার অর্থও লিখিত হওয়া কর্তব্য।

ব্যাকরণচনা, ব্যাকরণ সংযোজন ও বিশ্লেষণপ্রণালী বিস্তৃতরূপে লিখিত হওয়া কর্তব্য, ইহাই ব্যাকরণের সার অংশ। ছটা পাঁচটা ধাতুপ্রত্যয় না জানিলে ভাষাজ্ঞানের কোন বিদ্য হয় না। নূতন নূতন প্রত্যয় ও ধাতু, যাহা কেবল বাঙ্গলা ভাষার সম্পত্তি ব্যাকরণে তাহা লিখিত হইবে। সংস্কৃত শব্দের উত্তর ইন্ হয়, কিন্তু বাঙ্গলায় দরদী, মরমী পদও হয়। জজের কার্য্য জজিয়তী, খলিফার অধিকার খেলাফৎ, কাজির এলাকা কাজিয়ৎ প্রভৃতির উল্লেখ থাকা উচিত। লিঙ্গপ্রকরণে যেমন বৈশ্ব ও ক্ষত্রিয় শব্দের স্ত্রীলিঙ্গ বৈশ্বী ও ক্ষত্রিয়া হয়—লিখিত থাকে, তেমনি বেগ ও খাঁ শব্দের স্ত্রীলিঙ্গে বেগম ও খাতুন হয় ইহাও লিখিত হওয়া কর্তব্য। কপোলচল বাঙ্গলায় সম্বোধন পদের রূপভেদ হয় না, লিখিত ভাষায় হইয়া থাকে, কিন্তু সম্বোধনসূচক অব্যয় পরবর্তী হইলে সাধু ভাষাতেও হয় না, যেমন—

সখা হে তোমার মিলন আশে।

রয়েছে জীবন এদেহবাসে ॥

এখানে সখেহে হইল না। সত্যবটে যখন প্রথমতঃ বাঙ্গলায় গদ্য লিখিত হইতেছিল, তখন সংস্কৃতজ্ঞ পণ্ডিত ভিন্ন অন্যের পরামর্শ লওয়া হয় নাই। তখন পরামর্শ দেওয়ার উপযুক্ত লোকও ছিল না। যখন ইংরেজী ভাষার চর্চ্চা বাড়িতেছিল, তখন হইতে সংস্কৃতজ্ঞ পণ্ডিতদের প্রভাব খর্ব্ব হইতে আরম্ভ হইয়াছে,

ভাষায় স্বাধীনতা প্রবেশ করিয়াছে। এখন লোকে অপত্য-নিবিশেষে শব্দের অর্থ বুঝে উহা শুনিতো ভাল লাগে। স্থানবিশেষে দীর্ঘ সমাসযুক্ত পদও ভাল লাগে। তবে নূতন লেখকেরা দীর্ঘ সমাসের ব্যবহার করেন না। বাঙ্গলা ব্যাকরণকে সর্বতোভাবে যাহারা সংস্কৃতের ছায়া মাড়াইতে নিষেধ করেন, তাহাদের ভ্রম। ব্যাকরণকারেরা অতঃপর যেন এই পথে চলেন, এই পথে চলার এই লাভ ইহা বুঝাইয়া দেওয়াই ভাল। শাস্ত্রী মহাশয়ের বাঙ্গালীকির জয় নামক গ্রন্থই সকলে পড়িবে, মেঘদূতের বঙ্গানুবাদ যদি বাজারে বিক্রীত হয়, তবে তাহা কেহ পড়িবে কি না সন্দেহ।

শ্রীরজনীকান্ত চক্রবর্তী।



## কুকি জাতির বিবরণ। \*

(৬)

এবার ত্রিপুরারাজ্যস্থিত কুকিগণের সম্বন্ধে দুই একটি কথা বলা হইবে। ঐ রাজ্যের কুকিদিগের শিক্ষাবিধান পক্ষে স্বর্গীয় মহারাজ বীরচন্দ্র নাগিক্য বাহাদুর বিশেষ যত্ন করিয়াছিলেন। তিনি কুকি পল্লীতে বিদ্যালয় স্থাপন এবং সরকারি ব্যয়ে শিক্ষক নিযুক্ত করিয়া দিয়া, তাহাদের শিক্ষা লাভের উত্তম বন্দোবস্ত করিয়া গিয়াছেন। ত্রিপুরার বর্তমান ভূপতি, মহারাজ রাধাকিশোর নাগিক্য বাহাদুরের যৌবরাজ্য কালে তিনিও ইহাদিগকে সভ্য ও শিক্ষিত করিবার নিমিত্ত বিশেষ যত্নবান ছিলেন। তিনিই ১২৮৭ ত্রিপুরাদে (১২৮৪ বাং) “পাইতু” কুকিদিগকে বাঙ্গলা ভাষা শিক্ষা দেওয়ার পক্ষে প্রথম যত্নবান হন। মহারাজ বাহাদুরের এই উজ্জ্বল কীর্তিকাহিনী বক্ষে ধারণ করিয়া ত্রিপুরার ইতিহাস গৌরবান্বিত হইবে। তাহার রাজত্ব-সময়ে পার্শ্বত্যা জাতির শিক্ষাবিধানপক্ষে দিন দিনই

\* আমি দীর্ঘকাল পীড়িত থাকায়, প্রবন্ধের এই অংশ বাহির করিতে অনুচিত বিলম্ব ঘটিল। সরুদয় পাঠক মহোদয়গণ তজ্জন্ত ক্ষমা করিবেন।

স্ববন্দোবস্ত হইতেছে। ইহা স্মৃথের এবং ভবিষ্যৎকালের কথা বটে। লুসাই প্রদেশের কুকিদিগকে সভ্য ও শিক্ষিত করিবার নিমিত্ত বৃটিশ গবর্নমেন্ট বিশেষ যত্নবান হইয়াছেন। নগিপুর রাজ্যের কুকিগণও উত্তরোত্তর শিক্ষার পথে অগ্রসর হইতেছে। এই সকল অনুষ্ঠান দেখিলে স্বতঃই মনে হয়, কুকিগণ তাহাদের পার্শ্ববর্তী মগ জাতির তায় শিক্ষা ও উন্নতি লাভ করিয়া, কালে জনসমাজে দাঁড়াইবার যোগ্য হইবে।

কুকিগণ অসভ্য বটে, কিন্তু তাহাদের একতা ও জাতীয় জীবন সভ্য সমাজেরও প্রার্থিত ধন। ইহাদিগকে বর্ধিত করিতে যাইয়া, সেদিন বৃটিশসিংহকেও ক্লান্ত হইতে হইয়াছিল, স্মতরাং, ইহাদের তেজ এবং বিক্রমের কথাও উপেক্ষণীয় নহে। অল্পকাল পূর্বে একটি লুসাই যুদ্ধে আমাদিগকে যে কথা বলিয়াছিল, দ্বিভাষীর তরফদার তাহা এইরূপ শুনিয়াছিঃ—“ইংরেজগণ ‘ব্রিস্ লোডিং’ বন্দুক লইয়া যুদ্ধ করিয়াছিলেন, আমাদের ‘মাজার লোডিং’ বন্দুক ভিন্ন অস্ত্র সম্বল ছিল না। ভাল অস্ত্র শস্ত থাকিলে আমরা কখনও এত সহজে পরাস্ত হইতাম না।” এই কথা বলিবার সময় তাহার বদনমণ্ডলে কণ্ঠের অথচ উত্তেজনার এক অনির্কচনীয় ভাব প্রতিফলিত হইয়াছিল। সরুদয়, সত্য ব্যবহার, সজাতিবাৎসল্য ইত্যাদি কুকিগণের স্বাভাবিক গুণ, এ সকল যত্ন করিয়া শিথিতে হয় না। কিছু গুণের বিষয় এই যে, বাঙ্গালীর সংস্পর্শে তাহাদের ঐ সকল গুণ উত্তরোত্তর লয়প্রাপ্ত হইতেছে। শিক্ষাপ্রণালীর দোষেই যে অবস্থি পরিবর্তন ঘটতেছে, একথা বোধ হয় সকলেই স্বীকার করিবেন।

ত্রিপুররাজ্যের ছায়াতে যে সকল কুকিরাজ্য বাস করিতেছেন, তাহাদের সংক্ষিপ্ত বিবরণ প্রকাশ করিবার নিমিত্ত আমরা প্রতীকৃত আছি। নিম্নে তৎসম্বন্ধে দুই একটি কথা বলা যাইতেছে :—

১। লালজায়েয়া রাজাবাহাদুর;—ইনি রাজা মুরছইলালের জ্যেষ্ঠ পুত্র। স্বর্গীয় মহারাজ বীরচন্দ্র নাগিক্য বাহাদুরের শাসনকালে ইনি ত্রিপুরদরবার হইতে সনন্দ ও খেলাত পাইয়া “রাজাবাহাদুর” উপাধিতে ভূষিত হইয়াছিলেন। রাজাবাহাদুরের প্রতিকৃতি স্থানান্তরে প্রদত্ত হইল।

কুকিদমাজে রাজাবাহাদুরের বিস্তর সম্মান ও প্রতিপত্তি ছিল। ত্রিপুরদরবারেও তিনি কম সম্মানিত ছিলেন না। অল্পদিন হইল রাজাবাহাদুর পরলোক গমন করিয়াছেন। বর্তমান সময়ে তদীয় জ্যেষ্ঠ পুত্র শ্রীযুক্ত লালছুক খামা পিতৃপদে অধিষ্ঠিত হইয়া, রাজা স্বরূপে কার্য্য করিতেছেন। কিন্তু ত্রিপুরদরবার হইতে অত্যাধি সনন্দ ও খেলাত প্রাপ্ত হন নাই। রাজাবাহাদুর লেখা পড়া জানিতেন না; এবং তাহার জীবনের উল্লেখযোগ্য কোনও ঘটনা নাই। রাজাবাহাদুরের পুত্র বাঙ্গলা লেখা পড়া শিক্ষা করিয়াছেন। তিনি পিতার তুলনায় অপেক্ষাকৃত শিক্ষিত।

২। শ্রীযুক্ত রাজা বাণখাম্পুই;—ইনি রাজাবাহাদুরের কনিষ্ঠ ভ্রাতা। স্বর্গীয় মহারাজ বীরচন্দ্র নাগিক্য বাহাদুরের সময় হইতেই ইনি রাজা স্বরূপে কার্য্য করিতেছিলেন। বর্তমান মহারাজবাহাদুরের শাসন কালে, (১২৯৭ ত্রিপুরাদে ২৫শে আশ্বিন তারিখে) ত্রিপুরদরবার হইতে খেলাত ও সনন্দ প্রাপ্ত হইয়াছেন।

বর্তমান সময়ে, ত্রিপুররাজ্যের কুকি সম্প্রদায়ের মধ্যে ইনিই অধিকতর শিক্ষিত এবং বুদ্ধিমান বলিয়া পরিচিত। বঙ্গভাষায় ইহার দখল আছে। এই ভাষায় কবিতা-রচনাপক্ষেও ইনি নিতান্ত অগমর্থ্য নহেন। বিগত ১৩০৩ ত্রিপুরাদে (১৩০৩ বাং) পৌষ মাসে, মহারাজ বীরচন্দ্র নাগিক্য বাহাদুরের পরলোকগমনজনিত শোকপ্রকাশের নিমিত্ত, কৈলাসহর সবডিবিসনে যে সভা আহূত হয়, সেই সভায় ইনি “ছুংথ গান” শীর্ষক স্বরচিত একটি কবিতা প্রদান করিয়াছিলেন। সেই কবিতাটি নিম্নে উদ্ধৃত হইল। রচনা অথবা ভাবের মধুরতা দেখাইবার নিমিত্ত ইহা প্রকাশ করা যাইতেছে। অরণ্যবাসী হিংস্র স্বভাবাপন্ন কুকির কর্কশ হৃদয়ে যে সুকোমল কবিতা লিখিবার প্রবৃত্তি জাগিয়াছে, তাহা দেখানই ইহার একমাত্র উদ্দেশ্য। কবিতাটি এই :—

“কে ভাঙ্গিল মোর, হেন ঘুমঘোর,  
স্মৃথের স্বপন নাশি,  
শুনাইল কথা, বিষম বারতা,  
কাণের নিকটে বসি।

“কাঁদাইয়া সবে, হায় হায় রবে,  
কে হরিয়া নিল নূপে ?  
নিরদয় কালে, ভূপে ধরি কোলে,  
ফেলাইল পরিতাপে !

“ওহে দয়াময়, প্রেমের আলায়,  
প্রেমময় জগদীশ,  
করি বহু নতি, চরণে মিনতি,  
রাখ অনুরোধ শেষ—

“শান্তি স্মৃথদাতা, জগতের পিতা,  
শান্তিময় সনাতন,  
অস্তিম্বে ভূপালে কর দয়াবলে  
শান্তিসুখা বিতরণ !

“রাজকূলে জন্ম, খ্যাত ‘রাজা’ নাম,—  
বাণ খাম্পুই দীন,  
স্মৃথ পরিহরি ছুংথ গান করি,  
হইয়া ভূপতিহীন। \*

“শ্রীবাণ খাম্পুই—কুকিরাজা।”

কয়েকটি শব্দ বুঝিতে না পারায়, কবিতার একটি শ্লোক ছাড়িয়া দেওয়া হইয়াছে। যে অংশটুকু উদ্ধৃত হইল, কুকির উন্নত অবস্থার কথা হৃদয়ঙ্গম করিবার পক্ষে বোধ হয় তাহাই যথেষ্ট হইবে।

বাণ খাম্পুই রাজার হস্তাক্ষরও নিন্দনীয় নহে। তিনি বাঙ্গালীর তায় পরিষ্কার অক্ষর লিখিয়া থাকেন এবং বর্ণবিজ্ঞান বিষয়েও অজ্ঞ নহেন।

১২৯৬ ত্রিপুরাদে (১২৯৩ বাং) রাজা বাণখাম্পুই ও তদীয় জ্যেষ্ঠ ভ্রাতা রাজা রাংলেনার মধ্যে + মনো-মালিষ্ঠ ঘটয়া উঠে। মৃত রাং বুং রাজার কন্যা (রাজা মুরছুঙ্গার ভগ্নি) শ্রীমতী লালমুড়িকে বিবাহ

\* এই কবিতাটি নব্যভারত পত্রিকায়; মল্লিখিত “কুকির কবিতা” শীর্ষক প্রবন্ধে একবার প্রকাশিত হইয়াছে।

+ আমরা পূর্বে যে বংশাবলী দিয়াছি, তাহাতে রাজা মুরছুই লালের পুত্র, রাজা লালজায়েয়া বাহাদুর ও রাজা বাণখাম্পুইর নামের উল্লেখ করিয়াছি। রাজা রাংলেনা নামক দ্বিতীয় পুত্রের নাম তাহাতে সন্নিবিষ্ট হয় নাই। অনেক দিন হইল, রাজা রাংলেনা পরলোক গমন করিয়াছেন।



করিবার নিমিত্ত উভয়ে উন্নত হইয়াছিলেন। লাল-জাঈয়া রাজাবাহাছর ও ভাঙ্গা কুকি-সরদার প্রভৃতি কতিপয় ব্যক্তি রাজা রাংলেনার পৃষ্ঠপোষক এবং রাজা জায়েঙ্গা ও লেন্থামা সরদার প্রভৃতি কতিপয় ব্যক্তি রাজা বাণ খাম্পুইর পক্ষসমর্থনকারী হইলেন। উভয় পক্ষই বাহুবলের সাহায্যে লালমুড়িকে বিবাহ করিতে প্রস্তুত হইয়াছিলেন। সকলে মনে করিল, আবার বুদ্ধি স্কন্দ, উপস্কন্দের যুদ্ধ অভিনীত হয়; কিন্তু তিলোত্তমা তাহাতে রাজি হইলেন না। লালমুড়ি দেখিলেন, তাঁহাকে লইয়া বিষম গোলমাল উপস্থিত; তিনি বুদ্ধিগতী, এবং বাঙ্গলা লেখাপড়া জানেন। এই সময়ে বাড়ীতে থাকিলে, নানাবিধ অশান্তি ও উপদ্রব ঘটিবে, একথা তিনি বুঝিতে পারিয়াছিলেন। সুতরাং বাড়ী পরিত্যাগ করিয়া কৈলাসহরে মহারাজবাহাছরের কর্মচারীর আশ্রয় গ্রহণ করিলেন। এবং বলিলেন, “আমি আপন ইচ্ছায় কাহাকেও বিবাহ করিব না—মহারাজবাহাছর যাহাকে বিবাহ করিতে আদেশ করেন, তাহাকেই বিবাহ করিব।” এই সংবাদ অবিলম্বে রাজধানী আগরতলায় পৌঁছিল। তথা হইতে দেওয়ান শ্রীযুক্তবাবু দুর্গাপ্রসাদ গুপ্ত কৈলাসহরে প্রেরিত হইলেন। দুর্গাপ্রসাদবাবু দীর্ঘকাল কৈলাসহর অঞ্চলে রাজকার্যে লিপ্ত ছিলেন, সেইসূত্রে কুকিরাজগণ তাঁহার নিতান্ত বাধ্য ও অনুরক্ত। তিনি ব্যতীত ক্ষিপ্ত কুকিদিগকে শাস্ত করিবার অত্মলোক ছিল না বলিয়াই তাঁহাকে পাঠান হইল।

দুর্গাপ্রসাদবাবু কৈলাসহরে বাইয়া, প্রথমতঃ লালমুড়ির মনোগত ভাব জানিবার নিমিত্ত যত্ন করিলেন। এবং স্পষ্টতঃ না হইলেও আভাসে বুঝিলেন, লালমুড়ি, রাংলেনা অপেক্ষা বাণ খাম্পুইর প্রতিই অধিকতর অনুরক্ত। অতঃপর তিনি উভয় ভ্রাতাকে পৃথক পৃথক ভাবে আনিয়া তাঁহাদের মনের ভাব বুঝিলেন। উভয়েই বলিলেন, “লালমুড়িকে না পাইলে মরিতেও প্রস্তুত আছি।” দুর্গাপ্রসাদবাবু বড় কঠিন সমস্যায় পড়িলেন। কুকিগণ একগুঁয়ে এবং তাহাদের মনের গতি পরিবর্তন করা বড়ই দুঃসাধ্য ব্যাপার, একথা তিনি পূর্বে হইতেই জানিতেন। সুতরাং কি উপায় অবলম্বনে ইহাদিগকে

শাস্ত করিবেন, প্রথমতঃ তাহা স্থির করিয়া উঠিতে পারিলেন না।

এক দিন দুর্গাপ্রসাদবাবু রাজা রাংলেনাকে গোপনে বলিলেন, “লালমুড়ি বাণ খাম্পুইর প্রতি অচরিত্য, সে তোমাকে পাইতে ইচ্ছা করে না। সুতরাং এই বিবাহ তোমার সুখ-শান্তির আশা অতি বিরল। বিশেষতঃ কনিষ্ঠ ভ্রাতা যে রমণীতে অনুরক্ত, সেই রমণীর প্রতি অত্যাচার প্রকাশ করা তোমার পক্ষে গৌরবের বিষয় নহে। তুমি লালমুড়িকে বিবাহ করিবার সঙ্কল্প পরিত্যাগ করা। এইরূপ বিস্তর প্রবোধ দেওয়ার পর, রাজা রাংলেনা বলিলেন, “অতঃ কৌন কারণে না হউক, আপনার কথার মর্যাদা রক্ষার নিমিত্ত আমি লালমুড়িকে বিবাহ করিবার আশা পরিত্যাগ করিতে পারি, কিন্তু তদ্রূপ আমাকে কুকি সমাজে নিতান্ত লজ্জিত ও অপমানিত হইতে হইবে।” দুর্গাপ্রসাদবাবু বলিলেন, “তুমি আমার প্রস্তাবে সম্মত হইলে, সমাজে যাহাতে তোমার সম্মান ও প্রতিপত্তি বৃদ্ধি পায়, আমি তাহার উপায় করিয়া দিব। ইহার পর রাজা রাংলেনা লালমুড়িকে বিবাহ করিবার সংকল্প পরিত্যাগ করিতে সম্মত হইলেন। এতদুপলক্ষে যেক্রম কার্য করিতে হইবে, তদ্বিষয় বলিয়া দিয়া, দুর্গাপ্রসাদবাবু তাঁহাকে বিদায় করিলেন।

ইহার পর সমস্ত কুকিরাজা, কুকিসরদার, এবং কৈলাসহর অঞ্চলের প্রধান প্রধান বাঙ্গালী ভদ্রলোকদিগকে লইয়া দুর্গাপ্রসাদবাবু এক বিরাট সভা আহ্বান করিলেন এবং সেই সভায় প্রস্তাব করিলেন “রাজা রাংলেনা ও রাজা বাণ খাম্পুই এতদুভয়ের মধ্যে যে ব্যক্তি লালমুড়িকে বিবাহ করিবার সঙ্কল্প পরিত্যাগ করিবে, তাঁহাকে ত্রিপুর-দরবার হইতে জঙ্গবাহাছর, উপাধিতে ভূষিত করা হইবে। দেওয়ানবাবুর প্রস্তাব শেষ হওয়া মাত্র রাজা রাংলেনা সভাস্থলে দাঁড়াইয়া বলিল, “অকিঞ্চিংকর রমণী অপেক্ষা রাজদত্ত উপাধিকে আমি অধিকতর মূল্যবান মনে করি। বিশেষতঃ লালমুড়িকে বিবাহ করিবার নিমিত্ত আমার কনিষ্ঠ ভ্রাতা অভিলাষী, সুতরাং আমি লালমুড়িকে বিবাহ করিবার সঙ্কল্প পরিত্যাগ করিলাম। দয়া করিয়া আমাকে রাজদত্ত উপাধিতে ভূষিত করা হউক।” বাণ খাম্পুই উপাধির জন্ত লালায়িত নহেন, তিনি লালমুড়িকে চাহেন

সুতরাং জোষ্ঠভ্রাতা লালমুড়িকে পরিত্যাগ করিলেন দেখিয়া নিতান্ত সুখী হইলেন; পূর্নকৃত অপরাধের নিমিত্ত ভ্রাতার নিকট ক্ষমা প্রার্থনা করিলেন; উভয় ভ্রাতায় প্রেমালিঙ্গন হইল। বাপার দেখিয়া সভাস্থ ব্যক্তিবৃন্দ মুগ্ধ হইল এবং দুর্গাপ্রসাদবাবুর বুদ্ধির প্রশংসা করিতে লাগিল।

এই বিবরণ ১২৯৬ ত্রিপুরাব্দে ২৪শে পৌষ তারিখের নিপোটে দ্বারা দুর্গাপ্রসাদবাবু, মহারাজ বীরচন্দ্র মাণিক্য বাহাছরের গোচর করিলেন। তদনুসারে ত্রিপুরদরবার হইতে ১২৯৭ ত্রিপুরাব্দে, রাজা রাংলেনাকে ‘জঙ্গবাহাছর’ উপাধি ও খেলাত প্রদত্ত হয়। রাজমন্ত্রী রায় মোহিনী মোহন বর্দন বাহাছর কৈলাসহরের দরবারে, উক্ত রাজাকে সনন্দ ও খেলাত প্রদান করিয়াছিলেন। সনন্দের প্রতি-লিপি নিম্নে প্রদত্ত হইল:—

মহারাজ মাণিক্য বাহাছরের  
পদ্ম মোহর

স্বস্তি—

বিষম-সমর-বিজয়ী মহামহোদয় পঞ্চশ্রীযুক্ত মহারাজ বীরচন্দ্র মাণিক্য বাহাছর নরপতেরাদেশোহয়ং কারকবর্গেণু প্রচরিত্ত, পরমশু বিরাজতে রাজধানী হস্তিনাপুরী,

সরকার আগরতলা, স্বাধীন ত্রিপুরা, সবডিভিসন কৈলাসহরের অন্তর্গত মৃত মরচাইলাল রাজার পুত্র শ্রীযুক্ত রাংলেনা রাজাকে ‘জঙ্গবাহাছর’ হুদা প্রদান করা গেল। আমানত দেয়নিত বহাল রাখিয়া জীবিত কালপর্যন্ত উক্ত খেদ-মং করিতে থাকুক। ইতি সন ১২৯৭ ত্রিপুরাব্দ; তারিখ ১৪শে চৈত্র।

এই ঘটনার পর রাজা বাণ খাম্পুই ও রাজা রাংলেনার মধ্যে কোনরূপ মনোমালিন্য ঘটে নাই। কিন্তু জোষ্ঠ ভ্রাতা লালজাঈয়া রাজা বাহাছরের সহিত বাণ খাম্পুইর মনোবিবাদ চিরদিন সমভাবে চলিয়াছিল, সুখের বিষয় এই যে, সে বিবাদের দ্বারা সাধারণের অশান্তিজনক কোনরূপ ঘটনা সম্পাদিত হয় নাই। বোধ হয়, কুকি-সমাজে কিয়ৎ পরিমাণে সভ্যতার আলোক প্রবিষ্ট হওয়ার দৃশ্যই এইরূপ মনোমালিন্য সত্ত্বেও শান্তি বিরাজিত রাখিয়াছিল। ত্রিপুর-দরবারের তীব্র দৃষ্টিও ইহার অতীত কারণ।

রাজা বাণ খাম্পুই অত্যন্ত চতুর ও বুদ্ধিমান। কুকি-গণের অর্থকরী বুদ্ধি মাত্রই নাই। কিন্তু বাণ খাম্পুইর সে বুদ্ধি বিলক্ষণরূপে জন্মিয়াছে। তিনি নানাবিধ বনজ বস্তুর বাণিজ্য করিয়া আপন অবস্থা উন্নত করিবার চেষ্টা করিতেছেন। কুকিরাজগণের মধ্যে ইনিই সর্বপ্রথমে তালুক গ্রহণ করিয়া, আপন অধীনস্থ প্রজাদিগকে জুমের পরিবর্তে হলকর্ষণ প্রথা শিক্ষা দিতে আরম্ভ করিয়াছেন। তাঁহার আদর্শ লইয়া অল্প রাজাগণ এই কার্যে ব্রতী হইয়াছেন। রাজা বাণ খাম্পুইর চেষ্টা ও অধ্যবসায় দেখিলে আশা হয়, তিনি উত্তরোত্তর নিজের ও অধীনস্থ প্রজাবৃন্দের অবস্থা উন্নত করিতে পারিবেন।

৩। শ্রীযুক্ত রাজা-মুরছুঙ্গা;—ইনি রাজা রাংবুংএর পুত্র এবং শ্রীমতী লালমুড়ির জ্যেষ্ঠ ভ্রাতা। ইনি কিয়ৎকাল পূর্বে হইতেই রাজাস্বরূপে শাসনকার্য পরিচালন করিতেছিলেন। ১৩০৮ ত্রিঃ সনের ১৫ই কার্তিক তারিখে ত্রিপুর-দরবার হইতে খেলাত ও সনন্দ প্রাপ্ত হইয়াছেন। ইনি স্থূলবুদ্ধি এবং কিয়ৎ পরিমাণে জাতীয় ভাবাপন্ন। ইহার জীবনের উল্লেখযোগ্য কোনও ঘটনা নাই। ইনি বাঙ্গলা লেখাপড়া সামান্য রকম জানেন।

৪। শ্রীযুক্ত রাং বৃং ঠমা বাহাছর;—ইনি একজন কুকিসরদার। ১৩০৭ ত্রিঃ ২৫শে আশ্বিন তারিখে, ত্রিপুর-দরবার হইতে “বাহাছর” উপাধি প্রাপ্ত হইয়াছেন। ইনি রাজা মুরছুঙ্গা অপেক্ষা চতুর। বাঙ্গলা ভাষায় কথা বলিতে পারেন, এবং সামান্য রকম লেখাপড়াও জানেন।

রাজা ও সরদারগণের ইহা অপেক্ষা বিস্তৃত বিবরণ লিখিতে বাইয়া প্রবন্ধের কলেবর বৃদ্ধি করা নিম্প্রয়োজন। সকল রাজারই এক একখানা প্রতিকৃতি দেওয়ার ইচ্ছা ছিল, কিন্তু রাজাবাহাছর ব্যতীত অল্প কাহারও প্রতিকৃতি সংগ্রহ করিতে না পারিয়া, আমরা দুঃখিত আছি।

কুকি সমাজের সম্যক অবস্থা অবগত হওয়া নিতান্ত কষ্টসাধ্য এবং সময়সাপেক্ষ। কুকি-ভাষা না জানিলে এবং তাহাদের সঙ্গে দীর্ঘকাল বসবাস না করিলে, সকল কথা সংগ্রহ করা যাইতে পারে না। জিজ্ঞাসা করিয়া অবস্থা অবগত হওয়াও দুঃস্থ ব্যাপার। এক বিষয়ে তিনজনকে প্রশ্ন করিলে তিন রকমের উত্তর প্রদান করিবে। কুকিগণ ইচ্ছা করিয়া এইরূপ করে না, ইহা তাহাদের

অনভিজ্ঞতার ফল। স্মরণ্য একরূপ স্থলে প্রকৃত অবস্থা বাছিয়া লওয়া বড়ই কঠিন হইয়া দাঁড়ায়।

শ্রীযুক্ত বাবু কৈলাসচন্দ্র সিংহ মহাশয় কুকি-সমাজের অনেক কথা সংগ্রহ করিয়াছেন। এই প্রবন্ধ লিখিবার সময় আমরা তদ্বারা বিস্তর সাহায্য পাইয়াছি। ঐতিহাসিক ঘটনা সংগ্রহ করিতে গেলে, অনেক স্থলে কৈলাস বাবুর আশ্রয় গ্রহণ না করিয়া উপায় নাই। এজন্ত তাঁহার নিকট আমরা কৃতজ্ঞতাপাশে আবদ্ধ রহিলাম। যে সকল মহাশয় ব্যক্তি আমাদের কাছে ছবি প্রদানে সাহায্য করিয়াছেন তাঁহাদের উপকারও ভুলিবার নহে।

এই প্রবন্ধ লিখিয়াই পরিতৃপ্ত হইলাম, এমন নহে। কুকির বিবরণ সংগ্রহ জন্ত সর্বদাই চেষ্টিত থাকিব। এবং যদি কিছু সংগ্রহ করিতে পারি, সময়মতে তাহা প্রকাশ করিতে চেষ্টা করিব।

(সমাপ্ত।) শ্রীকালীপ্রসন্ন সেন গুপ্ত।



## রোহিল্লার রঙ্গভূমি।

আসাম-“প্রবাসের অক্ষুট স্মৃতি” লোকলোচনের গোচর করার পর আর ভাবি নাই যে আবার প্রবাসান্তরের কঠোর যন্ত্রণা অচিরেই ভোগ করিতে হইবে। ধর্মপুত্র বক্রপী পিতৃসম্মিধানে বলিয়াছিলেন—অপ্রবাস মানব-জীবনের সুখের অল্পতম উপাদান। সে হিসাবে এ হতভাগ্যের জীবন চিরদিনই প্রায় ছুঃখময়। বাল্যকালে বিদ্যালয়ের গণ্ডির বাহির হওয়া অবধি যেকোন প্রবাস হইতে প্রবাসান্তরে ঘুরিতেছি, তাহাতে ধর্মপুত্রকল্পিত সুখের ছবি আমার পক্ষে আকাশকুম্ভমবৎ। তাই বহুদিন প্রবাস-জনিত অবস্থা-বিপর্যয়ের পর অত্যন্তকালস্থায়ী স্বদেশ-সুখের আবেগে উদ্ভ্রান্ত হইয়া ভাবিয়াছিলাম, আর বুঝি বিদেশের বিষম আলা সহিতে হইবে না। কিন্তু বিধাতার নিরীক্রে আবার আমি “যে তিমিরে, সে তিমিরে!”

আপাততঃ যন্ত্রণাদায়ক প্রবাস কিছু অপ্রীতিকর হইলেও কিছু একেবারে লাভশূন্য নহে। কবি কহিয়াছেন—

“তীর্থানামবলোকনং পরিচয়ঃ সর্বত্র বিভার্জনং  
নানার্চ্যানিরীক্ষণং চতুরতা বুদ্ধেঃ প্রশস্তা গিরঃ।  
এতে সন্তি গুণাঃ প্রবাসবিষয়ে——”

প্রবাসের এসমস্ত গুণ নিতান্ত অকিঞ্চিৎকর বলিয়া উপেক্ষা করা যায় না। তবে, আমার ভাগ্যে, চতুরতা বা বুদ্ধির প্রশস্ততা গুণ ত দূরের কথা, নানা তীর্থবলোকন বা আশ্চর্যানিরীক্ষণ লাভও ঘটয়া উঠে নাই; কেবল জীবনবাঞ্ছানিরীক্ষণে বিভার্জন ও তন্নিবন্ধন স্থল-বিশেষের ন্যূনাধিক পরিচয় লাভ হইয়াছে মাত্র। এইরূপে রোহিল্লার রঙ্গভূমি বরেলী ও তৎসন্নিহিত স্থানসমূহের যে যকিঞ্চিৎ পরিচয়লাভ ঘটয়াছে, বঙ্গীয় বন্ধুগণসমীপে তাহাই সংক্ষেপে বিবৃত করিতেছি।

গঙ্গার পূর্বসীমান্তবর্তী বর্তমান রোহিলখণ্ড প্রদেশ পুরাকালে কঠের নামে পরিচিত ছিল। খৃষ্টীয় অষ্টম শতাব্দী হইতে একাদশ শতাব্দী পর্যন্ত কোন স্তম্ভ আর্য্যজাতি এই প্রদেশে বসতি করিতেন। কালসংস্কারে পার্শ্ববর্তী আহির, ভীল ও ভড় নামক কতিপয় অরণ্যচারী ও পার্শ্বজাতিকর্তৃক তাঁহারা এস্থান হইতে বিতাড়িত হইয়া, মুসলমানশাসনের প্রাক্কাল পর্যন্ত, উদ্য জঙ্গলে পরিণত হইয়া উল্লিখিত পার্শ্বজাতি ও আরণ্য জাতিসমূহের আবাসস্থল ছিল। ইহারা কঠেরিয়া নামে পরিচিত হইয়া দস্যুতা ও নানারূপ পরপীড়নের দ্বারা জীবনানতিপাত করিত। প্রাচীন কঠের দেশ এইরূপে আরণ্য-নিবেশ হইতে স্থলিত হইলেও, স্থানে স্থানে বিক্ষিপ্ত প্রাচীন ইষ্টকাদি ও বৌদ্ধ ভাস্কর্যের ভগ্নাবশেষ এখন পর্যন্ত এই প্রদেশের অতীত স্মৃতির সাক্ষ্য প্রদান করিয়া থাকে।

দ্বাদশ শতাব্দীর শেষভাগে সম্রাট সাহাবুদ্দীনের সৈন্য-ধ্যক্ষ মহম্মদ কুতবুদ্দীনকর্তৃক বাণগড়বিজয়ের বিবরণ ইতিহাসে পাওয়া যায়। কিন্তু তদবধি, ১২৫২ খৃষ্টাব্দে দ্বিতীয় মহম্মদকর্তৃক রামগঙ্গাভিমুখে যাত্রার পূর্বে, এতদ্দেশে মুসলমানসাম্রাজ্যের কোন সংবাদ পাওয়া যায় না। ইহার চতুর্দশ বৎসর পরে পরবর্তী ভূপতি, বলবান, কঠের সীমার অন্তর্গত কাশ্বিল নামক স্থানে যুদ্ধযাত্রা করিয়া পূর্বে উপদ্রবপরায়ণ কঠেরিয়াগণকে সম্যক্রূপে পরাভূত করেন। পরন্তু, ১২৯০ খৃষ্টাব্দে সুলতান ফিরোজ পুনরায় কঠের দেশ আক্রমণ পূর্বক সমগ্রভূমি মুসলমানশাসনের

অধীন করেন। তদবধি, মোগলসাম্রাজ্যসংস্থাপনের পূর্বে, স্থানীয় বিদ্রোহ বাতিরেকে, এ অঞ্চলে কোন উল্লেখযোগ্য ঘটনা ঘটে নাই।

রোহিলখণ্ডের রাজধানী প্রাচীন বরেলী সহর খৃষ্টীয় ১৫৩৭ অব্দে বাসুদেব ও বরেন্দেব নামক দুইজন হিন্দু কর্তৃক স্থাপিত এবং শেষোক্ত ব্যক্তির নামানুসারে বরেলী নামে অভিহিত হয়। পরন্তু, ১৬৫৭ খৃষ্টাব্দে, রাজা মকরন্দ রায় চতুঃপার্শ্ববর্তী কঠেরিয়াগণকে দূরীভূত করিয়া এবং পূর্বে প্রাচীন সহরের পশ্চিমপ্রান্ত পর্যন্ত যাবতীয় জঙ্গল পরিষ্কার করাইয়া বর্তমান নূতন সহরের প্রতিষ্ঠা করেন। মোগল সম্রাটগণের সমৃদ্ধিসময়ে, ১৬৬০ খৃষ্টাব্দ হইতে ১৭০৭ পর্যন্ত, একের পর অল্প শাসনকর্তা অবিচ্ছিন্ন ভাবে এই প্রদেশে নিবিবাদের ও নিরূপদ্রবে আধিপত্য করেন। কিন্তু সম্রাট ঔরঙ্গজেবের পরলোকান্তে, সমগ্র শাসনভার শিথিল হইয়া পড়িলে, বরেলীবাসী হিন্দুগণ মোগল সম্রাটের অধীনতা স্বীকার না করিয়া রাজকর বন্ধ করিল এবং সকলে স্ব স্ব আধিপত্য স্থাপনের আকাঙ্ক্ষায় পরস্পর গৃহবিদ্বেষ ও তুমুল বিপ্লব উপস্থিত করিল। এই সূযোগে এক নবীন মুসলমানশক্তির প্রাভুর্ভাব ঘটে।

এই নব শক্তির আধার বিখ্যাত রোহিল্লাগণের অভ্যুদয় ও অধিকারসূত্রেই প্রাচীন কঠের প্রদেশ রোহিলখণ্ড নামে পরিচিত হইয়া অদ্যাবধি তাঁহাদিগের অতীত গৌরব ঘোষণা করিতেছে। রোহিল্লাগণ পাঠান বংশসম্বৃত; ইহাদিগের আদিবাস আফগানস্থান। খৃষ্টীয় সপ্তদশ শতাব্দীর শেষভাগে সাহ আলম এবং হসেন খাঁ নামক এই বংশের দুই সহোদর মোগল সম্রাটের অধীনে কাম্ব-প্রার্থী হইয়া এই অঞ্চলে আসিয়া বাস করেন। কাল-সংস্কারে সাহ আলমের পুত্র দাউদ খাঁ মোগল সৈন্যের অধিনায়কত্ব লাভ করিয়া মহারাষ্ট্র-সমরে বিশেষ খ্যাতি লাভ করায় বর্তমান বৃন্দাওনের নিকটবর্তী জনপদে সম্রাট কর্তৃক জায়গীর প্রাপ্ত হইয়া, এবং ১৭১৯ খৃষ্টাব্দে তদীয় পোষাপুত্র আলি মহম্মদ খাঁ নবাব উপাধি লাভ করিয়া অল্পকাল মধ্যেই রোহিলখণ্ডের অধিকাংশ স্থলে—এমন কি আলমোড়া পর্যন্ত সমগ্র কুমায়ুন প্রদেশে আপন আধিপত্য বিস্তার করেন। উজীর সফদার জঙ্গ এই সময়ে অযোধ্যার নবাব হইলেন। রোহিল্লাদলপতি আলি মহম্মদের এই-

রূপ প্রতাপ দর্শনে বিদ্বেষপরায়ণ হইয়া তিনি তদ্বিরুদ্ধে দিল্লীর তদানীন্তন সম্রাট মহম্মদ সাহের নিকটে অভিযোগ করেন। এবং সেই চক্রান্তে পড়িয়া, ১৭৪৬ অব্দে আলি মহম্মদকে স্বীয় অপিকৃত ভূভাগসমস্ত সম্রাটসরকারে পুনর্ন্যস্ত করিয়া দিল্লীতে ছয়মাস কাল বন্দী থাকিতে হয়। যাহা হউক, সেই সময়ে সুলক্ষ শাসনকর্তার অসন্তাব বশতঃ আলি মহম্মদ খাঁ অচিরে মুক্তিলাভ করিয়া মোগলাধিকৃত সাহিগু প্রদেশের শাসনভার প্রাপ্ত হইলেন এবং ১৭৫০ খৃষ্টাব্দে সমগ্র রোহিলখণ্ড রাজ্যে তাঁহার পূর্বতন আধিপত্য পুনর্লাভ করেন।

ছর্ভাগ্যক্রমে, ইহার পর বৎসরেই আলি মহম্মদের মৃত্যু ঘটে; বর্তমান অযোধ্যা ও রোহিলখণ্ড রেলওয়ের অন্তর্গত আঁওলা নামক ষ্টেশনের অনতিদূরে অছাবধি তাঁহার সমাধি-মন্দির দেখিতে পাওয়া যায়। তদীয় পরলোকান্তে তাঁহার পুত্রগণের অভিভাবক এবং তদানীন্তন রোহিল্লা-গণের পরম বিশ্বাসভাজন হাফিজ রহমৎ খাঁ নামক এক ব্যক্তি রোহিলখণ্ডের শাসনভার গ্রহণ করেন। দিল্লীর সম্রাট এ অবস্থায় সন্তুষ্ট না হইয়া ফরুকাবাদের নবাবকে রহমতের বিরুদ্ধে প্রেরণ করেন; কিন্তু এই অকম্পন্য নবাব রণে পরাজিত ও রহমতের হস্তে নিহত হইলেন। এই অবসরে অযোধ্যার উজীর পূর্বে সফদার জঙ্গ, নবাবের ত্যক্ত সম্পত্তি সমস্ত অধিকার করিয়া বসেন। হাফিজ বাহুবলে এই সফদার জঙ্গকেও পরাভূত করিয়া অযোধ্যার কিয়দংশ অধিকার এবং পিলিভিৎ ও তরাই পর্যন্ত আপন আধিপত্য বিস্তার করেন। কিন্তু উজীর অচিরে মহারাষ্ট্রীয়গণের সাহায্য লাভ করিয়া পূর্বে আঁওলার নিকটবর্তী বিসৌলী নামক স্থানে রোহিল্লাগণকে রণে পরাভূত করেন এবং চারি মাস কাল তাহাদিগকে পাহাড়ের পাদদেশে অবরুদ্ধ করিয়া রাখেন। অতঃপর প্রবল শত্রু আফদ সাহ দুরাগীর আক্রমণ বশতঃ উজীর হাফিজের সহিত সন্ধিসূত্রে জড়িত হইতে বাধ্য হইলেন এবং তদনুসারে হাফিজ পিলিভিতের শাসনকর্তৃত্ব লাভ করেন।

আপাততঃ বিধাজনক এইরূপ সন্ধিসূত্রে জড়িত হইলেও এই দুই প্রবল প্রতিদ্বন্দ্বীর মধ্যে কখনই আস্তরিক প্রীতি সংস্থাপিত হয় নাই,—স্বযোগ উপস্থিত হইলেই পরস্পর প্রতিপক্ষতা সাধনে কেহই পশ্চাৎপদ হইতেন না।

কালক্রমে, সফদার জঙ্গের পুত্র সূজা-উদৌলা অযোধ্যার উজীরপদে প্রতিষ্ঠিত হইলে রোহিল্লাদলপতি হাফিজ পুনরায় তদ্বিক্রমে সৈন্তচালনা করেন, কিন্তু এই চতুর উজীর পাঁচলক্ষ মুদ্রা দানে সেই সৈন্তগণকে অচিরে স্বদলভুক্ত করিয়া লয়েন। আক্রমণ সাহ এই সময়ে দিনদ (Doab) প্রদেশান্তিমুখে প্রবেশলাভের উদ্যোগ করিতেছিলেন, ওদিকে বকসারের যুদ্ধে সূজা-উদৌলা ব্রিটিশ শক্তির সংঘর্ষে বিব্রত হইয়া পড়িয়াছিলেন। রোহিল্লাবীর রহমৎ এই সুযোগে ইটাওয়ার আধিপত্য স্থাপন পূর্বক আপন অধিকৃত ভূভাগ হৃদ্য করিতে থাকেন। হুভাগ্যক্রমে, রোহিল্লার সৌভাগ্য-লক্ষ্মী অধিক কাল স্থায়ী হইলেন না। ১৭৭২ খৃষ্টাব্দে মহারাষ্ট্রীয়গণ পুনরায় রোহিলখণ্ড আক্রমণ করায় হাফিজ-প্রমুখ রোহিল্লাগণ বিপর্যস্ত হইয়া উজীর সূজা-উদৌলার শরণাপন্ন হইতে বাধ্য হইলেন। চল্লিশ লক্ষ মুদ্রা বিনিময়ে মহারাষ্ট্রীয়গণ রোহিলখণ্ড পরিত্যাগ করিতে সম্মত হইলেন এবং ঐ টাকার জন্ত সূজা-উদৌলা রোহিল্লাগণের প্রতিভূ স্বীকার করেন। এইরূপে মহারাষ্ট্রীয়গণের হস্ত হইতে নিষ্কৃতি পাইয়াও রোহিল্লাগণ সেই টাকা পরিশোধ করিতে অশক্ত হওয়ার, সূচতুর সূজা পিতৃশত্রু রোহিল্লাগণের উচ্ছেদ সাধনের সুন্দর সুযোগ লাভ করিয়া, ওয়ারেন হেস্টিংসপ্রদত্ত ব্রিটিশ সৈন্তের সাহায্যে, রোহিলখণ্ড আক্রমণ করেন এবং ১৭৭৪ খৃষ্টাব্দের এপ্রিল মাসে সাহজেহানপুর জেলার অন্তর্গত মিরাপুর-কটরা নামক স্থানে তুমুল সংগ্রামের পর ঐ প্রদেশ আপন করতলস্থ করিয়া লয়েন। সাম্রাজ্য বিস্তারে কৃতসংকল্প ও অর্থলালসাপরায়ণ ওয়ারেন হেস্টিংস্ কর্তৃক চক্রান্তে মোগল সম্রাটের 'সনদ' অগ্রাহ করিয়া পূর্ববৈরী সূজার সহিত বারাণসীর সন্ধিসূত্রে মিত্রতা স্থাপন করেন, এবং সেই বলে বলীয়ান সূজা-উদৌলাকর্তৃক রোহিল্লার সহিত রণরঙ্গ কর্তৃক লোমহর্ষণ অত্যাচার ও অবিচার অনুষ্ঠিত হয়, তাহা ইতিহাসপাঠকের অবিদিত নহে। হেস্টিংসের গুণমুগ্ধ চরিতাখ্যায়কেরা নিল, বাক্ বা মেকলের বর্ণনার অতিরঞ্জনের দোষারোপ করিলেও এই অত্যাচারের কথা একেবারে উপেক্ষা করিতে পারেন নাই। এই যুদ্ধে রোহিল্লাগণই মূশংসভাবে নিহত বা নিষ্কৃতিলাভের আশায় নির্বাসিত হয়, লক্ষাধিক

লোক আপনাপন আলায় ছাড়িয়া বিজন অরণ্যে পলায়ন করিতে বাধ্য হয় এবং তাহাদিগের গ্রাম ভস্মীভূত, পুত্র কন্যা নিহত ও রমণীর সতী স্ব বিনষ্ট হয়—এইরূপ দোমহর্ষণ কাহিনী পূর্ণমাত্রায় বিশ্বাস না করিলেও, তাঁহার উহা আদৌ অমূলক বলিতে সাহস করেন নাই।\*

হাফিজরহমৎ খাঁ এই যুদ্ধে নিহত হইলেন; কিন্তু প্রাপ্তকৃত আলিমহম্মদ খাঁর কনিষ্ঠ পুত্র ফরজুল্লা পলায়নপর হইয়া কোন গতিকে পরিভ্রাণ লাভ করেন এবং তাঁহার অনুসঙ্গী ও হতাবশিষ্ট রোহিল্লাগণের দলপতি হইয়া নানারূপ প্রস্তাবের পর, সূজাউদৌলার সহিত সন্ধিসূত্রে পূর্বক বার্ষিক পঞ্চদশ লক্ষ মুদ্রা আয়ের নব্বটা মাত্র পরগণা রাখিয়া রোহিলখণ্ডের অবশিষ্ট সমগ্র অংশ অযোধ্যাধিপতি ঐ উজীর সাহেবকে সমর্পণ করিতে বাধ্য হইলেন। বর্তমান রামপুর রাজ্য উল্লিখিত নব্বটা পরগণার অগ্রতম। আলিমহম্মদ খাঁর মৃত্যুর পর তাঁহার পুত্রের মধ্যে তদীয় ত্যক্ত সম্পত্তির বিভাগসূত্রে রামপুরের উজীর কনিষ্ঠ ফরজুল্লা অংশে পতিত হয়; একারণ ঐ অংশের অধিকার অক্ষুণ্ণ রাখা পক্ষে স্বতঃই তাঁহার আগ্রহ জন্মে, এবং তিনি প্রথমতঃ সৈন্তসরবরাহকরে উজীরের অধীনস্থ স্বীকার করিয়া ও পশ্চাৎ তাঁহাকে সর্দি দ্বাবিংশতি লক্ষ মুদ্রা নগদ দিয়া আপন অধিপতির বিষয়ে কৃতকার্য হইলেন। এই ফরজুল্লা বংশবধের পর রামপুর রাজ্যের নবাব বলিয়া অদ্যাবধি পরিচিত। সিপাহি বিদ্রোহকালে ইংরেজপক্ষে অবিচলিত আচরণ ও সাহায়তা প্রকাশের পুরস্কারস্বরূপ বর্তমান নবাব সাহেবের প্রপিতামহ মহম্মদ ইয়াসুফ আলি খাঁ ইংরেজ সরকার হইতে, চিরস্থায়ী বন্দোবস্ত, প্রায় হুই লক্ষ টাকা আয়ের ভূসম্পত্তি ভারগীর স্বরূপ প্রাপ্ত হইলেন।

\* "That the conquest of Rohilkhand was stained by some of the cruelty and injustice \*\*\* may be granted as a thing of course. \*\*\* Some villages may have been plundered and burned, some blood shed in pure wantonness, some tracts of country laid waste. \*\*\* The 'Extermination' of the Rohilla's \*\*\* meant only the expulsion of a few Pathan chiefs with 18,000 of their people from the lands which they or their immediate predecessors had won by the sword".

—Capt. Traller's *Warren Hastings*. (Rulers of India, Series 1)

এবং তদবধি বংশপরম্পরাক্রমে এই নবাব-সংসার ইংরাজ-রাজের নিকট যথেষ্ট সম্মান ও প্রতিপত্তি লাভ করিয়া আসিতেছেন।

বরেন্দেবপ্রতিষ্ঠিত বরেলী সहरই অর্ধশতাব্দিকাল যাবৎ রোহিল্লাগণের রাজধানী ছিল। উজীর সূজা-উদৌলা উল্লিখিত উপায়ে রোহিলখণ্ড অধিকার করিলে স'আদৎ আলি নামক এক ব্যক্তি তাঁহার অধীনে বরেলীর শাসনকর্তা নিযুক্ত হইলেন এবং তদবধি এই প্রদেশ অযোধ্যার উজীরেরই অধিকারভুক্ত থাকে। পরে, ১৮০১ খৃষ্টাব্দে, তদানীন্তন উজীরকর্তৃক রাজস্ব বিনিময়ে উহা ইংরাজহস্তে গুস্ত হয়। ১৮০৫ অব্দে আমির খাঁ নামক জনৈক রোহিল্লা রোহিলখণ্ড আক্রমণের চেষ্টা করে, কিন্তু কৃতকার্য না হইয়া অচিরেই বিতাড়িত হয়। অতঃপর, ক্রমান্বয়ে, ১৮১৬, ১৮৩৭ এবং ১৮৪২ অব্দে অত্রত্য হিন্দুসম্প্রদায়ের মধ্যে স্ব স্ব ধর্মপ্রাধাণ্য লইয়া সময়ে সময়ে বিগ্রহ উপস্থিত হয়, কিন্তু ১৮৫৭ খৃষ্টাব্দের সুবিধাত নিপাহিবিদ্রোহের পূর্বে ইংরাজশাসন কিছুতেই বিপর্যস্ত হয় নাই। এই দারুণ বিপ্লবকালে বরেলীই বিদ্রোহীদের সম্মুখস্থ হইয়াছিল। ৩১এ মে তারিখে অত্রত্য সৈন্তগণ বিদ্রোহী হইয়া উঠে এবং পূর্বোক্ত রোহিল্লা বীর রহমৎ খাঁর পৌত্র খাঁ বাহাদুর খাঁ রোহিলখণ্ডের নবাব নাজিম বলিয়া ঘোষিত হইলেন। তন্নিবন্ধন হুন্সদাদীন বরেলীবাসী প্রায় সকল ইংরেজই নৈনিতালে পলায়ন করেন; ইহাদিগকে আক্রমণ করিবার অভিপ্রায়ে বিদ্রোহী সেনা উপযুক্ত পরিচারিবার নৈনিতাল যাত্রা করে, কিন্তু কিছুতেই কৃতকার্য হয় না। দিল্লী ও লক্‌নৌয়ের পতনসংবাদ পৌছিলে বুলন্দসহেবের ওয়ালিদাদ খাঁ, কতেগড় ও নজিবাবাদের নবাব, ফিরোজ সাহ, নানা সাহেব প্রভৃতি যাবতীয় বিদ্রোহীদলপতিগণ একে একে স্ব স্ব কার্যক্ষেত্র হইতে পলায়নপর হইয়া বরেলী সहर আশ্রয় করেন। কিন্তু ইহাদিগকে অধিককাল এখানে থাকিতে হয় নাই;—১৮৫৮ খৃষ্টাব্দের ৫ই মে তারিখে ইংরাজ সৈন্ত বরেলীর সম্মুখে উপস্থিত হওয়ার দুই দিনের মধ্যেই খাঁ বাহাদুর ও অত্রত্য বিদ্রোহীবর্গ অযোধ্যার পলায়ন করেন এবং ইংরাজগণ অবাধে বরেলী অধিকার করিয়া বসেন।


তদবধি, সময়ে সময়ে হিন্দুসম্প্রদায়ের ধর্মঘটিত পরম্পর গণ্ডগোল ভিন্ন, রোহিলখণ্ড শাসনে ইংরাজ-রাজকে বিশেষ কোন উপদ্রব ভোগ করিতে হয় নাই। ১৮৭১ অব্দে হিন্দুর শ্রীরামনবনী এবং মুসলমানের মহরম উৎসব একই সময়ে যুগপৎ সংঘটিত হওয়ার ঐ দুই সম্প্রদায়ের পরস্পর বিদ্বেষবহিঃ কিছু প্রবল হইয়া উঠে, এবং বিদ্রোহ নিবারণ করলে বিশেষ সতর্কতা নহেও ধর্মোন্মত্ত মুসলমানগণ-হিন্দুদিগের উৎসবে বিঘ্নোৎপাদন ও সहरের নানাহানে নানারূপ অত্যাচার করে। এই বিদ্রোহে বিস্তর লোক হত ও আহত হইয়াছিল। সৌভাগ্যক্রমে, ইদানীং বরেলীবাসী হিন্দু ও মুসলমানের মধ্যে যথেষ্ট সখ্য ও সম্প্রীতি স্থাপিত হইয়াছে;—এমন কি, হিন্দুর উৎসবে সম্ভ্রান্ত মুসলমানগণ এবং মুসলমানের উৎসবে সম্ভ্রান্ত হিন্দুগণ যোগদান পূর্বক রাজপথের শাস্তি-রক্ষা ও আহাৰ্য্য-পানীয় দানে পরস্পর সঞ্চর্কনা দ্বারা প্রীতিচিহ্ন প্রকাশ করিয়া থাকেন। বস্তুতঃ অত্রত্য হিন্দু-মুসলমানের অধুনাতন সখ্যভাব আদর্শ স্বরূপ সর্বত্র অনুকরণযোগ্য এবং এই উভয় সম্প্রদায়ের সমবেত চেষ্টা ও সমীহিত সাধনা-বলে দেশের অশেষ সুসম্পন্নতার সম্ভাবনা।

ইংরাজ-শাসনের সুবিধা ও সুশৃঙ্খলা সংস্থাপনের জন্ত এক রোহিলখণ্ড ক্রমশঃ বহুপা বিভক্ত হইয়া, একই কমিশনারের অধীনে, বরেলী, মোরাদাবাদ, সাহজেহানপুর, বুদাওন, বিজনোর ও পিলিভিৎ—এই ছয় জেলায় পরিণত হইয়াছে। তন্মধ্যে পূর্বোক্ত মিত্ররাজ্য রামপুরও ইহার সীমাত্মক। এতন্মধ্যে পূর্বের ত্রায় এখন পর্যন্ত বরেলীরই গৌরব অধিক এবং তদন্তর্গত বরেলী সहरই সমগ্র রোহিলখণ্ডের মধ্যে সর্বশ্রেষ্ঠ স্থান। রোহিল্লার এই রঙ্গভূমে প্রকৃতির লীলারও অনস্তাব নাই। নাতি ক্ষুদ্র, নাতিবৃহৎ নানা স্রোতস্বিনী নগরাজ হিমালয়ের পাদমূল বিদৌত করিয়া বরেলী জেলার বহুদিকে প্রবাহিতা, তন্মধ্যে পুতসলিলা গঙ্গার সহিত সম্মিলিতা রামগঙ্গা সর্বপ্রধান। এই সঙ্গমের প্রায় ৫০ ক্রোশ উর্দ্ধে, রামগঙ্গাতীরে, বরেলী সहर অবস্থিত। স্বল্পসলিলা স্রোতস্বিনীকুলের সংখ্যাধিক্য বশতঃ অত্রত্য ভূভাগ বিলক্ষণ উর্বরা; অনাবৃষ্টিকালেও ইহার শস্তশ্রামলা বসুন্ধরা কৃষকের আশা চরিতার্থ ও

হর্ষবর্ধন করে এবং তন্নিবন্ধন, অশ্রু স্থানের তুলনায়, ছুর্ভিক্ষের কঠোরতা এখানে অল্পই প্রতাপ বিস্তার করিতে পারে। জেলার সর্বত্র গ্রামসমূহ আশ্র শিশু প্রভৃতি বিটপীবৃন্দে পরিবেষ্টিত, পরন্তু নানাস্থান নিবিড় নিকুঞ্জ ও সুন্দর বংশবিতানে সুশোভিত।

এতদ্দেশে প্রাচীন স্থাপত্যের নিদর্শন অধুনা অতি অল্পই নরনগোচর হয়। বরেন্দী জেলার স্থানে স্থানে আদিম আর্যোপনিবেশকালীন অট্টালিকার ভগ্নস্তূপ দেখিতে পাওয়া যায়, তন্মধ্যে রামনগরের ধ্বংসাব-

করিয়াছিলেন। সহরের মধ্যে ইহা অপেক্ষাও আর এক প্রাচীন মসজিদ দেখিতে পাওয়া যায়; ইহা মির্জা মসজিদ নামে পরিচিত এবং শুনা যায়, খৃষ্টীয় :৬০০ অব্দে মির্জা আইন-উল-মুলক কর্তৃক প্রতিষ্ঠিত। নূতন সহর অধুনাতন অট্টালিকাদমূহের মধ্যে রামপুরের রাজপ্রাসাদ রেলওয়ের ষ্টেশন, সহরপ্রান্তে কারাভবন (Central Jail) এবং সহরমধ্যে সাধারণের কুংরখানা (Town Hall) ও আমেরিকান মিশনারী সম্প্রদায়ের ধর্মমন্দিরই প্রধান; তন্মধ্যে গৌরান্দ্রদিগের গির্জাগৃহও নিতান্ত



বরেন্দীর আমেরিকান গির্জা।


শেষই উল্লেখযোগ্য;—জেনারেল কানিংহাম ইহা সুবিখ্যাত পঞ্চালদেশের রাজধানী 'অহিছত্র' বলিয়া নির্দেশ করিয়াছেন। প্রাচীন বরেন্দী সহরে পূর্বোক্ত বরেন্দদেব ও মকরন্দ রায় কর্তৃক সংস্থাপিত ছুর্গের ভগ্নাবশেষ অণুবধি তাঁহাদিগের অতীত কীর্তির স্মৃতিচিহ্নরূপ বিদ্যমান রহিয়াছে। পরন্তু মকরন্দরায়ের আর এক কীর্তি তৎপ্রতিষ্ঠিত জুম্মা মসজিদে প্রতীয়মান হয়। তিনি স্বয়ং হিন্দু হইয়াও তদীয় মুসলমান প্রজাবর্গের আধ্যাত্মিক উন্নতি সাধনোদ্দেশে ১৬৫৭ খৃষ্টাব্দে এই ধর্মমন্দিরের প্রতিষ্ঠা

নগণ্য নহে। স্থানীয় সম্রাট অধিবাসীগণেরও অবস্থার বারী অনেক উচ্চচূড় অট্টালিকা আছে, কিন্তু তাহার অধিকাংশই বায়ুনির্গমের বা স্বর্ঘ্যরশ্মি প্রবেশের পথশৃঙ্খল—কচিং কোন ক্ষুদ্র গবাক্ষ বাতায়নের কার্য সম্পন্ন করে মাত্র। অবগুষ্ঠিতা পুরনারীগণ অনেকস্থলে নিঃসঙ্কোচে রাজপথে যুক্তবায়ু সেবন করিয়া থাকেন, কিন্তু অন্তঃপুর প্রকোষ্ঠে প্রবেশ করিলে আর তাঁহাদিগের বায়ু বা আলোক উপভোগ করিবার অধিকার থাকে না। অরোধ প্রথার অতিরিক্ত কঠোরতা প্রযুক্তই হউক,

বা বাহ উপদ্রব হইতে আত্মসংরক্ষণের জন্ত অতিরিক্ত সতর্কতা বশতই হউক, অত্রত্য সৌধাবলী যতই সিন্দুকাকৃতি হয় ততই তাহার মর্যাদা কল্পিত হইয়া থাকে।

সাধারণহিতকর মন্দিরের মধ্যে বরেন্দী কলেজ ও অত্রত্য বাতুলাশ্রম বিশেষ উল্লেখযোগ্য। দুর্ভাগ্যক্রমে কালবিপর্যয়ে, কলেজের অবস্থা অতি শোচনীয় হইয়া দাঁড়াইয়াছে—যথোপযোগী অর্থস স্থানাভাবে উহার অস্তিত্ব অচিরে বিলুপ্ত হওয়াও বিচিত্র নহে। বাহ সৌষ্টবে বাতুলাশ্রম বুদ্ধিমানের বিলাসকানন বলিয়া বোধ হয়।

বিকট দৃষ্টিতে দর্শকের আতঙ্ক উদ্দীপন করে। এইরূপ নগ্নোন্মাদের মধ্যে আমরা একটীর কিছু বিশেষত্ব দেখিয়াছি—তাহার সমুদয়বোধগম্য বাকশক্তি নাই, হস্তপদের অঙ্গুলির গঠন পশুর আয়, এবং পশুপ্রকৃতিসুলভ আহাৰ্য্যে কচি; সে প্রথমে আত্মাণ ব্যতিরেকে কোন দ্রব্যই ভক্ষণ করে না, অথচ ঘ্রাণের দ্বারা কচিকর বোধ হইলে বৃক্ষপত্র পর্য্যন্ত অবলীলাক্রমে চর্বণ পূর্বক গলাধঃ করে। শুনিয়াছি, শৈশবাবস্থায় সে পশুর গহ্বরে পশুকর্তৃক পালিত হইয়াছিল, পরে কোন মৃগশীল সাহেবের



টাউনহল।

কিন্তু অভ্যন্তরে অশেষবিধ উন্মাদের আবাসভূমি ও উদ্দাম রঙ্গ দেখিতে পাওয়া যায়;—কেহ হাসিতেছে, কেহ কাঁদিতেছে, কেহ বলিতেছে, কেহ বিকট চীৎকার করিতেছে, কেহ তাণ্ডব নৃত্যে ঘোর বিভীষিকা উৎপাদন করিতেছে, আবার কেহ দারুণ মর্ষপীড়ায় ম্রিয়মাণ হইয়া নীরবে পড়িয়া আছে। ইহাদের মধ্যে অনেকেরই দ্বারা বাতুলাশ্রমের বাবতীয় প্রয়োজনীয় কার্য সম্পন্ন হইয়া থাকে। কেহ কেহ কিন্তু ঘোর উন্মাদ—নিতান্ত নগ্নাবস্থায়

নরনগোচর হওয়ার তাঁহারই বদে, প্রকৃতি পরিবর্তনের প্রত্যাশায়, এই বাতুলাশ্রমবাদী হইয়াছে। ছুংখের বিষয় তৎপক্ষে অণুবধি তাহার কোন উন্নতিই ঘটে নাই।

বরেন্দী সহর দুইভাগে বিভক্ত—সিভিল ও মিলিটারী। মিলিটারী মহল্লার কালা ও গোর, অশ্বারোহী ও পদাতিক সাধারণ ও তোপসঞ্চালক, সকল সম্প্রদায়ের জন্তই সেনানিবাস (cantonnments) আছে। তন্মধ্যে শীতকালে সিভিল-মিলিটারীর সঙ্গনদীয়ার সমীপবর্তী সুবিস্তীর্ণ

ক্ষেত্রে শিবির মধ্যে বহু গোরা সৈন্যের সমাগম হয়; শীতাবসানে ইহার আলমোড়া প্রভৃতি স্থানে আপনাপন আড্ডায় চলিয়া যায়। ক্যান্টনমেন্টের কঠোর নিয়মের অধীন হইয়া থাকা সাধারণ লোকের পক্ষে কিছু কষ্টসাধ্য, উহার সীমাও অপেক্ষাকৃত সঙ্কীর্ণ, বিশেষতঃ আমরা স্বয়ং সিভিল—সুতরাং উহার সুস্বাস্থ্যসম্মানে প্রবৃত্ত হওয়া আমাদের অনধিকার-চর্চা মাত্র। সিভিল সীমায় মিউনিসিপ্যাল বাবস্থা বড় মন্দ নহে,—তবে উপযুক্ত জলাভাবে পথের ধূলায় পথিকের অঙ্গ ধূসরিত হইয়া যায়, আর আলোকের অল্পতা নিবন্ধন রাত্রিকালে পথে বাহির হওয়া অনেক স্থলে অসম্ভব হইয়া উঠে। পূর্বে পথের মধ্যে পরপ্রণালী থাকায় অসতর্ক পথিককে অনেক সময়ে পক্ষসিক্ত হইতে হইত, অধুনা সে বন্ধগা অনেক পরিমাণে ঘুচিয়াছে। সহরের মধ্যে একাধিক সরকারী উদ্যান বর্তমান তন্মধ্যে একটা স্বর্ণীয়া ভারতেশ্বরীর ‘জুবিলী’ উপলক্ষে প্রতিষ্ঠিত হওয়ায় তন্মানুসারে আখ্যাত। মর্যাদায় একরূপ মহৎ হইলেও রমণীয়তায় ইহা নিতান্ত অকিঞ্চিৎকর; ফলতঃ ক্যান্টনমেন্ট সীমার সমীপবর্তী সাহেবদিগের প্রমোদ-উদ্যান ভিন্ন অপরগুলির এখনও অতি হীনাবস্থা। বাণিজ্যঅধ্যায়ে বরেলীর অবস্থা বড় মন্দ নহে—রবিশস্ত, তুলা, শর্করা প্রভৃতি দ্রব্য এতদেশে প্রচুর পরিমাণে জন্মে এবং বরেলীর গজ হইতে রেলযোগে তাহা নানাস্থানে নীত হয়; গৃহসজ্জাপযোগী কাষ্ঠনির্মিত ও বংশরচিত নানা সুন্দর সামগ্রীও এখানে যথেষ্ট পরিমাণে ও অপেক্ষাকৃত সুলভ মূল্যে পাওয়া যায় এবং স্থানান্তরে তাহার রপ্তানির ভাগও নিতান্ত অল্প নহে।

বরেলীবাসী বাঙ্গালীজীবনের যৎকিঞ্চিৎ পরিচয় দিয়া এই ক্ষুদ্র প্রবন্ধের উপসংহার করা যাউক। যুক্ত প্রদেশের নানাস্থানে এক একটা বাঙ্গালী মহল্লা থাকে, এখানে সেরূপ নাই;—কেহ সদরে (cantonment), কেহ সহরে (city), কেহ রেল, কেহ জেলে, \* কেহ এ পাড়ায়, কেহ ও পাড়ায়, কেহ স্বদেশী মহলে, কেহ

\* Railway Station ও Central Jail-এর কর্মচারীগণকে স্ব স্ব কার্যক্ষেত্রের নিকটবর্তী সরকারি বাসায় থাকিতে হয়। তাহার সহরের লোকের সহিত মিশিবার বড় সুযোগ পান না।

স্বদেশী বিদেশীর সন্ধিস্থলে বাস করেন; সুতরাং, সংখ্যায় মুষ্টিমেয় হইলেও, ইহাদিগের পরস্পর সাক্ষাতের সম্পর্ক অতি অল্প। অনেকে আবার স্ব স্ব বৃত্তি লইয়াই বিব্রত, কেহ বা আপন পদগোরবে গোরবাসিত—তাহাতে সঞ্চালনের পথ অনেকস্থলে স্বতঃই রুদ্ধ; তন্নিম্ন পরস্পর প্রাণের আকর্ষণ ও সহানুভূতিও বিরল। স্থলবিশেষে বাঙ্গালী বুলিও বিকৃত ও কষ্টসাধ্য, এজন্ত কচিং কার্ণ-স্থানে মিলিত হইলেও; সহজে সকলের সঙ্গে বাঞ্চালিপ পর্য্যন্ত ঘটিয়া উঠে না। প্রবাসে বঙ্গসাহিত্যানুশীলন প্রমুখ সুযোগ্য ‘প্রবাসী’ অনেক তথ্য প্রকাশ করিয়াছেন, কিন্তু তাহাতে বরেলীর কথা কৈ বড় কিছু শুনি নাই; তবে এখানকার কেহ কেহ বর্ণশুদ্ধিসহকারে আপন মানটা পর্য্যন্ত স্বাক্ষর করিতে অশক্ত, এ তথ্য আমরা জ্ঞাত আছি। বঙ্গসাহিত্যের অনুশীলন ও তৎসূত্রে অত্র তা বাঙ্গালীগণের মধ্যে পরস্পর প্রীতি সংস্থাপন করিবার উদ্দেশে কতিপয় নিষ্কর্মা লোক একবার চেষ্টা করিয়াছিলেন; গ্রন্থাদি সম্বলনের নিমিত্ত অর্থসাহায্যভিক্ষায় ইহারা স্থানীয় বাঙ্গালীমাত্রেই দ্বারে একাধিকবার দ্বারস্থ হইতেও কুণ্ঠিত হয়েন নাই; তাহার পুরস্কারস্বরূপ, কয়েকজন উদারচরিত্র মহানুভবের চক্রান্তে, তাহাদিগকে প্রকাশ্য সভায় স্থল সার্থক প্রতারক বলিয়া স্থখ্যাতি দাত পূর্বক অশ্রুপূর্ণলোচনে গৃহে ফিরিতে হইয়াছিল। এই ঘটনার পরে একরূপ দুঃসাহসিক চেষ্টাও তাহার বিচিত্র পরিণাম আর কখন ঘটিয়াছিল কি না আমরা জ্ঞাত নহি। বাহা ইউক, মাতৃভাষার মর্যাদারক্ষা ও পরস্পর মনের মিল সাধনকল্পে বরেলীবাসী বাঙ্গালীর অল্পরাগের নিদর্শন এই ক্ষুদ্র ঘটনাতেই যথেষ্টভাবে পাওয়া যাইতে পারে। আর এক কথা। উত্তর ভারতের অত্রস্থ স্থানের অত্রায় এখানেও অতীত কালে কোন বাঙ্গালী কর্তৃক এক কালীমন্দির প্রতিষ্ঠিত হইয়াছিল; অধুনাতন বাঙ্গালীগণের ওদাশ্য প্রযুক্ত সে মন্দিরের অবস্থা নিতান্তই মলিন হইয়াছে,—মাত্র জনৈক স্থানীয় ব্রাহ্মণের সেবার উপর নির্ভর করিয়া উহা কোনমতে এখনও মস্তকোত্তোলন করিয়া আছে। বরেলীবাসী বাঙ্গালীর স্বধর্ম্মানুরাগ ও স্বজাতিপ্রেমের ইহাও এক সুন্দর নিদর্শন।

শ্রীপাঁচকড়ি বোধা

## ভোজ্য, ভূষা ও ভাষা ।

### ২য় প্রস্তাব ।

অনেকে বলিতে পারেন, মাংস প্রভৃতি তামসিক দ্রব্যাদি ভোজনে শরীরে বলসঞ্চয় হয় এবং সেই বল দ্বারা মন ও মনোবৃত্তি সতেজ হইয়া থাকে। কথাটা শুনিতে ভাল কিন্তু সকল সময়ে (বোধ হয় অনেক সময়ে) ইহা ঠিক নহে। শরীর স্ফীণ হইলেও মনোবৃত্তিসমূহ বা মস্তিস্ক স্ফীণ হয় না, বরং জগতের প্রধান প্রধান পণ্ডিতবর্গ এবং বিশেষতঃ সাহিত্যজীবীগণ প্রায়ই স্থলাকার নহেন। ঋষিরা বনের ফলমূল খাইয়া, স্ফীণ শরীরে এবং সাত্ত্বিক ভাবে বাহা লিখিয়া গিয়াছেন, বাহা দেখাইয়া গিয়াছেন এবং বাহা চিন্তা করিয়া গিয়াছেন, তাহা কয়টা তামসিক পদার্থভোজী পণ্ডিতে অপব্যব করা মাংসভোজী বিপুলবপু মানসে সুদম্পন্ন করিতে পারিয়াছে? বিদেশীয় শাসনে বাঙ্গালী বণন উৎপীড়িত হইয়াছে, হিন্দুধর্ম্মাধীনতার পতনের ইতিহাস পাড়িয়া বাঙ্গালীর দেহস্থিত শোণিত বণন তীব্রবেগে ছুটিয়াছে, তখন বাঙ্গালীর লেখনীর অগ্রভাগ হইতে অগ্নিস্কুলিঙ্গের গার ছই একবার বীরোচিত ভাষা নিঃসৃত হইয়াছিল; সেইটু বৃষ্টান্ত দেখাইতেছি।

১। স্বাধীনতাহীনভায়

কে বাঁচিতে চায় রে ?

দিনেকের স্বাধীনতা

স্বর্গস্থ্য তায় রে।

( রঙ্গলাল বন্দ্যোপাধ্যায় )

২। অসভ্য তাহার, অসভ্য জাপান।

তারাও স্বাধীন, তারাও প্রধান।

ভারত স্বধুই বৃন্দায় রেয় ॥

\* \* \* \* \*

বাজুরে শিক্ষা, বাজু এই রবে।

সবাই জাগ্রত এই বিপুল ভবে ॥

ভারত স্বধুই বৃন্দায় রেয় ॥

( হেমচন্দ্র বন্দ্যোপাধ্যায় )

কিন্তু কবিবর মাইকেল মধুসূদন দত্ত মহোদয়ের মেঘনাদবধ কাব্যে অথবা “বীরাসুন্দরায়” যে অগ্নি আছে, তাহা তাঁহার নিজের মনোবঞ্জের ছত্ৰাশন নহে।

পর্বত-গৃহ ছাড়ি

বাহিরায় যবে নদী সিঙ্ঘুর উদ্দেশে ;

কার হেন মাধ্য সে যে রোধে তার গতি ?

অথবা

“পরম অধর্ম্মাচারী রঘুকুলপতি ।”

প্রভৃতি মাইকেলের নিজের নহে। কিন্তু কুকক্ষেত্র মহাযুদ্ধের সেই চিরস্মরণীয়

“কুতস্তাং কশ্মল নিদং ।”

নামক বৈদ্যবানরঙ্গ মহাবীরবাক্য শ্রীকৃষ্ণচন্দ্রের নিজের ! মাইকেলের “পর্বত-গৃহ ছাড়ি” কবিতার ভাব তাঁহার নিজের নহে, ভাবাও তাঁহার নহে; প্রাচীন বৈষ্ণব গ্রন্থে প্রেমের উচ্ছ্বাস বর্ণনার ঠিক ঐ ভাষা বর্তমান আছে। বাহাই ইউক, প্রকৃত কথা এই যে, তামসিকের ভাষা ও ভাব প্রায়ই আদিমমুগ্ধ, সাত্ত্বিকের চিন্তা, ভাব, ভাষা ও উচ্ছ্বাস সম্পূর্ণ নূতন এবং “নিতুই নব” নব সাজে সজ্জিত, সুতরাং তামসিকের ভাষার প্রভাব অপেক্ষা ইহার প্রভাব অধিক দূরব্যাপী এবং অধিক কালস্থায়ী। মাংসের তেজ সাময়িক; ফলমূলের তেজ চিরস্থায়ী। শাক্ত বা সাত্ত্বিকের চিন্তায় যে সারস্ব দেথা যায়, সাত্ত্বিকাহারী বৈষ্ণবের চিন্তায় তদপেক্ষা অধিকতর সারস্ব থাকে।

পাঠক শুনিয়া আশ্চর্য্য হইবেন, মাতৃভাষার হাতের লেখার সহিত (অক্ষরের সহিত) আহাঙ্গের সম্পর্ক আছে। বহু সংখ্যক চিঠি, হস্তলিখিত প্রাচীন গুণি, মুদ্রাসম্বন্ধে পাণ্ডুলিপি প্রভৃতি মিলাইয়া দেখিয়াছি,, নিরামিবাশীর অক্ষর ও হাতের লেখার ধরণ হইতে আমিবাশীর অক্ষর ও হাতের লেখার ধরণে বিভিন্ন। নিরামিবাশিগণ প্রায়ই বড় বড় অক্ষরে এবং পরিষ্কার পরিচ্ছন্নভাবে লিখিতে পারেন; আমিবাশীদিগের অক্ষরগুলি প্রায়ই ক্ষুদ্র এবং অপরিষ্কৃত। নিরামি-বাশী যত শীঘ্র শীঘ্র (জনদ্) লিখিতে পারে, আমি-বাশী তত শীঘ্র পারে না। উচ্চারণে, কথোপকথনে এবং বক্তৃত্যতেও প্রায় তাহাই দেখিয়াছি। তবে

অভ্যাসের কথা স্বতন্ত্র, সে কথা গণনীয় নহে। বেশান্ত (Annie Besant) নামী প্রসিদ্ধা বক্ত্রী (speaker) যখন তামসিক আহার করিতেন, তখন তাঁহার লেখনী হইতে এক মিনিটে সাত শত অক্ষরের অধিক নিঃসৃত হইত না, এখন সেই নিরামিষাশিনী বেশান্তের লেখনী হইতে ষোলশত শব্দ নিঃসৃত হয়। তামসিক আহার কালে ঐ প্রসিদ্ধা রমণীর মুখ হইতে ১০৯টী শব্দ বাহির হইতে পারিত, এখন সাত্ত্বিকপ্রিয়া বেশান্তের দিগন্ত-মুগ্ধকারিণী বক্তৃত্যব সময়ে তাঁহার মুখ হইতে প্রতি মিনিটে গড়ে ২১৭ শব্দ নিঃসৃত হইয়া থাকে।

আর এক কথা। ঋতু অনুসারে আহারের নিয়ম নির্ধারণ না করিলে মানুষের চিন্তাশক্তি, উচ্চারণশক্তি এবং ভাব ও ভাষার লঘুতা জন্মিয়া থাকে। সাহিত্য-সেবী ও সাহিত্যজীবীদের পক্ষে গ্রীষ্ম ও বসন্ত এই দুই ঋতু সর্বাপেক্ষা প্রশস্ততম। উজ্জ্বল প্রভাত (Bright morning,) প্রথর রৌদ্র, পর্ষত বা বনের বায়ু এবং উত্তাপ এইগুলি সাহিত্যসারথী (Literary men) দিগের পক্ষে খুব হিতকারী। অত্যন্ত শীতে এবং বর্ষীয় সাহিত্যসেবীদের চিন্তাশক্তি, অনুকরণ ও অনুবাদশক্তি, উদ্ভাবন ও উচ্চারণশক্তি প্রভৃতি কমিয়া যায়। সাহিত্যপ্রিয় লোকের শরীর হইতে যত স্বেদ নিঃসৃত হয় ততই ভাল। প্রবল শীতে ও নিরানন্দময় মলিন বর্ষীয় (Gloomy weathers) সাহিত্যসেবীর মনোবৃত্তিসমূহ ক্ষুরিত হয় না। এই অভাব পূরণ জন্ত সাহিত্যজীবীদের পক্ষে ভোজ্য পদার্থসম্বন্ধীয় কতকগুলি উৎকৃষ্ট বিধি নির্দিষ্ট থাকা নিতান্ত আবশ্যিক।

ঐহারা বঙ্গভাষা ও বঙ্গসাহিত্যের উন্নতিসাধন জন্ত অমিত ক্লেশ স্বীকার করিয়া ভবিষ্যৎ বংশীয়দিগের সভক্তি নমস্কারের যোগ্য হইতেছেন, ঐহারা সাহিত্যের চর্চায় বিমল আনন্দ উপভোগ করিয়া মর্ত্যজীবনের বহু বর্ষ অতিবাহন করিতে ইচ্ছা করেন অথবা ভাষা ও সাহিত্যের আলোচনাই ঐহাদের জীবনের প্রধান কিম্বা অগ্রতম মুখ্য উদ্দেশ্য, তাঁহাদিগকে আমি বিনীত ভাবে “ঋতু হরিতকী” ব্যবহার করিতে অনুরোধ করি। প্রতিদিন অন্ততঃ একটুও হরিতকী ব্যবহার করা তাঁহাদের পক্ষে নিতান্ত কর্তব্য। লবণ, মধু, গুড় প্রভৃতি অনুপান

সহযোগে ঋতু হরিতকী ব্যবহার করিতে হয়। হরিতকী ব্যবহার করিলে চিন্তাশক্তি, উদ্ভাবনশক্তি, অনুবাদ ও অনুকরণশক্তি, স্মরণশক্তি, সাত্ত্বিকভাব, ভাষার তেজ, উচ্চারণের পরিষ্কারতা, মনোবৃত্তির ক্ষুরণ এবং রচনা করিবার প্রবৃত্তি বিশেষরূপে বৃদ্ধিপ্রাপ্ত হয়। আমার ক্ষুদ্র বিবেচনায় বাঙ্গালী সাহিত্যসেবীদের পক্ষে তামাক সেবন অনেক সময়ে হিতকর, কিন্তু বাহারা তামাকুটের বিরোধী অথবা ধূমপানে অনভ্যস্ত তাঁহাদিগকে আমি তামাক খাইতে নিষেধ করি, তাঁহারা তামাকুর পরিবর্তে যদি প্রচুর পরিমাণে দারুচিনি ব্যবহার করেন (মুখ মধ্যে দারুচিনি চর্কণ করেন) তাহা হইলে অনেকটা উপকার প্রাপ্ত হইতে পারেন। সাহিত্যসেবীর পক্ষে চা, কাফি, কোকেন ও সকেলেট খুব খারাপ। ঐহারা ভাষা ও সাহিত্যের শ্রীবৃদ্ধি করিতে বন্ধপরিষ্কার, তাঁহার তিলক দ্রব্য (নিম্বপত্র, নিম্বফল, হেলেঞ্চা বা হিঞ্চ শাক, চিরেতা, গোলঞ্চ, পাটশাক প্রভৃতি) ব্যবহার করিলে বিশিষ্ট উপকার প্রাপ্ত হইতে পারেন। সাহিত্যসেবীদের পক্ষে প্রতি সপ্তাহে অন্ততঃ একবার তিলক দ্রব্য সেবন করা নিতান্ত কর্তব্য। সাহিত্যপ্রিয় মনুষ্যের পক্ষে কেরোসিন তৈল, গর্জন তৈল, মসিনার তৈল, গর্জনীতুণ্ড, বচ্ছপমাংস, অতুচ্চ বৃক্ষের ফল, খালের জল, অঙ্গারসিক্ত গরম জল, রাত্রির শিশির, গাজর, মালগুণ বিলাতী বেগুন, রসুন, মটরের ডাউল, হরিতানভগ্ন এবং (অন্ততঃ) এক বৎসরের অনধিক পুরাতন চাউল ব্যবহার করা একেবারে নিষিদ্ধ। পাঠক মহাশয়ের যেন স্মরণ থাকে, আমি যাহা লিখিতেছি তাহা কেবল বাঙ্গালী সাহিত্যজীবীদের সম্বন্ধেই প্রযোজ্য। ইহাও বলা কর্তব্য, সাহিত্যিক পুরুষের পক্ষে (শাস্ত্রমতে) স্ত্রীসহবাস পঙ্গিমিত ভাবেই প্রশস্ত। যোগশাস্ত্রে লিখিত আছে, মানুষ যদি সাহিত্যের চর্চা করিতে করিতে আহার ও বিহারের নিয়মগুলি মনোযোগসহকারে পালন করে তাহা হইলে সে মহাবোগীরূপে পরিণত হইতে পারে। প্রতিদিন সায়াহ্নে পরিব্রাজণ করা সাহিত্যিকের পক্ষে মহোপকারী। সকল দিবস স্নান না করিলেও সাহিত্যসেবীর অনুপকার হয় না। ইহা কেবল অভ্যাসের উপর নির্ভর করে, কিন্তু সাহিত্যজীবীর পক্ষে প্রতিদিন স্নান করা অপেক্ষা

প্রতিসপ্তাহে অন্ততঃ দুইবার স্নান করা ভাল। সতত শীতল জল ব্যবহার করা কর্তব্য।

অতঃপর আমি সাহিত্যসেবীদের জন্ত সাধারণতঃ যে আহারের ব্যবস্থা লিখিতেছি, তাহা প্রাচীন শাস্ত্র এবং আধুনিক বিজ্ঞানের সম্পূর্ণ সম্মত ও সঙ্গত। প্রত্যক্ষ দৃষ্টান্ত দিয়াও এই ব্যবস্থার সারস্বতের কথা বুকান যাইতে পারে। ব্যবস্থাটি নিম্নে প্রদত্ত হইল।

### ভোজ্য পদার্থের তালিকা।

(দুই বেলার আহার।)

প্রভাতে গাত্রোথান ও প্রাতঃকৃত্য সমাপনের পরে দেড় পোয়া দুগ্ধ (অথবা) ২ তোলা গব্যদুগ্ধ (মিশ্রীমহ) (কিম্বা) ২ তোলা নাখন (শুষ্ক গুড় সহ) তদন র : টো কিম্বা ১১টার সময়ে—মোট চাউলের অন্ন। \* ডাউলের পরিমাণ অধিক হওয়া আবশ্যিক। (আমিষাশীর পক্ষে) মাংস অপেক্ষা মৎস্য ও ডিম্বের পরিমাণ অধিক আবশ্যিক। ভাজা দ্রব্য একেবারে নিষিদ্ধ। আলু, কম পরিমাণে ব্যবহার্য। অম্বল অবশ্য ব্যবহার্য। লবণের ভাগ অধিক হওয়া আবশ্যিক। দুগ্ধ ও ঘৃত থাকা চাই।

রাত্রির আহারের পরে ফল সেবন নিতান্ত প্রয়োজনীয়। তাৎপরে ব্যবহার যত কম হয় ততই ভাল, একেবারে বর্জন করিলে ক্ষতি নাই। আতা, আনারস, আম্র ও জাম এই গুলি সাহিত্যসেবীর পক্ষে বিশেষ উপকারী। যে সকল তরকারীর বা যে সকল ফলের নামের প্রথমে “ক” আছে তাহা সাহিত্যজীবীগণ যদি কম পরিমাণে ব্যবহার করেন তাহা হইলে অধিকতর সুস্থ থাকিতে পারেন; কাঁঠাল, কদলী, কুয়াণ্ড, কেতকী, কিম্বাশি-প্রভৃতির অন্ন ব্যবহারই ভাল, অধিক ব্যবহার অনুপকারী। সাহিত্যসেবীর পক্ষে স্নান পরিমাণে দিবা নিদ্রা প্রশস্ত। বরফ ব্যবহার ভাল নহে; স্নানের সময় অধিক পরিমাণে তৈল ব্যবহার করা খুব ভাল। দিবসে অন্ততঃ ৫৬ বার শীতল জলে চক্ষু ধোত করা নিতান্ত আবশ্যিক।

অতঃপর পরিচ্ছদ সম্বন্ধে কিছু আলোচনা করিতে আকাঙ্ক্ষা করি। রেশম, পশম, বা পাট অপেক্ষা

\* সাহিত্যসেবী মহাশয়দিগের ইহা যেন সতত স্মরণ থাকে যে, চাউল যত মোটা হয় তাহার সারত্বও তত অধিক হয়।—লেখক।

সাধারণ তুলাজাত পোষাক, বঙ্গীয় সাহিত্যসেবীর পক্ষে সর্বাপেক্ষা প্রশস্ত। পরিচ্ছদ খুব টাইট না হইয়া ঢিলা (slack) হওয়া ভাল। সমস্ত শরীর আবৃত রাখায় উপকার আছে, মাথা খোলা থাকাই বিধেয়। জাতীয় পরিচ্ছদ জাতীয় ভাবের উদ্দীপক এবং জাতীয় ভাষার উন্নতি পক্ষে সহায়ক। শুভ্র রং সর্বোৎকৃষ্ট; ব্রহ্মচর্য্য ব্রত সাহিত্যজীবীর প্রধান ব্রত হওয়া উচিত; গৈরিক বসন এবং দীর্ঘ কেশ সাহিত্য সম্বন্ধে বিশেষ উপকারী।

শ্রীধর্ম্মানন্দ মহাভারতী।



### রাঘব-বিজয় কাব্য।\*

(সমালোচনা)

বঙ্গ-সাহিত্যে অমিত্রাক্ষরচন্দ্র প্রবর্তিত হইবার সময়ে তাহার বিরুদ্ধে নানা কথা উত্থাপিত হইয়াছিল। মধু-সুন্দনের অতুল প্রতিভা সে সকল প্রতিকূল সমালোচনা অতিক্রম করিয়া, অমিত্রাক্ষরের বিজয়ঘোষণায় কৃতকার্য্য হয়; ছন্দ জয়যুক্ত হইলেও, সে ছন্দে কাব্যরচনা করিয়া আর কেহ মধুসুন্দনের তায় জয়যুক্ত হইতে পারেন নাই। তাহার মূল কারণ, মধুসুন্দনের অপূর্ণ সৌন্দর্য্যসৃষ্টি-কৌশল। সে কৌশল সহসা অনুকরণ করা অসম্ভব। তজ্জন্ত অত্র লোকে ছন্দের অনুকরণে কৃতকার্য্য হইয়াও কাব্য-রচনার কৃতকার্য্য হইতে পারেন নাই। তাই বঙ্গ-সাহিত্যে অমিত্রাক্ষর ছন্দে রচিত কাব্যগ্রন্থের সংখ্যা এখনও নিতান্ত অল্প। শ্রীযুক্ত শশধর রায় মহাশয় অমিত্রাক্ষরের কাব্যরচনার হস্তক্ষেপ করিয়া বঙ্গসাহিত্যে অমিত্রাক্ষরের প্রভাববিস্তারের চেষ্টা করিতেছেন। সে চেষ্টা সর্বাংশে সফল না হইলেও, প্রশংসার্হ। তাঁহার “রাঘব-বিজয়” নামক অভিনব কাব্যগ্রন্থ চতুর্দশ সর্গে পরিসমাপ্ত রাঘববধের আখ্যায়িকা। স্মরণ্যঃ মধুসুন্দনের মত

\* শ্রীশশধর রায় বিরচিত। মূল্য এক টাকা।

শশধরও রামায়ণ বর্ণিত লক্ষ্মাকাণ্ডে মহাসমরকাহিনী অবলম্বন করিয়া কাব্যরচনায় অগ্রসর হইয়াছেন।

মধুসূদন যেভাবে “অমৃত ভাষিণীর” নিকট বর ভিক্ষা করিয়া মেঘনাদবধ কাব্যের সূচনা করিয়াছিলেন, শশধরও প্রায় সেই ভাবে, সেই “মধুর ঝঙ্কারে” দেবীর নিকট বর ভিক্ষা করিয়া, রাঘববিজয় কাব্যের সূচনা করিয়াছেন। মধুসূদন মধুচক্র রচনা করিবেন বলিয়া যে আশার আভাস প্রকাশিত করেন, তাহা সফল হইয়াছে। শশধরও প্রার্থনা-নীল ভক্ত সাধকের বিনয়নয় কোমলকণ্ঠে গাহিয়াছেন;—

“—নব নব রসে প্লাবিত করিয়া  
দেও এ দাসের হিয়া। বাহে সুধাধারা  
সম, পারি বরসিতে এ সুধা-সঙ্গীত-  
শ্রোত অবনী-মাঝারে।”

এই উদ্বোধন-শ্লোক আবার আশার সমাচার বহন করিয়া বঙ্গসাহিত্যের দ্বারস্থ হইয়াছে। সুতরাং রাঘব-বিজয় কাব্য পাঠ করিবার জন্য কোতূহল প্রবল হইবার কথা। কবি বীণাপাণির চিরসহচরী বঙ্গনা ও প্রতিভাকেও সাদরে আহ্বান করিয়া গাহিয়াছেন;—

“—উরি এ প্রদেশে, বসি  
তিনে এক হ’য়ে, গাও এ মহাসঙ্গীত;  
বিধিবিস্তৃমহেশ্বর সমস্বরে যথা  
গাহিলা ওঙ্কার ধ্বনি অপূর্ণ ঝঙ্কারে,  
সৃষ্টির আদিতে ভাসি কারণ-মাগরে।”

ব্রাহ্মণকবির কণ্ঠনিস্বত এই ধীরোদাত্ত পবিত্র স্বর কবিপ্রতিভার যেরূপ পরিচয় প্রদান করিয়াছে, তাহাতে রাঘববিজয় কাব্য আশুপাঠ করিবার কোতূহল অবশ্যই বন্ধিত হইবে।

মধুসূদন মেঘনাদবধেই কাব্য সমাপ্ত করিয়াছেন। শশধর মেঘনাদবধ হইতে কাব্যারম্ভ করিয়াছেন। সুতরাং প্রসঙ্গক্রমে তাঁহাকে সংক্ষেপে মেঘনাদবধ-কাহিনীর উল্লেখ করিতে হইয়াছে। এই কাহিনী মূল রামায়ণে যে ভাবে বর্ণিত রহিয়াছে, বঙ্গসাহিত্যে সেভাবে প্রতিষ্ঠালাভ করে নাই। মধুসূদনের প্রতিভা মূল কাহিনীকে রূপান্তরিত করিয়া কাব্যরচনা করায়, তাহাই বাঙ্গালীর বর্ধস্থ হইয়া গিয়াছে। সে কাহিনী—নিকুন্তিলা যজ্ঞাগারে নিরস্ত্র মেঘনাদের নৃশংস হত্যাকাণ্ড। তাহাতে লক্ষ্মণচরিত্র

কালিমালিগু হইয়া রহিয়াছে। শশধর কবিশুকের পদাঙ্ক অনুসরণ করিয়া, মেঘনাদবধের প্রকৃত কাহিনী লইয়া কাব্য-সূচনা করিয়াছেন। ইহাতে লক্ষ্মণচরিত্র কলঙ্কমুক্ত হইয়াছে। সুপরিচিত আদর্শ সাহিত্যে রূপান্তরিত হইয়া হীনত্ব প্রাপ্ত হইলে, সহৃদয় ব্যক্তি মাত্রের হৃদয় ব্যথিত হইয়া থাকে। বঙ্গসাহিত্যে সেরূপ মর্মব্যথার অনেক পরিচয় প্রাপ্ত হওয়া যায়।

রাঘববিজয় কাব্যের প্রথম দৃশ্য—রাঘব-শিবিরে। সে শিবির-দ্বারে দাঁড়াইয়া “রাঘবেন্দ্রে বলী” লক্ষ্মণের প্রত্যাগমনের অপেক্ষা করিতেছেন। এমন সময়ে,—

“সুমিত্রানন্দন, অঞ্জনানন্দন সহ  
বিভীষণে ল’য়ে, আসি প্রণমিলা সৌম্য  
রাঘবের পদে। বদনে সুহাসি মাথা,  
অনল লোচনে, সুসজ্জিত বীরসাজে  
সৌমিত্রিকেশরী; মাস্তুলিক চূড়া শিরে  
বিজয় পতাকাসম ছুলিছে পবনে,  
ঘোমিয়া বিজয়বার্তা। অস্ত্রের ঝঙ্কার  
মাঝে প্রণমিলা বিপুলাংস রঘুবংশ  
অবতংস অগ্রজের পদে।”

রাঘব একবার মিত্র বিভীষণকে, একবার কুমার লক্ষ্মণকে রণবার্তা জিজ্ঞাসা করিলেন। তাঁহারা উভয়েই নীরব। অঞ্জনানন্দন সে নীরবতা ভঙ্গ করিয়া রণবার্তা নিবেদন করিলেন। মূল রামায়ণে বিভীষণ এই কাব্য সাধন করিয়াছেন। সে কালের সাহিত্যরুচি তাহাতে কোন দোষ দর্শন করে নাই। একালের কবির সে সাহিত্যের অভাব। লক্ষ্মণ নিজমুখে নিজের বীরত্ব বর্ণনা করিতে ভাল দেখাইবে না, বিভীষণও আপন ভ্রাতৃপুত্রের নিকট ব্যাপার বর্ণনা করিলে অস্বাভাবিক হইয়া উঠিবে,—যেহেতু হয় এইরূপ আশঙ্কায় কবি অঞ্জনানন্দনের শরণাপন্ন হইয়াছেন। যাহা হউক, অঞ্জনানন্দন অতি উচ্চশ্রেণীর অভিনেতার মত হাব ভাব অঙ্গভঙ্গীর সহিত এই মহাসমর কাহিনী বর্ণনা করিয়াছেন। মেঘনাদবধ কাব্যের প্রথম সর্গের ভগ্নদূতের সমরবর্ণনার পাশ্বে রাঘববিজয় কাব্যের প্রথম সর্গের অঞ্জনানন্দনের সমরবর্ণনা স্থানলাভের যোগে বলিয়া বঙ্গসাহিত্যে স্বীকৃত হইতে পারে।

কবি অধিকাংশস্থলে বাঙ্গালীর অনুসরণ করিলেও

মহীরাবণকাহিনী গ্রহণ করিয়া রুতিবাসেরও কীর্তি স্বীকার করিয়াছেন। রাম ও রাবণ চরিত্র চিত্রিত করিবার সুবিধা হইবে বলিয়া মহীরাবণকাহিনী গৃহীত হইয়াছে। ইহাতে কবি পাতাল বর্ণনার অবসর পাইয়া প্রশংসাযোগ্য রচনা-কৌশলের পরিচয় প্রদান করিয়াছেন।

“সজ্জিত প্রথমস্তরে বালুময় ক্ষিত্তি,  
কোথা চূর্ণ, কোথা পূর্ণ, কোথা কর্দমিত,  
গাঢ় কৃষ্ণ, কঠিন, পিচ্ছিল।”

স্তরে স্তরে ভূপঞ্জরের বিবিধ বিচিত্র আভ্যন্তরিক চিত্র সুকৌশলবিম্বস্ত;—আধুনিক ভূতত্ত্বের কথা হইলেও, কাব্যসৌন্দর্যের আধার।

“—কোন স্থলে  
রহিয়াছে পড়ি, অবিজ্ঞাত জীবদেহ,  
চূর্ণ কঙ্কালের; কোথাও আবার, ক্ষুদ্র  
শব্দকের অস্থি, শঙ্খ স্ফটিকিত, অতি  
ক্ষুদ্র, ক্ষুদ্রতম, পুঞ্জ পুঞ্জ কীটদেহ  
রয়েছে পড়িয়া; অথবা কালের অঙ্কে  
অঙ্কিত করিতে নিজ ক্ষুদ্র ইতিহাস,  
নিজমূর্তি আঁকিয়াছে প্রস্তরের দেহে।”

বঙ্গসাহিত্যে রাম ও রাবণের চিত্র বহুবার অঙ্কিত হইয়াছে। সকল চিত্রেই একভাবে চিত্রিত। রাবণ গর্ভোদ্ধত; রাম বিরহবিধুর—নিয়ত নয়নজলে অভি-ষিক্ত, শিশিরমত ছক্কাদলের মত শ্যামসুন্দর সুকুমার কোমলতার আধার। রাঘব-বিজয়ের রাম “বিপুলাংস রঘুবংশ-অবতংস”—ধীরোদ্ধত ক্ষত্রিয় বীর,—অযোধ্যার রামভদ্র বলিয়া চিনিবার চেষ্টা করিলে চিনিয়া লওয়া যায়। রাবণও ধীরোদ্ধত মহাবীর;—কিন্তু পুনঃ পুনঃ ভাগ্য-বিপর্যয়ে সে ধীরতা যেন কিছু শিথিল হইয়া পাড়িয়াছে; তাই অধীর উচ্ছৃঙ্খলতা মাত্র বর্তমান।

রাবণ সুবিখ্যাত, সুশিক্ষিত, সুদীক্ষিত ভক্ত। চরিত্র-স্বলনের দুর্বলতা না থাকিলে, সে চরিত্র পূজনীয় হইতে পারিত। চরিত্রস্বলন দোষে এমন চরিত্রেও কেমন অধোগতি প্রাপ্ত হয়, রাবণ যেন তাহারই প্রতিকৃতিরূপে চিত্রিত। জীবদিন এমন ছিল না। রাবণের সভাগৃহের ভিত্তি-চিত্রের বর্ণনাঙ্কে কবি পূর্বকথার অবতারণা করিয়াছেন। তাহা নিতান্ত মন্থস্পর্শী।

“—চারি ভিতে কি বিচিত্র  
লেখা, জাগাইছে গুরুস্মৃতি দর্শকের  
মনে। ইন্দ্র ইন্দ্রজিতে রণ; মুহুমুহ  
বিশিখ প্রহারে জর্জরিত দেববৃহ  
পলাইছে রড়ে।”

এসকল “রম্ভাবতী-হরণের” পূর্বকালবর্তী সৌভাগ্য-কাহিনী। তখনও চরিত্রস্বলিত হয় নাই; শিক্ষা দীক্ষা অতল সলিলে ডুবিয়া পড়ে নাই। তখনকার সেই এক দিন। সে দিন,—

“—কোথাও বা রক্ষসেনা  
রাজসম্মিধানে বাধিয়া আনিছে দর্পে  
পবন, বরুণ, অগ্নি, দিক্‌পাল যত।”

সে দিন স্বয়ং রাবণও বিশ্বসংসারে অপরাাজিত বিক্রমে অলৌকিক বীরত্ব প্রদর্শনে সিদ্ধহস্ত। সে দিন সকলে সভয়ে চাহিয়া দেখিয়াছে,—

“উড়িয়া বিমানপথে মায়ায় রথে,  
দুর্জয় লক্ষেশ ধরি গ্রহতারাবলী,  
নক্ষত্র, ভয়াল উল্কা, ছুড়িয়া ফেলিছে  
চূর্ণ চূর্ণ করি ভূমিতলে।”

সে বাহুবল, সে শাসনকৌশল, সে অপ্রতিহত দিগ্বিজয়-ব্যাপার লক্ষ্যপূরীকে বিরূপ সুখেশ্বর্যে অলংকৃত করিয়াছিল, ভিত্তিগাত্র তাহার চিত্রপট এখনও সমুজ্জল।

“কোথা সুনীল-সফেন-সিন্ধু-পরিবৃত্তা  
পুরী, নিজবক্ষ খুলি, আলেখ্য-ছলনে,  
দেখাইছে কত পথ, কত ঘাট, স্বর্ণ-  
বিমাণ্ডত। কত স্বচ্ছ সরসী সুরঙ্গে  
নাচিতেছে লহরে লহর তুলি’ চির  
সোহাগিনী।”

সে দিন লক্ষেশ্বরের বাহুবলের সঙ্গে সাধনবল মিলিত হইয়া লক্ষ্যপূরীকে নানা সাস্থিক শোভায় সুশোভিত করিয়াছিল। এখনও ভিত্তিচিত্রে তাহার পরিচয় প্রাপ্ত হওয়া যায়।

“—স্বর্ণ সৌধশ্রেণী অত্রভেদী,  
পবিত্র মন্দির শত শত,—শিবলিঙ্গ  
যথা, শঙ্খ-ঘণ্টা-ঝঙ্কারোলে, ধূপ-দীপ-  
বিষপত্রে, ভক্তিভরে সতত পূজিত,

সুরমা উদ্যান কত, প্রমোদ কানন,  
শোভাময়ী লীলাময়ী করিয়াছে চির  
সুবিখ্যাত লক্ষাপুরী। সেই চিত্র কোন  
ভিতে চিত্তমুগ্ধকর।”

ভিত্তিচিত্রের এই বর্ণনা-কৌশলে কবির কল্পণা ও  
প্রতিভা তুল্যভাবে জয়যুক্ত হইয়াছে। ইহাতে রাবণচরিত্র  
বিষদরূপে পরিষ্কৃত হইয়াছে।

মহাকাব্য ও খণ্ডকাব্যের মধ্যে প্রধান পার্থক্য এই যে,—  
খণ্ডকাব্যের খণ্ড খণ্ড বিবিধ চিত্রে বিবিধ কথা অভিব্যক্ত।  
মহাকাব্যের সমস্ত চিত্রের ভিতর দিয়া কেবল এক কথাই  
অভিব্যক্ত। প্রতি চিত্র যেন সেই এক কথার ক্রমবিকা-  
শের সহায়। রাবণবিজয় একখানি মহাকাব্য। ইহার  
মহাকাব্য কি, তাহা সংক্ষেপে বুঝাইবার জন্ত কবি রাবণের  
চিত্তভঙ্গের উপর চৈতন্য নিৰ্মাণ করিয়া তাহাতে লিখিয়া  
দিয়াছেন :—

“————— শাস্ত্র অধ্যয়ন,  
সুগ্রহ-দর্শন, বাগবজ্র, তপোবল,  
অদম্য বাহুবিক্রম, ত্রিভুবনজয়,—  
চরিত্রবিহীন জনে বুঝা সে সকলি।  
অসংঘনী শান্তি তবে নাহি পায় কভু।”

এই মহাকাব্যই রাবণবিজয় মহাকাব্যের প্রাণ। ইহা  
বিশদরূপে বাখ্যা করিবার আশায়, কবি কৰ্মফল ও জন্মা-  
ন্তরবাদের এক দার্শনিক তর্ক গ্রন্থমধ্যে স্থান দান করি-  
য়াছেন। সে দার্শনিক মত কেহ স্বীকার না করিলেও,  
তাহা কবির প্রয়োজনসিদ্ধির সহায়তা করিয়াছে। রাব-  
ণের অসংঘত চিত্র তাঁহার জন্মার্জিত কৰ্মফল; সদ্গুণাবলী  
শিক্ষা ও সংসর্গের প্রলেপ মাত্র। তাহা চরিত্রকে ক্ষণ-  
কাল সংঘত করিলেও, সদাকাল সংঘত রাখিতে পারেনা;  
সমনয়ে শিক্ষা ভাসিয়া যায়, কৰ্মফলই প্রবল হয়। এই  
দার্শনিক মত সংস্থাপন কামনার কবি রাবণনাতা নিকম্বা ও  
রাবণবনিতা মন্দোদরীকে কৰ্মফল ও শিক্ষারূপে বর্ণনা  
করিয়াছেন। মন্দোদরী রাবণকে নিম্নত সংঘনের পথে  
আকর্ষণ করিবার চেষ্টা করিতেন, সে চেষ্টা ক্ষণকাল  
সফল না হইতেই, নিকম্বা আসিয়া রাবণের জন্মগত রাক্ষস-  
প্রবৃত্তি উত্তেজনা করিয়া দিতেন। মন্দোদরীর পরাজয় ও

নিকম্বার জয় রাবণবধের মূল। অসংঘনী কদাচ শাস্তি  
পাইবে না বলিয়াই পদে পদে নিকম্বার জয় হইয়াছে।

এই মহাকাব্যের প্রধান প্রতিপাদ্য বিষয় করুণ রসের  
অন্তর্গত। চরিত্রস্থলনের ইতিহাস করুণরসেরই উদ্বেক  
করিয়া থাকে তাহার সঙ্গে হস্তরসের সংশ্রব নাই।  
তজ্জন্ত কবি হস্তরস পরিহার করিয়া অত্যাঁচ রসের অব-  
তারণা করিয়াছেন। তন্মধ্যে করুণ রসই চিত্তস্পর্শ করি-  
য়াছে; অন্যান্য রসের অবতারণা সেরূপ সফল হয়  
নাই। ইহাকে কাব্যগত দোষ বলিয়া বর্ণনা করিতে পারি  
না। মেঘনাদ নিহত হইবার পর লক্ষার দশা কি হইয়া  
ছিল, তাহা স্মরণ করিতে হইবে।

“লক্ষা অভাগিনী অনন্ত গগনপটে  
রয়েছে চাহিয়া, যেমতি মুমূর্ষু রোগী  
চাহেরে বিবশে, সংজ্ঞাহীন। কিম্বা কথা  
সেবারুত হ’লে কভু গগনমণ্ডল  
সশঙ্ক নক্ষত্র এক চাহে সে আঁধারে।

এরূপ অবস্থায় রাক্ষসপক্ষে বাহা কিছু বীরদর্প প্রদর্শিত  
হইয়াছিল, তাহাতে বীররসের তীব্র তেজ বর্তমান থাকিতে  
পারে না। রামপক্ষেও রাবণের পরাজয় অবশুভাবী  
বলিয়া রণোন্মাদ নিস্তেজ হইয়া আসিতেছিল। অতঃপর  
যুদ্ধকর্মহ কেবল অকারণ শোণিতক্ষয় বলিয়া প্রতিভাত  
হইয়াছিল। পাত্রমিত্র ও নাগরিকগণ মহারাণী মন্দোদরীর  
শান্তির জন্ত ব্যাকুল হইয়া উঠিলেন। অসংঘতচিত্র  
রাবণ শান্তির অনধিকারী বলিয়াই এখনও রণতরঙ্গে  
লক্ষাপুরী আন্দোলিত। কিন্তু সে তরঙ্গে আর পূর্বে  
শান্তির উচ্ছ্বাস ছিল না। কখন কখন তাহা পূর্ববৎ গর্জন  
করিয়া উঠিত; আবার পরম্পর্কেই কাতরকণ্ঠে মর্মে মর্মে  
ক্রন্দন করিয়া সদয়ভারলাঘব করিত। সুতরাং বীর  
রসের আতিশয্যে এ কাব্যের সৌন্দর্য্য বদ্ধিত হইত না।

চরিত্রচিত্রাঙ্কনে অধিকাংশ স্থলেই কবির চেষ্টা সফল  
হইয়াছে। নিকম্বার শোণিতপিপাসা কিছুতেই শান্তিলাভ  
করে নাই; সে চরিত্র রাক্ষসজননীর মতই চিত্রিত হইয়াছে।  
সরনী একবার মাত্র দর্শন দিয়াছেন; কবি তাঁহার চরিত্র  
চিত্রাঙ্কনের অধিক সুযোগ না পাইয়া, একটা বিশেষণপদ  
সংক্ষেপে কহিয়াছেন

“মরুভূমে ক্ষীরতরুসম।”

সীতার চিত্র যেন কাব্যফলকের নিভৃত অংশে স্থাপিত  
হইয়াছে; তাহার সকল অঙ্গরাগ পরিষ্কৃত হয় নাই, কবি-  
লেখনী সূকৌশলে সে চিত্রের উপর দিয়া বিনাদের বিঘর্ষ  
আবরণ বিস্তৃত করিয়া রাখিয়াছে। সকলের সম্মুখে, উন্মুল্ল  
ক্ষেত্রে, স্বর্ণলক্ষার অধীশ্বরী মহারাণী মন্দোদরী,— যেন  
মৃতিমতী রক্ষপুরলক্ষ্মীরূপে দণ্ডায়মান। রাবণবধের পর  
সমরক্ষেত্রে উপনীত হইয়া সুদীর্ঘ বিলাপে আর্তনাদ করি-  
বার সময় বিভীষণের প্রতি ভংসনা বাক্য প্রয়োগে এই  
চরিত্রের গাভীর্য্য কিয়ৎপরিমাণে ক্ষুণ্ণ না হইলে, কাব্য-  
সুন্দরীগণের মধ্যে মন্দোদরী অতি উচ্চস্থান অধিকার  
করিতে পারিতেন। মন্দোদরীর আঁয় বিভীষণের চরিত্রও  
একবার চপলতাদোষে একস্থানে একটু বিকৃত হইয়াছে।

রাবণবিজয় কাব্য যে ভাষায় এবং যে ছন্দে আত্মস্থ  
বিরচিত, তাহাতে সমগ্র গ্রন্থ সর্বত্র সুখপাঠ্য হইবার পক্ষে  
স্বভাবতই অনেক বাধা বিঘ্ন বর্তমান। পদচ্ছেদে, যতিসং-  
স্থাপনে, শব্দনির্বাচনে সকলস্থান দোষশূণ্য হয় নাই। কিন্তু  
যেখানে এই সকল দোষ প্রবেশ করে নাই, রচনা সেখানে  
অনাবিল নদীস্রোতের ন্যায় অবিরল রসধারা প্রবাহিত  
করিয়াছে। উপমাদি অলঙ্কারে প্রায় প্রতি পৃষ্ঠা অলঙ্কৃত;  
কোন কোন স্থলে উপরূপরি দুই তিনটী উপমার সমাবেশ  
বিশেষ উল্লেখযোগ্য।

—————এত

কহি নিরবিলা মনের আবেগে রুদ্ধ-  
স্বর নৈকষেয়। যেমতি টুটিলে চর্ম  
নীরব পটহ অকস্মাৎ। কিংবা যথা  
মেঘরাজ, অশনি-পীড়নে, চীংকারি  
পতীর নাদে, নীরব অমনি; অথবা  
যথা, প্রভঞ্জনবেগে মুখরিত দরী-  
মুখ, স্তম্ব অকস্মাৎ, যবে শিলাখণ্ড  
কোনো, গুরুভার-বেশে খসি উচ্চ শৃঙ্গ  
হ’তে পরে সে গহ্বরে।”

কোন কোন স্থলে একই উপমা পুনঃ পুনঃ ব্যবহৃত  
হইয়া কবির অনবধানতার পরিচয় প্রদান করিয়াছে।  
এরূপ অনবধানতা অগ্রান্য বিষয়েও লক্ষিত হইয়াছে।  
স্বাভাসমালোচনার প্রকৃত উদ্দেশ্য—কাব্যসংস্কার।  
অনবধানতা অনেকস্থলে কবিকে অনেক দোষ দোষ বলিয়া

দেখিতে দেয় নাই। সমালোচনার তাহার উল্লেখ করা  
আবশ্যক। কাব্যরসেই এই অনবধানতার আরম্ভ।

“কহলো অন্তর্যামিনি বাণি \* \* \* \* \*

\* \* \* \* \*

কেমনে বা মনুবিং সান্নিকের প্রায়,

আপনার রোষবহি আদি ভয়ঙ্কর,

আপনি হইলা দক্ষ সে ঘোর দাহনে।”

এখানে রাবণের সহিত সান্নিকের আচরণ বা মৃত্যুর  
তুলনা যথা প্রযুক্ত হয় নাই। সান্নিক রোষবশতঃ অগ্নিসঞ্চয়  
করেন না; তাঁহার স্বহস্তসঞ্চিত অগ্নিও তাঁহার মৃত্যুর কারণ  
হয় না।

যাহারা বঙ্গভাষায় কাব্যরচনার হস্তক্ষেপ করেন,  
তাঁহারা অনেকেই নানা বিষয়ে নিরকুশ হইতে চেষ্টা  
করেন। সে সংক্রামকব্যাপি শশধরকেও গ্রাস করি-  
য়াছে। সংস্কৃত কাব্যে নিতান্ত বাধা হইয়া কচিং ছই  
এক স্থলে কবিকুল নিরকুশ হইতেন। যেখানে দোষপরি-  
হারের উপায় আছে, দেখানে দোষের ব্যবহার করা  
অনবধানতা ভিন্ন কি বলিব? আধুনিক কবিকুলের এই  
অনবধানতা নানা শ্রেণীতে বিভক্ত; নূতন শব্দসৃষ্টি, প্রচ-  
লিত পরিচিত শব্দের অর্থবিপর্যয়সাধন, ব্যাকরণলঙ্ঘন  
ইত্যাদি নানা অনবধানতার আধুনিক কাব্য ছষ্ট হইয়া  
উঠিতেছে।

শশধর বাবু “অটবীমানবচুড়া” বলিয়া হুতুমানের নাম-  
করণ করিয়াছেন। মজুর অপত্যগণ ইহাতে বিস্মিত না  
হইলেও, বিরক্ত হইতে পারেন।

“——কত বে পড়িল

রক্ষ, নাগদল কত, কর্দ্দমিত রণ-

স্থল করিয়া পঙ্কিল।”

এখানে “পঙ্কিল” শব্দের এক নূতন অর্থ সৃষ্টি করা হই-  
য়াছে। পঙ্কশব্দ “ঈবদুনার্থে” পঙ্কিলরূপ ধারণ করে;  
তাহাকে “পঙ্কময়” বলিয়া গ্রহণ করা যায় না।

“——কোলাহল বিশ্ব

নাশি যেন, রাক্ষসের শ্রতিমূলে পশি

অকস্মাৎ, চমকিল রঞ্ঝাবরে।”

এখানে “চমকাইয়া দিল” এইরূপ অর্থে “চমকিল”  
শব্দের ব্যবহার অর্থবোধের ব্যাঘাত সৃষ্টি করিয়াছে।



নীতিবান, সর্বসহ্য, দ্বিধাখণ্ড প্রভৃতি শব্দ সংস্কৃত হইতে গৃহীত; সুতরাং তাহাদের অপব্যবহার অসঙ্গত। নীতিমান, সর্বসহ্য, দ্বিধাখণ্ড বা দ্বিধাখণ্ডিত বলিলে দোষ ঘটিত না। প্রকারে ধা প্রত্যয়যোগে দ্বি শব্দের দ্বিধা রূপ হইলে তাহা ক্রিয়াবিশেষণ হয়, তাহার সহিত খণ্ড শব্দের মিলন অসঙ্গত। দণ্ডেক, জনেক, মুহূর্ত্তেক, দিশি ইত্যাদি বঙ্গসাহিত্যে প্রচলিত হইলেও, মহাকাব্যে আসনলাভের যোগ্য হয় নাই। সনাথিনী শব্দ নিতান্তই অধিনীর ঞায় অশুদ্ধ, সুতরাং হ্যাগ্গাম্পদ। মধুসূদনের মহাকাব্যে “কলধকুল” অম্বর প্রদেশে উড়িত। প্রাণীবাচক শব্দ কুলশব্দ যোগে বহুবচনান্ত হয়; তাহা বিস্মৃত হইয়া মধুসূদন কলধকুলের সৃষ্টি করিয়াছিলেন; শশধরের “কলধরাশি” সেরূপ না হইলেও প্রশংসাই হয় নাই।

- (১) “দশানন-শরজালে পড়িল নিমেষে  
নর-ধক্ষ-প্রবঙ্গম অসংখ্য সমরে।”
- (২) “কোদণ্ড টঙ্কারি ঘন এড়িলা রাঘব  
শরশ্রোতঃ, কণ্টকিত করি নভোস্থলী।”
- (৩) “অবিরল জ্যা-নির্ঘোষে বধির শ্রবণ।”
- (৪) “স্বর্ণ সৌধচূড়াবলী মড়  
মড় রবে, পড়িল ছাইয়া পুরী”
- (৫) “গভীর মর্ম্মর রব সাগরের মুখে।”

ইত্যাদি অনেক দৃষ্টান্ত উদ্ধৃত করা যাইতে পারে। এ সকল অনবধানতার দৃষ্টান্ত ভিন্ন আর কিছু বলা যায় না। যিনি এত বড় মহাকাব্য রচনার কৃতকার্য হইয়াছেন, তিনি একটু সাবধানে লেখনীচালনা করিলে, এ সকল প্রমাদ ঘটিত না। (১) লক্ষ্যসমরে রাম লক্ষ্মণ ভিন্ন অণ্ড নর না থাকায়, প্রতি বুদ্ধে অসংখ্য “নরধক্ষ প্রবঙ্গম” পতিত হওয়া অসম্ভব কথা। (২) শরশ্রোতে নভস্থলী প্লাবিত হইতে পারে, “কণ্টকিত” হওয়া সহজে বোধগম্য হয় না। (৩) অবিরল শব্দ স্থানস্থচক, অবিরাম শব্দ কালস্থচক। জ্যা-নির্ঘোষে কালের সংস্রব; স্থানের সংস্রব নাই। এখানে অবিরাম শব্দ বাঁচিয়া থাকিতে, তাহার কার্যে অবিরল শব্দকে নিযুক্ত করা অসঙ্গত। (৪) স্বর্ণ সৌধচূড়াবলী হয় স্বর্ণ সৌধের চূড়া, নতুবা সৌধের স্বর্ণ চূড়া;—উভয় অর্থেই তাহা স্বর্ণনির্মিত। তাহা বংশ বা কাষ্ঠখণ্ডের ঞায় মড় মড় শব্দে ভাঙিয়া পড়িবে কেন? (৫) সাগরের

মর্ম্মর রব অপ্রসিদ্ধ। এই সকল অনবধানতার ন্যায় অপ্রচলিত শব্দ প্রয়োগের চেষ্টাও দোষ বলিয়া পরিগণিত হইবার যোগ্য। একস্থলে সেরূপ দোষে একটী ছত্রের অর্থগ্রহণ করিতে গলদঘর্ম্ম হইতে হয়।

“কর্কটী ক্ষুটিত যথা অর্ককরাঘাতে।”


রাঘববিজয় কাব্যে যে রচনাশক্তি পরিস্ফুট হইয়াছে, ত্রিদিববিজয় কাব্যে তাহার পূর্বসূচনা লক্ষ্য করিয়া, বঙ্গসাহিত্য শশধর বাবুকে কবিসমাদর প্রদর্শন করিয়াছে। ত্রিদিববিজয়ের সমালোচনায় নব্যভারতসম্পাদক মুক্ত-কণ্ঠে রচনাকৌশলের যে প্রশংসা করিয়াছিলেন, রাঘব-বিজয়কাব্যে সে প্রশংসা দৃঢ়প্রতিষ্ঠিত হইবে। বঙ্গ-সাহিত্যের কবিকুঞ্জ এখান রসবিশেষের প্রাবল্য উপস্থিত হইয়া, অধিকাংশ কবিকে ক্ষুদ্র ক্ষুদ্র কবিতা রচনায় নিযুক্ত করিয়াছে। সে সকল কবিতা গীতিকাব্য নামে পরিচিত। তাহাতে ভাব আছে, রস আছে, বঙ্কার আছে, অলঙ্কার বাহুল্য আছে; কিন্তু গান্ধীর্ঘ্যের অভাবে তাহা নিয়ত তরল তরঙ্গ পাঠকচিত্ত আন্দোলিত করিতেছে। কেহ কেহ ক্ষুদ্র ক্ষুদ্র কবিতার এই রচনারূচি পরিবর্তিত করিবার আশায়, সেই ছন্দে, সেই তালে, সেই সুরে, অগাধ রসের অবতারণা করিবার চেষ্টা করিতেছেন। কিন্তু ক্ষুদ্র কবিতায় রসের অবতারণা সফল হইলেও, চরিত্রচিত্রাঙ্কনের অবসর নিতান্ত অল্প। তাহা কবিতামাত্র,—কাব্য বলিতে যাহা বুঝা যায়, তাহা হইতে বহুদূরে পড়িয়া রহিতেছে। সেই সকল ক্ষুদ্র ক্ষুদ্র কবিতাই কাব্য নামে গ্রন্থাকারে মুদ্রিত ও প্রকাশিত হইয়া থাকে। সুতরাং কাব্যে আখ্যায়িকা রচনার চেষ্টা কিয়ৎপরিমাণে নিরর্থক হইয়া পড়িয়াছে। শশধর বাবু তাহাতে হস্তক্ষেপ করিবার সেকালের পুরাতন কাহিনী ও পুরাতন সৌন্দর্য-নবীন সাহিত্যসমাজে উপনীত করিতেছেন। কালধর্ম্ম সর্বত্র প্রবল। তজ্জগৎ শশধরবাবুর কাব্য কাহিনী পুরাতন হইলেও, তন্মধ্যে নূতন চিন্তা, নূতন নূতন চরিত্রাদর্শের অভাব নাই। এখন আর খাঁটি বাঙ্গালী কাব্য জন্মগ্রহণ করিতেছে না; যাহা কিছু দেখিতে পাওয়া যায়, সমস্তই বর্ণ-শঙ্কর। কোন কাব্যে বিলাতী পাত্রপাত্র দেশীয় ধুতিচাদরে সুসজ্জিত, কোন কাব্যে দেশীয় পাত্রপাত্র বিলাতী হ্যাট কোটে অলংকৃত। তজ্জগৎ প্রকৃত নৈসর্গিক

## প্রার্থনা ।

পিতঃ !

কিবা আছে কহিবার আসিয়াছি শতবার  
শত কথা ল'য়ে,  
কব'না কোনও কথা আজ শুধু মর্ম্মব্যথা  
আনিয়াছি ব'য়ে।  
যা'কিছু করেছি আমি হে প্রভু নিখিলস্বামী !  
জান তুমি সব,  
দেহ জ্বালি ছুদিতলে অহুতাপ দাবানলে  
চির-অভিনব।  
পুড়ে যাক দেহ খন, প্রবৃত্তির প্রিয়ধন  
রম্য ক্রীড়া ভূমি,  
শক্তির জীবন শেষ হোক আজি, হৃদয়েশ !  
রূপা কর তুমি।  
মোহ পাপে জর জর, প্রতি পলে মর মর  
চির-মৃত্যু দাও,  
ভঙ্গে পরিণত করি ওগো দয়াময় হরি !  
বিপদ ঘুচাও।  
বাঁচিলে করিব পাপ আর তা'তে মনস্তাপ  
নাহি যদি আসে,  
পুষিব গো মিছে কেন জীবনের আশাহেন  
হৃদয়ের পাশে !  
হয় চির-অগ্নি জ্বালি স্ন বিসুদ্ধ কর খালি  
চির দিন তরে  
নহিলে চাহিনা প্রাণ তব অবাচিত দান  
অকর্ম্মার পরে!

শ্রীবীরেন্দ্রনাথ শাসনাল।



## সপত্নী।

## দ্বিতীয় অঙ্ক।

## প্রথম পরিচ্ছেদ।

ইরিপুরের জমিদার, আমাদিগের সুপরিচিত রত্নেশ্বর বাবুর একমাত্র ভ্রাতৃপুত্র শ্রীমান কার্তিকচন্দ্র চট্টোপাধ্যায় কলিকাতায় বাস করেন। চোরবাগানে এক নিন্দিত পল্লীর মধ্যে তাঁহার বাস। পাছে সুরুচিসম্পন্ন নিষ্ঠাবান মহাত্মারা বিরক্ত হন, এই ভয়ে নিরতিশয় সঙ্কোচ সহকারে বলিতে হইতেছে যে, কার্তিকবাবু একাকী থাকেন না; তাঁহার সঙ্গে তাঁহার উপপত্নী কিরণবালাও থাকেন।

বড় নিন্দনীয় ও কুৎসিত বিষয়ের অবতারণা করিতে হইল; কিন্তু এ সংসারে পুণ্যের অপেক্ষা পাপের আধিক্য, ত্রায়ের অপেক্ষা অত্রায়ের প্রাচুর্য্য এবং চরিত্রবানের অপেক্ষা চরিত্রহীনেরই প্রাধান্য। ঘটনার পূর্ণচিত্র অঙ্কিত করিতে হইলে ধার্মিক ও অধার্মিক উভয়েরই প্রয়োজন উপস্থিত হয়। লোক নির্বাচন করিয়া ঘটনার সমাবেশ করিতে হইলে, আখ্যান অপূর্ণ হয়। আমরা কাহাকে বাদ দিয়া কাহাকে লইব? দুষ্কর্মান্বিতের চরিত্র সম্মুখে আসিলেই যে সর্সনাশ হয়, এরূপ আমরা মনে করি না; বরং অনেক সময় পাপীর চিত্র অতিশয় প্রয়োজনীয় বলিয়া, আমরা উপলব্ধি করি। অন্ধকার আছে বলিয়াই, আলোক পরিস্ফুট হয়। পাপ পাশাপাশি চলে বলিয়া, পুণ্যের মহাত্মা আমরা প্রণিধান করি। অসত্যের সহিত সংজ্বল্য হয় বলিয়া, আমরা সত্যের শ্রেষ্ঠতা বুঝিতে পারি।

অতএব পাপের চিত্রদর্শনে পাপ হয়, অথবা হৃদয়ে ছুঁতোর উদ্বেক হয়, অথবা সুরুচির মূলে কুঠারাঘাত করা হয়, এরূপ আমরা মনে করি না। ষাঁহাদিগের সঙ্কল্প শিথিলমূল, ষাঁহাদিগের শিক্ষা ভিত্তিহীন, ষাঁহাদিগের জ্ঞান নিতান্ত সঙ্কীর্ণ, ষাঁহাদিগের দৃঢ়তা কেবল ছুঁতোরতার নামান্তর, তাঁহারা হয়ত গ্রন্থাদিতে কোন কুচিত্র দেখিলে,

কোন কিন্নরকণ্ঠী বিলাসিনীর সঙ্গীতালাপ শ্রবণ করিলে অথবা পথিপার্শ্বস্থ অট্টালিকার বাতায়নে কোন বারনারীর বদনমণ্ডল দর্শন করিলে, সুরুচিসম্পন্ন ত্রায়মার্গ পরিত্যাগ করিয়া পাপের স্রোতে গা ভাসাইতে ভাসাইতে, অধ.পাতে যাইতে পারেন। তাদৃশ ছুঁতোরচিত্ত হীনস্বভাব জ্ঞানহীন, মহাপুরুষগণকে সুরুচির লৌহপেটিকায় নিবদ্ধ করিয়া রাখাই সম্ভব। কর্মময় সংসারক্ষেত্র হইতে অপসারিত করিয়া, তাঁহাদিগকে লোকলোচনের অন্তরালে রক্ষা করাই সংপরামর্শ।

পাপীর চিত্রাঙ্কন সময়ে সময়ে আবশ্যিক হয় বলিয়া, কদাপি তাহা লালসাবর্ধক ও মোহময়ভাবে অঙ্কিত করা বিধেয় নহে। যে চিত্রদর্শনে হৃদয়ে ভোগের আকাঙ্ক্ষা উদ্দীপ্ত করে, চিত্তকে সংপথের পরিপন্থি হইতে উপদেশ দেয় মনকে নিন্দিত আসক্তির কল্পনায় প্রমত্ত করে, তাহা নিশ্চয়ই ঘৃণাই ও পরিবর্জনীয়। যে পাপের চিত্রদর্শনে অন্তরে অধর্মের প্রতি স্থায়ী বিদ্বেষভাব অঙ্কিত হয়, এবং সাধুগণসেবিত সংপন্থাপরিব্রষ্ট হইতে কদাপি প্রবৃত্তি না হয়, তাহা সুরুচির বিরোধী হইলেও চিরসমাদৃত ও পরম স্পৃহনীয়। কবিগুরু সেক্সপিয়র “মেক্বেথ” নাটকে অতিথিও প্রভুহত্যার লোমহর্ষণ পাপচিত্র অঙ্কিত করিয়াছেন। উক্ত মহাকবি “হাম্লেট” নাটকে পতি-প্রাণহন্ত্রী ব্যাভিচারিণী রাজমহিষীর আলেখ্য প্রদর্শন করিয়াছেন।

নাম করিয়া দেখাইতে হইলে বোধ হয়, এক গ্রন্থের প্রয়োজন হইবে। আমাদের রামায়ণ মহাভারতে পাপচিত্রের অসম্ভাব নাই। কিন্তু অধিকাংশ স্থলেই সেই সকল প্রতিকৃতি দর্শনে অধর্মাত্মত্বের প্রতি লোকের বিজাতীয় বিদ্বেষভাব জন্মিয়া থাকে। পাপকে বীভৎস ব্যাপার বলিয়া মনে হয়।

ষাঁহারা চিত্রশিল্পের অনুরাগী, তাঁহারা জানিলেও জানিতে পারেন, চিত্রবিদ্যার চরমোৎকর্ষস্থল ইটালী দেশে ডোমিনিক বেসিয়ানো নামে এক সুবিখ্যাত শিল্পীর আবির্ভাব হইয়াছিল; সেই মহাশয়, “সুয়ান্টে কেন ইন্ এডেল্টারি” নামে এক ব্যাভিচারিণী-নারীর চিত্রপট অঙ্কিত করিয়াছিলেন। লেখনী অতি কষ্টেও যে ভাব ব্যক্ত করিতে পারিত না, শিল্পীর তুলিকা অতি

সুন্দররূপে তাহা দেখাইয়াছে। সেই নারীর তদানীন্তন অবস্থার আলেখ্য দেখিলে হৃৎকম্প হয়, এবং শরীর শিহরিয়া উঠে। চিত্র বেরূপই হউক, তাহা মনুষ্যমনে কোন ভাবে আঘাত করিবে, তাহাই বিচার করিয়া দেখা উচিত।

কবি বলিয়াছেন,—“যেখানে দেখিবে ছাই, উড়াইয়া দেখ তাই, পে'লেও পাইতে পার লুকান রতন।” বাস্তবিক অতি হেয় ও ঘৃণাজনক পদার্থের মধ্যেও সময়ে সময়ে অতি সারবান ও প্রয়োজনীয় সামগ্রী নিহিত থাকে। পঙ্কিল তড়াগে পরম শোভাময় শতদলের উৎপত্তি হয়, তিমিরাবৃত পুষ্টিগন্ধপূর্ণ খনিমধ্যে মণি-মাণিক্যের উদ্ভব হয়, বিলাসিনী নরনারীর গর্ভে জগৎপ্রসিদ্ধা শকুন্তলার জন্ম হইয়াছিল। এ সংসারে নিরবচ্ছিন্ন মন্দ কিছুই নাই। কাহাকেও অবজ্ঞা করিলে পাপ হয়। ত্রায়ময় ভগবান সকল পদার্থেই উপকারিতা ও প্রয়োজনীয়তা সন্নিবেশ করিয়াছেন। নিপাতকারী সূর্পের গরলও কখন কখন জীবন রক্ষার সহায় হয়।

পাপচিত্র লোক শিক্ষার অনেক স্থলে প্রকৃষ্ট সহায়। যে সকল বিবরণ পাঠ করিয়া বা আলেখ্য দর্শন করিয়া মনুষ্য সাবধানে চলিতে শিক্ষা করে, এবং ভাবি পরিণাম গ্রহণ করিয়া আপনার পথ ঠিক করিয়া লয়, তৎসমস্ত বড়ই প্রয়োজনীয় ও হিতকর। পাপের চিত্র আসিতেছে দেখিয়া ষাঁহারা নাসিকা কুঞ্চিত করেন ও বেগে সে স্থান হইতে পলায়ন করেন, তাঁহারা ভ্রান্ত এবং উপহাসের পাত্র।

অতি শৈশবেই কার্তিক পিতৃমাতৃহীন হইয়াছিলেন, তখনও রত্নেশ্বর বাবুর ছহিতা হেমলতার জন্ম হয় নাই। রত্নেশ্বর বাবুর পত্নী গর্ভজাত সন্তানের ত্রায় বহু কার্তিককে লালন পালন করেন। কর্তা বুঝিয়াছিলেন, এই সন্তান হয়ত কালে তাঁহার প্রভূত সম্পত্তির উত্তরাধিকারী হইবে। গৃহিনী বুঝিয়াছিলেন, মরনান্তে এই সন্তান হইতে তাঁহাদের জলপিণ্ড প্রাপ্তির উপায় হইবে।

বালক বড়ই ছুরন্ত ও অনাবিষ্ট; লেখাপড়ায় কার্তিকের কোন মতেই অনুরাগ জন্মিল না। স্বাধীনভাবে কার্য করিতে ও স্বেচ্ছামত বিচরণ করিতে কার্তিকের ভাল লাগিল। কুমঙ্গী আসিয়া বেড়িয়া ফেলিল। যখন কার্তিক

কের বয়স চতুর্দশ বর্ষ, তখন হইতেই সুরাপানে তিনি অভ্যস্ত হইলেন, এই সময়ে হেমলতার জন্ম হইল।

কার্তিকের প্রতি রত্নেশ্বর বাবুর আদর ও যত্ন কোন দিনই বেশী ছিল না। ষাঁহা ছিল, হেমলতার জন্মের পর তাহাও কমিয়া গেল। ছুঁতোর বালক, পিতৃব্যের শাসন ও তদ্ব্যবধান হইতে মুক্তি লাভ করিয়া খুব বাড়াবাড়ি আরম্ভ করিল। অর্থের প্রতিনিয়ত প্রয়োজন হইতে লাগিল, অভিভাবক রত্নেশ্বর বাবু একটা পয়সাও দিতে কাটকবুল। খুড়ীমা, লুকাইয়া টাকা কড়ি দেন বটে, কিন্তু তাহাতে আর চলে না। খুড়া ভাইপোয় অবশেষে মনান্তর দাঁড়াইল। খুড়ার টানাটানি, ভাইপোর বাড়াবাড়ি। কাজেই একটা নিষ্পত্তির প্রয়োজন হইল।

স্থির হইল যে নগদ দশহাজার টাকা এবং যাবজ্জীবন মাসিক দুই শত টাকা হিসাবে লইয়া, কার্তিক বাবু পৈতৃক বিষয় সম্পত্তির উপর সমস্ত দাবী দাওয়া পরিত্যাগ করিবেন। যোল আনা সম্পত্তির সম্পূর্ণ মালিক হইয়া রত্নেশ্বর মনে মনে অতিশয় সন্তুষ্ট হইলেন। একটা পয়সার নিশিত খুড়া খুড়ীর নিকট ভিক্ষার্থীরূপে দণ্ডায়মান হইবার দায় হইতে অব্যাহতি পাইয়া কার্তিক পরমানন্দিত হইলেন। অতি অল্পদিনের মধ্যেই রীতিমত লেখাপড়া শেষ হইয়া গেল। দশ হাজার টাকা বুঝিয়া লইয়া কার্তিকচন্দ্র জন্মভবন হইতে বিদায় গ্রহণ করিলেন। তাঁহার খুড়ীমাতা একটু অশ্রুপাত করিলেন। ত্রায় ফিরিয়া আসিবার নিমিত্ত কাতরভাবে অনুরোধ করিলেন, যখন যেখানে থাকেন, সেখান হইতে পত্র লিখিবার জন্ত মাথার দিব্য দিলেন। হেমলতার বয়স তখন ছয় বৎসর। কার্তিক তাহাকে বড় ভালবাসিতেন। তাহার নিকট বিদায় লইবার সময় কার্তিকের হৃদয় একটু আলোড়িত হইল।

গৃহত্যাগ করিয়া কার্তিক নানা স্থানে ঘুরিতে লাগিলেন। তিনি কুমঙ্গী মিশিয়া কুপথেই চলিতে লাগিলেন। পশ্চিমের অনেক স্থানে তিনি বেড়াইলেন। তাঁহার রূপের সীমা ছিল না। পুরুষের এরূপ পুরুষোচিত শ্রী বড় দেখিতে পাওয়া যায় না। দেহের বর্ণ অঙ্গ প্রত্যঙ্গের গঠন পরিপাটি, আকার প্রকার সকলই সর্বস্বন্দর। তাঁহার কার্তিক নাম সার্থক হইয়াছিল। তাঁহার দোষ যথেষ্ট সন্দেহ নাই, কিন্তু গুণও যে ছিল না



ছুষ্টামি বাড়িতেছে। এইবার আমিও ছুষ্টামি শিখিব। তোমাকে জন্ম করিতে পারি কিনা দেখিব।”

সিঁড়িতে ধপাস ধপাস করিয়া জুতার শব্দ হইতে লাগিল। কার্তিক বলিলেন,—“নিশ্চয়ই মাণিকলাল। এমন মিঠা পায়ের আওয়াজ আর কাহার। মাটির গায়ে ঠেকিতেছে কি না সন্দেহ।”

তখন নিতান্ত উৎকণ্ঠিতভাবে মাণিকলাল সেই স্থানে উপস্থিত হইলেন। তাঁহার কেশরাশি অবিচলিত, বদন চিন্তাযুক্ত, এবং ভাবভঙ্গি ব্যস্ততাপূর্ণ। আসন গ্রহণ করার পূর্বেই তিনি বলিলেন, “পেঁচো কোথায়? সে বেটাকে কোথাও দেখিতে পাইতেছি না, তোমাদের এখানে নাই?”

কার্তিক বলিলেন,—“না। বড় সখের জিনিষ ভাবিয়া কিরু তাহাকে কোন গ্লাসকেসে তুলিয়া রাখেন নাই, বড় দামি জিনিষ ভাবিয়া কোন বাক্সের মধ্যেই তাহাকে রাখা হয় নাই, ইচ্ছা হয় চাবি লইয়া খুলিয়া দেখিতে পার। ব'স! হইয়াছে কি? এত ব্যাস্ত কেন?”

মাণিকলাল বিছানার উপর বসিয়া পড়িলেন। বলিলেন,—“পেঁচো বেটা আমার মাথা খাইয়াছে। তাহাকে যেমন বিশ্বাস করিতাম, সে আমার তেমনি সর্বনাশ করিয়াছে, কোথাও তাহাকে খুঁজিয়া পাইতেছি না।”

কিরণ বলিল,—“কি করিয়াছে সে?”

মাণিক বলিল,—“বাহা হইয়াছে, তাহা তোমাদের কাছে আগে বলা উচিত ছিল; এখন আগে বলা হয় নাই, তখন আর বলিবার দরকার দেখিতেছি না।”

কার্তিক বলিলেন,—“বুঝিয়াছি, একটা বেজার বেয়া-দবি করিয়া ফেলিয়াছ! আগে বলিতে সাহস কর নাই, এখনও বলিতে সাহস হইতেছে না।”

মাণিকলাল বলিল,—“এক রকম ঠিক কথাই বলিতেছ; একটা বেহুদ বেয়াদবি করিয়াছি; সময় পাইলে তাই তোমাদের জানাইতাম এখন আর জানাইয়া কোন লাভ নাই।”

কিরণ বলিল,—“লাভ হিসাব করিয়াই কি সকল কাজ করিতে হয়? না হয় লাভ না হইবে, বল না কাণ্ডটা কি?”

মাণিক বলিল,—“একটা পাড়ার্গেয়ে মেয়েমানুষ হাতে আসিয়াছিল, পেঁচোর হেঁপাজাতে তাহাকে মাথাঘষার গলির বাড়ীতে রাখাইয়াছিলাম; জিনিসটা ভুললোকের পাতে চলে কি না, তাহাও আমি দেখি নাই; এখন দেখিতেছি, পেঁচোও নাই, সে মেয়ে মানুষও নাই।”

কার্তিক বলিলেন,—“ভালই হইয়াছে। কোন গৃহস্থের মেয়ে কোন কারণে আসিয়া পড়িয়াছিল, তোমার দ্বারা তাহার সর্বনাশ হয় নাই; তোমার ঘাড়েও সে পড়ে নাই, ইহাও তো পরম মঙ্গলের কথা; ভগবান যাহা করেন সকলই ভাল। তবে এ জন্ত আপনোস কেন করিতেছ ভাই?”

মাণিক বলিল,—“ঠিক বলিয়াছ; তবে কথাটা কি জান, মানুষটা আসিয়াছিল আমার কাছে; আমার সহিত একটা মুখের আলাপও হইল না। কোথায় বেহাত হইয়া গেল।”

কিরণ বলিল,—“ক্ষতি কি? হাটে-বাজারে অভাব তো কিছুই নাই?”

কার্তিক বলিলেন,—“বদি বেহাত হইয়া থাকে তাহা জন্ত তুমি ভাবিয়া মর কেন?”

মাণিক বলিল,—“আমি এখন মানুষটার কি হইল সে বাঁচিয়া আছে কি মরিয়া গেল এই ভাবনাই ভাবিতেছি। পেঁচোকে দেখিতে পাইলে একটা সন্ধান পাওয়া যাইত।”

কার্তিক বলিলেন,—“পেঁচো হয় তো কিছু টাকা খাইয়া রামের ধন শ্রামকে দিয়াছে; না বুঝিয়া নিতান্ত অস্থায় কার্য করিতে বসিয়াছিলে, ভগবান রক্ষা করিয়াছেন। ও কথা যাইতে দেও।”

মাণিক বলিল,—“নিশ্চিত হইতে পারিতেছি না। আর কাহারও হাতে গিয়া পড়িয়াছে জানিয়ে তাও হইতে পারি; পেঁচোর সন্ধান করিতেই হইবে। তোমরা ব'স, আমি এখন বাই।”

কার্তিক বলিলেন,—“মর গে, চুলোর বাও।”

মাণিকলাল চলিয়া গেল, কলিকাতার আসিয়া কার্তিকের যে সকল বন্ধু-বান্ধব জুটিয়াছেন, এই মাণিকলাল দে তাহার মধ্যে সর্বপ্রধান। মাণিকলাল ধনী সন্তান, যুবা পুরুষ রূপবান, কার্তিকের শ্রায় নিতান্ত মূর্খ নহে; কিন্তু চরিত্রহীন ও ইন্দ্রিয়শক্ত। মাণিকলাল প্রতিদিন

কার্তিকের সহিত সাক্ষাৎ না করিয়া থাকিতে পারে না; কার্তিকে মহোদর ভাইয়ের মত ভালবাসে, তাহার বিষয় কল্প সংক্রান্ত কোন ব্যাপারই কার্তিকের পরামর্শ ব্যতীত সম্পন্ন হয় না। পারিবারিক সকল কথাই সে কার্তিকে জানায়; মাণিকলাল অপব্যয়ী, এবং তজ্জন্ত ঋণগ্রস্ত, সম্পত্তি দশ হাজার টাকা ঋণ না করিলে তাহার চলিতেছে না। কার্তিকের উপর অর্থ সংগ্রহের ভার দিয়া মাণিকলাল নিশ্চিত হইয়াছে।

### তৃতীয় পরিচ্ছেদ।

যে রূপ ভাবনা করা যায়, অনেক সময় তাহারই অনুকূল ঘটনা আসিয়া সহসা উপস্থিত হয়। কবি বলিয়াছেন,—“আগতপ্রায় ঘটনা পূর্ণ হইতেই ছায়াপাত করে।” বাস্তবিক মনোমধ্যে যখন যেরূপ প্রগাঢ় চিন্তা উপস্থিত হয়, তখন সেইরূপ ঘটনাপুঞ্জ মিলিত হইয়া চিন্তার সহায়তা করে। “বাদশী ভাবনা যশ, সিদ্ধিভবতি তাদৃশী।” এই মহাজন বাক্যের সত্যতা অনেক সময় উপলব্ধি হইয়া থাকে।

কার্তিক বাবু শুনিতে পাইলেন, তাহার পিতৃব্য রত্নেশ্বর বাবু সপরিবারে কলিকাতা আসিয়াছেন, এবং বহুবাজারে বাসা করিয়াছেন। মনে বড় আশ্লাদ হইল, আবার খুড়ীমার চরণে প্রণাম করিবার সহজ উপায় হইল, হেমলতাকে বহুদিন পরে আবার দেখিবার সুযোগ হইল। অতই দেখা করিতে যাইতে হইবে। খুড়ামহাশয় হয় তো দাতিপুত্রকে দেখিয়া সুখী হইবেন না। কার্তিক ভাবিলেন, না হন, না হইবেন, তথাপি দেখা করিতে যাইতেই হইবে। কার্তিক তাঁহার কোন ক্ষতি করেন নাই, তিনি যে বিষয়ের যেরূপ ব্যবস্থা করিয়াছেন, কার্তিক যেচ্ছাক্রমে তাহাতেই সম্মত হইয়াছেন।

সেই জন্ত তিনি কখনও একটিও দীর্ঘনিশ্বাস ত্যাগ করেন নাই, এখনও করিতেছেন না। তবে রত্নেশ্বর বাবু অসুখী হইবেন কেন?

সেই দিন বৈকালে কিরণ বার বার বিরক্ত করিয়া কার্তিকে বহুবাজার পাঠাইয়া দিল। কার্তিক দেখিতে পাইলেন, এক প্রকাণ্ড বাটীতে বহু দাস-দাসী দারবানা

লইয়া, তিন দিন পূর্বে রত্নেশ্বর বাবু শুভাগমন করিয়াছেন। নবাগমনের বিশৃঙ্খলা এখনও অস্পষ্ট হয় নাই। এখনও বারান্দার একদিকে একটি প্রকাণ্ড সতরঞ্চির মোট রহিয়াছে, এখনও উঠানের এক পার্শ্বে দুইটি দেবদারু কাঠের বাক্স পড়িয়া রহিয়াছে, এখনও অতৃদিকের বারান্দায় তিনটা ষ্টিল ট্রাফ, এখনও পার্শ্বের ঘরে কতক গুলি বিছানা বালিশ স্তূপাকারে পড়িয়া রহিয়াছে। খুড়া মহাশয়ের সম্মুখীন হইতে কার্তিকের হৃৎকম্প হইতে লাগিল; তথাপি তিনি দুর্গানাম শ্রাণ করিতে করিতে রত্নেশ্বর বাবুর অধিকৃত কক্ষে প্রবেশ করিলেন।

বহুদিন পরে খুড়া ভাইপোর মিলন হইল। কার্তিক বিনীত নম্রভাবে পিতৃব্য-চরণে প্রণাম করিলেন, রত্নেশ্বর বাবু বলিলেন,—“কে হে! কার্তিক বে! এতদিন কোথায় ছিলে? আছ ত ভাল?”

কার্তিক সবিনয়ে তাঁহার প্রশ্নের উত্তর দিলেন। অনেকক্ষণ দাঁড়াইয়া রহিলেন, রত্নেশ্বর বাবুকে কোন কথা জিজ্ঞাসা করিতে তাঁহার সাহস হইল না। তখন তিনি খুড়ীমার সহিত দেখা করিবার ইচ্ছা জানাইলেন। রত্নেশ্বর বাবু তাঁহাকে অন্তঃপুরে গমন করিতে ইঙ্গিত করিলেন।

খুড়ীমার সহিত সাক্ষাৎ করিয়া কার্তিকের প্রাণ বড়ই শীতল হইল। সেই খুড়ীমা, সেই স্নেহময়ী খুড়ীমা এতদিন পরে যেন স্নেহের মাত্রা অনেক বাড়িয়াছেন। কার্তিকে দেখিয়া আনন্দে তাঁহার চক্ষু বহিয়া জল পড়িতে লাগিল। সূখের দুঃখের কত কথাই তিনি বলিতে লাগিলেন। এ কয়বৎসর মধ্যে কার্তিকের জীবন যে ভাবে কাটিয়াছে তাহাও বলিতে হইল; কিন্তু পনের আনা কথা তাঁহাকে চাপিয়া চলিতে হইল। সকলি পাপের কথা, লজ্জার প্রসঙ্গ, খুড়ীমার নিকট তাহা ব্যক্ত করা যায় না।

বর্তমান অবস্থা ও অবস্থানাদি সম্বন্ধে কার্তিক সুস্পষ্ট-রূপে কোন কথাই বলিতে পারিলেন না। চোরবাগানে তিনি থাকেন, একথাটুকু বলিতেই হইল।

এদিকের অনেক কথা কার্তিক শুনিতে পাইলেন। নরেশ বাবু সংক্রান্ত সকল কথা কার্তিক শুনিলেন। তাঁহার সহিত রত্নেশ্বর বাবু ও হেমলতা ভাল ব্যবহার করেন নাই,

ইহা কার্তিক বুঝিলেন। পলাতক নরেশ বাবুকে পুনরায় গ্রেপ্তার করিতে ও তাঁহাকে মুঠোর মধ্যে পুড়িয়া রাখিতে, রত্নেশ্বর বাবুর ইচ্ছা হইয়াছে। স্বামীকে জব্দ করিতে এবং মজা দেখিতে, হেমলতার সঙ্গ হইয়াছে; প্রধানতঃ এ সকল বাসনাসিক্তির নিমিত্ত রত্নেশ্বর বাবু কলিকাতায় আসিয়াছেন,—আরও ছোটখাট অল্প বিস্তর অনেক কাজ আছে।

কার্তিক বুঝিলেন পূর্বপত্নীর সহিত সকল সম্বন্ধ ছাড়াইয়া ঋণতা ও সাহসের জন্ত বখোচিত দণ্ডদিয়া নরেশকে সম্পূর্ণরূপে অধীন করিয়া রাখাই খুড়ার অভিপ্রায়। স্বামী আসিয়া কাঁদিতে কাঁদিতে পায়ে ধরিবে। কৃতনাসের ঞ্চায় অধীন হইয়া থাকিবে, কোন কার্যে কথা কহিবে না বা কোন কার্যে বিচার করিবে না, ইহাই হেমলতার অভিপ্রায়। কিন্তু খুড়িমার অভিপ্রায় সম্পূর্ণ বিভিন্ন।

পূর্ব স্ত্রীর সহিত জামাতা সম্পূর্ণরূপে সম্বন্ধ ত্যাগ করিলে, পাপ হইবে, এবং তাহাতে অকল্যাণ ঘটবে, ইহাই তাঁহার বিশ্বাস। তিনি মনে করেন জামাতার পূর্ব পত্নীকে কণ্ঠার ঞ্চায় যত্নে এই সংসারে আনিয়া রাখা উচিত এবং বাহাতে তাঁহার চক্ষে জল না পড়ে বা তিনি দীর্ঘ-নিশ্বাস না ফেলেন, তাহার ব্যবস্থা করা উচিত। কিন্তু বাঘের ঞ্চায় কৰ্ত্তা মহাশয়ের নিকট গৃহিনীর মনের ভাব ব্যক্ত করিতে সাহসে কুলায় না।

হেমলতার সহিত কার্তিকের সাক্ষাৎ হইল। হেমলতা সহজেই তাঁহাকে চিনিতে পারিলেন। প্রাণভরিয়া আনন্দের সহিত হেমলতা কথা কহিলেন না। পূর্বস্মৃতি জাগাইয়া, পূর্ববৎ আনন্দ আনয়ন করিবার নিমিত্ত কার্তিক অনেক চেষ্টা করিলেন, সকলি ভাসিয়া যাইতে লাগিল। গাঢ়তা জন্মিল না। সবিস্ময়ে কার্তিক দেখিলেন, স্বামী চলিয়া গিয়াছেন বলিয়া, হেমলতার বিশেষ উদ্বেগ বা ব্যাকুলতা নাই। তিনি স্বাধীনা; স্বাধীনভাবে কলিকাতায় ঘুরিয়া ফিরিয়া বেড়াইতে তাঁহার অভিলাষ; যিয়েটার দেখা; ঘোড়ার নাচে যাওয়া, গড়ের মাঠে বেড়ান, হাওড়ার পুলের উপর ভ্রমণ, ইত্যাকার বহুবিধ পরামর্শেই তিনি ব্যস্ত। দাদার বাসায় একদিন বেড়াইতে যাইবার নিমিত্ত ভগ্নী বড় আগ্রহ প্রকাশ করিলেন। সে বাসায়

ভগ্নীকে লইয়া যাইতে দাদার সাধ্য নাই, কাজেই দাদা, তা না না করিয়া গোল মালে কথাটা চাপিয়া রাখিলেন।

লবঙ্গের সহিত কার্তিকের দেখা হইল। তাহার কোনই পরিবর্তন হয় নাই, সে যেমনটা ছিল তেমনটাই আছে। বুঝিতে পারিলেন লবঙ্গের সহিত হেমলতার আত্মীয়তা বড়ই প্রগাঢ় হইয়াছে। উভয়ে যেন একপ্রাণ,—একমন।

খুড়িমার আগ্রহে কার্তিককে জলযোগ করিতে হইল। সন্ধ্যা হইয়া গেল, দুই ঘণ্টা পরে কার্তিক বাবু বাহিরে আসিলেন। কৰ্ত্তাকে আবার প্রণাম করিবার নিমিত্ত তাঁহার নিকটস্থ হইলেন। কি সৌভাগ্য! খুড়ানহাশয় ভাইপোকে ডাকিয়া বলিলেন,—“কলিকাতার তুমি অনেক দিন আছ কার্তিক। বোধ হয় অনেক লোকের সঙ্গে চেনা শুনা হইয়াছে। শিমলায় না কোথায়, সুরেশ ডাক্তার নামে কে একটা হতভাগা আছে?”

কার্তিক একটু চিন্তা করিয়া বলিলেন,—“আছেন বটে? শিমলায় একজন সুরেশ ডাক্তার আছেন। তাঁহাকে কি দরকার আছে?”

রত্নেশ্বর বলিলেন,—“নরেশ নামে এক পাজি ছেলের সহিত হেমলতার বিবাহ দিয়াছি, অতি হতভাগা হাঁ ঘরের ছেলে; নিমকহারাম বেটা পলাইয়াছে। শুনিয়াছি সুরেশ ডাক্তারের সহিত তাঁহার খুব আত্মীয়তা। সেখানে খোঁজ করিলে নরেশের সন্ধান হইতে পারে।”

কার্তিক বলিল,—“যে আজ্ঞা! আমি কালই সে সন্ধান করিব।”

রত্নেশ্বর বলিলেন,—“তুমি বোধ হয় নরেশকে কখন দেখ নাই। তাহাকে চিনিতে তোমার অসুবিধা হইবে।”

কার্তিক বলিলেন,—“আজ্ঞে না। আলাপ না থাকিলেও আমি খোঁজ করিয়া সন্ধান সকল করিতে পারিব।”

রত্নেশ্বর বলিলেন,—“তবে চেষ্টা করিও।”

যে আজ্ঞা বলিয়া কার্তিক প্রস্থান করিলেন। তিনি আজ ধন্ত হইয়াছেন, তাঁহার খুড়া মহাশয় তাঁহার সহিত ডাকিয়া কথা কহিয়াছেন, এবং ছোট হোক বড় হোক একটা কাজের ভার দিয়াছেন।

বড় অপ্রসন্ন মনে কার্তিক পিতৃব্যের ভবন পরিত্যাগ করিলেন। নরেশের প্রতি, রত্নেশ্বর বাবুর ভাব

ভাল লাগিল না। হেমলতার স্বাধীনতা স্বামীর জন্ত চিন্তা, বিহীনতা অবিরত বিবিধ আমোদ-ভোগের ব্যবস্থা, কার্তিকের পক্ষে বড়ই অস্বীকৃত হইল। লবঙ্গের সহিত হেমলতার প্রগাঢ় প্রণয় তিনি বড় তুল্লক্ষণ বলিয়া, মনে করিলেন। খুড়ামাতার সচল বিষয়ে ক্ষমতার একান্ত অভাব তাঁহার অতুর সাতিশয় ক্লেশ উৎপাদন করিল। তিনি ভাবিতে লাগিলেন, এ সকল অবস্থার কোন পরিবর্তন ঘটাইতে পারা যায় না কি? যখন গৃহত্যাগ করিয়াছি, তখন বালক ছিলাম, বুদ্ধি ও ভরসা কম ছিল, এখন মঙ্গলামঙ্গল চিন্তা না করিলে আমার পাপ হইবে না কি? খুড়া-মহাশয় ধরিয়া প্রহার করিলেও আমি নিলিপ্তভাবে আর থাকিব না। স্বতঃপরতঃ আপনার লোকদের হিত চেষ্টা আমাকে করিতেই হইবে।

ক্রমশঃ—

শ্রীদামোদর মুখোপাধ্যায়।



## কবিতা গুচ্ছ।

শারদ সন্ধ্যায়।

অনন্তের কোলে পুনঃ একটা বরষ,  
বিস্মৃতি—সাগর মাঝে যায় মিশাইয়া,  
হাতে ল'য়ে সাজি ভরা নূতন হরষ,  
আবার শরৎ আসে হাসিয়া হাসিয়া ॥

চঞ্চল প্রবাসী চিত ছুটে ছুটে যায়,  
দূর গ্রাম প্রান্তে সেই ক্ষুদ্র গৃহাঙ্গনে—।  
সায়ীছের স্মৃতি তল মধুর মলয়,  
অতীতের স্মৃতি টেনে আনে প্রাণে ॥

স্নেহময় জনকের মধুর বচন  
হাসিভরা কচি মুখ ভাই ভগিনীর  
স্নেহময়ী জননীর স্নেহ সম্ভাষণ  
প্রেমফুল আঁধি ছুটি প্রাণ প্রেমণীর

মনে পড়ে—তাই ওগো প্রাণ ছুটে যায়—  
আকুল উচ্ছ্বাসে আজি শারদ সন্ধ্যায়।

শ্রী প্রমথ নাথ সান্যাল—

সম্মল।

পেয়েছিহু এ জীবনে যে কয়টি দিন,  
হাসি মাখা শৈশবের বেদনা বিহীন;—  
হয়ে রবে চিরকাল তাহাই কেবল,  
অশ্রুসিক্ত জীবনের স্মৃতির সম্মল।

শূন্য গৃহ।

এত দিন সখা মোর এই ক্ষুদ্র ঘরে,  
প্রপূরিতছিল যার মধু কল স্বরে,  
সেত আজ চলে গেছে নাহি আর কেহ,  
শুভ মোর বসুন্ধরা, শুভ মোর গেহ ॥

শ্রীজীবেন্দ্রকুমার দত্ত।

মন্দার কলি।

মন্দার কুমুম-কলি মরত মাঝারে ভুলি  
এসেছিল নিরজনে সাঁঝের সময়  
শত আশা বুক ধরে, সোহাগ আদর ক'রে  
দিয়াছিল তরু তারে যতনে আশ্রয়।

শিশির মুকুতা-ভাতি বরষি সারাটা রাত,  
তুমেছিল স্নিগ্ধতায় ক্ষুদ্র হিয়া তার;  
মৃদল পবন ধীরি বহি কত ঝিরি ঝিরি  
এনেছিল তার তরে মাধুরীর ভার;

শারদ জ্যোছনা-বীথি তরঙ্গি শ্রামার গীতি,  
ঘোবেছিল স্তম্ভ বিশ্বে আগমন কথা;  
তটিনীর কুল কুল —হরবে নাহিক তুল—  
বলেছিল মরমের অফুট বারতা।


নীরব ধরায় চুপে সারা নিশি এইরূপে  
বহে গেল পুলকের উদ্দীপন-ধারা,  
প্রভাতে তরুণ রবি প্রকৃতির দীপ্ত ছবি  
উঠিল গগনে যেন গর্কে মাতোয়ারা।

শুকাল মন্দার-কলি, সুষমা গেল গো চলি,  
রহিল পড়িয়া স্মৃধু শুষ্ক বৃত্ত তার;  
কোমল নির্মাণ যার কাঠিগু সহে না তার;  
পড়িল কি মুচ্ছি তাই আতপে মন্দার?

শ্রী অমিনাশচন্দ্র চৌধুরী।

## নিয়তি।

কেন মন! হইতেছ এতই বিকল,  
উদাস—আপনাহারা বিরহীর মত,  
ভাবিতেছ এ জীবন হ'লরে বিফল,  
সৌভাগ্য-ভাস্কর তব চির অন্তগত!  
বৃথা এ সাধনা মন! সকলি নিয়তি,  
নিয়তির কৰ্ম-স্বত্রে বাঁধা এ জীবন,  
কি সাধ্য মানব-শক্তি রোধে তার গতি?  
নিয়তি:শাসনে জীব চলে অক্ষুণ্ণ!  
কিবা এক স্ননিয়ম—বিধাতৃ-বিধান—  
পূৰ্ব জন্ম-কৰ্মাধীন নিয়তি আবার;  
যে রূপ ক'রেছ তুমি কৰ্ম অমুষ্ঠান,  
এ জীবনে ফল-ভোগ-তেমনি তোমার।  
হতাশ হ'ওনা প্রাণে; কে বলিতে পারে  
হুঃখ-নিশা অবসানে কি হবে-তোমার?  
বিধির বিধান মানি চল ধীরে ধীরে,  
সুখে সুখী হুঃখে ছুঃখী হ'ওনারে আর।  
আরো বলি-মুঢ় মন! ক'রনারে জ্ঞান  
নিশার স্বপন এই জীবন কেবল;



সুখে, হুঃখে কর সংকৰ্ম অমুষ্ঠান,  
ভবিষ্য জীবনে শুধু ইহাই সম্বল।

শ্রীহেমকুমার চৌধুরী।

## নীরব প্রণয়।

নিরালা হৃদয়তলে নীরব প্রণয়  
পাতাচাকা ফুল মত নীরবে ঘুমায়।  
আছে তার সৌরভ গোরব, তবু তার  
লাজভরা প্রাণটুকু আড়ালে পাতার  
ভয়ে জড়মড়; পাছে, কেহ আঁখিপুটে  
প্রাণের সৌরভটুকু সব লয় লুটে।  
অলি কোথা, অলি কোথা, উকি মারি দেখে,  
এলে অলি তাড়াতাড়ি মুখটুকু ঢাকে।  
অলি যদি কাছ দিয়া গুঞ্জরিয়া যায়  
কদম্বাসে ঢাকি বাসে লুকায়ৈ তাকায়  
বুঝি পড়ে ধরা; কতমত ছল করি  
হাসে হাসি; ফেলে অশ্রু শিশিরের বারি।  
মনে লয়ে অগাধ প্রণয় নিরাশ্বাসে  
একদিন ঝরে যায় উষার বাতাসে।

শ্রীচাকচন্দ্র বন্দ্যোপাধ্যায়।



মিগাপারিয়ম — “মিগাপারিয়ম শব্দের অর্থ ভয়ঙ্কর জন্তু। এই জন্তু হাতীর সমান বড় হইত।  
... ইহার পিছনের পা, লেজ এবং কোমরের হাড় হাতীর হাড়ের চাইতেও  
বড় আর বজবড়। ... এই জন্তুর একটি কদম্ব বাজবার আছে।  
সেকালের কথা! শ্রীবক্ত উপেক্ষা কিশোর রায় চৌধুরী প্রণীত।



চন্দনকাষ্ঠময় বুদ্ধমূর্তি ।

জাপান সম্রাট কর্তৃক শ্রীবুদ্ধ ধর্মপাল-সহযোগে বুদ্ধগয়ার স্থাপন জন্ত প্রেরিত ।



## সপত্নী ।

### চতুর্থ পরিচ্ছেদ ।

কালিতলার মোড়ে ট্রামগাড়ির অপেক্ষায়, কাভিক ও মাণিকলাল দাঁড়াইয়া আছেন, ট্রাম আসিতেছে না। কাভিক জিজ্ঞাসিলেন,—“তাহার পর ?”

মাণিকলাল বলিল,—“তাহার পর এ পর্য্যন্ত পেন্টোর আর সন্ধান নাই, অনেক চেষ্টা করিয়াছি, কিন্তু কোন খোঁজই পাই নাই।”

কাভিক বলিলেন,—“যাহাই বল ভাই! কাজটি যে বড় অগ্ৰায় হইল তাহার সন্দেহ নাই। ব্রাহ্মণের মেয়ে, তাহার প্রতি কুভাব মনে করাই ভয়ানক পাপ। তাহার পর তাহাকে আনিয়া তাহার আর খোঁজ খবর না লওয়া বড়ই অগ্ৰায় হইয়াছে।”

মাণিকলাল বলিল,—“তোমার ভুল হইতেছে ভাই! আমি সে ব্রাহ্মণকন্যাকে পূর্বেও দেখি নাই, পরেও দেখি নাই, তবে আনাইবার সম্বন্ধে কিছু দোষ আমার থাকিতে পারে। পুরা দোষ আমার উপর দিতে পার না।”

“কেন ?”

“একটা স্ত্রীলোক, তাহার নামও আমি জানি না, আগে আর তাহাকে কখন দেখিও নাই—ভদ্রঘরের মত প্রবীণা-স্ত্রীলোক আমাকে বলে, একটা সুন্দরী যুবতী ঘরের বাহির হইয়া আসিতেছে। স্বামী লয় না, কষ্টের একশেষ, আর একদিনও ঘরে থাকিতে পাড়িতেছে না। একজন ভাল লোকের হাতে পড়িলেই ভাল হয়। বড় ভাল মানুষ মেয়ে, কোন্ ইতরের হাতে পড়িয়া কষ্ট পাইবে? শুনিয়াছি, আপনি মহৎ লোক, আপনি দয়া করিয়া তাহাকে আশ্রয় দিবেন কি?”

‘ডি’ অক্ষরাশ্রিত একখানি ট্রামকার চলিয়া গেল।





## পঞ্চম পরিচ্ছেদ।

কার্তিক ও মাণিকলাল পদব্রজে বহুবাজার অভিমুখে চলিলেন, কিঞ্চিৎ দূরমাত্র গমন করার পর মাণিকলাল বলিল,—“বুঝিতেছি ভাই! এই ছই স্ত্রীলোক তোমার খুব চেনা, কে ইঁহারা?”

কার্তিক বলিলেন,—“যিনি সধবা অন্ন বয়স্কা, তিনি আমার ভগ্নী হেমলতা। আর যে আধা বয়সী বিধবা, সে খুড়া মহাশয়ের বাড়ীর একজন চাকরানী, তাহার নাম লবঙ্গ।”

মাণিকলাল নীরব। কার্তিক বলিলেন,—“চুপ করিলে যে?”

মাণিকলাল সম্মুখে ও পশ্চাতে দৃষ্টিপাত করিয়া অপেক্ষাকৃত মুহূষরে বলিল,—“বড় ভয়ানক কথা, তোমাকে বলা উচিত কিনা ভাবিতেছি।”

একটু রাগতন্ত্রে কার্তিক বলিলেন,—“আমার নিকট গোপন করিবার কথা তোমার আছে! ইহা আজ প্রথম শুনিলাম। তোমার সহিত অনেক দিনের আত্মীয়তা, একজনের পেটের কথা, আর একজনকে না জানাইলে চলিত না, এখন দেখিতেছি, কোন কোন কথার লুকাইবার ইচ্ছা হইতেছে। ভাল তাহাই হউক।”

মাণিকলাল বলিল,—“পাছে তুমি রাগ কর বলিয়া বড় ভয় হইতেছে, তথাপি আমি অকপটে সকল কথা বলিব। বল তুমি রাগ করিবে না?”

কার্তিক বলিলেন,—“তুমি বড় অশ্রয় কাজ করিয়া ও আমার ক্ষমা পাইয়াছ, আর একটা কথার জন্ত রাগ করিব কেন? তোমার কথা নিতান্ত বিরক্তিকর হইলেও রাগ করিব না।”

মাণিকলাল আবার সম্মুখে ও পশ্চাতে দৃষ্টিপাত করিল, তাহার পর কার্তিকের খুব নিকটে সরিয়া আসিল, তাহার পর অতি মুহূষরে বলিল,—“তোমাদের এই লবঙ্গ সর্বনাশের মূল, এই আমার সহিত দেখা করিয়া বন্দোবস্ত ঠিক করিয়াছিল, এই সে ব্রাহ্মণের মেয়েকে উত্তরপাড়া হইতে সঙ্গে করিয়া আনিয়াছিল, এই তাঁহাকে সেই ভাঙ্গা বাড়ীতে রাখিয়া আমার নিকট রাত্রি দশটার সময় খবর দিয়াছিল।”

কার্তিক সবিস্ময়ে জিজ্ঞাসিলেন, “বল কি! তুমি ঠিক চিনিয়াছ ত?”

মাণিকলাল বলিল,—“তাহার কোনই ভুল নাই, কেবল যে আমি চিনিয়াছি, এমন নহে; লবঙ্গও আমাকে বেশ চিনিয়াছে, সুযোগ পাইলে সে নিশ্চয়ই আমার সহিত কথা কহিবে।”

কার্তিক অতিশয় চিন্তামগ্ন হইয়া নীরব রহিলেন।

মাণিকলাল বলিল,—“তুমি চুপ করিলে যে?”

কার্তিক বলিলেন,—“আমি ভাবিতেছি, এ কার্যে লবঙ্গের স্বার্থ কি, তোমার নিকট সে কিছু লয় নাই। সে ব্রাহ্মণকন্ঠার যেরূপ ছুরবস্ত্রার কথা বলিয়াছে, তাহাতে নিশ্চয়ই সেখান হইতেও কিছু পায় নাই। বড় মানুষের বাড়ী চাকরী করে, সাধারণ চাকরানী অপেক্ষা ইঁহার মান বেশী, অভাব ও অপ্রতুল ইঁহার বড় নাই। তবে এরূপ ইতর কার্য্য সে করিতে গেল কেন?”

মাণিকলাল বলিল,—“ভাবিবার কথা বটে, কিন্তু এমনও ত হইতে পারে—অপর কাহারও অনুরোধে অশ্রয় স্বার্থের জন্ত সে এ কাণ্ড করিয়াছে।”

কার্তিক একটু চিন্তা করিয়া বলিলেন,—“অসম্ভব নহে। তোমার এই অনুমান আমাকে একটা ভয়ানক আশঙ্কায় ফেলিয়া দিল। আমি শুনিয়াছি, আমার ভগ্নীপতির আর এক স্ত্রী আছেন। এই উপলক্ষে আমার ভগ্নীপতির সহিত, আমার ভগ্নী ও খুড়া মহাশয় ভয়ানক মনান্তর ঘটাইয়াছেন। হেমলতার পথের কন্ঠক দুই করিবার জন্ত আমার ভগ্নীপতিকে অপমানিত ও মন্দপীড়িত করিবার জন্ত, তাঁহার সেই স্ত্রীকে কৌশলে কূপণে আনাও আশ্চর্য্য নহে।”

মাণিকলাল বলিল,—“ঠিক তাই। বড় উত্তম অনুমান করিয়াছ।”

কার্তিক বলিলেন,—“এ অনুমানের আরও একটু কারণ আছে। আমার ভগ্নীপতি নরেশ বাবু এখন কলিকাতাতেই আছেন। আজ প্রাতে অনেকক্ষণ ধরিয়া আমি তাঁহার সহিত আলাপ করিয়াছি; তাঁহাকে বড় চিন্তাকুল অগ্ৰমনস্ক ও বিমর্ষ দেখিয়াছি। হেমলতা ও খুড়ামহাশয়, তাঁহার সহিত যেরূপ ব্যবহার করিয়াছেন, তাহাতে তাঁহাদের সহিত

মনান্তরে তাঁহার অমুখী হইবার কোন সম্ভাবনা নাই। তাঁহার চিন্তাচঞ্চল্যের নিশ্চয়ই অশ্রয় কারণ আছে।”

মাণিক বলিল,—“যাহা বুঝিয়াছ, তাহার আর কোন ভুল নাই। কি সর্বনাশই হইয়াছে! জানি না সে ব্রাহ্মণকন্ঠা এখনও বাঁচিয়া আছেন কি না। অথবা মৃত্যুর অপেক্ষাও দুর্দশা ধর্ম্মহানি, তাহাও তাঁহার ঘটাইয়াছে কি না? কাল প্রাতে আমি প্রাণপণে তাঁহার সন্ধান নিযুক্ত হইব।”

কার্তিক বলিলেন,—“আমিও কাল প্রত্যুষে নরেশ বাবুর সহিত দেখা করিয়া কথাটি ঠিক করিয়া লইব, তাহার পর বিধিমতে এই সন্ধান প্রবৃত্ত হইব। কি ভয়ানক লোক এই মাগীটা ভাই?”

মাণিক বলিল,—“এইরূপ কুলোকের সহিত তোমার ভগ্নী যে একা কলিকাতা সহরে বেড়াইয়া বেড়ান, ইহা বড়ই ভয়ানক কথা! আমার ত ভয় হয় শীঘ্র একটা ভয়ানক দুর্নাম রটিয়া যাইবে।”

রহস্যের বাবুর বাসার দ্বারে আসিয়া, বন্ধুদের কথা-বার্তা বন্ধ করিলেন। কতী তখন অন্তরে আছেন শুনিয়া মাণিকলালকে, বাহিরের এক বৈঠকখানায় বসাইয়া, কার্তিক বাটীর মধ্যে প্রবেশ করিলেন। একাকী বসিয়া থাকা বড়ই বিরক্তিকর বিশেষতঃ তখন সন্ধ্যা হইয়া আসিয়াছে, মাণিকলাল বাহিরের বারান্দায় আসিয়া দাঁড়াইয়া রহিল।

সম্মুখে জনাকীর্ণ রাজপথ এবং পার্শ্বে মনোহর ওয়েলিংটন স্কোয়ার। যে বিহ্বল গগনে বিচরণ করিয়া, লোকের নয়ন বলসায়িত, যাহা একবার দেখা দিয়া, তখন লুকাইত বলিয়া, চঞ্চলা নাম প্রাপ্ত হইয়াছে, যাহা দিব্যালোকের শ্রেষ্ঠ গৌরবরূপে পরিচিত, সেই চণ্ডা সৌদামিনী এখন মানবের আঞ্জাক্রমে নিয়মিত সময়ে নির্দারিত স্থানে, স্থিরালোক বিকীর্ণ করিতে বাধ্য হইয়াছেন। তাড়িতালোক প্রদীপ্ত এবং তাড়িত-বাহিত শকট দ্রুতবেগে অনবরত যাতায়াত করিতেছে।

অগণ্যপ্রায় ফিটান, চেরীয়ট, বেরুস, লেণ্ড, ক্রেহেম, বগি, ডগকাট ও বিবিধ প্রকার ভাড়াটিয়া গাড়ী সমস্ত পথ অধিকার করিয়া, উভয়দিকে ধাবিত হইতেছে, মধ্যে মধ্যে টুন্ টুন্ শব্দ করিতে করিতে বাইছিকিল

দৌড়িতেছে। শকট সমূহের চালক ও সহিসগণ, হৈ হৈ শব্দে চীৎকার করিতেছে। বিবিধ দ্রব্যের ফেরিওয়ালারা নানারূপ স্বরে ক্রেতা অন্বেষণ করিতেছে, উৎসাহ, সজীবিতা ও কৰ্ম্মময়তা প্রত্যক্ষভাবে যেন ঘুড়িয়া বেড়াইতেছে, দূর হইতে আলোক জ্বালিতে আরম্ভ করিয়াছে, দেখিতে দেখিতে সকল পথের আলোক জ্বালা হইল; সকল গাড়িতেই অত্যাঞ্জল আলোক জ্বলিল, প্রায় সকল দোকান হইতেই নানাবিধ আলোক প্রকাশ পাইল, তখন নক্ষত্রনিকরপরিবৃত নভোমণ্ডলের ন্যায়, মাণিকলাল-মণ্ডিতা মহারাণীর ন্যায়, সহস্র নয়নালঙ্কৃত পুরন্দরের ন্যায় কলিকাতা মহানগরীর অবলম্ব্য শোভা হইল।

মাণিকলাল অগ্ৰমনস্কভাবে রাজপথের প্রতি চাহিয়া রহিয়াছে। ভৃত্য বৈঠকখানা ঘরে আলোক দিয়া গিয়াছে, তিনি তাহাও জানিতে পারেন নাই। সহসা পশ্চাৎদিকে কক্ষমধ্য হইতে নারীকণ্ঠে প্রশ্ন হইল, “বাবু মহাশয় ভাল আছেন ত?”

সঙ্গে সঙ্গে মাণিকলাল ফিরিয়া দাঁড়াইল, দেখিল,—তাঁহার সম্মুখে সেই দূতী লবঙ্গলতা।

লবঙ্গ আবার বলিল,—“প্রণাম হই, ঘরের মধ্যে আস্থন। এখানে এখন আর কেহ আসিবে না।”

মাণিকলাল ঘরের মধ্যে প্রবেশ করিল। বলিল,—“সেই দেখা, আর এই দেখা। তোমাকে যে কত খুঁজিয়াছি, আর বলিতে পারি না, ভাল আছ তো?”

লবঙ্গ বলিল,—“আপনাদের ভালতেই আমাদের ভাল, আপনি নূতন রাণীর সঙ্গে খুব রঙ্গেই আছেন বোধ হয়।”

মাণিকলাল দীর্ঘ-নিশ্বাস ত্যাগ করিয়া বলিল,—“এত কষ্ট দিবে যদি মনে ছিল, তবে এত স্নেহের আশায় মাতাইয়াছিলে কেন? মুখের আহার আনিয়া দিয়া, আবার কাড়িয়া লইলে কেন? একবার চোখের দেখা দেখিবার আগেই, সে সোণার চাঁদকে ঢাকিয়া ফেলিলে কেন? ছিছি এই কি তোমার ধর্ম্ম!”

লবঙ্গ বলিল,—“কি রহস্য করিতেছেন, আমি বুঝিতে পারিতেছি না। কোণের কুলবধু আনিয়া আপনার হাতে তুলিয়া দিয়া গিয়াছি, তাহা না মানিয়া এখন আমার ঘাড়ে ঝাঁক চাপাইতেছেন কেন? পাছে কিছু বক্‌সিস্ চাহি ভাবিয়া সুর ফিরাইতেছেন নাকি?”

মাণিকলাল বলিল,—“তুমি যে বকসিস চাহ তাহাই দিব, সত্য করিয়া বল তাহাকে কোথায় রাখিয়াছ? আমি সে ভাঙ্গা বাড়ীর প্রত্যেক স্থান তন্ন তন্ন করিয়া খুঁজিয়াছি, কোথাও কেহ নাই, আমার সহিত একরূপ তামাসা করিয়া কি লাভ হইল?”

তখন বিশ্বয়বিষ্কারিত নয়নে, লবঙ্গ বলিল,—“সে কি গা! তামাসার কথা কি বলিতেছ? আমি নিজে তাহাকে ঘরের মধ্যে পুরিয়া তোমার নিকট খবর দিয়াছি, তোমার লোকটা, সেখানে বসিয়াছিল, তবে সে ছুঁড়ী গেল কোথায়?”

মাণিকলাল বলিল,—“সকলি তুমি জান, তোমাকে হাজার টাকা দিব, দোহাই তোমার, বলিয়া দাও এখন সে কোথায় আছে।”

তখন লবঙ্গ বুঝিল, সত্যই একটা ভয়ানক বিভ্রাট ঘটয়াছে, মাণিকলালের সেই লোকটাই এইরূপ ঘটাইয়াছে বলিয়া, তাহার বিশ্বাস হইল। সে বলিল,—“দোহাই ধর্ম্মের আমি ইহার কিছুই জানি না। সেই রাত্রিতেই আমি হরিপুরে চলিয়া গিয়াছিলাম। চারি দিন হইল মনিবদিগের সহিত আবার কলিকাতায় আসিয়াছি; আমি আর কোন সন্ধান জানি না। জানিবার কোন উপায়ও আমার ছিল না।”

মাণিকলাল বলিল,—“মানিয়া লইলাম তুমি আর কোন সন্ধান রাখ নাই, এখন কলিকাতায় আসিয়াছ, আমি তোমাকে প্রাণ ভরিয়া টাকা দিব, তুমি তাহার সন্ধান করিয়া দাও, না হয় আমাকেও সন্ধানের উপায় বলিয়া দাও, আমিও চেষ্টা করি।”

লবঙ্গ বলিল,—“প্রতিজ্ঞা করিতেছি, আমি সন্ধানের ক্রটি করিব না, আপনি কি উপায় জানিতে চাহেন বলুন।”

মাণিকলাল বলিল,—“তাহার নাম, তাহার বাপের নাম, বাসস্থান ইত্যাদি বলিয়া দিলে, আমি অনেক সন্ধান করিতে পারি।”

লবঙ্গ বুঝিয়া দেখিল, চোরের উপর বাটপাড়ি হইয়াছে, তাহার অপরাধ যে সহজেই ধরা পড়িবে সন্দেহ নাই।

জামাই বাবু উত্তরপাড়া গিয়া অবশুই জানিয়াছেন, আমি কুমুদিনীকে স্বামীর কাছে লইয়া বাইতেছি বলিয়া

ভুলাইয়া আনিয়াছি। জামাই বাবু এখানে আসিয়া আমাকে ধরিতে পারিবে না, তবে যদি আমার নামে আদালতে নালিশ করে, তখন অনেক জবাব বাহির করা যাইবে। বাবুর টাকার সীমা নাই দিদি বাবুরও ভালবাসার শেষ নাই, সে সামান্য গরীব লোক, কত দিন আমার বিরুদ্ধে মোকদ্দমা চালাইবে? সাক্ষীর প্রমাণই বা কোথায় পাইবে? আবার বাবু তাহাকে হাতে পাইলে গারদে পুরিয়া রাখিবে তখন তাহাকে আমারই অধীন হইয়া থাকিতে হইবে। এই মাণিক বাবু লোকটার সহিত এত শীঘ্র দেখা না হইলে ভাল হইত। এ যদি নরেশের সহিত মিশে, তাহা হইলে প্রমাণটা একটু পাকাপাকি হইয়া দাঁড়াইবে—সে ভয় মিথ্যা। কোথায় নরেশ, আর কোথায় মাণিকলাল। দুই জনের আলাপ পরিচয়ের কোন সম্ভাবনা নাই; তবে এ আবার কার্তিকের বন্ধু। কার্তিক বড় ধূর্ত তাহার সহিত নরেশের এখনও পরিচয় নাই কালে হইতেও পারে, তখন একটা গোল উঠিলেও উঠিতে পারে।

সে অনেক দূরের কথা। আপাততঃ মাণিককে আমি যে ফাঁদে ফেলিতেছি, তাহাতে চিরকাল আমার গোলাম হইয়া থাকিবে। নরেশকে পরম শত্রু জানিয়া নিকাশ করিবার ফিকিরে ফিরিবে।

অনেক ভাবিয়া চিন্তিয়া লবঙ্গ বলিল,—“সে এখন হাত ছাড়া হইয়া পড়িয়াছে, তখন তাহার সন্দেহ আর কোন কথাই বলিব না। মাণিক বাবু যদি আমার টুটি কাটিয়া ফেল তাহা হইলেও তাহার কোন সন্ধান আমার মুখ হইতে বাহির হইবে না, সে একটা সামান্য মেয়ে মানুষ, গরীব দুঃখীর মেয়ে, সে হাত ছাড়া হইয়াছে বলিয়া এত দুঃখ কেন? আমি তোমাকে এবার সত্যসত্যই সোপার টাকার ধরিয়া দিব।”

মাণিকলাল বলিল,—“তুমি গাছে তুলিয়া দিয়া মই কাড়িয়া লও তোমাকে কোনমতেই বিশ্বাস নাই, তোমার কথায় আমি আর কখন ভিজিব না।”

লবঙ্গ বলিল,—“আমার কোনই দোষ নাই; আর্টিক কাজই করিয়াছিলাম, আপনার লোকেই আপনার সর্বনাশ করিয়াছে। এবার আর কোন গোলের কথা নাই, কেন না, এপক্ষ আপনার জন্ত পাগল।”

মাণিকলাল হাসিয়া বলিল,—“বল কি! দেখা নাই শুনা নাই, কেবল নাম শুনিয়াই পাগল না কি?”

লবঙ্গ বলিল,—“অনেক ভাবিতে ভাবিতে লোকে পাগল হয়। অনেক বুঝিয়াই সে মজিয়াছে।”

মাণিক বলিল,—“আমিও তোমার কথায় মজিতেছি, এখন একবার দেখা সাক্ষাতের উপায় কি? কোথায় আসিতে হইবে কোথায় অপেক্ষা করিয়া থাকিব।”

লবঙ্গ বলিল,—“অত উতলা হইবেন না, কোথাও আপনাকে আসিতে হইবে না, কোথাও অপেক্ষা করিতে হইবে না, সকল স্বেচ্ছায় হইয়া আমি করিব। একবার দেখিলেই আপনি দিশাহারা হইবেন, রূপে গুণে ধনে মানে এমন আর কোথাও কেহ দেখে নাই।”

মাণিক বলিল,—“তুমি আমাকে এখনি পাগল করিয়া দিলে, কখন দেখা পাইব?”

লবঙ্গ বলিল,—“কখন দেখা পাইবেন, তাহা কাল বলিব, আপনার সেই স্থান ত?”

মাণিক বলিল,—“হাঁ দোহাই তোমার ভুলিও না যেন! বল না কেন কাল আবার আমি আসি?”

লবঙ্গ বলিল,—“না! আসিতে হইবে না, আসিয়া কাজ নাই, আমি ভুলিব না, নিজে গিয়া আপনার সহিত দেখা করিব।”

মাণিক বলিল,—“তোমার দয়ার সীমা নাই। এত পরা যদি করিবে, তবে আপাতত একটু দয়া করিয়া, সুন্দরীর নামটী বলিয়া দাও।”

লবঙ্গ বলিল,—“এখন কিছু বলিব না, প্রকাশ হইলে সর্বনাশ হইবে।”

মাণিক বলিল,—“আমি কি কাঁচা ছেলে যে, নিজের সর্বনাশ নিজে করিব। যে স্বেচ্ছায় আশায় পাগল হইতেছি, তাহাই ছিঁড়িয়া ফেলিব? নামটী আমাকে বলিয়া দাও মিলনের অর্ধেক আনন্দ নামেই পাইব, আমাকে প্রাণে মারিও না, যতক্ষণ পর্য্যন্ত তুমি না যাও, ততক্ষণ পর্য্যন্ত নামটী ধ্যান করিতে করিতে আমাকে বাচিয়া থাকিতে দাও। যদি নামটী তোমার বলিতে বিশ্বাস না হয়, তাহা হইলে বেশী বিশ্বাসের কাজ তুমি ঘটাইবে না; আবার আমাকে কোন বৃথা লোভে ফেলিয়া বাদাইয়া মারিবে, যাহাকে একটা নাম বলিতেও তোমার

বিশ্বাস হয় না; তাহার সহিত আর তামাসায় কাজ কি? আমি এখন যাই।”

লবঙ্গ বলিল,—“দাঁড়ান ছুঃখ করিবেন না, নাম বলিতেছি, কিন্তু খুব সাবধান। কার্তিক বাবু কি অল্প কেহ যেন একটা অক্ষরও জানিতে না পারে।”

মাণিকলাল বলিল,—“রাধা কৃষ্ণ!”

তখন লবঙ্গ চারিদিকে সাবধানে দৃষ্টিপাত করিল, তাহার পর মাণিকলালের অতি নিকটে আসিল।

বাহির হইতে কার্তিক বাবু ডাকিলেন,—“মাণিক বাবু, এস ভাই!”

লবঙ্গ বেগে অল্প দূর দিয়া প্রস্থান করিল। যাহা বলিতেছিল তাহা আর বলা হইল না। নাম জানিবার কৌতুহল মিটিতে মিটিতে মিটিল না। অগত্যা মাণিকলাল ধীরে ধীরে আসিয়া কার্তিকের সহিত মিলিত হইল।

### ষষ্ঠ পরিচ্ছেদ।

মাণিকলালকে বাহিরের বৈঠকখানায় বসাইয়া কার্তিক বাটীর মধ্যে প্রবেশ করিলেন, সেখানে এক ঘরে সকলেই উপস্থিত; রত্নেশ্বর বাবু, তাঁহার গৃহিণী, হেমলতা এবং লবঙ্গ সকলকেই একস্থানে দেখিতে পাইয়া কার্তিক ভাবিলেন ভালই হইল।

পথে হেমলতার যে দুর্দৈব ঘটয়াছিল, তাহারই তখন বর্ণনা চলিতেছে, তত্পলক্ষে কার্তিক যে বিশেষ সহায়তা করিয়াছেন হেমলতা ও লবঙ্গ তাহা বার বার ব্যক্ত করিতেছে, পরম স্নেহের ধন হেমলতা যে নির্বিঘ্নে বাটীতে ফিরিয়াছেন, আসন্ন মৃত্যুর হস্ত হইতে তিনি যে অব্যাহতি লাভ করিয়াছেন, সে জন্ত তাঁহার পিতা-মাতা শত প্রকারে আনন্দ প্রকাশ করিতেছেন, সঙ্গে সঙ্গেই কার্তিকেরও একটু প্রশংসা হইতেছে।

কর্তা বলিতেছেন,—“কার্তিক এখন অনেকটা ভাল হইয়াছে, স্বভাব চরিত্র যদি ভদ্রলোকের মত হইত তাহা হইলে, সে ভাল লোক বলিয়া পরিচিত হইতে পারিত। না হউক এখন যে ঠাণ্ডা মূর্তিতে আছে, ইহাই পরম লাভ।”










পৃথিবীর চন্দ্র পৃথিবীকে ২৭.৩২২ দিনে একবার প্রদক্ষিণ করে। চন্দ্রও পৃথিবীর ন্যায় নিজে ঘুরিয়া ঘুরিয়া পৃথিবী প্রদক্ষিণ করে, কিন্তু আমরা আবহমান কাল হইতে চন্দ্রের এক পৃষ্ঠই দেখিয়া থাকি, তাহার অপর পৃষ্ঠ কখনও আমাদের নয়নগোচর হয় নাই। ইহার কারণ বড় কৌতুকাবহ, আপনার অক্ষদণ্ডে একবার আবর্তিত হইতে চন্দ্রের যে সময় লাগে, চন্দ্র সেই সময়ের মধ্যেই পৃথিবীকেও একবার পরিবেষ্টন করিয়া আসে। চন্দ্র নিজ অক্ষদণ্ডে বরাবর ঠিক সমান বেগে (uniform motion) আবর্তিত হয়, কিন্তু নিজ কক্ষে ঠিক একই গতিতে ভ্রমণ করিয়া পৃথিবী প্রদক্ষিণ করে না। চন্দ্রের গন্তব্য পথও (কক্ষ) অন্যান্য গ্রহকক্ষের ন্যায় একটি বৃত্তাভাস; সেই বৃত্তাভাসের খোঁদাল দিকটা (concave side) সর্বদাই সূর্যের দিকে থাকে। \* তাহা হইলে সূর্য চন্দ্রকক্ষেরও এক কেন্দ্রে অবস্থিত বুঝা যাইতেছে। কোন গ্রহ বা উপগ্রহ যখন সূর্যের নিকটবর্তী হয়, তখন



তাহার বেগ বৃদ্ধি ও দূরে গেলে বেগের হ্রাস হইয়া থাকে। † ইহার ফলে আমরা চন্দ্রের অপর পৃষ্ঠের কিয়দংশ

\* ইহা প্রত্যক্ষতঃ অসম্ভব বোধ হইতে পারে। চন্দ্র পৃথিবীকে আবর্তন করিতেছে ও পৃথিবী সূর্যকে আবর্তন করিতেছে। তত্রাত চন্দ্রের কক্ষের খোঁদাল দিক সর্বদা সূর্যের দিকে থাকিবে, কখনও সে পৃষ্ঠ প্রদর্শন করিবে না, ইহাই বৈজ্ঞানিক মত। প্রমাণ গণিত-নির্ভর বলিয়া পরিতাপ্ত হইল।


† এই গতি সর্বত্র অসমান হইলেও উহারও একটা নিয়ম প্রসিদ্ধ বৈজ্ঞানিক কল্পনার আবিষ্কার করিয়াছেন। গ্রহগণ সর্বত্র এক সময়ে সম পরিমাণ ক্ষেত্র অতিক্রম করে (equal area in equal time); চিত্রাঙ্কিত কক্ষের কক্ষ ক্ষেত্রে গমন ক্ষেত্র সমান। গ্রহ খ হইতে ক স্থানে আসিতে যে সময় লাইবে, সেই সময় টুর্নতেই তাহাকে গ হইতে ঘ স্থানে আসিতে হইবে। কাজেই গ্রহ বেচারাকে সূর্যের নিকটবর্তী হইয়া খুব দ্রুত চলিতে বাধ্য হইতে হয়। ক্ষেত্রের সমান হইলেও ক্ষেত্রাংশ গ ঘ অপেক্ষা ক অনেক ছোট। অসমান পথ একই সময়ে চলিতে হইলে দ্রুত ও মন্দগতি হইতেই হইবে।

একবার দ্রুতগতির স্থানে ও আর একবার মন্দ গতির স্থানে চন্দ্র উপস্থিত হইলে দেখিতে পাই। চন্দ্র যে গতিতে নিজের অক্ষদণ্ডে আবর্তন করে দ্রুত ও মন্দ গতির স্থানে চন্দ্র সে গতিতে ভ্রমণ করিতে পারে না; এই গতিবৈষম্য হেতু তাহার অপর পৃষ্ঠের কিয়দংশ দেখা যায়। কিন্তু উহা এত অক্ষিৎকর যে তাহা হইতে অপর পৃষ্ঠের বৃত্তান্ত সম্বন্ধে বৈজ্ঞানিকগণ কোনও সিদ্ধান্তে উপনীত হইতে পারেন নাই।

চন্দ্র পৃথিবী হইতে ২ লক্ষ ৪০ হাজার মাইল দূরবর্তী; অর্থাৎ উভয়ের ব্যবধান পৃথিবীর বিষুব-ব্যাসার্ধের (equatorial Semi-diameter or radius) ৫৯ গুণ। চন্দ্রের ব্যাস ২১৬০ মাইল (পৃথিবীর mean-diameter ৭৯১৮ মাইল)। চন্দ্রপৃষ্ঠ যে পর্বতমরুভূমির মত তাহা অনেকের নিকট নূতন সংবাদ নহে; আরো চন্দ্র যে সূর্যালোকে দীপ্তিমান তাহাও আমাদের দেশে কালিদাসাদির কাল হইতেই পরিজ্ঞাত আছে। ছয় লক্ষ পূর্ণচন্দ্রের আলোক এক সূর্যের আলোকের সমকক্ষ হইতে পারে। চন্দ্রও রাত্রি দিন পর্যায়ক্রমে সংজ্বলিত হইয়া থাকে; কিন্তু একটা চান্দ্র দিন ২৯টা পার্থিব দিনের সমতুল্য ও এক চান্দ্র রাত্রি ২৯টা পার্থিব রাত্রির সমান। চন্দ্রের মাধ্যাকর্ষণ শক্তি অতি সামান্য, কারণ চন্দ্র পৃথিবীর আকারের ১/৮০ অংশ মাত্র। জলের তুলনায় চন্দ্রের গাঢ়ত্ব ৩.৫ (৩ ১/২) মাত্র।


আমরা চন্দ্রের আকার সর্বদাই পরিবর্তিত হইতে দেখি; তাহার কারণ, সূর্য, পৃথিবী ও চন্দ্রের সংস্থান পারস্পর্য। শুক্লা প্রতিপদে সূর্যাস্তের পরক্ষণেই দিগ্বলয়ে ধারে চন্দ্রের এক কলা মাত্র প্রকাশ পায় ও অল্পক্ষণ পরে উহা অদৃশ্য হইয়া যায়। প্রতিদিন কলা বৃদ্ধির সঙ্গে সঙ্গে চন্দ্রের স্থিতিকাল বৃদ্ধিত হইতে থাকে এবং ক্রমশঃ পশ্চিমে দিগ্বলয় হইতে উচ্চস্থানে উদিত হইতে থাকে। মধ্য পরে ইহা মধ্যগগনে উদিত হয় ও অর্ধবৃত্তাকার ধারে করে। যখন চন্দ্র পূর্ণতা প্রাপ্ত হয় তখন উহা সূর্যাস্তের সমকালে সূর্যের বিপরীত দিকে অর্থাৎ পূর্ব দিগ্বলয়ের দিকে উদিত হয় ও সূর্যোদয়কালে পশ্চিম দিগ্বলয়ের নিম্নে পূর্ণ হয়। তৎপরে আবার তাহার তল্লক্ষ্য প্রাপ্ত হইতে থাকে। এই সময় তাহার উদয় কাল ক্রমশঃ সূর্যোদয়ের নিকট

হইতে থাকে ও দিনমানোও চন্দ্রের ধূসর কলেবর নয়ন-গোচর হয়; অবশেষে একেবারে অদৃশ্য হইয়া যায়, অর্থাৎ সূর্যোদয়ের সঙ্গে সঙ্গে চন্দ্র প্রকাশ পায় বলিয়া নয়নগোচর হয় না, ইহাই অমাবস্তা। চন্দ্রকলার গোল পৃষ্ঠদেশ সর্বদাই সূর্যের দিকে ও খোঁদাল দিক সূর্যের বিপরীত দিকে থাকে। ইহার কারণ সন্নিহিত ১নং চিত্র হইতে স্পষ্ট হওয়া



১ নং চিত্র।

নমুনা। একটা প্রদীপের নিকট একটা বড় ফুটবল বা অন্য কোন গোলাকার বস্তু ধরিলেও দেখা যাইবে যে চিত্রের গুণাগুণের মত হইয়াই ফুটবলেও আলোক পাত হইয়াছে। গুরু পক্ষ খোঁদাল দিক পূর্বমুখে ও কক্ষপক্ষে পশ্চিমমুখে থাকে। মনে করুন কগ খঘ (২ নং চিত্র) বৃত্তই চন্দ্র।



২ নং চিত্র।

পৃথিবী হইতে উহার অর্ধাংশ কক্ষ দেখা যাইবে; সূর্যালোকে গখঘ অপরাধ আলোকিত হইবে। তাহা হইলে পৃথিবী হইতে ঘচখ অংশ মাত্র আলোকিত দেখা যাইবে। এই অংশ নিরেট বৃত্তের (solid circle) একটা অংশ বলিয়া দেখিতে কমলা লেবুর একটা কোয়ার মত হইবে; কিংবা একটা পেয়ারা কাটিয়া সমান আট ভাগ করিলে বক্রপ দেখায় তদ্বৎ দেখাইবে। সেই পেয়ারা খণ্ড দূরে কোন সমতলের উপর যদি চেপ্টা হইয়া লাগিয়া যায় তাহা

হইলে তাহার এক দিক কটা হ পৃষ্ঠের মত অপর দিক কটা হ মধ্যের মত দেখাইবে সন্দেহ নাই। এই জন্তই চন্দ্র-কলার পৃষ্ঠদেশ বৃত্তাংশ ও উদরদেশ বৃত্তভাগাংশবৎ (Segment of a circle and an ellipse) প্রতীয়মান হয়।

চন্দ্র ও পৃথিবী সৌরজগৎ ক্ষেত্রে এক সমতলে থাকিয়া পর্যটন করে না। যদি তাহা করিত তাহা হইলে চন্দ্র ও সূর্যের মাঝখানে পৃথিবী পড়িলে প্রায়ই গ্রহণ বা অমাবস্তা উপস্থিত হইত। এজন্য পৃথিবীর কক্ষক্ষেত্র হইতে চন্দ্রের কক্ষক্ষেত্র ৫° ডিগ্রি বক্র। যে স্থানে চন্দ্রকক্ষ ও ধরাকক্ষ পরস্পর কাটিয়াছে তাহার নিকটে চন্দ্র বা সূর্য একটা নির্দিষ্ট দূরে অবস্থিত থাকিলে গ্রহণ সংজ্ঞাটি হইয়া থাকে। ঐ উভয় কক্ষের সাক্ষাৎ স্থানকে ইংরাজিতে node কহে। গ্রহণ যে পৃথিবীর ছায়াতেই সংজ্ঞাটি হয়, ইহা সকলেই পরিজ্ঞাত আছেন সন্দেহ নাই।

মঙ্গলের চন্দ্র দুইটা অতি ক্ষুদ্র উহাদের ব্যাস ১০ মাইলের অধিক হইবে না। ইহাদের বিস্তৃত বিবরণ গত বর্ষের প্রদীপে ত্রীযুক্ত অপরূপচন্দ্র দত্ত লিখিত “মঙ্গলের গৃহে বিপি বৈচিত্র” প্রবন্ধে পাওয়া যাইবে বলিয়া এস্থলে আর লিখিত হইল না।

বৃহস্পতি বেনন গ্রহরাজ তাহার চন্দ্রটাও তেমনি বৃহত্তম। উহার ব্যাস ৫৫৫০ মাইল। শনির একটা সহচর ও প্রায় ইহার সমকক্ষ। ইহার বৃহৎ অপেক্ষাও বৃহৎ কলেবর।

শনি গ্রহের ৮টা চন্দ্র ব্যতীত একটা অদ্ভুতবলয় তাহাকে বেষ্টন করিয়া আবর্তিত হয়। ঐ বলয় বোধ হয় ছোট বড় ৩টা বলয়ের সমষ্টি, কোনটা অধিক চোড়া কোনটা অধিক স্ক্রম। আটটা চন্দ্র আবার একটা অদ্ভুত বলয়, শনির অদৃষ্ট সূপ্রসন্ন বলিতে হইবে। কিন্তু ছুংথের বিষয় শনি যাহার অদৃষ্টে দৃষ্টিপাত করেন তাহাকে কখনও সূপ্রসন্ন হইতে দেখা যায় না।

শনির বলয় অথবা চন্দ্রের ব্যাস ১লক্ষ ৭২ হাজার ৮ শত মাইল। উহার পরিসর ৪২৩০০ মাইল; শনির পৃষ্ঠ হইতে উহার দূরত্ব ৬ হাজার মাইল। উহার বেধ ৫০ মাইলের অনধিক। এই বলয়ত্রয় তিনটা অখণ্ড পদার্থ নহে। অসংখ্য ক্ষুদ্র ক্ষুদ্র উপগ্রহ দলবদ্ধ হইয়া শনিকে প্রদক্ষিণ করিতেছে; তাহাদের ক্ষুদ্রত্ব ও দূরত্ব হেতু

তাহাদিগকে অথও চক্রবৎ দেখায়। এই শত সহস্র ক্ষুদ্র ও  
৮টি বৃহৎ চন্দ্র লইয়া শনির আকাশ না জানি কত সুন্দর  
ও বৈচিত্রময় হইয়া আছে।

(ক্রমশঃ।)

শ্রীচারুচন্দ্র বন্দ্যোপাধ্যায়।



## অর্জুনের দৃঢ়তা।

রত্ন-দীপ্ত-কক্ষ তলে, বৈজয়ন্তপুরে,  
বিচিত্র আসনে বসি, বীর ধনঞ্জয়  
কুমার কল্পিত কান্তি; মণিময় চূড়ে  
ঝলিছে চঞ্চল আলো, কর্ণকুবলয়  
কুণ্ডলে মণ্ডিত চাঁক, ললাটে লম্বিত  
সুদীর্ঘ পোণ্ড-ক-রেখা—হির, স্নগস্তীর,  
সরল, সুন্দর, শাস্ত—যেন বিরাজিত  
দ্বিতীয় দেবেন্দ্র মূর্তি আনন্দ মন্দিরে।

বিগত প্রথম যাম, স্নিগ্ধ নিশিথিনী!  
শঙ্কহীন-সুক্র তায় মগ্ন স্বর্গপুর!

সহস্র মন্দির দ্বারে রণিল কিঙ্কণী,  
ধ্বণিল কঙ্কণ সহ মূখর নুপুর।  
বিস্মিত অর্জুন চাহি, সন্মিত নয়নে  
হেরিলেন,—রত্নদীপ্ত দীপ শিখা রাশি  
ম্লানিয়া, মঞ্জুল রাগে, কুঞ্জর গমনে,  
আলোক-লাবণ্যময়ী-অপূর্ণা উর্ধ্বশী  
পশিল মন্দির মাঝে,—যথা রশ্মি রেখা  
নাশিয়া শশীর আলো, অমল আভাষ—  
উদয় অর্গল খুলি, ধীরে দেয় দেখা  
বিশ্ব মন্দিরের দ্বারে—আসন্ন উষায়।

চকিত বিদ্যাত-ক্ষিপ্ত-কটাক্ষ কঠোর  
হানিয়া, পার্শ্বের পাশে দাঁড়াইল আসি;—  
দেবতা, গন্ধর্ক, যক্ষ, মুনি মন-চোর

মূর্তিখানি,—প্রসারিয়া রিক্ত রূপরাশি!  
সসম্মমে তেয়াগিয়া স্বর্ণ সিংহাসন,  
কহিলেন, নতশিরে, কুস্তীর কুমার;—  
“কি হেতু জননি তব হেথা আগমন?  
কি কার্য সাধিবে ভৃত্য? কহ মা আমার!”


“একি পরিহাস পার্থ, একি সস্বোধন?  
জননী? জননী নহি—প্রেম ভিখারিণী  
রমণী তোমার আমি। কুস্তীর নন্দন  
তুমি, আমি ত্রিদিবের বারবিলাসিনী;  
ইন্দ্রের আদেশ ক্রমে, আসিয়াছি হেথা,  
তুষিতে হৃদয় তব, আজিকার নিশা  
যাপিব তোমার সাথে। মম চিত্ত ব্যথা  
ঘুচাও হৃদয় সখে! হারিয়েছি দিশা,  
হেরিয়া তোমার ঐ অপূর্ণ মূর্তি  
উদাম যৌবনাক্রান্ত। ইন্দ্রের সভায়  
মুহমুহু অসঙ্গত সঙ্গীত স্কুরতি,  
পদে পদে চিত্তভ্রান্ত নৃত্যে অন্তরায়,  
ঘটেছিল তাই। সখে! মন্থ শাসনে  
সন্তপ্ত অন্তর জ্বালা ঘুচাও ত্বরিতে;  
প্রীতি-পরিপ্লুত ক্ষিপ্ত-প্রেম আলিঙ্গনে।”  
এতেক বলিয়া, চিত্ত চঞ্চলা চকিতে  
প্রসারিল বাহু যুগ পার্শ্বের উদ্দেশে;  
নবঙ্গ বল্লরী যথা বন্ধন প্রয়াসী  
উন্নত তম্বাল বরে! নয়ন নিমেষে  
পশ্চাতে সরিয়া পার্থ, কহিল উচ্ছ্বাসি;  
“একি অল্পচিত্ত বাঙ্গ! জননী তোমার!  
শুনেছি তোমার গর্ভে হয়েছে বন্ধিত,  
অতিপূর্ণ পিতামহ কুরু পাণ্ডবের,  
সুচিত্র-যৌবনা তুমি, রয়েছ জীবিত  
এতকাল, মাতাইতে অমর মণ্ডলী!  
পিতামহী জননী সমান, অসম্ভব,  
পারিব না ধর্ম শিরে দিয়া জলাঞ্জলি,  
পাঠাইতে প্রেতপুরে সমগ্র পাণ্ডব।  
অতএব, ক্ষমা করি অধম সন্তানে,  
চলে যাও দয়াময়ী আপনার স্থানে!”

“এ কেবল ইচ্ছাকৃত আত্মস্তুরী ময়  
গর্ভিত বচন-বাণ নির্দয় সমান  
নিষ্কেপিছ, প্রেমায়িনী রমণী হৃদয়  
বিদ্ধ করি! ধনঞ্জয়! বহু পুণ্যবান  
নরপতি, কুরুবংশে লভিয়া জনম,  
শুভ্র স্মৃতির ফলে স্বর্গাগত আজি,  
তঁাহারা কেমনে তবে ত্যজিয়া ধরম,  
আমার পঙ্কিল (?) প্রেমে হইয়াছে রাজি?  
নহে পরিহার যোগ্য একুপ যৌবন,  
শুধু দেবতার ভোগ্য,—মর্তের মানবে  
যাচিয়া দিতেছি তাহা। তথাপি এমন  
ঘৃণাভরে পদাঘাত করিছ গৌরবে?”

“শ্রবণ বধির হউক”—কর্ণ চাপি করে  
কহিলেন ধনঞ্জয়; “শুনিব না আর  
হেন পাপময় বাণী! শ্রবণ বিবরে  
পশিয়া, পঙ্কিল শ্রোতে, করিছে আঘাত  
অন্তরের বেলাভূমে! একি স্বর্গপুরী  
চিত্র পবিত্রতা পূর্ণ? কিংবা স্বপ্ন ঘোরে  
হেরিতেছি বিসদৃশ—নেত্র দাহ করি  
নরকের অভিনয়! রক্ষা কর মোরে  
দয়াময় দীন বন্ধো! এ ঘোর নরকে  
মজিবে পাণ্ডবকুল—মজিব আপনি!  
তুমি সাক্ষী অনন্তের, হে হৃদয় সখে!  
নিতান্ত নির্দোষী আমি, তথাপি এখনি  
উর্ধ্বশীর অভিধানে হ'ব ভঙ্গসাং!  
এইবার রক্ষা কর ওহে দীননাথ।”

“চাহ না আমার প্রেম? হে দাস্তিক নর!  
এতই ঘণিত এ কি? যুগ যুগান্তরে  
দেবতার অভীষিত যাহার অন্তর,  
মানব হইয়া আজি ঘৃণ্য পদতরে  
অবাধে দলিলে তাহা! আজি উর্ধ্বশীর  
অনন্ত-রূপ-যৌবন দীন হীনা বেশে  
মাগিছে প্রণয় ভিক্ষা; নর প্রণয়ীর  
পদ পাশে, হে অর্জুন, তথাপি কি শেমে  
রিক্ত হৃদে ফিরে যেতে শূণ্য গৃহ মুখে?”

স্বৈচ্ছাকৃত পুরালে না মোর অভিলাষ  
মম শাপে, নপুংসক হ'য়ে, চিরতুখে  
রমণী সমাজে তুমি করিবে হে বাস।”  
এত বলি অন্তর্ধান হইল উর্ধ্বশী;  
উক্লা যথা—দ্রুতবেগে কক্ষ হ'তে খসি।



## রামপ্রসাদ।

(দ্বিতীয় প্রস্তাব।)

পদাবলী—কালী কীর্তন ও কৃষ্ণ কীর্তন।

জ্যেষ্ঠের “প্রদীপে” আমরা “কবিরঞ্জন” ইতি  
শীর্ষক প্রবন্ধে কবিরঞ্জনের সাধু-জীবনী সংক্ষেপে  
আলোচনা করিয়াছি; সাধুসঙ্গ ও যেমন পুণ্যময়—সাধুর  
জীবনী সমালোচনাও তেমন পুণ্যময়। রামপ্রসাদ যে  
কেবল গ্রাম-মায়ের রাম্রামপদভক্ত সাধু ছিলেন তাহা  
নহে, তিনি ভাবুক ও কবি ছিলেন—সংসারচিত্রাঙ্কনেও  
তঁাহার যথেষ্ট গুণপণা ছিল। আমরা আজ সংক্ষেপে  
তাহারই আলোচনায় প্রবৃত্ত হইব।

আমাদিগের হৃভাগ্য যে কবিরঞ্জনের অমর লেখনী  
প্রসূত সামান্য কয়েকখানি মাত্র চিত্র আমরা পাইয়াছি।

(১) কবিরঞ্জন—অর্থাৎ বিছাসুন্দর।

(২) শ্রীশ্রীকালীকীর্তন—অর্থাৎ “ভবজলধি নিমগ্ন  
কৃষ্ণজনগণ বিমোচন করণ কারণ ভুবনপর্ণলকা কালিকার  
গোষ্ঠাদি লীলা বর্ণন।”

(৩) শ্রীশ্রীকৃষ্ণ কীর্তন।

(৪) পদাবলী।

রামপ্রসাদ তঁাহার অমূল্য পদাবলীর জন্মই বঙ্গবাসীর  
চিত্রপরিচিত ও পূজনীয়। বর্ণনাচাতুর্যে, বঙ্কারে,  
পদলালিত্যে, শব্দমন্ত্রে ভারতের বিছাসুন্দর কবিরঞ্জন  
অপেক্ষা অনেক শ্রেষ্ঠ। ভারতের বিছাসুন্দর মধ্যাহ্ন  
তপন হইলে “কবিরঞ্জন” পূর্ণিমার চন্দ্র! কবিরঞ্জনের



জন্ম কেহ কবিরঞ্জনকে চেনে না—তঁাহার ভক্তিসঙ্গীত বা পদাবলীর জন্মই তিনি পরিচিত। সে কাল হইতে এ কাল পর্যন্ত তঁাহারই শক্তি-সঙ্গীত গাহিয়া শক্তি-ভক্ত শাক্তগণ আপন আপন হৃদয়ের ভক্তি মায়ের রাঙ্গাচরণে উপহার দিয়া আসিতেছেন। যে গানের সুরে একদিন বঙ্গদেশ ভাসিয়া গিয়াছিল—আজিও সাধকের সাধা বীণায় সেই সুর বাঁধা হইয়া রহিয়াছে। যেমন মান ভক্তনের যুগে রাখাল মাঠে খেলু ছাড়িয়া দিয়া বেণু বাজাইয়া “রাধে গো রাধে গো” বলিয়া রাগিণী ধরিত—যুবক মানময়ী পত্নীর চিবুক ধরিয়া মানভক্তনের ভাবে মাথা ঈশ্বর গুপ্তের :—

“মানময়ী তোলো মুখ কহিছে খঞ্জন ;  
দেখিব কেমন তোর নয়ন রঞ্জন।  
এখনি করিব সব বিবাদ ভঞ্জন,  
কালো কোরে রাখিয়াছ মাখিয়া অঞ্জন।”

প্রভৃতি গাহিয়া মানভঞ্জন করিত, বঙ্গের তখন সেই এক যুগ গিয়াছে। তখন চারিদিকেই “পূর্বরাগ” চারিদিকে “মানভঞ্জন” তেমনি রামপ্রসাদের সময়েও বঙ্গ এক নব ভাবের নব তরঙ্গ খেলিয়া বেড়াইত। তখন মান মাথুর ছিল না, পূর্বরাগ ছিল না, বিরহ ছিল না—সে যুগে ছিল শ্রামা কীর্তন। তখন বালক যুবক বৃদ্ধ তন্ময় চিত্তে ভক্তমুখে শক্তি-সঙ্গীত শুনিত; রামপ্রসাদ সেই গীত-সুধার আধার ছিলেন। অধুনা মান মাথুর ভাসিয়া গিয়াছে কিন্তু রামপ্রসাদের শ্রামাসঙ্গীত বিলুপ্ত হয় নাই।

রামপ্রসাদ শ্রামা মায়ের আদরের ছেলে—স্নেহের সন্তান; তাই শিশু যেমন জননীর উপর অভিমান করে—জননীর স্নেহাঞ্চল ধরিয়া শত আবদার করে, রামপ্রসাদও তেমনি করিতেন। তাহাতে কি প্রসাদ-জননী কখনও কোপাঘ্নিতা হইতে পারেন? জননীর অতুল স্নেহের মাধুর্য যে জানে সে একথা কহিবে না। মাতৃস্নেহের বিশাল পক্ষপটান্তরালে থাকিয়াই ত সন্তান আবদার করে, অভিমান করে, কাঁদে, হাসে—শিশুর অসীম নির্ভর যে জননীর স্নেহ। রামপ্রসাদ সেই অসীম নির্ভরের উপর আপন স্বভাৱ স্থাপিত করিয়া শিশুর মত কাঁদিয়াছেন, শিশুর মত অভিমান করিয়াছেন—সেই

কাতর ক্রন্দন, সেই স্নেহের অভিমান প্রভৃতি আজ আমরা প্রসাদ পদাবলী স্বরূপ প্রাপ্ত হইয়া ধন্য হইয়াছি। রাম-প্রসাদের সেই অভিমান কল্পন নহে—ভক্তের পূত্ৰাশ্রিত উহা ভক্তাধীনের প্রতি ভক্ত হৃদয়ের করুণ নিবেদন—“উহা নিগৃহীত বালকের স্নেহের স্বভাৱ স্থাপন।”

“শিশু যেমন মায়ের কাছে মার খাইয়া মা মা বলিয়া কাঁদিয়া মায়ের কোলে যাইতে চায়, রামপ্রসাদও সেইরূপ সংসারের হুঃখ কষ্ট সমস্ত মায়ের দান জানিয়াও ‘মা’ ‘মা’ বলিয়া কাঁদিয়া তঁাহাকে আশ্রয় করিয়াছেন, সেই নির্ভরমিষ্ট সক্রুণ গীতিমালা অত্যধিক হৃদয়াবেগে চির পবিত্র হইয়া উঠিয়াছে।” \*

রামপ্রসাদ জ্ঞাননয়নে কালীমূর্তি, দর্শন করিয়া ছিলেন, তঁাহার পূত্ৰ হৃদয়ের শোণিত—রাঙ্গাচরণ স্পর্শে পবিত্র হইয়া উঠিয়াছিল, রামপ্রসাদের জগৎ শ্রামাময় হইয়াছিল—প্রতি পত্রমন্ত্রে তিনি মায়ের আহ্বান শুনিতেন—প্রতি ভ্রমরগুঞ্জে কোকিলকুঞ্জে তঁাহার অন্তরের অন্তরে ধ্বনিত হইত ‘মা’ ‘মা’ ‘মা’—শিশির-দিক্ত প্রভাত-কুসুমের প্রসাদ-জননীর চরণকমল দেখিতে পাইতেন—তাই তঁাহার পদাবলী এত সুন্দর অথচ সরল, এত ভক্তি ভরা।

“কালীমূর্তি যে ভাবে তঁাহার মনশক্ষে প্রত্যক্ষ হইত, তাহা মহামহিম, গূঢ় রহস্ত্রে ব্যক্ত—অতি সুন্দর; তাহা বর্ণনা করিতে যাইয়া কবি শব্দ ও উপমার জন্ম লালায়িত হইয়াছেন; অপ্রফুট সৌন্দর্যাবলী জড়িত হইয়া সেই মূর্তি ক্ষণে ক্ষণে নবভাবে তঁাহার হৃদয়ে উদয় হইয়াছে,—

চলিয়ে চলিয়ে কে আসে দ্রুতগতি  
দলে দানবদলে ধরি করতলে গজ গরাসে।  
কেরে—কালীর শরীরে, কধিরে শোভিছে  
কালিন্দীর জলে কিংগুক ভাসে ॥

প্রভৃতি গান ভক্তের কণ্ঠে শুনিলে মানসপটে মাধুর্য-গিণ এক ভৈরব ছবি অঙ্কিত হয়।†

রামপ্রসাদ যে কতগুলি গীত রচনা করিয়াছেন, তাহা ঠিক নির্ণীত হইয়াছে কি না জানি না; কেহ কেহ বলেন, রামপ্রসাদ এক লক্ষ পদাবলী রচনা করিয়াছিলেন।

\* বঙ্গভাষা ও সাহিত্য। † বঙ্গভাষা ও সাহিত্য।

স্বর্গীয় কবি ঈশ্বরচন্দ্র গুপ্ত মহাশয় নিম্নলিখিত সঙ্গীতটীকে তাহারই প্রমাণ স্বরূপ নির্দেশ করিয়াছেন :—

“জানিলাম বিষম বড় শ্রামা মায়েরি দরবার রে।  
ফুকারে ফরেদী দাদী না হয় সঞ্চার রে ॥

\* \* \* \* \*  
লাক উকিল করেছি খাড়া, সাধ্য কি মা ইহার বাড়ি,  
মাগো তোমায় তারা ডাকে, আমি ডাকি  
কান নাই বুঝি মার রে।

\* \* \* \* \*

এই রচনাপেক্ষা যে পদাবলী রচনাতেই রামপ্রসাদের জীবন অধিক ব্যয়িত হইয়াছে তাহার আর ভুল নাই। গীত দ্বারা শক্তি মাহাত্ম্য বর্ণনা করিবার জন্ম তঁাহার বড় অগ্রগাম ছিল। সেই অগ্রগামের পরিচয় আমরা কবির বিদ্যাসুন্দরেও পাই :—

“বিস্তারিত বিবরণ বর্ণিলে সমস্ত।

এই যাবে গড়াগড়ি গানে হব ব্যস্ত ॥”

যাহা হউক তাই বলিয়া যে রামপ্রসাদ এক লক্ষ পদাবলী রচনা করিয়াছিলেন তাহা সহসা মনে স্থান দিতে পারা যায় না। আবার ইহাও কতকাংশে সত্য যে তঁাহার মত ভক্ত এক লক্ষ গীত রচনা না করিয়াই তঁাহার উপাশ্র দেবীর সমক্ষে কেমন করিয়া বলিবেন—“লাক উকিল করেছি খাড়া”; আমরা বলি “লাক” অর্থে এখানে ‘বহু’ এক লক্ষ নহে।

কবিরঞ্জন ভারতচন্দ্রের মত কবিতা ব্যবসায়ী ছিলেন না; তিনি কবিতা রচনা হইতে শ্রামাধনাতেই অধিক মনোযোগী ছিলেন। যাহাও রচিত হইত তাহাও যে রীতিমত পত্রস্থ হইত ইহাও বোধ হয় না। কারণ তঁাহার মানসিক অবস্থা অল্পরূপ ছিল। স্তত্রাং প্রসাদ যখন গাহিয়া ছিলেন “লাক উকিল করেছি খাড়া” তখন তঁাহার মনে ছিল যে তিনি অনেক পদ রচনা করিয়াছেন—সংখ্যার দিকে দৃষ্টি ছিল না বলিয়াই বোধ হয়। ‘বহু’ এই অর্থ বুঝাইতে হইলে আমরাও বলিয়া থাকি “লাক লাক” বা ‘হাজার হাজার’—তখন সংখ্যার দিকে দৃষ্টি রাখি না।

প্রসাদের এক একটা গান ক্ষুদ্র নহে—বরং অতিশয় দীর্ঘ। স্তত্রাং প্রত্যহ একরূপ দীর্ঘ গীত তিনটা করিয়া

রচনা করিলেও এক লক্ষ গান রচনা করিতে বহু বৎসর আবশ্যিক। শ্রামাবিষয়ক পদাবলী ভিন্ন প্রসাদ আরও যে সকল পদ বা কবিতা বা গ্রন্থ লিখিয়াছিলেন, তাহার সহিত শ্রামাসঙ্গীত সংযুক্ত হইলে তিনি যে কিরূপে “লাক উকিল” খাড়া করিবার সময় সংকুলান করিয়াছিলেন, তাহা আমরা বুঝিতে পারি না। তবে ইহা সকলকেই স্বীকার করিতে হইবে, যে তঁাহার অন্য রচনা হইতে পদাবলীর সংখ্যাই অধিক। আমরা সেই সকল অমূল্য ভক্তি-সঙ্গীতের সামান্য মাত্র পাইয়াছি। ইহা আমা-দিগের নিতান্তই দুর্ভাগ্য। রামপ্রসাদের পরেও অনেকে শ্রামা বিষয়ক গীত রচনা করিয়াছেন, কিন্তু তেমন আর হয় নাই। তঁাহার মত ভক্তি, একান্ত ধ্যান নিষ্ঠা ও সারল্য এবং কবিত্ব পাইলে তবে তদ্রূপ গীত রচিত হইতে পারে—“যাদৃশী সাধনা যন্ত সিদ্ধির্ভবতি তাদৃশী।”

কবিতায় রূপক বর্ণনাই সর্বাঙ্গপেক্ষা কঠিন—তাহাতেই অধিক পাণ্ডিত্য আবশ্যিক। কবিরঞ্জনের সে পাণ্ডিত্য ছিল তিনি রূপক বর্ণনায় সাফল্য লাভ করিয়াছিলেন। আমরা একটা উদাহরণ দিতেছি ;—

আর মন বেড়াতে বাবি।

কালীকল্প তরু তলের চারিফল কুড়িয়ে খাবি।  
প্রবৃত্তি নিবৃত্তি জায়া তার নিবৃত্তিরে সঙ্গে লবি।  
ওরে বিবেক নামে জ্যেষ্ঠপুত্র তত্ত্বকথা তার শুধাবি ॥  
অহঙ্কার অবিছা তোর পিতা মাতায়—তাড়িয়ে দিবি।  
যদি মোহ গর্তে টেনে লয়, ধৈর্য্য-গোঁটা ধরে রবি।  
ধর্ম্মাধর্ম্ম—ছোটো অজা তুচ্ছ হাড়ে বেঁধে থুবি ॥  
যদি না মানে নিষেধ তবে জ্ঞান খড়্গে বলি দিবি।  
প্রথম ভাৰ্য্যার সন্তানেরে দূরে হতে বুঝাইবি ॥  
যদি না মানে প্রবোধ জ্ঞান-সিন্ধু মাঝে ডুঝাইবি।  
প্রসাদ বলে এমন হ’লে কালের কাছে জবাব দিবি।  
তবে বাপু বাছা বাপের ঠাকুর মনের মতন হবি ॥  
প্রসাদ পদাবলী অন্বেষণ করিলে একরূপ গান ছলভ নহে বরং অত্যন্ত সুলভ। ভাষার উপরেও কবিরঞ্জনের অধিকার কম ছিল না। তঁাহার হস্তে লেখনী প্রিয়-সহচরীর ত্রায় কার্য্য করিত; আমার জন্মের বন্ধু একদিন স্বর্গীয় দীনবন্ধু বাবুর কথা বলিতে বলিতে বলিয়াছিলেন, ‘দীনবন্ধুর হস্তে লেখনী যেন ভেকীওয়ালার হস্তে





রামপ্রসাদের শ্রামা শ্রামে প্রভেদ ছিল না। তাঁহার শ্রামা বাঁশরী হস্তে ধেছু চরাইতে বাইতেন, রাসলীলায় মত্ত হইতেন। তাই আমরা কালী-কীর্তনে ভগবতীর বালালীলা, তারপর গোষ্ঠলীলা এবং তারপর রাসলীলা দেখিতে পাই। রাসলীলার সমুদয় অংশ পাওয়া যায় না। আমি তাহার সামান্যমাত্রই দেখিয়াছি। যতটুকু দেখিয়াছি, তাহার মুখবন্ধ এইরূপ :—

“জগদম্বা কুঞ্জবনে মোহিনী গোপিনী।

ঝলমল তনুচি স্থিরা সৌদামিনী ॥

শ্রমবারি বিন্দু বিন্দু ঝরে মুখ চাঁদে।

শশঙ্ক শশঙ্ক কেশ রাছ ভ্রমে কাঁদে ॥ ইত্যাদি।


কবির কৃষ্ণ-কীর্তন সম্বন্ধে কিছু বলা চলে না, কারণ আমরা কৃষ্ণকীর্তনের কেবল একটি কবিতাই পাইয়াছি। রচনা দেখিয়া মনে হয় কৃষ্ণকীর্তন প্রশংসার যোগ্য ছিল।

কালীকীর্তনে অশ্লীলতার নাম গন্ধ মাত্র নাই—যেমন বর্ণনা তেমনি ভাষা, তেমনি ভাব। কবিরঞ্জন কালীকীর্তন গাহিয়া অমর হইয়াছেন। গ্রন্থখানি সুন্দর হইলেও ইহার রচনা প্রণালীর কিছু দোষ দেখিতে পাওয়া যায়। কীর্তনের অনেক স্থলেই ছন্দের একতা বা পরিমাণের সমতা দৃষ্ট হয় না—মিল ও অনেক স্থানে ভাল হয় নাই। শ্রামাপাদপদাধ্যান নিমগ্ন সাধক কবি আত্মহারা হইয়া তাঁহার উন্মাদ হৃদয়ের ভাবশিখা উন্মাদের মত গ্রথিত করিয়াছেন। তাই ছন্দের দিকে, বিরামের দিকে, মিলের দিকে, দৃষ্টি করেন নাই, যে কথা যেমন মনে হইয়াছে অমনি তাহা লিখিয়া গিয়াছেন—যে ফুল সম্মুখে পাইয়াছেন তাহাই গাঁথিয়া গিয়াছেন। গন্ধের দিকে রঞ্জের দিকে, শোভার দিকে দৃষ্টি করেন নাই। ভক্তি কথা ভক্তের হৃদয়ে আসিয়া সাজিয়া গুজিয়া লোক লোচনান্তর্গত হইবার অবসর পায় নাই। ভাবে যখন হৃদয় পূর্ণ হয় তখন ভাষার উৎসমুখে ভাবরাশি পার্শ্বত্যা তরঙ্গিণীর অপ্রতিহত বেগে বহির্গত হইয়া পড়ে—সে মহাশক্তির সম্মুখে বাধাবন্ধ ভাঙ্গিয়া ধ্বসিয়া যায়, তাই ইংরাজ কবি সেক্সপীয়রের জন্ত স্তম্ভ ব্যাকরণ, স্তম্ভ অভিধান।

রামপ্রসাদের যুগে রুচি যেরূপ বিকৃত ছিল, তাহাতে কালীকীর্তন বা কৃষ্ণকীর্তন বা প্রসাদ পদাবলীর শ্রায় স্মৃতিপূর্ণ সুন্দর রচনা বড়ই ছলভ বলিয়া মনে হয়।

কিন্তু আমরা প্রসাদের সুন্দর রচনা পাই নাই—আমাদিগের ছরদৃষ্ট যে আমরা অনেক কাচ পাইয়াছি—কাঞ্চন হারাইয়াছি।

শ্রীরাজেন্দ্রলাল আচার্য্য।



## আসামের নাগা জাতি।

ভারতবর্ষের বিভিন্ন স্থানের পার্শ্বত্যা প্রদেশ সমূহের মধ্যে যে সকল অসভ্য জাতিগণ বাস করিয়া থাকে, তাহাদের মধ্যে কুকী, খাসিয়া, বাস্তি, লুসাই, নাগা, গারো, মিসমী মিরি প্রভৃতি জাতিগণ অধিক প্রসিদ্ধ। জগতের যাবতীয় সুসভ্য জাতিসকলের ইতিহাস পাঠে তাহাদের আচার ব্যবহার, রীতি নীতি, আহার বিহার ও পরিচ্ছদাদির বিবরণ অবগত হইলে মনে যেরূপ একপ্রকার আনন্দ অনুভব হয়, সেইরূপ এই সকল এবং অন্যান্য ঈদৃশ অসভ্য, বর্বর জাতির জীবন অতিবাহিত করিবার প্রণালীর বিবরণ পর্যালোচনা করিলেও মনে যথেষ্ট পরিমাণে আনন্দ উদ্ভূত হইয়া থাকে। এই সকল বর্বরস্বভাবাপন্ন মানব সম্প্রদায়ের চরিত্র ও কার্যপ্রণালীর আলোচনায় প্রবৃত্ত হইলে তাহাদের হিংসা, ক্রোধ, প্রতিহিংসা প্রভৃতি নীচপ্রবৃত্তির সহিত একতা, অধ্যবসায়, পরোপকারিতা প্রভৃতি গুণনিচয়ের একত্র সমাবেশ দেখিয়া সময়ে সময়ে চমৎকৃত হইতে হয়।

পূর্বভারতের যে সকল জাতি সাধারণতঃ নাগা বর্দির পরিচিত তাহারা আসাম উপত্যকার উচ্চাংশের পার্শ্বত্যা জেলা সমূহে ও ব্রহ্মপুত্র নদের দক্ষিণভাগে বসবাস করিয়া থাকে। সমগ্র নাগা সম্প্রদায় প্রায় পঞ্চাশ ঘাট জন নাগা-দলপতির অধীন; কিন্তু ইহাদের বিষয় অতি অল্পই জানা যায়। ওয়েন (John Owen) সাহেব তাঁহার গ্রন্থে আসাম সংশ্লিষ্ট যে সকল নাগাদিগের বিবরণ লিপিবদ্ধ করিয়াছেন, তাহাদেরই বিষয় আমরা সংক্ষিপ্তভাবে বর্ণনা

গ্রন্থকার বিবেচনা করেন, ‘নাগা’ নামটি সংস্কৃত নাগ শব্দ হইতে উৎপন্ন হইয়া নিকটবর্তী সমতল ভূমির অধি-

বাসিগণ কর্তৃক প্রদত্ত হইয়াছে। এই জাতির উৎপত্তি কবে এবং কিরূপে হইল, তাহা নির্ণয় করা সহজ নহে। আকার, অবয়ব, স্বভাব, ভাষা ইত্যাদি দেখিয়া স্বভাবত মনে হয়, এশিয়ার কোন অংশ হইতে ইহারা আগমন করিয়া উপনিবেশ স্থাপন করিয়াছে; কারণ সকল বিষয়েই ইহার নিকটবর্তী অন্যান্য জাতি সমুদায় হইতে সম্পূর্ণরূপে পৃথক। কেহ কেহ কল্পনা করেন, ত্রয়োদশ

এবং ‘পানি-দোয়ারিয়াস’ বা ‘বারগিয়াস’ নামক তিন সম্প্রদায়ই প্রধান। এই তিন সম্প্রদায়ের আচার ব্যবহার প্রায় একই প্রকারের। সাধারণ মনুষ্যজাতির সহিত নাগাগণের অবয়বের প্রধান পার্থক্য, তাহাদের মস্তকের কেশ ও গাত্রের লোমাবলী অতি অল্প, পুরুষগণের গোঁপ দাড়ি পর্যন্ত প্রায় দেখিতে পাওয়া যায় না। মাথার কেশে গাঁইট বাঁধিয়া তাহাতে অর্দ্ধগোলাকৃতি কাষ্ঠনির্মিত চিরুণি




নাগারমণিগণ।

বা চতুর্দশ শতাব্দীতে চীনের উত্তর পশ্চিম সীমান্ত হইতে যে সকল আদিম লোকগণ পলায়ন করে, তাহারা ই বর্তমান নাগাগণের পূর্বপুরুষ।

আসামবাসী নাগাগণের মধ্যে, নাম—‘সাজিয়াস’ বা ‘কাজজাজিয়াস,’ ‘বারদোয়ারিয়াস’ বা ‘টাকুগিয়াস’

সংবদ্ধ করিয়া রাখা তাহাদের প্রথা। নাগারা উচ্চ সাধারণতঃ প্রায় চারি হস্ত পরিমিত হইয়া থাকে। তাহাদের মধ্যে স্থলাকৃতি লোকের বড়ই অভাব। তাহারা যখন গৃহে থাকে, তখন অধিকাংশ সময় তাহাদিগকে উলঙ্গ অবস্থাতে দেখিতে পাওয়া যায়, ইহাতে স্ত্রীলোক বা

পুরুষ কেহ কোনরূপ লজ্জা বোধ করে না। যখন বস্ত্রাদি পরিহিত আসামিগণের সম্মুখে গমন করে, তখন ক্ষুদ্র একখণ্ড বস্ত্রদ্বারা তাহাদের কটিদেশ আবৃত করিয়া থাকে। সচরাচর নগ্নাবস্থায় থাকিলেও, তাহাদিগের স্ত্রী পুরুষ উভয়জাতিই পোষাক ও অলঙ্কারদ্বারা দেহশোভিত করিতে ভাল বাসে। লোমযুক্ত বস্ত্র ও নানাবর্ণের প্রস্তরের এবং কাচের মালা তাহাদের প্রধান অলঙ্কার। নাগা



নাগাগণের ক্ষৌরিকাণ্ড।

পাহাড়ে স্বর্ণের অভাব না থাকিলেও, তাহারা স্বর্ণালঙ্কার প্রস্তুত করিতে বা স্বর্ণের কোনরূপ ব্যবহার করিতে আদৌ জানে না। যোদ্ধাগণ তাহাদের মৃত শত্রুর দস্ত-পংক্তি ও পরচূলা দ্বারা নিজ নিজ অঙ্গ ভূষিত করে এবং বরাহ দস্ত তাহাদের কর্ণে এয়ারিংয়ের স্থলে ব্যবহার করে। রমণিগণও এই প্রকার অলঙ্কার ব্যবহার করিয়া থাকে। সর্দার বা দলপতিগণ গৃহ সজ্জিত করিতে মনুষ্য বা পশুমুণ্ডের শুষ্ক কঙ্কাল সংগ্রহ করিয়া থাকে।


কুকী, লুসাই, গিরি ও অন্যান্য পার্শ্বতাজাতির ন্যায়

অধিকাংশ নাগাগণের কোন নির্দিষ্ট বাসস্থান নাই। তাহারা পাঁচ সাত বৎসর অন্তর প্রায় বাসস্থান পরিবর্তন করিয়া এক পাহাড় হইতে অন্য পাহাড়ে গমন করিয়া উপনিবেশ স্থাপন করে। উপযুক্ত কয়েক বৎসর শস্য উৎপাদন হইলে ভূমির উর্বরতা শক্তি ক্রমশঃ হ্রাস হইয়া যায়, তাহারা সার দিয়া কৃত্রিম উপায়ে জমির উর্বরতা শক্তি পুনরায় বৃদ্ধি করিতে জানে না। নাগাদিগের বাস

স্থান পরিবর্তনের ইহাই প্রধান কারণ বলিয়া অনুদিত হয়। যখন যে স্থানের অধিবাসিগণ স্থানান্তরিত হইতে ইচ্ছা করে, তখন তথাকার সকলেই পুত্র, কন্যা, মহিষ, শূকর, বলদ ও বাসভবনের যাবতীয় আবশ্যকীয় দ্রব্যাদি সমভিব্যাহারে লইয়া গৃহের মমতা একেবারে ত্যাগ করিয়া চলিয়া যায়। তৎপরে পর্দাস্তরে গমন করিয়া পুনরায় গ্রাম স্থাপন করিবার জন্ত একটি উপযুক্ত স্থান নির্বাচন করিয়া তাহার চতুর্দিকে বেড়া দেয়। এবং অবিলম্বেই তথাকার জঙ্গল পরিষ্কার করিয়া গৃহ নিৰ্ম্মাণে প্রবৃত্ত হয়।

নাগাদিগের গৃহ নিৰ্ম্মাণের প্রধান উপকরণ বংশ ও 'চৌকাপাড়' নামক এক প্রকার পার্শ্বতাজাতির বৃহৎ পত্র। এই পত্র দ্বারা চাল ছাওয়া হয়, এবং কর্দম, ঘাস ও এক প্রকার বংশের দরমার সাহায্যে বরের দেওয়াল প্রস্তুত করে। শয়ন ও রন্ধনাগার ভিন্ন, বসিয়া কাজ কর্ম করিবার জন্ত তাহাদের গৃহমধ্যে আর একটি বিভাগ থাকে। এই সকল পর্ণ গৃহের জানালা বা অল্প কোন প্রকার

হয়। ধাতুনির্মিত পাত্রের ব্যবহার তাহাদিগের অপরিজ্ঞাত থাকিলেও, লৌহকে তাহারা একটি অত্যন্ত আবশ্যকীয় ধাতু বলিয়া জানে। তাহারা ইহা দ্বারা নানাবিধ যুদ্ধাস্ত্র নিৰ্ম্মাণ করে। নাগাগণ যুদ্ধকালে কয়েক প্রকার পরশু, বঁড়মা ও বড় বড় চাল ব্যবহার করিয়া থাকে। এই সকল অস্ত্র ও চাল তাহারা নিজেই প্রস্তুত করিয়া থাকে। নিকটবর্তী অধি-



নাগা পুরুষ ও রমণিগণ।

আলোক বায়ু প্রবেশের বা ধূমনির্গমনের পথ থাকে না। যে সকল পার্শ্বতাজাতির বৃহৎ পত্র দ্বারা নাগাগণের গৃহ নির্মিত হইয়া থাকে, সেই পত্র দ্বারাই তাহাদের শয্যার কার্য সম্পন্ন হয়। মৃৎর বা ধাতু নির্মিত পাত্রের ব্যবহার তাহাদিগের মধ্যে প্রচলিত নাই। এক একটি গাঁইট-যুক্ত স্থল বংশদণ্ডগুলিই সকল প্রকার পরিবর্তে ব্যবহৃত

কাংশ অপরাপর পার্শ্বতাজাতির ন্যায় তাহারা তীর ধনু ব্যবহার করে না। দিনে, রাত্রে, শয়নে, ভোজনে সকল সময়েই তাহাদের সহিত একখানি করিয়া পরশু থাকে। শত্রু আগমনের কোন সম্ভাবনা বোধ করিলে, গ্রামের সকল প্রবেশপথে তাহারা স্ফীতপ্রাণিষ্ঠ বংশদণ্ড মৃত্তিকায় প্রোথিত করিয়া বেড়া দেয়, এবং ঐ সকল বংশের তীক্ষ্ণ

অগ্রভাগে 'বি' নামক একপ্রকার তীব্র বিষ মাখাইয়া রাখে। শক্রগণ গভীর নিশীথে যখন ব্যগ্রতার সহিত গ্রামে প্রবেশ করিতে অগ্রসর হয়, তখন ঐ বাঁশের পোঁচা লাগিয়া অবিলম্বে তৎস্থানেই পঞ্চস্তপ্রাপ্ত হয়। নাগাগণ কুকিদের ত্রায় সম্মুখ যুদ্ধে ভীত নহে, তাহারা আত্মরক্ষার্থে বেরূপ প্রস্তুত হয়, আক্রমণেও সেইরূপ সাহস প্রকাশ করে।



নাগাগণের নৃত্যের পোষাক।

পৃথিবীর অধিকাংশ অসভ্যজাতিদের ত্রায় নাগারা-নৃত্য করিতে বড় ভালবাসে। তাহাদের বাণ্যস্ত্র সাদা সিধা রকমের হইলেও বাদ্যধ্বনি শুনিতে বিরক্তিকর। লেখকের মতে তাহাদিগের বন্য অবয়বে বন্য ভাবভঙ্গি ও চীৎকারের সহিত সেই পার্শ্বত্যা তাণ্ডব নয়নের অতৃপ্তিকর নহে। যোদ্ধাদিগের সামরিক নৃত্যগীত বোধ হয় সর্কাপেক্ষা হৃদয়গ্রাহী। ইহাতে পুরুষগণ বঁড়শা হস্তে বৃত্তাকারে নৃত্য করিতে থাকে; আর রমণীগণ তাহারই মধ্যস্থলে

আর একটি ক্ষুদ্র-বৃত্তাকারে নৃত্য করে। এই সময় তাহারা পার্শ্বত্যা করণস্থলে যে গান গায়, তাহাও বেশ শ্রুতিমধুর। নাগাগণ বড়ই মাংসাশী; হস্তি, মহিষ, বাঁড় হইতে পক্ষী সর্প পর্যন্ত কিছুই তাহাদের অভোজ্য নহে। কিন্তু ঐ সকল পশু পক্ষীর মাংস তাহাদের প্রিয়খাদ্য হইলেও উহা সর্কাই সংগ্রহ হয় না। চাউল তাহাদের দৈনিক খাদ্যরূপে ব্যবহৃত হইয়া থাকে। হস্তি মহিষাদি জন্তু

বর্গের মাংস সচস্র ক্ষুদ্র ক্ষুদ্র টুকরা করিয়া, অগ্নিতে সামান্য বালুমাখিয়া বস্ত্র-আলু ও একপ্রকার মূলের সহিত আহার করে; কিন্তু চাউল পাক করিতে তাহারা ভিন্ন উপায় অবলম্বন করিয়া থাকে। পূর্বেই বলিয়াছি তাহারা মৃত্তিকা বা ধাতুনির্মিত পাত্র প্রস্তুত করিতে জানে না, রন্ধন কার্যেও তাহারা বাঁশের চোঙ্গা ব্যবহার করে। একটি গাঁইটযুক্ত বাঁশের টুকরামধ্যে চাউল, মাংস, লক্ষা ও জল পূর্ণ করে তৎপরে অগ্নির উত্তাপে কিছুক্ষণ রাখিয়া

ও চাউলগুলি সামান্য সিদ্ধ করিয়া ভোজনোপযোগী করিয়া লয়। মাদকদ্রব্যের মধ্যে ধাতু হইতে উৎপন্ন মদ তাহারা অধিক পান করিয়া থাকে। তাম্বুলের সহিত তাম্রকুট চিবাইতে তাহারা অত্যন্ত ভালবাসে।

নাগাগণ যে ভাষায় কথোপকথন করিয়া থাকে তাহা অত্যন্ত পার্শ্বত্যাভাষার সহিত সম্পূর্ণ স্বতন্ত্র। সংস্কৃত বাঙ্গালা বা ইংরাজী ভাষার সহিত কোন সাদৃশ্য নাই। ওয়েন সাহেব তাহার গ্রন্থের পরিশিষ্টে প্রায় সাত শত ইংরাজী শব্দের নাগা প্রতিশব্দ লিপিবদ্ধ করিয়াছেন, আমরা তাহার কয়েকটিমাত্র নিয়ে তুলিয়া দিলাম।

গাভী—মান।	পুষ্প—চোনপো।
পিতা—ভা।	স্বর্ণ—কাম।
কচ্ছা—দেহিএক্-চা।	পৃথিবী—হা-হান।
হস্তি—পুওক।	গজদন্ত—পুওকপা।

লেখকের দীর্ঘ তালিকায় কেবলমাত্র আটটি শব্দ দেখিলাম বাহা আমাদের প্রচলিত বাঙ্গালা ভাষা হইতে নাগাদিগের ভাষায় গৃহীত হইয়াছে যথা :—জাহাজ তালপাতা, গজাল, হাট, পিতল, নারিকেল, কুল (জাতি) ও পরজার। এতদ্ভিন্ন 'টু-মো,' 'গো-মসা,' 'সি-নি,' ও 'গারি,' এই চারিটি শব্দ চুষন, গামচা, চিনি ও পায়রা শব্দের অপভ্রংশ বলিয়া মনে হয়। সূর্যের প্রতিশব্দ দেখিলাম 'নান,' এইটির উৎপত্তি ইংরাজি Sun শব্দ হইতে কি না বলিতে পারি না। আর বংশ ও পিতা এই উভয় শব্দের প্রতিশব্দ দেখিলাম 'ভা'। গ্রন্থকার পরিশিষ্ট মধ্যে কতকগুলি ইংরাজি ছত্রের অনুবাদও দিয়াছেন, তাহা পাঠে আমাদের জানিত কোন ভাষার সহিত কোন সৌন্দর্য দেখিলাম না, মনে হইল উহা অসভ্য নাগাদের সম্পূর্ণ নিজস্ব ভাষা।

নাগাদিগের ধর্মবিশ্বাস আদৌ নাই। তাহারা সূর্যকে তাহাদের অধিষ্ঠাতৃ দেবতা মনে করে। যদি কোন ব্যক্তি হঠাৎ নৃত্যমুখে পতিত হয়, তাহা হইলে সে ব্যক্তি দেবতার বিরাগভাজন হইয়াছে, ইহাই তাহাদের বিশ্বাস। নাগা উপনিবেশসমূহে, মন্দির বা কোন দেব দেবীর মূর্তি দৃষ্টিগোচর হয় না। পুরোহিত বা কোন ধর্ম-পুস্তকও তাহাদের নাই। খৃষ্টান মিশনারিগণের পরিশ্রমও তাহাদের প্রতিমধ্যে সাফল্যলাভ করিতে সক্ষম হয় নাই।

নাগাগণ বর্ষের নামে অভিহিত হইলেও তাহাদের হৃদয়ে দয়ার অভাব নাই। তাহাদের পরোপকারিতা ও আতিথেয়তা দেখিলে স্তম্ভ্য মানবমণ্ডলীকেও চমৎকৃত হইতে হয়। তাহাদের সামান্য পর্ণগৃহে যদি কখন কোন আগন্তকের আগমন হয়, তাহা হইলে তাহারা আহার ও বিশ্রাম স্থান প্রদান করিয়া প্রাণপণে তাহার সেবা করিয়া থাকে। কোন আসাম-প্রবাসী-বন্ধুর মুখে শুনিয়াছি, গৃহাগত অতিথির মনোরঞ্জনার্থ তাহারা নিজ পরিবারের একটি যুবতী রমণীকে তাহার সহিত রাত্রি বাপন করিতে দেয়।

নাগাগণ চোরকে অত্যন্ত ঘৃণা করে, তাহাদিগের মতে চুরি সর্কাপেক্ষা নিকৃষ্ট পাপ কর্ম্ম। কোন ব্যক্তিকে উক্ত কার্য করিতে দেখিলে, তাহারা যে ভয়ানক দণ্ডের ব্যবস্থা করে; তাহা শুনিলে স্তম্ভিত হইতে হয়। চোরের হস্ত-পদাদি প্রথমে উত্তমরূপে বন্ধন করে, তৎপরে কোন পর্কতের উচ্চ চূড়ায় লইয়া গিয়া উপর হইতে নিক্ষেপ করে। সেই অপরাধী নিয়ে পতিত হইবার পূর্বেই গড়াইতে গড়াইতে ছিন্ন বিছিন্ন হইয়া যায়।

স্বাস্থ্য সম্বন্ধে নাগাগণ অনেক পরিমাণে সূখী। জ্বর, উদরি, কুষ্ঠ, বসন্ত প্রভৃতি উৎকট ব্যাধিগুলি তাহাদের নিকট একপ্রকার অজানিত। যদিও তথায় ওলাউঠা ব্যাধির প্রবেশলাভ ঘটয়াছে, তথাপি তাহা আমাদের দেশের ত্রায় মারাত্মক নহে। এই রোগে আক্রান্ত হইলে, রোগীকে জল মধ্যে গাত্র নিমজ্জিত রাখাই তাহাদের ব্যবস্থা। কঠিন ব্যাধি সকলের আধিপত্য অধিক না থাকিলেও খোস, পাঁচড়া, প্রভৃতি চর্মরোগে তাহাদের প্রায়ই ভুগিতে হয়।

নাগাদিগের মধ্যে বাল্যবিবাহ প্রচলিত নাই। ইংরাজদিগের 'কোর্টশিপের' ত্রায় তাহাদের যুবক যুবতীরাও বিবাহের পূর্বে উভয়ের প্রতি উভয়ের অনুরাগ পরীক্ষা করে। নাগা বিবাহে প্রধান উৎসব ভোজ দেওয়া ও আমোদ আহ্লাদ করা। তাহাদিগের মধ্যে একটি নূতন ধরণের নিয়ম প্রচলিত আছে। তথায় অবিবাহিত যুবকের পিতৃভবনে পরিবারবর্গের মধ্যে নিশাযাপন করিবার নিয়ম নাই। প্রত্যেক গ্রামে 'মোরাং' নামক একটি করিয়া বৃহৎ গৃহ সাধারণের জন্ত নির্মিত থাকে। যুবকগণ তথায় রাত্রিকালে বাস করে।

সন্তানের জন্মোপলক্ষেও নাগাগণ উৎসব করিয়া থাকে। পুত্র সন্তান হইলে পুরুষগণ ও কন্যা সন্তান হইলে স্ত্রীলোকগণের দ্বারা উৎসব সম্পন্ন হয়। কথিত আছে, অতি পূর্বকালে যদি কোন সন্তান স্বাভাবিক সময়ের পূর্বে জন্মগ্রহণ করিত, তবে তাহাকে সেই সময়েই মারিয়া ফেলা হইত।

পৃথিবীর যাবতীয় মনুষ্যজাতির জ্ঞান নাগাদিগেরও মৃত্যুর পর কতকগুলি ক্রিয়া অনুষ্ঠিত হয়। কোন নাগাদলপতির স্ত্রীর অন্ত্যেষ্টিক্রিয়া যেক্রমে সমাধা হইয়াছিল, নিম্নে তাহার বিবরণ লিখিত হইল, তাহা হইতে পাঠক পাঠিকাদিগের নাগাদ অন্ত্যেষ্টিক্রিয়ার একটা মোটামুটি ধারণা হইতে পারে। সর্দার-পত্নীর মৃত্যুর পর শবদেহকে ছয় মাস বাটীতে রাখা হইয়াছিল। উক্ত সময় উত্তীর্ণ হইলে, ঠিক পরদিন প্রাতঃকালে দুইটি বৃহৎ মহিষ, কয়েকটি শূকর ও অনেকগুলি পক্ষী বলিদান করা হইল। মধ্যাহ্নকালে নিকটবর্তী গ্রাম হইতে কতিপয় নাগা উৎকৃষ্ট পরিচ্ছদ পরিধান পূর্বক যুদ্ধাস্ত্র লইয়া ঢাক ও বড়ি বাজাইতে বাজাইতে দলপতির বাটীতে মৃতা রমণীর নিকট উপস্থিত হইল। তৎপরে নৃত্য গীত আরম্ভ হইল এবং তখন হইতে প্রায় সমস্ত রজনী ঐরূপে কাটিল। ঐ সকল গীত প্রাণহরণকারী দুঃস্থ ভূতকে সম্বোধন করিয়াই গীত হইয়া থাকে। পরদিনও অনেক বেলা পর্যন্ত উক্ত প্রকার পৈশাচিক তাণ্ডব দ্বারা ভূতকে গ্রাম হইতে তাড়ান হইল। তৎপরে সূর্য্যদেব অন্তঃগমন করিলে পর একদল যুবতী নারী শব সমীপে আগমন করতঃ পত্র ও পুষ্প দ্বারা শবদেহ সম্পূর্ণরূপে আবৃত করিয়া দিল। এইবার ঐ মৃতদেহকে নিকটবর্তী পাহাড়ে লইয়া গিয়া উৎসবের মধ্যে দাহ করিয়া, শোকদৃশের শেষ করা হইল।

যে পুস্তক হইতে এই প্রবন্ধটি সংকলিত হইল, তাহা অনেক দিন পূর্বে প্রকাশিত হইয়াছে; ইতি মধ্যে অসভ্যনাগাদিগের বিশেষ পরিবর্তন ঘটিয়াছে কিনা জানি না।

ত্রিহরিহর শেঠ।

## হুন্ডু জলপ্রপাত।

হাজারিবাগ জেলার মধ্যে যে সমুদয় প্রাকৃতিক মনোরম দৃশ্য আছে, তাহাদের মধ্যে হুন্ডু জলপ্রপাত বোধ হয় সর্ব প্রথম স্থান অধিকার করে। বাহারা বায়ু পরিবর্তন অথবা অল্প কার্যোপলক্ষে হাজারিবাগ গমন করেন, তাহাদের অনেকেই একবার হুন্ডু দর্শন-লালসা চরিতার্থ না করিয়া থাকিতে পারেন না। প্রকৃত পক্ষেই এই জলপ্রপাতটি যে একটা দ্রষ্টব্য পদার্থ তাহাতে সন্দেহমাত্র নাই। ভারতবর্ষের মধ্যে যে সকল জলপ্রপাত আছে, তাহাদের সহিত তুলনা করিতে গেলে ইহার স্থান নিতান্ত হীন নহে।

হাজারিবাগে অবস্থানকালে যখন এই জলপ্রপাতটির বর্ণনা শ্রুত হইলাম, তখন একবার চক্ষুর সার্থকতা সম্পাদন করিবার ইচ্ছা একান্ত বলবতী হইয়া উঠিল, শেষে তাহার তাড়নায় বাধ্য হইয়া বড়দিনের ছুটি উপলক্ষে অল্প একজন সঙ্গী সংগ্রহ পূর্বক হুন্ডু দেখিবার উদ্দেশ্যে তন্নিকটস্থ কোনও বন্ধুবরের আবাদ অভিমুখে গোবানাবলম্বনে যাত্রা করিলাম। হুন্ডু প্রপাত হাজারিবাগ হইতে ৪০।৪২ মাইল দক্ষিণ পশ্চিমাংশে অবস্থিত। হাজারিবাগ হইতে রাঁচি মাইবার যে প্রশস্ত রাস্তা আছে, তদবলম্বনে ৩০।৩১ মাইল রামগড়ে উপস্থিত হইয়া তথা হইতে গোলা নামক স্থান যাইতে হয়। গোলা হইতে হুন্ডু বোধ ৩।৪ মাইল হইবে। আমরা একদিন সন্ধ্যাকালে হাজারিবাগ ছাড়িয়া সারা রাত্রি গাড়ী চালাইয়া পরদিন বেলা ১০।১১ টার সময় রামগড়ে পৌঁছিয়াছিলাম। তথায় একবেলা বিশ্রাম করিয়া রাত্রিতে আহারাদি অন্তে শকটারোহণ করিয়া লারা (বাগাড়ি)তে পৌঁছি; লারা রামগড় হইতে কতদূর তাহা ঠিক করিয়া বলিতে পারিতেছি না। কারণ রামগড়ের লোকেরা কেহ ৬ মাইল, কেহ ৮ মাইল এইরূপ বলিতেছিল।

বাহা হউক, আমরা যে কোন কারণেই হউক ঠিক ভোরে লারাতে পৌঁছি। তথাকার একমাত্র বাসগাঁও ব্রাহ্মণ বন্ধুবর ক্ষেত্রনাথ সামন্ত মহাশয়ের বাটীতে

আমরা আতিথ্য স্বীকার করি। যদিও তিনি বাটীতে ছিলেন না, তথাপি তাহার পিতা মহাশয় আমাদের সঙ্গে অতি আদর বহ্ন করেন। এখানে আমরা দুইদিন অবস্থান করি। লারা চিতরপুর হইতে এক মাইলের বেশি হইবে না। এই চিতরপুরে হাজারিবাগের ডবলিন ইনিভার্সিটি মিশনের একটি শাখা আছে। একটি ঔষধালয় ও একটি ডাক্তার আছে। তদ্বারা স্থানীয় লোকদিগের যে কতদূর উপকার সাধিত হইতেছে, তাহা বলা বাহুল্য। খৃষ্টানগণের এই পরহিতকর কার্যকলাপই তাহাদিগকে এদেশীয়দিগের নিকট আন্তরিক কৃতজ্ঞতা ও শ্রদ্ধার পাত্র করিয়া তুলে সন্দেহ নাই।

লারা হইতে হুন্ডু অল্পমান ৪।৫ ক্রোশ হইবে। আমাদের যাইবার জন্ত যানের বন্দোবস্ত করিতে বন্ধুর পিতা পরিশ্রান্ত হইয়া পড়িলেন, কিন্তু কোন যানই মিলিল না। আমাদেরও সময় সংক্ষিপ্ত, বেশি দেবী করিতে পারি না। অশ্বযান মিলিল বটে, কিন্তু উত্তমপুরুষ অশ্বযান দেখিলে চাণক্য পণ্ডিতের নীতিবাক্য সর্বথা পালন করিয়া থাকেন, স্তত্রাং অধম পুরুষের জন্য কেমন করিয়া ঐ বন্দোবস্ত করা যায়। এজন্য আমরা পদব্রজে গমনই স্থির করিলাম। ৪।৫ ক্রোশ পার্কর্ত্য প্রান্তর কঙ্করবহুল পথে গমন করিতে আমাদের কোমল পদাঙ্গুলি অত্যন্ত পীড়িত হইবে, হয়ত অর্ধপথে প্রত্যাবর্তন ক্রেশান্ত হইবে, স্থানীয় লোকেরা এইরূপ নিঃসন্দেহ মত প্রকাশ করিল, কিন্তু আমরা ভীত হইলাম না। আমাদের অমানুষিক বীরত্ব প্রকাশ করিতে কৃত সংকল্প হইয়া আমরা সেই পৌষমাসের শীতের রাত্রি অল্পমান ১১টার বন্দর আহারাদি সমাপন পূর্বক একজন পথপ্রদর্শক ও আমাদের শাকটিক সমভিব্যাহারে লারা হইতে যাত্রা করিলাম। পথপ্রদর্শকের হস্তে একখানি খরধার তরবারি রহিল; বন্ধুর পিতা বন্ধুকও দিতে চাহিয়াছিলেন, কিন্তু লেখক অস্বারোহণ পটু, নালিকাঙ্গ পরিচালন দক্ষতা বিষয়ে অধিক পারদর্শী নহেন, অতএব শুধু শোভা বৃদ্ধির জন্য তাহা লইবার প্রয়োজনীয়তা অনুভব করিলাম না। গুরুপক্ষীয়া রজনী শীত ক্লিষ্ট শশধরের কুজ্বাটিকাচ্ছন্ন করজালে স্বীয় বপু আবৃত করিয়া সংসারে বিচরণ করিতেছেন। আমরা চারিটি প্রাণী নিতান্ত বিশ্বস্ত

ভাবে তাহার করে আত্মসমর্পণ করিয়া কাঁপিতে কাঁপিতে বাহির হইলাম। বাহারা হাজারিবাগে গিয়াছেন, তাহার তথাকার শীতের গুরুত্ব তথা আমাদের বীরত্বের পরিমাণ করিতে পারিবেন।

অস্পষ্ট চন্দ্রালোকে কোথাও একখানি বৃহৎ প্রস্তরখণ্ড ব্যাঘ্রের আকার ধারণ করিয়া উপবিষ্ট, কোথাও কুজ্বাটিকাচ্ছন্ন বৃক্ষ শ্বেত-বস্ত্র-পরিহিতা রমণীর ন্যায় প্রতিভাত। আশে পাশে টিলা বা পাহাড় শ্বেতবস্ত্রে দেহ আবৃত করিয়া ঘোর নিদ্রায় অভিভূত, চারিদিকে সব নীরব নিস্তব্ধ। আমরা চারিজনই সেই নিশীথ নিস্তব্ধতা ভঙ্গ করিয়া স্বীয় পদধ্বনি শব্দে চকিত হইয়া চলিয়াছি। বিস্তীর্ণ প্রান্তরের সেই ধ্যান স্তিমিত নিশ্চলভাব দেখিয়া আমার প্রাণে যেন কি এক মধুর ভাবের আবির্ভাব হইল। আমি সঙ্গিগণের আলাপে কর্ণপাত না করিয়া নীরবে প্রকৃতির এই সৌন্দর্য্য, এই গাভীর্ঘ্য উপভোগ করিতে করিতে চলিলাম—মনে কত ভাবই উথিত ও লীন হইতে লাগিল। গভীর রজনীতে ঐরূপ নিস্তব্ধতার মধ্য দিয়া চলিতে মনে হইতে লাগিল বুঝি বা আমরা অনন্ত পথের যাত্রী—কেবল স্বীয় শক্তি এবং বিবেকের উপর নির্ভর করিয়া আমাদেরই স্বপ্নে, পথ জিজ্ঞাসার লোক নাই, উপদেশ করিবার লোক নাই, বৃক্ষ লতা পর্বত প্রান্তরাদি নীরবে আমাদের দিকে চাহিয়া আছে, আমাদের গতিবিধি দেখিতেছে! চল যাত্রি চল, প্রতি পদবিক্ষেপে সাবধান হইয়া চারিদিকে দৃষ্টি রাখিয়া চল, চল, চল! শীতকালে ঐরূপ প্রদেশে ব্যাঘ্র ভল্লুকাদির ভীতির কারণ যথেষ্ট বিদ্যমান থাকিলেও আমাদের সৌভাগ্যবশে কোন বেগ পাইতে হয় নাই। নিবিঘ্নে বরিয়াতু নামক গ্রামে আমরা পৌঁছিয়াছিলাম। বরিয়াতু হুন্ডু প্রপাতের পর্বতমালার সাহুদেশে অবস্থিত। তথা হইতে পর্বতমালা অল্পমান দুই মাইল হইবে। জলপ্রপাত আরও এক মাইল দেড় মাইল। আমরা যে পথে গিয়াছিলাম, তাহাতে প্রপাত যেন দুই মাইলেরও কিছু বেশি দূর বলিয়া বোধ হইয়াছিল।

আমরা যখন বরিয়াতু উপস্থিত হইলাম, তখনও তিন চারি ঘণ্টা রাত্রি আছে। স্তত্রাং আমাদের পথপ্রদর্শক

স্থানীয় ছুইএক জন মণ্ডল গোছের লোককে উপরে লেপ ও নীচে 'বরসি'র গরম হইতে বহুকষ্টে উঠাইয়া হাজারিবাগ হইতে 'হুজুর লোক' যে তাহাদের ওখানে কিছুকাল বিশ্রাম করিয়া তাহাদিগকে রুতার্থ ও সম্মানিত করিতে চাহেন, তাহা বেশ করিয়া বুঝাইয়া দিল এবং হুজুর লোক যে সামন্তজির আশ্রয়, তাঁর আবাসও ধন্য করিয়াছেন, তাহাও বেশ গর্বের সহিত বুঝাইয়া দিল। তাহার তৎকালিক ভাব, বচন বিচার আদি দেখিয়া আমি হাশ্ব সংবরণ করিতে পারি নাই। এদিকে যত কুকুর তাহাদের গ্রামের সুখস্বপ্তির বিঘ্নকারীদিগের প্রতি বেজায় বিরক্ত হইয়া দলে দলে আমাদিগকে ঘিরিয়া ফেলিল এবং নানা-রূপ বেস্বরলয়ে চীৎকার করিয়া আমাদের কর্ণপটহের বাতসহস্র কঠিনরূপে পরীক্ষা করিতে লাগিল, আর তিল-মাত্র ব্যক্তি সঞ্চালন কি হস্তোত্তোলনেই তীব্রতর তেজে রব করিতে করিতে বিশ হস্ত দূরে অপস্থত হইয়া পুনরায় ফিরিয়া আসিতে লাগিল। আমাদের প্রদর্শক শেষে বিরক্ত হইয়া সতেজে অসিকোষ মুক্ত করিয়া তাহাদের 'চিল্লা' এক দম্ব বন্ধ করিতে অগ্রসর হইল এবং তাড়াইয়া প্রায় এক রশি পথ লইয়া গেল, কিন্তু বলা বাহুল্য সফলকাম হইল না। এ দিকে মণ্ডলেরদল হুজুর লোকদিগকে কোথায় রাখিবে তাহার জ্ঞান ব্যস্ত হইয়া পড়িল। এক খানি বড় ঘর তাহাই অতিথি সংকারের ঘর; তথায় খড় বিচালি বিছাইয়া আমাদের সুখ শয্যা বিস্তৃত করিয়া দিল। পথশ্রান্ত আমরা তত্পরি কমলাদি বিস্তৃত করিয়া পরদিনের প্রভাতের আশায় তন্দ্রাবলম্বনে শয়ন রহিলাম। বিচালীর শয্যা বড় কোমল এবং বড়ই গরম। সে গরমে শীত পলায়ন করিল, নিদ্রা তন্দ্রার স্থান গ্রহণ করিল; তাহার কোল হইতে যখন চাহিলাম, তখন দেখি তার সঙ্গে সঙ্গে রজনীও পলায়ন করিয়াছে;—সূর্য্যদেব পূর্ব-দিকের দ্বার খুলিয়া জাগরণক্লিষ্ট রক্তনেত্র মুছিতেছেন। আমরাও তখনই উঠিয়া প্রাতঃকৃত্যাদি সমাপন করিয়া লইলাম এবং যথাসম্ভব তাড়াতাড়ি করিয়া বাহির হইয়া পড়িলাম। বরিয়াতুর প্রধানগণও আমাদিগের সঙ্গে একজন লোক দিল। আমরা তাহাদিগকে আমাদিগের জ্ঞান কিছু ছুপ্তাদির বন্দোবস্ত করিয়া রাখিতে বলিলাম। তাহারা আশ্বাস দিল যে সমস্তই প্রস্তুত থাকিবে।

বরিয়াতু গ্রাম পার হইয়াই হুন্ডু পর্বত আমাদের নয়নসমীপে প্রতিভাত হইল। এই পর্বতমালা বহুদূর বিস্তৃত। বেন প্রকৃতির একটি দেওয়াল উচ্চাবয়বভাবে গ্রথিত রহিয়াছে। বালারংকিরণ সংস্পর্শে সে পর্বত-মালার দৃশ্য অতীব মনোরম হইয়াছে। পর্বততলদেশ পর্য্যন্ত বেশ রাস্তা আছে। গাড়ী বাইতে পারে। আমরা সেই পর্য্যন্ত গিয়া একটু বাকিয়া গেলাম। কারণ আমাদের ইচ্ছা ছিল যে প্রথমে জলপ্রপাতের তলদেশে গমন পূর্বক তাহার সৌন্দর্য্য উপভোগ করিয়া তারপর উপরে আরোহণ করিব। আমরা যে পথে গেলাম সে দিকে আর রাস্তা নাই। পথ মাত্র আছে, ক্রমে সমতল ভূমি পরিত্যাগ করিয়া আমরা পর্বতারোহণ করিতে আরম্ভ করিলাম। পথ বন্ধুর, চড়াই উৎরাই যথেষ্ট, স্মরণ্য দেখ কিছু কষ্ট অল্পভব করিতে লাগিল বৈ কি? হৃদপিণ্ড দুঃস্বপ্ন করিতে লাগিল, জানুহর গমন বিষয়ে অপারগত্বের দরখাস্ত মুহুমুহ পেশ করিতে লাগিল। কিন্তু মন উৎসাহ তেজে এতই মত্ত যে, সে তাহা গ্রাহ্যই করিল না; নিজের জোরে হৃদয় ও পদদ্বয়কে চালিত করিয়া স্ফুর্তির সহিত চলিতে লাগিল। পর্বতপৃষ্ঠস্থিত সহস্র প্রকার অজ্ঞাতনামা তরুলতার দৃশ্য তাহাকে আরও উৎসাহিত করিয়া তুলিল। শেষে হৃদয় ও চরণদ্বয়ও বাধ্য হইয়া শাস্ত হইয়া এবং সুবোধ বালকের ত্রায় মনের আজ্ঞানুবর্তী ভাবে চলিতে লাগিল। পর্বতপৃষ্ঠ বংশকুঞ্জাবলী দেখিয়া পাহাড়ী বাণেশের লাঠি করিবার জ্ঞান মন অত্যন্ত উৎসুক হইল। হুঃখের বিষয় অস্ত্র শস্ত্র লইয়া আসিতে তুলিয়াছি, অতএব বড় সুবিধা করিতে পারিলাম না। আমার সঙ্গী বাবু ত্রেতাযুগের জীববিশেষের নাম স্মরণ করিয়া এই একটি বংশতৃণ (বৃক্ষ বলিলেই উদ্ভিদবেদী পাঠক মহাশয় কৈকি যং তলব করিবেন, স্মরণ্য তৃণই ভাল) উৎপাটিত ও স্কন্ধে স্থাপিত করিয়া চলিলেন। এইরূপে আমরা পর্বত হইতে উপত্যকা, উপত্যকা হইতে অত্র পর্বত এক অধিত্যকা অতিক্রম করিতে করিতে চলিলাম। পর্বত বদরী বৃক্ষের ন্যায় একপ্রকার ফলবিশিষ্ট বৃক্ষ দেখিলাম। কিন্তু তাহার ফল সুখাচ্ছ নহে; তিস্ততাপূর্ণ এবং বহু কষা। কোন পাখীতেও তাহা খায় না বলিয়া আদি কেবল একটু স্বাদ লইয়াই নিবৃত্ত হইলাম। আরও

এক রকম ফল দেখিয়াছিলাম, সঙ্গেও লইয়াছিলাম, তবে সে গুলিও খাচ্ছ নহে। এইরূপে বাইতে বাইতে আমরা একটি অতীব মনোরম অধিত্যকার উপনীত হইলাম। তথায় চারিদিকেই উচ্চ পর্বতমালার মনোরম দৃশ্য, মধ্যে প্রায় ছুইশত বিঘা পরিমাণ তৃণবৃত্ত গুল্মরাজি বিরাজিত সমতল ভূমি। স্থানটি নিৰ্জনতা, সৌন্দর্য্য প্রভৃতিতে এতই সুন্দর যে আমি কিছুকাল তথায় উপবেশনপূর্বক তাহার শোভা উপভোগ এবং বিশ্বনিয়ন্তার অসীম কারু কৌশল মহিমার চরণে ভক্তি পুষ্পাঞ্জলি দিবার ইচ্ছা সংবরণ করিতে পারিলাম না।

এই সব পর্বতের মধ্যেও উপত্যকা ভূমিতে চাষ করা হয়, তাহা আমরা অনেক স্থলেই দেখিলাম। বাহা হটক আর কিছুদূর বাইতেই আমাদের বৃদ্ধ পথপ্রদর্শক বলিয়া উঠিল "এ হুন্ডুর ডাক শোনা যাচ্ছে।"

ইতঃপূর্বে চারুপাঠেই মাত্র জলপ্রপাতের অভিজ্ঞতা নিবন্ধ ছিল। স্মরণ্য তাহার রব কিরূপ হইতে পারে তাহার বিষয় একটা অস্পষ্ট ধারণা ছিল। কিন্তু বৃদ্ধের বাক্যে একটু মনঃসংযোগ করিতে বুদ্ধিতে পারিলাম, জলপ্রপাত সম্বন্ধে পূর্ব ধারণা বড়ই কম অথবা ভ্রান্ত ছিল। আমরা তখনও প্রপাত হইতে ছুই মাইলেরও অধিক দূরে রহিয়াছি, কিন্তু সেইখান হইতেই যে গভীর গর্জন শুনিলাম, তাহাতে বোধ হইল যে শত শত স্পেশাল ট্রেন অতি অদূরবর্তী রেলপথের উপর দিয়া পূর্ববেগে ছুটিতেছে। সে শব্দ, তাহার গাভীর্ণ্য তাহার প্রাণোদ্যকারী উত্তেজনা, বাক্যে প্রকাশ করিবার নহে; অথবা আমার ক্ষীণা লেখনী এবং শব্দ সম্পদ দারিদ্র্য তাহাতে সম্পূর্ণই অক্ষম। সে শব্দ শুনিয়া উৎসাহে প্রাণ নাচিয়া উঠিল,—অদৃষ্টপূর্ব মনোরম একটি প্রাকৃতিক দৃশ্য দেখিতে পাইব মনে করিয়া উল্লাসে প্রাণ মত্ত হইয়া উঠিল। আমরা দ্রুততরবেগে সম্মুখে অগ্র-গর হইতে লাগিলাম। পর্বতচর জন্তুর ত্রায় লক্ষ্য লক্ষ্য শিলা হইতে শিলার উপর পড়িতে লাগিলাম—আমাদের পথপ্রদর্শক আমার ক্ষিপ্ৰকারিতা দেখিয়া অবাক হইয়া গেল এবং তাহার বার্কক্যের বল সামর্থ্য এবং নিকংসাহ মন আমার অল্পগমন করিতে অসমর্থ হইয়া আমাকে বলিতে লাগিল;—“হুন্ডুতো পলাইয়া

বাইবে না বাবু তো অত তাড়াতাড়ি কেন!” হা মুর্থ! তুমি কি বুঝিবে যে অত তাড়াতাড়ি কেন! আমি নিজেকেই যদি নিজে জিজ্ঞাসা করি, তবে নিজেই হয়ত এ প্রশ্নের উত্তর দিতে অসমর্থ হইব! জানি না হুন্ডুর কোন উদ্গাদিনী শক্তি আছে কিনা, কিন্তু তাহার রব বেন আমাকে ব্রজবল্লভের বংশিরবে গোপীগণের মনের ত্রায় আকুল করিয়া তুলিল—আমার ইচ্ছা হইতে লাগিল যদি পাখা থাকিত, তাহা হইলে ছুটিয়া গিয়া এক পলের মধ্যে এ উৎকর্ষার অবসান করিতাম।

বাহা হটক যতই নিকটস্থ হইতে লাগিলাম, হুন্ডুর গভীর উচ্চারণ, তাহার সে কলকল ধ্বনি, সে ছ' ছ' রব, ততই স্ফুটতর হইতে লাগিল। তাহার প্রত্যেক উচ্চারণের প্রতি লহরিলীলারধ্বনি পৃথক, অথচ একত্রে শ্রবণেন্দ্রিয়ের সহযোগে অন্তরাশ্রায় নীত হইয়া তথাকার আনন্দোচ্চাস শতগুণ বৃদ্ধি করিয়া দিল। তখন মনে হইতে লাগিল, ইহার হুন্ডু নামকরণ যেই কেন করুক না, তাহার প্রাণে কবিত্ব ছিল। বোধ হয়, এই জল-প্রপাতে রবানুকরী এমন সহজ অথচ উপযুক্ত শব্দ আর নাই।

ক্রমে একটি পর্বতারোহণ করিলাম, তথা হইতে বেন বোধ হইতে লাগিল যে প্রপাত অতীব নিকট। পথপ্রদর্শক বলিল এই পর্বত অবতরণ করিলেই প্রপাতের দর্শন উপস্থিত হওয়া বাইবে। মহা উৎসাহে আমরা চলিতে লাগিলাম। আমি শব্দগত প্রাণ হইয়া পথে অগ্রমনস্ক হইতে লাগিলাম;—একবার তো অধঃপতনের আশঙ্কা বড়ই বেশী হইয়াছিল; পথপ্রদর্শক বৃদ্ধ আমাকে একটু মিশ্র ভৎসনা করিল। আমিও পৈত্রিক প্রাণটির বিনিময় হুন্ডু দর্শনস্পৃহা অচরিতার্থ রাখা অপেক্ষা প্রাণটি বাঁচাইয়া রাখিয়া, তাহা চরিতার্থ করাই সঙ্গত মনে করিয়া একটু অবহিত হইয়াই চলিতে লাগিলাম। সকল কষ্টেরই শেষ আছে, আমাদের উৎকর্ষা ও পথশ্রমেরও শেষ আসিল—আমরা ক্রমে অবতরণ করিতে করিতে নদীর রেখা স্পষ্ট দেখিতে পাইলাম। আর কিছু পরেই নদীগর্ভে অবতীর্ণ হইলাম।

আমরা নদীগর্ভে অবতীর্ণ হইলেও প্রথমতঃ প্রপাতের দৃশ্য আমাদের নয়নগোচর হয় নাই। কারণ আমাদের











## কবিতাগুলি।

## পুরাতন।

বসাইলু হৃদয়ের শূন্য সিংহাসনে,  
নবীন প্রতিমা গড়ি'—লাবণ্যের খনি,  
অমিয়-ছানিত তনু, ইন্দুনিভাননী,  
তরুণ তড়িত-লতা খচিত রতনে ;—  
সোহাগ জড়িত কণ্ঠে, আপনা ভুলিয়া,  
প্ৰীতি-পুষ্পে চারু অর্ঘ্য করিয়া রচনা,  
করিবু কাতর প্রাণে কতই অর্চনা  
নব মস্ত্রে, নব্য তন্ত্রে দীক্ষিত হইয়া।  
কিন্তু হায়! শূন্য হৃদি—শূন্যের নিলয়—  
নব দেবী প্রতিমার নাহি তাহে স্থান ;  
কোথাও না পাই তাঁর করিয়া সন্মান,—  
সব শূন্য—সব ধূ-ধূ—সব মরুময়!  
অতীতের স্মৃতি-লেখা ভুলিব কেমনে ?—  
মন বাঁধা শুধু 'সেই এক পুরাতনে।'  
শ্রী : —

## বর্ষার নদী।

গৈরিক বসন পরি যোগিনীর মত  
সলিল কল্লোলে কারে মর্শ্বের কাহিনী  
কহিছ বিরলে, অগ্নি চঞ্চল গামিনি!  
কোন দেব-পদ লাগি ধরেছ এ ব্রত ?  
ঘোবন—উচ্ছ্বাস-যুত তরঙ্গিত কায়  
নীলবে দিতেছ চালি' কোন দেবতায় ?  
অনন্ত প্রশান্ত সিন্ধু তব যোগ্যপতি।  
বার তরে এই ব্রত ধরেছ যুবতি!  
অবিশ্রাম সাধিতেছ জগত-কল্যাণ,  
আপনার সুখ-শান্তি নাহি অভিলাষ,  
উপাস্ত চরণে করি সরবস্ত্র দান  
পাইছ অমোঘ তৃপ্তি, অপার উল্লাস।  
ধন্য নদী, ধন্য তব-স্বার্থ-হীন ব্রত,  
তোমার আদর্শ হোক জগতে জাগ্রত।  
শ্রীশ্রীশচন্দ্র সেন।

## পরপারে।

মরণের পরপারে কনক আলোকে  
ববে মোরা মিলিব ছুজনে,  
বিশ্বের মাধুরিরাশি পড়িবে উছলি'  
ওই ছুটি অমল চরণে ;  
জীবন গগনে মম অমর উজ্জল  
পূর্ণচন্দ্র জাগিবে মোহন,  
ধাতার করুণা-বলে হবে অচঞ্চল  
হুঃখহীন অনন্ত জীবন।  
শ্রীগিরিজাকুমার বসু।

## নিঃস্বার্থ।

সবইত ফুটে থাকে ফুল।  
কোনটিতে মালা গাঁথে' কোনটি বা দেবব্রতে,  
কোনটি বা রূপশীর আলো করে চুল।  
কোনটি বা ঝরে পড়ে, নির্দয় নির্মম ঝড়ে,  
পরানের আশাটুকু পরাণে নিশ্চুল।  
সবারি হৃদয়ে কিন্তু একই উচ্ছ্বাস।  
একই নিষ্ফল আশা, অযাচিত ভানবাস,  
একই ফুটন্ত হাসি উদাস উদাস।  
একই নিঃস্বার্থ শান্তি, সরস পিবু ম কাঞ্চি,  
একই করুণা এক নীরব বিকাশ।  
একই আশ্বাসে এক উদ্ভ্রমুখী ধ্যান।  
একই শিশির বিন্দু, একই বিয়ল ইন্দু,  
মলয় নির্ভর এক বিশ্বমুক্ত প্রাণ।  
একই আঁধার বনে, আজীবন দুঃসমনে,  
পরের মঙ্গলে সদা চেলে দেয় প্রাণ।  
শ্রীহরিশচন্দ্র চক্রবর্তী।



৬ষ্ঠ ভাগ।

কার্তিক, ১৩১০।

৭ম সংখ্যা।

## পূজা।

সপ্তমী অষ্টমী কিম্বা নবমী দশমী  
নাহি এ পূজায়। এ পূজা হ'তেছে নিত্য।  
প্রভাতে তেয়াগি' শয্যা মেলিয়া নয়ন  
চাহিবে যেমনি পূর্বে, হেরিবে অমনি—  
রক্তবস্ত্র পরিহিত পুরোহিত রবি  
বসেছে পূজায় ; থরে থরে সুসজ্জিত  
কাননে কুসুমগুচ্ছ রয়েছে সুন্দর।  
গাহিছে বন্দনা-গীতি সুকণ্ঠ-বিহগ ;  
পবনে দোলায়ে শির ব্যজনে নিয়ত  
রয়েছে পাদপ ; শিশুর আনন্দ রোলে  
হ'তেছে ধ্বনিত মিষ্ট বাজনার রব।  
নদ নদী সিন্ধুবারি হ'তে বাষ্পাকারে  
উঠিতেছে উদ্ধদেশে ধূপ-ধূনা-ধুম।

মধ্যাহ্নে হেরিবে পুন মস্তক উপরে,—  
বর্ধিত ভাস্বর তেজ দীপ্তিময় রবি,  
তেয়াগিয়া রক্ত-বস্ত্র পূজা অবসানে,  
সমুজ্জল শুভ্রবেশে হয়েছে সজ্জিত ;  
হেরিছে কি কোতূহলে ভোজন ব্যাপার  
প্রতি গৃহে গৃহে, এ ভোজনে নাহি কোন  
জাতি বর্ণ ভেদ।

সন্ধ্যায় পশ্চিমাকাশে হেরিবে আবার—  
রক্ত-বস্ত্র পরি' রবি আরতির তরে  
বসেছে আসনে ; বিহগের কণ্ঠে পুনঃ  
উঠিছে বন্দনা-গীতি ; ধূপ-ধূমরূপে—  
মেঘমালা যেন শোভিছে গগন কোলে।  
দোলাইছে তরুণতা স্ননীল চামর ;  
যুক্তকরে ভক্তিভরে দিগ্বধূগণ  
করিছে প্রণাম।









## সপত্নী।

## সপ্তম পরিচ্ছেদ।

সিমলা প্লীটে একটি নাতিবৃহৎভবনে প্রসিদ্ধ ডাক্তার সুরেশচন্দ্র বসু, এম্, বি, মহাশয়ের বাসস্থান। নরেশ বাবু চারিদিন কলিকাতায় আসিয়াছেন, সুরেশ বাবুর আলয়েই তাঁহাকে থাকিতে হইয়াছে। অর্থাগমের কোন উপায় তাঁহার নাই; এতদিন অর্থোপার্জননের চেষ্টা তাঁহাকে করিতে হয় নাই। ইচ্ছা থাকিলেও তিনি তাহা করিতে পারিতেন না, এখন অর্থের ভয়ানক আবশ্যকতা হইয়াছে; কিন্তু সম্প্রতি তিনি মানসিক ক্লেশে এতই কাতর যে, কোন রূপ কর্মে প্রবৃত্ত হইতে তাঁহার সাধ্য বা প্রবৃত্তি নাই, স্তুরাং সম্প্রতি পরম-সুহৃৎ সুরেশের আলয়ে অবস্থান ব্যতীত তাঁহার গত্যন্তর নাই। সুরেশ সুহৃদকে পরমমত্রে রাখিয়াছেন এবং একটি নির্দ্বারিত কক্ষ তাঁহাকে ছাড়িয়া দিয়াছেন, তাঁহারই কার্যের জন্ত একটি ভৃত্য নিয়োজিত হইয়াছে।

প্রাতঃকাল, বেলা সাড়ে-সাতটা হইবে। নরেশ অতিশয় উৎকণ্ঠিতভাবে একখানি চেয়ারে বসিয়া আছেন, নিকটে আর কোন লোক নাই। ভাবভঙ্গী দেখিয়া বোধ হয়, সমস্ত রাত্রি তাঁহার নিদ্রা হয় নাই। চক্ষুর রক্তবর্ণ, দেহের বর্ণ পাণ্ডু, বদনের ভাব চিন্তাক্লিষ্ট, তাঁহাকে যাহারা পূর্বে দেখিয়াছে, এখন দেখিলে তাহারা মনে করিবে যে নিশ্চয়ই তিনি কোন ছুরন্তরোগে আক্রান্ত হইয়াছেন; বাস্তবিকই তাঁহার ব্যাধি ত্রুশিকিৎস ও অপ্রতিবিধেয়। এ সংসারে চিন্তার অপেক্ষা ক্ষয়কারী রোগ আর কি আছে? গুরুতর চিন্তাজরে যুবা বৃদ্ধ হইয়াছে, ভ্রষ্টবুদ্ধিও উন্মাদ হইয়াছে, কখন বা অকালে কালকবলে প্রবেশ করিয়াছে, এইরূপ দৃষ্টান্ত বিয়ল নহে। নরেশের অদৃষ্টাংশে যে সকল দুর্দৈব-ধুমকেতুর আবির্ভাব হইয়াছে, তাহার বিবরণ আমরা জানি, স্তুরাং তাঁহার বিপদের পরিমাণ আমরা অনুভব করিতে পারি।

শুশুরালয় হইতে পলায়ন করিয়া পিতা মাতার চরণে প্রণাম করিবার অভিপ্রায়ে, প্রথমেই নরেশ বাটী গিয়াছিলেন। তিনি জানিতেন, তাঁহার দুর্দান্ত শুশুর তাঁহার

সন্মানে লোক পাঠাইবেন, দেখিতে পাইলে তাঁহাকে নরহত্যাকারী অপরাধীর শ্রায় ধরিয়া লইয়া যাইবেন এবং অপমান ও লাঞ্ছনার সীমা রাখিবেন না। ইহাও তিনি জানিতেন, তাঁহাকে দেখিতে না পাইলেও তাঁহার পিতা মাতার উপর অশেষ নির্যাতন হইবে, তজ্জন্ত তৎক্ষণাৎ তাঁহাদিগকে চুঁচুড়ায় এক উচ্চপদস্থ রাজকর্মচারী কুটমের বাটীতে প্রেরণ করিবার ব্যবস্থা করিয়া দিয়া স্বয়ং উত্তর-পাড়ায় আসিলেন। সেখানে আসিয়া তিনি দীনা শূর ঠাকুরাণীর নিকট যাহা শুনিলেন, তাহাতে তাঁহার মস্তকে যেন বজ্রাঘাত হইল।

কুমুদিনীর সহিত ঘনিষ্ঠভাবে নরেশের কখনই পরিচয় হয় নাই। কুমুদিনীর রূপেও কোন মাদকতা-শক্তি ছিল না, তথাপি নরেশ জানিতেন কুমুদিনীর শ্রায় নারী এ জগতে বড়ই দুর্লভ। ঘটনার দাস হইয়া তাঁহাকে ধন-শালিনী স্ত্রীর একটা আসবাব—তাঁহার টিয়াপাখী, ময়না, কেনারী ও কুকুরের ভাবে থাকিতে হইয়াছিল। কিন্তু ইহা তাঁহার মনে ছিল যে, যদি কখন ঈশ্বর তাঁহাকে দিন দেন, তাহা হইলে এক্ষণে স্ত্রীর একটা জিনিষ হইয়া তিনি কখনই থাকিবেন না। তাহা হইলে যে নারী তাঁহার নাম শুনিলে পুলকিত হয়, নিরন্তর তাঁহাকে ধ্যান করে, অন্তরে ও বাহিরে তাঁহাকেই শ্রেষ্ঠ দেবতা জ্ঞানে পূজা করে,— তাঁহাকে দেখিতে না পাইলে অনবরত তাঁহার চরণাশ্রিতা দাসী জ্ঞানে কালতিপাত করে; তাঁহার সেই দুঃখিনী সহ-ধর্মিনী কুমুদিনীকে জীবনের সঙ্গিনী করিয়া পরম সুখের অধিকারী হইবেন। সেই কুমুদিনীর এই বিপদবার্তা শ্রবণে তাঁহার হৃদয় নিষ্পেষিত হইল। বুঝিলেন, লবঙ্গ তাঁহাকে খুন করিতে পারে, অথবা বলে ও কৌশলে অপ-কর্মের পথে ফেলিয়া মরণের অপেক্ষাও দুর্দশা ঘটাইতে পারে। বৃদ্ধা-শুশুর ঠাকুরাণীকে তিনি সকল কথা ভাঙ্গিয়া বলিলেন না; প্রবোধে দুই একটা বাক্য বলিয়া তিনি সে স্থান হইতে প্রস্থান করিলেন।

নরেশ বুঝিলেন, এই জন্তই হেমলতা বলিয়াছিলেন, কুমুদিনী কলিকাতায় বেগুণ-বৃত্তি অবলম্বন করিয়াছেন। ঘটনা শুনিয়া বুঝা যাইতেছে, লবঙ্গ তাঁহাকে কলিকাতার দিকেই লইয়া গিয়াছে। কলিকাতা বিশাল-সমুদ্র বিশেষ, সেখানে কেবল নামমাত্র উপলক্ষ করিয়া একটা স্ত্রীলোক

কের অনুসন্ধান করা সম্পূর্ণ অসম্ভব। লবঙ্গ সকলই জানে, কেবল সেই-ই সকল কথা বলিতে পারে।

তাহাকে উৎপীড়ন করিলে এবং বিপদে ফেলিলে কথা বাহির করা না যায়, এমন নহে। কিন্তু সে ত এখন হরিপুরে! সেখানে যাইলে কুমুদিনীর উদ্ধার দূরে থাকুক, নরেশকে ঘোরতর বিপদে পড়িতে হইবে। তবে কি সন্ধানের আর উপায় নাই?

নরেশ সংকল্প করিলেন, যেমন করিয়া হউক কুমুদিনীর সন্ধান করিবই করিব। কলিকাতার মিউনিসিপালিটি প্রত্যেক বাটীর টেক্স আদায় করে, আমিও নিয়ম করিয়া সহরের এক প্রান্ত হইতে অপর প্রান্ত পর্যন্ত প্রত্যেক বাটীতে অন্বেষণ করিব। প্রাতঃকাল হইতে রাত্রি ১০টা পর্যন্ত বাড়ী বাড়ী ফিরিব, রাত্রি ১০টার পর সুরেশের বাসায় গিয়া মুখে জল দিব, এইরূপে যতদিনে হউক, নিশ্চয়ই সন্ধান হইবে। প্রথমে ঘাটে ঘাটে প্রত্যেক নৌকার মাঝিদিগের নিকট সন্ধান করিব। পিশাচী লবঙ্গ, নৌকাযোগেই তাহাকে লইয়া গিয়াছে, এ সকল সন্ধান যদি অকৃতকার্য হই, তাহা হইলে শেষে লবঙ্গকে ধরিব। সকল দিক ঠিক সাজাইয়া লবঙ্গকে আদালতে হাজির করিব কি না, তাহার ভাবনা পরে ভাবিব।

নরেশ বাবু প্রথমে নৌকার সন্ধানে প্রবৃত্ত হইলেন, অন্তর্কক্ষ হইয়া ঘাটে ঘাটে তিনি ফিরিতে লাগিলেন; বড়দিনের পর মধ্যে একদিন বাদে সন্ধ্যার একটু পরে কুমুদিনীকে লইয়া লবঙ্গ নৌকাযোগে কলিকাতা আসিয়াছিল। ১৩ই পৌষ যে কুমুদিনী চলিয়া আসিয়াছিল, ইহা তাহার জননীর বাক্যে নরেশচন্দ্র সুস্পষ্টরূপে বুঝিতে পারিয়াছিলেন। ১৩ই পৌষ কোন নৌকা দুইটি স্ত্রীলোককে লইয়া কলিকাতা আসিয়াছিল, ইহাই তিনি অনুসন্ধান করিতে লাগিলেন। চিংপুরের ঘাট হইতে আরম্ভ করিয়া বাবুঘাট পর্যন্ত অনুসন্ধান করিলেন,— কোন মাঝি স্বীকার করিল না। কিন্তু হাটখোলার ঘাটের এক নৌকাওয়ালার সন্ধান দিল, জগন্নাথের ঘাটে রাত্রি প্রায় ৪টার সময় উত্তর দিক হইতে একখানি নৌকা আসিয়া গিয়াছিল। সেই নৌকা হইতে দুইটি স্ত্রীলোক নামিয়াছিলেন, ইহা সে দেখিয়াছিল, সঙ্গে জিনিষ পত্র কিছু ছিল। একটি স্ত্রীলোক মোটা কাপড় মুড়ি দিয়া অপর

স্ত্রীলোকের হাত ধরিয়া নামিয়া ছিলেন। উপরে একখানি সেকেণ্ড ক্লাশ গাড়ি ও একজন লোক দাঁড়াইয়াছিল, যে স্ত্রীলোক হাত ধরিয়া সঙ্গিনীকে নামাইয়া ছিল, তাহার বয়স পঞ্চাশের কাছাকাছি, সে বিধবা, বড়দিনের পর এক দিন বাদ দিয়া যে তাহারা আসিয়াছিল ইহাও মাঝি ঠিক বলিতে পারিল। ১৩ই পৌষ মনে থাকিবার তাহার অনেক কারণ ছিল, কিন্তু ইহার বেশী এক বর্ণও সে বলিতে পারিল না। যে নৌকা তাহাদিগকে লইয়া আসিয়াছিল, তাহার মাঝিরা অপরিচিত। এ ব্যক্তি অনুমান করে নৌকাখানা হুগলি বা ফরাসডাঙ্গার হইতে পারে, সোয়ারি নামাইয়া দিয়া নৌকা পুলের দিকে গিয়াছিল, ইহাও সে দেখিয়াছে। কথাগুলি এবং মাঝির নাম ও ঠিকানা নরেশ বাবু সমস্তে লিখিয়া রাখিলেন।

নৌকার সন্ধান শেষ হইবার সময়ে রত্নেশ্বর বাবুর এক দ্বারবানের সহিত নরেশ বাবুর সাক্ষাৎ হইল। তাহার মুখে তিনি জানিতে পারিলেন যে, রত্নেশ্বর বাবু সেই দিন স্বপরিবারে কলিকাতায় আসিয়াছেন; এবং লবঙ্গও সঙ্গে আছে। দ্বারবান জামাই বাবুকে বাড়ী লইয়া যাইবার জন্ত অনেক পীড়াপীড়ি করিল, নরেশচন্দ্র অনেক কাজের ওজরে তাহার হাত হইতে নিষ্কৃতি পাইলেন। বলা বাহুল্য বাসায় ফিরিয়া দ্বারবান জামাই বাবুর সংবাদ প্রচার করিল।

রত্নেশ্বর বাবু যেরূপ ধনবান ও দুর্দৈব লোক হউন না কেন, কলিকাতায় যে তিনি বিশেষ অত্যাচার করিতে পারিবেন না, ইহা নরেশ বাবু ঠিক বুঝিলেন; স্তুরাং তাঁহার ভয়ে পলাইবার বা লুকাইয়া থাকিবার কোন প্রয়োজন নাই। তবে একটু সাবধানে চলা ফেরা করিতে হইবে। তিনি বিবেচনা করিলেন, লবঙ্গ কলিকাতায় আসায় ভালই হইয়াছে, যখন প্রয়োজন হইবে, তখনই তাহাকে পাওয়া যাইবে,—কলিকাতায় থাকিলেই সে হাতের মধ্যে থাকিল।

গত কল্য হইতে নরেশ বাবু নৌকার অনুসন্ধান পরিত্যাগ করিয়া কার্যান্তরে তিনচারি বার বাটীর বাহির হইয়াছিলেন। কিন্তু অবিলম্বে ফিরিয়া ছিলেন; অন্য দিনের মত এককালে অন্তর্দান হন নাই, সমস্ত দিন কোন রূপ তাহারাদি করেন নাই, পরম মিত্র সুরেশ বাবুর সহিত









যায়, সে স্থলে কোন্টি শুদ্ধ বিবেচনা করিতে হইবে?  
দৃষ্টান্ত স্থলে এই গ্রন্থ হইতেই একটি উদাহরণ দিতেছি।—

সুন সুন প্রাণ পূয়ে কহিয়ে তোমারে।  
কেমনে করিব শ্রীশ্রী কহিয়া য়ামারে ॥

এই চরণের পরেই লিখিত হইয়াছে,—  
রাধিকা বলেন প্রভু সুনহ বচন।

শ্রীশ্রী করিতে তোমার হইলেক মন ॥

এখানে “সৃষ্টি” শব্দের ভিন্ন ভিন্ন বানান নিষ্পন্ন হইয়াছে। প্রাচীন পদ্ধতি অনুসারে ইহার মধ্যে কোন্টি শুদ্ধ আর কোন্টি অশুদ্ধ? এই সকল নির্দেশ করিবার জন্য প্রাচীন-সাহিত্যের একখানি অভিধান প্রণয়নের প্রয়োজন হইয়াছে।

কবির কবিত্বশক্তি প্রশংসনীয়। পার্বতী মহাদেবকে জিজ্ঞাসা করিলেন,—

আর কিছু রূপা করি কহো যোগেশ্বর।  
পূর্ণব্রহ্ম কিরূপে করয়ে বিহার ॥

তছত্তরে। সিব বলে সুন দেবি গুহ বিবরণ।  
সহজে বামাজাতি না বুঝে কারণ ॥  
অখণ্ড গোলক মধ্যে গুপ্ত বৃন্দাবন।  
তাহার অধিক স্থান নাহি ত্রিভুবন ॥  
দিবা নিশি নাহি ভেদ সদায় দিগুময়।  
কত বা কৌতুক তাহে নাহি সিমাশ্রয় ॥  
নিত্য পুষ্প জত সব সদা বিকসিত।  
লোভ মোহ আদি ছয় তরঙ্গ রহিত ॥  
তরুগণ ডালে ডালে সদা আছে জুড়ি।  
মধুময় লতা পড়ি আছে বেড়ি ॥  
নানা বর্ণে ফল ফুল দেখিতে সুন্দর।  
সারি স্নক পিকু তাহা মত্ত মধুকর ॥  
সভ বৃন্তে একত্র তাহে হয় হৃথে হৃথে।  
জার জেই সেবা সেই করে সসঙ্কিতে ॥  
মান সরবর সোভা করিছে বোষ্টীত।  
হংস চক্রবাক তাহে পদ্ম সুশোভিত ॥  
পূর্ণব্রহ্ম সেই স্থানে করে নানা কেলি।  
কৈসর বয়েস সব সঙ্গে বঙ্গ ভালি ॥  
শোক মহ জরা মৃত্যু নাহি কারু ভয়।  
সদয় সমান ভাবে নিত্য লিলা হয় ॥

আত্মশক্তি মহি হন রাধা চান্দরাণি।  
তার সঙ্গে বন্ধে কেলি দিবস রজনী ॥  
আত্মশক্তি রাধাকৃষ্ণ আদ্য পুরুষ।  
এক ব্রহ্ম দুই রূপে করেন বিলাস ॥  
রাধিকা আত্মশক্তি রাধা পারে নাহি।  
তোমারা সকল দেবি সেই অংশ পাই ॥

প্রাচীন কবির আত্মত্যাগের একশেষ প্রদর্শন করিয়াছেন। তাঁহারা অনেকেই স্বরচিত গ্রন্থ কিংবা সঙ্গীতাদি স্মৃতি-সমাজে পরিচিত করিবার মানসে অল্প কোন সুপ্রসিদ্ধ কবির নামে ভণিতা দিয়াছেন—অথবা গুণ-গরিমার নিকট নিজের গুণ-গৌরব সঙ্কুচিত করিয়াছেন। এই সকল কারণে অনেক গ্রন্থের রচয়িতার প্রকৃত নাম জানা যায় না। আমার বিশ্বাস গ্রন্থখানি অল্প কোন ব্যক্তি কর্তৃক রচিত হইয়া জ্ঞান দাসের নামে ভণিতাযুক্ত হইয়াছে। অথবা এই জ্ঞানদাস আমাদের পদকর্ত্তা জ্ঞানদাস হইতে ভিন্ন ব্যক্তি।

গ্রন্থের শেষ ভাগে এইরূপ :—

জাহার পদলাগী ত্রিজগত বিকল।  
সেই পাদ পদ্ম লাগি আগিত পাগল ॥  
তোমারে কহিল দেবি পরাপর আগম।  
এ তিন ভুবন মধ্যে নাহি কৃষ্ণ সম ॥  
গৌরান্ধ বস্ত্রায় আসি ভাসাইলা সংসার।  
পণ্ডিত রহিল উচ্চ বাক্শিয়াটি কর ॥  
তপনের তাপ তারা সহিতে না পারি।  
উলুক রহিল জেন বৃক্ষ ডাল ধরি ॥  
থাকীল পণ্ডিত তারা নিজ মান করি।  
বিদ্বাকুলমদে দ্বিজ না ভজিল হরি ॥  
প্রেমবস্ত্রা দেখি দ্বিজ পান মহাভিত।  
ত্রোত্রওসে হইল তারে বিধি বিড়ম্বিত ॥  
সেই বস্ত্রায় ডুবিল পাপী জগাই মাধাই।  
প্রেম জল পাঞা নিস্তারিলা দুই ভাই ॥  
ভকত হইল জলে মৎস্ত মগর।  
আনন্দ হইয়া ফিরে কারে নাহি ডর ॥  
\* \* \* জঙ্গমে জীব যতেক গরাসিল।  
হরিনাম শুনি তারা জ্ঞান পাইল ॥


## চুণার।

ঠাকুর গৌরান্ধে গুণ কহন না যায়।  
অনন্ত মহিমা বেদে পুরাণে না পায় ॥  
সংখ্যে কহিল কিছু আগমের ভাসা।  
শ্রীগুরু চরণ ভাই বিপদ বিনাসা ॥  
যে হয় রসীক সেই করিবে শ্রবণ।  
ইহাতে জানিবে তত্ত সকল কারণ ॥  
পয়ার প্রবন্ধ শুনিলাম সিংহপদ।  
কৃষ্ণ কথা রসে সদা বিনাসেরি পদ ॥  
শ্রীগুরু বৈষ্ণব পদযুগে করি আস।  
ভাগবন্তেরে কিছু কহে জ্ঞান দাস ॥

ইতি শ্রীসিব রহস্যগমে হরগৌরী সম্বাদে আগম প্রবন্ধে ভগবত তত্ত লীলা সমাপ্ত : ॥৩॥

কবির ভাষা প্রাজ্ঞল ও সরস। লিপিকর প্রমাদে অনেক স্থলের সম্যক অর্থ করা যায় না। গ্রন্থখানি পয়ার ছন্দে রচিত। পৃষ্ঠা সংখ্যা ১২, চরণ সংখ্যা ৩১০।

শ্রীব্রজসুন্দর সাহাণ।



ইষ্ট ইণ্ডিয়ান রেলওয়ের প্রধান ষ্টেশন চুণার। হাওড়া হইতে প্রায় ৪৮৯ মাইল; মোগলসরাই হইতে এই ষ্টেশন দশকোশ দূরে অবস্থিত। স্থানটি বাস্তবিক মনোমদ অপূর্ণ প্রাকৃতিক সৌন্দর্যে বিমণ্ডিত। চুণার একে পর্বতময় প্রদেশ, তাহাতে ভাগীরথীতটোপরি সংস্থাপিত, এই উভয় কারণে স্থানটি পরিব্রাজক ও স্বাস্থ্য পরিবর্তনশীল বাবুগণের প্রীতিকর। পাহাড়ে ফুর ফুরে শীতল হাওয়া ভাগীরথীর বক্ষ চুমিয়া শ্রামল পর্বতের গায়ে ছড়াইয়া পড়িতেছে। পাহাড়ে পাহাড়ে ভ্রমণ কর—মৃচ্ সমীরণ সেবনের সঙ্গে সঙ্গে বিমল আনন্দ উপভোগ করিবে। দেশের এক প্রান্ত দিয়া ভাগীরথী লহর তুলিয়া আরোহীপূর্ণ তরিশুলিকে বক্ষে লইয়া চলিয়া যাইতেছে, তটোপরি সুশ্রাম পর্বতমালা ক্ষুদ্র ক্ষুদ্র শির উত্তোলন করিয়া দণ্ডায়মান আছে। দেশের মধ্যে অগাধ দ্রব্যের তুলনায় নিম্ন নিসিন্দার প্রাচুর্য্য অধিক পরিলক্ষিত হইবে। চিকিৎসাশাস্ত্রে নিম্ন নিসিন্দার বহুবিধ গুণের কথা উল্লেখ আছে। দেশে জল কষ্ট নাই। দেশ মধ্যে “জার্গো” নামী একটি ক্ষুদ্র নদী একটা পার্বতীয় “ঝরণা” হইতে উৎপন্ন হইয়া ভাগীরথীর



করেন। নিকটস্থ গদাপাহাড় হইতে অনবরত তোপ দাগিয়া দুর্গপ্রাকার ভগ্ন করেন। তখন স্বেচ্ছা উদ্যোগে সৈন্যগণ উপায়শূন্য হইয়া আত্মসমর্পণ করে। দেশীয় ইতিহাসে বৃটিশ বলের সম্মুখে, দেশীয়দিগের ইহা কম বীরত্বের কথা নয়।

কেল্লা ইংরাজদিগের অধীনে আসিলে, কিছুদিনের জন্ত উত্তর পশ্চিমাঞ্চলের অজ্ঞাগার স্বরূপ ব্যবহৃত হইয়াছিল। পরে “ষ্টেট প্রিজন্স”এ পরিণত হয়। ত্র্যম্বকজী দেসুলিয়া ইহার প্রথম কয়েদী। ইনি ১৮১৭—১৮ খৃঃ মহারাট্টা রাজদ্রোহীদের প্রধাননায়ক ছিলেন। বর্তমানে ইহা একটি সামান্য জেলখানা।

দুর্গের ভিতর জলের ব্যবস্থা বিশেষ কিছুই নাই, গঙ্গা-জলই প্রধান পানীয়।

### টীকোর মহল্লা ( দুর্গাহ )

ইহা একটি সমাধি বিশেষ। কাসেম সোলেমান নামক একজন ফকীরের সমাধি। মনের বৈরাগ্যে ইনি দেশ বিদেশ পর্যটন করিতেন। পেশওয়ার ইঁহার জন্ম স্থান—ইঁহার শিষ্য সংখ্যা এত অধিক ছিল যে, যখন কাসেম শিষ্য লাহোরে উপস্থিত হইলেন, তখন তত্রত্য রাজকর্মান্বচারী ভয়ে ভীত হইয়া সম্রাট আকবরকে যুদ্ধ-শঙ্কার সংবাদ দেন। আকবর আদেশ করিলেন, হয় কাসেমকে হাতবেড়ী লইতে বলিও, নতুবা যুদ্ধ করিতে হইবে। কাসেম ফকীর, যুদ্ধে তাঁহার প্রয়োজন কি? তিনি স্বেচ্ছায় বন্দী হইলেন। তখন বন্দী কাসেমকে চুণারে স্থানান্তরিত করা হইল। চুণার গড়ের নীচে একটি মসজিদে তিনি সাংকালীন নামাজ পড়িবেন, হাত-কড়ি আপনা হইতে খুলিয়া গেল—উপাসনা শেষ হইলে তিনি যে বন্দী সেই বন্দী। ক্রমে সকলে ইহা জানিতে পারিল—সকলে ঘটনা স্বচক্ষে প্রত্যক্ষ করিল। তখন প্রতীতি হইল যে, কাসেম সামান্য ফকীর নয়। আরও একটি অদ্ভুত ঘটনা ঘটিল যে, মৃত্যুর দিন কাসেম সকলকে ডাকিয়া আপন মৃত্যুকাল জ্ঞাপন করিলেন। সকলের সম্মুখে একটি তীর ছুড়িয়া বলিলেন, তীর যেখানে পড়িবে, সেখানে যেন তাঁহাকে কবর দেওয়া হয়। তীর গড়ের সম্মুখে পড়িল। তিনি বলিলেন, “টুক আউর” অর্থাৎ আর একটি

যাও। তীর উর্দ্ধমুখ হইয়া আরও কিছুদূর গিয়া পড়িল। সেইখানে এই অদ্ভুত ফকীরের সমাধি দুর্গাহ। “টুক আউর” হইতে টীকোর মহল্লা নাম হইয়াছে।

### কদমরসূল ( চরণপাছুকা ) ।

কেল্লা নিকট টীকোর মহল্লাতে সেখ ইমাম বন্দের মসজিদের একটি ঘরে উহা সম্বন্ধে রক্ষিত আছে। এক-খানি ক্রমশঃ প্রস্তরে চরণের সম্মুখস্থ অর্ধাংশ বিস্তৃত। ইংরাজ গবর্নমেন্ট যখন চুণার দুর্গ হইতে দেবমূর্তি সকল অপসারিত করেন, তখন মুসলমানগণ উহা লইয়া গিয়া আপনাদের মসজিদে স্থাপিত করেন। মুসলমানগণ উহার নাম দিয়াছেন “কদমরসূল”। হিন্দুগণ বলেন “চরণ পাছুকা”। এই প্রস্তরখানির প্রতি হিন্দু মুসলমানের সমান শ্রদ্ধা। হিন্দুগণের মতে ভগবানের যে দুইটি চরণ পৃথিবীর উপর পতিত হয়, তাহার দক্ষিণ চরণের চিহ্ন উক্ত প্রস্তরে পতিত হয়। বাম চরণের চিহ্ন গয়ায় আছে। মতান্তরে জানা যায় যে, জরাসন্ধের বন্দিরাজ-গণ উদ্ধারের সময় শ্রীকৃষ্ণের চরণ ঐ প্রস্তরের উপর পতিত হয়; সেই অবধি হিন্দুগণ উহাকে ভক্তির চক্ষে দেখেন।

মুসলমানগণ “কদমরসূল” তাঁহাদের বলিয়া দাবী করেন। ইঁহার বলেন, ফিরোজ শাহার রাজত্বকালে মারুজ নামক জনৈক হাজী—মক্কা হইতে ফিরিয়া আবিবার সময় দুইটি কদমরসূল বামচরণাঙ্ক লইয়া আসিয়া একটি সম্রাটকে উপহার দেন। সম্রাট হাজী সাহেবকে চুণার জায়গীর স্বরূপ প্রদান করেন, দ্বিতীয়টি তিমি কেল্লার মধ্যে রাখিয়াছিলেন।

যাহা হউক মসজিদে স্থাপিত হইলে অনেক হিন্দুযাত্রী ইহা দর্শনমানসে এখানে আগমন করেন। কাশীর মহারাজার বৃত্তিপ্ৰাপ্ত জনৈক ব্রাহ্মণ ইঁহার সেবা করেন।

### গদা পাহাড় ।

এই পাহাড় হইতে গোলাবর্ষণ করিয়া ইংরাজ সেনাপতি দুর্গ ধ্বংস করেন। গদাশাহ নামক জনৈক ফকীরের সমাধি, সেই জনাই ইঁহার নাম পদাপাহাড় হইয়াছে।

এই কবরের চতুঃপার্শ্বে হস্ত ঘর্ষণ করিলে চন্দনের গন্ধ পাওয়া যায়, বলিয়া শুনা যায়। ইহা টীকোর অবস্থিত।

চুণারের আরও অনেক বলিবার থাকিলেও প্রবন্ধ অতিশয় দীর্ঘ হইয়া উঠিয়াছে; বারান্তরে হয়ত নূতন কথা লইয়া পাঠকসমীপে উপস্থিত হইতে পারিব।

শ্রীনলিনীকান্ত ঘোষ।



### সৌর-জগৎ ।



### নীহারিকা ।

মানুষের যেমন শৈশব, কৈশোর, যৌবন ও বৃদ্ধাবস্থা আছে, বিশ্ব সংসারের জ্যোতিষ্কদিগেরও সেইরূপ অবস্থা পর্য্যায় থাকিতে দেখা যায়। আদৌ সৌর-জগৎ কেবল-মাত্র জ্যোতিষ্ক বা বাষ্পময় ছিল, তাহার না ছিল আকার, না ছিল নির্দিষ্ট সংস্থিতি। অমাবস্তার সমকালে আমরা যে, আকাশের দীমান্তরেখার মত শুভ্র ছায়াপথ দেখি, তাহা কুঞ্জাটিকা সমতুল্য জ্যোতিষ্ক বা বাষ্পের আভাস-মাত্র; উহার স্থানে স্থানে সেই অগ্নিময় কুঞ্জাটিকা ক্রমশঃ জমিয়া জমিয়া নক্ষত্রপুঞ্জের সৃষ্টি করিতেছে; ইহাই জ্যোতিষ্কের জুগ ও শৈশবাবস্থা। ছায়াপথের স্থানে স্থানে ক্ষুদ্র নক্ষত্রপুঞ্জ এত ঘন সন্নিবিষ্ট যে, নগ্নদৃষ্টিতে তাঁহাদিগকে জ্যোতিষ্ক বা বাষ্প কুঞ্জাটিকা হইতে পৃথক করা যায় না। পুঞ্জীকৃত নক্ষত্র আমাদের চক্ষে ক্ষুদ্ররূপে প্রতিভাত হইলেও, তাহাদের ক্ষুদ্রতম আমাদের সূর্য্য মপেক্ষা অতুলনীয়রূপে বৃহৎ। নীহারিকা বা ছায়াপথ আমাদের সৌর-জগৎ নিজের কোলে রাখিয়া সমগ্রভাবে গঠন করিয়া আছে; তাহার দূরত্ব আমাদের ধারণাভীত; ই দূরত্ব নিবন্ধনই আমরা বৃহত্তম নক্ষত্রপুঞ্জকেও বাষ্প-রূপে দেখিয়া থাকি। নীহারিকার বাষ্প-ঘন নক্ষত্র সকল এক একটী সূর্য্যরূপে নিজ নিজ রাজ্য সৃষ্টি করিয়া নিয়ন্ত্রণ করেন। নীহারিকা আত্ম-জ্যোতিতে জ্যোতিষ্কতা।

নীহারিকার যে অবস্থা, আমাদের সৌর-জগতেরও একদিন সেই বাষ্পময় শৈশবাবস্থা ছিল। তাহা হইতে সূর্য্যের জন্ম; সূর্য্য যত ঘনীভূত হইতে লাগিল, তাহার দীপ্তি ও ঘূর্ণাবেগও তত বাড়িতে লাগিল। চক্রনেমি হইতে কর্দম যেমন ছিটকাইয়া যায়, তেমনি সূর্য্য হই-তেও প্রতপ্তপিণ্ড সকল ছিটকাইয়া গিয়া মাধ্যাকর্ষণে ধরা পড়িয়া, সূর্য্যকে প্রদক্ষিণ করিয়া ঘুরিতে থাকে, ইঁহারা ই গ্রহ এবং সবিতা সূর্য্য। গ্রহগণ ঘুরিতে আরম্ভ করিলে, তাহাদের অকন্ঠিন শরীর হইতেও পিণ্ডসকল বিচ্ছিন্ন হইয়া উপগ্রহ সকলের সৃষ্টি করিয়াছিল।

এক সঙ্গে তিন আকারের তিনটি লৌহপিণ্ড তপ্ত-লৌহিত করিয়া রাখিয়া দিলে, দেখা যাইবে যে, ছোটটিই সর্ব্বাগ্রে শীতলতা প্রাপ্ত হইবে; তৎপরে মাঝারি, সর্ব্ব-শেষে বৃহৎ পিণ্ডটি শীতল হইবে। এই জন্তই চন্দ্র প্রভৃতি ক্ষুদ্র উপগ্রহ ও গ্রহ সর্ব্বাগ্রেই সম্পূর্ণ শীতলতা প্রাপ্ত হই-য়াছে, এইরূপ অবস্থা গ্রহের বার্কিক্য বা শেবাবস্থা; চন্দ্র বেরুপ ফাটিয়া রসশূন্য হইয়া আছে। কালে হয় ত, তাহার শরীর রেণু-রেণু হইয়া যাওয়াও অসম্ভব নহে; এইরূপেই বোধ হয়, গ্রহাদির মৃত্যু বা ধ্বংস হইয়া থাকে। পৃথিবী, মঙ্গল প্রভৃতি গ্রহগণের এখন যৌবনাবস্থা; তাহারা হরিৎ শস্ত্রশালিনী, অশেষ শোভাময়ী; কালে উঁহারাও শীতল হইয়া জলকণামাত্র শূন্য মরুৎ হইয়া ধ্বংসের পথ অনুসরণ করিবে। বৃহস্পতি, উরেনাস প্রভৃতি বৃহৎ গ্রহ-গণের এখনও কৈশোর উত্তীর্ণ হয় নাই; তাহারা এখনও কাঠিন্ত ও তারল্যের মধ্যাবস্থায় রহিয়াছে; কালে তাহারা শীতল হইয়া পৃথিবীর শায় শোভা সম্পদ জীবনাবাস যোগ্য হইবে; তৎপরে মরুৎ হইয়া ধ্বংসের পথে অগ্র-সর হইবে। উঁহাদের পর স্বয়ং সূর্য্যঠাকুরের পালা। আমাদের মানব সংসারে যেমন প্রথম পিতা, তৎপরে পুত্র, তৎপশ্চাৎ পৌত্র প্রভৃতি বার্কিক্য ও মৃত্যু প্রাপ্ত হয়, সৌর-জগতের নিয়ম তদ্বিপরীত। সূর্য্য শীতল হইয়া যখন পৃথি-বীর শায় অনচ্ছ হইবে, তখন সে আবার স্বয়ং দানরিত্ত হইয়া কাহার দ্বারস্থ হইয়া এক কণা আলোকের জন্ত আপনায় যাচঞা ঘৃণিত জীবন বিক্রয় করিবে, তাহা সেই দর্পহারী ভগবানই জানেন।



## উল্কা।

রাত্রিকালে উল্কাপাত সকলেই দেখিয়াছেন। উল্কা-গণও গ্রহাদির স্থায় সূর্যের চারিদিকে দলবদ্ধ হইয়া বৃত্তাভাস কক্ষ ভ্রমণ করিয়া থাকে। পূর্ববর্তী চিত্রে একটি মাত্র উল্কাবলয় দর্শিত হইয়াছে, কিন্তু বস্তুত সৌর জগতে বহু উল্কা বলয় রহিয়াছে। তন্মধ্যে একটিই প্রধান। এই সকল উল্কাবলয় সমস্ত গ্রহকক্ষ ভেদ করিয়া গিয়াছে; গ্রহগণও উল্কাপুঞ্জ ঘুরিতে ঘুরিতে যখন পরস্পর সন্নিহিত হয়, তখন গ্রহগণের মাধ্যাকর্ষণে আকৃষ্ট হইয়া উল্কা সকল গ্রহাতিমুখে ছুটিয়া তাহার বক্ষে বিরামলাভ করে। পৃথিবী প্রত্যেক বৎসর ১৩ই ও ১৬ই নভেম্বরের মধ্যে কোন দিন প্রধান উল্কা বলয় অতিক্রম করিয়া যায়; সেই সময় বহু উল্কাপাত হইয়া থাকে; ৩৩ বৎসর অন্তর পৃথিবী ও যথেষ্ট উল্কাপুঞ্জ পরস্পর সন্নিহিত হয় ও সেই সময় যথেষ্ট উল্কাবৃষ্টি হইয়া থাকে। কিন্তু পৃথিবী ও উল্কার গতির ত বিরাম নাই; পৃথিবী প্রতি সেকেণ্ডে ১৮ মাইল পথ অতিক্রম করিয়া শীঘ্রই উল্কাবলয় ছাড়াইয়া চলিয়া যায়, তখন উল্কাপুঞ্জ অব্যাহতি লাভ করে; কিন্তু পৃথিবীর আকর্ষণে যে সকল উল্কা তদতিমুখে ধাবিত হইয়াছিল, তাহারা তাহাকে ধরিতে না পারিয়া কুলত্যাগিনীর মত 'ঠাতিকুল বৈষ্ণবকুল' দুই হারাইয়া স্বতন্ত্রপথে পর্যটন করিয়া নূতন উল্কাবলয় সৃষ্টি করে। এইরূপ প্রত্যেক বৎসর কোটি কোটি উল্কা পৃথিবী, প্রভৃতি গ্রহের বক্ষে আশ্রয় লইতেছে, সহস্র সহস্র প্রধান বলয় বিচ্যুত হইয়া নূতন বলয় গঠন করিতেছে; তথাপিও প্রধান বলয়ে এখনও কোটি কোটি উল্কা বিচরণ করিতেছে, বুঝি তাহাদের শেষ নাই।

উল্কার নিজস্ব আলোক নাই; পৃথিবীর আকর্ষণে যখন তাহারা ছুটিয়া আসিয়া বেগে বায়ুর উপরে পড়ে, তখন বায়ু তাহাকে সহজে ও নির্বিবাদে পথ ছাড়িয়া দেয় না; উভয়ের দ্বন্দ্ব সংঘর্ষে উল্কা চটিয়া লাল হইয়া উঠে, অনেক সময় এই সংঘর্ষে বেচারাদের নির্ঝগ মুক্তি ঘটে, তাহাদের ছাইটুকুও ধরাপৃষ্ঠে পৌঁছিতে পায় না; তাহাদের প্রেমাতিসারের এই পরিণাম। যে গুলি ক্ষুদ্র তাহারাই বায়ু সংঘর্ষে বাষ্পপরিণত হইয়া যায়; কিন্তু বাহারা অতিবৃহৎ

তাহারা ক্ষয় প্রাপ্ত হইতে হইতেও দৃশ্যবশেষ কলেবর লইয়া ধরায় ধূলি চূষন করিয়া থাকে। কলিকাতা পুরা-দ্রব্যালয়ে ( Calcutta Meuseum ) বহু ছোট বড় উল্কাপিণ্ড সংগৃহীত আছে, লণ্ডন মিউজিয়মে একটি ৬৬ মণ ওজনের উল্কা আছে।

উল্কাপিণ্ড সূক্ষ্মভাবে পর্যবেক্ষণ করিলে বুঝা যায় যে, উহারা কোনও বৃহৎ পদার্থের ভগ্নাংশ। Tschermak অনুমান করিয়াছেন যে, অধিকাংশ উল্কার উদ্ভব হইয়াছে আগ্নেয়গিরির উদগম হইতে এবং সেই সকল আগ্নেয়গিরি খুব সম্ভব ধরা পৃষ্ঠেরই। আইসলণ্ডের হেকলা নামক আগ্নেয়গিরির কোনও এক উচ্চাসকালে উদগত ভগ্নাদি স্কটলণ্ডে আসিয়া পড়িয়া ছিল; এখনই যদি আগ্নেয়গিরির অত বল, তবে পৃথিবীর আভ্যন্তরিত্য তাপ যখন আরও অধিক ছিল, তখন আগ্নেয়গিরি সকলের তেজও অত্যন্ত প্রবল ছিল বলিয়া অনুমান করা যাইতে পারে। তাৎকালিক উদগমকালে, যে সকল দ্রব্য উর্দ্ধে উৎক্ষিপ্ত হইয়াছিল, তাহা হয়ত পৃথিবীর আকর্ষণ-শক্তির সীমার বহির্ভূত হইয়া খোদ সূর্যের শাসনাধীন হইয়া পড়ে। বৈজ্ঞানিকগণ দেখিয়াছেন যে বৃহস্পতি-গ্রহের আগ্নেয়গিরি-ধরণীপৃষ্ঠের আগ্নেয়গিরি অপেক্ষা ৫৬ গুণ শক্তি-শালী। পূর্বেই বলিয়াছি যে, বৃহস্পতি গ্রহের এখন শৈশবাবস্থা; অতএব পৃথিবীর শৈশবাবস্থায় যে তাহারও অমিত বল ছিল না, কে বলিবে? কিন্তু এমনও কি হইতে পারে না যে, কোনও গ্রহ বা উপগ্রহ বান্ধক্যাবস্থা প্রাপ্তির পর খণ্ড খণ্ড হইয়া উল্কারাশিতে পরিণত হইয়াছে?

যদিই ঐ উল্কারাশি ধরা সম্ভব হয়, তবে এককাল তাহারা তাহার বক্ষবিদীর্ণ করিয়া মহা শূন্যের সংবা লইতে ছুটিয়াছিল, তাহারা এক্ষণে আবার তাহারই বক্ষে আশ্রয় লইতেছে। বস্তুত্বর এক্ষণে সঞ্চয় কাল, সে এখন নিজের ভাঙার হইতে একটু রেণুকণাও অস্ত্র যাইতে দেয় না।


উল্কা শরীরে প্রধানতঃ লৌহ, নিকেল প্রভৃতি ধাতু বিद्यমান দেখা যায়। ঐ দুই পদার্থ প্রায় সকলের শরীরেই আছে। ভিন্ন ভিন্ন পিণ্ডে ভিন্ন ভিন্ন পদার্থও পাওয়া যায়। উল্কা সেকেণ্ডে ২০ মাইল চলে; এত দ্রুতগতি আর কাহারও নাই।

## ধূমকেতু।

ধূমকেতু আমাদের সৌর-জগতের খাস অধিবাসী নহে, তাহারা বিশাল বিশ্ব-জগতের অধিবাসী। বিশ্ব পর্যটনে তাহারা নিযুক্ত আছে। ভ্রমণ করিতে করিতে যখন সৌর-জগতের সীমায় পদার্পণ করে, তখন উর্ণনাভজালে মক্ষিকার মত সূর্যের করায়ত্ত হইয়া পড়ে। উহাদের ভ্রমণ-কক্ষও বৃত্তাভাস বটে, কিন্তু গ্রহকক্ষের স্থায় ellipse নহে; উহাদের কক্ষের আকার ইংরাজিতে Parabola নামক ক্ষেত্র-সদৃশ। Parabolaও একপ্রকার ellipse বলিলেই হয়; উভয়ের পার্থক্য এই যে ellipseএর

দুইটি কেন্দ্রই এক সমীম ক্ষেত্রে থাকে, কিন্তু parabolaএর একটি নাভি সমীম ক্ষেত্রে ও অপর নাভি অনন্তপথ দূরে অবস্থিত থাকে। এই জন্ত ধূমকেতুর আগম-নির্গম ঠিক করিয়া বলা সুকঠিন। তবে বাহারা সূর্যের নিকট ধরা পড়িয়াছে, তাহাদের সম্বন্ধে পণ্ডিতগণ অনেকটা স্থির সিদ্ধান্ত করিতে সক্ষম হইয়াছেন।

ধূমকেতু বাষ্প-বেষ্টিত সূক্ষ্ম রেণু সমষ্টি। এই জন্ত অনন্তশূন্যে ভ্রমণ করিতে করিতে তাহার দেহ ক্রমশঃ ক্ষয় প্রাপ্ত হইতে থাকে। এতদতিরিক্ত তথ্য আজ পর্যন্ত সংগৃহীত হয় নাই।



## রাশি চক্র।

প্রাচীনকালের জ্যোতিষিগণ সূর্যের আনুমানিক নভো-কক্ষ ( বাৎসরিক পথ ) কতকগুলি তারকাপুঞ্জের চিহ্ন দ্বারা ১২ অংশে ভাগ করেন। প্রত্যেক ভাগের তারকা-এক একটি জন্তুর আকার সদৃশ, এজন্তু জন্তু প্রভৃতির তাহাদের নামকরণ হইয়াছিল।

## ঋতু বিপর্যয়।

পৃথিবীর গতি ও সূর্য ও পৃথিবীর সংস্থান পরস্পরায় আমাদের পৃথিবীতে ঋতু বিপর্যয় ঘটয়া থাকে। পূর্ববর্তী চিত্রে দেখিলেই বুঝা যাইবে যে পৃথিবীর অক্ষদণ্ড ও সূর্য ঠিক সমকোণে অবস্থিত থাকে না, এবং ইহার ফলে সূর্য একবার নিরক্ষবৃত্তের নিম্নে পড়ে ও আবার নিরক্ষবৃত্তের

















ব্যবহার করিয়াছি। বৌ মা বালিকা, কিন্তু এই সংসারে সে কতই জ্বলিতেছে। বাহা হউক কাল প্রাতে পুত্র পুত্র-বধূর নিকট নিজ অপরাধ স্বীকার করিব। তারপর বাহা ব্যবস্থা হয়, করিব।

প্রভাত হইলেই নীলাম্বর বাবুর নিদ্রাভঙ্গ হইল। তিনি শচীন্দ্রনাথের স্মৃতিস্তম্ভের জন্ত অপেক্ষা করিতে লাগিলেন। ক্রমে যখন বেলা বৃদ্ধি হইতে লাগিল, অথচ পুত্রকে বহির্বাটীতে আসিতে দেখিলেন না, তখন তিনি উৎকণ্ঠিতভাবে তাঁহার শয়নকক্ষ অনুসন্ধান করিতে গমন করিলেন। তথায় পুত্র বা পুত্রবধূ কাহাকেও দেখিতে পাইলেন না। নীলাম্বর বাবুর আর বৃষ্টিতে বাকি রহিল না যে, পুত্র বিশেষ মনোজুখে কাহাকেও কিছু না বলিয়া বাটী ত্যাগ করিয়া চলিয়া গিয়াছেন। তাঁহার বাটী ত্যাগ সংসারের কেহ একটি বিশিষ্ট ঘটনা বলিয়া মনে করিলেন না, বা কেহ বিশেষ ছুঃখিত হইলেন না; কেহ প্রকাশে, কেহ মনে মনে বলিলেন,—‘আচ্ছা দেখা যাবে কতদিন বাড়ী ছেড়ে শ্বশুরের খেয়ে থাকে।’ কিন্তু নীলাম্বর বাবু অন্তরে গভীর বেদনা অনুভব করিতে লাগিলেন এবং তাঁহার মনে মনে আপনার ও আপন সংসারের প্রতি বিশেষ ঘৃণা বোধ হইতে লাগিল। তিনি অবিলম্বে শচীন্দ্রনাথের শ্বশুরালয়ে এবং যে আফিসে তিনি কর্ম করেন তথায় ও অন্ত যে যে স্থানে তাঁহার যাওয়া সম্ভব বিবেচনা করিলেন, লোক পাঠাইলেন; কিন্তু হায়! কোন স্থানেই পুত্র পুত্রবধূর সন্ধান পাওয়া গেল না। প্রায় সপ্তাহকাল পরে তিনি ডাকঘোণে একখানি পত্র পাইলেন। তাহা এইরূপঃ—

অসংখ্য প্রণামপূর্বক নিবেদন,

আপনার অনুমতি গ্রহণ না করিয়া আমি গৃহ ও সংসার ত্যাগ করিয়া চলিয়া আসিয়া যে অপরাধ করিয়াছি, তজ্জন্ত আমার ক্ষমা করুন। যে পুত্রের জন্ত পিতামাতার মস্তক অবনত হয়, তাঁহাদের সুখশান্তির পথ অবরুদ্ধ হয়, সে পুত্রের মরণই ভাল। কিন্তু আপনার এ অধম পুত্র মৃত্যুর অস্বাভাবিক উপায় অবলম্বন করিতে না পারিয়া, আপনাদের নিকট হইতে বহু অন্তরে থাকিয়া জীবন অতিবাহিত করিবে, ইহাই স্থির করিয়াছে। ইহাতে আপনাদের কোন ক্ষতি হইবে না, বরং কুপুত্র পুত্রবধূর

অবর্তমানে এই বার সংসারে শান্তিস্রোত প্রবাহিত হইবে। কিন্তু আমার সংসার বাসনা, হৃদয়ের শত অপূর্ণ আকাঙ্ক্ষা চির বিদলিত হইল। বাহা হউক, এক্ষণে আর সে জন্ত পরিতাপ করি না, এক্ষণে শ্রীচরণে এই ভিক্ষা, একবার অন্তরের সহিত আশীর্বাদ করুন, যেন মানবের বিশাল কর্তব্য মস্তকে রাখিয়া কঠোরতর নবীনপথে অগ্রসর হইতে পারি। ইহ জীবনে আপনার অনুমতি ও আশীর্বাদ ভিন্ন আমার কোন কার্যই সিদ্ধ হইতে পারে না। পরম পূজনীয় শ্রীমতী মাতাঠাকুরাণীর শ্রীচরণে আমার অসংখ্য প্রণাম জানাইতে আঞ্জা হয়। আর কি দিখিব, আপনার অবোধ সন্তান মনে করিয়া আমার সকল অপরাধ মার্জনা করিবেন। শ্রীচরণে নিবেদন, ইতি—

আপনার চির আশীর্বাদাকাঙ্ক্ষী সেবক শচীন।

শ্রীহরিহর শেঠ।


### জন্ম জন্মান্তরে।

জন্ম জন্মান্তরে মোর হৃদয় নিলয়ে  
আমার প্রেমসী,  
সৌন্দর্যের ষোল-কলা পরিপূর্ণ করি  
উষ্ণ বিকসি,  
আমি যদি হই প্রিয়া সুনীল সূন্দর  
অনন্ত নীলিমা,  
তুমি হ'য়ো চারুচন্দ্র চির পূর্ণিমার  
সেণার প্রতিমা,  
আমি যদি হই সখি, শ্রামল শীতল  
সরসী বিমল,  
ফুটিও মৃগালবৃন্তে হৃদয়ে আমার  
সেণার কমল,  
আমি যদি হই কভু করমের ফলে  
বিষধর ফণী,  
লভিয়ো জনম তুমি হ'য়ে প্রাণাধিক  
মনোহর মণি,  
আমি যদি হই কভু নীরস কঠিন  
অচল প্রস্তর,  
তুমি হ'য়ো বক্ষতলে স্নিগ্ধ সূশীতল  
রজত নিব্বার! শ্রীনিশিকান্ত পেন।

### সুখ-দুঃখ।

বহু সাধনার বাহা পেয়েছিল বৃকে  
গোপনে চলিয়া গেছে চক্ষের পলকে,  
অনাহুতভাবে বাহা আসিয়াছে ঘরে  
শত সাধনায়ো আজি যেতেছে না স'রে।  
শ্রীকালিকাপ্রসাদ ভট্টাচার্য।





গঙ্গার মানের দাঁড় ।

From a Photo of the 'Ganges' taken by J. P. Gannell.



৬ষ্ঠ ভাগ ।

অগ্রহায়ণ, ১৩১০ ।

৮ম সংখ্যা ।

### বর্তমান সামাজিক সমস্যা ।

মানাদের দেশে এখন মধ্যবিত্ত লোকের যেরূপ অবস্থা নাড়াইয়াছে, তাহা গভীর আশঙ্কাজনক। পূর্বকালে এই সম্প্রদায় স্বীয় পল্লীজীবন অনেকটা সুখে শান্তিতে অতিবাহিত করিতেছিলেন। পল্লীর জমিদার পল্লীর রাজার মত নানারূপ শুভ ও হিতকর বিধানদ্বারা স্বীয় পল্লীখানি শ্রীযুক্ত করিয়া রাখিতেন। অনেক পল্লীতেই পল্লীর জমিদারের সঙ্গে গরীব প্রজাগণের যে সম্পর্ক ছিল, তাহা মেহ-সদ্ব্রমের। জমিদারবাড়ীতে সন্ধ্যায় পূজার আরতিসূচক শঙ্খ ঘণ্টা ও খোল করতাল বাজিয়া উঠিলে, প্রজাগণ আনন্দে মনিববাড়ী জুড়িত, আবালাবৃদ্ধ সকলে সঙ্গীর্ণনের প্রসাদ পাইত। মনিব বাড়ীর সুখের হিল্লোলে পল্লীর সমস্ত চিত্রটি যেন আনন্দে কাঁপিত। পল্লীর সমস্ত মুখ হুঃখ—মনিববাড়ীর বহির্বাটা ও অন্তঃপুর আনন্দিত

বা ব্যথিত করিত। প্রত্যেকখানি গ্রাম একটি সমগ্র শান্তির চিত্রের আয় ছিল,—তাতিপাড়ার কাপড় প্রস্তুত হইত, কর্মকারপাড়ার ও কাঁসারিপাড়ার নিত্য ব্যবহারের উপযোগী জিনিষগুলি প্রস্তুত হইত, মৎস্যজীবীগণ গ্রামের নদীতে ক্ষুদ্র ক্ষুদ্র ডিম্বায় বসিয়া মাছ ধরিত, গ্রাম্য-ক্ষেত্র অকাতরে স্বর্ণশীর্ষ ধাতু লইয়া বুক ফুলাইয়া গ্রামের সৌভাগ্যের কথা জ্ঞাপন করিত,—গ্রামের বাজার-খানি স্বীয় ক্ষুদ্র আড়ম্বরবর্জিত এবং আবশ্যক সামগ্রী লইয়া পল্লীর অভাব মোচন করিবার সম্পূর্ণ যোগ্য ছিল। গ্রাম্য গাভী হৃষ্টপুষ্ট দেহে স্বীয় বৎস ও গ্রামবাসিগণের পোষণোপযোগী সুধাতুল্য দুগ্ধ দান করিত।

সেই এক দিন ছিল, আমরা এখনও বৃদ্ধ হই নাই, কিন্তু আমরাও সেই সময়ের আভাষ শৈশবে প্রত্যক্ষ করিয়াছি। যে আমোদ-কলরব-মুখর-সুখলক্ষ্মী পল্লীগ্রামের গ্রাম-পল্লবচ্ছায়া হইতে চিরতরে বিদায় লইয়াছেন, তাহার মুকুটের শেষ আভাটুকু আমাদের শৈশব-জীবনের উপর















প্রাপ্ত উদ্দেশ্য মতে অথ আমরা 'প্রদীপের পাঠক-বৃন্দকে নিয়োজিত ক্ষুদ্র কাব্যখানি উপহার প্রদান করিতেছি।

### শনির পাঁচালী।

বঙ্গের প্রাচীন বড় বড় কবিগণেরই জীবনকাহিনী অন্ধকার-গুহা-নিহিত, ক্ষুদ্র কবিগণের ত কথাই নাই! এই ক্ষুদ্র পুঁথির রচয়িতা 'দ্বিজ বিনোদ' সম্বন্ধেও আমরা কোন বৃত্তান্ত হস্তগত করিতে পারি নাই। কিন্তু সে জন্ত আমাদের ক্ষোভ কি? পুরাতত্ত্ব-হীনতার জন্ত ত আমরা জগতের নিকট চিরকলঙ্কিত হই আছি!

পুঁথিখানি কিরূপ সুন্দর অথবা কতদিনের প্রাচীন, ভাষালোচনা করিয়া পাঠকগণ তাহা নিজেই মীমাংসা করিবেন। আমরা সে বিষয়ে কিছু বলিব না। প্রাচীন সাহিত্যের সৌন্দর্য্য প্রদর্শন জন্ত আমরা লালায়িত নহি; ঐতিহাসিকতার জন্তই তাহা আদরণীয়। এই পুঁথিখানি চট্টগ্রামী-সম্পত্তি বলিয়া বোধ হয় না। চট্টগ্রাম—আনোয়ারাবাসী উমাকান্ত শর্ম্মা 'নীলকান্দি' হইতে পুঁথিখানি নকল করিয়া আনিয়াছিলেন। সে আজ প্রায় ৫০। ৬০ বৎসরের কথা। মূল প্রতিলিপিতে লিপি-কালটি দেওয়া হয় নাই; প্রাচীন বাঙ্গালা কাগজের উভয় পৃষ্ঠে ইহা লিখিত হইয়াছে।

এই পুঁথির প্রতিপাদ্য বিষয়ে অর্থাৎ শনি-পূজা বা তন্মাহাত্ম্য সম্বন্ধে বাক্য পল্লবিত করার কোন প্রয়োজন দেখিতেছি না। শনি-পূজা আজও হিন্দুর মধ্যে বিশেষ রূপে প্রচলিত আছে। আশ্চর্য্যের বিষয় যে, সত্যপীরের পাঁচালী, শনির পাঁচালী, সূর্য্য ব্রতের পাঁচালী ইত্যাদি দেবমাহাত্ম্যাজ্ঞাপক পুঁথিগুলির উপাখ্যানসমূহ সকল দেশে সকল সময়ে একইরূপে চলিয়া আসিয়াছে;—মূলতঃ সকলেরই পরস্পর সাদৃশ্য রহিয়াছে! বাঙ্গালীর হৃদয়-বৃত্তির এই গতি পর্যালোচনার সামগ্রী, তাহাতে আর সংশয় নাই। বাহা হউক এইরূপেও যে আমাদের একটা সাহিত্য হইয়াছে, তাহাতে আমাদের নিজকে সৌভাগ্যবান মনে করিতে হইবে।

বোধ হয় অনেকেই জানেন, একমাত্র প্রতিলিপির

সাহায্যে কোন প্রাচীন রচনাই বিশুদ্ধরূপে প্রচারিত করা যায় না। এই জন্তই এই পুঁথির পাঠ মধ্যেও স্থানে স্থানে কিছু কিছু ভ্রম-প্রমাদ পরিলক্ষিত হইবে। বলিয়া রাখা উচিত যে, প্রাচীন সাহিত্যের অশুদ্ধি-শোধন, মহাজন-সম্মত নহে বলিয়া, আমরা পাঠোদ্ধারকার্য্যে অনেক স্থানে প্রাচীন বর্ণ-বিত্যাস পদ্ধতিরই অনুসরণ করিব। কিম্বদিক-মিতি। পুঁথিখানি এইরূপ:—

### অথ শশৈশচরায় নমঃ।

সরস্বতী পদযুগে করিয়া প্রণতি।  
ব্যাস বৃহস্পতি পদে করিয়া ভকতি ॥  
নবগ্রহ মধ্যেতে প্রধান গ্রহ শনি।  
বার দৃষ্টে গণেশের মুণ্ড হৈল হানি ॥  
প্রত্যক্ষ জানিয়া ভাই হইয় সাবধান।  
মনের মানসে পূজা করহ তাহান ॥  
দেবতা হৈয়াছে পূর্বে এই বিবরণ। (?)  
লোকেতে হএছে যেই শুনহ এখন ॥  
চম্পক রাজ্যেতে ছিলো এক দ্বিজবর।  
পিতৃমাতৃ ছিলো নাই ( নাই ) সহোদর ॥  
দয়াশীল কুলমান বিপ্র মহামতি।  
ভাষ্যার সহিত বিপ্র করহে রক্ষতি (?) ॥  
জীবনের উপায় না দেখি কোন মতে।  
কি করিব উপায় পরে বলহ আমাতে ॥  
ব্রাহ্মণী বোলেন প্রভু স্থির কর মন।  
মহাশুণী রাজা আছে নামে সুদর্শন ॥  
বণিক্য কুলেতে জন্ম কুলেতে প্রকাশ।  
অধ্যাপক হইয়া তুমি যাও তার পাশ ॥  
আপনা ধর্ম্মের কথা কহিও রাজাকে।  
শিশু পড়ানের কাজে রাঙ্কিবে তোমাকে ॥ ১০ ॥  
এতেক বচন দ্বিজ প্রত্যয় মানিয়া।  
সহসাত রাজপুরে গেলেন চলিয়া ॥  
জোর হস্ত করি বিপ্র লাগে বোলিবারে।  
রাজা বোলে কি চাহ বিপ্র বলহ সত্বরে ॥  
বিপ্র বোলে মহারাজা করি নিবেদন।  
আমার সমান হুঃখী নাহি ত্রিভুবন ॥

যদি অল্পকূল মোরে কর নৃপবর।  
রাজপুত্র পড়াইব থাকি নিরাস্তর ॥  
এথেক শুনিয়া যদি রাজা সুদর্শন।  
চৌপারিতে \* নিবোজিয়া রাখিলা ব্রাহ্মণ ॥  
হুই জনের অন্ন বস্ত্র রাজ দ্বারে পাএ।  
আনন্দিত হৈয়া বিপ্র বালক পড়ায় ॥  
এক দিন শনি গ্রহ রাজ দ্বারে বাইতে।  
সেই বিপ্র সঙ্গে দেখা হইলো অকস্মাতে ॥  
বালক সহিতে পূর্বে শাস্ত্র পড়িছিলো।  
অধ্যাপক দেখি শনির দয়া উপর্জিলো ॥  
শনি বোলে বর নেও ব্রাহ্মণ নন্দন।  
বিপ্র বোলে বরদাতা হও কোন জন ॥  
যদি মোরে রূপায়ুক্ত হৈলা মহাশয়।  
আপনার পরিচয় দেঅ মহাশয় ॥ ২০ ॥  
ব্রাহ্মণের কথা শুনি তুষ্ট হৈয়া অতি।  
শনি গ্রহ নাম মোর শুন মহামতি ॥  
ভক্তি করি মোর সেবা করহে যেই জন।  
অপমৃত্যু নাই তার অকালে মরণ ॥  
সেবার বিধান কহি শুন মন দিআ।  
জ্ঞাতি বন্ধু সকল আনিবো নিমন্ত্রিয়া ॥  
সোআ সের প্রমাণ তগুল চূর্ণ যে করিবা।  
স্বত মধু ছদ্ম দিআ রচনা করিবা ॥  
নৈবিদ্য বেষ্টিত করিয় রন্তাফলে।  
সোআ সের ইক্ষুরস শর্করা মিশালে ॥  
আর যথ নানা দিব্ব ( দ্রব্য ) দিয় নানা ফলে।  
মধ্যে লৈআ বসিবেক বাঙ্কব সকলে ॥  
আর এক কথা আমি কহি যে তোমাতে।  
অভিপ্রায় মত দিব্ব ( দ্রব্য ) করিয় সাক্ষ্যতে ॥  
পাচালির মত কথা কহিহ ব্রাহ্মণে।  
দণ্ডবত হৈয়া করিয় নিবেদনে ॥  
সেবার বিধান এহি শোনহ ব্রাহ্মণ !  
নাগ অভীষ্ট বর সেই লয়ে মন ॥  
শুনিয়া ব্রাহ্মণ তবে হইল বিস্ময়।  
আমার রাশিতে ভোগ অবশু আছয় ॥ ৩০ ॥  
রূপা করি বর যদি দিতে চাহ মোরে।

\* চৌপারি—'চতুপাটী'র অপভ্রংশ মাত্র।

তোমা অধিকার ছাড় আমার উপরে ॥  
দ্বিজের বচন শুনি হইলো কৌতুক।  
বৎসর নিয়মে দণ্ড করিবেক ভোগ ॥  
দশ দণ্ড অধিকার তোমার উপর।  
এতেক বোলিয়া শনি হইলা অন্তর ॥  
বরে আসি সব কথা কৈল ব্রাহ্মণীয়ে।  
আজ্ঞানুসারের কন্ম করিতে লাগিলো ॥  
শনির রূপায়ে দ্বিজ বহু ধন পাইলো।  
এই মতে বহুকাল সুখে গো গাইল ॥  
মনের কৌতুকে সুখে বঞ্চয়ে ব্রাহ্মণ।  
দৈবযোগে শনির ভোগ হৈল উপক্রম ॥  
দশ দণ্ড ভোগ শনি সাক্ষ্যতে পাইলো।  
হেন কালে সেই বিপ্র হাটেতে চলিলো ॥  
হাটেতে আসিয়া বিপ্র নানা দিব্ব ( দ্রব্য ) কিনে।  
গ্রহরাজ শনিদেব সেবার কারণে ॥  
দ্রব্য দিয়া ভাগু ভরি বাড়িতে চলিলো।  
মূল্য দিয়া রহিতের মুণ্ড এক লৈল ॥  
শনির কপটে অঙ্গের বর্ণ হানি হৈল।  
তরুতলে আসি বিপ্র বিশ্রাম করিল ॥ ৪০ ॥  
সুদর্শন রাজার পুত্র নামেতে সুদৃষ্টি।  
উদ্যানেত গায়াছিল \* আপনার রিষ্টি ॥  
পুত্রকে ডাকিয়া রাজা না পাইলো সত্বর।  
কোতোআল আনি রাজা তজ্জিলো বিস্তর ॥  
রাজার আদেশে দূত করিলো গমন।  
তরুতলে বিপ্রসনে হৈল দরশন ॥  
ব্রাহ্মণের সনে তবে দূতে কহে কথা।  
শনির কপটে দেখি রাজপুত্রের মাথা ॥  
দূতে বোলে বিপ্র তুমি চলহ সত্বর।  
বিপ্র নি' ( নিয়া ) ভেটি দিলো রাজার গোচর ॥  
তোমার পুত্রের মাথা দেখহ রাজন।  
না জানি কি রূপে ছেদ করিছে ব্রাহ্মণ ॥  
পুত্রশোকে সুদর্শন বিচার না কৈল।  
অস্ত্রধারী দূত স্থানে ব্রাহ্মণ ভেটিলো ॥  
দূতের প্রতাপে দ্বিজের কম্পিত অন্তর।  
বুঝিলাম পরিত্রাণ নাহিক আমার ॥

\* গিয়াছিল।

দ্বিজ বোলে শুন দূত আমার বচন।  
 তোমার হস্তে হৈল আমার মরণ ॥  
 কিন্তু এক নীতি আছে আমার কুলেতে।  
 মহামন্ত্র জপ করি যম ঘরে যাইতে ॥ ৫০ ॥  
 দূতে বোলে মন্ত্র জপ কর শীঘ্রগতি।  
 মালা হস্তে বসিলেক বিপ্র মহামতি ॥  
 শাণ্ডিল বিষম মায়া বুজন সংশয়।  
 মারিয়া জীআইতে পারে সেই মহাশয় ॥  
 উদ্যান হৈতে রাজপুত্র নানা দৈব্য ( দ্রব্য ) লৈআ।  
 আপনা মন্দিরে আইলো হরসিত হৈআ ॥  
 রাজপুত্র দেখি সবে হরি হরি বোলে।  
 অকারণে ব্রহ্মবধ কৈল মহীপালে ॥  
 পুত্রেরে দেখিয়া রাজা হৈল হরসিত।  
 কোতআল স্থানে রাজা বলিল স্বরিং ॥  
 বিলম্ব না কর দূত চল শীঘ্রগতি।  
 আমার সাক্ষাতে আন বিপ্র মহামতি ॥  
 রাজার আজ্ঞায় দূত চলিল সত্বরে।  
 দেখে বিপ্র বসিআছে মালা জাপ করে ॥  
 কর জোর করি দূত বোলে তার কাছে।  
 তোমাকে নিবার আজ্ঞা দিআছেন রাজে ॥  
 শীঘ্র করি চল যাই ব্রাহ্মণ নন্দন।  
 এত শুনি দ্বিজবর হরসিত মন ॥  
 দূতের বচনে বিপ্র মালা সম্ভারিলো ( সম্বরিল ? )।  
 রাজার সাক্ষাতে যাইআ উপস্থিত হৈল ॥ ৬০ ॥  
 দণ্ডবত হৈআ রাজা পড়িলা চরণে।  
 বিবেচিআ কহ গোসাঞী শুনি বিবরণ ॥  
 ব্রাহ্মণে বোলেন আমি কিছু নাই জানি।  
 দশ দণ্ড ভোগ মাত্র পাইআছিলো শনি ॥  
 এতক শুনিআ রাজা বড় তুষ্ট হৈল।  
 বহু মূল্য ধন দিআ ব্রাহ্মণ তুষিল ॥  
 করিল অনেক দোষ ক্ষেম মহাশয়।  
 প্রণতি করিআ বহু করিলো বিনয় ॥  
 দ্বিজ ( বোলে ) তোমার দোষ নাইক রাজন।  
 শণ্ডির কপটে হৈল এত বিড়ম্বন ॥  
 রাজা বোলে কহ শুনি পূজার বিধান।  
 বিবেচি কহিতে লাগিল বিছমান ॥

ব্রাহ্মণের মুখ হৈতে শুনিআ বচন।  
 সরয্যা ( স্বরাজ্য ? ) মিলি করে শণ্ডির সেবন ॥  
 ঘরে গিআ ব্রাহ্মণে কহিল বিবরণ।  
 করহ শণ্ডির সেবা করিআ যতন ॥  
 এই মতে শণ্ডির সেবা করে মাসে মাসে।  
 শণ্ডির কৃপাএ তার দরিদ্রতা নাশে ॥  
 মধুকর নামে দাস ছিলেক নগরে।  
 কাল পাইআ সেই দাস গেল যম ঘরে ॥ ৭০ ॥  
 তার এক কণ্ঠা আছে নামেতে নগরি।  
 গ্রামে গ্রামে ঘরে ঘরে ফিরে ভিক্ষা করি ॥  
 এই মতে কষ্ট করি ছুই জনে খায় ॥  
 দৈব যোগে এক দিন বিপ্র ঘরে যায় ॥  
 ব্রাহ্মণের সজ্জা দেখি বিস্ময় হইলো।  
 দরিদ্র ব্রাহ্মণ ছিলো ধন কোতায়\* পাইলো।  
 সেই দিন রহিলেক ব্রাহ্মণের ঘরে।  
 দিবাগতে ব্রাহ্মণে যে সেবার সজ্জা করে ॥  
 কুমারী জিজ্ঞাসাতে বোলিল ব্রাহ্মণ।  
 করিবো শণ্ডির সেবা শুনি দিআ মন ॥  
 এই ব্রত করে যেই কার্য মন চিত্তে।  
 ধন জন দেন, বোড়া রাজ্য পারে দিতে ॥  
 এত শুনি কুমারী যে দৃঢ় ভক্তি কৈলো।  
 প্রসাদ পাইআ রামা কামনা করিলো ॥  
 আর দিন যেই মত ভিক্ষা পাইআছিলো।  
 তাহার দ্বিগুণ ভিক্ষা সেই দিনে পাইলো ॥  
 ঘরে আসি মাএ বিএ তারা ছুই জন।  
 করএ শণ্ডির সেবা আনন্দিত মন ॥  
 দৈব যোগে এক সাধু নামে চন্দ্রহাস।  
 শণ্ডির কপটে তার হৈল সর্কনাশ ॥ ৮০ ॥  
 চৌদ্দ ডিঙ্গা সনে সাধু সাগরে ডুবিলো।  
 জল মধ্যে সাধুসুত ভাসিতে আছিলো ॥  
 ছুই রাত্র একদিন ভাসিয়া ভাসিয়া।  
 মধুকর নারী ঘাটে লাগিলো আসিআ ॥  
 মধুকরের নারী আইলো ভরিতে কলসী।  
 দেখিআ বোলিল সাধু শুনি বৃদ্ধ মাসি ॥  
 আমায় যদি তোল তুমি হস্তেতে ধরিআ।

\* কোতায়—কোথায়।

গাইবো তোমার গুণ জগত ভরিআ ॥  
 নারী বোলে শুনি সাধু তবে আমি ধরি।  
 আমার ঘরেতে আছে পরম সুন্দরী ॥  
 যদি বিহা কর সাধু সত্য কর তুমি।  
 পরম যতনে তোমায় উদ্ধারিবো আমি ॥  
 সাধু বোলে শুনি মাসি যদি ইহা পাই।  
 মানিআ আনন্দ আমি থাকি এই ঠাই ॥  
 ধর্মসাক্ষী করিয়া মা ( মাসি ) তুলিলো সাধুরে।  
 পরম আনন্দে নিলো আপনার ঘরে ॥  
 শণ্ডির কপটে সাধুর বুদ্ধি নাই সরে।  
 মধুকর ঘরে গিআ কণ্ঠা বিহা করে ॥  
 ইষ্ট মিত্র চলি গেল আপনার ঘরে।  
 বিবাহের অনুরূপে সেবা নাই করে ॥ ৯০ ॥  
 দৈবযোগে সেবা যদি মনেতে পড়িল।  
 শয্যা হৈতে উঠিষ্ঠে \* রামা সেবা আরম্ভিল ॥  
 সাধু বোলো কোন্ দেব সেবিলা নিশ্চয়।  
 এই দেবের সেবা কৈলে কোন্ ফল হয় ॥  
 কণ্ঠা বোলে এই সেবা যে জনে করএ।  
 মনের বাঞ্ছিত তাহা সর্ক পূর্ণ হএ ॥  
 হরিলে সে ধন পাএ মৈলে জীয়ে পুনি।  
 সাধু বোলে বহুধন হারিছি রমণি ॥  
 এই সব ধন যদি ভাসিয়া উঠয়।  
 অর্দ্ধেক শণ্ডির সেবা করিমু নিশ্চয় ॥  
 কথ দিন পরে সাধু মনে কৈল সার।  
 বাণিজ্য করিতে আমি যাবো পুনর্বার ॥  
 শাশুড়ীতে নিবেদিল সাধুর কুমার।  
 বাণিজ্যেতে যাই মাগো আজ্ঞা যে তোমার ॥  
 শাশুড়ী শুনিয়ে বোলে হরসিত মনে।  
 শণ্ডির কৃপায় ধন তোলে তথক্ষণে ॥  
 অর্দ্ধেক ভাসিআ শণ্ডি পূজিলো তখনে।  
 শণ্ডি দেব পূজা তুমি করহ যতনে ॥  
 রমণীরে বোলে সাধু আনন্দিত মনে।  
 হাসিআ বিদায় নোরে করহ এখনে ॥ ১০০ ॥  
 এতক শুনিআ রামা দিলেক উত্তর।  
 কুশলে বাণিজ্য করি আইস প্রাণেশ্বর ॥

\* উঠিষ্ঠে—উঠিয়া।

পুরী মধ্যে হইলেক মঙ্গল জোকার।\*  
 উঠিলেক চন্দ্রহাস নৌকার মাজার ॥  
 কাণ্ডারীকে বলিলেক সাধুর নন্দন।  
 উত্তরে গজেন্দ্র পাট করহ গমন ॥  
 বিপদ হইলে মাত্র বুদ্ধি হয়ে নাশ।  
 হেলা করি শণ্ডিকে না পূজে চন্দ্রহাস ॥  
 রাত্র দিবা দ্বাদশ দিবস বাহি গেলো।  
 ত্রয়োদশ দিবসে গজেন্দ্র রাজ্য পাইলো ॥  
 গজেন্দ্র দেশের রাজা নামে কুচগীরি।  
 আচম্বিতে রাজার সর্কস্ব হইলো চুরি ॥  
 যেই ঘাটে ছিলেক সাধু চন্দ্রহাস।  
 চোরে তান ধন লৈয়া গেল তার পাশ ॥  
 বহু মূল্য দিব্য ( দ্রব্য ) দেখিয়া সদাগর।  
 চন্দ্রহাস সেই দিব্য ( দ্রব্য ) কিনিল সত্বর ॥  
 প্রভাতে উঠিআ রাজা বসি সিংহাসনে।  
 কোতআলো আনি রাজা করিলো তর্জন ॥  
 রাজার আদেশে দূত চারি দিগে যায়।  
 শণ্ডির কপটে সাধু চোর ধরা খায় ॥  
 বান্ধিয়া সাধুরে নিলো রাজার গোচরে।  
 বন্দি করি সাধুরে রাখিল কারা ঘরে ॥ ১১৯ ॥

লাচারি।

করি হরি বিস্মরণ, (?) কান্দে সাধু নন্দন,  
 কেনে বিধি বিড়ম্বিলা নোরে।  
 ভূমণ্ডলে জননিয়া, নানাবিধি ছুখে পাইয়া,  
 ভালো বুদ্ধি না সরে আমার।  
 তুমি প্রভু ( নিরঞ্জন ), পতিত পাবনের ধন,+  
 তুমি প্রভু সংসারের সার।  
 অগতির গতি তুমি, বিশেষ অগতি আমি,  
 কৃপা করি করহ নিস্তার ॥

পয়ার চন্দ।

এই মতে সদাগরে করিলো স্তপন ( স্তবন ? )।  
 পুস্তক বাড়িআ যায়ে সঙ্ক্ষেপে রচন ॥

\* জোকার—জয়কার ? জয়ধ্বনি।

+ 'পতিত পাবনের' হলে সম্ভবতঃ 'পতিতের পাবন' হওয়ার  
 ছিল।

সাধুর ক্রন্দনে দেবের দয়া উপজিলো ।  
 রাজার অন্তরে গিআ প্রবেশ করিল ॥  
 নিদ্রায় আছয়ে রাজা বিচিত্র আসনে ।  
 স্বপ্নমতে কহে শনি নৃপতির কাণে ॥  
 শুন শুন নরপতি আমার বচন ।  
 আপনে গৃজিয়া (?) আছ আপনা মরণ ॥  
 কল্য মুক্ত না করিলে সাধুর নন্দন ।  
 বিপদ ঘটিবে তোমার শুনহ বচন ॥  
 এথেক বলি শনি গেলা নিজ স্থানে ।  
 বর (?) \* পাইআ কুচগীরি উঠে নিদ্রা হনে † ॥  
 কোতআল স্থানে আজ্ঞা কৈল নৃপবর ।  
 সাধুরে লইয়া আইস আমার গোচর ॥ ১২০ ॥  
 রাজার আদেশে দূত গেলেক সত্বর ।  
 কারাগার হৈতে সাধু আনিলো গোচর ॥  
 রাজা বোলে সদাগর কহত সত্বর ।  
 কি হেতু হইলো মর (মোর) এত অভ্যন্তর ॥ ‡ ॥  
 এত শুনি সদাগরের হইল স্মরণ ।  
 শণির কপটে আমার এথ বিড়ম্বন ॥  
 রাজা বোলে কহ শুনি সেই উপদেশ ।  
 উপদেশ পাইলে তোরে তুষিবো বিশেষ ॥  
 দ্বিজ বিনোদ বোলে শুন নৃপমণি ।  
 বহু মূল্য তুমি পাইবা দরশন শনি ॥

রাজা বোলে কোতআল চলহ সত্বর ।  
 রাজ্যেতে জানাঅ গিআ প্রতি ঘরে ঘর ॥  
 সর্ব রাজ্য মিলি কর শণির সেবন ।  
 সাধুরে বিদায় কর দিআ বহুধন ॥  
 সাধুকে বিদায় যদি করিলো রাজন ।  
 চলিলেক চন্দ্রহাস আনন্দিত মন ॥  
 সদাগর বিদায় করিআ নরপতি ।  
 করিল শণির সেবা করিআ ভকতি ॥

\* 'বর' স্থলে সম্ভবতঃ 'ডর' হইবে ।

† হনে—হইতে ।

‡ 'অভ্যন্তর' না হইয়া সম্ভবতঃ 'অখ্যন্তর' হওয়ার ছিল ।  
 (অখ্যন্তর—বিপদ ।) এই চরণহ 'মোর' স্থলে 'তোর' পাঠ হইলে  
 অর্থের সঙ্গতি হইত ।

শণির রূপায় রাজ্যের গ্রহপীড়া গেলো ।  
 পূর্ব হৈতে ধনবিদ্ধি ( বুদ্ধি ) শতগুণ হৈল ॥ ১৩০ ॥  
 কুচের নগরে শনি পূজে মাসে মাসে ।  
 ( আপনার গৃহে চলি আইল ) \* চন্দ্রহাসে ॥  
 ( শুভযোগে আনি ) \* নৌকা ঘাঠেত লাগাইল ।  
 বার্তা পাঠাইআ দিল শাশুড়ী নিকটে ॥  
 মঙ্গল করি আইলো আনন্দিত মন ।  
 ( আশীষ করিয়া ? ) \* নৌকার খুলিলেক ধন ॥  
 ঘরে আসি শণিকে পূজিল চন্দ্রহাস ।  
 শণির প্রসাদে তার দুঃখ হৈল নাশ ॥  
 মানিয়া শণির সেবা যেনাই করে ।  
 সঞ্চিত যে ধন তাহার দিনে দিনে হরে ॥  
 সকল গ্রহের মধ্যে প্রধান গ্রহ শনি ।  
 সেবিলে সহস্র লাভ না সেবিলে হানি ॥  
 এই পাচালি যেনা করে অবহেলা ।  
 নিশ্চয় জানিয় সেই যম ঘরে গেলা ॥  
 দ্বিজ বিনোদ বোলে শুন সাধু ভাই ।  
 শনি দেব পরে আর অল্প দেব নাই ॥  
 দণ্ডবত কর তবে সর্ব ভক্তগণ ।  
 শণির পাচালি কথা হৈল সমাপন ॥ ১৩১ ॥  
 "ইতি শণির পাচালি সমাপ্ত । শ্রীউমাকান্ত শর্মা  
 হাল সাকিন নিলকান্দি এই পুস্তক ।"

উক্ত 'নিলকান্দি' কোথায় ?

শ্রীআবহুল করিম ।



\* বহুদী মধ্যস্থ অংশগুলি পুঁথিতে কীটভুক্ত হইয়াছে ।

## সপত্নী ।

### তৃতীয় খণ্ড ।

#### প্রথম পরিচ্ছেদ ।

বর্ধমান রেল ষ্টেশনের নিকট প্রায় সারাদিনই গুল-  
 জার । অনবরত ভাড়াটিয়া ঘোড়ার গাড়ী যাত্রী লইয়া  
 আসিতেছে এবং নবাগত জনকে লইয়া যাইতেছে । রেল-  
 ওয়ের সাহেব ও দেশীয় কর্মচারিগণের যাতায়াতের বিরাম  
 নাই বলিলেই হয় । ষ্টেশনের মধ্যে মুসাপিরখানায় প্রায়  
 সকল সময়েই অনেক লোক ; কেহবা পশ্চিমে যাইবে,  
 কেহবা পূর্বে যাইবে, সকলেই ট্রেণের নিমিত্ত অপেক্ষা  
 করিতেছে । কেহ বা ছোট একটু শতরঞ্চি বিছাইয়া শয়ন  
 করিয়াছে, কেহ বা মাল বোঝাই বস্তার উপর বসিয়া কিম্বাই-  
 তেছে, কেহ বা একটা কাঠের সিঁক্কের উপর ব্যাগ মাথায়  
 দিয়া পড়িয়া আছে, কেহ বা প্রকাণ্ড একখানি বেঞ্চের  
 উপর বসিয়া আছে, কেহবা তামাক সাজিতেছে, কেহ বা  
 তাহার কলিকার প্রসাদ পাইবার আশায় বলিতেছে,—  
 "একটা ঠিকরা কুড়াইয়া দিব কি ? আপনার কাছে দিয়  
 শলাই আছে ?" একজন তামাক খাইতেছে দেখিয়া কেহ  
 বা ব্যাগ হইতে নির্জল হুঁকাটা বাহির করিয়া, ধূমপায়ীর  
 নিকটে গিয়া বসিতেছে এবং বলিতেছে,—"কতদূর যাইতে  
 হইবে, মহাশয় ?" অপেক্ষাকৃত কোন ইতর লোক একটু  
 দূরে দাঁড়াইয়া বলিতেছে,—"বাবু কলিকাটা একবার  
 দিবেন কি ?" বেঞ্চের উপর উপবিষ্ট কেহ কেহ সস্তা সিগা-  
 রেট টানিতেছে, কেহ বা পানের দোনা বাহির করিয়া,  
 পার্শ্বস্থ ব্যক্তি-বিশেষকে জিজ্ঞাসিতেছে, "মহাশয় ! একটা  
 খাবেন কি ?"

একটু ফাঁকা জায়গায় একখানি কঞ্চল পাতিয়া চারিটি  
 ভজলোক বসিয়াছেন, তাঁহাদের সঙ্গে ধ্রুপ বাঁধা রেলওয়ের  
 রগ্ জড়ান বিছানা আছে, বিলাতী ট্রাঙ্ক আছে, গড়-গড়া  
 আছে এবং একজন ভৃত্য আছে । ভৃত্য বড় কলিকায়  
 তাওয়া দিয়া তামাক সাজিয়া দিয়াছে, বাবুরা তাহা একে

একে সেবন করিতেছেন । তাঁহাদের মধ্যে একজন এক-  
 খানি ষ্টেটস্ম্যান খবরের কাগজ পড়িতেছিলেন । দুইজন  
 বিছানার বাণ্ডিলের উপর মাথা রাখিয়া শুইয়াছিলেন,  
 চতুর্থ ব্যক্তি একটা ষ্টীল ট্রাঙ্কে হেলান দিয়া বসিয়াছিলেন ।  
 অমুমান পঞ্চচত্রারিংশ বর্ষ বয়স্ক এক পুরুষ হুঁকা হাতে  
 করিয়া তাঁহাদের নিকটে আসিয়া মাটিতে বসিল, তাহার  
 বস্তাদি অতিশয় মলিন, পায়ে জুতা অনেক তালি-যুক্ত, বগলে  
 একটি ভাঙ্গা ছাতা, বাম হস্তে গামছা জড়ান একটি ছেঁড়া  
 ক্যাম্বিসের ব্যাগ । লোকটির আকৃতি অতিশয় কুশ এবং  
 শরীরের উর্দ্ধভাগ সম্মুখের দিকে একটু নত, তাহাকে  
 দেখিলেই বুঝা যায় যে, সে অধিক মাত্রায় অহিফেন সেবন  
 করিয়া থাকে । ধীরে ধীরে সতৃষ্ণ নয়নে কলিকার পানে  
 চাহিতে চাহিতে, এ ব্যক্তি বাবুদিগের নিকট আসিয়া  
 বসিল । যিনি ট্রাঙ্কে হেলান দিয়া বসিয়াছিলেন, তিনি  
 বলিলেন,—"তামাক খাইতে চাহ তুমি ?"

আগন্তুক বলিল,—"আজ্ঞে হাঁ ! বড় ভাল তামাক,  
 বেশ গন্ধ বাহির হইয়াছে ।"

পূর্ব বক্তা বলিলেন,—"খাইতে পার, কলিকা তুলিয়া  
 লও ।"

তখন সেই দরিদ্র অভ্যাগত অতি সাবধানে কলিকার  
 নিয়মদেয় ধরিয়া তুলিয়া লইল এবং আপনার ছোট পাকা  
 কুচ্-কুচে হুঁকাটির উপর বসাইয়া দিল । ঘোড়ার স্কন্ধে হাতীর  
 মাথার মত বড় গরমানান হইল, তা হোক, লোকটা  
 চক্ষু বুজিয়া আস্তে আস্তে হুঁকা টানিতে লাগিল ; তাহার  
 হুঁকা বেশ কল-শুদ্ধ এবং তাহার ভিতরে একটু জল ছিল ।  
 ফরফর শব্দে সে প্রাণ ভরিয়া তামাক খাইতে লাগিল ।  
 কিন্তু হায় বিধাতা কাহাকেও নির্বিঘ্নে সুখভোগ করিতে  
 দেন না, পরমানন্দে অস্বথের বিষ ঢালিয়া দেওয়াই বৃষ্টি  
 ভগবানের নিয়ম । সুখের গতি স্বল্পকালেই নিরোধ করা,  
 বোধ হয়, জগতের ব্যবস্থা ।

যিনি খবরের কাগজ পাঠ করিতেছিলেন, তিনি বলিয়া  
 উঠিলেন,—"বড় ভয়ানক কাণ্ড, কলিকাতায় সদর রাস্তার  
 উপরে একটা মেয়ে মানুষ খুন হইয়াছে ।"

যাঁহারা চোক বুজিয়া বিছানা হেলান দিয়া পড়িয়া-  
 ছিলেন, তাঁহাদের একজন বলিল,—"কি রকম  
 শুনি ?"

অপর ব্যক্তি উঠিয়া বসিলেন । যিনি ট্রাক হেলান দিয়াছিলেন, তিনি বলিলেন, “ভাল করিয়া বল ।”

কিন্তু এই সামান্য সংবাদ সেই দরিদ্র ধূমপায়ীর সমস্ত আরাম ও শান্তি অতি ভয়ানকরূপে নষ্ট করিয়া দিল । খুন হইয়াছে শুনিবামাত্র, সে এতই চমকিয়া উঠিল যে, কলিকা হইতে একটা জলস্ত গুল ছিটকাইয়া তাহার মাথার উপর দিয়া গড়াইতে গড়াইতে মাটিতে পড়িল, সে প্রাণপণ যত্নে চক্ষু বিস্তৃত করিল,—তাহার ওষ্ঠাধর পরস্পর দূরবর্তী হইয়া, এক বিকট গহবরের সৃষ্টি করিল । যে দুইটি বাবু বসিয়াছিলেন এবং যিনি সংবাদপত্র পাঠ করিতেছিলেন, এই হাশ্বজনক দৃশ্য, সে তিন জনেরই দৃষ্টি আকর্ষণ করিল ।

সংবাদপত্র পাঠকারী বলিতে লাগিলেন,—“একটি সুন্দরী যুবতী স্ত্রীলোককে ছুরির আঘাতে মারিয়া ফেলিয়াছে ।”

একজন জিজ্ঞাসিলেন, “কে মারিল?”

সংবাদপত্র পাঠকারী বলিলেন,—“প্রকাশ নাই । হত্যাকারী ধরা পড়ে নাই ।”

আর একজন জিজ্ঞাসিলেন,—“কোথায় ঘটনাটা হইল?”

“টাকশালের কাছে, বড় রাস্তার উপর ।”

“যাহাকে মারিল, তাহার কোন পরিচয় প্রকাশ আছে?”

“না ।”

“বোধ হয় বেশী?”

“না । তাঁহার হাতে লোহা, শাঁখা, সীঁথায় সিম্পুর, বেশার কোন লক্ষণ বুঝা যায় না ।”

“কোন লোক তাহাকে চিনিতে পারিয়াছে?”

সংবাদপত্র পাঠকারী বলিলেন,—“না, বোধ হয় অল্প স্থানের লোক ।”

যে আগন্তুক হাঁ করিয়া শুনিতে ছিল, সে হুঁকা হাতে করিয়া দাঁড়াইয়া উঠিল । সংবাদপত্র পাঠকারী বলিতে লাগিলেন,—“যখন পুলিশ তাহাকে রাস্তায় পতিত দেখিতে পায়, তখন সে মরে নাই । হস্পিটালে চালান দেওয়ার পর তাহার মৃত্যু হইয়াছে । মরিবার আগে সে দুই কথা বলিয়াছে,—“জাতিতে ব্রাহ্মণ, নাম কুমুদিনী ।”

যে লোক হুঁকা হাতে লইয়া দাঁড়াইয়াছিল, সে

ভয়ানক চঞ্চল হইয়া উঠিল সভয়ে চারিদিকে চাহিতে লাগিল । এই বাবু চারিজনকে তাহার যমদূত বলিয়া মনে হইতে লাগিল । তখন সে কাহাকেও কোন কথা না বলিয়া চলিয়া যাইতে আরম্ভ করিল ।

একজন বাবু জোরে বলিলেন,—“যাও কোথা? কলিকাটা দিতে হইবে না, বুঝি?”

লোকটা কাঁপিয়া উঠিল । বলিল,—“আজ্ঞে না! কোথাও যাই নাই, যাব কেন?”

সে কএক পদ চলিয়া গিয়াছিল, যেখানে গিয়াছিল, হুঁকা-কলিকা সেইখানে রাখিয়া দিয়া, দৃষ্টিপাত করিতে করিতে, বিশেষতঃ বার বার পশ্চাৎ দিকে চাহিতে চাহিতে স্টেশন-ফটকের বাহিরে চলিয়া গেল ।

বাবুরা পরস্পর এই লোকের কথা আন্দোলন করিতে লাগিলেন,—“লোকটা কি রকম বল দেখি?”

আর একজন বলিলেন,—“বোধ হয় একটু মাথা খারাপ ।”

তৃতীয় ব্যক্তি বলিলেন,—“নেশাখোর, চোর ।”

সংবাদপত্র পাঠকারী বলিলেন,—“আমার তো মনে হয়, এই খুনের সহিত ইহার সম্বন্ধ আছে ।”

আর একজন বলিলেন,—“অসম্ভব নহে !”

আর একজন বলিলেন,—“রকম দেখিয়া সেইরূপ মনে হয় বটে ।”

তৃতীয় ব্যক্তি বলিলেন,—“পুলিশের হাতে দেওয়া উচিত ছিল ।”

সংবাদপত্র পাঠকারী বলিলেন,—“কাজ কি ভাই গণ্ডগোলে? আমরা রাহাপীর লোক, আবার একটা বিভ্রাট বাধাইয়া কি লাভ?”

আর একজন বলিলেন,—“এখনও কিন্তু অনেক দূর যায় নাই ।”

তৃতীয় ব্যক্তি বলিলেন,—“দূর হউক ছাই, ও ভাবনার আর কাজ নাই ।”

লোকটা স্টেশনের ফটকের কাছে আসিয়া দেখিল, সম্মুখের বৃক্ষতলস্থিত দোকানে পশ্চিমদিকে মুখ করিয়া বেঙ্গল পুলিশের এক কনেষ্টবল বসিয়া রহিয়াছে । লোকটা পা কাঁপিতে লাগিল, শরীর পড়ে পড়ে হইল । অতি কষ্টে ফটকের প্রাচীর হেলান দিয়া সে প্রকৃতিস্থ হইল।

তাহার পরে দক্ষিণপূর্বদিকে যে রাস্তা গিয়াছে, তাহাই অবলম্বন করিয়া, নিঃশব্দপদে সে চলিতে লাগিল ।

দোকান ছাড়াইয়া যাওয়ার পর সে চরণের বেগ বাড়িয়া দিল । ক্রমে সে দৌড়িতে লাগিল বলিলেই হয়; কিন্তু তাহার বিপদ আরও গাঢ়তর হইল । সম্মুখে ক্ষৌরদারী কাছারী, ইন্স্পেক্টার, দারোগা, জমাदार, কনেষ্টবল, চৌকীদার, আসামী, ফরিয়াদি সাক্ষী ইত্যাদি অনেক শ্রেণীর লোক গম্-গম্ করিতেছে । সে তখন ভয়ে মৃতকল্প হইল, কিন্তু বিপদে সাহসেরই প্রয়োজন, এই সূনীতি অরণ করিয়া, সে পশ্চিমমুখে রাস্তা অবলম্বনে আবার দৌড়িতে লাগিল । ‘যঃ পলায়তি, স জীবতি ।’ এই হিতকথার মর্ম্ম সে সুন্দররূপে প্রণিধান করিয়াছিল, সুহে নাই ।

অনেক দূর যাওয়ার পর একটা ভাঙ্গা মসজিদ তাঁহার নয়নে পড়িল । সে চারিদিকে চাহিয়া দেখিল, কোন দিকেই লোক নাই । তখন সে সাহসে ভর করিয়া, সেই ভাঙ্গা মসজিদের মধ্যে প্রবেশ করিল । সমস্ত দিন লোকটা সেই জীর্ণ লতাগুণ্ডাবৃত পতনোন্মুখ ভজনালয়ে লুকাইয়া থাকিল । রাত্রি ১১টার পর অতি কষ্টে সে সেই স্থান হইতে নিষ্ক্রান্ত হইল; এবং ধীরে ধীরে স্টেশনের অভিমুখে অগ্রসর হইতে লাগিল । যখন সে স্টেশনে আসিল তখন রাত্রি ১২টা । বাহিরের একটা লোককে মুদ্রস্থরে জিজ্ঞাসা করিয়া জানিল, সে যে ট্রেণে যাইবে, তাহার এখনও দেড় ঘণ্টা বিলম্ব আছে । স্টেশনের মধ্যে সে গেল না । বাহিরে অন্ধকার-আচ্ছন্ন এক গাছতলায় বসিয়া রহিল ।

যথাকালে টিকিটের ঘণ্টা হইল । গায়ে মোটা কাপড় দিয়া মুখের ভুরিভাগ সে ঢাকিয়া ফেলিল এবং টিকিট-ঘরের জনতার মধ্যে ঢুকিয়া পড়িল, অনেক কষ্টে সে বৈষ্ণনাথ-জংসনের এক টিকিট কিনিল । যখন সে টিকিট কিনিতেছে, তখন কোতুলপলপরবশ আর এক ব্যক্তি সাগ্রহে তাহাকে দেখিতেছিল; লোকটার ভয়ের মাত্রা অতিশয় বাড়িয়া গেল । টিকিটের দরুণ তাহার কএকটা পয়সা পাওনা ছিল, তাহা আর লওয়া হইল না । সে সেই দর্শকের নয়ন হইতে অন্তরালে যাইবার অভিপ্রায়ে কেবল টিকিট লইয়াই পলায়ন করিল ।

যথাকালে ট্রেণ আসিলে, সে প্লাটফর্মে প্রবেশ করিল, সেখানে অনেক আলোক জ্বলিতেছে । মুখের কাপড় টানিয়া টানিয়া, সে লজ্জাশীলা বস্ত্রাঙ্গনার ছায় অবগুণ্ঠন-যুক্ত হইয়া পড়িল । তাহার এইরূপ বিনদূশ ভাব দেখিয়া অনেকেই তাহার প্রতি দৃষ্টিপাত করিতে লাগিল ।

অনেক কষ্টে গয়া ও পাটনা জেলার ইতর লোক-পূর্ণ এক গাড়ীতে সে স্থান পাইল । লোকজনের কলরব কোলাহল কমিয়া আসিল, জলখাবার-ওয়ালারা ট্রেণের একধার হইতে অপরধার পর্যন্ত পরিক্রমণ করিতে লাগিল, পান, চুরট, দিয়াশলাই, হাঁকিতে থাকিল । টিকে, তামাক, কলিকা, গরম দুগ্ধ, ঘুঘুনিদানা, মুড়ির-মোরা বিক্রেতারা ডাকিতে লাগিল । ফাষ্ট-বেল হইয়া গেল । ক্রমে গাড়ী ছাড়িবার সময় নিকট হইল, ঘণ্টা-ধ্বনির পর বিকটশব্দে ইঞ্জিন আপনার সজীবতা ঘোষণা করিল । গাড়ী চলিতে লাগিল, লোকটা তখন হাঁপ ছাড়িয়া বাঁচিল ।

### দ্বিতীয় পরিচ্ছেদ ।

পরদিন বেলা প্রায় ৯টার সময় মেদিনী কাঁপাইতে কাঁপাইতে ট্রেণ আসিয়া বৈষ্ণনাথ জংসন স্টেশনে প্রবেশ করিল । যাহাদের সেখানে নামিবার প্রয়োজন ছিল, তাহার তাড়াতাড়ি নামিল, যাহাদের সেই ট্রেণে যাইবার প্রয়োজন তাহারা আরও তাড়াতাড়ি করিয়া উঠিল । আমাদের পূর্ব পরিচিত বন্ধমানাগত সেই লোকটিও ধীরে ধীরে নামিল, রেলের গাড়ীর মধ্যে সে যেন অনেকটা নিশ্চিত ছিল, গাড়ীর বাহিরে আসিতে তাহার হৃৎকম্প হইতে লাগিল; চরণ চলিতে অনিচ্ছা প্রকাশ করিল,—তথাপি তাহাকে নামিতে হইল । সভয়ে চতুর্দিকে দৃষ্টিপাত করিয়া সে অচ্যাত্ত লোকের সহিত সম্মুখে অগ্রসর হইতে লাগিল; ‘ওভার-ব্রিজ’র নিকটস্থ হইলে, এক ব্যক্তি পশ্চাৎ হইতে “হরিশ হরিশ” বলিয়া তাহাকে ডাকিতে লাগিল । লোকটি ভয়ানক কাঁপিয়া উঠিল, সে পশ্চাতে ফিরিল না । কাহারও দিকে লক্ষ্য করিল না, বেগে ‘ওভার-ব্রিজ’র উপর উঠিতে লাগিল ।

আহ্বানকারী তাহার নিকটস্থ হইতে ইচ্ছা করিয়াও পারিয়া উঠিল না । সম্মুখে একটা বাবু কতকগুলি স্ত্রীলোক

ছেলেপিলে ও লটবহর লইয়া ধীরে ধীরে চলিতেছেন, স্ত্রতাং তাঁহাদিগকে অতিক্রম করিয়া সেই লোকের নিকটস্থ হইবার সুবিধা আহ্বানকারীর হইল না।

“ওভার-ব্রিজ” হইতে নামিয়া যেখানে টিকিট দিতে হয়, সেখানে আহ্বানকারী ভীত-ব্যক্তির নিকটে আসিয়া পঁছছিল। আহ্বানকারী দেওঘর যাইবে। যাহারা দেওঘরের যাত্রী তাহারা প্রায়ই, সেই স্থান পর্যন্ত টিকিট কিনিয়া আইসে; তাহাদিগকে এখানে টিকিট দিতে হয় না এবং এ দরজা দিয়া বাহির হইতে হয় না। লোকটা এখানে টিকিট দিয়া বাহিরে গেল দেখিয়া আহ্বানকারীও আপনার টিকিট দেখাইয়া বাহিরে আসিল, এবং তাহার অনুসরণ করিল।

লোকটা একটু বেগে যাইবে ইচ্ছা করিয়াছিল, অনেক পাণ্ডা তাহাকে ধরাও করিয়া ফেলিল; কেহ জিজ্ঞাসা করিতে লাগিল “মহাশয়ের নিবাস?” কেহ জিজ্ঞাসা করিতে লাগিল, “আপনার নাম?” কেহ জিজ্ঞাসিল “আপনার পাণ্ডা কে?” নাম নিবাস বলিয়া ফেলিতে পারিলে হয় ত সে সহজে মুক্তি পাইত, কিন্তু কোন মতেই আপনার পরিচয় দিবে না, পাণ্ডারাও ছাড়িবে না। বালক অভিমন্যুবৎ এই নবাগত লোক পাণ্ডা-বৃহ ভেদ করিতে পারিল না।

আহ্বানকারী তাহার নিকটে আসিয়া বলিল,— “হরিশ! কথা কহিতেছ না কেন? ডাকিলে উত্তর দাও না কেন? এখানে আসিয়াছ কেন?”

লোকটা কোন কথা কহিল না। অন্যদিকে মুখ ফিরাইয়া অচল মাটির সত্তের ন্যায় স্থিরভাবে দাঁড়াইয়া রহিল। আহ্বানকারী ঘুরিয়া তাহার বদনের সম্মুখে আসিল এবং বলিল,— “একি হরিশ দাদা! আমাকে চিনিতে পারিতেছ না, ব্যাপার কি? আমরা ন্যাওটা-কালের ইয়ার, এক গ্রামে এক দরজায় বাড়ী, তুমি আমাকে চিনিতে পারিতেছ না, তোমার হইয়াছে কি?”

আহ্বানকারী হরিশের হাত চাপিয়া ধরিল, তখন হরিশ বালকের ন্যায় কাঁদিয়া উঠিল, এবং কাঁদিতে কাঁদিতে বলিল,— “আমি কাহাকেও চিনিতে পারি না গো, কোথাও আমার বাড়ী নহে গো, আমাকে ছাড়িয়া দাও, আমি চলিয়া যাই।”

আহ্বানকারী উৎকণ্ঠিতভাবে বলিলেন,— “দেখিতেছি তোমার বায়ুরোগ ষটিয়াছে, নতুবা চিরকালের আশ্রয় রামদাসকে তুমি আজ চিনিতে পারিতেছ না কেন? এ বিদেশে তোমার এই অবস্থা দেখিয়া আমি কোন মতেই ছাড়িতে পারি না, বত ক্ষতি হয়, অসুবিধা হয় হটক তোমার সঙ্গেই আমার থাকিতে হইবে।”

তখন হরিশ কাঁদিতে কাঁদিতে বলিল,— “রামদাস রে! তোমার মনে এই ছিল, শেষে যমদূত হইয়া তুমি আমার সর্বনাশ ঘটাইতে আসিলি? আমাকে ছাড়িয়া দে আমি পলাইয়া যাই।”

ভিড় আরও বাড়িতে লাগিল। রেলওয়ে পুলিশের দুই জন কনেষ্টবল এবং একজন জমাদার দেওঘর লাইনের প্লাটফর্ম হইতে আসিয়া মেন্ লাইনের প্লাটফর্মে যাইতে ছিল। টেসনের ফটকের নিকট লোকের ভিড় দেখিয়া ও কলরব শুনিয়া তাহারা যে দিকে যাইতে ছিল সে দিকে না গিয়া গগুগোলের দিকে ফিরিল। দূর হইতে লোকের ফাঁক দিয়া হরিশ তাহাদিগকে দেখিতে পাইল। তখন সে বুঝিল, পুলিশের লোকেরা তাহাকেই ধরিতে আসিতেছে, সে তখন কাণ্ডজ্ঞানহীনের শায় ভিড় ঠেলিয়া আপনার গামছা জড়ান ব্যাগ ও ভাঙ্গা ছাতা ফেলিয়া শ্রাণপণে দৌড়িতে লাগিল।

তখন জমাদার পাকড়াও পাকড়াও শব্দে টাঁকার করিতে লাগিল। দুই জন কনেষ্টবল এবং আরও কয়েক জন লোক হরিশের পশ্চাতে ছুটিল। অতি অল্পদূর যাওয়ার পরই কনেষ্টবলদ্বয় তাহাকে ধরিয়া ফেলিল, হরিশ কাঁদিতে কাঁদিতে বলিল,— “দোহাই ধর্ম অবতার আমি খুন করি নাই। খুন করিতে বলি নাই, তোমাদের পায়ে-পড়ি, আমাকে ছাড়িয়া দাও।”

ছাড়া দূরে থাকুক, তাহারা আরও কায়দা করিয়া হরিশকে ধরিল এবং জমাদারের নিকট টানিয়া আনিয়া জমাদারের নিকট কাতরভাবে হরিশ বলিল,— “আপনি আমার বাবা! আপনি আমাকে ছাড়িয়া দিন, আমি খুন করি নাই।”

জমাদার দেখিল, এ একটা খাণ্ড বটে। একরূপ শিকার কখনই ছাড়া যাইতে পারে না। রেলওয়ের পুলিশ সবইনস্পেক্টর সে দিন জংশনে ছিলেন, জমাদার এ

ব্যক্তিকে তাঁহার নিকট লইয়া যাওয়া উচিত বোধে কনেষ্টবলদের বলিল,— “সাবধানে আমার সঙ্গে ইহাকে লইয়া আইস।”

জমাদার অগ্রে চলিতে লাগিল, রোক্তমান হরিশকে কনেষ্টবলেরা পশ্চাতে টানিতে টানিতে লইয়া চলিল।

সবইনস্পেক্টর তখন প্লাটফর্মের উপর একখানি চেয়ারে বসিয়া পুলিশ গেজেট পাঠ করিতে ছিলেন। হরিশকে সঙ্গে লইয়া জমাদার ও কনেষ্টবলেরা তাঁহার সম্মুখে উপস্থিত হইল।

দারোগা কাগজ হইতে দৃষ্টি অপসারিত করিয়া জিজ্ঞাসিলেন— “এ কে! কাহারও পকেট হইতে কিছু চুরি করিয়াছে না কি?”

জমাদার বলিল,— “এ খুনী আসামী, হাজার জিজ্ঞাসা করিলে সব জানিতে পারিবেন।”

তাহার পর জমাদার স্বয়ং গিয়া হরিশের হাত চাপিয়া ধরিল এবং কনেষ্টবলকে বলিল,— “বাহিরে ইহার ব্যাগ আর ছাতা পড়িয়া আছে, তুমি শীঘ্র গিয়া আন।”

হরিশ বলিল,— “ধর্ম অবতার আপনি দিন দুনিয়ার মালিক, স্বপ্ন বিচারের কর্তা, আমি খুন করি নাই, চরণের বড় বউ, রাখাল দাসী তাহাকে খুন করিয়াছে। আমি কিছু জানি না, তবু আপনারা কেন অন্বেষণ করিয়া আমার কষ্ট দিতেছেন?”

যে কনেষ্টবল ব্যাগ ও ছাতা আনিতে গিয়াছিল, সে তাহা লইয়া ফিরিল। দারোগা বুঝিলেন, হয়ত, একটা বড় খোসনামের কাজ সহজেই হইয়া যাইবে। কনেষ্টবলকে দোয়াত, কলম, কাগজ, আনিতে বলিলেন। হরিশকে জিজ্ঞাসিলেন,— “তোমার মত লোক কখন খুন করিতে পারে না, ইহা আমরা তোমার চেহারা দেখিয়াই বুঝিতেছি, তোমার কোন ভয় নাই। তুমি সকল কথা আমার নিকট সত্য করিয়া বল, তাহা হইলে আমি নিশ্চয়ই তোমাকে ছাড়িয়া দিব।”

হরিশ বলিল,— “আমি মিথ্যা বলিব না। মিথ্যা কথা আমি জানি না, আপনি যাহা জিজ্ঞাসা করিবেন, আমি তাহারই সত্য উত্তর দিব।”

দারোগা জিজ্ঞাসিলেন,— “যাহাকে খুন করিয়াছে, তাহার নাম কি?”

হরিশ বলিল,— “কুমুদিনী। বামুনের মেয়ে, কাজেই দেবী বলিতে হয়।”

তখন দারোগার অনেক কথা মনে পড়িল, তিনি পুলিশ গেজেটের পাতা উল্টাইতে উল্টাইতে একটা স্থান মনোযোগের সহিত পাঠ করিলেন, তাহার পর বলিলেন,— “টাকশালের কাছে ভোর বেলা পিঠে ছুরি মারিয়া ছিল, কেমন! তাহার বয়স ১৮ বৎসর, দেখিতেও সুন্দরী, হাতে শাঁখা ছিল, কেমন নয়, আমি সব ঠিক কথা বলিতেছি কি না?”

হরিশ বলিল,— “আজ্ঞে হাঁ। আপনি সবই জানেন, তবে আর আমাকে লইয়া টানাটানি করিতেছেন কেন?”

দারোগা বলিলেন,— “আমি সবই জানি, তবে তুমি একটা কথা যদি আমার ভুল জানা থাকে, তাহাই তোমার মুখে শুনিয়া ঠিক করিয়া লইতে চাই। তুমি লবঙ্গকে চেন?”

হরিশ বলিল,— “আজ্ঞে লবঙ্গ, এলাইচ, দারুচিনি, যাইত্রি, জায়ফল অনেক চিনি।”

দারোগা জিজ্ঞাসিলেন,— “লবঙ্গই তো কুমুদিনীকে কলিকাতায় আনিয়া ছিল?”

হরিশ বলিলেন,— “রাধাকৃষ্ণ। লবঙ্গই লোকে বাজার হইতে আনে, লবঙ্গ কাহাকেও আনিতে পারে কি?”

দারোগা জিজ্ঞাসিলেন,— “তবে কুমুদিনীকে কলিকাতায় আনিয়াছিল কে?”

হরিশ বলিল,— “তাহার সহোদর ভাই শরৎ।”

দারোগা জিজ্ঞাসিলেন,— “সে শরৎ এখন কোথায়?”

হরিশ বলিল,— “সে ভগ্নীকে ভগ্নিপতির বাসায় রাখিয়াই চলিয়া গিয়াছে।”

দারোগা বলিলেন,— “চরণবাবুর তবে তুমি বিবাহ? রাখাল দাসী-বোধ হয় তাহার ছোট স্ত্রী, তাহাকে লইয়াই তিনি কলিকাতায় থাকেন। বড় স্ত্রী কুমুদিনী বাপের বাড়ীতে থাকিতেন, কেমন?”

হরিশ বলিল,— “আজ্ঞে না, কথাটা উল্টা হইতেছে। বড় স্ত্রী রাখাল দাসীর সন্তান না হওয়ায়, কৃষ্ণগঞ্জের এক গরিব ব্রাহ্মণের কন্যা কুমুদিনীকে চরণবাবু বিবাহ করেন। বড় স্ত্রীর অজ্ঞাতসারে বিবাহ হয়, বিবাহের অনেক দিন পরে, রাখাল দাসী খবর জানিতে পারেন।

বড় রাগী-হিংসুক ছরস্ত মেয়ে মানুষ, বিবাহের খবর জানিতে পারিয়া স্বামীর সহিত বড় বড় তুমুল কাণ্ড বাধাইয়া দেন, ছোট বউর কাছে যাওয়া দূরে থাক, তাহার নাম করিতেও চরণবাবুর ক্ষমতা থাকিল না।”

দারোগা বলিলেন,—“বেশ কথা তুমি বলিতেছে, তোমার কথা এক বর্ণও মিথ্যা নহে। কিন্তু এখানে বাহিরে বসিয়া এ সকল কথায় কাজ নাই। আইস ভিতরে যাই।”

দারোগা অগ্রসর হইলেন। হরিশকে লইয়া জমাদার ওকনেষ্টবল চলিল, একজন কনেষ্টবল হরিশের ব্যাগ, ছাতা এবং লিখিবার সরঞ্জাম লইল। একটি খালি কামরার ভিতরে সকলে প্রবেশ করিলেন এবং আসন গ্রহণ করিয়া হরিশকে বসিতে ইঙ্গিত করিলেন। তাহার পর জিজ্ঞাসিলেন, “তোমার নাম কি বাপু?”

হরিশ বলিল,—“আজ্ঞে হরিশচন্দ্র দাস দত্ত।”

“কোথায় নিবাস?”

“আজ্ঞে নিবাস আর নাই। পূর্বে পল্লীগ্রামে বাস ছিল, কিন্তু আমার কপালদোষে সকলই গিয়াছে। এখন চরণ বাবুর জোড়াসাঁকোতে থাকি, তিনি অতি মহাশয় লোক।”

“কিছু আহালাদি হইয়াছে?”

হরিশ বলিল,—“কাল মধ্যাহ্নে বন্ধমানের এক হোটেলের চারিটি ভাত খাইয়াছিলাম, তাহার পর এ পর্য্যন্ত আর জলবিন্দুও মুখে দিই নাই।”

দারোগা একজন কনেষ্টবলকে দোকান হইতে চারি আনার জলখাবার আনিয়া দিতে বলিলেন।

হরিশ বলিল,—“এখন স্নান আফিক হয় নাই, এখন কিছু খাইব না। আফিং খাওয়ার সময় হইয়া আসিল, ব্যাগে আফিংএর কোটা আছে, অনুমতি করিলে একটু আফিং খাইয়া বাঁচি।”

দারোগার আদেশে কনেষ্টবল হরিশকে ব্যাগ দিল। হরিশ কোমরের ঘুনসি হইতে একটু চাবি বাহির করিল এবং তদ্বারা ব্যাগ খুলিল, ব্যাগ হইতে কেবল আফিংএর কোটা বাহির করিয়াই সে ক্ষান্ত হইল না। একটু ছোট হুঁকা, কলিকা, কাগজ জড়ান একটু তামাক এবং শালপাতের ঠোঙা-মধ্যস্থ কয়েকখণ্ড ভাঙ্গা টিকা সে বাহির

করিল। তাহার ব্যাগে এই সকল পদার্থ আতীত একখানি ময়লা ধূতি ও একটি ছেঁড়া কোট ছিল।

হরিশ বলিল,—“বাবু, আফিং খাই, কাজেই তামাক খাওয়া বড় অভ্যাস। অনেকক্ষণ তামাক খাই নাই, যদি হুকুম দেন, তাহা হইলে একটু তামাক সাজি।”

দারোগা বলিলেন,—“থাবে বৈ কি! বচ্ছন্দে তামাক তৈয়ার কর। আমিও তামাক আনাইতেছি।”

দারোগা ভৃত্যদ্বারা তামাক আনাইতে কনেষ্টবল পাঠাইলেন।

হরিশ পকেট হইতে দিয়াশলাই বাহির করিয়া টিকা বরাইল এবং ছোট কলিকায় বিশেষ যত্ন করিয়া তামাক সাজিল, তাহার পর হুঁকা হাতে লইয়া ঘরের চারিদিকে দৃষ্টিপাত করিতে লাগিল। শুকনা হুকায় একটু জল দিতে তাহার ইচ্ছা হইল, কিন্তু কোথাও জলপাত্র নাই। দারোগার ভৃত্য একটা পিতলের গুড়ুগুড়িতে একটা বড় কলিকায় তামাক সাজিয়া আনিল।

দারোগা বলিলেন,—“হুঁকাটার জল দিলে ভাঙ্গ হয়, নয় হরিশ? আমার চাকরের হাতে হুঁকা দাও এখন জল পুরিয়া আনিবে।”

ভৃত্যের হাতে হুঁকা দিয়া হরিশ বলিল,—“আপনার জয় জয়কার হউক। আপনার মত সন্নিবেচক দোকান আমি আর দেখি নাই। ঈশ্বর আপনার মঙ্গল করিবেন। আমি অতি সামান্য লোক, জিজ্ঞাসা করিতে তরদা হয় না। আপনি——”

দারোগা বলিলেন,—“আমি ব্রাহ্মণ, কলিকাতার নিকট বরাহনগরে আমার বাসস্থান, আমার নাম শ্রীহরনাথ চট্টোপাধ্যায়।”

হরিশ গলায় কাপড় দিয়া ভূতলে মস্তক স্থাপন করিয়া দারোগাকে প্রণাম করিল, এবং বলিল,—“এ অধমেরা পুরুষ-পুরুষানুক্রমে আপনাদের সেরক।” বাস্তবিক দারোগা হরনাথ বথার্থ ভদ্রলোক, তিনি লেখা পড়ায় সাধারণ পুঁদিশ কাম্ভচারীর শ্রায় অনভিজ্ঞ নহেন, আইন ও শ্রায় উভয়েরই মর্যাদা তিনি রাখিতে জানেন; অকারণ কখন কাহারও উপর তিনি অত্যাচার করেন না। অবশ্য প্রভুতা-বিস্তার করিয়া তিনি কাহাকেও উৎপীড়িত করেন না। দারোগার সম্মুখে আসিয়া হরিশের মনে হইয়াছিল যে, যমদূতের

তাহাকে ধরিয়া আনিয়া শমন-রাজের সম্মুখে হাজির করিল, সে তখন স্থির করিয়াছিল, এখন এ মহাত্মা তাহার ফাঁস দিবে। ভাবিয়াছিল, ফাঁসির দড়ি তাহার গলায় পরান হইয়াছে; কেবল তাহা লটকাইতে বাকি।

ক্রমে দারোগার সহিত কথাবার্তায় তাহার আশঙ্কা তিরোহিত হইতে লাগিল। সে বুঝিল, এই মহাত্মার দ্বারা সে কখনই বিপদে পড়িবে না। যাহাদের বুদ্ধি একটু কম, তাহারা যখন যাহা বুঝে, সহজে তাহা ভুলে না ও ছাড়িতে চাহে না। হরিশ যখন বুঝিয়াছিল যে, তাহার বিপদে পড়ে পড়ে, তখন সে কারণে অকারণে কেবল বিপদেরই ছায়া দেখিয়া কাঁদিয়াছে, এবার এখন তাহার মাথা সম্পূর্ণ নিষ্ক্রিয়ভাবে প্রবেশ করিয়াছে, সে অতীত ব্যাপার ভুলিয়া গিয়া আপনাকে সম্পূর্ণ নিরাপদ বুঝিয়াছে এবং নিশ্চিত হইয়াছে। যাহারা স্বভাবতঃ একটু ভীত লোক, তাহারা যখন সাহস পায়, তখন প্রায়শঃপূর্বের ভীতিভাব ভুলিয়া যায়। হরিশ দারোগা মহাত্মার রূপায় ভয়ের কোন কথাই মনে স্থান দিতেছে না।

ভৃত্য হরিশকে জল ফিরান হুঁকা আনিয়া দিল। হরিশ হুঁকা হাতে করিয়া বুঝিল, তাহাতে জল বেশী হইয়াছে। সে হুঁকার জল একটু ঢালিয়া হাতের কালি ধুইয়া ফেলিল, তাহার পর কোটা হইতে একটু আফিংএর বড়ী বাহির করিল। সেইটী মুখের মধ্যে ফেলিয়া দিয়া হরিশ হুঁকার উপর কলিকা বসাইল, এবং আস্তে আস্তে লম্বা লম্বা টান দিতে লাগিল।

দারোগা বলিলেন,—“এ বেলা আর কোন কথায় কাজ নাই, হরিশ! বেলা অনেক হইয়াছে, তোমার স্নান আহাৰ করিতে হইবে, আমার এখন অল্প কাজ আছে।” জমাদারকে বলিলেন, “তুমি আমার সঙ্গে আইস, এখন সে রিপোর্ট শেষ করিতে হইবে।” একজন কনেষ্টবলকে বলিলেন,—“তুমি এই ভদ্র লোককে সঙ্গে লইয়া যাও, ইনি নাষ্টার বাবুর বাসায় আহাৰ করিবেন।” হরিশকে বলিলেন,—“নাষ্টারবাবুর বাসায় তোমার খাওয়া দাওয়া হইবে। তিনি কুলিন-কায়স্থ এবং বড় ভদ্র লোক। তোমার কোন ভয় নাই, হরিশ! আবার কিছুকাল পরেই আমি আসিতেছি।”

হরিশ বলিল,—“আমি ব্রাহ্মণের চরণে আশ্রয় পাইয়াছি আর কোন ভয় আমার নাই।”

দারোগা ও জমাদার চলিয়া গেলেন। হরিশ নয়ন-মুদ্রিয়া প্রাণ ভরিয়া তামাক খাইতে লাগিল। তাহার অল্প তামাক শীঘ্রই শেষ হইল, তখন সে একবার কনেষ্টবলদের মুখপানে চাহিয়া দারোগাবাবুর গুড়ুগুড়ি হইতে কলিকা উঠাইয়া লইয়া খাইতে আরম্ভ করিল।

এইরূপ সময়ে দ্বারের অপর পার্শ্ব হইতে এক ব্যক্তি ডাকিতে লাগিল, “হরিশ! হরিশ দাদা!”

হরিশ ব্যস্ততা সহকারে বলিল,—“কেও রামদাস! এস ভাই ভিতরে এস, কোন ভয় নাই।”

রামদাস ভিতরে আসিলে দুই জনে সুখ দুঃখের অনেক কথা হইল, তাহার সহিত আনাদিগের আখ্যানের কোন সন্দেহ নাই। সে বুঝিয়া গেল, তাহার হরিশদাদা বিশেষ কোন বিপদে পড়েন নাই এবং তাহার মাথাও বিগুড়াইয়া যায় নাই। রামদাস পদব্রজে দেওঘর চলিয়া গেল।

ক্রমশঃ—

শ্রীদানোদর মুখোপাধ্যায়।

## মহাপ্রয়াণ।

(কবিবর হেমচন্দ্র বন্দ্যোপাধ্যায়ের স্বপ্নারোহণ উৎসর্গে লিখিত।)

তদ্রাগত, অফেনিন, সম্মুখে সাগর,—  
কোথাও নাহিক কেউ,  
একটিও নাহি চেউ,  
অনন্তের কারা যেন, স্থির কলেবর;  
নীলব—পুষ্পের সজ্জা,  
নীলব—কল্লোল-বন্দ্য  
অচঞ্চল অগাধ সে সলিলের পর;  
কি জমাট নীলবতা,  
বোব হয় যেন তথা  
শিরায় রুধির বহে কল্পি ঘোর স্বর;  
এ আলোক? না আঁটার?  
স্পষ্ট করে বুঝা ভার;  
কষ্টে অনুমেয় কোথা আকাশ পুষ্প,  
কোথা বা সাগর-বারি;  
নাহিক বুঝিতে পারি  
চক্রবাল বন্ধ কি না নয়ন-প্রসর।

২  
বিরাট বিটপি এক বেলায় কিনারে ;  
গগনে ঠেকেছে শির,  
যন পাতা অতি স্থির,  
নীচেতে নেমেছে বড় বহু পরিবারে ;  
তার মেঘাভাস পর্ণে,  
সন্ধ্যার মলিন বর্ণে,  
পাশাপাশি মেঘামিপি প্রায় একাকারে ;  
অশথের মত তার  
অনুমাণে বুঝা যায়,  
দিষ্টি ত কুণ্ঠিত সেই আলো-অন্ধকারে।  
এ ধূম বিজনে—এ কি?—  
শাখী পানে চেয়ে দেখি,—  
পাথার বাপট যেন পাই শুনিবারে ;  
অথচ ত অবিচল  
অগণন পত্রদল,  
পরশে নি শিহরণ একটি শাখারে!

৩

এক অগ্নি-আঁখি কাক যোর কৃষ্ণকায়,  
ছাড়ি অশথের শাখা,  
সঘনে বাপটি পাথা,  
'কা—কা' তিন বার ডাকি বেগে উড়ে যায় ;  
টোপে টোপে আঁখি হতে  
পড়ে তার দ্রুত পথে  
রকত বহুর ফোঁটা ধূম নভোগায়।  
কিবা সে ভীষণ কাক,  
কিবা শিহরণো ডাক,  
করাতে চিরিল যেন সে নীরবতায় ;  
যুগল মঙ্গল গ্রহ  
সম চক্ষুঃ ভয়াবহ  
ধরবে কি লোনহর্ষ, উজ্জ্বল প্রথায়!—  
অঙ্গ করে ঝিম্ ঝিম্,  
কাণে শব্দ রিম্ রিম্,  
ধ্বনিগণ গুঁকারনাদ মথিত মাথায়!

৪

অচিরে হেরিছ যেন আলোর মতন ;  
আলোক না বলা যায়,  
অতণু আগুনপ্রায়  
লোহিত-আভাস-মাত্র-আভার বরণ ;  
পড়েছে তরুর শিরে,  
পড়েছে বিজন তীরে,  
পড়েছে রঞ্জিয়া মুক সাগর, গগন ;  
সে সারা সন্ধ্যার দেশ  
ব্যাপিয়া সে আলো-লেশ,—

ধূমাবতী-দেহে যেন রোষ-প্রকটন।  
অথবা, গোখুলি ফিরি,  
ছাড়ি উচ্চ-চুড় গিরি,  
আসিল কি জানাইতে তপন-গমন ?  
কিন্মা, দূর চিতা হতে  
বৈশ্বানর এই পথে  
চাহেন, ফিরায়ে তাঁর রক্তিম লোচন ?  
৫  
মিশালো সে আলো-লেশ বিশাল আকাশে।  
সাঁঝ, কোলে চাঁদ ধরে',  
যথা উষা অনুকরে,  
তেমতি স্তিমিত দিবা তথা এবে ভাসে।  
কিন্তু হেন মনে লয়,  
মরতের ভাতি নয়,—

তা হলে পড়িত ছায়া অশথের পাশে ;  
তা হলে কি সে কিরণ,  
ভেদি মেদ-আবরণ  
প্রবেশিত হৃদয়ের নিভৃত নিবাসে ?  
তা হলে কি নর-চক্ষে,  
সুদূর সাগর-বক্ষে,  
আকাশ-জলধি-সীমা চক্রবাল নাশে ?  
রোধিছ এ বিচারণা ;—  
ওই দূরে দেখিছ না  
ছায়াহীন মৃগুগতি কে মূরতি আসে ?  
৬

ভ্রান্তি কি এ?—ক্রান্তি যেন নেহারি বদনে ;  
শরীর ঝংঝং থিম,  
হৃদিতটে ক্ষত-চিহ্ন,  
প্রতিহত আলো যেন কম্পিত নয়নে ;  
সলিল-লাঞ্জিত রেখা  
ছ কপোলে বার দেখা,  
ক্ষুরিত অধর যেন স্মৃতির বেদনে।  
থামিয়া ক্ষণেক তরে,  
যেন কি আবেগ ভরে,  
করণ-কাতর-দৃষ্টি চাহিলা পিছনে ;  
বক্ষদেশে বিলম্বিত  
শুভ্র যজ্ঞ-উপবীত  
কাঁপিল গভীর দীর্ঘশ্বাসের স্পন্দনে!—  
কর চাপি পরে বুকে,  
ফিরি সাগরাভিমুখে,  
আসিলা অশথ-তলে। নমিছ ব্রাহ্মণে।

৭

মনে হলো, পরিচিত সে ছায়া-মূরতি ;  
যেন দেখিয়াছি কোথা,

যেন শুনিয়াছি কথা,  
গভীর, সঙ্গীতময়, উন্মাদন অতি।  
ঠিক তা পড়ে না মনে ;  
সন্দেহের এ বিজনে  
অলস শিথিলীকৃত স্মৃতির পদ্ধতি।  
নিজ ভাষা পর-দেশে  
যথা পান্থ-কাণে এসে,  
স্মৃতি আকুলিত করি, রোধে ক্লান্ত গতি ;  
সুদূর পূরবী গান,  
সুরে মাত্র অনুমান,  
কথাহীন পশে কাণে, ব্যাকুলি যেমতি ;  
চিনি চিনি করি, তথা,  
মরমে পরম ব্যথা ;—  
নতশিরে, মুদি আঁখি, করিছ প্রণতি।

৮

কতক্ষণ হেন মতে গেল যে, না জানি ;  
খর-গতি ব্যথা নানা  
করে হৃদে আনাগোনা,  
মুহূর্ত বিথার-দীর্ঘ তাহে, অনুমানি।  
নতি-শেষে, হাত তুলি,  
নিজ অবসাদ ভুলি,  
আশীষিলা শিরোদেশে অদেহ-পরানী ;  
নিরোধি চঞ্চল মনে,  
গ্রহিছ ভক্তি সনে,  
ইঙ্গিতে স্মৃতিত পুণ্য আশীর্বাদ বাণী।  
পরেতে সৈকত-লগ্ন  
তুলিয়া ললাট নগ্ন,  
যা দেখিছ, কি বচনে তাহারে বাখানি!—  
আঁখি ঠিকরিয়া যায়,  
সে ভাতি পড়িলে তার,  
যে আলোকে প্লাবিতাছে সেই তীর্থখানি!

৯

সন্ধ্যা বটে, কিন্তু যেন মধ্যাহ্ন উজল ;  
প্রদীপ্ত নীরব তীর,  
প্রদীপ্ত সাগর-নীর,  
দীপ্তি-বিচ্ছুরিত উল্লে গগন-মণ্ডল,  
অশথের প্রতি পর্ণ  
ঝলসে উজ্জ্বল স্বর্ণ,  
কাণ্ড, শাখাগুলি, যেন জ্বলন্ত অনল,  
নাহি দাহ, শুধু ছটা ;  
সে দিব্য আলোক ঘট  
বিতরে সন্ধ্যার শান্তি ভিতরে কেবল !  
অচেত স্বপনাবেশে  
শুভ্র স্মৃতি যথা ভেসে

শুভ্র-বুক ক্ষীত করে নিঃশ্বাসে প্রবল,—  
নিঃশ্বাসে একটি মাত্র  
তথা উচ্ছ্বসিত-গাত্র  
সমগ্র অনূর্নিভয় অধুনিপি-জল!

সে শুভ্র উচ্ছ্বাস ভরে, কোথা হতে আসি  
আচম্বিতে, ধীরে ধীরে  
লাগিল সিন্ধুর তীরে  
অপূর্ব-সুন্দর তরী, মহানন্দে ভাসি।  
দেখিছ তাহার তলে,  
এখন তরঙ্গ জলে,  
উথল আনন্দে যেন জলধির হাসি ;  
দেখিছ উপরে তার,  
কেতন ত্রিশূলাকার  
খেলিছে বিপুল রঙ্গে, দামিনী প্রকাশি ;  
দেখিছ তাহার মাঝে  
অমরী তিনটি রাজে  
তড়িত-নিবিড় তনু,—ঘন-চিৎ-রাশি।  
অমর সে তরী পানে,  
বিতরিবেদনা প্রাণে  
চলিলা দেবতা, মর-বন্ধন-বিনাশি।

১১

আর ত নহেক থিন্ন সে দিব্য শরীর ;  
আর না চলন ক্লান্ত,  
আর না নয়ন ভ্রান্ত,  
মখে না হৃদয় আর ব্যথা পৃথিবীর।  
গমনের সঙ্গে সঙ্গে,  
খেলিছে বিজুলি অঙ্গে,  
চমকিয়া চানীকরে তরঙ্গিত নীর !  
যেন সে চরণ-ক্ষেপে  
ছন্দে সন্ধ্যা উঠে কেঁপে,  
বিকম্পিত তাহার সনে সে বিজন তীর !  
যেন সে কণ্ঠের মাঝে  
বিজয়-ছন্দিত বাজে,  
অথবা বারিধি বৃষ্টি গরজে গভীর !  
যেন সে ললাটতলে  
কল্পনার ভানু জলে ;  
ভাস্বর, রশ্মির মুখে, অনন্ত তিমির !

১২

আর না ফিরায়ে আঁখি দেখিলা ধরণী।  
হরষ-মগ্নিত আশ্রে,  
ঝং ঝং গভীর আশ্রে,  
আরোহিলা ধীরে ধীরে অমর তরণী।  
আলোক-রচিত মালা

শিরে যার, সেই বালা  
নমিল চরণ-প্রান্তে, প্রশান্ত-নয়নী।  
“কীর্তি আমি, তব স্মৃতা,  
চলিল, করুণা-সুতা,  
গুরু-বাথা বসুন্ধরা রাখিতে সাস্বনি।”  
তাজি সে বিজন-সীমা,  
উজলিল সে মহিমা,  
উদিতে ধরিত্রী-নভে নক্ষত্র-বরণী;—  
কনকে হীরক-লেখা,  
পড়ে তার গতি-রেখা  
প্রদীপ্ত অম্বর-পথে, সহ শঙ্খধ্বনি।

১৩

কুন্দেন্দু-তুবার-কান্তি, শুভ্র-বাহু-লতা,  
শ্বেতপদ্ম-সমাসীনা  
কর-ধৃত-বর-বীণা,  
অমরী চরণে, পরে, নমিলা দেবতা।  
“দীর্ঘ প্রবাসের পরে,  
এস, বৎস, এস ঘরে,”—  
ঝরিল বাণীর বাণী অশ্রুকণা যথা।  
বাক্ত বীণার সনে,  
ঘন-দীপ্তি সে গগনে  
অস্তুহিতা বীণাপাণি, না ফুরাতে কথা।  
কে তুমি, সৌন্দর্য্য-সার,  
বদনে গুণ্ডন-ভার,  
কটির সরমে কণ্ঠে ঈষৎ-আনতা?—  
কবির উরস-যোগ্যা  
কাব্যলক্ষ্মী, কবি-ভোগ্যা?—  
নিলা কবি বক্ষে তাঁরে, ভুঞ্জি অমরতা!

১৪

একি দেখি হেন কালে ঝটিকা-উৎপাত!—  
সেই সে বিজন পথে,  
পৃথিবীর দিক হতে,  
পুঞ্জীকৃত দীর্ঘশ্বাস বহে অকস্মাৎ!  
প্রবল ঝটিকা-প্রায়  
লাগিল তরীর গায়,  
মাগরে ক্রকুটি রচি ফেনলেখা সাথ!  
বিদীর্ণ বিমানতল,  
শব্দে মহা কোলাহল,  
শত অশনিতে যেন ঘাত প্রতিঘাত!  
শ্রাবণের ধারা মত  
বরষিল অবিরত  
জ্যোতির্ময় স্মরিত প্রহ্ন-প্রপাত!—

‘কা-কা’ রব বিধে কাণে,  
মেলি আঁখি আলো পানে,  
উঠিল শয়ন তাজি,—হয়েছে প্রভাত!  
শ্রীবরদাচরণ মিল।



## শোণিতপুর। \*

পৌরাণিক ইতিহাসে দেখিতে পাওয়া যায়, বাণ-রাজ-  
ধানী শোণিতপুরে, হরি হরে যুদ্ধ, উষা অনিরুদ্ধের মিলন  
ও বিবাহ, কৃষ্ণ কর্তৃক বাণ পরাজিত, ও হরিহরসমুর্ভি  
প্রকটিত হইয়াছিল। ঐ শোণিতপুর কোথায় ছিল, জানি;  
বার উপায় নাই; তবে জনশ্রুতি বর্তমান তেজপুরকেই  
প্রাচীন শোণিতপুর বলিয়া নির্দেশ করিয়া থাকে। বাসু-  
বিক তেজপুরের: ধ্বংশাবশিষ্ট স্তূপরাশি কোন পরাক্রম-  
শালী রাজার মহিমাই ঘোষণা করিতেছে। ঐ পরাক্রম-  
শালী রাজা + বাণ ভিন্ন অন্ত কেহ কি না তাহারও  
নিশ্চয়তা নাই। তবে তেজপুর যদি শোণিতপুর হয়,  
তাহা হইলে ঐ সকল স্তূপ বাণ রাজার কীর্তির ধ্বংশাশেষ  
মাত্র তাহার আর সন্দেহ নাই। অতীতের ধ্বংসশিখি  
অতীতের রাজ-সম্পদ, শিল্প-সৌন্দর্য্য ও স্থাপত্য-নৈপুণ্যের  
ইতিহাস অক্ষুণ্ণস্বরে ঘোষণা করিতে বিক্ষিপ্ত হইয়া আছে।

\* শোণিতপুর, এতিয়ার তেজপুর। ইয়াতাস্থপ্রসিদ্ধ বলিয়ারাজার  
বংশধর বাণরাজারাজধানী আছিল। \* \* \* \* \*

রায় গুণাভিরাম বড়ুয়া বাহাহর প্রণীত আসাম বুরঞ্জী ৬পৃঃ।

The meaning of Tezpur and Sonitapura is identical,  
and it is known that Tezpur was formerly known as  
Sonitapura.

Report on the progress of Historical Research in Assam  
By E. A. GAIT, Esq., I.C.S.  
Page 71.

† শিবে পূজি' পায় বাণ "মহাকাল" নাম।  
মহাভারত ৭০ পৃঃ, ৬ রাজকুর্ষ রায়।  
“শোণিতপুরত পাছে ভৈল বাণরাজা।

সম্মুখ সংগ্রামে ত্রিদেশকো নগণয় ॥

শ্রীমদ্ভাগবত, দশম স্কন্ধ ৩৩০ পৃঃ, ৬ অনন্ত কন্দলি।

আর আছে, ভারতের পুরাণ প্রভৃতি। তাও দ্বিস্তৃত ঐশ্ব-  
রিক লীলা খেলার অন্তর্গত। এই লীলা খেলার আবরণ  
উন্মোচন করিলে ঐতিহাসিক ক্ষেত্রে উপস্থিত হওয়া যায়।  
ভারতের প্রাচীন ইতিহাস দেবাসুরের ইতিহাস।  
দেবতারা—সভ্যেরা, সমতলবাসী, আর অসুরেরা—  
অসভ্যেরা, পর্বতবাসী।

এই স্বাধীনতাপ্রিয় পর্বতবাসী অসুরগণের রাজ্য-  
স্বর্গ ছিল। তজ্জগুই সময়ে সময়ে দেবরাজ্য গ্রাসে  
উগত হইলে দেবাসুরে সংঘর্ষ উপস্থিত হইত। দেবতারা  
শক্তি প্রয়োগে অসমর্থ হইলে, বুদ্ধি প্রয়োগে অসুরদিগকে  
দমন করিতেন। বলিকে এই জগুই পাতালে বাইতে  
হইয়াছিল। ভারতের ঐ জুই বংশ এখনও বর্তমান।  
দেবতারা সমতলে, আর আকা, ডফলা, আবর মিশ্মি,  
ধামটি, ভুটিয়া, খাসিয়া, নাগা, গারো, কুকি, মিরি,  
মিকির, কাছারী, সোলুং প্রভৃতি পর্বতে ও অরণ্যে বাস  
করিয়াছে। আদিম যুগের অসুরেরা দেবতাদের সমকক্ষ  
ছিলেন। অসুরে-দেবতার আদান প্রদান প্রভৃতি  
সামাজিকতাও ছিল। এখনকার যুগে সেটা নাই;  
থাকিলে বোধ হয়, দেববংশের এত হীনদশা ঘটত না।  
অসুরদিগের এখনও একটু আস্থুরিক ভাব আছে; এই  
আস্থুরিক ভাবটুকু থাকা চাই। দেবতাদিগের সেইটুকু  
নাই—নাই বলিয়াই দেবত্ব বা মনুষ্যত্ব লোপ পাইয়াছে।

সে বাহা হউক, যখন দেখিতেছি, অসুরবংশীয়গণ এখনও  
বর্তমান—এখনও আসামের কি পর্বত, কি অরণ্য, পর্বতই  
তাঁহারা বাস করিতেছে এবং প্রাচীনকালেও \* নরক,  
ভগদত্ত, ঘটোৎকচ, † হনুগ্রীব, প্রলম্ব, বক্রবাহন প্রভৃতি  
এই আসামেই বাস করিতেন—তাঁহাদের রাজত্ব এই আসা-

\* কালিকা পুরাণ, যোগিনী তন্ত্র মহাভারত ইত্যাদি।

\* \* \* \* \*  
\* \* \* \* \* He (Naraka) made  
the Asura Hayagriva His Commander-in-Chief. \* \* \* \* \*

Kalika Purana.

Report on the progress of Historical Research in Assam.  
By E. A. GAIT, Esq., I.C.S.  
Page 45.

† প্রবাদ—হাজের, হনুগ্রীব ভুটিয়া পর্বত হইতে আসিয়া-  
ছিলেন। এজগু হনুগ্রীবের পূজা, প্রতি বৎসর মাঘ মাসে ভুটিয়াগণ  
করিয়া থাকে।

মেই ছিল। তখন অবশুই বলিব, বলিপুত্র বাণের রাজ্য  
এই আসামে ছিল। এবং তেজপুরই তাঁহার রাজধানী  
শোণিতপুর বলিয়া অখ্যাত হইত। আসামী ভাষায় শোণি-  
তের অপর নাম তেজ, স্মৃতাং শোণিতপুরের নাম তেজ-  
পুরে পরিবর্তিত হওয়া আশ্চর্য্য নহে।

এখন কিছুই নাই—কেবলই ধ্বংস। এই ধ্বংস-  
রাশিই পূর্বস্মৃতি জাগরুক রাখিয়াছে। ইহাদের বৎসামান্য  
পরিচয় নিম্নে প্রদান করিয়া এই ক্ষুদ্র বিষয়টি শেষ  
করিলাম।

## ভালুপাম বা ভালুপুং। \*

তেজপুরের উত্তরে প্রায় ৩০৩২ মাইল দূরে আকা  
পর্বত। এই পর্বতের পাদদেশে ভালুপাম। ভালুপাম  
এখন ভগ্নস্তূপে পরিণত। অসংখ্য কারুকাজ্যখচিত প্রস্তর-  
স্তূপ, প্রাচীন কীর্তির সাক্ষ্যদানের জগুই পড়িয়া রহিয়াছে।  
আকাগণ বাণ-প্রৌত্র ভালুক রাজাকে আপনাদের আদি-  
পুরুষ বলিয়া পরিচয় দেয় এবং ভালুপুং জর্গ ভালুক রাজার  
ছিল বলিয়া ঘোষণা করে।

## বাণ জুর্গ। \*

প্রবাদ, এখন যেখানে ডেপুটী কমিশনরের কাছারী  
ও মালখানা হইয়াছে, সেখানেই বাণ রাজার ভগ্নজুর্গ  
ছিল। এখানে এখনও যে সমুদায় সুন্দর প্রস্তর সকল  
পড়িয়া আছে, তাহা দেখিলে বিশ্বিত হইতে হয়—মনে  
হয় যেন উহা চিরনূতন। ঐ সকল প্রস্তরের অধিকাংশই  
লোহিতাভ ও নীলাভ।

\* At Bhalukpung on the northern boundary of the  
District in Balipara Mauza, are the remains of a fortress  
assigned to Bhaluka Raja the grandson of Bana Raja.  
Bhaluka Raja is claimed by the Akas as their progenitor.

\* Bana Raja's fort is said to have been on the site  
now occupied by the Tezpur Cutchery, and numerous car-  
ved stones are still to be seen in the neigh bourhood,  
although most of them have been burried, with the  
object of making the locality appear "more tidy." A little  
more than a mile to the west is an old silted-up tank, called  
the Hazari Pukhari, which is ascribed to the time of Bana,  
while another tank in the same neighbourhood still bears  
the name of Kubhanda his Prime Minister. Bana is re-  
ported to have founded two temples, still to be seen in  
Mohabbarde Mouza, to Siva and Durga respectively.

Report on the progress of Historical Research in Assam.  
By E. A. GAIT, Esq., I.C.S.  
Page 71.



## উষার মন্দির।

বর্তমান সহর হইতে দুই মাইল দূরে খেনুখানা পাহাড়ের নিকট একটি ভগ্নস্তূপকে স্থানীয় লোকে উষার তাঁতশালা ও মন্দির বলিয়া থাকে। এই স্তূপের সম্মুখে একটি ক্ষুদ্র পুষ্করিণী আছে। তথায় একটি গৃহের মেজে দেখিতে পাওয়া যায়। মেজেটি দেখিলে বোধ হয়, যেন এই নূতন বসান হইয়াছে, অথচ কত কাল চলিয়া গিয়াছে। মেজেটি একখানি ১১' x ১১' x ১৩।০' লোহিতাভ প্রস্তর। মেজেটির জায় ছাদটিও একখানি প্রস্তর। তাহা প্রায় ১০ ফুট দূরে পড়িয়া আছে। এই ছাদে একটি প্রকাণ্ড পদ্মখোদিত আছে। প্রবাদ—এইখানেই চিত্রলেখা অনিরুদ্ধকে হরণ করিয়া আনিয়া উষাসহ মিলন করিয়া দেয়।

## হাজরা পুখুরী।

উষার মন্দির হইতে ঠিক উত্তরে সিকি মাইল দূরে এই বৃহৎ জলাশয়। এক্ষণে ইহা ঘোড়দৌড়ের মাঠে পরিণত হইয়াছে।

## টিঙ্গেশ্বর।

শিলভূবি পাহাড়ের উত্তরভাগে এই লিঙ্গ স্থাপিত। শিবরাত্রিতে এই বিগ্রহের পূজা হইয়া থাকে।

## বুড়া গৌসাই।

শিলভূবি পাহাড়ের পূর্ব প্রান্তে একটি গহ্বরে একখানি পদচিহ্ন বুড়া গৌসাই নামে অভিহিত হয়।

## লম্বোদর গৌসাই।

শিলভূবি পর্বত হইতে সিকি মাইল পশ্চিমে লম্বোদর পাহাড়। এই পাহাড়ের উপরে একটি বৃহৎ শিলাখণ্ডে প্রকাণ্ডকার লম্বোদর মূর্তি খোদিত রহিয়াছে।

## হেন্দোলেশ্বর।

লম্বোদর পাহাড় হইতে উত্তরপূর্বে অর্ধ মাইল দূরে যে ভগ্নস্তূপ দেখিতে পাওয়া যায়, তাহারই এক অংশে হেন্দোলেশ্বর লিঙ্গ স্থাপিত।

## শুণিতপুর বা শোণিতপুর।

তেজপুর হইতে ৪ মাইল পশ্চিমে শুণিতপুর বিল। ইহার নিকটে যে সকল ধ্বংসাবশিষ্ট ছিল, তাহার দ্বারা অনেকে গৃহাদি নির্মাণ করিয়াছে। জনশ্রুতি, এই

খানেই বাণরাজার বিচারালয় ছিল এবং এখান হইতে সিন্ধুরী পর্বত পর্যন্ত বাণযুদ্ধের যুদ্ধক্ষেত্র হইয়াছিল।

## সাতপুখুরী।

তেজপুর হইতে ৩।০ মাইল দূরে উজাল গ্রামে ৭টি পুষ্করিণী আছে। ঐ সাতটি পুষ্করিণীর জলে উষাকে স্নান করাইয়া বিবাহ দেওয়া হইয়াছিল এইরূপ কথিত হয়।

## কুভাণ্ড পুখুরী।

বাণমন্ত্রী কুভাণ্ডের নামে একটি পুষ্করিণী বিদ্যমান।

## মহাভৈরব বা বাণলিঙ্গ।

প্রবাদ বাণ রাজা এই শিব লিঙ্গ পূজা করিতেন। ইহা প্রকাণ্ড। বাণরাজ ইষ্টক ও প্রস্তরে এই মহাভৈরবের মন্দির নির্মাণ করাইয়াছিলেন, সম্প্রতি এই মন্দিরটি পুনর্নির্মিত হইয়াছে, ইহা তেজপুরের এক মাইল উত্তরে অবস্থিত।

## বামনী পাহাড়।

তেজপুর হইতে ২।০ মাইল পূর্বে এই পাহাড়। এই পাহাড়টি ১টি ভগ্নস্তূপ বিশেষ। অসংখ্য প্রস্তরখণ্ডে আচ্ছন্ন হইয়া আছে। কেহ কেহ বলেন এই বামনী উষার উপাস্য দেবী ছিলেন। কিন্তু কোন মূর্তি এখন এখানে নাই। গবর্ণমেন্ট বাৎসরিক ৫০০ টাকা ইহার জঙ্গল কাটিবার জন্ত ব্যয় করিয়া থাকেন।

## ভ্রমরাগুড়ি।

ভ্রমরাগুড়ি পর্বত অতি রম্যস্থান। তেজপুর হইতে ৫।০ মাইল পূর্বে ব্রহ্মপুত্র নদের উপর অদৃষ্ট হইয়াছে। ইহার পূর্বপ্রান্তে মগ্নগিরিতে রুদ্রপদ অবস্থিত। ব্রহ্মপুত্রের জল কমিয়া গেলে শিবরাত্রিতে এখানে পূজা হইয়া থাকে। পর্বতময় অসংখ্য ভগ্নস্তূপ বিক্ষিপ্ত রহিয়াছে।

শ্রীদেবনারায়ণ ঘোষ।



## মহারাষ্ট্রীয় হিন্দুজাতি।

বোম্বে-প্রেসিডেন্সি, মধ্যপ্রদেশের কোন কোন জেলায় এবং বেরারে মারাঠা-জাতি বাস করে; বেনারস এবং এলাহাবাদেও তাহাদের অসংখ্য নাই। মধ্যপ্রদেশের নাগপুর, বানদারা, চাঁন্দা, ওয়ারধা এবং বালারাত জেলার লোকে মারাঠি-ভাষায় কথাবার্তা বলে। এসকল জেলায় কোন কোন মহারাষ্ট্রীয় হিন্দিতেও কথা বলে। \*

বহুমাণ প্রস্তাবে হিন্দুদিগের চারি প্রধান জাতির কথা আলোচিত হইবে। মহারাষ্ট্রীয়দিগের মধ্যে বর্তমান ব্রাহ্মণগণ বহুশাখায় বিভক্ত। ঋগ্বেদ মতাবলম্বীরা তিন শ্রেণীতে বিভক্ত;—(১) ঋগ্বেদী, (২) অশ্বালয়ন, + এবং (৩) অপস্তুভ। যজুর্বেদীয়েরা—(১) কানাওয়া (২) মধ্যন্দীন প্রভৃতি শাখায় বিভক্ত। এতদ্ভিন্ন ভাগারি, মালাভি, নরবদি, সন্ন্যাসী প্রভৃতি শাখাও দৃষ্ট হয়।

ইহাদের মধ্যে আবার সম্প্রদায় আছে।—শিব উপাসকদিগকে শৈব বলে, বিষ্ণু উপাসকদিগকে বৈষ্ণব বলে এবং যাহারা শক্তি বা দেবীর আরাধনা করে তাহাদিগকে শাক্ত বলে। এক সম্প্রদায়ের গৌড়ারা অপর সম্প্রদায়দিগকে ঘৃণা করে এবং বিবাদ বিসম্বাদ উপস্থিত হইলে পরস্পরে পরস্পরের উপাশ্রদেবতার উপর গালি বর্ষণ করিতেও কুচিত্রিত হয় না।

\* মারাঠা-ভাষীহিন্দু ও অন্য হিন্দুর আচার ব্যবহারে প্রভেদ এই যে, (১) পুরোহিতেরা মাতুল-কন্যা বিবাহ করিতে পারে, তবে কন্যার মাতা বরের পিতা অপেক্ষা বয়সে বড় হওয়া চাই। তাহার বরকে মামা বলে। (২) তাহাদের স্ত্রীলোকগণ শুদ্ধান্তে বিবাহ করিতে পারে না। প্রথম আচারের সমর্থনার্থ তাহারা বলিয়া থাকে যে, দক্ষিণ দেশে লোকে মাতুল-কন্যাকে বিবাহ করে, পশ্চিম দেশে লোকে চন্দ্রপাত্রে জল পান করে, (যেমন মাদুওয়ারীগণ,) উত্তরে (কাশ্মীর) লোকে মহিষ-মাংস আহার করে এবং পূর্বদেশের লোকে (বাস্তালী এবং উড়িয়া) মৎস্য ভক্ষণ করে।

+ ঋগ্বেদী এবং অশ্বালয়নীরা এক, ইহারা অপস্তুভদিগের হিত উদাহরণে বদ্ধ হয় এবং তাহাদের সহিত ও কানাওয়া এবং মধ্যন্দীনদিগের সহিত একত্র আহার করে। কিন্তু শেখোভদিগের হিত বিবাহিক সম্বন্ধে বদ্ধ হয় না।

এই বিবাদ সম্বন্ধে একটি গল্প প্রচলিত আছে।—এক বৈষ্ণবের পুত্রের সহিত এক শৈবের কন্যার বিবাহ হয়। কত্না শ্বশুরালয়ে আসিয়া গৃহস্থালীর কর্ম করিতে আরম্ভ করে। একদা প্রাতঃকালে সে ঘর লেপিতেছে,—তাহার হস্ত দক্ষিণে ও বামে সঞ্চালিত হইতেছিল। অদূরে দাঁড়াইয়া তাহার শ্বশুর এই ব্যাপার দেখিলেন। তিনি ইহা অতিশয় পাপজনক বিবেচনা করিয়া দৌড়াইয়া যাইয়া পুত্রবধূর মুখে প্রহার করিলেন। বালিকা একেবারে স্তম্ভিত হইল এবং কাতরভাবে তাহার ক্রটির কথা জানিতে প্রার্থনা করিলে, শ্বশুর বলিলেন,—‘যদিও তুমি শৈবের কন্যা, তত্রাচ তোমার স্মরণ থাকা কর্তব্য যে, তুমি বৈষ্ণবের ঘরে বিবাহিতা হইয়াছ, এখানে বৈষ্ণবদিগের সমুদায় রীতিনীতি তোমাকে পালন করিতে হইবে। আমাদের প্রত্যেক কার্যই খাড়াখাড়াভাবে করিতে হয়, দক্ষিণে বামে নাড়িয়া কিছু করিতে হয় না।’ এই ঘটনার কিয়দ্দিন পর, একদা পুত্রবধূ দেখিল যে, তাহার শ্বশুর দক্ষিণে ও বামে অঙ্গুলি সঞ্চালন করিয়া দন্তধাবন করিতেছেন। পুত্রবধূ তাঁহাকে শিক্ষা দিবার ইহাই উপযুক্ত অবসর বিবেচনা করিয়া, ব্যস্তভাবে অগ্রসর হইয়া তাঁহার বদনে ভীষণ চপেটাঘাত করিয়া স্মরণ করাইয়া দিল যে, বৈষ্ণবের লম্বালম্বিতাবে সকল কাজ করিতে হয়।

এই সকল ব্রাহ্মণগণ মারাঠি ভাষায় কথা বলে এবং তাহাদের সাধারণ লেখাপড়া মারাঠি-লিপিতে সম্পাদিত হয়। কিন্তু পুস্তকাদি দেবনাগরী অক্ষরে মুদ্রিত হইয়া থাকে।

ব্রাহ্মণগণের মধ্যে দুইটি প্রধান বিভাগ আছে। এক বিভাগে—গৃহস্থ, অপর বিভাগে—ভিক্ষুক। পুরোহিত প্রভৃতি ভিক্ষুকগণ পরের বদান্ততার উপর নির্ভর করে। পারিবারিক পুরোহিতদিগকে উপাধ্যায় এবং জোসী বলে। উচ্চবংশের ক্রিয়াকলাপ উপাধ্যায়গণ সম্পন্ন করেন এবং সাধারণ লোকদিগের ক্রিয়া কলাপ জোসীর দ্বারা সম্পাদিত হয়।

তৎপরে ক্ষত্রিয়। বর্তমান সময়ে ইহাদের অস্তিত্বে সন্দেহ উপস্থিত হয়। কোন কোন জাতীয় লোক ক্ষত্রিয় বলিয়া পরিচয় প্রদান করিয়া থাকে। রাজপুত, মারাঠি, জাঠ প্রভৃতি ক্ষত্রিয়ের দাবী করে। ভারতের উত্তর এবং উত্তর-পশ্চিম অংশে রাজপুত ও জাঠগণ বাস

করে। কিন্তু ইহাদের কতকাংশ মারাঠা-ভাষী লোক-দিগের মধ্যে আসিয়া বসবাস আরম্ভ করিয়াছে। বাহারা মারাঠি-ভাষা প্রচলিত স্থানে আসিয়াছে, তাহারা উক্ত ভাষা গ্রহণ করিয়াছে। পূর্বকালে দেশীয় রাজত্ববর্গের অধীনে তাহারা সৈনিকের কার্য্য করিত; কিন্তু বর্তমান সময়ে ব্রিটিশরাজের রাজত্বকালে তাহাদের অল্পসংখ্যক সৈনিক শ্রেণীভুক্ত, অবশিষ্টাংশ অন্য কোন কার্য্যে বা কৃষি-কার্য্যদ্বারা জীবিকা নির্বাহ করিতেছে।

মারাঠিগণ ইহাদের হইতে ভিন্ন এবং স্বাধীনজাতি। তাহারা বলে যে, পুরাতন ক্ষত্রিয় হইতে তাহাদের উদ্ভব। তাহারা সাধারণতঃ দাক্ষিণাত্যে বাস করিত,—তাহারা বোদ্ধা। এক সময়ে তাহারা এতই শক্তিশালী হইয়াছিল যে, তাহাদের বাহুবল প্রায় সমগ্র ভারতের উপর বিস্তৃত হইয়া পড়িয়াছিল। ছত্রপতি শিবাজীর নাম কে না জানে? কিন্তু তাহাদের সে গৌরব এখন কোথায়? তাহাদের বংশধরগণ সর্বশক্তি হইতে বঞ্চিত হইয়া পৃথিবীর কোন এক অজ্ঞাত প্রান্তে বসিয়া অবশহদয়ের গুহ্মদিবসগুলি গণনা করিতেছে। শিবাজীর সময়ে তাহাদের বেশভূষা প্রভৃতি সরল ছিল, কিন্তু কালক্রমে তাহারা বিলাসী হইয়া উঠিয়াছে। এই জাতির বাহারা নাগপুরে বাস করিতেছে; তাহারা প্রধানতঃ গবর্ণমেন্ট হইতে যে সকল পেন্সন, ইনাম প্রভৃতি প্রাপ্ত হইয়াছিল, তাহারই উপস্থিত্যে দিনপাত করিতেছে। কিন্তু অধিকাংশই হৃদশাগ্রস্ত—ঋণজালে বিজড়িত। ঋণের কারণ এই যে, এখনও তাহারা বিলাসিতা ত্যাগ করিতে পারে নাই। কেহ কেহ সরকারে কেহ বা অল্প ব্যক্তির কার্য্যে এবং কেহ বা কৃষিকার্য্যে নিযুক্ত আছে। ব্রাহ্মণগণ যে সকল উৎসবের অনুষ্ঠান করে, তাহারাও তাহা করিতে ইতস্ততঃ করে না। তাহারা অতি সমারোহে দশহরা উৎসব নির্বাহ করে। বিজয়া দশমীর দিন নাগপুরে তাহাদের নাম-সঙ্কস্ব-রাজা—হস্তী, অশ্ব, উষ্ট্র ও অসংখ্য অনুচর পরিবেষ্টিত এবং বাহু-সঙ্গীতে নগর প্রবুদ্ধ করিয়া 'রাজা বন্ধির মারোতি' নামক দেবমন্দিরে যাত্রা করেন। মাংসাহার ও মত্তপান করিতে তাহাদের আপত্তি নাই। অপরিমিতরূপে মত্তপান করিয়া তাহারা মাতাল হয়। সুরাদেবীর কল্যাণে তাহাদের পরিবার ধ্বংস হইয়াছে।

ইহাদের কেহ-কেহ ইংরাজি শিক্ষা করিয়া রাজসরকারে চাকুরি করিতেছে। তাহারা মারাঠি-ভাষায় কথা বলিলেও ব্যাকরণ-শুদ্ধ কথা বলিতে পারে না—গ্রাম্যভাষা ব্যবহার করিয়া থাকে।

তৎপরে বৈশ্য। বর্তমান সময়ে সোণার, লোহার, ছুতার, গুতার—এই কয়জাতি লইয়া বৈশ্যশ্রেণী সংগঠিত।

সোণার সম্ভবতঃ স্বর্ণকারের অপভ্রংশ। তাহাদের কার্য্য স্বর্ণ রোপ্যের অলঙ্কার প্রস্তুত করা। তাহারা সূনিপুণ শিল্পী,—তাহাদের শিল্পনৈপুণ্য পূর্বদেশীয় ও অনেকানেক পশ্চিমদেশীয় ব্যক্তি কর্তৃক প্রশংসিত হইয়াছে। তাহাদের কেহ কেহ লেখা পড়াও জানে। কিন্তু তাহারা গুপ্তচোর বলিয়া প্রসিদ্ধ। স্বর্ণালঙ্কার প্রস্তুত করিতে দিলে তাহারা কিয়ৎ পরিমাণে অপহরণ করে।

লোহারজাতীয়েরা লৌহকার,—লৌহদ্রব্য প্রস্তুত করে। বাহারা পল্লীগ্রামে বাস করে, তাহারা অপরিষ্কার লৌহদ্রব্য প্রস্তুত করিয়া জীবনযাত্রা নির্বাহ করে। কৃষককুল ইহাদের নিকট সমধিক উপকৃত। চাষিদিগের নিত্য ব্যবহার্য্যোগ্য লোহালঙ্কার 'কাসা,' 'পাস,' 'এসিয়া,' 'ইন্টিয়া,' 'খাট,' 'দাভাঙ্গা,' 'কুদাল,' 'কাসালিয়া,' 'কুড়াল' প্রভৃতি নিৰ্ম্মাণ করে। যে সকল 'লোহার' সহরে বাস করে, তাহারা অপেক্ষাকৃত ভাল দ্রব্য প্রস্তুত করিতে পারে। আদিকিতা (জাতি), কাত্রি (খুর), ছুরি, কাঁটা, শিকল, সিদ্ধুক প্রভৃতি তাহারা নিৰ্ম্মাণ করিয়া থাকে। যখন কোন 'লোহার' পল্লীগ্রামে বিপণী খোলে, তখন সে নিজে লৌহ পিটে, তাহার স্ত্রী বা মাতা হাপর টানিয়া অগ্নিতে বাতাস করে এবং তাহার পুত্র বা কনিষ্ঠ ভ্রাতা থাকিলে, তাহারা অগ্নিতে কয়লা প্রদান করে। কৃষকদিগের ব্যবহার্য্যোগ্য দ্রব্যাদি প্রস্তুত করিয়া দিলে, তাহারা তদ্বিনিময়ে নগদ অর্থ কিছু পায় না। যখন জওয়ারি পরিপক হয়, তখন তাহারই কিয়দংশ প্রাপ্ত হয়। রবি ফসল কতিত হইলে, তাহারা ক্ষেত্রে বাইয়া তাহাদের অংশ লইয়া আসে। এতদ্ব্যতীত তাহারা প্রত্যেক শস্যেরই কিয়দংশ প্রাপ্ত হয়। শস্য কাটা হইলে তাহারা 'দেমলা' এবং 'পেন্দি' (বোঝা বা আঁটি বিশেষ) হিসাবে অংশ বুঝিয়া লয়। ইহাতেই তাহাদের জীবনযাত্রা নির্বাহ হইয়া

থাকে। সমস্ত দিবসের কঠোর পরিশ্রমের পর আনন্দ করিবার জন্ত তাহারা দোকানে পাড়া প্রতিবেশিগণকে আহ্বান করিয়া গ্রাম্য-সঙ্গীত উচ্চৈঃস্বরে আবৃত্তি করে। গানের সময় তাহারা ঢোল, মন্দিরা প্রভৃতি বাস্তবন্ত্র ব্যবহার করে। মধ্যরাত্রি পর্য্যন্ত এইরূপে চলিতে থাকে, তৎপর প্রতিবেশিগণ স্ব স্ব গৃহে প্রস্থান করে। মত্তপান তাহাদের মধ্যে নিবিদ্ধ নহে, কেহ কেহ ইহাতে সন্দেহাস্ত হয়। তাহাদের প্রধান উৎসব—জিভুতি এবং নাগু। এই দিন তাহারা পরিশ্রম করে না,—তাহাদের অস্ত্রশস্ত্রের অক্ষয়্য দিবস অতিবাহিত হয়। প্রত্যেক গ্রামে একঘর করিয়া স্ত্রধর আছে। তাহারা পাতিল বা মালগুজারদার (ভূম্যধিকারীর) সম্পূর্ণ কর্তৃত্বাধীন এবং তাহার অল্পগ্রহ-লাভের জন্ত বিশেষ চেষ্টিত। গৃহস্থের এবং কৃষকদিগের ঐশ্বৰ্য্যজনীয় কাষ্ঠদ্রব্য প্রস্তুত করিয়া তাহারা জীবিকা উপার্জন করে। তাহারা বকার, নানগার (লাঙ্গল) দোর, দিনদা, ঠিকান, হালিস জু প্রভৃতি প্রস্তুত করে। এতদ্বিনিময়ে তাহারাও পল্লী লোহারের ন্যায় নগদ মুদ্রা প্রাপ্ত হয় না। কেবল শস্য পায়।

শস্য কর্তৃনের সময় তাহারা মাঠে বাইয়া প্রত্যেক শস্যের দুই বোঝা করিয়া লইয়া আসে। যদি তাহারা মাঠে না যায়, তবে গৃহস্থ তাহাদের জন্য ঐ পরিমাণ শস্য রাখিয়া দেয়। এতদ্ব্যতীত তাহারা 'হারদা', 'আম-রিয়া' প্রভৃতি দুই 'কুদো' করিয়া পাইয়া থাকে। স্ত্রধর বয়সে প্রবীণ হইলে গ্রামবাসিগণের নিকট সম্মান পাইয়া থাকে। দিনের বেলায় যখন তাহারা কার্য্যে ব্যস্ত থাকে, অনেক কৃষক আসিয়া তখন তাহাদের কার্য্য সন্দর্শন করে এবং কার্য্য শেষে নানা রূপ খোস গল্প আরম্ভ করিয়া দেয়। যদি সঙ্গীতে অল্পরাগ থাকে, তবে কন্ঠকার-দিগের ছায় প্রথম রাত্রে সঙ্গীত চলে। গ্রামে যদি মালগুজারদার কি অল্প কোন ব্যক্তির ইচ্ছুর আবাদ থাকে এবং সে যদি গুড় প্রস্তুত করিয়া বিক্রয় করে, তবে স্ত্রধর আখনাড়া কল (ঘাইন) প্রস্তুত করিয়া দিয়া, গুড় এবং আখ আদায় করে। এইত গেল পল্লীর স্ত্রধরের কথা। সহরের স্ত্রধরগণ তাহাদের পারি-শ্রমিকের মূল্য নগদ প্রাপ্ত হয়। তাহাদের হস্ত চাতুর্য্য আছে,—লোকের বাড়ী বাইয়া ঠিকা কাজ করে। কেহ

কেহ সামান্য লেখা পড়াও জানে। নাগপুর এবং তন্নিকট-বর্ত্তী জেলাসমূহে স্ত্রধরগণ ব্রাহ্মণের হস্ত ভিন্ন অল্প কোন জাতির হস্তে অন্নাদি গ্রহণ করিত না। কিন্তু ক্রমে ক্রমে তাহাদের এ বন্ধন শিথিল হইয়া আসিতেছে। তাহাদের নিজের 'শঙ্করাচার্য্য' বা পুরোহিত আছে। তিনি মধ্যে মধ্যে শিষ্যের বাড়ীতে গমন করিয়া ধর্ম্মগ্রন্থ পাঠ করেন। স্ত্রধরগণ তাহাদের জাতীয় উপাধি ত্যাগ করতঃ 'সুক-য়াসি' ব্রাহ্মণ বলিয়া পরিচয় দেয়। আজ কাল ম্নান করার পর হইতে আহার পর্য্যন্ত ব্রাহ্মণের ছায় তাহারা 'খুলা' (পটবস্ত্র) পরিধান করিয়া থাকে। মাংসাহার তাহাদের নিষিদ্ধ নহে; রাস এবং ঝুলনযাত্রায় তাহারা গ্রাম্য দেবতার সন্মুখে ছাগ শিশু উৎসর্গ করিয়া তন্মাংস ভক্ষণ করে।

তৎপর বৈশ্য বা 'কসার' জাতি, ইহারা কাংস এবং পিত্তল পাত্রের ব্যবসায় করে। সোণারদিগের সহিত ইহাদের অনেকটা সাদৃশ্য আছে। ইহারা নিজে দ্রব্যাদি প্রস্তুত করে না, তাহুলকার (তামার)-দিগের নিকট হইতে ক্রয় করিয়া কিছু উচ্চ মূল্যে বিক্রয় করে। মধ্য-প্রদেশের অন্তর্গত নাগপুর এবং নরবদা ডিভিসনে ইহা-দিগকে দেখিতে পাওয়া যায়। অল্প দুই ডিভিসনে ইহা-দের সংখ্যা সম্ভবতঃ অল্প। বোম্বাই প্রেসিডেন্সির পুনা, পাণ্ডারপুর প্রভৃতি বৃহৎ বৃহৎ স্থানে ইহারা বাস করে।

অতঃপর 'গুরভ',—ইহারা নিজেই এই জাতির সৃষ্টি-কর্ত্তা। ইহাদের দুইটি শাখা আছে। এক শাখা শিব বা মহাদেবের সেবায় নিযুক্ত থাকে,—বিষপত্র আহরণ শিব মন্দির পরিষ্কার ও ধৌত এবং দেবতার অর্চনা করে। এই দেবতার নিকট লোকে যে সকল উপহার প্রদান করে, তদ্বারাই তাহাদের জীবিকা নির্বাহ হইয়া থাকে। অল্প-শাখা গীতবাদ্য করিয়া সংসারযাত্রা নির্বাহ করিয়া থাকে।

সোণার, লোহার, ছুতার, গুরভ প্রভৃতি যে সকল জাতি বৈশ্য বলিয়া পরিচয় দেয়, তাহাদের পুরুষ সকল বিবাহের পর উপবীত ধারণ করে। সর্বশেষে চতুর্থ শ্রেণী—শূদ্র। অনেক জাতি এই শ্রেণীর অন্তর্ভুক্ত। প্রথম কুন্বি—কৃষক শ্রেণী। বর্তমান সময়ে অনেক কুন্বি কৃষিকার্য্য করে, অনেকে মালগুজারদার বা পাতিলও হইয়াছে। তাহাদের মধ্যে তিরোণি, বাভুল

জেড প্রভৃতি অনেকগুলি উপশাখা আছে। তাহাদের অনেকে নিজেই ক্ষেত্র কর্ষণাদি করে। তাহারা নিজের বলীবর্দ্ধনারা (সময়ে সময়ে ভাড়া করিয়াও লয়) লাঙ্গল বহে। বলীবর্দ্ধ ভাড়া কে 'খাণ্ড' বলে। যাহাদের বীজ-শস্ত্র না থাকে, তাহারা গ্রামের পাতিলের নিকট হইতে 'সাতাই' (সুদের পরিমাণ) বন্দোবস্তে বীজ ধার করে। অনটনের সময় পোদ্দাগাও (খাদ্য শস্ত্র) ধার করে। দিবসে তাহারা স্ত্রীপুত্র লইয়া মাঠে কাজ করে। শস্ত্র পরিপক হইলে পুরুষে রজনীতে মালার (মঞ্চের) উপর থাকিয়া ক্ষেত্র পাহারা দেয়। দিবাভাগেও কাজ ফেলিয়া বাড়ী আসে না। পূর্ক দিবসের রুটি তরকারী প্রাতঃকালে বাড়ী হইতে আহাৰ করিয়া যায়, অথবা সঙ্গে লইয়া যাইয়া মাঠে আহাৰ করে। দ্বিপ্রহরে স্ত্রী কিম্বা পুত্র মাঠে গরম রুটি, ডাল কি তরকারী দিয়া আইসে। দ্বিপ্রহরের খাদ্য লইয়া গেলে, তাহারা নিকটবর্তী জলাশয় হইতে অবগাহন করিয়া বৃক্ষমূলে কিয়ৎক্ষণ বিশ্রাম করতঃ আহাৰ করে,—এই অবসরে বলীবর্দ্ধ মাঠে চরিতে থাকে। তৎপর পুনরায় কার্যো-প্রবৃত্ত হয়। সন্ধ্যার সময় গরু চরাইয়া বাড়ীতে প্রত্যাবৃত্ত হয়। পরে গরুকে আহাৰীয় দেয়। গৃহ-লক্ষ্মী তখন তাহাদের হস্তপদ ধৌত করিবার জন্য উষ্ণজল ও নৈশ-ভোজ্য আনয়ন করে। আহাৰ শেষ হইলে, শীতকাল হইলে কিছুক্ষণ অগ্নিপার্শ্বে উপবেশন করে, তামাকু টানে, তাহার পর শয়ন করে। গ্রাম্য কুন্বিদিগের অবস্থা এইরূপ। কোন কোন কুন্বি ব্যবসায় আরম্ভ করিয়াছে,—চিনি, গুড়, নারিকেল, সুপারি, লবণ ইত্যাদি ক্রয় বিক্রয় করে। কেহ কেহ কাপড়ের ব্যবসায়ও করে।

ভোম্বের নামক আর এক জাতি আছে,—তাহারাও কৃষক। কুন্বিদিগের সহিত তাহাদের বিশেষ সাদৃশ্য আছে। তাহারা একমাত্র কৃষিকার্যের উপর নির্ভর করে। মারাঠি এবং হিন্দি-মিশ্রিত ভাষা তাহারা ব্যবহার করে। কেহ কেহ প্রাকৃত মারাঠিতেও বলে, কিন্তু শুদ্ধ করিয়া বলিতে পারে না।

শূদ্ৰদিগের মধ্যে 'তেলি' আর একটি জাতি। তাহারা স্বহস্তে নিৰ্ম্মিত ঘানি গাছে তিসি প্রভৃতি নিষ্পেষিত করতঃ তৈল বাহির করিয়া বিক্রয় করে। কিন্তু বর্তমান সময়ে

অনেকে কৃষিকার্য আরম্ভ করিয়াছে। তেলিগণ নিশ্রেণী বলিয়া পরিচিত।

তৎপর সিমুপি (দরজি) জাতি। ইহারা স্ত্রীপুত্রকে কাপড় সেলাই করে। কেহ কেহ বড় বড় সহর হইতে কাপড় ক্রয় করিয়া আনিয়া গ্রামে বিক্রয় করে।

অতঃপর ক্ষৌরকার। ইহাদিগকে 'মাণি' বা 'মাণ্ডি' বলে। ইহাদের কার্য—কামানো। এতদ্ব্যতীত তাহারা প্রভুর বাড়ী পাহারা দেয়।

পরে রজক। ইহাদিগকে 'ধৌবি' 'পারিট' বা 'ভাঙ্গপি' বলে। ইহারা বস্ত্রাদি ধৌত করে। পূর্ককালে যাকে রজক বাড়ী বস্ত্রাদি না দিলেও বর্তমান সময়ে লোক সে নিয়ম প্রতিপালন করে না।

ভোই,—ইহারা মৎস্ত মারিয়া বিক্রয় করে।

গোভারি বা গোয়াল। ইহারা পশুদি পালন করে। ইহারা পূর্ক বর্দ্ধিষ্ণু ছিল,—বহু সংখ্যক গরু এবং বাছ রক্ষা করিত এবং এখনও অনেকে করে।


মাহার, ধিদ্, চামার, ম্যাঙ্গ। ইহারা অর্ধ শূদ্ৰ। মাহার গ্রাম্য চৌকিদার (কোতোয়াল); ধিদ্ এবং ম্যাঙ্গরা 'সানাই' বাদ্য করে, ইহাদের আর একটি নাম—ওজান্ডি। চামার পাছকা প্রস্তুত করে।

ওয়ানি বা বেণিয়া। নাগপুর এবং পশ্চিম নাগপুরের বৈশ্যদিগের সমতুল্য বলিয়া ইহারা পরিচয় দেয়।

চিংগাতি বা পরভু। ভারতের কায়স্থদিগের সমতুল্য বলিয়া থাকে।

মিঃ বলরাম ডেস্‌মাক্ মধ্যপ্রদেশের ওয়ারহাটে যে বক্তৃতা করিয়াছিলেন, বর্তমান প্রবন্ধ তাহারই মার সঙ্কলন।

শ্রীব্রজসুন্দর সান্যাল।



## নরহত্যা।

বিরাধ নগরে এক সন্ন্যাসী আসিয়াছেন। গৌর দীর্ঘ তলু-ঘটি গৈরিকচ্ছদে মেঘশুষ্ক সূর্যাস্তের মত বড় সুন্দর; অংসবিলম্বী কৃষ্ণকেশ তৈলনিষেক-চিকণ না হইলেও বুঝা যায় যে, অতি অল্পদিনই কেশ ও তৈলের বিচ্ছেদ ঘটয়াছে। দেহ সুগঠিত ও বলিষ্ঠ, কিন্তু অতি পীন নহে। সন্ন্যাসীর যাক্সা নাই, আকাজ্জা নাই; কিন্তু কেহ কিছু দান করিলেও তাহা প্রত্যাখ্যাত হইত না। যেখানে দরিদ্র সেখানে সন্ন্যাসীর স্বল্পবিলম্বিত ঝুলি উন্মুক্ত হইয়া দরিদ্রের অজ্ঞাতে তাহার দারিদ্র্য মুছিয়া লইয়া যাইত; যেখানে পীড়িত সেখানে সন্ন্যাসীর অটু স্বাস্থ্য, সুখ ও স্বাচ্ছন্দ্য আনয়ন করিত; যেখানে অর্ধ সেখানে সন্ন্যাসীর প্রাণ আত্মবিস্মৃত হইত। এজন্ত অতি অল্পদিনের মধ্যেই সন্ন্যাসী সর্বজনপরিচিত ও আবাণ-বৃদ্ধ-বণিতার প্রিয় হইয়া উঠিয়াছিলেন; দুইজন কেবল তাঁহাকে দেখিতে পারিত না। একজন—কুশীদ-জীবি বিশাখদত্ত, অপরজন—নগররক্ষী সুবন্ধু। সন্ন্যাসীর অজ্ঞ প্রকাশ-গোপন দানে দরিদ্র পুরবাসী আর বিশাখ-দত্তের দ্বারস্থ হইয়া পুত্রপৌত্রাদিক্রমে আত্মবিক্রয় করিত না, ইহাই তাহার রাগের কারণ। সন্ন্যাসী হইয়া অতুল ধনসিকারী বলিয়া সুবন্ধুর বড়ই সন্দেহ, সন্ন্যাসী হয়ত ছদ্মবেশী দস্যুদলপতি।

সুবন্ধুর কার্যদক্ষতার বড় খ্যাতি। এ খ্যাতি মঙ্গল রাখিতে সুবন্ধু সন্ন্যাসীকে দস্যু প্রতিপন্ন করিবার জন্ত বড় সচেষ্ট। বহু পুরবাসী ইহা জ্ঞাত হইয়া সন্ন্যাসীকে সন্দেহান হইতে বলিল। সন্ন্যাসী একটু মধুর হাস্তে বলিলেন, "ভগবান তাহার মঙ্গল করুন।" নাগরিকগণ স্নবাক হইয়া রহিল।

কিছুদিন পরে এক দস্যুদল লুণ্ঠন-মানসে বিশাখ-দত্তের বাড়ী আক্রমণ করিল। দরিদ্রের রক্তশোষক নয়শিষ্য কুশীদজীবীর বাড়ী দস্যুগণ আক্রমণ করিলে জনপ্রাণী কেহ সাহায্য করিতে গেল না। দস্যুগণ বারভাগ ও প্রাচীর উল্লঙ্ঘন করিয়া গৃহ মধ্যে বাইয়া

উপস্থিত হইল, তখন বৃদ্ধ বিশাখদত্তের পুত্র এক তরবারি হস্তে দস্যুদলের সম্মুখীন হইল, একজনকে দশজনে আক্রমণ করিল। কুশীদজীবীর পুত্র কাপুরুষ না হইলেও হিসাবে খাতাপত্রের সহিতই অধিক পরিচিত, তরবারি-চালনায় তাহার বিশেষ পটুতা ছিল না। সুতরাং আহত হইয়া শীঘ্রই ধরাশায়ী হইল। দস্যুরা বৃদ্ধ, শিশু এবং স্ত্রীগণকে আক্রমণ করিয়া লাঞ্ছনা করিতে লাগিল, এক বিষম ছন্দার শুনিয়া দস্যুগণ থমকিয়া ফিরিয়া চাহিল। সন্ন্যাসী তরবারি হস্তে পশ্চাতে দণ্ডায়মান।

সন্ন্যাসী একবার গণ্ডবিলম্বী কেশশুচ্ছগুলি মস্তক চালনা করিয়া পশ্চাতে সরাইয়া লইলেন; ধীরে ধীরে দস্যুদের নিকটে আসিয়া একটু হাসিয়া বলিলেন, "পরস্বাপহরণে এত আগ্রহ কেন ভাই? বাহতে বল আছে বোধ হইতেছে; সংপথে অর্থ উপার্জন কি বড় কষ্টকর?" দস্যুগণের বিস্ময়ের প্রথম মুহূর্ত্ত অপগত হইয়া গেলে, সকলে ফিরিয়া সন্ন্যাসীকে আক্রমণ করিল; সন্ন্যাসী আত্মরক্ষা মাত্র করিতে করিতে ক্রমশঃ দ্বারের দিকে অগ্রসর হইতে লাগিলেন, দস্যুগণও তাঁহার সঙ্গে সঙ্গে দ্বারসন্নিহিত হইল। তখন সন্ন্যাসী কৌশল করিয়া নিজে ফিরিয়া আসিয়া দস্যুদিগকে দ্বারের দিকে লইয়া গেলেন। তখন তিনি উচ্চরবে বলিলেন, "দেখ, এতক্ষণ আমি তোমাদের কিছু বলি নাই; কিন্তু এখন যদি তোমরা সহজে গৃহত্যাগ করিয়া না যাও, তোমাদিগকে আঘাত করিতে আমি বাধ্য হইব।" এমন সময় বাহির হইতে একটা কিসের গোলমাল আসিতে লাগিল। দস্যুগণ ভীত হইয়া চলিয়া গেল। সন্ন্যাসী গৃহদ্বার-রুদ্ধ করিয়া আহত ও ভীতদিগের শুশ্রূষা করিতে লাগিলেন। বাহির দরজার জোরে আঘাত পড়িল। সন্ন্যাসী জিজ্ঞাসা করিলেন; 'কে?' 'দ্বার খোল, আমি সুবন্ধু, নগররক্ষী।' সন্ন্যাসী দ্বার খুলিয়া দ্বার পূর্কই বিশাখদত্ত তাড়াতাড়ি দ্বার খুলিয়া সুবন্ধুর সম্মুখে কাঁদিয়া আছাড়িয়া পড়িল। সুবন্ধু গৃহ-প্রাঙ্গণে আসিয়া দেখিলেন, রক্তাক্ত কণ্ঠের সন্ন্যাসী, লোহিতপুষ্প-সুশোভিত অশোক তরুর ত-দ্বিবা সুন্দর, সহাস্ত্রমুখে আহত যুবকের শিয়রে দাঁড়াইয়া আছেন। সুবন্ধুর ক্রুরচিত্তে কণিকের জন্ত সন্মানে পূর্ণ

হইল, পরক্ষণেই রূঢ়স্বরে বলিল, 'তুমি এখানে কেন?' সন্ন্যাসী হাসিয়া বলিলেন, 'নগররক্ষীর নিদ্রাভঙ্গের বিলম্ব দেখিয়া।' এই শ্লেষবাক্যে নগররক্ষীর চিত্ত জ্বলিয়া উঠিল, ক্রুদ্ধস্বরে কহিল, 'তুমি ভণ্ড সন্ন্যাসী, তুমি দস্যুদলপতি, তোমায় ধরিয়া লইয়া যাইবা।' সন্ন্যাসী পূর্ববৎ শান্তমধুর হাসি হাসিয়া বলিলেন, 'আমায় ধরিয়া লইয়া যাওয়া তোমাদের সাধ্য নহে; কিন্তু তোমরা ত্রায়ের অনুচর। চল, আমি তোমাদের সহিত যাইব।' সুবন্ধু সন্ন্যাসীকে বাঁধিয়া লইয়া চলিয়া গেল।

২

কারাগার জনশ্রোতে বিক্ষুব্ধ হইয়া উঠিয়াছে। পুরবাসিগণ সন্ন্যাসীকে দেখিবার জন্ত ব্যস্ত হইয়া ছুটাছুটি আরম্ভ করিয়াছে; সন্ন্যাসী কারাগৃহে অবরুদ্ধ থাকিয়াও তাহাদের হৃদয়ের রাজা। পুরবাসিদিগের মধ্যে কেহ কেহ রক্ষিদিগকে মারিয়া সন্ন্যাসীকে উদ্ধার করিবার কল্পনা করিতে লাগিল। এ সংবাদ সন্ন্যাসীর নিকট পৌছিল। সন্ন্যাসী নাগরিকদিগকে বলিলেন, 'ত্রায়ের নামে আমি অবরুদ্ধ হইয়াছি, আমাকে ত্রায় তিন মুক্তি দিবার ক্ষমতা কাহারও নাই। আমি তোমাদের সাহায্যে কারামুক্ত হইতে চাহি না, তোমরা বিরত হও।'

আজ সন্ন্যাসীর বিচার হইবে। বিস্তৃত দরবার বসিয়াছে। রাজার দক্ষিণে মন্ত্রী, তাহার দক্ষিণে নগররক্ষী সুবন্ধু, তাহার দক্ষিণে প্রাড়বিবাক। রাজার বামে রাজকন্যা মন্দালিকা, তাহার বামে জীরক্ষী। সেই বামদিকে একটু দূরে বন্দী সন্ন্যাসী, তাহার সম্মুখে দক্ষিণদিকে সাক্ষীবৃন্দ। বহু রক্ষী ও নাগরিকে গৃহ পরিপূর্ণ।

প্রথমে সুবন্ধু সন্ন্যাসীর অপরাধ বর্ণনা করিল; তৎপরে সাক্ষী বিশাখদত্ত শপথ করিয়া বলিল, 'সন্ন্যাসী দস্যুদলপতি, তিনিই আমার পুত্রকে সাংঘাতিক আঘাত করিয়াছিলেন, তিনি তাহাকে মারিতে বাইতেছিলেন, এমন সময় সুবন্ধু যাইয়া তাহাকে ধরিয়া ফেলে', ইত্যাদি। সমস্ত জনসভ্য এই মিথ্যা ঘোষণায় ক্রুদ্ধ হইয়া অশান্ত হইয়া উঠিল; সন্ন্যাসী আরক্ত ক্রকুটিকুটিল চক্ষে একবার চারিদিকে চাহিলেন, সবার দৃষ্টির হইয়া গেল। রাজা

জিজ্ঞাসা করিলেন, 'সন্ন্যাসি, তুমি কি নরহত্যা দস্যু?' সন্ন্যাসী দৃঢ়গষ্ঠীর স্বরে বহিলেন, 'রাজন্, আমি নরহত্যা বটে, আমি দস্যু নহি'। রাজার বিচারে সন্ন্যাসীর দোষ প্রমাণিত হইয়া গেল, সন্ন্যাসীর প্রতি চতুদণ্ড প্রদত্ত হইল। সন্ন্যাসী প্রশান্তচিত্তে সভাগৃহ ত্যাগ করিয়া চলিয়া গেলেন।

৩

সূর্য্যোদয়ের সঙ্গে সঙ্গে সন্ন্যাসীর প্রাণ যাইবে। সন্ন্যাসী অতি প্রত্যুষে উঠিয়া, প্রাতঃকৃত্য সমাধান করিয়াছেন। আজ তাহার পূজার্নিকে বড় অধিক সময় ব্যয়িত হইয়াছে। তৎপরে তিনি কয়েকখানি পত্র লিখিয়া সমাপ্ত করিলেন। তাহার গৃহের দ্বার মুক্ত হইল। দুই জন রক্ষী বস্ত্রিকা হস্তে প্রবেশ করিয়া তাহার শৃঙ্খল মোচন করিয়া দিল। সন্ন্যাসী রক্ষীদিগের হস্তে কয়েকখানি পত্র দিয়া বলিলেন, 'আমার মৃত্যুর পর, আনার এই পত্র কয়েকখানি উপযুক্ত স্থানে পাঠাইয়া দিও।' কথা সমাপ্ত হইবার পূর্বে একটি রনণী আসিয়া সন্ন্যাসীকে প্রণাম করিলেন। সন্ন্যাসীর বিস্ময় অপগত হইবার পূর্বেই রনণী উঠিয়া দাঁড়াইলেন, সন্ন্যাসী দেখিলেন, বিরোধনগরবাসিনীর কন্যা মন্দালিকা। সন্ন্যাসী অধিকতর বিস্মিত হইয়া আশ্চর্য হইয়া তাহার মুখের দিকে চাহিলেন। রাজকন্যা ধীর-কণ্ঠস্বরে কহিলেন, 'প্রভু, আপনি মুক্ত হইয়াছেন, আপনি প্রস্থান করুন।' সন্ন্যাসী বিরক্তবাক্যস্বরে বলিলেন, 'ছি রাজকুমারী, আমি এত নীচ নহি যে রাজ্যদেশ ত্যাগ করিয়া পলায়ন করিব।' রাজকুমারী লজ্জায় একটু হাসিয়া বলিলেন, 'আমি পলায়ন করিতে বলিতে পারি না; আমি আপনাকে মুক্তি দিতে আসিয়াছি।' এবার সন্ন্যাসীও একটু হাসিয়া কহিলেন, 'কিন্তু রাজকুমারি, আপনি মুক্তি দিবার কে?' রাজকুমারী হাসিয়া পশ্চাতে চাহিলেন, একজন পরিচারিকা অগ্রসর হইয়া তাহার হাতে একখানা বাগজ দিল। রাজকন্যা সন্ন্যাসীকে কহিলেন, 'এই লউন মুক্তিপত্র।' সন্ন্যাসী খুলিয়া দেখিলেন, রাজার স্বাক্ষরিত মুক্তিপত্রই বটে। তিনি হাসিয়া বলিলেন, 'ইহা জাল নহে, ইহার প্রমাণ কি?' রাজকন্যাও হাস্য করিয়া উত্তর করিলেন, 'প্রমাণ আমার

দত্তবাদিতা। তাহাতে যদি কোন সন্দেহ করিয়া আপনি চলিয়া না যান, নগররক্ষী আপনাকে জোর করিয়া বাহির করিয়া দিয়া আমার সত্যবাদিত্ব প্রমাণ করিবে।'

যখন রাজকন্যার শেষ কথা ক্ষীণ হইয়া গেল, তখন রাজকন্যা বহু দূরে চলিয়া গিয়াছেন। সন্ন্যাসী মুক্ত অথচ বন্দী; কিংকর্তব্যবিমূঢ়। তিনি চিন্তা করিতেছেন, এমন সময় সুবন্ধু উপস্থিত হইয়া রক্ষস্বরে কহিল, 'তুমি এখনো যাও নাই যে? তোমার বড় ভাগ্য ভাল যে রাজকন্যার তোমার উপর দয়া হইয়াছিল। আর শেষকালে বৃদ্ধা বিশাখদত্তের ধর্ম্মভাব গজাইয়া উঠিল; সে কাঁদিয়া কাটিয়া সব কথা বলিয়া ফেলিল। কিন্তু সুবন্ধুকে ফাঁকি দিয়া কতদিন কাটাইবে। যাও যাও, শীঘ্র চলিয়া যাও, আমার অল্প কাজ আছে।' সন্ন্যাসী হাসিয়া চলিয়া গেলেন। তৎপরে সে সন্ন্যাসীকে আর তথায় কেহ দেখিতে পায় নাই।

৪

হুমায়ূন বাদশাহের ভাগ্যবিপর্যায়কালে বহু হিন্দু-রাজ্য স্বাধীনতালাভের সুযোগ পাইয়াছিলেন। পরাধীন জাতি নিশ্চিন্ত মনে বসিয়া থাকিলে, বিজেতা রাজার বিপদের সময়েও আপনাদিগের ভগ্নভাগ্যের সংস্কার করিতে পারে না। প্রাচীন ভারতের এ জ্ঞানটুকু ছিল। তাই যখন হুমায়ূন নিজের প্রবল শক্তি সহিত ব্যতিহাস্ত ছিলেন, তখনই এই বিরোধ নগর নিজের হস্ত স্বাধীনতার পুনঃ প্রতিষ্ঠা করিতে পারিয়াছিল। তৎপরে হুমায়ূন স্বরাজ্যে প্রতিষ্ঠিত হইলেন; তাহার চতু্য হইল; বাগক আকবর বাদশাহ হইলেন। বিরোধ নগর নিকিড়ে অথচ স্বাধীনতাসুখ ভোগ করিতে লাগিল। তৎপরে আকবর সিংহাসন দৃঢ়ায়ত্ত করিয়া নষ্টরাজ্য পুনরাধিকারে প্রবৃত্ত হইলেন। বিরোধ নগরে সমরাজ্যের সমারোহ পড়িয়া গেল। চর আসিয়া সংবাদ দিল, যখনসেই আগত প্রায়।

যখন এই সংবাদ আসিল, তখনও রাজার সৈন্ত নগর বাহিরে আসিয়া সমবেত হয় নাই। নগরবাসিগণ বিস্ময়ে দেখিল, তরবারি হস্তে সন্ন্যাসী ক্ষতপদে রাজ-প্রাসাদাভিমুখে ধাবিত হইতেছেন। তিনি রাজাকে

সংবাদ পাঠাইলেন, সংবাদ বে লইয়া গেল, সে আর ফিরে না। সন্ন্যাসী রক্ষিদিগের বারণ না মানিয়া রাজার দরবারে যাইয়া উপস্থিত হইয়া গন্তীরোচ্চস্বরে বলিলেন, 'পুরদ্বারে শত্রু উপস্থিত, রাজন্, আপনার সৈন্ত সংস্থান কৈ? স্বাধীনতা বড় হারানিয়া দেবী, তাহার জন্ত কার্যমনপ্রাণ সমর্পণ না করিলে তাহার তুষ্টি হয় না। কই রাজা কই, স্বাধীনতারক্ষার আরোজন কই?' বৃদ্ধ রাজা কাঁদিতে কাঁদিতে বলিলেন, 'আমার আসন্ন-বিপদ দেখিয়া সেনাপতি ও নগররক্ষী সুবন্ধু যবনের সহিত মিলিত হইয়াছে। আর যুদ্ধ কে করিবে?' 'কেন আপনি করিবেন।' সন্ন্যাসীর কণ্ঠে বজ্রনির্ঘোষ হইল। বৃদ্ধ রাজা বলিলেন, 'আমি অক্ষম বৃদ্ধ।' সন্ন্যাসী বলিলেন, 'অক্ষম বৃদ্ধেরও স্বদেশ স্বাধীনতা রক্ষার জন্য প্রাণপণ করা উচিত, আর দুই দিনের পরমায়ুর প্রতি এত আসক্তি কেন? কিন্তু বাক সে কথা, আপনি যদি অপারগ হন, আমাকে সেনাপতিত্বে বরণ করুন।' রাজা অশ্রু মুছিয়া সন্ন্যাসীর মুখের দিকে চাহিয়া বলিলেন, 'আমার বহু সৈন্য শত্রু সঙ্গে মিলিত, বহু পলায়িত, অবশিষ্ট হতোম্ব হইয়াছে। তাহার উপায়?' সন্ন্যাসী বলিলেন, 'তাহার উপায়ও আমি করিব। শাস্ত্রবিদ্যায় শিক্ষিত, অশিক্ষিত যে লোকের প্রাণে স্বদেশাতুরাগ আছে, সেই আজিকার শ্রেষ্ঠ সৈন্য; যে নরিতে অকুণ্ঠিত সেই আজিকার শ্রেষ্ঠ সেনানী। আমি শুধু চাই ইচ্ছা, আমি শুধু চাই ত্রৈকান্তিক আগ্রহ। আর বাক্যব্যয়ের সময় নাই। আমি চলিলাম।' সন্ন্যাসী রাজাকে প্রণাম করিয়া প্রস্থান করিলেন। প্রস্থানকালে দেখিলেন, একখানি সুন্দর মুখের দুইটি চক্ষু তাহার দিকে চাহিয়া হাসিতেছে ও কাঁদিতেছে। সন্ন্যাসী চিনিলেন, 'রাজকন্যা মন্দালিকা।'

৫

নগরোপকণ্ঠে তুমুল যুদ্ধ বাধিয়া গিয়াছে। আত্ম-রক্ষা ও পরপীড়নের মধ্যে বিষম ব্যবধান; তাই আক্রমণ-কারী সুশিক্ষিত যবনসৈন্য, শিক্ষিত, অর্ধশিক্ষিত, অশিক্ষিত সৈন্যের নিকট বার বার পরাজিত হইতে লাগিল। বেতনের খাতিরে যুদ্ধ ও স্বাধীনতা রক্ষার জন্য যুদ্ধ এইরূপই হইয়া গেল। শিক্ষা, শাস্ত্রবল সব

হৃদয়ের আবেগের নিকট পরাস্ত হয়। যুদ্ধ করিতে করিতে সুবন্ধু ও সন্ন্যাসী সন্নিহিত হইলেন। সুবন্ধু সন্ন্যাসীকে আঘাত করিতে উত্তত হইল, সন্ন্যাসী তাঁহার তরবারির আঘাতে সুবন্ধুকে নিরস্ত্র করিয়া বলিলেন, 'যাও সুবন্ধু, আর পাপ করিও না। চিরকাল যাহার অন্ন খাইয়াছ, সেই প্রভুর আর বিরুদ্ধাচরণ করিও না।' সুবন্ধু মুহূর্ত্তমাত্র চিন্তা করিল, সন্ন্যাসীর পদধূলি মস্তকে গ্রহণ করিল। আপনার হস্তব্রষ্ট-অস্ত্র কুড়াইয়া লইয়া যবনবধে প্রবৃত্ত হইল। এই সব কাণ্ড ঘটতে যে একটু বিলম্ব, যে একটু অন্যান্যমনস্কতা ঘটিয়াছিল, তাহাতে বহু যবনসৈন্য সন্ন্যাসীকে আসিয়া আক্রমণ করিয়াছিল। একজনের উপর শত খড়্গ পতনোন্মুখ, সন্ন্যাসী ও সুবন্ধু ক্ষিপ্ৰহস্তে সে সকল নিবারিত করিতে লাগিলেন; তাঁহাদের পদতলে শবস্তূপ হইতে লাগিল; একজন যবন সন্ন্যাসীর প্রতি বন্ধুকের লক্ষ্য করিল, সন্ন্যাসীর সে দিকে দৃষ্টি ছিল না; সুবন্ধু শীঘ্র আসিয়া বন্ধুকের গুলি নিজের বক্ষে গ্রহণ করিল। সুবন্ধুর পূর্ণ প্রায়শ্চিত্ত হইল। সন্ন্যাসী দেখিলেন, সুবন্ধু তাঁহার পদতলে পড়িল; সন্ন্যাসীর চক্ষে জলধারা বহিল, সুবন্ধুর মুখে হাসি ফুটিয়া উঠিল।

সন্ন্যাসীর পাশ্বে এক পদার্পিতযৌবন কিশোর বড় যুদ্ধ করিতেছিল। কিন্তু যুদ্ধ ও আত্মরক্ষা অপেক্ষা সন্ন্যাসীর প্রতিই তাহার অধিক দৃষ্টি পরিলক্ষিত হইতে ছিল। যুবক যুদ্ধ করে, আর সন্ন্যাসীর দিকে চাহে; উভয়ের চোখে চোখে মিলিলে যুবক একটু সলজ্জ হাসি হাসিয়া মুখ ফিরাইয়া লয়। এইরূপ সময়ে যবনসেনার মধ্যে তুমুল কোলাহল ও বিশৃঙ্খলা উপস্থিত হইল, সকলে কারণ নির্দারণে ব্যগ্র হইয়া পড়িল। যবনগণ ক্রমশঃ সন্মুখের দিকে ঠেলিয়া আসিতে লাগিল; কিন্তু তাহাদিগকে যুদ্ধার্থী অপেক্ষা পলায়নপর বলিয়াই বোধ হইতে লাগিল। যবনসেনার পশ্চাৎ হইতে ভীমরোলে শব্দিত হইল—'হর হর। মহাদেও।' সকলে বুঝিল, একদল হিন্দুসৈন্য পশ্চাতে আক্রমণ করিয়াছে। তখন সন্মুখের হিন্দুসৈন্যও দ্বিগুণ উৎসাহে ধ্বংসক্রিয়া সম্পাদন করিতে লাগিল। স্বর্ষ্যোদয়ে কুজ্জাটিকার মত যবনসৈন্য ক্রমশঃ পাতলা হইয়া পড়িতে লাগিল। এমন সময় একজন যবন সন্ন্যাসীর

প্রতি বন্ধুক লক্ষ্য করিল। সেই কিশোর যুবক বন্ধুকের মুখ ধরিয়া তাহা অল্পদিকে ফিরাইয়া দিবার চেষ্টা করিল; তাহাতে সন্ন্যাসীর জীবন রক্ষা হইল বটে, কিন্তু গুলি যুবকের পঞ্জরভেদ করিয়া গেল। ক্লান্ত কিশোর আপাদ-মস্তক রুধিরাপ্ত, এ আঘাত সহ করিতে না পারিয়া পড়িয়া গেল, সন্ন্যাসী বামহস্তে তাহাকে বক্ষে তুলিয়া ধরিয়া হস্তা যবনের শিরশ্ছেদ করিলেন। এতক্ষণে রণস্থল যবনশূন্য; যুদ্ধের নিবৃত্তি হইয়া গিয়াছে।

সন্ন্যাসী স্বয়ং সন্নিহিত আহত হইলেও তাহা লক্ষ্য করিলেন না। মাটিতে বসিয়া কিশোরকে কোলে করিয়া বসিলেন। সন্ন্যাসী যুবককে বলিলেন, 'তুমি যাক, তুমি আমার জন্ত প্রাণ দিলে কেন? আমার প্রাণ তোমার কিসের জন্ত মমতা?' যুবক শুধু হাসিল, একটা বড় ছুঃখময় দীর্ঘনিঃশ্বাস ফেলিল। তৎপরে সন্ন্যাসী যুবকের ক্ষত বন্ধন করিবার উদ্দেশ্যে তাহার অঙ্গাঙ্গী শিথিল করিতে চেষ্টা করিলেন। কিশোর উৎসাহে আসিয়া সন্ন্যাসীর মুখের দিকে চাহিয়া বলিল, 'বন্ধু শিথিল করবেন না, আমি রমণী।' সন্ন্যাসীর বিশ্বাসের পরিচয় রহিল না। সন্ন্যাসী কহিলেন, 'তুমি রমণী? তবে তুমি এ রণক্ষেত্রে কেন?' রমণী হাসিয়া বলিল, 'তুমি সন্ন্যাসী, রণক্ষেত্রে তোমারও ত উপযুক্ত স্থান নয়।' সন্ন্যাসী বলিলেন, 'স্বদেশ স্বাধীনতারক্ষার জন্ত সন্ন্যাসীর অঙ্গাঙ্গী অস্ত্রায় নহে।' 'স্বদেশ স্বাধীনতা রক্ষার জীবনোৎসর্গেও তুল্যাধিকার বোধ হয়।' সন্ন্যাসী এবার হাসিলেন। হাসিয়া কহিলেন, 'আমি হা'র মানিলাম। কিন্তু জানিতে ইচ্ছা করি, তুমি কে, তোমার নাম কি?' রমণী হাসিয়া কহিল,—'অবস্তীর, তুমি সন্ন্যাসী হইয়া থাকিলেও আমি তোমায় চিনি, আমার চিনিয়া তোমার কাজ কি?' সন্ন্যাসী ভাবিলেন, একি ভৎসনা, না আত্মবিশ্বাস? পরক্ষণে তাঁহার মুখ বড় গম্ভীর হইয়া পড়িল, তিনি বাণ্য-রুদ্ধচক্ষে কহিলেন, 'চিনিয়াছি, তুমি রাজকন্যা মন্দালিকা; তুমি আমার চিনিলে কিরূপে?' মন্দালিকার চক্ষু মুদিত হইয়া গেল, লজ্জায় রক্তহীনকপোল আরক্ত হইয়া উঠিল, মন্দালিকা বলিল, ধীর স্থির কণ্ঠেই বলি 'প্রেম অন্তর্ঘ্যাসী। হে অধীশ্বর, আমি জানি তুমি কি মহান চরিত্রের লোক।' ভ্রমক্রমে তুমি একদিন নরহত্যা

হইয়াছিল; তুমি রাজা, তুমি স্বাধীন, তবু তুমি আপনার ভ্রাতাসনে বসিয়া আপনার বিচার করিয়াছ, আপনার প্রতি দণ্ডবিধান করিয়াছ। বার বৎসর অজ্ঞাত-বাসে নিজ রাজ্য স্বজন পরিজন ছাড়িয়া দূরে একক অসহায় অধহার-লোকের হিত করিয়া বেড়াইয়াছ। আরও জানি, হে পবিত্র, তুমি কেমন অবহেলে মৃত্যুদণ্ড গ্রহণ করিয়াছিলে, জানি তুমি ভ্রান্তিকৃত পাপের প্রায়শ্চিত্তের জন্ত তুমি আপনার প্রতি কি কঠোর, তুমি পরের শত পাপের প্রতি কি উদার। আরও জানি হে পূজ্য, হে বন্দিত—না, আর বলিব না। তোমার পরিচয় আমি তোমার পত্র হইতে পাইয়াছি। বেদিন তোমায় মুক্তি-সংবাদ দিতে যাই, সেই দিন তুমি রক্ষীর হাতে কতক গুলি পত্র দিয়াছিলে, মনে আছে। সে গুলি আমার বুকে রহিয়াছে। তারা তোমার মহত্বের ইতিহাস বলিয়া আজ তাহাদিগকে আমার শ্রদ্ধাপূর্ণ হৃদয়ের রক্তে রঞ্জিত অভি-যুক্ত করিয়া রাখিয়াছি। আমার মৃত্যু সন্নিকট,... একটা কথা শুনিবে?'

সন্ন্যাসীর চক্ষুও বর্ষার নিব্বারের মত হইয়া উঠিল। সন্ন্যাসী কহিলেন, 'কি বল?' মন্দালিকা সন্ন্যাসীর কোম্পে মুখ লুকাইয়া বলিল, 'তুমি আগে বল..... আমার মস্তিষ্ক অনুরোধ... রাখিবে।' সন্ন্যাসী কহিলেন, 'তোমার মস্তিষ্ক অনুরোধ রাখিব।' মন্দালিকা এবার চোখ খুলিল, সন্ন্যাসীর মুখের দিকে তাকাইয়া হাসিতে হাসিতে বলিল, 'আমি... মরিয়া গেলে... আমার... ললাটে একটা..... সূন্দরীর মুখ হাসি লজ্জায় ভরিয়া উঠিল। প্রাণ সে সুন্দর দেহ ছাড়িয়া চলিয়া গেল। সন্ন্যাসী তাহার রক্তরঞ্জিত ললাটে ধীরে একটা চুম্বন করিলেন। সন্ন্যাসী স্থির, অবিচল। এই সময় মন্দালিকার পিতা আসিয়া কন্যার বক্ষে আছাড়িয়া পড়িলেন। বহু বিলাপ করিয়া বলিতে লাগিলেন, 'আমার একমাত্র সন্তান, আমার বৃদ্ধ বয়সের সম্বল ও সুখাশ্রয় বলি দিয়া, এ স্বাধীনতা, এ রাজা লইয়া আমার কল কি?' সন্ন্যাসী ধীর গম্ভীরস্বরে বলিলেন, 'আপনাকে উৎসর্গ না করিলে দেবতার তুষ্টি নাই, আত্মপরের কল্যাণ নাই। আপনার কল্যাণও পরের কল্যাণে খুঁজিতে হইবে। হে বৃদ্ধ রাজন্, ভাবিয়া দেখ, আজ তোমার চেয়ে সুখী কে? আজ তুমি তোমার শ্রেষ্ঠ বলি দিয়া

স্বদেশ স্বাধীনতা রক্ষা করিয়াছ। তোমার আদর্শ যুগে যুগে অনুসৃত হউক।' বৃদ্ধ সন্ন্যাসীর কথা বুঝিলেন না; বিলাপ করিতে লাগিলেন। সন্ন্যাসী ক্ষুণ্ণ হইয়া বলিলেন, 'মানুষ সুখকে ছুঃখ এবং ছুঃখকে সুখ মনে করিয়াই এত মনস্তাপ পায়।'


এই সময়ে যবনসেনার পশ্চাতক্রমণকারী সৈন্যদল সেই স্থানে আসিয়া উপস্থিত হইয়া সমস্ত গোলমাল করিয়া দিল। এই দলের সেনাপতি আসিয়া সন্ন্যাসীকে অভি-বাদন করিল। সন্ন্যাসী হাসিয়া বলিলেন, 'মলয়কেতু, তোমরা ঠিক সময়েই আসিয়াছিলে; মলয়কেতু বলিলেন, 'মহারাজ, আপনার আদেশপ্রাপ্তিমাত্রই আমরা যাত্রা করিয়াছি। মহারাজ, আর কতকাল আমরা অনাথভাবে জীবন ধারণ করিব?' অবস্তীর অধীশ্বর হাসিয়া বলিলেন, 'আমাব নরহত্যার প্রায়শ্চিত্ত শেষ হইয়াছে, এখন আমি তোমাদের রাজ্যে ফিরিব।' 'মহারাজ, আমাদের রাজ্য!' সন্ন্যাসী-রাজা হাসিয়া বলিলেন, 'হাঁ রাজ্য তোমাদেরই, আমি তাহার রক্ষক ও তত্ত্বাবধারক মাত্র।' সন্ন্যাসী-রাজা বৃদ্ধ রাজা, ও অস্ত্রাত্মক বিশ্বিত-নাগরিক পরিবৃত্ত হইয়া নগরে ফিরিলেন। মন্দালিকা, সুবন্ধু প্রভৃতি সকলের বথাবিহিত সংকার হইল। মরণকে আলিঙ্গন করিয়া স্বাধীনতা হাসিতে লাগিল।

৬

অবস্তীর অধীশ্বর বার বৎসর পরে স্বরাজ্যে ফিরিয়াছেন; কিন্তু সন্ন্যাসীর বেশ ত্যাগ করেন নাই। বিবাহও করিলেন না; কি এক গম্ভীর অব্যক্ত ছুঃখে তাঁহার চিত্ত ব্যথিত, বদন কালিমালিপ্ত। ইহাতে রাজার অপত্যনির্বির্শেষে পালিত প্রকৃতিপুঞ্জ বড় ক্ষুণ্ণ। কিন্তু যেখানে আর্ত ও ছুঃখী সন্ন্যাসী-রাজা সেখানে সহস্রবাহু। যেখানে স্বাধীনতার জন্ত রক্তপাত, সেখানে তাঁহারও রক্ত ক্ষরিত হইত। একতা আত্মীয়তার সকল রাজার প্রাণে এক অদ্ভুত প্রীতি ও বল সঞ্চিত হইতে লাগিল। এই একতা বন্ধনের কল আওরঙ্গজেবের মৃত্যুর সঙ্গে সঙ্গে ভারতে পরিপক্বতা লাভ করিয়াছিল। ভারতে বহু স্বাধীন সাম্রাজ্য স্থাপিত হইয়াছিল। সন্ন্যাসী-রাজার সমস্ত সম্পত্তি স্বদেশ স্বাধীনতা আর্ত ছুঃখীর জন্য উৎসর্গ করা হইয়াছিল। তিনি প্রায় বলিতেন,

পুত্রহীন রাজগণ দত্তকপুত্র লইয়া আপনাদের অর্থ-  
লালসার পরাকাষ্ঠা প্রদর্শন করেন। নিজের জীবনান্তেও  
ধনসম্পত্তি দেশকে দিয়া যাইবে না, আমার পুত্র বলিয়া  
পরের পুত্রকে দিয়া যাইবে। কেন আনার স্বদেশ, আমার  
মা বলিয়া দেশের জন্য লালসাত্যাগ কি এত কষ্টকর।  
মরণের পরেও কি মায়া ত্যাগ করা যায় না। হায় হায়,  
এ প্রেমের নীমাংসা আমাদের দেশে কবে হইবে ?

শ্রীচারণচন্দ্র বন্দ্যোপাধ্যায় ।



## সন্ধ্যা ।

বেলা গেল সন্ধ্যা হ'ল  
স্বপ্নি বসে পাটে ;  
সোণার বরণ অরুণ কিরণ  
পড়ছে পথে ঘাটে ।  
সন্ধ্যারাগী ঘোমটা টানি  
আড় নয়নে চায় ;  
সলাজ মুখে ননের সূখে  
মুচুকি হাসে তার ।  
ডানাটা ভুলি পাখিগুলি  
বাছে সব নীড়ে ;  
ছাড়িয়ে খেলা ছেলে নেয়ের।  
আসছে ফিরে ঘরে ।  
হেরে গোখুলি খেলু গুলি  
ঘরের পানে যায় ।  
উড়ায় ধূলি বাছুরগুলি  
পেছন পেছন ধায় ।  
সন্ধ্যা হেরি যতেক নারী  
জান্ছে ঘরে বাতি ;  
তুলসীতলে দীপটা জ্বলে  
করিছে আরতি ।

শজারব করে সব  
প্রতি ঘরে ঘরে ;  
ধূনার ধোঁয়া জলের ছিটা  
দিচ্ছে সব দ্বারে ।  
দিনের আলো নিভে গেল  
এল বিভাবরী ;  
বসলো ধানে গৃহিগণে  
ইষ্টদেবে স্মরি  
ছেলের দলে দলে দলে  
ক'রছে নিজ পড়া  
সুর করিয়ে মেয়েগুলো  
কাটছে কত ছড়া ।  
মায়ের কোলে শুয়ে ছেলে  
ধ'রে মায়ের গলা ;  
কুন্দ দাঁতে কচি হাতে  
ক'রছে হাসি খেলা ।  
সোহাগ ভরে মুখটা তুলে  
চাঁদের পানে চায় ;  
বলছে খোকা আধস্বরে  
“আর রে চাঁদ আর ।”  
শুনে সে কথা আসছে মাতা  
দিচ্ছে মুখে চুমো ;  
বলে খোকাদান মাণিক রতন  
“মুমো রে বাছ মুমো ।”  
“খোকা দুম'ল পাড়া জুড়'ল”  
বলছে এই কথা ;  
আদর করে বুকে ধরে  
শুচিয়ে মনের বাগা ।  
ঘুমুল ছেলে মায়ের কোলে  
মায়ের সোহাগ পেয়ে ;  
খেপা,  
ঘুমুল ধরা, শ্রান্তিহরা  
সন্ধ্যার কোলে শুয়ে ।  
শ্রীসুরবালা রায় ।



## প্রাপ্ত গ্রন্থের সংক্ষিপ্ত সমালোচনা ।

সমালোচনার্থ অনেকগুলি পুস্তক আমাদের হস্তগত  
হইয়াছে, কিন্তু স্থানাভাব প্রভৃতি নানা কারণে এ পর্যন্ত  
আমরা তাহার সমালোচনা অথবা প্রাপ্তিস্বীকার করিয়া  
উঠিতে পারি নাই। এজন্ত গ্রন্থকারগণের নিকট আমাদের  
যথেষ্ট ক্রটি হইয়াছে ; এখন হইতে ক্রমে ক্রমে প্রাপ্ত  
গ্রন্থের সমালোচনা প্রকাশিত হইবে। গ্রন্থকারগণ আমা-  
দিগের এই অনিচ্ছাকৃত ক্রটি মার্জনা করিবেন।

১। গৌরান্দ্র—শ্রীযুক্ত প্রমথনাথ রায়চৌধুরী-  
প্রণীত, কুম্বলীন প্রেসে মুদ্রিত, মূল্য ১।।০ দেড় টাকা।  
গৌরান্দ্র খণ্ডকাব্যের কতক অংশ পূর্বে গ্রন্থকারের ‘আরতি’  
নামক পুস্তকে প্রকাশিত হইয়াছিল। এখন উহা সম্যক  
পরিষ্কৃত ও পূর্ণাবয়বে স্বতন্ত্র ভাবে প্রকাশিত হইয়াছে।

তাহার অমৃতনিশ্চন্দিনী প্রেমধারা প্রবাহিত হইয়া  
নম্র বঙ্গদেশ প্লাবিত হইয়াছিল, বাহার নিরাবিল  
প্রেমের হিল্লোলে একদিন ‘শান্তিপুর ডুবুডুবু নদে ভেসে  
যায়’ হইয়াছিল এই খণ্ডকাব্যে সেই প্রেমের অবতার  
শ্রীশ্রীগৌরান্দ্র দেবের জীবনীই প্রতিপাত্ত বিষয়। মিষ্ট  
রস বেরূপেই আশ্বাদন করা যায় উহা ত চিরকালই মধুর।  
তবে শ্রীগৌরান্দ্র দেবকে ভগবানের অবতাররূপে প্রতি-  
পাদন না করিয়া স্বীয় অপ্রতিহতগতি ‘নিরঙ্কুশ’ কল্পনার  
সাহায্যে কবি তাঁহাকে মানুষী শক্তিসম্পন্ন শ্রেষ্ঠ মানবরূপে  
জগৎ সমীপে উপনীত করিয়াছেন। তিনি নিজ ছাপাই  
স্বরূপ ভূমিকায় যাহা লিখিয়াছেন, তাহার ছই এক পংক্তি  
এস্থলে উদ্ধৃত হইল—“বরণ্য-ভক্ত-রচিত জীবনচরিতে  
গৌরান্দ্রে অতিপ্রাকৃত গুণগ্রামের আরোপণ ও ঈশ্বরত্ব  
স্থাপনা হইয়াছে। এ নগণ্য ভক্তের সামান্য জ্ঞানে চৈতন্য  
চন্দ্র অসামান্য মানুষী মহিমার সমুজ্জল, জগৎপূজ্য  
ব্যক্তিত্বে ঈশ্বরত্বের গুরুভার আরোপ করিলে, উহাকে  
কৃষ্ণ ও খর্ব্বই করা হয়। তাই, আমার গৌরান্দ্র আমার  
ভাবেই চিত্রিত হইয়াছেন।”

আমরা কবি প্রমথনাথের গুণের বিশেষ পক্ষপাতী  
তাই তাঁহার পরিপক্ক হস্তের ভাবময়ী কল্পনাগ্রন্থত

প্রত্যেক কাব্যোচ্ছ্বাস আমাদের বড় ভাল লাগিয়াছে।  
স্থানে স্থানে পাঠ করিয়া আমরা আত্মহারা হইয়াছি।  
হৃৎখের বিষয় স্থানাভাবপ্রযুক্ত পাঠকবর্গকে সে সৌন্দর্য  
সুখ উপভোগ করাইবার সুযোগ হইল না। আমরা সক-  
লকে এ পুস্তকখানি একবার পাঠ করিতে অনুরোধ করি।  
কেহ কেহ আমাদের একদেশদর্শী বলিয়া নিন্দা করিতে  
পারেন কিন্তু তাহার উত্তরে আমরা এই বলিব যে, সংসারে  
অবিমিশ্র জিনিষ পাওয়া দুর্ঘট, দোষ গুণ, পাপ পুণ্য,  
আলো অন্ধকার ধর্ম অধর্মের সংমিশ্রণে জগৎ পূর্ণ। তবে  
এই দুইটি ভিন্ন প্রকৃতির ন্যূনাধিক্য বশতঃ সংসারে প্রত্যেক  
বস্তুর তারতম্য হইয়া থাকে। এস্থলে খুটি নাটি দোষ ধরিয়া  
সমালোচনা করা আমরা সঙ্গত মনে করি নাই।

২। সেকালের লোক—বাইবেলের উপা-  
খ্যান পাদ্রি জুশন সাহেব কর্তৃক প্রাজল বঙ্গভাষায় প্রক-  
টিত। বাইবেলের বাঙ্গালা বলিলে মনে যে ভাবের উদয়  
হয় এই পুস্তক পাঠে তাহা হয় না। ইহার ভাষা বেশ  
সরস ও সরল।

৩। রাধিকা—কবিতা পুস্তক শ্রীযুক্ত ললিত-  
মোহন বন্দ্যোপাধ্যায় প্রণীত। বেঙ্গল প্রেসে মুদ্রিত,  
সুন্দর কাপড়ে বাঁধাই-মূল্য এক টাকা। স্থানে স্থানে  
ভ্রম প্রমাদ পরিলক্ষিত হইলেও গ্রন্থকার যে নীরস পুলিশ  
কর্মচারীর কার্য সমাপন করিয়া সরস কবিতার আলো-  
চনাচ্ছলে মাতৃভাষার সেবা করিতে সময় পাইয়াছেন,  
ইহাই তাঁহার প্রশংসার বিষয়।

গ্রন্থকার পত্র দ্বারা জ্ঞাপন করিয়াছেন, গ্রন্থের কতক  
লভ্যাংশ কোন সংকারণে ব্যয়িত হইবে। সাধু উদ্দেশ্য  
বটে। গ্রন্থকারের উদ্দেশ্য সফল হইলে আমরা সুখী হইব।

৪। স্ত্রী-শিক্ষা—ঢাকা মেডিকাল স্কুলের ভূত-  
পূর্ব সহকারী শিক্ষক শ্রীযুক্ত কাশ্যাপচরণ বন্দ্যোপাধ্যায়  
প্রণীত, ঢাকা গেণ্ডারিয়া-বস্ত্রে মুদ্রিত, মূল্য ১।।০ আনা।  
এই পুস্তকে স্ত্রী পুরুষের শারীরিক মানসিক পার্থক্যের বিষয়  
সুন্দররূপে বিবৃত হইয়াছে। কি প্রণালীতে স্ত্রীলোকদিগের  
শিক্ষা বিধান করিতে হইবে তাহাও বিশদরূপে বর্ণিত হই-  
য়াছে। পুস্তকখানি ক্ষুদ্র হইলেও ইহাতে জানিবার শনিবার  
শিখিবার অনেক বিষয় আছে, ভাষাও মন্দ নহে।



হিন্দুধর্ম সম্বন্ধে অপূর্ব গ্রন্থ।

# ‘বৈজ্ঞানিক হিন্দুধর্ম’

( তিন ভাগে সম্পূর্ণ )

প্রতি ভাগ মূল্য ১।।০। সমগ্র পুস্তক ৪।।০।

Hinduism.  
Scientific, Philosophic,  
Theosophic.

অধ্যাত্মবিজ্ঞান, দর্শন ও জড়বিজ্ঞানের মতে হিন্দুধর্মের অত্যাশ্চর্য ব্যাখ্যান ও ইহার স্বর্গীয়তাব স্কুরণ প্রথমভাগে মানবজীবনের কূট প্রশ্নের মীমাংসা। দ্বিতীয়ভাগে হিন্দুধর্মের ধর্মরূপের বিশদ ব্যাখ্যান। তৃতীয় ভাগে হিন্দুধর্মের সামাজিক রূপের বিশদ ব্যাখ্যান।

লেখক শ্রীযুক্ত বাবু শ্রীনাথ ঘোষ এম, বি

পান্নাধিপতির ভূতপূর্ব ডাক্তার।

প্রদীপ কার্যালয় হইতে প্রকাশিত।

প্রথম দুই ভাগ শীঘ্রই প্রকাশিত হইবে। বাঁহারা গ্রাহ হইবেন তাঁহারা এখন নাম পাঠাইয়া গ্রাহক হউন পুস্তক প্রকাশিত হইলে ভিঃ পিঃ ডাকে পাইবেন।

বিশেষ সুবিধা—এখন গ্রাহক হইলে তিন খণ্ড পুস্তক ৩ টাকায় পাইবেন।

প্রদীপ কার্যালয়

৫৫ নং জানবাজার স্ট্রীট কলিকাতা।

## রেণু

কবিতা পুস্তক

( মন্ত্রসুত্র )

শ্রীমতী হিরণ্যময়ী মেন গুপ্তা প্রণীত উৎকৃষ্ট

বিলাতী কাগজে ডবল ক্রাউন ১৬ পেজী

আকারে মুদ্রিত হইতেছে।

# স্বদেশীয় শীতবস্ত্র।

কাশ্মীর, দেশী তৈয়ারি খাঁটি উলের, প্রস্থে ২৭ ইঞ্চি, বিলাতী কাশ্মীর অপেক্ষা নিঃসংশয়িতরূপে উৎকৃষ্ট। মূল্য প্রতি গজ উৎকৃষ্টতাসারে ১ টাকা ও ১।০০ আনা।

কাশ্মীরি চাদর, দৈর্ঘ্যে ৩।০ গজ ও প্রস্থে ৫৯ ও ৬০ ইঞ্চি, সুন্দর কাশ্মীরি পাড়দার মূল্য ২৮ টাকা।

বিশুদ্ধ কাশ্মীরি আলোয়ান, ধূসর, খালী, শাদা ও বাদামী রংএর ৫৫ ইঞ্চি প্রস্থে সকল আকারের, প্রতিগজ ৫।০ টাকা।


মলিদা চাদর—খুব গরম ও মোলায়েম, দৈর্ঘ্যে ৩।০ গজ প্রস্থে ৫৮ ইঞ্চি মূল্য ১৬ টাকা।

লাহোরী চুসা, দৈর্ঘ্যে ৩।০ গজ, প্রস্থে ৫৮ ইঞ্চি, অতি মোলায়েম ও গরম, মূল্য ২৫ টাকা।

র্যাপার দৈর্ঘ্যে ৩।০ গজ, প্রস্থে ৫৬ ইঞ্চি, মূল্য ৬, ৭ টাকা।

কোনও মাল কোনও গ্রাহকের মনোনীত না হইলে, আমরা উহা যাতায়াতের একদিকের মাণ্ডুল দিয়া ফেরত লইয়া থাকি।

আমির চাঁদ এণ্ড সন্,  
শাল বিক্রেতা, লাহোর।



বঙ্গের সুসন্তান

শ্রীযুক্ত নলিনবিহারী সরকার সি, আই, ই।



## বেদান্ত দর্শন।

## মঙ্গলাচরণম্।

অথ সর্বস্য বীজায় নিত্যায় হতপাপুনে।

তাক্রম বিভাগায় চৈতন্য জ্যোতিষে নমঃ ॥

যিনি সংসারতরুর বীজভূত, যিনি সর্বব্যাপী ও সর্বকালস্থায়ী, যিনি পাপহারী, সেই নিত্য-চৈতন্য-জ্যোতিঃস্বরূপ পরমাত্মাকে নমস্কার করি।

অদ্যকার প্রতিপাত্ত বিষয় বেদান্ত দর্শন। বেদান্ত দর্শন সর্বশ্রেষ্ঠ ও সর্বাপেক্ষা ছরবগাহ দর্শন। ইহা পরমোৎকৃষ্ট ধর্ম স্বরূপ ও পরিগণিত হইতে পারে। অতএব ইহার সর্বশ্রেষ্ঠতা সমর্থন করিবার জন্ত সর্বাগ্রে ইহার সহিত অত্যান্ত দর্শনের তুলনা করা কর্তব্য। কোন দুরূহ বিষয়ের ব্যাখ্যা করিতে হইলে, প্রথমতঃ ব্যতিরেকে উহার

বর্ণন করিতে হয়, অর্থাৎ কোন্ কোন্ বিষয় হইতে উহার পার্থক্য ও বৈলক্ষণ্য আছে, তাহা তন্ন তন্ন করিয়া প্রতিপাদন করিতে হইবে। পরে অবশ্য-মুখে উহার বর্ণন করা আবশ্যিক, অর্থাৎ উহার লক্ষণ ও প্রতিপাত্ত কি, তাহা নিরূপণ করিতে হইবে।

সমুদায়ে ভারতবর্ষে প্রচলিত দর্শন শাস্ত্রের সংখ্যা পঞ্চদশ। তন্মধ্যে ছয়টি প্রধান বলিয়া সাধারণতঃ পরিগণিত হইয়া থাকে, অর্থাৎ ত্রায় ও বৈশেষিক, সাঙ্খ্য ও পাতঞ্জল, মীমাংসা ও বেদান্ত। প্রথম চারিটি দর্শন প্রধানতঃ তর্ক ও যুক্তির উপর সংস্থাপিত; তথাপি উহার কোনটিতেও বেদের প্রামাণ্য অস্বীকৃত হয় নাই, প্রত্যুত অনেক স্থলে বেদার্থকে যুক্তির পৃষ্ঠপোষকরূপে স্বীকার করা হইয়াছে, অধিক কি নিরীখর সাঙ্খ্য দর্শনেও মধ্যে মধ্যে শ্রুতির সাহায্য গৃহীত হইয়াছে। পক্ষান্তরে মীমাংসা ও বেদান্ত সম্পূর্ণ শ্রুতিমূলক, তবে এতদুভয়ে স্বমত সংস্থাপন ও পরমত ধওয়ে দৃষ্ট তর্ক ও যুক্তির যথেষ্ট













অপেক্ষা মিথ্যার অংশ বেশী বলা যাইতে পারে। এবং আইন কিয়ৎ পরিমাণে প্রজার অনুকূল হওয়ার মধ্যবিত্ত ভদ্রলোকগণ প্রায়ই প্রজাদিগের সহিত আঁটিয়া উঠিতে পারেন না। পূর্বে তাঁহারা ক্রিয়াকর্ম উপলক্ষে প্রজাদের যে শারীরিক সাহায্য পাইতেন, তাহা উঠিয়া গিয়াছে বলিলেই হয় (বড় বড় জমীদারদিগের সম্বন্ধে ভিন্ন কথা)। তালুকদারগণ এখন প্রজাদিগকে বাৎসল্যভাবে দেখেন না এবং ইতরশ্রেণীর মধ্যেও এখন আত্মমর্যাদা বাড়িতেছে, এজ্ঞাই হয়ত এরূপ হইতেছে। যাহা হউক, মোটের উপর ইহাকে ভাল লক্ষণই বলিতে হইবে। কিন্তু এই মধ্যবিত্ত তালুকদারগণ যে পূর্বকার (এবং এখনকারও) বড় বড় জমীদারগণ অপেক্ষা অধিক শিক্ষিত, ধর্মভীরু ও ত্যাগপর সে বিষয়ে সন্দেহ নাই। এরূপ অবস্থায় প্রজাতন্ত্রমুখিকারীতে মনোবাদের বৃদ্ধি যে কেবল তাহাদের দোষেই হইতেছে, ইহা বিবেচনা করা উচিত নহে।

সভ্যতা বৃদ্ধির সঙ্গে সঙ্গে কৃষকবর্গও অধিকতর ধূর্ত হইতেছে, ইহাও একটি সঙ্গত অনুমান। ক্ষমতাশালী জমীদার এবং অপেক্ষাকৃত অক্ষম তালুকদারগণের সহিত প্রজাগণের আচরণের এই বিভিন্নতার হেতু De Toqueville সুন্দররূপে নির্দেশ করিয়াছেন। তিনি দেখাইয়াছেন মানবহৃদয়ের এই একটা ধর্ম যে, অত্যাচারীকে আমরা আমাদের অপেক্ষা শ্রেষ্ঠ (superior) মনে করিয়া পারি না, শক্তিই যে যুক্তি, আমাদের সেই বিশ্বাস এখনও আমাদের হৃদয়ের অন্তর্ভুক্ত রহিয়াছে। দাসত্বের গুণ ও দোষগুলি সম্পূর্ণরূপে আমাদের কৃষকবর্গের মধ্যে বর্তমান। তাহারা পরিশ্রম সহিষ্ণু ও পরহুঃখকাতর। কিন্তু সহস্রাব্দে অত্যাচারে তাহারা অধিক বশীভূত হয়। পরলতা, সত নিষ্ঠা প্রভৃতি তাহাদের নিকট উপযুক্ত মর্যাদা লাভ না, তাহাদের প্রকৃতি যেরূপ বৈচিত্রশূন্য, তেজোবিহীন, এক্ষেত্রে, তাহাদের চিত্তও সেইরূপ অসহায়, কুটিল, অবিশ্বাসী, ভাল দিক অপেক্ষা মন্দ দিক দর্শনে পটু। পুরুষাত্মক জমীদারবর্গের অত্যাচার সহ্য করিতে কবিত্তে তাহারা মানব-প্রকৃতিতে সঙ্গুণের সম্ভাবনা বিস্মৃত হইয়াছে, কেহ যে সঙ্গুণ প্রণোদিত হইয়া কোন কার্য করিতে পারে, এ কথা তাহারা সহজে বিশ্বাস করিতে

চাহে না, ধূর্ততা ও নীচতাকে তাহারা আদর্শরূপে পূজা ও অনুকরণ করিতে শিক্ষা করিয়াছে। এমন কি, মনিব যে অতিশয় হৃদান্ত ও অত্যাচারী, এ কথা বলিয়া কোন কোন প্রজাকে শ্লাঘা করিতে শুনিয়াছি।


কাব্যে কৃষকগণ কিরূপ চিত্রিত হইয়া থাকে, প্রবন্ধের শিরোভাগে তাহার উদাহরণ দিয়াছি। সংসারভিত্তিক চিন্তাশীল ব্যক্তিগণ, ইহাদিগকে কি বর্ণে চিত্রিত করেন, এখন তাহার উদাহরণ দিব। অনুবাদে ভাবের ব্যর্থতা রক্ষা পাইবে না বলিয়া ইংরাজিতেই এই অংশ উদ্ধৃত হইল। C. H. Pearson তাঁহার National Life and Character গ্রন্থে কৃষকদিগের প্রকৃতিকে নিম্নলিখিত উপাধিতে বিশিষ্ট করিয়াছেন—

“An absolute concentration of the mind upon small economies, or it may be, small pilferings, and a thorough deadening of the moral sense.” স্পেনীয় ঔপন্যাসিক Galdos তাঁহার Marianela নামক গ্রন্থে ইহাদের সম্বন্ধে নিম্নলিখিত অভিমত প্রকাশ করিয়াছেন—

“There has been much declamation against the materialism of cities.....but there is a materialism in the materialism of villages, which victimizes millions of human beings, and whose insatiable ambition in them is the cause of their brutal and gloomy existence. In the villages there is no moral notion of right. Under the cloak of piety, frankness is concealed a soulless selfishness, which for acuteness and perpetuity surpasses all that the cleverest mathematicians have devised.”

সমগ্র জীবনব্যাপী কামনা ও কাব্যমোদদায়ক প্রবাসে পাগলপারা, ভ্রমে চিত্ত আত্মহারা কীর্তির অরণ্য-ভূমি এ মহা শ্মশানে ফুটিছে: জলন্ত-স্মৃতি যুগ ব্যবধানে।

শ্রী :—



রাজমহল (মন্দির)।

## দিল্লীতে বাদশাহ হুস

### সমাধি মন্দির

প্রশান্ত মধুর সন্ধ্যা বসুনাগৈক  
সবীরগে চুম্বিত লহরী  
নির্ঝাপিত কোলাহল—নাংগাছ গ  
ধীরি ধীরি আদে বিভাবরী  
প্রবাসে পাগলপারা, ভ্রমে চিত্ত আত্মহারা  
কীর্তির অরণ্য-ভূমি এ মহা শ্মশানে  
ফুটিছে: জলন্ত-স্মৃতি যুগ ব্যবধানে।

২  
এবং শ্রীহীন এক শোভন উত্থানে,  
কি প্রাচীন শিল্পনিদর্শন।  
মহা-গম্ভীর দৃশ্য!—জাগায় পরাগে  
কি অদ্ভুত স্মৃতির স্বপন!  
আব্য কল্পনার; চক্ষে ভাতে অনিবার  
সে অপূর্ব জীবনের নাট্য অভিনয়,  
শ্রেষ্ঠ সাধনার সিদ্ধি—রুধিরে প্রলয়।

৩  
সমগ্র জীবনব্যাপী করাল কামনা,  
রণরঙ্গে তাণ্ডব ভীষণ!  
নিত্য জয় পরাজয়ে কি যে উন্মাদনা,  
হতরাজ্য কাঁপান;







কার্য করেন তাঁহাদিগের নিকট হইতে আমি এতই সাহায্য ও শান্তি প্রাপ্ত হইয়াছি যে দিন দিন আমার স্বাস্থ্যোন্নতি হইতেছে। সরকার হইতে আমার জ্ঞাত অর্থ এবং বস্ত্র প্রেরিত হইয়াছে, ফরাসীবাজার হইতে আমি ইচ্ছানুরূপ দ্রব্যাদি ক্রয় করিবারও অহুমতি পাইয়াছি। কিন্তু আমার উপর নিরুদ্দেশ কারাবাসের আদেশ হইয়াছে বলিয়া আমি কোন সংবাদই জানিতে পাইতেছি না; আমাদের সৈন্তগণ কি করিতেছে তাহা না জানিতে পারিয়া আমি বড়ই অসুখী হইয়াছি।”\*

পাঠকগণ গত কার্তিক সংখ্যার প্রদীপে লেফটেন্যান্ট মেলভিলের পত্র পাঠ করিয়াছেন, সেই পত্রের সহিত বন্দী ব্রেথওয়েটের পত্রখানি মিলাইয়া পাঠ করিলেই বুঝিতে পারিবেন, হায়দার-চরিত্র কিরূপ ছিল। কেবল ব্রেথওয়েট নহে আরও অনেক ইংরাজ সেনানায়কও নানা যুদ্ধে হায়দারের হস্তে বন্দী হইয়াছিলেন, কিন্তু সিক্রেট সিলেক্ট কমিটির (The Secret Select Committee) রিপোর্টে তাহাদিগের কোন পত্রাদির উল্লেখ নাই। ইহাও কম আশ্চর্যের কথা নহে!

ইংরাজ-দূত স্ত্রীনিবাস রাও হায়দারকে একদিন বলিয়াছিলেন :-

“একটা কারণে আমার প্রভু বড় অসুস্থ হইয়াছেন। তিনি শুনিয়া বড়ই দুঃখিত হইয়াছেন যে কর্ণেল বেলিও তাঁহার অশ্রান্ত কাম্ভারীবর্গ আপনাদের শিবিরে পাইতেছেন। তাঁহাদিগের মধ্যে অনেকেই সস্তান। শুনিতে পাওয়া যায় তাঁহারা নাকি পানপান খাওয়া প্রভৃতি প্রাত্যহিক জীবনের অত্যাবশ্যক জুলিও পাইতেছেন না। তিনি বলেন যে, ব এই ভাবে রাখা ইংরাজের রীতি নহে এবং একজন মহিমাষিত নরপতিরও উপযুক্ত নহে। তাঁহাপনার রূপ অযোগ্য ব্যবহার করিতেছেন দেখিয়া আমার প্রভু বড়ই আশ্চর্য্যান্বিত হইয়াছেন।”†

ইংরাজ-দূতের কথার উত্তরে হায়দার আলি বলিলেন :-

“কখনও তাহাদের বস্ত্র ও খাদ্যের অভাব নাই, তোমরা না হয় কেহ যাইয়া তাহাদিগকে দেখিয়া আইস যে, ব্রেথওয়েটকে আমরা তাঞ্জোর প্রদেশে বন্দী করিয়াছিলাম তিনি এই শিবিরেই আছেন—তুমি ইচ্ছা করিলে স্বয়ং তাঁহার সহিত সাক্ষাৎ করিতে পার। প্রত্যেক দশ জন বন্দীকে প্রত্যাহ একটা করিয়া মেঘ দিবার বন্দোবস্ত করিয়া দিয়াছি। বন্দীদিগের মধ্যে কেহ কেহ, যাহারা তোমাদের বন্ধু থাকিয়া রূপ হইয়াছিল, এখন সেই বন্দোবস্তে অল্পে অল্পে সুস্থকার হইতেছে। যিনি তোমাদিগকে এই সকল সংবাদ দিয়াছেন তিনি নিশ্চয়ই মিথ্যা কথা কহিয়াছেন। আর অশ্রান্ত দ্রব্যের কথা কহিতেছ—বন্দীরা নিশ্চয়ই স্বন্দর সুস্থ পরিধেয় পাইবে না, তবে যথোপযোগী খেত কার্পাস-বস্ত্র তাহাদিগকে দিয়াছি। তোমার প্রভুকে বলিও তিনি যেন এ বিষয়ে নিশ্চিত থাকেন। যখন ইংরাজ ও আমার মধ্যে সকল গোল মিটিয়া যাইবে, তখন আমি সমস্ত বন্দীদিগকেই মুক্ত করিয়া দিব।”\*

নবাব হায়দার আলি ও স্ত্রীনিবাস রাওয়ের মধ্যে যে খাপকথা চলিত, তাহার আমূল বৃত্তান্ত সরকারী কাগজে প্রকাশিত হইতে পাওয়া যায়। ইংরাজই হায়দারের সারগা রিফুট।†

কোন কথাই গোপন রাখিয়া দেওয়া যাইবে, কিন্তু মহারাষ্ট্রদিগের নিজেদের সহিত যুদ্ধবন্দ—সকল প্রকাশ করিয়াছেন; বন্দী সম্বন্ধীয় কথাও বিদ্যমান করিবার যুক্তিপূর্ণ কারণ হায়দার ও স্ত্রীনিবাস রাওয়ের কথোপকথন সত্য বলিয়া নিশ্চিত হইলেই সন্দেহ নাই। বন্দীরা ধরিতে হইবে—এক পর্যায়ে অপত্য একপ বিশ্বাস করিবার লয়া বোধ হয় না। ইংরাজই বলিয়াছেন—

\* State Papers: Letter of John Brathwait 30th April, 1782.  
† Secret Select Committee's Proceedings.

Secret Select Committee's Proceedings. Introduction: State Papers. (Introduction by G. M. Forrest, Director of Record, Bombay.)

The account of the interview between Hyder Ali and the envoy is of considerable interest, and raises our opinion of the frankness and determination of the Mysore Chief.

শ্রীরাজেন্দ্রলাল আচার্য্য।

যশের জানাই।

প্রথম অধ্যায়।

ধর্মের অবতার।

“গঙ্গার পশ্চিমকূল বারাণসী-সমতুল।” ভাগীরথীর সেই বারাণসী-সমতুল পশ্চিম তীরে নগর গ্রাম অনেক আছে; পূর্বেও অনেক ছিল। অনেক গ্রামেই অনেক ধনপতি সমাজপতির আধিপত্য ছিল। ইংরেজরাজত্ব এখন যেরূপ প্রবলপ্রতাপ হইয়াছে; তখন সেরূপ হয় নাই। তখনও চারিদিকে অশান্তি, ভীতির পর ভীতির বিরাজমান ছিল। স্বর্ঘ্যাস্ত এবং সন্ধ্যার সন্ধটে, আকাশ ঘোঁরাঘোঁরা লোকের দৌরাঙ্গা বাড়িয়াছিল যোগ উপস্থিত হইয়াছিল। দস্যু ও দস্যুপোষকদিগের দর্শন পাইলে যে ভূভাগ হাবড়া, লুণ্ঠি, বন্দমান ও কয় জেলায় বিভক্ত সেই গ্রামে—দস্যুর উৎপাত কোম কোম জমীদার দস্যুদলপতি করিয়াছিলেন। জমীদার না হইয়া বংশধর দস্যুপোষকে প্রবৃত্ত হইয়াছিল। কায়স্থ সম্প্রদায়ের ভিতরও দস্যু ইহাদিগের দৌরাঙ্গা অনেক গ্রাম নামজাদ ছিল। জলে স্থলে দস্যুর রাজত্ব চলি সম্পত্তি লইয়া, লোকের স্বানান্তরে বাওরা হইয়া উঠিয়াছিল। কখন কখন সাহেব হস্তে পড়িয়া লাক্ষ্যনাশ করিতেন।

দুই একটা গ্রামের অপূর্ণ অবস্থা ব্যবস্থা দেখিয়া, অন-ভিজ্ঞ বৈদেশিককে অবাক হইতে হইত। প্রকাণ্ড সৌধ ভবন, ভবনের সম্মুখে স্তম্ভের সরোবর, সরোবরে বাঁধা ঘাট, পার্শ্বে উদ্যান। বার মাস জন মজুর খাটিতেছে, ঘর বাড়ী বার মাস মেরামত হইতেছে। নূতন ঘর দ্বারের কাজ লাগিয়াই আছে। বাগানে বারমাস রূষণ খাটিতেছে, বাড়ীতে বার মাস রাজমজুর কাজ করিতেছে। বাড়ীর কাছেই দেবালয়; দেবসেবায় কিছুমাত্র ক্রটি নাই; বাড়ীতে বার মাসে তের পার্শ্বণ। দান ধ্যানেরও অভাব নাই। অথচ গ্রামে ভয়ঙ্কর দস্যুভয়! স্থলে ডাকাত, জলে বোম্বটে।

ঐ যে ঐ সৌধভবনসমিহিত উদ্যানের দিকে রূষণ খাটিতেছে, উহার করিতেছে কি? এক একটা কৃষক যেন এক এক যমদূত; দেহে বল উপচিয়া পড়িতেছে, হাত পা যেন লোহায় গড়া। কিন্তু কাজ কৈ? কেহ একখানি কুদাল লইয়া আস্তে আস্তে, যেন নির্জীবের মত আস্তে আস্তে, মাটি কোপাইতেছে; কেহ বা এক জায়গায় বসিয়া একটা একটা করিয়া ঘাস তুলিতেছে; কেহ বা একটা শূন্য কলস লইয়া গাছের গোড়ায় জল-সেচনের অভিনয় করিতেছে; কেহ বা কোন স্থানে বসিয়া বেড়ায় বাঁধন দিতেছে; কেহ বা আস্ত বেড়ার টাটকা বাঁধন দিয়া ফেলিতেছে, কেহ বা এক দিকের চারা তুলিয়া আলাগাইতেছে; কেহ বা উচ্চ বৃক্ষের উচ্চ শিখরে দিকে নিরীক্ষণ করিতেছে।

পাখি দেখিতেছে, একগুণ কাজে দশগুণ লোক। জন মজুর হইলে রক্ষা থাকে না, অথচ বাগানে জন মজুর কাজ করিতেছে। জন মজুর ত নয়, ঠিক যমদূত! বাড়ীতে বার মাসই ইমারতী কাজ চলিতেছে। ছাদে বার মাস দাগরাজী হইতেছে, দেওয়ালে বার মাসই বাঁধাধরান হইতেছে; বার মাস পুরাতন প্রাচীর ভাঙ্গা হইয়াছে, বার মাস নূতন প্রাচীর গাঁথা হইতেছে; নূতন প্রাচীরও ভাঙ্গিয়া গড়া হইতেছে; প্রাচীর ভাঙ্গিয়া তাহার ইটে ঘাট, প্রস্তুত করা হইতেছে, ঘাট ভাঙ্গিয়া প্রাচীর গড়া হইতেছে। রাজমিস্ত্রীর সংখ্যা করা ভার, মজুর, যোগাড়ে অগণ্য।

কার্য করেন তাঁহাদিগের নিকট হইতে আমি এতই সাহায্য ও শান্তি প্রাপ্ত হইয়াছি যে দিন দিন আমার স্বাস্থ্যোন্নতি হইতেছে। সরকার হইতে আমার জ্ঞাত অর্থ এবং বস্ত্র প্রেরিত হইয়াছে, ফরাসীবাজার হইতে আমি ইচ্ছানুরূপ দ্রব্যাদি ক্রয় করিবারও অনুমতি পাইয়াছি। কিন্তু আমার উপর নির্জন কারাবাসের আদেশ হইয়াছে বলিয়া আমি কোন সংবাদই জানিতে পাইতেছি না; আমাদের সৈন্তগণ কি করিতেছে তাহা না জানিতে পারিয়া আমি বড়ই অসুখী হইয়াছি।” \*

পাঠকগণ গত কাঠিক সংখ্যার প্রদীপে লেফটেন্যান্ট মেলভিলের পত্র পাঠ করিয়াছেন, সেই পত্রের সহিত বন্দী ব্রেথওয়েটের পত্রখানি মিলাইয়া পাঠ করিলেই বুঝিতে পারিবেন, হায়দার-চরিত্র কিরূপ ছিল। কেবল ব্রেথওয়েট নহে আরও অনেক ইংরাজ সেনানায়কও নানা যুদ্ধে হায়দারের হস্তে বন্দী হইয়াছিলেন, কিন্তু সিক্রেট সিলেক্ট কমিটির (The Secret Select Committee) রিপোর্টে তাহাদিগের কোন পত্রাদির উল্লেখ নাই। ইহাও কম আশ্চর্যের কথা নহে!

ইংরাজ-দূত শ্রীনিবাস রাও হায়দারকে একদিন বলিয়াছিলেন :-

“একটি কারণে আমার প্রভু বড় অসুস্থ হইয়াছেন। তিনি শুনিয়া বড়ই দুঃখিত হইয়াছেন যে কর্ণেল বেলি তাঁহার অত্যাচারী বর্গ আপনার শিবিরে পাইতেছেন। তাঁহাদিগের মধ্যে অনেকই সন্তান। শুনিতে পাওয়া যায় তাঁহারা নাকি পারস্যে যাত্রা প্রভৃতি প্রাত্যহিক জীবনের অত্যাবশ্যকগুলিও পাইতেছেন না। তিনি বলেন যে, বেলি এই ভাবে রাখা ইংরাজের রীতি নহে এবং বেলি মহিমান্বিত নরপতিরও উপযুক্ত নহে। তাহাও নাকি রূপ অযোগ্য ব্যবহার করিতেছেন দেখিয়া আমার প্রভু বড়ই আশ্চর্যমান্বিত হইয়াছেন।” †

ইংরাজ-দূতের কথার উত্তরে হায়দার আলি বলিলেন :-

“কখনও তাহাদের বস্ত্র ও খাদ্যের অভাব নাই, তোমরা না হয় কেহ যাইয়া তাহাদিগকে দেখিয়া আইস যে, ব্রেথওয়েটকে আমরা তাজোর প্রদেশে বন্দী করিয়াছিলাম তিনি এই শিবিরেই আছেন—তুমি ইচ্ছা করিলে স্বয়ং তাঁহার সহিত সাক্ষাৎ করিতে পার। প্রত্যেক দশ জন বন্দীকে প্রত্যহ একটি করিয়া মেঘ দিবার বন্দোবস্ত করিয়া দিয়াছি। বন্দীদের মধ্যে কেহ কেহ, যাহারা তোমাদের বঙ্গে থাকিয়া ক্লেশ হইয়াছিল, এখন সেই বন্দোবস্তে অল্পে অল্পে সুস্থকায় হইতেছে। যিনি তোমাদিগকে এই সকল সংবাদ দিয়াছেন তিনি নিশ্চয়ই মিথ্যা কথা কহিয়াছেন। আর অত্যাচারী দ্রব্যের কথা কহিতেছ—বন্দীরা নিশ্চয়ই সুন্দর সুন্দর পরিধেয় পাইবে না, তবে যথোপযোগী শ্বেত কাপড়-বস্ত্র তাহাদিগকে দিয়াছি। তোমার প্রভুকে বলিও তিনি যেন এ বিষয়ে নিশ্চিত থাকেন। যখন ইংরাজ ও আমার মধ্যে সকল গোল মিটিয়া যাইবে, তখন আমি সমস্ত বন্দীদেরই মুক্ত করিয়া দিব।” \*

নবাব হায়দার আলি ও শ্রীনিবাস রাওয়ের মধ্যে যে যথাকথন ছিল, তাহার আমূল বৃত্তান্ত সরকারী কাগজে হইতে পাওয়া যায়। ইংরাজই হইতেন হইতেই হায়দারের সারল্য স্পষ্ট হইবে। †

কোন কথাই গোপন রাখি, কি যুদ্ধ, কি মহারাষ্ট্রদিগের বিরুদ্ধে নিজামের সহিত যুদ্ধবস্ত্র—সকল কাগজেই প্রকাশ করিয়াছেন; বন্দী বন্দী সম্বন্ধীয় কথাও বিবাস করিবার যুক্তিপূর্ণ কারণ হায়দার ও শ্রীনিবাস রাওয়ের কথোপকথন সত্য বলিয়া নির্দিষ্ট হইলেই মেলভিলের কথার সত্যতা বলিয়া ধরিতে হইবে—এক পত্রের অপর অপর একরূপ বিশ্বাস করিবার লয়া বোধ হয় না। ইংরাজই বলিয়াছেন—

\* State Papers: Letter of John Brathwait 30th April, 1782.

† Secret Select Committee's Proceedings.

Secret Select Committee's Proceedings. Introduction: State Papers. (Introduction by Genl. W. Forrest, Director of Records, Bombay.

The account of the interview between Hyder Ali and the envoy is of considerable interest, and raises our opinion of the frankness and determination of the Mysore Chief.

শ্রীরাজেন্দ্রলাল আচার্য্য।



## যমের জন্মাই!

### প্রথম অধ্যায়।

#### ধর্মের অবতার।

“গঙ্গার পশ্চিমকূল বারাণসী-সমতুল।” ভাগীরথীর সেই বারাণসী-সমতুল পশ্চিম তীরে নগর গ্রাম অনেক আছে; পূর্বেও অনেক ছিল। অনেক গ্রামেই অনেক ধনপতি সমাজপতির আধিপত্য ছিল। ইংরেজরাজত্ব এখন যেরূপ প্রবলপ্রতাপ হইয়াছে; তখন সেরূপ হয় নাই। তখনও চারিদিকে অশান্তি, হাডাব পশু-প্রাণী বিরাজমান ছিল। স্বর্ঘ্যাস্ত এবং সন্ধ্যার সঙ্কটে, আকাশ ঘোরান লোকের দৌরাণ্ডা বাড়িয়াছিল যোগ উপস্থিত হইয়াছিল দস্যু ও দস্যুপোষকদিগের দর্শন পাওয়া যে ভূভাগ হাবড়া, লুগতি, বন্দুমান এবং কয় জেলায় বিভক্ত সেই গ্রামে—দস্যুর উৎপাত কোন কোন জমীদার দস্যুদলপতি করিয়াছিলেন। জমীদার না হইয়া বংশধর দস্যুপোষকে প্রবৃত্ত হইয়াছিল। কায়স্থ সম্প্রদায়ের ভিতরও দস্যু ইহাদিগের দৌরাণ্ডা অনেক গ্রাম নামজাদ ছিল। জলে স্থলে দস্যুর রাজত্ব চলি সম্পত্তি লইয়া, লোকের স্থানান্তরে যাওয়া হইয়া উঠিয়াছিল। কখন কখন সাহেব হস্তে পড়িয়া লাঞ্ছনাভোগ করিতেন।

হুই একটা গ্রামের অপূর্ণ অবস্থা ব্যবস্থা দেখিয়া, অন-ভিজ্ঞ বৈদেশিককে অবাধ হইতে হইত। প্রকাণ্ড সৌধ ভবন, ভবনের সম্মুখে সুন্দর সরোবর, সরোবরে বাঁধা ঘাট, পার্শ্বে উদ্যান। বার মাস জন মজুর খাটিতেছে, ঘর বাড়ী বার মাস মেয়ামত হইতেছে। নূতন ঘর দ্বারের কাজ লাগিয়াই আছে। বাগানে বারমাস কৃষাণ খাটিতেছে, বাড়ীতে বার মাস রাজমজুর কাজ করিতেছে। বাড়ীর কাছেই দেবালয়; দেবসেবায় কিছুমাত্র ক্রটি নাই; বাড়ীতে বার মাসে তের পার্কণ। দান ধ্যানেরও অভাব নাই। অথচ গ্রামে ভয়ঙ্কর দস্যুভয়! স্থলে ডাকাত, জলে বোম্বটে।

ঐ যে ঐ সৌধভবনসম্বিহিত উদ্যানের দিকে কৃষাণ খাটিতেছে, উহারা করিতেছে কি? এক একটা কৃষক যেন এক এক যমদূত; দেহে বল উপচিয়া পড়িতেছে, হাত পা যেন লোহায় গড়া। কিন্তু কাজ কৈ? কেহ একখানি কুদাল লইয়া আস্তে আস্তে, যেন নির্জীবের মত আস্তে আস্তে, মাটি কোপাইতেছে; কেহ বা এক জায়গায় বসিয়া একটা একটা করিয়া ঘাস তুলিতেছে; কেহ বা একটা শুল্ক কলস লইয়া গাছের গোড়ায় জল-সেচনের অভিনয় করিতেছে; কেহ বা কোন স্থানে বসিয়া বেড়ায় বাঁধন দিতেছে; কেহ বা আস্ত বেড়ার টাটকা বাঁধন দিয়া ফেলিতেছে, কেহ বা এক দিকের চারা তুলিয়া লাগাইতেছে; কেহ বা উচ্চ বৃক্ষের উচ্চ শিখরে দিকে নিরীক্ষণ করিতেছে।

পাখি দেখিতেছে, একগুণ কাজে দশগুণ লোক। জন মজুর হইলে রক্ষা থাকে না, অথচ বাগানে জন মজুর কাজ করিতেছে। জন মজুর ত নয়, ঠিক যমদূত!

বাড়ীতে বার মাসই ইমারতী কাজ চলিতেছে। ছাদে বার মাস দাগরাজী হইতেছে, দেওয়ালে বার মাসই বাঁধা ধরান হইতেছে; বার মাস পুরাতন প্রাচীর ভাঙা হইয়াছে, বার মাস নূতন প্রাচীর গাঁথা হইতেছে; নূতন প্রাচীরও ভাঙিয়া গড়া হইতেছে; প্রাচীর ভাঙিয়া তাহার ইটে ঘাট, প্রস্তুত করা হইতেছে, ঘাট ভাঙিয়া প্রাচীর গড়া হইতেছে। রাজমিস্ত্রীর সংখ্যা করা ভার, মজুর, যোগাড়ে অগণ্য।





পড়িবার পূর্বেই নফর সকলকে সাবধান করিয়া দিয়া-  
ছিলেন, সকলেই বলিল,—“ভাত খাইব না, শরীর ভাল  
নহে; মুড়ী মুড়কী হইলে ভাল হয়, না হয় রাতটা  
উপবাসেই কাটাইব।”

এ কথায় যমালয়ের কাহারও সন্দেহ হইল না।  
নফরের ভয় ছিল, আমরা আহায়ে গেলেই হয় ত বেটারা  
কি সর্বনাশ করিবে। বড় বিষম সঙ্কট।

বাবুরা বাহিরে আসিলেন। দুর্গাদাস বাবু আসিয়াই  
প্রদীপের কাছে পানের দোনা খুলিয়া দেখিলেন। দেখিলেন,  
স্পষ্ট লেখা। চুপি চুপি পড়িলেন।

“বিশ দণ্ডের পর ঈশান-কোণে যাত্রা, অশুদ্ধিকে যাত্রা  
নিবেধ। কেননা, সম্মুখে যোগিনী। বিশ দণ্ডের পর  
যোগিনী অল্পকূল; তখন যোগিনীর অনুগমন করিলে  
মঙ্গল।”

বুঝে কাহার সাধ্য? যমালয়ের কেহ যদি সন্দেহ  
করিয়া, যম-তনয়ার হাত হইতে পান লইয়া, কলাপাত  
পড়িত; তাহা হইলে মনে করিত, কে পাজী মকল করি-  
য়াছে। আর যম-তনয়াও নিশ্চিতই, তাহা হইলে ঐরূপ  
কৈফিয়ত দিতেন। নফর যদি স্বকর্ণে যমের মেয়ে জামাই-  
য়ের কথাবার্তা না শুনিয়া আসিত, তাহা হইলে, কালিদাস  
দুর্গাদাস কোন দাসই কলাপাতার কিছুমাত্র রহস্তভেদ  
করিতে পারিতেন না। কিন্তু “আয়ুর্মান্নাণি রক্ষতি।”

নফর সকল কথাই বাবুদিগকে খুলিয়া বলিল। জামাই  
বাবাজী যে যম-কন্যাকে লইয়া পলাইবার সংকল্প  
ছিলেন, তাহাও ত নফর শুনিয়া আসিয়াছিল। সব  
সাবধান হইলেন। সকলেই বুঝিলেন, অন্ধর ছাড়া  
নাই; আট ঘাটের সাত ঘাট বন্ধ, এক ঘাট খোলা  
ভয়ঙ্কর ঘাট, যমের অন্ধর দিয়া ঘাট! এখন যা  
ভগবান, আর যা করেন যম-কন্যা,—সেই দেবী এবং  
তাহার দেবতুল্য স্বামী।

ক্রমে যমালয় একেবারেই নিস্তর হইল, সর্বনাশের  
সময়ও ক্রমেই সন্নিহিত হইতে লাগিল। যথাকালে আসিয়া  
যম-তনয়েরা সর্বনাশ করিবে; যমকিঙ্করেরা সঙ্গে থাকিবে।  
কালিদাস বাবুর পাইক দুইজনের অগ্রে মুণ্ডপাত হইবে।  
সঙ্কল্প স্থির, নিঃসন্দেহ। এদিকে যে ধর্মের কল বাতাসে  
নড়িয়াছে, যম-তনয়া পিতার প্রতিকূল হইয়াছেন, পাতা

ফাঁদ যুগযুগের নেত্রপথে পড়িয়াছে, তাহাত যমালয়ের  
কেহই বুঝিতে পারে নাই; যম-তনয়ার পান-দান-রহস্যও  
কাহারও বিদিত হয় নাই। কোন কথাই কেহ শুনিতে  
পায় নাই।

অভিনয়ের ভীষণতা এবং গাঢ়তা কিরূপ, সহৃদয়  
পাঠক বুঝিয়া দেখ; আর বড় বিলম্ব নাই! এরূপ অবস্থায়  
সময় কাটিতে চায় না সত্য, কিন্তু সময় ত না কাটিয়াও  
থাকে না!

কালিদাস দুর্গাদাস জাগিয়াও নিদ্রার ভান করিতে  
লাগিলেন, ভৃত্য দুইজনও নিস্তর মৃতবৎ পড়িয়া থাকিল।  
নফর গোবর বসিয়া রহিল। পাইক সর্দারেরা সহজে নিদ্রা  
যায় না; তাহা যমালয়ের লোকে জানিত। আমরাও  
জাগিয়া থাকিব; আমরাদিগকে এ অধ্যায়ে আর কোন  
কাজে ইস্তফেক করিতে হইবে না।

ক্রমশঃ—  
শীক্ষেত্রমোহন সেনগুপ্ত।



## গাভে।


স্তাব।

মজ্জা এবং মাংস ও  
সকল মনুষ্যে মানবরূপে আবির্ভূত  
হয়। মনুষ্যের শেষের সেই নীরব  
অনন্তের অভিমুখে অগ্র-  
সবিতার প্রতীচ্য পর্কতে  
যাত্রা সত্য; কিন্তু মারামুগ  
কেবল সরোবরস্থ সলিলোথিত  
কমা যায়, তাহা হইলে নলিনী-  
স্বামী মনুষ্যের তুল্য হতভাগা  
আর বিতায় নাই। কৈশোর  
হইতে প্রবীণ, প্রবীণ হইতে  
প্রবুদ্ধ ও জরাবস্থা পর্যন্ত

(স্মৃ + ষি + অন) অর্থে প্রাণবায়ু।



ধর্ম্মানন্দ মহাভারতী।



এই সুদীর্ঘকালের অসহনীয় শারীরিক ক্লেশ, অবর্ণনীয় মানসিক বেদনা, অনির্কচনীয় আত্মিক কষ্ট এবং ঘোরতর আধিদৈবিক, আধিভৌতিক ও আধ্যাত্মিক বিষাদ-নহিষ্কৃতার মধ্যে মানবেরা পরলোক সম্বন্ধীয় যে ক্ষীণাদপি ক্ষীণ আশার আনন্দময় আলোকে মন প্রাণ ও আত্মাকে সজীব রাখিয়া থাকে সেই ক্ষীণাদপি ক্ষীণ আশা যদি পরিণামে আকাশকুম্বের ত্রায় কেবল আশার কল্পনা বলিয়া প্রতিপন্ন হয়, তাহা হইলে মনুষ্য-জীবনের তুল্য হতভাগ্য জীবন বোধ হয় আর দ্বিতীয় নাই। কিন্তু পরলোকের আশায় আশ্বাসিত হইয়া গাহারা ইহজীবনকে তুচ্ছাদপি তুচ্ছ জ্ঞান করেন, বাহারা সাংসারিক কর্তব্যকে অসায় মনে না করিয়া সেই অতুল আনন্দদায়ক অমৃতধামের দিকে অগ্রসর হইয়ন, বাহারা “যদাৎ সত্যম্ ভবতি তত্রৈব মনাংসি নিধধবম্” এই মহামন্ত্রে অনুপ্রাণিত হইয়া জগতের কল্যাণ কামনায় পবিত্র দেবমন্ডে স্বকীয় প্রিয়তম স্বার্থপশুকে বলিদান-পূর্বক দীনতায় দেবত্ব দর্শন করেন, বাহাদের লোক-পাবন চরিত্রে, নিঃস্বার্থ বিশ্বহিতৈশীতা প্রাণস্পর্শী পশ্চো-পদেশে, জ্বলন্ত বিশ্বাসপূর্ণ জীবনে ও আত্মার মঙ্গলজনক মহাপুণ্যে “সদাং তস্মাত্তমস্ত শরণং” এই দর্শন করিয়া গুলকে কোন্ আশাসুন্দরী তাঁহা প্রণস্তমার্গে শনৈঃ শনৈঃ অগ্রসর হইয়া “মৃত্যুর পরের” সুখময়ী আশা কেবল মন অসার কুহক ভিন্ন আর কিছুই নহইবে নির্কীত-প্রদীপের পরকল্পনা হইতে না হয়, তাহা হইলে চতুঃপাদকল্পে এই মুগ্ধ জীবন-শকটকে বহন করিয়া রমণী সহজে স্বীকৃত ও সম্মত হইয়া ধীরে ধীরে, বিনয়ে ও বিনম্রতায় লেই মরণ হয়, ইহা নিশ্চিত হইয়া যায় হয়, তাহা বলিতে পার কি? “আমি মকলই মিথ্যা অর্থাৎ মরণান্তে আর কিছু বা কিছুই হয় না,” আমি তাঁহাদিগকে সমৃদ্ধি, আশা, ভরসা, উল্লসিত ও ত্রীবৃদ্ধির

গণনা করি। একপ লোকেরা পৃথিবীর সুখ ও শান্তি-পথের ভীষণ কষ্টকস্বরূপ। বাস্তবিক পরকালের সুখময়ী আশা হইতে আমাদিগকে বাহারা বঞ্চিত করিতে চাহে, তাহারা জগতের সভ্যতা ও সমৃদ্ধির মহাবৈরী। আমি পুনরায় ধীরে ধীরে জিজ্ঞাসা করি, পরলোকে বিশ্বাস ভাল কি মন্দ? “মৃত্যুর পরে কি হয়?” এই মহাপ্রাচীন প্রশ্ন অতীব গুরুতর হইলেও অতীব প্রয়োজনীয়। সমগ্র মানবজাতির--সমগ্র বিশ্বমণ্ডলের--বিশেষতঃ অধঃপতিত ভারতবাসিবর্গের পক্ষে এই প্রাচীন প্রশ্নের সত্ত্বতর নানা কারণে অত্যন্ত কল্যাণকর। প্রস্তাবের প্রথমেই পরিষ্কৃত ভাবে বলিয়া রাখা আবশ্যিক, আমি নিজে পরলোকে প্রগাঢ় বিশ্বাস করি। বৃহৎ আরণ্যক উপনিষদে যে প্রাজ্ঞপ্রবর মহর্ষি বলিয়াছেন, “হে গুরো! তুমি আমাদিগকে কল্পনা হইতে সত্যের রাজ্যে লইয়া যাও, তুমি আমাদিগকে অন্ধকার হইতে আলোকে লইয়া যাও, হে গুরো! তুমি আমাদিগকে মৃত্যু হইতে অনন্তের অমৃতধামে লইয়া চল,” আমি সেই অক্ষয় অক্ষয়ানন্দভোগী যোগীরাজের চরণে প্রণাম করিয়া, উদ্ধারই কথার উপরে নির্ভর করতঃ মৃত্যুর পরে কি হয় বা না হয়, তদ্বিষয়ে কথঞ্চিৎ আলোচনা করিতে আকাঙ্ক্ষা করি।

ঐতিহাসিক পণ্ডিতচূড়ামণি বেকন, প্রাজ্ঞকুলপুঙ্গব হার্মিন্স এবং তর্কিককুলতেজস্বী বাস্তুদেব সার্কভৌম মনোবিদগণ বলিয়াছেন, “অতি প্রাচীনকাল হইতে যাহা বাস্তবিকের অন্তর্ভুক্ত তাহার কুফল বা সফল আশু হইয়া যায় না হইলেও তাহা যে ভুল বা অধিক পরি-  
 ত্রের সহিত সমায়ুক্ত, তাহাতে আর সন্দেহ থাকিতে পারে না।” মৃত্যুর পরে উত্তম বা অধম, উচ্চ বা নীচ, পূর্ণ বা কোনও প্রকার অবস্থায় মনুষ্যকে উপনীত হইতে পারিবে, পুরাকাল হইতে জনসাধারণের ধ্রুব বিশ্বাস।  
 গ্রীস, বিক্রমী রোম, গৌরবান্বিত গ্রীস, অধিক পরিভ্রমণ বা অর্ধসভ্য মেক্সিকো, পেরু, ক্ষীণ, ল্যাপ-ল্যান্ড, সিন্ধুদেশেও এই বিশ্বাসের অভাব নাই। সিংহল, তিব্বত, তাতার, চীন, আফ্রিকা প্রভৃতি কোনও স্থানে এই বিশ্বাস কখনও তিরোহিত হয় নাই। পিতা-  
 আরিয়া ( Arrian ), প্লেটো, যিহুদী রব্বাই,



উঠিল, ক্রমে ঐ অগ্নি বিস্তৃত হইয়া সমুদায় বাজারকে ভস্মাবশেষে পরিণত করিল। ইহাতে বাজারের লোকদিগের অপরাধ ছিল কি? ইহাতে ঈশ্বরের উপরে পক্ষপাতিত্ব দোষ আরোপ করিতে পার কি? কিন্তু বাজারের লোকেরা এই দুঃস্থ পাষণপাপীর সংসর্গ রাখিয়াছিল বলিয়া অথবা তাহাকে বাজারে স্থান দিয়াছিল বলিয়া কুসংসর্গজনিত নিরুদ্ভিত্য তাহারা ধনে প্রাণে ধ্বংস হইল। এই সংসার যতই অসার হউক ইহা চরিত্র-গঠনের সর্বশ্রেষ্ঠ বিদ্যালয় (God puts the earthy man on trial to form a character and to enable him to pave the way to Moksa.) কিন্তু সংসার পাপপুণ্যের বা স্মারাস্মারের সম্পূর্ণ বিচারালয় নহে। প্রত্যেকে যদি নিজের দায়িত্ব ও নিজের কর্তব্যজ্ঞানের অনুসরণ করে তাহা হইলে পূর্বজন্মের দিকে দৃষ্টিপাত করিয়া সুখদুঃখের কার্যকারণ সম্বন্ধ-জনিত তর্ক লইয়া আমাদিগকে আর মস্তিষ্কালোড়ন করিতে হয় না। সুখ দুঃখ সুকর্ম ও কুকর্মের ফলাফল বটে, কিন্তু এই জগৎ পরীক্ষার প্রশস্তক্ষেত্রে বলিয়া একজনকে দুঃখ ও দরিদ্রতার কঠোরতায় নির্মিত এবং আর একজনকে সুখ ও শান্তির কোমলতায় আনন্দসমায়ুক্ত দেখা যায়।

(ক্রমশঃ)

শ্রীধর্ম্মানন্দ মহাশয় কর্তৃক



## পরী রাজ্য।

### প্রথম পরিচ্ছেদ।

—রবিবার প্রাতঃকালে কয়লাঘাট হইতে জাহাজে উঠিয়া কলিকাতা ত্যাগ করিলাম। কলিকাতার পর-বর্তী স্থানগুলির দৃশ্য জাহাজ হইতে বেশ সুন্দর। বিবিধ বৃক্ষাদি পরিশোভিত ক্ষুদ্র ক্ষুদ্র গ্রাম; মধ্যে মধ্যে সুবৃহৎ কলঘর। কোনও খানে বা ঠিক নদী-বক্ষে সুন্দর সু-উচ্চ সৌধ সকল অধিকারীর ধনগৌর-বের পরিচয় প্রদান করিতেছে। এইরূপ নানাপ্রকার দৃশ্য দেখিতে দেখিতে বেলা ১২টার সময় আমি স্বীয় নির্দিষ্টকক্ষে প্রবেশ করিলাম। প্রাতঃকালে খানিকটা চা ও কয়েকখানা কেবু ভিন্ন আর কিছুই উদরস্থ হয় নাই। তজ্জন্ত বেশ একটু ক্ষুধার উদ্বেগ হইয়াছিল।

হিন্দুর সমুদ্রযাত্রা বিলক্ষণ কন্দভোগ। বিশেষতঃ বন্দীস্বামীব পক্ষে ইহা বিলক্ষণ কষ্টকর বলিয়া মনে হয়। জাহাজে উঠি পাওয়া যায় বটে। কিন্তু অন্ন-পানীয়ের অভাবে চারিদিন লুচি খাইয়া থাকা হইয়াছে। তাহা বলা নিশ্চয়োজন। তবে জাহাজে থাকা হইতে পারেন, তাহাদের পক্ষে সমুদ্রযাত্রা ন্যস্ত আনন্দজনক। আমার বোধ হয়, যদি এই চারিজন আমার মতন সহযাত্রী পাওয়া যায়, তাহলে নানাবিধে সমুদ্রযাত্রার আয় সুখকর ভ্রমণ আর উচিত নাই। আহা! তাহাদের পর ঘর হইতে বাহির হইয়া দেখিয়া, স্বামীরা আপন আপন রুচি ও ক্ষমতা-সম্মত দ্রব্যাদি লইয়া নানাপ্রকার আয়োজে লিপ্ত হইয়াছেন। তাহাদের চলাচল চলিতেছে, আশে পাশে হইয়াছেন। উপরে উপরে নানাপ্রকার মতামত প্রকাশিত হইয়াছে। কাথাও বা সঙ্গীতলাপ হইয়াছে। কেহবা আরাম কেদারে অঙ্গ ঢালিয়া পুনঃ পুনঃ মনোযোগ করিয়াছেন। আবার হয়ত কেহবা পানীয় স্বামী নির্জন স্থানে বসিয়া নদীর শোভা উপভোগ করিতেছেন। বেলগাড়ীতে যেন বাবে উপবিষ্ট থাকিয়া, হয় নীরবে নতুবা

তদ্রাম্য থাকিতে হয়, জাহাজে তাহার সম্ভাবনা নাই। দিব্য খোলা জায়গা। যাহার যেখানে যতটুকু স্থানের প্রয়োজন, অধিকার করিয়া, নিজ নিজ মনোমত কন্দে লিপ্ত থাকিতে পারেন।

বন্দীস্বামী জাহাজে তিনটি শ্রেণী থাকে। প্রথম, দ্বিতীয় ও ডেক। নিম্নতম শ্রেণীতে কষ্ট অনেক। সমুদ্রে ঝড় বৃষ্টি হইলে যাত্রীগণের সমূহ বিপদ। তাহারা যদি ঝড়ান্তরের অগ্রেই সাবধান না থাকেন, তবে অনেক সময় প্রাণটা পর্যন্ত লইয়া টানাটানি পড়ে। ডেক সাধারণতঃ দুইভাগে বিভক্ত। বাহারা খোলা আকাশ ও নীলসমুদ্রের অবাধসৌন্দর্য উপভোগের প্রয়াসী, তাহারা উপরের ডেকে আশ্রয় লয়েন। আর বাহারা আবদ্ধগৃহে থাকিতে ভাল বাসেন, তাহারা নিম্ন ডেকে অধিকার করেন। দেখিতে গেলে উপর ডেকে সুবিধা অনেক বলিয়া মনে হয়। কিন্তু বাহারা অতিষ্ঠ ও দূরদর্শী তাহারা নীচের ডেকেই পছন্দ করেন। শীতকালের ত কথাই নাই, ভীষণ গ্রীষ্মের সময়ও উপরের খোলা ডেকে রাত্রিকালে বিলক্ষণ শীত অনুভব হয়। তদ্ব্যতীত প্রধান বিপদ এই যে, ঝড় বৃষ্টির সময় সেখানে থাকা আর সমুদ্রগর্ভে ডুবিয়া প্রায় সমান। কারণ ঝড়ের সময় আকাশসম্পূর্ণ প্রবাহ সফল ঐ ডেকের উপর উপস্থিত হইয়া সেখানে থাকা কিছু থাকে সমস্তই ভাসাইয়া লইয়া যায়। তাহাদের পক্ষে হইতে ঝড়ের কথা জানা থাকিলে কষ্টকর যাত্রাদিগকে ঐ স্থান হইতে সরাইয়া দেন।

কলিকাতা হইতে যখন জাহাজে উঠি, তখন অনেকের হাতে এক একটা সুবৃহৎ টিনের জলপাত্র দেখিয়া আমি চিন্তিত হইয়াছিলাম। ভাবিলাম, জাহাজে কি পানীয় জল দেওয়া হয় না। যদি না দেয়, তাহা হইলে

Water, water everywhere,

But nowhere water to drink.

এখন দেখিতেছি জাহাজে পানীয়জলের অভাব নাই। দিনের মধ্যে দুইবার 'মিঠাপানী'র জল খুনি দেওয়া হয়। তখন সকলে ইচ্ছামত জল লইতে পারেন। কিন্তু এ প্রকার সুযোগনন্দেও হিন্দুস্থানী ভাষায় বড়ই ডাকড়ি দেখিলাম। তাহারা সমুদ্রের যে জল পান-

য়াছিল, তাহা ভিন্ন জাহাজের একবিন্দু জল স্পর্শও করিল না। অনেকের দেখিলাম দুইদিনের পর সমুদ্রের জল ফুরাইয়া গেল। ভায়ারা, তখন দাঁতে দাঁত লাগাইয়া স্বচ্ছন্দে পড়িয়া রহিল, কিন্তু মল্লের জল লইল না। ভায়াদের হিন্দুস্থানীর বাহাদুরী আছে। কিন্তু দুঃখের বিষয় এই অনক্ষর পশ্চিমবাসীরা অতি সামান্যবিষয়ে যেমন ধরা বাঁধা করেন, এইরকম যদি প্রত্যেক বিষয়ে করিতেন, তাহা হইলে হয়ত আজ তাহাদিগকে ভারতের প্রাচীনতম জাতি হইয়া, সেই জগৎবিশ্রুত মহাভারত রামায়ণ বর্ণিত আৰ্যসন্তান হইয়া অতি হেয় ও নিকৃষ্ট-ভাবে অবস্থান করিতে হইত না।

আমাদের এই জাহাজে সর্বসমেত একুশজন বাঙ্গালী ছিলেন। তাহাদের মধ্যে একটা প্রাচীনা বিধবা ভিন্ন আর কাহাকেও পানীয়সম্বন্ধে আদৌ বাঁধাবাধি করিতে দেখিলাম না। এ সম্বন্ধে আমাদের বঙ্গীয় সমাজ আজ কাল অনেকটা স্বাধীনতা প্রদান করিতেছেন। এক দিন ছিল, যখন এই সমুদ্রযাত্রা সম্বন্ধে বঙ্গদেশে হল-স্থল পড়িয়াছিল। ঐ সময়ে কয়েকজন স্বনাম-প্রসিদ্ধ বঙ্গের সন্তান পর্যন্ত ইহার বিরুদ্ধে লেখনী চালনা করিতে সঙ্কুচিত হয়েন নাই। কিন্তু আজ কালকার অবস্থা ভাবিলে, তাহাদের বিফল আক্ষালন মনে হইয়া হাসি পায়। এখন দেখিতেছি বঙ্গীয় সমাজ প্রত্যেক বিষয়েই স্বাধীনতা দিতেছেন। এখন আর বিলাতে গেলে, ইংরাজের হোটেল খাইলে বা ব্রান্ড হইলে বড় একটা জাতি যায় না। ইহা যে নিতান্ত সুখের কথা তাহাতে আর সন্দেহ কি। স্বদেশে জীবিকা অর্জন দিন দিন যেপ্রকার দুর্লভ হইতেছে, তাহাতে আমাদিগকে এখন দম্মা, এডেন, আফ্রিকা, চায়না, সিঙ্গাপুর প্রভৃতি স্থানে অগত্যা যাইতে হইবে। তাহার পর ইংরাজরাজ যখন কোনমতেই এদেশে সিবিল সার্ভিস পরীক্ষা প্রচলিত করিবেন না, তখন আমাদিগকে নিশ্চয়ই তাহাদের দেশে যাইয়া সে পরীক্ষায় উত্তীর্ণ হইতে হইবে। এইরূপ নানাপ্রকার কারণে আমাদের মধ্যে সমুদ্রযাত্রা, ও আহা! স্বাধীনতা নিতান্ত প্রয়োজন হইয়া পড়িয়াছে।

অপরায় চারিটার সময় আমরা গঙ্গাসাগরসঙ্গমে উপস্থিত হইলাম। আমাদের জাহাজ "পাণ্ডুরা" জাহাজের











১২।—‘খাউরালী’ বলিয়া একটা শব্দ ‘গোকুলমঙ্গলে’  
পাওয়া গিয়াছে।

১৩।—চতুরা—চতুর? \*

“তার বাহিরে চৌতুরা, চৌখণ্ডি চৌমুরা,  
দিব্য সিংহাসন তার মাঝে।

রাজ্য অমরাবতি, তুলনা নাহিক ক্ষিতি,  
ধেন শোভে ইন্দ্র দেবরাজে ॥”

১৪।—অথাস্তর—বিপদ।

১৫।—তম্বু বা তভো—তবুও।

১৬।—ফাফর—কাতর।

১৭।—মার্গ—শুভদেশ।

১৮।—কথা—কোথা।

১৯।—মাঙ্গারা—আমরা।

২০।—মেলানি—বিদায়।

২১।—বিহন্দ—মহল।

২২।—ছল ছুতা—ছলনা।

২৩।—থান বা থন্দক—গড়খাই। ইত্যাদি।

আর কয়েকটি কথা বলিয়াই, এই দীর্ঘ প্রবন্ধের  
উপসংহার করিবার ইচ্ছা। প্রাচীন সাহিত্যের আলোচনা  
ভাষা-ইতিহাসের উপকরণাদি সংগ্রহের জন্ত যতটা প্রয়ো-  
জনীয় অল্প কোন উদ্দেশ্যে তাহা ততটা আবশ্যক বলিয়া,  
আমার মনে হয় না। এই উদ্দেশ্য লক্ষ্য করিয়াই, আমরা  
বঙ্গের প্রাচীন বিলুপ্তপ্রায় গ্রন্থরাজির উদ্ধার সাধনে  
ব্যাপৃত। এইরূপ আবিস্কৃত সমস্ত গ্রন্থেরই মুদ্রাক্ষর, নিতাস্ত  
আবশ্যক। সুখের বিষয়, বঙ্গের দুইটি “সাহিত্য-সভাই” এ  
কার্যে হস্তক্ষেপ করিয়াছেন। কোন কোন সাহিত্যানুরাগী  
ব্যক্তি, স্বতন্ত্রভাবেও প্রাচীন গ্রন্থাদি প্রকাশিত করিতে-  
ছেন। তথাপি আবিস্কৃত গ্রন্থরাজির সংখ্যা-তুলনায় এই  
সকল উদ্যম নিতাস্তই অকিঞ্চিৎকর। রাজা বিনয়কৃষ্ণ  
দেব প্রভৃতি বঙ্গের ধনী সম্প্রদায়, এদিকে রূপাদৃষ্টি  
করিলেই, প্রাচীন সাহিত্যের শীর্ষই একটা কিনারা  
হইতে পারে; কিন্তু, এ হতভাগ্য দেশে সেই শুভদিনের  
আবির্ভাব হইবে কি? আলোচ্যমান গ্রন্থের সংগ্রাহক  
চট্টগ্রাম—সাধনপুরবাসী শ্রীযুক্ত বাবু অতুলচন্দ্র চৌধুরী  
মহাশয়ের মুখে শুনিলাম,—‘কালিকা মঙ্গল খানি’ ‘বসু-

\* বাহির বাড়ীকে চট্টগ্রামে ‘চতুরা’ বলা হয়।

মতী” পত্রিকার কর্তৃপক্ষেরা প্রকাশ করিতে মনন  
করিয়াছেন। ঘটনা সত্য হইলে, নিতাস্তই সুখের  
বিষয়, এ কথা বলাই বাহুল্য।

শ্রীমহেন্দ্রনাথ বিজ্ঞানিধি।

## কবিতা-গুচ্ছ ।

### নিকরুপমা ।

সুন্দর হ'তো শরত ইন্দু তাহারি মতন ঠিক—  
তাহা—সজীব হইত যদি!  
তাহারি মধুর কণ্ঠ স্বরে তুলিত হইত পিক  
যদি—গাহিত সে দিরবধি!  
চপলা হইত তুলিত তাহার মধুর হাস্য সনে—  
যদি গগনে থাকিত থির!  
তারি চঞ্চল অঁখি অলুকারি, হরিণী ফিরিত বনে—  
যদি হানিতে পারিত তীর।  
শীতল হইত মলয় সমীর, তাহারি পরশ সম—  
যদি—বহিত সে চিরদিন!  
নির্ম্মল হ'তো নীল অম্বর তাহারি হৃদরোপন—  
যদি—না হইত সীমাহীন!  
তাহারি মতন অতি পবিত্র হইত ভাগীরথী—  
যদি—না ছুঁইত ধরাতল!  
তারি সমতুল গম্ভীর হতো অতল অম্বুনিধি—  
যদি—না থাকিত বাড়বানল!  
হিম গিরিবর হইত তুলিত, তারি উচ্চতা সনে—  
যদি—পাষাণে না হতো গড়া!  
তাহারি মতন সহিষ্ণু হতো—ভীষণ ভূকম্পনে—  
যদি—অটল বহিত ধরা!

শ্রীহরিপ্রসন্ন দাস গুপ্ত।

## চির বসন্ত ।

অগ্নি শুভে, কবে তুমি হ'লে শোভাময়ী  
নব মঞ্জরীর স্নিগ্ধ শ্রাম সুষমায়,  
কুসুম পেলব অই অমল আননে  
সচন্দ্রা যামিনী হাসে আলোক বিভায়!  
চুমিতে উষারে, তার রক্তিম পরশে  
হয়েছে সুন্দর বুঝি বিমল অধর,  
গোলাপ কুসুম আভা কে দিল কপোলে?  
নয়নে ফুটিয়া হাসে চারু ইন্দ্রিবর!  
চূর্ণ কুসুমদল ভ্রমরের শ্রেণী  
অলস আবেশে তব মুখ পানে চায়,  
নিশ্বাসে মলয় বহে, কণ্ঠে পিক ধ্বনি  
সর্বাঙ্গ প্লাবিতা গেছে কুসুম-বস্তায়।  
সৌন্দর্য্য প্রবাহ আজ কুলে কুলে ভরা,  
অচির বসন্ত শুভে পড়েছে কি ধরা?  
শ্রীঅর্কেন্দ্ররঞ্জন বোষ।

## একটি তারকার প্রতি ।

জ্যোতি বসনে লো তুমি সূচারু-হাসিনী,  
নিত্য সন্ধ্যা আগমনে উজলি অধর,  
যুচ্ হাসি পরকাশি কহ লো ভামিনী,  
দেখা দাঁও তুধিবারে কাহার অন্তর?  
কার লাগি তব প্রেম উছলিয়া উঠে  
কহ সূহাসিনী? কার লাগি প্রতি নিশি  
স্নাত হয়ে নীহারেতে উঠ তুমি ফুটে  
হে সুরসুন্দরী! উজলিয়া দশ দিশি।  
তব হৃদি প্রেমে ধনী হেরি ভরপুর;—  
স্বর্গের জানালা খুলি জাগো কি লো তাই  
গাহি নিতি আনমনে সর্করণ স্বর,  
ধরার কাঙ্গাল কবি তোমারে সূধাই।  
তব প্রেম কণা যাচে কাঙ্গাল এ কবি,  
না পুরা'লে আশা তার বৃথা হ'বে সবি।

শ্রীযতীন্দ্রমোহন মিত্র।

## প্রেমাঞ্জলি ।

বৃথা নয় প্রেম বৃথা নয়,  
যত দিবে উপহার  
যুগল চরণে তার  
শোভিবে সে প্রেমাঞ্জলি-চয়!  
নাহি ভয়, নাহি কোল ভয়;  
হো'ক বা না হো'ক দেখা  
প্রেমে পড়িবে গো লেখা  
অকথিত কথা সমুদয়।  
বৃথা নয়, প্রেম বৃথা নয়;  
দূরে রহে অতি দূরে  
দেবতা অমর পুরে  
তবু হেথা তাঁর পূজা হয়।  
ভকতেরে হইয়ে সদয়  
তাহার পূজার শেষে  
অজানিতে আসিয়ে সে  
কর পাতি পুষ্পাঞ্জলি লয়;  
বৃথা নয় প্রেম বৃথা নয়।

শ্রীনিশিকান্ত সেন।

## অশ্রু জল ।

আহা! বিন্দু অশ্রু জল!  
তার মাঝে কত ব্যাকুলতা,  
তার মাঝে কি গভীর ব্যথা,  
কি দরুণ বেদনা অমল।  
আহা! বিন্দু অশ্রু জল!  
তার মাঝে কত অভিমান,  
কত শত আকুল আস্থান,  
হৃদয়ের বাসনা প্রবল।  
আহা! বিন্দু অশ্রু জল!  
তার মাঝে কত প্রেমাভাস,  
প্রীতি স্নিগ্ধ প্রণয়-উচ্ছ্বাস,  
কি 'র সুন্দর সরল।

শ্রীদেবেন্দ্রনাথ মহিষ্ঠা।

## গ্রন্থের প্রাপ্তি স্বীকার ও সংক্ষিপ্ত সমালোচনা ।

পুরী যাইবার পথে ।—ডাক্তার চুনিলাল বসু রায় বাহাদুর, এম, বি, এফ, সি এস, সঙ্কলিত, সাহিত্য সভার পঠিত-প্রবন্ধ—পুস্তকাকারে মুদ্রিত । মূল্য ৮০ আনা, রায় বাহাদুর পুরী ভ্রমণে যাইয়া পুরী যাইবার পথে যাহা কিছু দর্শনযোগ্য আছে, তাহা সরস এবং সরল ভাষায় সুন্দররূপে সাজাইয়া লিপিবদ্ধ করিয়াছেন । আলোচ্য বিষয়গুলি নূতন না হইলেও লিখনভঙ্গী এবং বিষয়-সমূহের যথাযোগ্য সমাবেশে ইহা বড়ই হৃদয়গ্রাহী হইয়াছে । আমরা ইহা পাঠ করিয়া বিশেষ আনন্দানুভব করিয়াছি, এই প্রবন্ধের শেষাংশও অচিরে পুস্তকাকারে মুদ্রিত দেখিতে ইচ্ছা করি ।

সঙ্গীত কুসুম ।—শ্রীরামজয় বাগচি প্রণীত, সরস ভাবযুক্ত সঙ্গীত-পুস্তক । বাগচি মহাশয় একজন ভাবুক ভগবদ্ভক্ত, তাঁহার ভাবময়ী রচনার প্রতি কথায় ইহার পরিচয় পাওয়া যায় । সঙ্গীত-কুসুমের অনেকগুলি গান সাধন ভজনের উপযোগী এবং সমধিক চিত্তাকর্ষক । বাগচি মহাশয় রাজসাহীর একজন সুবিখ্যাত মোক্তার, তিনি বিনামূল্যে এই পুস্তক বিতরণ করিয়া থাকেন । স্থানাভাব বশতঃ আমরা সঙ্গীত-কুসুমের দুই একটি গান উদ্ধৃত করিতে না পারিয়া ছুঃখিত হইলাম । সুর-তাল-লয়যোগে স্বরচিত সঙ্গীতের ২১১টা তাঁহার নিজ কণ্ঠে গীত হইতে শুনিবার সুযোগ হইলে আমরা সুখী হইতাম ।

লহরী ।—সামাজিক উপগ্রাস, ভারতনিহিরবন্দ্রে মুদ্রিত, মূল্য ৫০ আনা, গুরুদাস বাবুর দোকানে পাওয়া যায় । গ্রন্থকার এই পুস্তকে পাপপুণ্য উভয় চিত্রই সুন্দর রূপে আঁকিয়াছেন, পতিগত প্রাণা লহরীর সুন্দর চিত্র, নরপণ্ড স্কুমারের কলুষিত চরিত্র এবং বগু খড়ার পবিত্র মূর্তি কৃতিত্বের সহিত অঙ্কিত করিয়াছেন, পুস্তকখানি মোটের উপর মন্দ হয় নাই ।

—চল্লিশ বৎসর ।—ডাউন্ট টলষ্টের এবং নিকোলাস্ ফষ্টোমারফ্ বিরচিত ক্ষুদ্র কব উপগ্রাস, শ্রীচণ্ডীচরণ সেন মহাশয় কর্তৃক অনূদিত, বেঙ্গল প্রেসে মুদ্রিত, মূল্য ৫০ আনা ।

বিভিন্ন ভাষার উৎকৃষ্ট গ্রন্থ বতই অনূদিত হইয়া মাতৃভাষার কলেবর পুষ্ট করে ততই মঙ্গল । চণ্ডীবাবু অনুবাদে সিদ্ধান্ত, তাঁহার গ্রন্থ প্রবীণ সাহিত্য-সেবীর নিকট আমরা বন্দে আশা করি । বিধাতা তাঁহাকে যে শক্তি ও সুযোগ দান করিয়াছেন তিনি তাহা এইরূপে মাতৃভাষার শ্রীবৃদ্ধি করে নিয়োজিত করুন ইহাই আমাদের প্রার্থনা ।

দেওঘর রাজকুমারী কুষ্ঠাশ্রমের বাৎসরিক বিবরণী ।—দেওঘরের এই কুষ্ঠাশ্রম স্বর্গীয় রাজনারায়ণ বসু এবং দেওঘর স্কুলের ভূতপূর্ব হেড মাস্টার শ্রীযুক্ত যোগীন্দ্রনাথ বসু মহাশয়ের অক্ষয়কীর্তি । অনেক কুষ্ঠরোগী এই আশ্রমে আশ্রয়লাভ করিয়া সুখে কাণব্যাপন করিতেছে, বর্তমান পরিচালকবর্গও সাধারণের ধন্যবাদ ভাজন । এই আশ্রমের প্রতি সাধারণের সদয় সহানুভূতি একান্ত প্রার্থনীয় ।

জয়ন্ত ।—একখানি ক্ষুদ্র নাটক, শ্রীমঙ্গল কুমার রায় প্রণীত । কবিবর রবীন্দ্রনাথ ঠাকুর মহাশয়ের নামে উৎসর্গীকৃত । ইহা নাটক না মিষ্ট ; এ শ্রেণীর পুস্তকের প্রচার বত কম হয় ততই ভাল ।

শ্রীমতী সংকীর্তন ।—শ্রীশ্রীপ্রভু জগবন্ধু প্রণীত, মূল্য ১০ আনা । প্রাচীন বৈষ্ণব পদাবলীর অনুকরণে কৃষ্ণ ও গৌরলালা সঙ্গীতের কীর্তন-পুস্তক, বৈষ্ণব-ভক্তবৃন্দের আদরণীয় হইবে, আশা করা যায় ।

পূর্বাভাস ।—শ্রীনিবারণচন্দ্র চট্টোপাধ্যায় প্রণীত । মূল্যের উল্লেখ নাই । ইহা “গৌর লীলার পূর্বাভাস” নামে রচিত । স্থানে স্থানে কবিত্ব-কুসুমের মুছ সৌরভ অনুভূত হয় ।

ভ্রাতৃবিলাপ ।—এ, এম, এম, এইচ্ প্রণীত, মূল্য ৮০ আনা । পড়ে রচিত । ভ্রাতৃবিরাগে ভ্রাতার শোকোচ্ছ্বাস ; সুতরাং মতামত প্রকাশ করা অনাবশ্যক ।

গাথা ।—কবিতা পুস্তক ; শ্রীযুক্ত রমেশচন্দ্র বিহারী প্রণীত, মূল্য ১১০ আনা । সুসঙ্গ-চূর্ণাপুরের রাজ পরিবার বাঙ্গালায় সুবিখ্যাত ; গাথার গ্রন্থকার সেই গণে সম্বৃত । কমলার পুত্রগণ অধুনা বাণীর সেবার রত হইয়াছেন ; এ দৃশ্য অতি সুন্দর । প্রথম রচনার বে যে পদ্য থাকে এ পুস্তকেও তাহা আছে ; তথাপি স্থানে স্থানে রচনা মনোরম ও হৃদয়গ্রাহী হইয়াছে । চেষ্টা ও চক্ষু থাকিলে গ্রন্থকারের কবিত্ব-সৌরভ কালে দেশব্যাপ্ত হইবে, এক্ষণে আশা করা অসম্ভব নহে ।

৬ষ্ঠ ভাগ । ]

প্রদীপ ।

[ ১০ম—১১শ সংখ্যা ।



শ্রীযুক্ত গুরুদাস বন্দ্যোপাধ্যায় ।

( সুখ্যাতি ও দক্ষতার সহিত হাইকোর্টের জজিয়তি করিয়া সম্প্রতি অবসর গ্রহণ করিয়াছেন । )



৬ষ্ঠ ভাগ ।

মাঘ ও ফাল্গুন, ১৩১০ ।

[ ১০ম ও ১১শ সংখ্যা ।

বেদান্ত দর্শন ।

( শেষ প্রস্তাব )

কল্পকাণ্ডের অমুষ্ঠানে স্বর্গাদি স্থল লাভ হয়, কিন্তু স্বর্গাদি স্থল অস্থায়ী, স্বর্গাদি পদম গুরুগাৰ্হ হইতে পারে না। অতএব কল্পকাণ্ডের অমুষ্ঠান বা মগুণ সাধার উপাসনা অনাবিকারীর পক্ষেই বিহিত। বাহ্যিক উচ্চাধিকারী আত্মসাক্ষাৎকারার্থ তৎপরে, উচ্চাধা অথমে নিজস্ব কল্পকাণ্ডের অমুষ্ঠান ও মগুণ উপাসনা দ্বারা চিত্তের বিশুদ্ধি লাভ করিবেন, পরে গুরুমুখ হইতে জ্ঞান-বোধিত অর্থের শ্রবণ, অনন্তর যুক্তি অনুসারে উহার সমুদায় দ্বারা মনন, পরিশেষে নিদিধ্যাসন অর্থাৎ ধ্যান পালনা করিবেন। তৎপরে শমদম বৈরাগ্য প্রভৃতির অনুসরণ পূর্বক নিগুণ উপাসনা পরায়ণ হইয়া একাগ্র-

মনে পর্যদা কেবল ইহাই চিন্তা করিবেন, যে "এক সত্যং জগৎ মিথ্যা, জীবো ব্রহ্মৈব কেবলম্।" এইরূপে বহু কালের, বহু জন্মের সাধন ফলে তত্ত্বজ্ঞান প্রাপ্ত হইয়া জীব ব্রহ্ম সাক্ষাৎকার প্রাপ্ত হন; এবং ব্রহ্ম সাক্ষাৎকার দ্বারা ই ব্রহ্মে মীন হইয়া কৈবল্যরূপ-মুক্তিলাভ করেন। জ্ঞান, বৈশেষিক, সাক্ষা-ও শাস্ত্রসম্মতে চতুর্বেদ আত্য-স্তিক ধর্মসম্মুক্তিরূপে পরিগণিত হয়, কিন্তু বেদান্ত মতোক্ত মুক্তি তাহা নীরস নহে। সচ্চিদানন্দ স্বরূপ ব্রহ্মে সায়ুজ্য প্রাপ্তিই মুক্তি, উহা কোন্ স্বদয়বান তৎ-দর্শী পুরুষের পক্ষে স্পৃহনীয় না হইবে। "শমনকং ব্রহ্মণো রূপং," "বিত্যং জ্ঞানমনাতং ব্রহ্ম" প্রভৃতি শাস্ত্র-বাক্যের প্রতি কাহার না আস্থা জন্মিবে। পূর্বের উক্ত হইয়াছে, বহু জন্মের সাধন ফলে তত্ত্বজ্ঞান জন্মে। পশু-পক্ষী-তমোজ্ঞপনয়, মনুষ্য-রজোজ্ঞপ-প্রদান, আর দেবতা-মহাজ্ঞপ-প্রদান। প্রভৃ পক্ষী-মদমং জ্ঞানের অভাব-বশতঃ স্কৃত বাহ্যিক জ্ঞান-অধোগতি বা উন্নতি প্রাপ্ত











বুড়ি বোলে কিবা কার্য গোবিন্দ দেখিঞা ।  
কিবা কার্য গঙ্গাস্নানে যজ্ঞস্থানে গিঞা ॥  
ধর্ম কার্যে গৃহকার্য সব নষ্ট হৈব ।  
ধান্য গোধূম শস্ত কেবা সম্বরিব ॥  
দধি দুগ্ধ ঘৃত তৈল সব নষ্ট হৈব ।  
বধূগণ দাসীগণ সব ভ্রষ্ট হৈব ॥  
সকল সম্পদ যাবে কথার মন দেহ ।  
না পাবো যাইতে পুত্র আর না বলিহ ॥

গ্রহ হইতে একস্থান উদ্ধৃত করিয়া পাঠকগণকে উপহার দিলাম :—

পূর্বে উদালক মুনি ছিল এইখানে ।  
চণ্ডী নামে তার স্ত্রী আছিল নিজ স্থানে ॥  
তার বিভাকালে বহু বিপ্রগণ আইল ।  
যজ্ঞের সময় তাক নীত শিখাইল ॥  
স্বামী জপ স্বামী তপ স্বামী বড় ধর্ম ।  
পতি সেবা ছাড়ি নারীর নাহি অন্য কর্ম ॥  
না করিহ নিজ পতির বচন লঙ্ঘন ।  
চণ্ডীকেই সব ধর্ম কহে বিপ্রগণ ॥  
ইসব শুনিয়া চণ্ডী বোলে সত্যবানী ।  
কদাচিত্ স্বামীর বাক্য নাহি আমি শুনি ॥  
এসব কহিল চণ্ডী সভার বিদিত ।  
স্বামীর বচন সেবা ধরে কদাচিত্ ॥  
স্বামী এক কাজ বোলে চণ্ডী করে আর ।  
স্বামী করি তিল মাত্র ভক্তি নাহি তার ॥  
কতো দিন বহি বিপ্র চণ্ডীকেত কর ।  
যজ্ঞ কৈলে সর্বসুখ সম্পদ বাঢ়য় ॥  
চণ্ডী বোলে ব্রাহ্মণ মুখে নাহি লাজ ।  
কি কাজ যজ্ঞে মোর সম্পদে কিবা কাজ ॥  
মুনি বোলে কমণ্ডল ভরি দেহ পাণি ।  
আছাড়িঞা কমণ্ডল ভাঙ্গিল ব্রাহ্মণী ॥  
সকালে রাক্ষিতে যদি উদালক কহে ।  
ছুই প্রহর রাত্রিতে রন্ধন করহে ॥  
যে দিবস উদালকে ক্ষুধা নাহি লাগে ।  
বিহানে রন্ধন করি স্বামীর তরে ডাকে ॥  
উদালক মুনি যত কহে চণ্ডীর তরে ।  
একাল নাহি ধরে অন্য বসে ॥

হেট মাথে চিন্তে মুনি মন ছুঃখ করি ।  
ধর্মবিদেষী হৈল নারী ছুঃচালি ॥  
শাণ্ডীল্য মুনি আইল শিষ্যগণ লৈঞা ।  
উদালকের ঘর আইল আনন্দিত হৈঞা ॥  
শাণ্ডীল্য বোলে কহ উদালক মুনি ।  
তোমার কুশল লইতে আইলাও আপুনি ॥  
নিজ ছুঃখ উদালক সব গোচরিল ।  
পুনরপি শাণ্ডীল্য মুনি প্রশ্ন করিল ॥  
কহহ মুনি তোমার কন্যা পুত্র কত ।  
কেমত ব্যবহার কহি দেহতত্ত্ব ॥  
বিরস দেখিএ মন সতত ছুঃখিত ।  
বড়ই ছুঃখিত দেখি প্রবল চিন্তিত ॥  
এত শুনি উদালক কৈল হেটমাথা ।  
ধীরে ধীরে কহি দিল চণ্ডীর ব্যবস্থা ॥  
যে কাজ করিতে কহি তাহা নাহি করে ।  
বিশেষে আইল মোর পিতৃ বাসরে ॥  
কেমতে হৈব শ্রাদ্ধ হৈল বড় ভার ।  
শুনিঞা শাণ্ডীল্য মুনি হাসিল অপার ॥  
শাণ্ডীল্য কহিল তবে উদালক স্থানে ।  
না করিনো শ্রাদ্ধ কহ চণ্ডী বিত্তমানে ॥  
বিধি কর্ম করিতে অবধি দিও কহি ।  
সকল সম্পদ হৈব মনে চিন্তা নাহি ॥  
আমিতো গৌতমী তীর্থে করিবো গমন ।  
প্রভাতে আসিঞা করিব কর্ম অবক্ষণ ॥  
এসব কহিঞা গোসাঞী শাণ্ডীল্য চলিল ।  
অমৃত কথাএ উদালক স্মৃখী হৈল ॥  
উদালক কহেন চণ্ডীর বরাবর ।  
আসিব শাণ্ডীল্য মুনি কালি নোর বর ॥  
আসন ভক্ষণ তাক কিছুত না দিহ ।  
আদর গৌরব তাক কিছু না করিহ ॥  
শ্রাদ্ধ করিব কালি আমার পিতার ।  
সমাবেশ নাহি শ্রাদ্ধ নারি করবার ॥  
শ্রাদ্ধ করিঞা মোর কোন প্রয়োজন ।  
কি কার্যে করিব ব্যয় সঞ্চিত ধন ॥  
চণ্ডী বোলে ব্রাহ্মণ তুমি থাক চুপ হৈঞা ।  
করাব শ্বশুরের শ্রাদ্ধ স্মরণ করিঞা ॥

শাণ্ডীল্য মুনির তরে যতনে রাখিব ।  
পাদ্য অর্ঘ্য আভরণে মুনিকে পূজিব ॥  
শ্বশুরের শ্রাদ্ধ মোর অবশ্য করণ ।  
ভাল ভাল বিপ্র আনি করাব ভোজন ॥  
নানা ধন বস্ত্র দিব রজত কাঞ্চন ।  
সানন্দিত হয় যেন শ্বশুরের মন ॥  
উদালক মুনি বোলে রাত্রিত যাইব ।  
কাণা খোড়া কাণা কুজা বিপ্রকে আনিব ॥  
ভ্রষ্ট মুখ নষ্ট মুখ বৈদ্যবৃতি জনে ।  
অপুত্রক অপবিত্র এ সব ব্রাহ্মণে ॥  
দ্যুত ক্রীড়া করে বিপ্র পরদার করে ।  
আনিবো এ সব বিপ্র শ্রাদ্ধ বাসহরে ॥  
ছি ছি বোলেন চণ্ডী এ কথা শুনিঞা ।  
আনিবো উত্তম বিপ্র আপনে যাইঞা ॥  
মুনি বোলে করাবে শ্বশুরের শ্রাদ্ধ কাজ ।  
যে সকল দ্রব্য চাহি কর তার সাজ ॥  
লীলা মাংসলাই আর মসুরি ।  
আউসের মলিন চেষ্টা করহ স্মরণি ॥  
আর এক দ্রব্য যত্নে করহ তুমি চণ্ডী ।  
কুটিঞা মলিন চাউল কর তুমি গুণ্ডি ॥  
লক্ষুন পিয়াজ শাক কলম্বী স্মরণি ।  
কুখাণ্ড কাকরি লকুচ অহরিঞা আনি ॥  
কাল বস্ত্র দিব শ্রাদ্ধে অন্ধকূপের জল ।  
পাতের পুড়াতে দ্রব্যাদি কুচ্ছিত স্থল ॥  
এ সকল কথা যদি কহে মুনিবর ।  
সক্রোধ হইঞা চণ্ডী দিচ্ছেন উত্তর ॥  
তোমার বচন মুঞি না শুনিব কাণে ।  
করাব শ্বশুরের শ্রাদ্ধ দেখিহ নয়ানে ॥  
সুগন্ধি হেমন্ত চাউল গোধূম চূর্ণ করি ।  
দধি দুগ্ধ ক্ষীর ভাণ্ড যত ভরি ॥  
নারেঙ্গ চিনি আত্র কাঠাল ।  
নারিকেল ক্ষিри গুবাক অপার ॥  
সন্দেশ লড্ডুক আর রস্তা সুরঙ্গ ।  
বসিঞা দেখহ ব্রাহ্মণ শ্রাদ্ধের যত রঙ্গ ॥  
বাস্কর হেলঞ্চা আর ললিতার শাক ।  
দিব্য বস্ত্র অলঙ্কার দিব শ্বশুরাক ॥

ধবল পুষ্প গঙ্গাজল তাত্রপাত্রে ভরি ।  
প্রাঙ্গনে করিঞা স্থল চান্দোয়া উপরি ॥  
বিপ্রগণে ভোজন করাইতে কহে মুনি ।  
শ্রাদ্ধ করিঞা রন্ধন করিবো আপুনি ॥  
চণ্ডী বলে মুনি সব দেখহ বসিঞা ।  
বিপ্র ভূজাইব আমি রন্ধন করিয়া ॥  
স্বামীর বচন চণ্ডী একো না রাখিল ।  
বিধি মত শ্বশুরের শ্রাদ্ধ করাইল ॥  
ভূজাঞা সভাকে দিল বস্ত্র অলঙ্কার ।  
সভার পীরতি চণ্ডী করিল অপার ॥  
ভ্রমে উদালক কহে চণ্ডীর তরে ।  
উত্তম স্থানে পিতার পিণ্ড থুইবারে ॥  
গোবরের কুণ্ডে চণ্ডী পিণ্ড ফেগাইল ।  
বড় মনে ছুঃখ পাঞা চণ্ডীকে সাঁপিল ॥  
বচনার মধ্যে বৈচিত্র্য নাহি, তবে প্রাচীন বলিয়া  
গৌরব হওয়া উচিত ।

শ্রীবঙ্গনীকান্ত চক্রবর্তী ।



## মধ্য-এসিয়ার প্রাচীন বিবরণ ।

‘পিতার দি গ্রেটের সময় হইতে কৃষ ধীরে ধীরে ভারতভিষুখে অগ্রসর হইতেছেন। ইহা ভারতবাসীদিগের পক্ষে বিশেষ ভয়ের কারণ না হইলেও, ভারতের বর্তমান অধীশ্বর ইংরাজগণের বিশেষ উদ্বেগের কারণ হইয়া উঠিয়াছে। কৃষ যখনই আপনার ক্ষমতা বিস্তারের জন্ত সামান্য চেষ্টা করেন তখনই ইংরাজদিগের হৃদকম্প উপস্থিত হয়। এসিয়াখণ্ডে বর্তমান সময়ে যে সকল শান্তিভঙ্গ ঘটয়াছে, তাহা কেবল মাত্র কৃষাতঙ্কের পরিণাম।

ভারতভিষুখে কৃষের প্রতিপদক্ষেপ ইংরাজগণ অতি-তীব্রদৃষ্টিতে দেখেন। ইহারই কারণ প্রতি বৎসর সীমান্তে

সৈন্য শিবির সংস্থাপিত এবং শান্তিরক্ষার জন্ত বহুল অর্থ ব্যয় করা হয়। ইহারই জন্ত আফগানিস্থানের আমীর বার্ষিক ১৭ লক্ষ টাকা উপঢৌকন পান এবং ইহারই কারণ হিরাটের কেল্লা সদা সর্কদা রণসজ্জায় সজ্জিত থাকে। পাছে রুশিয়া সমস্ত এশিয়া করতলগত করিয়া ফেলেন, এই আতঙ্কে ইংলণ্ড জাপানবাসিদিগের সহিত এশিয়াখণ্ডের শান্তিরক্ষার জন্ত এক অপূর্ব সন্ধিস্থাপন করিয়াছেন।

রুশিয়া ধীরে ধীরে সমস্ত মধ্য-এশিয়া গ্রাস করিয়াছেন। কিরূপে এই ভূভাগ রুশিয়া আত্মসাৎ করিলেন, তাহা আমরা এই প্রবন্ধে বলিব। প্রথমে, মধ্য-এশিয়ার পুরাকাল হইতে বর্তমান সময় পর্যন্ত একটি ধারাবাহিক ঐতিহাসিক বিবরণ পাঠককে প্রদান করিব, পরে সেখানে এখন কিরূপে রুশিয়া রাজ্য করিতেছেন, তাহা জানাইব।

মধ্য-এশিয়ার প্রাচীন বিবরণ মানবজাতির শৈশবাবস্থার ইতিহাস। যিনি এই বিবরণ অসম্বন্ধ প্রবাদ-বাক্য হইতে নিষ্কাশন করিতে প্রয়াস পান, তাঁহাকে বিবিধ জাতির প্রাচীন জনশ্রুতি একত্র করিয়া পরিশেষে কল্পনার সাহায্যে এক চিত্র গঠন করিতে হয়। আজকাল ইউরোপীয় পণ্ডিতমণ্ডলী যে সকল প্রাচীন ঐতিহাসিক তত্ত্ব প্রকাশ করিতেছেন, তাহার যে অনেক অংশ কল্পনা-প্রসূত, তাহা না বলিলে সত্যের অপলাপ করা হইবে। কিছুই জানা নাই বলিয়া যে কল্পনাপ্রভাবে এবং তাহার সাধুর্যে একটা জানিবার মতন ইতিহাস গঠন করিয়া জনসমাজে প্রকাশ করা কতদূর যুক্তিসঙ্গত তাহা লিখিয়া জানাইবার আবশ্যিকতা নাই।

বর্তমান মধ্য-এশিয়া উত্তরে এবং পূর্বে সাইরদিরিয়া নদী এবং হিন্দুকুশ পর্বত দ্বারা, পশ্চিমে কাম্পিয়ান সমুদ্র দ্বারা এবং দক্ষিণে পারশু এবং আফগান রাজ্য দ্বারা বেষ্টিত রহিয়াছে। চলিত ভাষায় মধ্য-এশিয়াকে তুর্কিস্থান কহে। তুর্কিস্থানের উল্লেখ আমরা ইরেনিয়ার প্রাচীন কাব্যে দেখিতে পাই। বোধ হয়, এই কারণ ইতিহাসবেত্তাগণ এই স্থানকে মানবজাতির জন্মভূমি বলিয়া নির্দেশ করিয়াছেন। সাইরদিরিয়া বা অক্সুস নদী এবং পেরোপেমিস্ (পামির) পর্বতের মধ্যস্থিত ভূভাগ পুরাকালে বক্টিয়া নামে জ্ঞান ছিল। বেহস্থানে

যে সকল প্রস্তুত-ফলক পাওয়া গিয়াছে, তাহা হইতে জানা যায়, যে বক্টিয়া খৃঃ অব্দের ছয় শত বৎসর পূর্বে পারশু রাজ্যের অন্তর্গত ছিল। তখন দ্বিতীয় দেয়াস পারশু রাজ্যের অধীশ্বর। আরও জানিতে পারা যায় যে, প্রথম সাইরস এই স্থান অধিকার করেন। প্রসিদ্ধ গ্রীক ইতিহাসবেত্তা সিটসেসের মতে, বক্টিয়া প্রথম সাইরসের দ্বারা অধিকৃত হয়। এই স্থান অধিকার করিয়া পারশু রাজ্যের প্রতিষ্ঠাতা সাইরাস তাঁহার বিজয়িনী সেনা আনুদেরিয়া বা জাক্জারটিস্ নদী পর্যন্ত লইয়া গিয়াছিলেন। এই নদীই তাঁহার রাজ্যের পূর্ব সীমান্ত। তৎকালে আনুদেরিয়া নদীর পরপারে মেসোজেটি রাজ্য বিরাজ করিত। ইহারই নিকটে সাইরস প্রসিদ্ধ ক্রাইসপলিস্ নগর স্থাপিত করেন। বক্টিয়া পারশু রাজ্যের অন্তর্ভুক্ত হওয়ার সময় তৎপার্শ্ববর্তী তিনটি ক্ষুদ্র রাজ্য সাইরস অধিকৃত করেন। পারশু রাজ্যান্তর্গত হইলেও, বক্টিয়া মারজিয়ানা, খোরাজমিয়া এবং সোঘদিয়ানা আত্মশাসনে বঞ্চিত হয় নাই। ইহার কেবল মাত্র পারশু রাজ্যের বহুতা স্বীকার ভিন্ন অস্ত্র কোন প্রকারে পারশু রাজ্যের পরাধীন ছিল না।

মেসিডানের মহাবীর আলেক্জান্ডার যখন পারশু রাজ্য ধ্বংস করেন, সেই সময় ইতিহাসে পুনরায় বক্টিয়ার উল্লেখ দেখিতে পাই। ভূমধ্য সাগরের পূর্বতীর হইতে পারশু রাজ্যের সীমান্ত পর্যন্ত জয় করিতে আলেক্জান্ডারের প্রায় চারি বৎসর লাগিয়াছিল। আলেক্জান্ডার যখন এশিয়াখণ্ড জয় করিবার জন্ত মেসিডান হইতে যাত্রা করেন তখন পারশু-সিংহাসনে দ্বিতীয় দেয়াস সমাসীন। প্রথমে ইসাসের যুদ্ধে আলেক্জান্ডার দেয়াসকে পরাভূত করেন। পরে আরবেলার মহাযুদ্ধে পরাভূত হইয়া দেয়াস স্বকীয় রাজধানী পারসিপলিস্ ত্যাগ করিয়া পলায়ন করেন। আরবেলার মহাসমরে পারশু রাজ্যের ধ্বংস সাধিত হয়। বহু সৈন্যসামন্ত সহিত দেয়াস মিডিয়া রাজ্যের রাজধানী একবেটানা নগরে আশ্রয় গ্রহণ করেন। কিন্তু এই স্থানে শান্তিলাভ করিবার অনতিবিলম্বে, বক্টিয়ার শাসনকর্ত্তা বেসাস দেয়াসকে ধৃত এবং বন্দী করিয়াছিলেন। অশ্রান্ত রাজ্যবর্গের সহিত ষড়যন্ত্র করিয়া বেসাস এই কার্য সমাধা করেন। এই কার্যের

প্রধান কারণ বিজয়ী আলেক্জান্ডারের হস্তে দেয়াসকে সমর্পণ করা। বেসাস এবং অশ্রান্ত রাজ্যবর্গ জানিতেন যে আলেক্জান্ডারের নিকট তাঁহাদিগের পরাজয় অশ্রান্তবর্তী। সেই কারণ মেসিডান মহাবীরের উচ্ছেদ হইতে তাঁহাদের উপায়ান্তর না দেখিয়া, দেয়াসকে বন্দী করিয়া তাঁহার নিকট প্রেরণ করিতে পারিলে তাঁহার রোষ কৃপিত উপশম হইবে, এই মানসে তাঁহারা এই নৃশংস ব্যাপারে প্রবৃত্ত হইয়াছিলেন।

আরবেলার যুদ্ধের পর আলেক্জান্ডার পারশুর রাজধানী পারসিপলিস লুণ্ঠন করিয়া পলাতক দেয়াসের পশ্চাত্ত্বান করেন। কাম্পিয়ান হ্রদের তীরে উপনীত হইয়া তিনি সৈন্যগণের বিশ্রাম হেতু কয়েক দিবস তথায় অবস্থান করেন। ইতিমধ্যে বেসাসের বিশ্বাসঘাতকতা এবং দেয়াসের বিপন্ন অবস্থার কথা তাঁহার নিকট পৌঁছিলে, তিনি কাপিলম্ব না করিয়া বক্টিয়া ভিষুখে যাত্রা করিয়াছিলেন। বেসাসের বিশ্বাসঘাতকতার প্রতিফল লইবার জন্ত এবং দেয়াসকে বিপন্ন অবস্থা হইতে সত্ত্বর উদ্ধার করিবার জন্ত তিনি স্বরার বক্টিয়ার উপস্থিত হইলেন। কিন্তু ইতিমধ্যে আলেক্জান্ডারের আগমনবর্তী শ্রবণ করিয়া বেসাস দেয়াসকে তাঁহার সহিত পলায়ন করিবার জন্ত অস্থির হইলেন। বিশ্বাসঘাতকের কথায় আস্থা রাখান না করায় বেসাস দেয়াসকে নিহত করিয়া বক্টিয়া রাজ্য পরিত্যাগ করেন। আলেক্জান্ডার বক্টিয়ার উপনীত হইয়া দেয়াসকে জীবিত দেখিতে পান নাই। যেখানে দেয়াসের রক্তাক্তকলেবর ভূমিশায়ী ছিল, সেখানে আসিয়া পারশুরাজ্যের সম্রাটের ছর্ভাগ্যের বিপর ভাবিয়া অশ্রুবর্ষণ করেন। পরিশেষে মহা সম্মানের সহিত তাঁহার স্মৃতিস্তম্ভ স্থাপন করিয়াছিলেন। দেয়াস অতি মহৎপ্রকৃতির লোক ছিলেন। আলেক্জান্ডার বন্দী হইলে সে সময়ে তাঁহার ঞায় উচ্চশ্রেণীর বোদ্ধা এবং বীর ছিল না। স্বয়ং বীর বলিয়া আলেক্জান্ডার দেয়াসের ঞায় বীরকে বীরোচিত সম্মানের সহিত কবরে শাস্ত করিলেন। দেয়াসের সমাধির পর আলেক্জান্ডার বর্তমান খোরাসান, সিম্টান, বেলুচিস্থান, কান্দাহার এবং আফগানিস্থান যেখানে বিরাজ করিতেছে সেই সকল স্থান অধিকার করিয়াছিলেন। আলেক্জান্ডার বক্টিয়া পরিত্যাগ

করিলে বিশ্বাসঘাতক বেসাস পুনরায় রাজধানীতে আগমন করিয়া চতুর্থ আরটাজারাকসিস নামে নিজেকে অভিহিত করিয়া রাজ্যভার গ্রহণ করিয়াছিলেন। বে অল্পকাল আলেক্জান্ডার পূর্বদেশে সকল অধিকার করিবার জন্ত ব্যস্ত ছিলেন, বেসাস নিরীক্রে রাজ্য করিয়াছিলেন। খৃঃ পূঃ ৩২৯ অব্দে আলেক্জান্ডার পুনরায় হিন্দুকুশ পর্বত অতিক্রম করিয়া ড্রুপিসাকা ( বর্তমান এণ্ডারব ) নগরে উপস্থিত হন। সেখান হইতে এরোনস ( বর্তমান ঘোরী বা খুলুম ) এবং বক্টিয়া পুনরায় অধিকার করেন। আলেক্জান্ডারের আগমনবর্তী গুনিয়া বেসাস অক্ষুন্নদ পার হইয়া নৌটাকা ( বর্তমান সারিসারাজ ) নগরে পলায়ন করেন। জলযানের অভাবে কিছুমাত্র বিলম্ব না করিয়া আলেক্জান্ডার পশ্চিমনিক্ষিত একপ্রকার ভাসমান দ্রব্যের সাহায্যে অক্ষুন্নদ পার হন। বেসাস অত্যন্ত ভীত হইয়া স্পিটমেনিস নামক জনৈক বীরের সাহায্য গ্রহণ করেন। কিন্তু স্পিটমেনিস তাঁহাকে বন্দী করিয়া আলেক্জান্ডারের নিকট প্রেরণ করেন। আলেক্জান্ডার বিশ্বাসঘাতককে যথোচিত শাস্তি বিধান করিবার জন্ত বেসাসকে একবেটানায় প্রেরণ করেন। তথায় বেসাসের শেখলীলা সমাপ্ত হয়।

বেসাসের পরাজয় সমাধা করিয়া আলেক্জান্ডার সোপডিয়ানার রাজধানী মারকান্ডা ( বর্তমান মনরপন্দ ) অধিকার করেন। এই নগর আশ্রয় রাখিবার জন্ত তথায় প্রভূত সৈন্যবল রাখিয়া আলেক্জান্ডার অশ্রান্ত দেশে ধ্বংস করেন। পরে জাক্জারটিস্ নদীর তীরে উপনীত হন। জাক্জারটিস্ পুরাকালে সিহন নদী নামে বিখ্যাত ছিল। এখন অনেকে অনুমান করেন যে, আলেক্জান্ডার জাক্জারটিস্ নদীর তীরস্থিত যে নগরে উপনীত হন, তাহা বর্তমান খোজেণ্ড। খোজেণ্ডে তিনি একটি নগর স্থাপন করিতে ইচ্ছা করেন, কিন্তু সোপডিয়া এবং বক্টিয়া নগরে বিদ্রোহ ঘটিলে তিনি এই সংকল্প পরিত্যাগ করিয়া বিদ্রোহ দমনার্থ সুরিত পদে জাক্জারটিস্ নদীর তীর পরিত্যাগ করেন। বিদ্রোহীদলকে অনতিবিলম্বে দমন করিয়া তিনি জাক্জারটিস্ নদী পর্যন্ত আপনাদিগের ক্ষমতা অক্ষুণ্ণ রাখিয়াছিলেন। জাক্জারটিস্ নদীর পরপারে সিখিয়ানের বিদ্রোহী যুদ্ধ, তিনি নদী পার হইয়া তাহাদিগকে



করেন, কিন্তু তাঁহার পুত্রের বিদ্রোহে সমস্ত উপায় ব্যর্থ হয়। পুত্রের অমানুষিক ব্যবহারে ব্যথিত হইয়া তিনি আত্মহত্যা করেন। তাঁহার যশোগান এখনও ক্রিমিয়া এবং ককেশস প্রদেশে প্রতিধ্বনিত হইতেছে। এই সময় হইতে খৃঃ অন্ধ ২২৬ পর্যন্ত পার্থিয়ার ইতিহাস কেবল মাত্র গৃহ বিচ্ছেদের ঘটনা মাত্র। এই গৃহ-বিচ্ছেদই ক্রমে ক্রমে পার্থিয়ার রাজ্যের ক্ষমতা ধ্বংস করিয়া উহাকে রোমের অধীন করিয়াছিল।

যে সকল জাতি বক্‌ট্রিয়া রাজ্য ধ্বংস করে, তাহা-দিগের বিবরণ আমরা চীনদেশের ইতিহাসে উল্লেখ দেখিতে পাই। খৃঃ পূঃ ১১২২ হইতে ২৫০ পর্যন্ত চীনদেশে চৌ নামক রাজবংশ রাজত্ব করেন। তাহার পতনের পর চীনদেশে ভিন্ন ভিন্ন স্বাধীন রাজ্যে বিভক্ত হয় এবং মনগ্র দেশের রাজার ক্ষমতা অত্যন্ত হ্রাস হইয়া যায়। পরে যখন টিসিন রাজা হন, তখন তিনি দেশস্থ সমস্ত স্বাধীন রাজাদিগকে আয়ত্তে আনয়ন করিয়া চীন সাম্রাজ্যের ক্ষমতা অনেক পরিমাণে বৃদ্ধি করেন। কিন্তু এই কাব্যমযা হইতে এক মহান গৃহ-যুদ্ধ আরম্ভ হয়। এই গৃহ-যুদ্ধের সময়ে টিসিন চি হোয়ান চি রাজত্ব করিতে আরম্ভ করেন। একাদশ লুই ফরাসিদেশে যে মহান কাব্য সাধিত করিয়া ফরাসি জাতির ইতিহাসে চির-স্মরণীয় হইয়া গিয়াছেন, টিসিন সেইরূপ চীনদেশের রাজত্ব প্রতিষ্ঠা করিতে উজ্জলিত করিয়া চীনদিগের রক্তজ্ঞতা লাভ করিয়াছিলেন। দেশ মধ্যে শান্তি স্থাপন করিয়া তিনি সীমালতার উপদ্রব নিবারণার্থে মনগ্রানল প্রজ্জলিত করিয়া-ছিলেন। হিয়ংলু নামক এক প্রবল সীমালত শত্রুর দমনার্থ তিনি বহু সৈন্যগোষ্ঠী মনগ্রুনি পর্যন্ত প্রেরণ করেন। হানি বা খামিলনগর বাহা বর্তমান কুলজানগর হইতে প্রায় ৭০০ মাইল পূর্বে অবস্থিত রহিয়াছে, তিনি স্থাপন করেন। পশ্চিম হইতে বাহাতে আর কোন প্রবল শত্রু আসিয়া চীনদেশের শান্তিভঙ্গ করিতে না পারে, এই মানসে তিনি চীনদেশে বানহি গিরিসঙ্কট হইতে আরম্ভ করিয়া চীন উপসাগর পর্যন্ত প্রায় ১৫০০ মাইল-

ব্যাপী বৃহৎ প্রাচীর নিৰ্মাণ করেন। হিয়ংলু জাতি চিন্‌জিৎ এবং টাইমুরের মোগল সেনার আশ্রয় প্ৰাপ্ত বুদ্ধ করিত। চীনের বৃহৎ প্রাচীর নিৰ্মাণ হইলে হিয়ংলু জাতি চীন-আক্রমণে বিশেষ বাধা প্রাপ্ত হইয়া তাহা-দিগের আক্রমণের গতি পশ্চিমাভিমুখে চালাইতে বাধ্য হয়। চীনের শৈলসম প্রাচীর যৎকালে প্রস্তুত হইয়া হিয়ংলু জাতির পরাক্রম একেবারে নষ্ট করে, তখন পামীরে পূর্বদিকে হেক্সাপলিসে শক জাতির অবস্থিতি ছিল। এবং উম্মন জাতি নবহৃদদের দক্ষিণদিকে ইউপ্রু জাতির দ্বারা বিভক্ত হইয়া বাস করিত। খৃঃ পূঃ ৩০০ অব্দে ইউএচি (টুংলু) রাজ্য উত্তরে মুজটাগ পর্বতশ্রেণী হইতে দক্ষিণে কিউনলু পর্বতমালা পর্যন্ত এবং পূর্বে বাংহাইস্থিত হোয়াংহো হইতে পশ্চিমে কোচী এবং খোটান পর্যন্ত ব্যাপ্ত ছিল। খৃঃ পূঃ ২০০ অব্দে ইউএচি (টুংলু) এবং হিয়ংলু জাতির মধ্যে যুদ্ধ আরম্ভ হয়। মোগি, হিয়ংলু জাতির রাজা, টুংলু জাতিকে হঠাৎ আক্রমণ করেন এবং তাহাদিগকে পরাস্ত করিয়া ইউএচি জাতিকে তাহাদিগের রাজধানী হইতে তাড়াইয়া দেন। ইউএচি জাতি ইলিন্দীর পার্কে পলায়ন করে। এবং মোগি পশ্চিমে ভল্‌গা নদী ও পূর্বে চীনের সীমালত দেশ পর্যন্ত জয় করেন। সম্রাট কাওটলু বিনি মনগ্র চীনরাজ্যে অধিকার করেন, মোগির বিজয়ে ভীত হইয়া তাহার বিরুদ্ধে যুদ্ধ যাত্রা করেন। চীন সম্রাটের সৈন্যদল মোগি সানসিদেশের উত্তরে ঘোরিয়া পরাস্ত করিলে চীন সম্রাট সন্ধি করিয়া আপনার সৈন্যদল পুনরায় চীনদেশে ফিরাইয়া লইয়া যান। চীন রাজাকে এইরূপে পরাজয় করিয়া মোগি টারটারী প্রদেশ আক্রমণ করেন। পঞ্চাশ বৎসর অধিক হিয়ংলু জাতি কোন প্রকার বাধা প্রাপ্ত না হইয়া অবিরত যুদ্ধে নিযুক্ত থাকে। তাহার ক্রমান্বয়ে ইউএচি জাতিকে পরাজিত করিলে পর তাহার ভিন্ন ভিন্ন দলে বিভক্ত হইয়া ছিন্ন বিচ্ছিন্ন হইয়া যায়। এই দলের একটি তিব্বত দেশে আছে। অশ্রাশ্র দল সমুদয় ইলিন্দীর পশ্চিম পারে আসিয়া কতককাল বাস করে, কিন্তু উম্মন জাতি তাহাদিগকে পুনরায় উত্থল করিলে তাহারা দক্ষিণদিকে পলায়ন করিয়া ক্যাশ্গার, ইয়ারখণ্ড খোটান প্রদেশে আসিয়া অবস্থান করে। খৃঃ পূঃ ১৬৩ অব্দে ইউএচি

জাতি শকজাতিকে আক্রমণ করিয়া পরাস্ত করে। শক-জাতি সোক্‌ডিয়ানা হইতে বিতাড়িত হইয়া বক্‌ট্রিয়া রাজ্য আক্রমণ করিলে, গ্রীকদিগকে শক এবং পার্থিয়ার জাতির সহিত যুদ্ধে প্রবৃত্ত থাকিতে হয়। গ্রীক জাতির দ্বারা পরাজিত হইয়া শকেরা পামীর এবং টিন্দান প্রদেশে আসিয়া উপস্থিত হয়। তখন ইহারা তিনদলে বিভক্ত হইয়া একদল মুঙ্গেরিয়ার দিকে পলায়ন করে এবং অপরদল হেক্সাপলিস প্রদেশে বাস করিয়া উত্তর জাতির সহিত বন্ধতা স্থাপন করে। তৃতীয় দল ইয়ারখন্দ দরিরার উত্তর উগতাকায় স্থান লাভ করে। তাহাদের মধ্যে একদল সেরিকুল এবং মুগ্নান্দ দেশ জয় করে এবং আর এক দল কারোকোরম পর্বত পার হইয়া ভারতে আসে।

এই সময়ে চীনবাসীরা হিয়ংলু জাতির বন্দিগণের নিকট হইতে পশ্চিম এশিয়ার সমস্ত সংবাদ প্রাপ্ত হয়। এই হিয়ংলু জাতির বন্দিগণের প্রমুখ্যৎ ছনজাতি কর্তৃক ইউএচি জাতির পরাজয় বাতী প্রাপ্ত হইয়া ছনজাতি একি একারে বক্‌ট্রিয়া এবং টান-স্কুসিয়ানা হস্তগত করে এবং পার্থিয়ার বাধা সত্ত্বেও কিরূপে সোরানান অধিকার করিতে সমর্থ হয়, তাহাও জানিতে পারে। চীন সম্রাট উটি তাঁহার প্রবল শত্রু হিয়ংলু জাতির বিরুদ্ধে ইউএচি জাতির সহিত বন্ধুত্বস্থাপনে ইচ্ছা করিয়া মানসে সেনা-পাতি চাংকিন্কে একশত সৈন্য সমভিব্যাহারে ইউএচি জাতির রাজার নিকট প্রেরণ করেন। কিন্তু দুর্ভাগ্যক্রমে যখন চীন সেনাপতি ছনদিগের দেশ অতিক্রম করিতে-ছিলেন, তখন তাঁহারা ছনদিগের হস্তে পতিত হইয়া কারাগার হইতে অব্যাহতি পাইয়া তাঁহারা ইউএচি জাতির সহিত মিলিত হন। যখন চীন সেনাপতি ইউএচি জাতির সহিত সাক্ষাৎ লাভ করেন, তখন ইউএচি জাতি শকদিগকে সোক্রিডিয়ানা প্রদেশ হইতে বিতাড়িত করিতেছিল। চীন সেনাপতি ইউএচিদিগের যুদ্ধে গমন করিয়াছিলেন এবং ছইজান মাত্র সৈন্য সঙ্গে করিয়া চীনে প্রত্যাবর্তন করেন। মধ্য-এশিয়ার সমস্ত বৃত্তান্ত চীন সেনাপতির নিকট প্রবণ করিয়া চীন সম্রাট বিশেষ প্রীতলাভ করেন এবং চাংকিন্কে উচ্চপদ প্রদান করিয়া তাঁহার সাহস ও পরিশ্রমের পুরস্কার প্রদান করেন। চীনদেশের সহিত মধ্য-এশিয়ার

বাণিজ্য সম্বন্ধ এই ঘটনার পরিণাম এবং চাংকিনের প্রত্যাবর্তনের পর হইতেই চীন মধ্য-এশিয়ার সহিত বাণিজ্য করিতে আরম্ভ করেন। ছনজাতি কর্তৃক সময়ে সময়ে এই বাণিজ্যের গতিরোধ হইলেও চীনের মধ্য-এশিয়ার সহিত বাণিজ্য সম্বন্ধ অপ্রতিহত ভাবে চলিয়াছিল।

চীনদেশের ইতিহাস পাঠে আমরা নিঃসন্দেহে অবগত হই যে খৃঃ পূঃ ১৬৩ অব্দে গ্রীকেরা সোক্রিডিয়ানার শাসনে বঞ্চিত হন। এবং কিছুকাল পরে শকেরা ও পার্থিয়ারানেরা গ্রীকদিগকে বক্‌ট্রিয়া এবং মারজিয়ানা হইতে বিতাড়িত করে। এই সময় হইতে এশিয়াথণ্ডে গ্রীকরাজ্য কেবল মাত্র ককেশস পর্বতের দক্ষিণ উপত্যকায় বিরাজ করিত। গ্রীকদিগের শাসন এশিয়াথণ্ডে হইতে লুপ্ত হইলেও গ্রীকসভ্যতার কল এশিয়াথণ্ডে অনেক কাল বিরাজিত ছিল। শকদিগের দ্বারা বিধ্বস্ত হইয়া বক্‌ট্রিয়ান জাতি তাহাদের দেশ পরিত্যাগ করিয়া পূর্বদিকে বোথারার সীমালত প্রদেশে বাস করে। শকেরা বক্‌ট্রিয়া অধিকার করিয়া অধিক দিন তথায় কালযাপন করিতে পারে নাই। খৃঃ পূঃ ১২০ অব্দে শকেরা পুনরায় ইউএচি জাতি কর্তৃক আক্রান্ত হইয়া বক্‌ট্রিয়া হইতে বিতাড়িত হয়। ইউএচি জাতি শক এবং অবশিষ্ট গ্রীকদিগকে বক্‌ট্রিয়া হইতে বিতাড়িত করিয়া মধ্য এশিয়ার টোখারিস্ স্থান নামক প্রদেশে অবস্থান করে। শক জাতিও দক্ষিণ দিকে পলায়ন করিয়া কিপিন, সোক্রিডিয়ানা, এরাযোসিয়া (বর্তমান কান্দাহার) এবং জানঘিয়ানা (বর্তমান সিস্তান) অধিকার করে। শক জাতি কর্তৃক ভারত আক্রমণ ইউএচি জাতির উপদ্রবের পরিণাম। ইউএচিরা বক্‌ট্রিয়াকে পাঁচ ভাগে বিভক্ত করিয়া তাহাদের ভিন্ন ভিন্ন দলপতিকে প্রদান করেন। যদিও প্রত্যেকের ভিন্ন রাজধানী তথাপি সকলেই যুদ্ধ সময়ে এক স্থানে আসিয়া মিলিত হইত। হিন্দুকুশ পর্বতের উত্তরে বর্তমান বাসিয়ান প্রদেশে এই মিলনের স্থান ছিল।

প্রায় একশত বৎসর ইউএচিরা এইভাবে বক্‌ট্রিয়া রাজ্য শাসন করিলে, খৃঃ পূঃ ৩০ অব্দে তাহাদের একটি দল বিশেষ শক্তিশালী হইয়া অপর চারিদলের ক্ষমতা হ্রাস করিয়া সমস্ত জাতির উপর কর্তৃত্ব স্থাপন

করে। তখন সমগ্র ইউএচি জাতি কুইসুয়াং নামে পরিচিত হইল। পরে তাহারা কুইসুয়াং নামের পরিবর্তে কুসাং নাম গ্রহণ করে। খৃঃপূঃ ৭১ অর্কে চীনের সম্রাট ইউএচি জাতির প্রবল শত্রু হিসেবে জাতি এবং ছনজাতি উভয়কেই বিশেষরূপে পরাজিত করিলে ইউএচিরা তাহাদের রাজ্য দৃঢ় করিবার অবকাশ পায় এবং তুর্কিস্থান, পূর্ব ইরান ও আফগানিস্থান জয় করে। ইউএচিরা প্রবল শত্রুদিগের হস্ত হইতে পরিত্রাণ পাইবার মানসে দক্ষিণদিকে অগ্রসর হইয়া কাবুল অধিকার করে। কাবুল তৎকালে শক এবং আরসেডিগণের অধিকৃত ছিল। ইউএচিরা কাবুল অধিকার করিলে শকেরা কিপিন \* হইতে পলায়ন করে।

মধ্য-এসিয়ায় কুসাং জাতি একরূপ ক্ষমতাশালী হইয়াছিল যে রোমানেরা তাহাদিগকে রাজোচিত সম্মানের সহিত ব্যবহার করিত। মার্ক এণ্টোনি বকট্রিয়ায় দূত প্রেরণ করিয়াছিল, এবং রোমে কুসাং জাতির দূত অবস্থান করিত। টোজান এবং এড্রিয়ানের সময় রোম কুসাং জাতির সহিত বন্ধুত্বসূত্রে মিলিত হইয়া প্রবল পার্থিয়ানগণের ক্ষমতা হ্রাস করিবার প্রস্তাব করেন। খৃঃপূঃ ৯৮ অর্কে কুসাং বা ইউএচি জাতি চীন সেনাপতি পানঘাঙকে অতি সম্মানের সহিত আহ্বান করেন এবং চীন সাম্রাজ্যের বশুতা স্বীকার করিয়া, বাৎসরিক উপঢৌকন দিবার বন্দোবস্ত করেন। ইউএচি জাতির ক্ষমতা অধিক দিন অক্ষতভাবে ছিল না। খৃষ্ট তৃতীয় আর্কের শেষভাগে কাশ্মীর লইয়া পার্শ্বের দক্ষিণভাগের সমুদয় প্রদেশ তাহারা হারাইয়া ছিল এবং ৪৩০ খৃষ্টাব্দে তাহারা ছনজাতি কর্তৃক বকট্রিয়া হইতে বিভাজিত হয়। কিটোনো কুসাং জাতির শেষ রাজা। তিনি কান্দাহার অধিকার করেন, এবং তথায় তাঁহার পুত্রকে প্রতিনিধিরূপে রাখিয়া, স্বীয় রাজধানীতে প্রত্যাবর্তন করেন। পুত্র নবরাজ্যের রাজধানী পেশবার নগরে স্থাপিত করিয়া কিছুকাল রাজত্ব করিলে পর, ছনজাতি কর্তৃক আক্রান্ত হইয়া কান্দাহার হইতে তাড়িত হন। ৪৩০ খৃষ্টাব্দে বকট্রিয়া যে ছনজাতি কর্তৃক আক্রান্ত হয়, তাহারা ইউএচি জাতির একটি সম্প্রদায়বিশেষ। এই

সম্প্রদায় ত্রাপ্‌থানাটস্‌, হন্যখিলা, ইএথা প্রভৃতি বিভিন্ন নামে ইতিহাসে উল্লেখ দেখিতে পাওয়া যায়। ছনজাতি চীনবাসীদিগের নিকট ইএথা নামে বিশেষরূপে পরিচিত, কারণ চীনদেশের ইতিবৃত্তে ইএচি এবং ইএথা জাতির ভিন্ন ভিন্ন বিষয় বর্ণনা পাওয়া যায়। ইএথা জাতি তাতার জাতি সম্বৃত। ইহারা প্রথমে চীনদেশের বৃহৎ প্রাচীরের উত্তরে বাস করে, পরে খৃষ্টাব্দের প্রারম্ভে তাহাদিগের নিবাস স্থান পরিত্যাগ করিয়া দক্ষিণ দিকে অগ্রসর হয়। দক্ষিণ প্রদেশে বসবাসের সময় তাহারা জুয়েন রাজ্যের বশুতা স্বীকার করে। পরে উক্ত রাজ্যের অধীনতা হইতে পরিত্রাণ লাভ করিবার জন্ত তাহারা পার্শ্ব রাজ্যের সীমান্ত হইতে, কিপিন খরাসুর ক্যাশগার এবং খোটার প্রভৃতি স্থান অধিকার করিয়া নিজাদের রাজ্য স্থাপন করে। খৃষ্ট ৪২৫ অর্কে ইএথা জাতি টান্স-অক্সিয়ানা অধিকার করিলে তাতার জাতি মধ্য-এসিয়ায় আগমন করে। ৩৬০ খৃষ্টাব্দে জুয়েন রাজ্য সমস্ত তাতার রাজ্য করতলগত করে। জুয়েনদিগের এক জন রাজা কোরিয়া হইতে ইউরোপের পূর্বসীমা অবধি রাজ্য বিস্তৃত করিয়াছিলেন। জুয়েন জাতির আক্রমণে বিস্তৃত হইয়া ছনজাতি তাহাদের স্বদেশ হইতে বিভাজিত হয় এবং ৪২৫ খৃষ্টাব্দে এক দল টান্স-অক্সিয়ানায় আসে এবং অপর দল খৃষ্ট ৪৩০ অর্কে এটিলার নামক স্থানে ইউরোপে উপস্থিত হয়। অক্ষু নদী তীরবর্তী প্রদেশ, ছনজাতি কুসাংগণের নিকট হইতে হরণ করে, কিন্তু কুসাং জাতি একেবারে মধ্য-এসিয়া হইতে বিভাজিত করিতে সক্ষম হয় নাই। কুসাংজাতি মধ্য-এসিয়ায় অবলীলাক্রমে পাঁচ শত বৎসর আধিপত্য করিয়াছিল। তাহাদিগের পর ছনজাতি ৫৫০ বৎসর মধ্য-এসিয়ায় রাজত্ব করেন। তাহাদের সময় পার্শ্ব রাজ্যে সাসানাইড-বংশীয়গণ বিরাজ করে।

৪

মধ্য-এসিয়ায় ইতিবৃত্ত পারস্যের ইতিহাসের সহিত বিশেষরূপে সম্বন্ধ। ২১৯ খৃষ্টাব্দ হইতে আরবদিগের আক্রমণ পর্যন্ত প্রায় চারিশত বৎসর পারস্যের সিংহাসনে

সাসানাইড-বংশ আরাজ ছিল। সাসানাইড-বংশীয়দিগের কার্যক্রম অনেক পরিমাণে মধ্য-এসিয়ার তৎকালীন ঘটনাসমূহকে পরিচালিত করে। খৃষ্ট তৃতীয়াব্দে পারস্যের অবস্থা একাদশ লুইএর সময়ের ফরাসীদেশের অবস্থার সহিত তুলনা করা যাইতে পারে। সে সময় পারস্য রাজ্যদিগের ক্ষমতা নাম মাত্রের অধিক ছিল না। সমস্ত রাজ্য ভিন্ন ভিন্ন ক্ষুদ্রজাতির মধ্যে বিভক্ত ছিল। এই সকল জাতি পারস্য প্রদেশসমূহে বাস করিয়া সাসানাইড-বংশের একাধিপত্যকে বিশেষরূপে হীন করে। পরিশেষে ইহারা ক্ষমতাবান হইয়া অন্যান্য জাতিকে বশে আনয়ন করে। পাপক দ্বারা এই কার্য সমাধা হয়, তিনি সিরাজ নগরের পূর্বস্থিত একটি নগরে প্রথমে বাস করিতেন, আর দেমার নামক তাঁহার এক পুত্রের সাহায্যে তাঁহার দলের নামককে পরাজিত করিয়া ফার্স প্রদেশ অধিকার করেন। পাপকের মৃত্যুর সময় তিনি আর দেমারকে অধিকৃত রাজ্য না দিয়া সাপুর নামক অন্য পুত্রকে দিয়া যান। আর দেমার তাহার ভ্রাতা সাপুরকে বিষ-প্রয়োগে নিহত করিয়া পৈতৃক-সিংহাসনে আরাজ হন। রাজ্যলিপ্সা চরিতার্থ করিবার জন্ত আরদেমার সমীপবর্তী সমুদয় রাজ্য আক্রমণ করেন। একটি একটি করিয়া সকলগুলি আয়ত্তে আনিয়া তিনি কিরমান, সুসিয়ানি এবং সমস্ত পূর্বাঞ্চল প্রদেশের একাধিপতি হন। প্রভূত ক্ষমতা অর্জন করিয়া তিনি পরিশেষে পারস্য রাজ্য আক্রমণ করেন। তখন পার্থিয়ান বংশের শেষ রাজা আরডাভান পারস্যের সিংহাসনে সমাসীন। ২১৮ খৃষ্টাব্দে বেবিলোনিয়ার যুদ্ধে পারস্যের রাজা আরডাভান পরাজিত এবং হত হন। যুদ্ধক্ষেত্রেই আরদেসার পারস্যরাজ্যের সিংহাসনে উপবেশন করেন। তিনি ইস্টাখর নগরে রাজধানী স্থাপন করেন এবং সিটিসিপন নগরে বাস করেন। আরদেসার নিজে কতটা পৈতৃক রাজ্য বৃদ্ধি করাইয়া ছিলেন, তাহা জানা যায় নাই। ইতিহাসে এই মাত্র জানা যায় যে, তাঁহার রাজ্য এক দিকে ইউফ্রেটিস হইতে অপর দিকে খারওয়াজাম পর্যন্ত ব্যাপ্ত ছিল। আরদেসার জ্ঞানী ও নীতিপরায়ণ ছিলেন। তাঁহার জীবনের অনেক অংশ নেপোলিয়নের জীবনের স্থায়। স্মৃতি হীনাবস্থা হইতে তিনি পরিশেষে এক

বৃহৎ সাম্রাজ্যের অধিকারী হইয়াছিলেন। যে সকল প্রদেশ বহুকালব্যধি অরাজকতায় পরিপূর্ণ ছিল, তাহাতে তিনি শাস্তি স্থাপন করেন। ২৪১ খৃষ্টাব্দে তিনি মানবলীলা সংবরণ করেন এবং তাঁহার পুত্র প্রথম সাপুর সিংহাসন পান। তাঁহার রাজত্বের প্রথম দশ বৎসর তিনি রোম রাজ্যের সহিত ক্রমাগত যুদ্ধে ব্যাপ্ত থাকেন। ২৬০ খৃষ্টাব্দে রোম সম্রাট ভেলেরিয়ান তাঁহার হস্তে বন্দী হইলে যুদ্ধ থামিয়া যায়। যে যুদ্ধে এখন বর্তমান রহিয়াছে, তাহা হইতে জানা যায় যে, প্রথম সাপুর খোরাসানের পূর্বপ্রদেশ, নিসাপুর এবং পারস্যের উত্তরে সাপুর অধিকার করেন। ২৭২ খৃষ্টাব্দে তাঁহার মৃত্যু হইলে পুত্র হরমাজ, সিরিয়া, এসিয়া মাইনর এবং আরমেনিয়া লইয়া রোমের সহিত যুদ্ধ করেন। পরবর্তী রাজত্ববর্গ ইতিহাসে স্থান পাইবার যোগ্য নহেন। বরাসগুড খৃষ্টানদিগকে উত্যক্ত করে এবং রোমের সহিত যুদ্ধ করে। রোম কর্তৃক পরাজিত হইয়া তিনি সন্ধিস্থাপন করিতে বাধ্য হন। তজ্জন্ত তিনি খৃষ্টান এবং জোরোসাস্ট্রিয়ানদিগকে সাম্যতা দানে স্বীকৃত হন। ককেসস পর্বতের ডেরিয়েল নামক গিরিসঙ্কটের দুর্গদির ব্যস্ততার বহন করিবার জন্ত রোম রাজা বাৎসরিক কর দিতে স্বীকৃত হয়। এই কার্য দ্বারা উভয় রাজ্যই উত্তরস্থিত অসভ্যজাতির আক্রমণ হইতে রক্ষা পায়। রোমরাজ্যের সহিত সন্ধির পর বরাসগুড বকট্রিয়া আক্রমণ করিয়া এপ্থেলাইট বা গুড্র ছনজাতিকে পরাস্ত করে। তৎপর বরাস সাহাজ হাজার সৈন্য সহিত রজনীযোগে টর্কিদিগকে আক্রমণ করে। টর্কিরা পরাজিত হয় এবং তাহাদের দলপতি কাকান বরাস হস্তে প্রাণত্যাগ করে। অক্ষু নদী পার হইয়া বরাস পূর্বাঞ্চল জয়গণের সহিত সন্ধি স্থাপন করেন। ৪৩৮ অর্কে তাঁহার মৃত্যু হয়। তৎপরে তাঁহার পুত্র দ্বিতীয় জেদিজাড সিংহাসনে অধিরোহণ করেন। এপ্থেলাইটসদিগের দ্বারা তিনি অত্যন্ত উত্যক্ত হইলেন। আর মেলিয়া এবং খোরাসান প্রদেশ লইয়া তাঁহাকে ছনজাতির সহিত বহুকালব্যাপী বিবাদে লিপ্ত থাকিতে হয়। উনিশ বৎসর রাজত্ব করিয়া তিনি পরলোক গমন করেন। তাঁহার মৃত্যুর পর তাঁহার দুই পুত্র, তৃতীয় হরমাজ এবং পিক্‌জের মধ্যে











কর্মের বৈধতা ও অবৈধতাই আমাদের সুখ দুঃখের কারণ, জন্মবাদ ইহার ভোগভোগের কারণ নহে। সুতরাং কুষ্ঠ, খঞ্জ, বা চিরদরিদ্র, ইহারা স্ব স্ব কৃত কর্মের ফলাফল ভোগ করে অথবা পিতৃপুরুষের কু-অভ্যাস বা কুকর্মের জন্ত সুখ দুঃখের অধিকারী হয়। যাহারা পূর্বজন্ম বা পরজন্ম মানে না, তাহারাও ধর্ম্মাধর্ম্ম, সুকর্ম্ম কুকর্ম্ম এবং "পুরুষপরম্পরাগত বীজ" নীতির ফলাফল ভোগ করিতে বাধ্য। তন্নিম্ন উপায়ান্তর নাই। সুখ ও শান্তি, মোক্ষ বা নিরীক, কেবল জাতি বা বর্ণ বা সম্প্রদায় বিশেষের "অধিকার" বা পৈত্রিক-সম্পত্তি" নহে, ইহা কেবল ব্রাহ্মণের বা সৈয়দের অথবা পাদ্রির এক চেটিয়া জিনিস নহে; ইহা প্রত্যেক ভক্তের প্রত্যেক ব্রহ্মজ্ঞানীর, প্রত্যেক কল্যাণকর কর্ম্মকারীর সাধারণ সম্পত্তি। সুতরাং জন্মান্তরবাদের পক্ষপাতীরা কাহাকেও এই মোক্ষ হইতে বঞ্চিত করিবার প্রয়াস পাইলে অমার্জনীয় অপরাধে অপরাধী বলিয়া গণ্য হইয়া থাকে। যে পণ্ডিত, বৃথা কূটতর্কজ্ঞান পাতিত করিয়া চণ্ডালজাতীয় তর্কাত্মক ভক্ত সাধু মহাত্মাকে, মৃত্যুর পরে অমৃতধামের অধিকারী হইতে দেয় না, তাহার মত মূর্খ ও ধর্ম্মবৈরী বোধ হয়, আর দ্বিতীয় নাই। (Priest-craft, the cause of all religions, makes religion a calamity.)

মৃত্যুর পরে পশু বা তির্যকযোনিতে মনুষ্যের আত্মার প্রবেশ হওয়ার কথাটা বোধ হয় অবৈজ্ঞানিক ও অর্থো-ক্লিক। হিন্দুশাস্ত্রোক্ত পাশবযোনি বা তির্যকযোনির প্রসঙ্গের অর্থও অজ্ঞান, সেই গুপ্ত অর্থ (Esoteric teaching) অনেকে সহজে হৃদয়ঙ্গম করিতে সমর্থ হয় না। বিদ্যা, বুদ্ধি, ধর্ম্মজ্ঞান ও ব্রহ্মজ্ঞানবিশিষ্ট জীবশ্রেষ্ঠ মানব, মৃত্যুর পরে অপরাধ বা মহাপাপ বশতঃ তরু লতা গুল্ম প্রস্তর পশু পক্ষী কীট কীটপু প্রভৃতিতে পরিণত হইয়া যায়, এই কথাটা সংবুদ্ধি সজ্ঞাতা যুক্তি কিম্বা জ্ঞান বিজ্ঞানের সীমার মধ্যে আইসে না। মানবের আধ্যাত্মিক জ্ঞান, মানবের বিদ্যা ও ধর্ম্মবুদ্ধি সজ্ঞাত জ্ঞান, মানবের দায়িত্ব ও কর্তব্যবুদ্ধি এবং ঈশ্বরোপাসনা জন্ত তাহার প্রবৃত্তি, পৃথিবীর অপর শ্রেণীর প্রাণী হইতে সম্পূর্ণ পৃথক। মানবের দেহ, মানবের আত্মার উপযুক্ত; পশু ও পক্ষীর শরীর তাহাদের স্বভাবজ্ঞানের ও অভ্যাসের

(Instincts and habits) উপযুক্ত। ঐন্দ্রিয়িক (organic) এবং অনৈন্দ্রিয়িক (Inorganic) জগতের প্রকৃতি পর্যালোচনা করিলে আমরা দেখিতে পাই, তাহারা কাল ও পুরুষপরম্পরায় স্ব স্ব শ্রেণীজ স্বভাব ও প্রকৃতিরই অধিকারী হইয়া থাকে। গজের তীক্ষ্ণ বুদ্ধি, তুরঙ্গের শীঘ্রতা, শশকের চাক্ষুণ্য, শাদ্দুলের ভীষণতা অথবা মানবের বাকশক্তি তাহাদের পুরুষ-পরম্পরায় প্রচলিত। সুতরাং জন্মান্তরে মনুষ্যের পশু, পক্ষী, কীট বা প্রস্তর হওয়ার কথাটা নিতান্ত অবৈজ্ঞানিক বলিয়া বোধ হয় না কি? প্রকৃতির অতি সুন্দর শৃঙ্খল এবং অতি সুন্দর নিয়ম সহজে ভঙ্গ হয় না এবং ভঙ্গ হইতে পারে না। তাহাতেই বলিতেছি, মানুষ যদি পশু হয়, পশু যদি পাখী হয় অথবা হস্তী যদি শাদ্দুল কিম্বা শাদ্দুল যদি মৃগ হয়, তাহা হইলে প্রকৃতির সুশৃঙ্খলা ও সুনিয়ম একেবারেই ভঙ্গ হইয়া পৃথিবীকে এক মহা ভীষণ ও মহাকঠোর ক্লেশাগারে পরিণত করিতে পারে। কোনও নিয়মশ্রেণীর জীবকে (পশু পক্ষী অথবা কীটকে) পরীক্ষা করিয়া আমরা এ পর্যন্ত জানিতে পারি নাই যে, পূর্বজন্মে ইহাদের কেহ মানবদেহধারী জীব ছিল, অথবা "কুকর্ম্মের ফলে জন্মান্তরে অজ্ঞান দেহ প্রাপ্ত হইয়াছে"; বরং অল্প দিক দিয়া দেখিলে বুঝিতে পারি, মনুষ্য মধ্যে যে উদ্ভি, উদেগ, উদ্যম, ক্লেশ, প্রভৃতি বর্তমান থাকে, পশু বা পক্ষীতে তাহা নাই, সুতরাং "পাপের ভোগভোগ" কথাটা কেমনে খাটিতে পারে? শরীরতত্ত্ববিদ পণ্ডিতেরা নিয়মশ্রেণীর জীবের কখনও মানবের আত্মার লক্ষণ দেখিতে পান নাই। মানবমাত্রেই হস্ত্য করিতে পারে, কিন্তু মানব ভিন্ন আর কোন প্রাণী হাঁসিতে পারে না। আর এক কথা এই যে, প্রকৃতি সর্বদাই উন্নতিশীল, প্রকৃতির গতি উন্নতির দিকে, ইহা কখন আনন্দমণ্ডল নহে। (The march of nature is progressive not self-revolving) প্রকৃতি কখনও ক্ষুদ্র সীমাবদ্ধ সরোবরের সশল্য সলিলের স্থায় স্থিতিশীল নহে। (Nature never halts; retrogression she resists and so with man's moral and spiritual being) সুতরাং মানুষ দেবতা না হইয়া যদি পশু বা পক্ষী হইল, এই শিক্ষা ও পরীক্ষার মহাক্ষেত্র স্বরূপ

সংসার মধ্য হইতে অন্তর্হিত হইয়া যদি সর্প, মজার, সারমেয় বা পিপীলিকায় পরিণত হয়, তাহা হইলে বিবর্তনবাদ কোথায় থাকিতেছে? তাহা হইলে প্রকৃতির উন্নতিশীলতার আর প্রশংসা করি কেন? মানবের স্বতিশক্তি তাহার উন্নতির অন্ততম সর্বশ্রেষ্ঠ কারণ পূর্বজন্মের সহিত বর্তমান জন্মের এবং বর্তমান জন্মের সহিত ভবিষ্যৎকালের স্বতির কোনও সম্বন্ধ দেখা যায় না। যদি স্বতিই বিবর্তন হইল, তাহা হইলে সুখ দুঃখ ভোগের—পাপপুণ্যের ফলাফলের ভোগভোগের—জ্ঞান কোথায় থাকে? তাহা হইলে মৃত্যুর পরে জন্মের পূর্বের ভোগভোগের কথাটা যেন একটা প্রহেলিকা বলিয়া বোধ হয়। পৌরাণিক বলেন, মনুষ্যের যতবার জন্ম হয় ততবার মৃত্যু হয়, প্রত্যেকবারের মৃত্যুর সময়ে আত্মার সহিত "মানস" বিচ্ছিন্ন হইয়া যায়। যদি তাহা সত্য হয়, তাহা হইলে ইহা স্বীকার করিতে হইবে যে, মানুষের ব্যক্তিগত জ্ঞানের বোধাবোধ (Consciousness of personal identity) নাই হইলে তাহার আত্মার আত্মা লোপ হইয়া যায়। (The soul exhibits such a unity of constitution that if any part or faculty is taken away, such as memory or perception or consciousness of personal identity, it is not the same being; it ceases to be the same soul.) যদি স্বতিশক্তি এবং ব্যক্তিগত বোধাবোধ রহিত হয় তাহা হইলে পাপ বা পুণ্যের নাম, সংজ্ঞা, প্রকৃতি, গুরুত্ব, দায়িত্ব, ঘটনার স্থান, দণ্ডের পরিমাণ, পশ্চাত্তাপ, ঘৃণা বা আনন্দ বোধ প্রভৃতি লোপ না পাইবে কেন? তাহা হইলে আর পুরস্কার বা দণ্ডের গুরুত্ব বা প্রয়োজনীয়তা কোথায় রহিল? যে বালক বহুবর্ষ পূর্বে অপরাধ করিয়াছিল, এখন যাহার নাম পর্যন্ত তাহার মনে নাই, সে বালককে বৃদ্ধাবস্থায় দণ্ডাবস্থার বোঝা বহিয়া বিবেচনা করা, আমার ক্ষুদ্র বুদ্ধিতে, অসহনীয় অত্যাচার কিম্বা আর কিছুই নহে। যখন পাপের জ্ঞান নাই, যখন পাপের স্বতি, পাপের জন্ত মনস্তাপ নাই, তখন পাপের জন্ত দণ্ড-ভোগ, অমস্তকী মানুষের আত্মাব্যথার জন্ত ঔষধ প্রয়োগ, একই কথা। যেখানে পাপের বোধাবোধ নাই, সেখানে

পাপের কথা ভাবা বোধ হয়, Positive moral harm—নিশ্চয়ই নৈতিক হীনতা। যাহাকে আমরা শাস্ত্যবলি, তাহাতে দেখিতে পাই, এক যুগের পাপ অজ্ঞান যুগে বর্তমান থাকে না। সত্যযুগের পাপ ভ্রোতা, ত্রেতার দাপরে এবং দাপরের পাপ কলিতে থাকে না। তাহা হইলে আর পূর্বজন্মের পাপপুণ্যের ভোগভোগ কোথায় থাকিল? এই যে লক্ষ লক্ষ ছতিক্ষ প্রপীড়িত অস্থিচর্ম্মসার ভারতবাসী এক মুষ্টি অন্নের জন্ত চক্ষের জল ফেলিতে ফেলিতে স্ত্রীপুত্রকে বিক্রয় করিয়া উদর পূরণের চেষ্টা করিতেছে, এই যে বঙ্গীয় সাহিত্য-জীবী পুরুষেরা দুই বেলায় দুই মুষ্টি অন্নের জন্ত লানায়িত হইয়া পড়িয়াছে, এই যে কুলি-শ্রেণীর লোকেরা ইংরাজের পদাঘাতে নিত্য নিত্য ভবপারের ভারনা হইতে বিমুক্ত হইতেছে, এই যে লক্ষ লক্ষ হতভাগিনী রিধবার ক্রন্দনে ভারতভূমি রসাতলে বাইতেছে, এই সকলও কি পূর্ব জন্মের পাপের ফল? পাপের ফল কিম্বা, সেই বিষয়ে তর্ক করিবার জন্ত এই প্রস্তাবের অবতারণা করি নাই, কিন্তু এই গুপ্ত তর্কে আমাদের অনেকটা ক্ষতি করে, ইহা আমি স্বীকার করি। It may be one of the strongest traits of the Hindu characters, and one of the greatest charms is to engender apathy and unconcern. \* \* \* It deprives a Hindoo of the sense of present duty and the power to struggle energetically with difficulties and misfortunes, ceases to overcome them in a distinctive feature of the west. It is inimical to national progress, it acts as a barrier to the alleviation of human maladies, এই তর্ক বহু যুগ ব্যাপিয়া চলিয়া আসিতেছে কিন্তু সত্য হইতে কলি যুগ পর্যন্ত জাতীয় উন্নতি হইয়াছে কি? জন্মান্তরবাদ অনেকে ভাল করিয়া বুঝেন নাই, ইহার অর্থে ভ্রম আছে, আইস, গুপ্ত রহস্যের উন্মেষণ করিয়া সেই ভ্রমের নিরাকরণ করি। এই ভ্রমে সত্য আছে নিশ্চয়, এবং সেই জন্তই এখনও সমাজ তিষ্ঠিতে সমর্থ হইয়াছে। Every error will line as long, and only as long, as its share of truth remains unrecognised.















পুরের এখনও চিহ্ন আছে। ইষ্টকস্তূপ এখনও ভূতের বাসা দেখাইয়া দিতেছে।

চন্দ্রহাটীর সে ঐশ্বর্য্য নাই, ম্যালেরিয়ায় সর্বনাশ করিয়াছে। মজুমদার-বংশ টিম্টিম্ করিতেছে, কালনার কালিদাস-বংশ এখন বিদ্যমান। দিগ্‌মুই সরিষার হর-বিলাস ও হরিবালা পুত্র পৌত্রাদি রাখিয়া স্বর্গে গিয়াছেন, পুত্রদিগকে ম্যালেরিয়ায় অকালে মরিয়া যাইতে হইয়াছে, পৌত্রদিগের মধ্যে দুই একটা আছেন।

কালিদাসের সেই ভৃত্যদ্বয়ের কথা বলিতে পারি না। কিন্তু নফর সর্দার ও গোবর সর্দার যে কালিদাস বাবুর কার্য্যেই জীবনযাপন করিয়া গিয়াছে, তাহা আমরা জানি। মধুসূদন তাহাদিগকে বড় ভাল বাসিতেন। প্রভূত পুরস্কারেও পুরস্কৃত করিয়াছিলেন। নফরের বুদ্ধি কোশলেই যে মুক্তিপথ প্রশস্ত হইয়াছিল, তাহা মধু-সূদন কালিদাস প্রভৃতি সকলেই মুক্তকণ্ঠে স্বীকার করিতেন।

হরিবালাকে হুগলির ম্যাজিষ্ট্রর যে হার দিয়াছিলেন, হরবিলাসকে যে ঘড়ী চেন দিয়াছিলেন, তাহা তাঁহাদের বংশে এখনও বিরাজ করিতেছে কি না, বলিতে পারি না। আর অনুসন্ধানের আশাতেও প্রবন্ধ বাড়াইতে পারি না, অতএব, উপসংহার।

যম-তনয়া হইয়াও হরিবালা যে দেবীর আসনে বসিয়া-ছিলেন, জমের জামাই হরবিলাস যে নরসমাজে দেবরৎ পূজ্য হইয়াছিলেন, তাহা আমাদের বিদিত আছে। বোধ হয়, পাঠকেরও বিদিত হইল। বিচিত্র কিন্তু প্রকৃত আখ্যান কেন “যমের জামাই” নামে অভিহিত হইল তাহাও ত পাঠকের অবদিত রহিল না।

সমাপ্ত।

শ্রীক্ষেত্রমোহন সেনগুপ্ত।



## মহাপ্রস্থান।


(ডাক্তার মহেন্দ্রলাল সরকার, এম, ডি, ডি, এল, সি, আই, ই, মহোদয়ের মৃত্যু উপলক্ষে।)

হে পূজ্য! হে নরদেব! আজি ফুরাইল তব কাজ,  
জীবন-সমরে জয়ী ধনু বীর ধনু তুমি আজ!  
আসিয়া ভারত মাঝে দীনবেশে হে সত্যসহায়,  
উঠেছিলে উন্নতির অতি উচ্চ চরম সীমায়।  
জ্ঞান-শৈলে চন্দ্রসম নীরবেতে উত্থান তোমার,  
তবুও জলধিপারে বিকীর্ণ ও কিরণ অপার।  
তুমি দূরে যেতে সরি' হে ঋষি, ত্যজিয়া কোলাহল,  
তোমার সাথেতে যেত কার্য্যময় এ মহীমণ্ডল।  
চাহিতে লুকাতে তুমি বৃথীসম পাতার মাঝার,  
সুযশস্বরভি তব ছড়ায়ে পড়িত চারিধার।  
হে উচ্চ অনূচ্চ ভাব পাপের মূর্তি বিমোহন,  
সত্যে সরিয়া যেত হেরি তব বিশাল নয়ন।  
তোমার হৃদয়-সরে জাগিত ভাসিত অবিরল  
সত্য শিব সূন্দরের সুপবিত্র মূর্তি বিমল।  
ভীমকান্ত হে সুভগ! জানি তব বক্ষের মাঝার  
নীরবে বহিত হায় ফল্গুসম দয়া অনিবার।  
বৈতুনাথে কুষ্ঠাশ্রম অতরল তব আঁখিজল,  
অশুষ্ক, অমর সেও তব সম হে চিরসরল!  
বিপদে অসীম ধৈর্য্য, বজ্রবৎ কার্য্যে সুকঠিন,  
বিনয়ে বেতসসম, কর্তব্যে উন্নত চিরদিন।  
সত্যের সাধন ব্রতে ভঙ্গহীন অদম্য অটল,  
নেহের কোমল স্পর্শে কুসুম সমান স্নকোমল।  
তোমার চরিত্র দেব! ভারতের আদর্শ মহান!  
ভারতের শেষ ঋষি আজি স্বর্গে করিলে পরাগ  
মনে পড়ে সেই দিন অন্নহীন তুমি বীর যবে,  
ধনপ্রদ এলোপ্যাথি ঠেলি পায়ে চমকিলে সবে!  
সহিয়া বিদ্বেষ শত শত ঘৃণা শত অপমান,  
সত্য জানি নবপথে আপনি হইলে আশুয়ান;  
বিজ্ঞান-আলোক হেরি মহানন্দে আপনা তুলিয়া,  
স্বদেশ নিবাসিগণে প্রথমেতে আনিলে ডাকিয়া,

৬ষ্ঠ ভাগ।]

প্রদীপ।

[ ১০ম—১১শ সংখ্যা। ]



স্বর্গীয় মহেন্দ্রলাল সরকার।

সে ত আজ বহুদিন ; তবু জাগিতেছে স্মৃতিপথে,  
কীর্তি ছোঁয় নাই কাল, তোমারে লয়েছে ধরা হ'তে ।  
হে সৌম্য, তোমার মৃত্যু, চৈত্র বৈশাখীর উষাসম,  
বিষাদ-মধুর অতি, অতি স্নিগ্ধ অতি মনোরম ।  
পাখিব জীবন-নিশি যদিও পোহাল আজি হায়,  
আরম্ভ জীবন নব বৈশাখের প্রভাতের প্রায় ।  
নাশিতে পারেনি তোমা যুগ্ম-প্রাণ-দিয়াছে শমন,  
এ পারে অমরকীর্তি ও পারেতে নবীন জীবন ।  
এখন ত্রিদিবে তুমি তবু দেব দেখ একবার,  
স্নেহের বাঁধন তব কাঁদে সেই বিজ্ঞান-আগার ।  
সে তোমার পুত্রাধিক, সে তোমার প্রাণেরও যে প্রাণ,  
স্বরগেও তার চিন্তা তব হর্ষ করিবে যে গ্লান !

\* \* \* \* \*  
হে অধীর বঙ্গবাসি ! হে ভারতবাসী স্মৃতিগণ !  
প্রস্তর মূর্তি তাঁর হবে নাক করিতে রচন ;  
সে অমর মৃত্যু নাই, স্মৃতি স্তম্ভ গেছে গড়ি' তার,  
তার অস্থি, তার রক্ত সবই ওই বিজ্ঞান-আগার ।  
জীবনে দাওনি যাহা, মরণে কি থাকিবে তা ভুলে,  
অনাথ বিজ্ঞান-সভা আজি তারে লহ কোলে ভুলে ।  
মুছ অশ্রু, বাঁধ বুক, যথাশক্তি এস সবাকার,  
রাখি সে বিজ্ঞান-সভা পিতৃহীন সন্তান তাঁহার ।

শ্রীকুমুদরঞ্জন মল্লিক।

## কাব্য।

বঙ্গ-সাহিত্যে অপরাপর অঙ্গাপেক্ষা কাব্য-চর্চা অধিক ;  
অথচ কাব্যের স্বরূপ নির্ণায়ক পথপ্রদর্শক এবং উৎকর্ষ-  
সাধক অলঙ্কার শাস্ত্রের প্রতি নব্য-শিক্ষিতের বিশেষ  
প্রীতি দেখা যায় না। সাহিত্য ও কাব্য ব্যাকরণ ও অল-  
ঙ্কার শাস্ত্রের নিয়মাবলী না হইলে ভাষার নির্ণীতাবস্থা  
বলা যায় না। বঙ্গভাষা এখনও নির্ণীতাবস্থায় উপনীত  
হয় নাই সত্য, কিন্তু তথাপি যে বঙ্গভাষায় দর্শনবিজ্ঞানের  
আলোচনা হইতেছে, তাহাতে অলঙ্কার ব্যাকরণের চর্চা

না হইতে পারে এমত নহে। ফলতঃ বঙ্গভাষায় অলঙ্কার-  
শাস্ত্র আলোচনার সময় উপস্থিত হইয়াছে।

কাব্য-সংজ্ঞা।

কাব্য-সংজ্ঞা নিরূপণ অতিশয় দুর্লভ। কতকগুলি বিষয়  
আছে, যাহার অনুভব ও আনন্দন হয়, কিন্তু বাক্য দ্বারা  
তাহার সম্যক প্রকাশ করা বা তাহার যথার্থ সংজ্ঞা নিরূ-  
পণ করা কঠিন। সৌন্দর্য্যবোধে প্রীতিনাভ মানবাত্মার  
স্বাভাবিক ধর্ম, কাব্য পাঠে বা শ্রবণে রসজ্ঞের মন আনন্দ-  
রসে স্বভাবতঃ আনুত হয়, কিন্তু সেই অনির্লক্ষণীয় প্রীতি  
বা আনন্দ ভাষা দ্বারা ব্যাখ্যা বা সম্যক প্রকাশ হয় না।  
প্রাচীন আলঙ্কারিক যথার্থই বলিয়াছেন,—“অবিদিতগুণাপি  
সংকবিভণিতিঃ কণ্ঠে বমতি মধুধারাম্”। প্রহ্লাদশিব-  
নাথ শাস্ত্রী মহোদয় বলিয়াছেন—“যদি আমাকে কেহ  
জিজ্ঞাসা করেন, কাব্য ত অনেক পড়ি প্রকৃত কবি কে,  
তাহা কিরূপে নির্ণয় করিব? তত্বতরে আমি বলি—  
কোনও কবির কাব্যের কোন অংশ পাঠ কর, পাঠ করার  
পরেও যদি মনে হয়, ইহাতে কবিত্ব আছে কিনা, তবে খুব  
সম্ভব, তাহার মধ্যে প্রকৃত কবিত্ব নাই।”

কাব্য-সংজ্ঞা নিরূপণের দুর্লভতা প্রাচীন আলঙ্কারিক-  
গণও অনুভব করিয়াছেন এবং সংজ্ঞা নিরূপণে তাঁহারা  
এক মত হইতে পারেন নাই। সাহিত্য-দর্পণকার বলেন,  
রসাত্মক বাক্যমাত্রই কাব্য। কিন্তু বামনহৃত, কাব্যপ্রকাশ  
রসগন্ধাধর প্রভৃতির মতে রসাত্মক বাক্য হইলেই কাব্য  
হয় না, কাব্যমাত্রই সৌন্দর্য্যশ্রয়। বামনমতে গুণাল-  
ঙ্কারযুক্ত শব্দার্থ কাব্য। মন্মঠ ও প্রভাকর মতে আবাস্ত  
তাহা “অদোষ” হওয়া আবশ্যিক। ভোজমতে অদোষ  
গুণালঙ্কারযুক্ত রসবৎ বাক্য কাব্য। যুগ্মনাথ মতে রম-  
ণীয়ার্থ শব্দ কাব্য। Dr. Blair বলেন “Poetry is the  
language of passion or enlivened imagination  
formed most commonly into regular numbers.”  
যুগ্মনাথ প্রদত্ত সংজ্ঞা অতি সরল ; তদ্বারা স্পষ্টতঃ এবং  
সাহিত্য-দর্পণকার প্রদত্ত সংজ্ঞা ব্যতীত অপরাপর সংজ্ঞা  
দ্বারা অভিপ্রায়তঃ কাব্য-লক্ষণে সৌন্দর্য্য সূচিত হইতেছে।\*

\* ফলতঃ অলঙ্কার-শাস্ত্র নামেই সৌন্দর্য্য উপলব্ধি হইতেছে।  
এখানে অলঙ্কার শব্দ উপমা ধর্মকাদি প্রচলিত অর্থে পর্য্যবসিত  
নহে ; অলঙ্কার শব্দের অর্থই সৌন্দর্য্য। বামন মন্মঠে লিখিত









শ্রমে তাঁহারা ক্লান্ত হইয়া পড়িয়াছেন, অতএব তাঁহাদের ইচ্ছা দশলক্ষ টাকা পাইলেই সমুদ্রতটে দেশে চলিয়া যান, অভ্যাগত ব্যক্তিগণকে উপঢৌকনস্বরূপ সংকৃত করিবার পক্ষে উহাই তাঁহারা প্রচুর জ্ঞান করিবে।” নবাব আলিবর্দি খাঁ ইহাতে সমুদ্র হইলেন না, আত্মসম্মানে আঘাত বোধ করিলেন—কেবল তিনিই নহেন, তাঁহার সেনাপতি মুস্তফা খাঁও তক্রপ সমুদ্র হইলেন। মুস্তফা সন্ধি কাহাকে বলে জানিতেন না, যুদ্ধ বিগ্রহ নরহত্যাদিই তাঁহার সমধিক প্রিয় ছিল, তিনি ঐ সকল কাজেই ক্রটি বোধ করিতেন এবং তাহা না হইলে সৈনিক গোরব রক্ষা পায় না বলিয়া বুঝিতেন। নবাব মুস্তফা খাঁর ভূজবীর্যের ও প্রভূত পরাক্রমের পরিচয় পূর্বে হইতেই পাইয়াছিলেন, তিনি অবজ্ঞার সহিত শত্রুর প্রস্তাব অগ্রাহ করিয়া বলিয়া পাঠাইলেন যে—“সাহস হয়, তাহারা অগ্রসর হউক!” ইহাতে উভয়পক্ষেরই যুদ্ধস্পৃহা বলবতী হইয়া উঠিল, উভয়পক্ষই যুদ্ধের জন্ত প্রস্তুত হইতে লাগিলেন। নবাবের ইচ্ছা যে গরু, গাড়ী, তাঁবু প্রভৃতি সঙ্গে লইয়া যুদ্ধক্ষেত্রে অগ্রসর হওয়া হইবে না, কারণ তাহার রক্ষণাবেক্ষণের জন্ত সৈন্যদিগকে অনেক সময় বিব্রত হইতে হয় সাজ সরঞ্জাম সঙ্গে না লইলে অনেক ঝঞ্জাট কমিয়া যায়, অতএব তাহাই করিতে হইবে। এই রকমে একদিন যুদ্ধ করিয়া দেখা যাউক। পরদিন প্রভাতকালে নবাব অশ্বারোহণ করিয়া তক্রপ আজ্ঞা প্রচার করিয়া বলিয়া দিলেন, চাকরবাকর কেহই যেন সিপাহী শাস্ত্রীদের সঙ্গে মিশিয়া যায় না, যে বাইবে তাহারই গুরুতর দণ্ড হইবে। কিন্তু সে কথা কেহই শুনিল না, সৈন্যগণ যুদ্ধার্থ অগ্রসর হইতে না হইতে তাহারা প্রাণভয়ে সৈন্যসম্প্রদারে মিশিয়া গেল, সৈন্যগণও তাহাদিগকে লইয়া ব্যতিব্যস্ত হইয়া পড়িল। শত্রুদিগের ইহাই বাঞ্ছনীয়—মুহূর্ত্ত মধ্যে মারহাট্টাগণ যুদ্ধক্ষেত্রে অবতীর্ণ হইয়া চতুর্দিক আক্রমণ করিতে লাগিল, বঙ্গীয় সেনা নিদ্বিষ্ট স্থানে থাকিয়া যুদ্ধে প্রবৃত্ত হইল—কাটাকাটি, খোঁচাখুঁচি বেশ চলিতে লাগিল, উভয়পক্ষই বীরত্বের পরিচয়—কেহ কাহাকেও হঠাইতে পারিল না—তুমুল সংগ্রামের মধ্যে ওমর খাঁর জ্যেষ্ঠ পুত্র মোসাহেব খাঁ শত্রুবেষ্টিত ও নিহত হইলেন। মোসাহেব খাঁ এক জন

অল্পবয়স্ক যুবক, সমরাজ্যে তাঁহার বিপুল বলবিক্রমের প্রতিষ্ঠা জন্মিয়াছিল। একরূপ হইলেও নবাব-সৈন্য অগ্রসর হইয়া শত্রুসৈন্য বিধ্বস্ত করিতে লাগিল, ক্রমে বেলাবসান হইয়া আসিল। সেনাপতি মুস্তফা খাঁ, সমশের খাঁ ও সর্দার খাঁ নবাবের নিকটেই যুদ্ধ করিতেছিলেন, নবাব তাঁহাদিগকে হঠাৎ পশ্চাদ্ভর্তী হইতে দেখিয়া বড়ই আশ্চর্য বোধ করিলেন। তাঁহারা হঠাৎ ব্যক্তি নহেন—সৈন্য ব্যবহার তাঁহাদিগের স্বভাববিরুদ্ধ, ইহা হইতেই নবাব নিশ্চয় করিলেন যে, তাঁহারা কোন কারণে অসমুদ্র হইয়াছেন, যুদ্ধের আর সুবিধা হইবে না। এই সময়ে তিনি আপন শিবির হইতে দূরে এবং শত্রুদিগের নিকটে হইতে অধিকতর দূরে অবস্থিতি করিতেছিলেন। সারংসার উপস্থিত হইল, সঙ্গে এতাদিক সৈন্য নাই যে, নবাব শত্রুশিবির আক্রমণ করেন বা আপন শিবিরে প্রত্যাহিত হইতে পারেন। আপনার বলহীনতা উপলক্ষ করিয়া তিনি অসমুদ্র হইতে সেই স্থানেই রাখিয়াপন করিতে কৃতসঙ্কল্প হইলেন—ইতিপূর্বে বারিবর্ষণ জন্ত সেখানকার মৃত্যুর পিচ্ছিলতা তখনও অপনীত হয় নাই। চলিবার চেষ্টা করিলে পড়িয়া বাইতে হয়। নিম্নভূমি প্রায়ই জল, অগত্যা উহারই মধ্যে একটু উচ্চ জায়গা দেখিয়া, সঙ্গে একটা ক্ষুদ্র তাঁবু ছিল, তাহাই খাটাইয়া লওয়া হইল। এই স্থান বর্ধমান হইতে ছয় সাত ক্রোশ দূরভর্তী। অগ্রসর হওয়ার মধ্যে মাহারা পলাইয়া প্রাণ বাঁচাইতে পারিয়াছিল তাহারাই জীবিত, অপর সকলকে শত্রুগণ নিহত করিয়া খাওয়া ও ধনসম্পত্তি যাহা কিছু ছিল সমস্তই কাড়িয়া লইল। উপরি উক্ত আফগান সেনাপতিগণ বিগড়াইয়া যাইলেও তাঁহারা নবাবের পক্ষে ছিলেন, তাঁহারাও চতুর্দিকে পশ্চাতে বেষ্টিত—নিশাঙ্ককারেও শত্রুগণ নিরস্ত নহে, যেখানে পাইল, সেইখানেই আক্রমণ করিতে লাগিল। অতঃপর যে যেখানে ছিল, সে সেইখানেই রহিল—রাত্রির অন্ধকার আকাশ অবনী আচ্ছন্ন করিল। শাস্তিদায়িনী নিশা নবাবকে শাস্তিদানে অসমর্থ হইল—চারিদিকে আপনের আন্তনাদ ও ক্ষুধিতের ক্রন্দনে সমস্ত রাত্রি তাঁহার নিদ্রা হইল না। মুস্তফা খাঁ, সমশের খাঁ ও সর্দার খাঁ এবং অগ্ন্যা আফগান সেনাপতিগণ পূর্কোপেক্ষা ঘন ঘন মিলিত হইয়া পরামর্শ যুক্তি করিতে লাগিলেন—নবাব ডাকিয়া

কোন কথা কহিলে সকলেই বিমর্ষভাবে, মস্তক অবনত করিয়া মৌনাবলম্বন করেন, ভাল করিয়া উত্তর দেন না—বস্তুগত্যা তাঁহাদের মনোমালিঙ্গের অনেক কারণ ছিল, তন্মধ্যে যুদ্ধায়োজন কালে যে সকল সৈন্য সংগ্রহ করা হয়, সেই যুদ্ধ শেষ হইবামাত্র তাহাদিগকে বিদায় দেওয়া বড়ই গৃহিত, একরূপ রীতি কোনমতে প্রশংসনীয় নহে, এতদ্বারা অনেক সেনাপতিকে ক্ষতিগ্রস্ত ও হৃতসন্মান হইতে হয়, তাঁহাদের উৎসাহ হানি হয় এবং সৈন্যগণের মধ্যে একটা মহা আশঙ্কা ও অসন্তোষের সূত্রপাত হইয়া থাকে। একরূপ পথ নূতন নহে—তাই তিন বার অবলম্বিত হইয়াছে। তাঁহার অব্যবহিত পূর্বে যে কটকাভিযান হইয়া গিয়াছে, তাহাতেও সেইরূপ ব্যবহার দেখা গিয়াছে। মুস্তফা খাঁ তাঁহার অনুপানকালেই বলিয়াছিলেন যে “আপনি কয়েক-বার প্রভূত পুরস্কারের লোভ দেখাইয়া সৈন্য সংগ্রহ করিয়াছিলেন, কিন্তু বিপদ হইতে উত্তীর্ণ হইবামাত্র তাহা বিস্মৃত হইয়া তাহাদিগকে বিদায় দিয়াছেন, যুদ্ধক্ষেত্রে তাহারা যে ছঃখকষ্ট ভোগ করিল, তাহার কোন পুরস্কারই হইল না, তাহাতে কত উপযুক্ত সেনাপতির প্রতি অবিচার করা হইল, কত সৈনিক পুরুষ উপেক্ষিত হইল, তাহা ভাবিয়াও দেখিলেন না—আমি নিজের জন্তই যে কেবল বলিতেছি তাহাও নহে, সকলেরই জন্ত, অতএব এবারে যেন সেরূপ না হয়। আপনি অগ্রসর করিয়া প্রতিজ্ঞাপালনে মনোযোগী হইবেন।” যাহাতে ভবিষ্যতে আর তাঁহাদিগকে একরূপ অগ্রসার না করিতে হয় তাহার ব্যবস্থা করিবেন বলিয়া আলিবর্দি খাঁ তৎকালে প্রতিশ্রুত হইয়াছিলেন। সকল সেনাপতিই যাহাতে সমুদ্র হইতে পারেন, তাহার ব্যবস্থা করিবার পক্ষে কোন ক্রটি হইবে না, একথাও তিনি নিজ-মুখে স্বীকার করিয়াছিলেন। কিন্তু তথাপি কটকাভিযানে যে সমস্ত নূতন সৈন্য সংগৃহীত হইয়াছিল, তাহাদের এক-জনকেও রাখা হইল না, নবাবের ভ্রাতুষ্পুত্রের উদ্ধারসাধন হইতে না হইতেই এবং মুর্শিদাবাদ প্রত্যাগমনের পূর্কেই তাহাদিগকে ছাড়াইয়া দেওয়া হইল। তাহাতে মুস্তফা খাঁ প্রভৃতির মনে বড়ই বেদনা জন্মিয়াছিল, অভিমানও দেখা দিয়াছিল, না দিয়াই থাকিতে পারে না—ইহা স্বাভাবিক। সাধারণ সৈনিকগণেরও মনে একটা ঘোর অসন্তোষের সূত্রপাত হইয়াছিল। তথাপি তাহারা বিদ্যমান

অব্যাহত প্রদর্শন না করিয়া মারহাট্টাদিগের সম্মুখীন হইতে অগ্রসর করে নাই—যখন সেনাপতিগণ দেখিলেন মোসাহেব খাঁ রণশায়ী তখন তাঁহারা বিচলিত হইলেন, সেনাপতির শোক নবাবের অসহায়তারের স্মৃতিকে বলবতী ও নৈরাশ্বের বিভীষিকাময়ী মূর্ত্তিকে মানসপটে অঙ্কিত করিয়া দিল, নিরুৎসাহের জড়তা উপস্থিত হইল—তাঁহারা যুদ্ধক্ষেত্রে আর প্রাণ পুরিয়া কাজ করিতে পারিলেন না, উদাসীন্য অবলম্বন করিলেন।

আলিবর্দি খাঁও যারপরনাই অগ্রায় কাজ করিয়াছিলেন—যুদ্ধ বিগ্রহ যাহাদের জীবনের নিত্য ঘটনার মধ্যে পরিগণিত, তাঁহাদের পক্ষে সৈনিক বা সেনাপতির মনে বিরাগ সঞ্চার করা বড়ই বিপত্তিজনক—বিশেষতঃ তিনি বাঙ্গালা বিহার উড়িষ্যার নবাব, তাঁহার পদমর্যাদার পরি-নীমা নাই, তাঁহার আদর্শচরিত্রই বাঞ্ছনীয়; তাঁহার বহিরন্তর সমান হওয়া উচিত। তিনি মুখে যাহা বলিবেন, কাজেও তাহা করিবেন, তাদৃশ ব্যক্তির বাঞ্ছনীয়তা ঘটিলে তাঁহার প্রতি সাধারণের শ্রদ্ধা ও ভক্তির অপচয় হয় ও বিশ্বাসহানি জন্মে। রাজার কথার সত্যতা সম্বন্ধে যদি সাধারণের সন্দেহ থাকে, তবে তাঁহার পক্ষে তাহা অপেক্ষা সাংঘাতিক আর কিছুই নাই, সে যাহাই হউক, উপস্থিত ক্ষেত্রে তদ্বারা অপরিণামদর্শিতা ও অবিস্মৃষাকারিতার জন্ত তাঁহাকে যথেষ্ট অনুরোধ হইতে ও কষ্টভোগ করিতে হইয়াছিল।

মুস্তফা খাঁর প্রতি আলিবর্দি খাঁ আর একটা গুরুতর অত্যাচার করিয়াছিলেন,—ইতিহাসপাঠক মাত্রেই অবগত আছেন যে মুজাবাকিরই আলিবর্দি খাঁর মধ্যম ভ্রাতুষ্পুত্র ও জামাতা সৈয়দ আমেদ খাঁকে কটকের সিংহাসনচ্যুত ও সপরিবারে বন্দী করিয়াছিলেন, তাঁহার সেই বন্দীসমোচন জন্ত আলিবর্দিকে স্বয়ং কটক যাত্রা করিতে হইয়াছিল। তাঁহার এই কটকাভিযানের কথা এই প্রবন্ধের প্রথমেই বলা হইয়াছে। ময়ূরভঞ্জের রাজা উক্ত মুজাবাকিরের প্রতি বিলক্ষণ আনুগত্য রাখিতেন বলিয়া আলিবর্দি খাঁ কটকের পথে ময়ূরভঞ্জে উপস্থিত হইলে, তিনি তাঁহাকে নিরাপদে আপন রাজ্য অতিক্রম করিতে দেন নাই। তজ্জন্ত তিনি বাঙ্গালা বিহার ও উড়িষ্যার নবাবের বিলক্ষণ বিরাগভাজন হইয়াছিলেন। প্রবাদ এইরূপ যে ময়ূরভঞ্জের রাজা নবাব

সৈন্তের উপর বিলক্ষণ অত্যাচারও করিয়াছিলেন। আলি-বর্দি খাঁ প্রত্যাগমন কালে তাহার সমুচিত প্রতিফল দিবার সঙ্কল্প করিয়া যান—কটক হইতে ফিরিবার সময় নবাব ময়ূরভঞ্জ রাজ্যে উপস্থিত হইলে, তত্রত্য রাজা আপনার আসন্নবিপদ সূচনা করিয়া মুস্তফা খাঁর শরণ গ্রহণ করেন। মুস্তফা শরণাপন্নকে রক্ষা করিতে স্বীকার করিয়াছিলেন। কিন্তু তাঁহার মধ্যবর্তীতায় সুফল ফলিল না; তিনি নবাব কর্তৃক বিলক্ষণ তিরস্কৃত হইলেন। তাহার কিয়ৎকাল পরেই নবাব মিরজাফরকে হুকুম দিলেন যে, রাজা সাক্ষাৎ করিতে আসিলেই যেন তাঁহার নিকট পাঠাইয়া দেওয়া হয়। রাজা সেনাপতি মুস্তফার শরণ লইয়া কোন উপকার পাইলেন না, বরং অপকারই হইল দেখিয়া আপনিই নবাবের সাক্ষাৎকারের দায়িত্ব গ্রহণ করিলেন। সাক্ষাৎ গৃহে মিরজাফর কতকগুলি সশস্ত্র সৈনিক রাখিয়া দিয়াছিলেন—রাজা গৃহে প্রবিষ্ট হইবামাত্র তাহার রাজাকে আক্রমণ ও খণ্ড খণ্ড করিয়া ফেলিল—রাজার অনুচরগণের অনেকেই প্রহৃত ও নির্যাতিত হইল। ইহাতেই প্রতিহিংসার পর্যাবসান হইল না, ময়ূরভঞ্জ রাজ্য লুণ্ঠিত ও বিধ্বস্ত হইল। এরূপ ব্যবহারে মুস্তফা খাঁর মনে যৎপরোনাস্তি দুঃখ জন্মিয়াছিল। আফগান সেনাপতি মাত্রই তাঁহার দুঃখে স্নেহিত হইলেন—এমন কি, তাঁহাদের অধীন সেনাগণও তদ্রূপ মনঃকষ্ট অনুভব করিল। তাঁহারা সকলেই আপনাপন অনুগত ও আশ্রিত ব্যক্তিগণকে লইয়া কার্যত্যাগের সুযোগ অনুসন্ধান করিতেছিলেন, এ কথা তাঁহারা গোপন করেন নাই। সুতরাং অবিলম্বেই তাহা নবাবের কর্ণগোচর হইয়াছিল। তজ্জন্তই মহারাষ্ট্রীয়দিগের যুদ্ধে তাঁহাদের ঔদাসীন্യ দেখিয়া তিনি তাঁহাদের মনোভাব বুঝিতে পারিয়াছিলেন।

এই মহা বিপত্তির সময় সেনাগণের মনোমালিন্য দর্শনে নবাবের মনে ভয়ের সঞ্চার হইয়াছিল, কর্তব্যতাজ্ঞানও লোপ পাইয়াছিল। মুস্তফা খাঁ যে কেবল মাত্র তাঁহার সেনাপতি তাহা নহে, পুরাতন ও বিশ্বস্ত বন্ধু, সকল সেনাপতি অপেক্ষা সাহসী, দুঃসাহসিক কার্যে সমধিক অগ্রসর—তাঁহার সৈন্য সমষ্টির অর্দ্ধেক আফগান, সেই সকল আফগানের উপর মুস্তফা খাঁর অসাধারণ আধিপত্য। আফগান সেনা ও সেনাপতিগণের সাধারণ অসন্তোষ যে

সম্মত ও সহজে নিবৃত্তি পাইবে, তাহাও নিতান্ত অসম্ভব, এবং নবাব যে স্থানে ও যে অবস্থায় অবস্থিত তাহা হইতে বাহির হইয়া আসিতে হইলে তাঁহাকে শত্রু দ্বারা টুকরা টুকরা হইতে হইবে। বিপদ বড় কম নহে। বেশী দিন তদবস্থায় থাকিতে হইলে, অনশনে তনুত্যাগ করিতে হইবে। পূর্ণ বিপদ বুঝিয়া নবাব অস্ত্রের মধ্যবর্তীতায় মারহাট্টা সেনাপতির সহিত সন্ধির প্রস্তাব করিয়া পাঠাইয়াছেন—যে ব্যক্তি মধ্যস্থ হইলেন, তাঁহার নাম মীর খায়ের উল্লা খাঁ—দাক্ষিণাত্য তাঁহার জন্মস্থান, দাক্ষিণাত্যবাসী বলিয়াই পরিচিত, তিনি বর্ধমানের মহারাজার সেনাদলে বেতন বণ্টনের কাজ করিতেন। তাঁহার প্রভুই যেন নবাবের সহিত সন্ধির প্রস্তাব করিতেছেন, এই ভাবেই তিনি প্রেরিত হইলেন। ভাস্কর পণ্ডিত সহজ-সাধ্য ব্যক্তি নহেন, তিনি সর্বাঙ্গেই সন্ধির প্রস্তাব করিয়া প্রত্যাখ্যাত হইয়াছিলেন—সম্মুখ সংগ্রামে নবাবকে নিঃসন্দেহ করিয়াছিলেন। বাস্তবিক বলিলে—“তোমার প্রভুকে বলিবে, বাঙ্গালার নবাবের এখন কিছুই নাই, সমস্তই আমরা কাড়িয়া লইয়াছি, আমার সৈন্যগণ তাঁহাকে সর্বতোভাবে বেধীন করিয়া বসিয়াছে, তাঁহার পরিত্রাণের কোন উপায়ই নাই—এরূপ অবস্থায় তুমি কিরূপে সন্ধির প্রস্তাব করিতে চাহ। যাহাই হউক, তিনি সমগ্র ভারতের মধ্যে একজন মহান রাজা, তাঁহার পাদমূর্খ্যাদা রক্ষার জন্ত আমি তাঁহাকে ছাড়িয়া দিতে পারি। তবে কথা এই যে, তাঁহাকে ছাড়িয়া দিতে হইলে, আমাদের নগদ এক কোটি টাকা, এবং তাঁহার সমস্ত হস্তী-গুলি দিতে হইবে। ইহাতে সম্মত হইলে আমরা তাঁহাকে ছাড়িয়া দিব এবং তিনি আপন রাজধানীতে চলিয়া যাইবেন।” এই সংবাদ সমধিক অপমানজনক, কিন্তু হইলে কি হয়, সিংহ আনার মধ্যগত, ঘোর বিপদ! যৎকালে এই উত্তর পাওয়া গেল, তৎকালে নবাবের সমধিক বিশ্বস্ত ও সুবুদ্ধি মন্ত্রী জানকীরাম নিকটে ছিলেন। তিনিই প্রধান মন্ত্রী করিতেন। আর্থিক অবস্থা সকলই তাঁহার পরিজ্ঞাত ছিল। নবাব এ যাবৎ মৌনাবলম্বন করিয়াছিলেন, কেহই কোন কথা কহিতে সাহসী হয় নাই, পরিশেষে জানকীরাম বলিলেন,—“উপস্থিত যে কয়জন লোক অবশিষ্ট আছে, তাহাদের সকলেই সর্বস্বাস্ত ও

এরূপে শত্রু কর্তৃক পরিবেষ্টিত যে একদিনের খোরাকী জুটাইবার বা প্রাণ লইয়া পলায়ন করিবার কোন উপায়ই দেখা যাইতেছে না, সময় গতিকে শত্রুদের প্রস্তাবে সম্মতি না দিলে চলিতেছে না, হাতী কিন্তু যে একটা অসাধারণ সামগ্রী আমাদের পক্ষে তাহা নহে—রাজবাটীতে ইহাদের অপেক্ষা অনেক ভাল ভাল হাতী আছে, নবাব সরকারের অনেক কর্মচারী ও অশ্রান্ত লোকের আস্তাবলেও বহু সংখ্যক মিলিবে, বৎসর বৎসর অনেক হাতী আপনার রাজ্যে ধরাও হইয়া থাকে। টাকা এক কোটি সম্মে চম্পি লক্ষ খাজনাখানায় মজুত আছে, বাকী বাইট লক্ষের ব্যবস্থা আমিই করিয়া দিব।”

এই পরামর্শ শুনিয়া আলিবর্দি খাঁ শিহরিয়া উঠিলেন, বলিলেন—“যতক্ষণ আমার দেহে প্রাণ থাকিবে, ততক্ষণ আমি এরূপ অপমানের কাজে সম্মত হইতে পারি না—আমার এখনও যে মুষ্টিমেয় সৈন্য আছে, তাহাদিগকে লইয়া আমার বাহুবলের সম্মান রক্ষা করিয়া আমি সেই পরস্বাপহারী লুণ্ঠনকারীদের উপযুক্তরূপ শিক্ষা দিবার আশা ভরসা রাখি, আর শত্রুকে এতাদিক অর্থ দিয়া কেন তাহাদের বলবৃদ্ধি করিব? বরং যাহারা আমার জন্ত পূর্বাপর সম্মুখসংগ্রামে মরণ্য পাতিয়া দিয়া আসিয়াছে, এবং এযাবৎ কাল আমার সঙ্গে রহিয়াছে, তাহাদিগকে সেই টাকা দি না কেন, সেতো আরও ভাল।” কিয়ৎকাল নীরব থাকিয়া তিনি পুনরায় তাঁহার মন্ত্রীকে বলিতে লাগিলেন—“তোমার হাতে যে এত টাকা আছে শুনিয়া আমার বড়ই আশ্চর্য হইল, সেই টাকা হইতে দশ লক্ষ পৃথক রাখিবে, তাহা আমি আমার বিশ্বস্ত ও সমধিক সাহসী সৈনিক ও সেনাপতিগণের মধ্যে বিতরণ করিব।”

এই সকল কথাবার্তায় দিন কাটিয়া গেল, রাত্রির নিবিড় অন্ধকার আসিয়া জগৎ আচ্ছন্ন করিল, নিকটের মনুষ্য দৃষ্টিগোচর হইল না, এই সুবিধা পাইয়া নবাব-শিবিরের অনুচরগণের মধ্যে যাহারা হতসর্পস্ব ও প্রভুর সাক্ষাৎকার লাভে বঞ্চিত, তাহারা শত্রু-শিবিরে প্রবেশ করিল। নবাবের পক্ষে রহিল কেবল প্রধানপক্ষীয় ব্যক্তিগণ, সেনাপতিগণ, পদস্থ কর্মচারিগণ, আর সৈনিকের মধ্যে যাহারা অপেক্ষাকৃত প্রতিষ্ঠাপন্ন ও বিশেষ পরিচিত। সন্ধির প্রস্তাব শুনিয়া কর্মচারী ও সেনাপতিদিগের মধ্যে কেহ

কেহ আপনাপন অর্থপিপাসা মিটাইবার চেষ্টা দেখিতে-ছিলেন, তাঁহাদিগের মধ্যে মীর হবিব নামে একজন পদস্থ ব্যক্তি আলিবর্দি খাঁর প্রতি বড়ই অসন্তুষ্ট ছিলেন, তিনি গোপনে শত্রুদিগের সহিত কথা চালাচালি করিতে-ছিলেন, আর নবাবের পক্ষ পরিত্যাগের সুযোগ অনুসন্ধান করিতেছিলেন। ইতিমধ্যে মারহাট্টাগণ প্রকাশ্য স্থানে হুইটী নিশান উড়াইয়া দিয়া চীৎকার-শব্দে বলিতে লাগিল—“যে কেহ ধনপ্রাণ বাঁচাইতে চাও, এদিকে আইস”—এই কথা শুনিয়া যাহাদের বিন্দুমাত্র মর্যাদা জ্ঞান বা লজ্জা-ভয় ছিল না, তাহারা সেই দিকে যাইতে লাগিল—যাইবার সময় যাহার যাহা ছিল, সে তাহাই সঙ্গে লইয়া গেল, শত্রুরা সমস্তই কাড়িয়া লইল, তাহা দেখিয়া আর কেহই সেদিকে মুখ ফিরাইল না।

নবাব বড়ই প্রমাদ গণনা করিলেন, নিশীথ সময়ে সেই সূচীভেদ্য অন্ধকারের ভিতর দিয়া কেবলমাত্র সিরাজ উদৌলার হস্ত ধারণ করিয়া, পদব্রজে মুস্তফা খাঁর শিবিরে উপস্থিত হইলেন এবং মুস্তফা খাঁকে জ্ঞাত করিয়া “আমার কিছু বলিবার আছে, একবার বাহরে আসি বলিয়া ডাকিলেন।” সেনাপতি দেখিয়া শুনিয়া আশ্চর্য্য বোধ করিলেন, বিন্দুমাত্র বিলম্ব না করিয়া বাহরে আসিলেন এবং শিবিরের এক পার্শ্বে উপবিষ্ট হইয়া বলিলেন—“কি আজ্ঞা হয়?” নবাব প্রত্যুত্তরে বলিলেন—“তাই মুস্তফা খাঁ, মনুষ্যের প্রাণ অপেক্ষা প্রিয় আর কিছুই নাই, কিন্তু এখন আমার এরূপ অবস্থা যে যত শীঘ্র হয় তাহা ত্যাগ করাই শ্রেয়োজ্ঞান করিতেছি; অতএব আমার নিজটির জন্ত তোমাকে আর কোন দূরবর্তী উপায় অবলম্বন করিতে হইবে না, এমন কতকগুলি ঘটনা ঘটয়াছে, যাহার জন্ত তুমিও আমার উপর নিতান্ত বিরক্ত। আমার প্রাণাপেক্ষাও প্রিয়তর সিরাজ উদৌলাকে লইয়া তোমার নিকটে আসিয়াছি, আমাদের সঙ্গে কেহই নাই—এখন এক এক গুলিতেই আমাদের দফারফা শেষ করিয়া তোমার মনের দুঃখ মিটাও। কিন্তু যদি দীর্ঘকালের বন্ধুতা এবং আমার নিকট প্রাপ্ত উপকারের কৃতজ্ঞতাস্বীতি তোমার মনে অদ্যাপি স্থান পাইয়া থাকে, আর আমার যথেষ্ট মার্জনা করিতে পার, অধিকন্তু আমার এই আসন্নকালে আমার সহায় হইতে ইচ্ছা কর, তাহা

হইলে আমার সঙ্গে নূতন করিয়া বন্দোবস্ত কর, আর প্রতিজ্ঞা করিয়া বল, যে আমাকে ছাড়িবে না, আমাকে নিকরবেগ করিবার ইহাই একমাত্র উপায়, আর মারহাট্টা-দিগের সম্বন্ধে কি করিব তাহারও উপায় চিন্তা করিবার অবসর দাও—কারণ তাহাদিগের নিকট আত্মসমর্পণ করা অপেক্ষা আমি সকল দিক ভাল করিয়া দেখিতে চাই।” সেনাপতি অকস্মাৎ এরূপ সম্ভাষণে কিংকর্তব্যবিমূঢ় হইয়া এবং অগ্রপশ্চাৎ বিবেচনা করিবার অবকাশ না পাইয়া উত্তর করিলেন—“আমি একাকী এই সকল কথা উত্তর দিতে পারিতেছি না, আমার স্বদেশবাসী অশ্রান্ত সেনাপতির সহিত পরামর্শ করিয়া আপনার সুগোচর করিব।”

আলিবদ্দি খাঁ এইরূপ তীব্র উত্তর পাইয়া বিদ্রুমান্ত অসন্তোষ প্রকাশ করিলেন না, এই মাত্র বলিলেন—“আমার কোন আপত্তি নাই, তবে তাহাই কর।” মুস্তফা খাঁ সমস্ত আফগান সেনাপতিকে তৎক্ষণাত ডাকিয়া পাঠাইলেন; তাঁহার সকলে আসিয়া উপস্থিত হইলে, নবাবকে বলিলেন—“আপনার সিপাহীর নিকট এই মাত্র যাহা বলিলেন, তাহা এই সকল সেনাপতিকে বলুন।” আলিবদ্দি তাহাই করিলেন। সকলেই নীরবে তাহা শ্রবণ করিলেন। কিন্তু কেহই কোন উত্তর করিলেন না—মুস্তফা খাঁ স্বয়ং তখন তাঁহাদিগকে সম্বোধন করিয়া বলিলেন—“ভাই সকল, উত্তর করিতেছ না যে,—তোমাদের মনে যাহা আছে বল।” সমশের খাঁ ও সর্দার খাঁ সকলের হইয়া বলিলেন,—“মুস্তফা খাঁ আমাদের সকলেরই প্রধান, জাতির মধ্যেও শ্রেষ্ঠ, তিনি যাহা বলিবেন, তাহাই তাঁহাদের, আপনাদের গ্রাহ্য গণ্য হইবে। অতঃপর মুস্তফা খাঁ তাঁহাদিগকে বলিতে লাগিলেন—“বন্ধুগণ, আমি তোমাদিগকে অকপটচিত্তে বলিতেছি যে, এ পর্য্যন্ত আমার মনে যাহা ছিল, তাহা আর নাই; উপস্থিত আমার এবং আমার পরিজনবর্গের ধন মান প্রাণ যাহা কিছু সমস্তই আমার প্রভু ও প্রতিপালকের পদে সমর্পণ করিয়াছি, বতক্ষণ আমার দেহে এই মস্তক সংলগ্ন থাকিবে, ততক্ষণ তাহা আলিবদ্দি খাঁর, তাঁহার পুত্র কন্যাগণের এবং তাঁহার পরিজনবর্গের জন্ত দেওয়া আছে। বতক্ষণ মুস্তফা খাঁ জীবিত থাকিবে, ততক্ষণ নবাবের সামান্য ভৃত্যের

অশ্বপদে তাহার মস্তক সংলগ্ন থাকিবে। আমাদের হতাশ হইবার কারণ নাই—আমাদের প্রবাদবাক্য তোমাদিগকে নূতন করিয়া বলিতে হইবে না—যে চল্লিশখানি তরবারি একত্র হইলে একটা রাজ্যলাভ করা বাইতে পারে। এখনও আমাদের তিন হাজারেরও বেশী অশ্বারোহী সেনা আছে, কেন আমরা যুদ্ধ না করিব, এ অবস্থায় ভীত ও হতাশ হওয়া নিতান্ত কাপুরুষের কাৰ্য্য, আমি আশা করি যে, ঈশ্বরানুগ্রহে আমরা সেই বিশ্বাসিগণকে শিকস্ত করিয়া জয়লাভ করিবই। মহাশয়গণ, আমি আপনাদিগকে আমার নিজের কথা বলিলাম, আপনারা এখন আপনাপন মনের ভাব আপনারা বুঝিয়া যাহা কষ্টকাষ বোধ হয়, তাহাই করুন।” অতঃপর তিনি যাহাতে আপন প্রতিজ্ঞা রক্ষা করিতে পারেন, তাহার জন্ত ভগবানের নিকট প্রার্থনা করিতে বসিলেন, সকলেই তাঁহার সহিত যোগদান করিলেন। নবাব তাহা দেখিয়া আপন শিবিরে প্রত্যাগত হইলেন। পরদিন প্রাতঃকালে তিনি আপনার বিশ্বস্ত বন্ধু গোলাম আলি খাঁকে আফগান সেনাপতিগণের মনোভাব বুঝিবার জন্ত তাঁহাদিগের শিবিরে পাঠাইয়া দিলেন। গোলাম আলি খাঁ কিছুদিন আজিমাবাদে দেওয়ানী করিয়াছিলেন, তাঁহার পুত্র ইসফ আলি ষা সরকার খাঁর এক কন্যাকে বিবাহ করিয়াছিলেন বলিয়া আফগান সেনাপতি মুস্তফা খাঁর সহিত বিলক্ষণ ঘনিষ্ঠতা রাখিতেন।

তিনি মুস্তফা খাঁর শিবিরে গিয়া কিয়ৎকাল তাঁহার সহিত কথোপকথনের পর বিদায় লইবেন, এমন সময় সমশের খাঁর প্রেরিত এক ব্যক্তি আসিয়া জানাইল যে—“গত কল্যকার চুক্তি অনুসারে মারহাট্টাদের নিকট যে পতাকা ও নিশানা চাহিয়া পাঠান হইয়াছিল, তাহা আসিয়া পাইছিবে, তিনি জানিতে চাহিলেন যে সে সম্বন্ধে এখন কি করা যাইবে।” মুস্তফা খাঁ গত রাত্রির সমস্ত কথা বলিয়া শেষে এই বলিয়াছিলেন যে—“যে কোন আফগান সন্তান গত রাত্রির বন্দোবস্ত মত কাজ করিতে কৃতনিশ্চয় হইবে।” গোলাম আলি খাঁ এই কথা শুনিয়া আলিবদ্দির শিবিরে প্রত্যাগমন করিলেন এবং সমস্ত কথাই তাঁহাকে অবগত করিলেন। তাহা শ্রবণ করিয়া আলিবদ্দি খাঁ সুষ্ট ও স্বচ্ছন্দমনে শত্রুর সহিত

সংগ্রাম করিতে সঙ্কল্পারূঢ় হইলেন। কিয়ৎকাল যুক্তি-পরামর্শের পর স্থির হইল যে এ যাত্রা মুর্শিদাবাদ ফিরিয়া যাওয়াই শ্রেয়ঃ—সেখানে কয়েক দিন বিশ্রামের পর পুনরায় নূতন বল সঞ্চয় করিয়া শত্রুর সম্মুখীন হইবেন। সমস্ত দিন এইরূপেই অতিবাহিত হইল, পুনরায় সূর্যাস্ত হইল পুনরায় নৈশাক্ষকারে প্রকৃতির প্রফুল্লবদন মলিন হইল। মহারাষ্ট্রীয়েরা আপনাদের লুণ্ঠিত কামানটী একটা রক্ষে বাঁধিয়া অনবরত তোপধ্বনি করিতে লাগিল। সমস্ত রাত্রির মধ্যে নবাব-শিবিরে চীৎকার ও ক্রন্দনধ্বনি ব্যতীত আর কিছুই শ্রুত হইল না। বর্দ্ধমানাধিপের দেওয়ান নাগিকচাঁদ শিবিরে অবস্থিতি করিতেছিলেন, নশ্বস মরহত্যা ও নিষ্ঠুর উৎপীড়নের দৃশ্যে ভীত হইয়া সমস্ত রাত্রি ঘুমাইতে পারিলেন না, কেবলই দিবাগম প্রতীক্ষা করিতে লাগিলেন এবং সকাল হইলেই পলাইয়া আপন প্রভুর নিকট উপস্থিত হইবার জন্ত ব্যাকুল হইলেন। পতীর নিশীথ সময়ে মারহাট্টাগণ নবাব-সৈন্যকে পুনরায় আক্রমণ করিল, সেই আক্রমণ এতই আকস্মিক যে প্রতিপক্ষের অস্ত্রগ্রহণের সময় ও সুবিধা হইল না, মহারাষ্ট্রীয়েরা একবারে নবাব-সৈন্যের ভিতরে আসিয়া উপস্থিত হইল। মীর হবিব অপর সকল অপেক্ষা একটু বেশী অসতর্ক ছিলেন, সহজেই শত্রু পরিবেষ্টিত হইয়া বিলক্ষণ আহত ও বন্দী হইলেন। পরিশেষে বাধ্য হইয়া তাহাকে মারহাট্টাদের চাকুরি স্বীকার করিতে হইল। নবাবের পক্ষে হাইদার আলি খাঁ বড়ই ক্ষিপ্ৰকারিতার সহিত তোপখানার কাৰ্য্য সম্পাদন করিয়াছিলেন, তাঁহার সুকৌশলে বহুল শত্রুসেনার বিনাশসাধন হইল।

অল্প দিকে মুস্তফা খাঁ, সমশের খাঁ, ওমর খাঁ, সর্দার খাঁ ও রহিম খাঁ প্রভৃতি সেনাপতিগণ বিপুল বিক্রমে যথাতথা গণ্ডগণকে আক্রমণ করিয়া ব্যতিব্যস্ত করিয়া তুলিলেন। অসংখ্য শত্রুসেনা সমরক্ষেত্রে শয়ন করিল, বড় বড় মারহাট্টা বীর প্রাণ হারাইল দেখিয়া, বিপক্ষের মনে ভীতি-সঞ্চার হইল, পূর্বে যেমন তাহারা যেখানে সেখানে আক্রমণ করিতেছিল, অতঃপর তাহাতে ক্ষান্ত হইয়া দলবদ্ধ হইতে লাগিল—তাহাতে বঙ্গীয় সেনা স্বচ্ছন্দে নিশ্বাস ত্যাগের অবসর পাইল এবং আর বিলম্ব না করিয়া যুদ্ধ করিতে করিতে কাটোয়ার পথে অগ্রসর হইল। কিন্তু

তাহাদের বাহা কিছু ছিল সকলই গেল, দ্বিতীয় পরিচ্ছদ রহিল না, পান ও ভোজন পাত্রও ছিল না, সঞ্চিত খাদ্যের ত কথাই নাই। দুই তিন সহস্র অশ্বারোহী বুদ্ধক্স অশ্ব-পৃষ্ঠে ছয় হাজার পদাতিক ক্ষুধাতৃষ্ণা ও পথশ্রমে কাতর যুদ্ধ করিতে করিতে পূর্ণ গতিতে চলিতে লাগিল। মহা-রাষ্ট্রীয় সৈন্যও তাহাদিগকে আহাৰ ও বিশ্রাম গ্রহণের অবসর না দিয়া চতুর্দিক বেষ্টিত করিল এবং অবিরাম আক্রমণ দ্বারা বিব্রত করিতে করিতে তাহাদের পশ্চাদ্ধাবিত হইল। সেই সকল স্থানের ও সেই সময়ের কি বিকট দর্শন—ভাবিলেও সর্বাঙ্গ শিহরিয়া উঠে। বর্দ্ধমান হইতে কাটোয়ার পথ ভীতিসঙ্কুল—মারহাট্টা ও মুসলমান সৈন্যে পরিপূর্ণ, পথে ঘাটে মাঠে যেখানে সেখানে নর-শোণিতের ছড়াছড়ি—স্থানে স্থানে সিপাহীর শব, কোনটা ছিন্নকণ্ঠ, কোনটা চূর্ণশীর্ষ, কোনটা বা দ্বিখণ্ডিত,—শবের সংখ্যা হয় না, আঘাতেরও বর্ণনা করা যায় না—শকুনি, গৃধিনীর মেলা, কুকুর শৃগালাদি মাংসাদ জন্তুগণের আনন্দ কোলাহল। গ্রাম পল্লী নীরব নিস্পন্দ, সকলেরই গৃহদ্বার বন্ধ—কেহ পথে বাহির হয় না, পথিক পথচলে না, স্নাতক ঘাটে নাহে না, অনেকেরই অস্তঃপুর আবদ্ধ, দূরে বিকট বজ্রধ্বনির শ্রায় অনবরত তোপধ্বনি,—সেই শব্দে জননীর কোলে শিশু শিহরিল, বৃদ্ধের হৃৎকম্প হইল, যুবাজনে চমকিয়া উঠিল, সেকালে গ্রামে অনেকে বন্দুকের শব্দ শুনে নাই—সকলেই আপনাপন গৃহমধ্যে বসিয়া বিপত্তি-কালে মধুসূদনকে স্মরণ করিতে লাগিল—উচ্চৈঃস্বরে কথাকথি কহিতে কাহারও সাহসে কুলায় না—দোকানদারের দোকানপাট বন্ধ, কুস্তকার-গৃহে হাঁড়ি পিটিবার শব্দ নাই, কস্মকারশালা নীরব, তাঁতির তাঁত চলে না, শিব শাল-গ্রামের নিত্যসেবা বন্ধ—কৃষক মাঠে যায় না, গরু চরিতে পায় না, নিঃসঙ্কল গৃহস্থের উনান জলে না—খাইতে না পাইয়া ছেলেও কাঁদে না। এরূপ দুঃসময় দুর্দিন বাঙ্গালী গৃহস্থের কোন কালে ঘটে নাই। যোর বিপত্তির সময়। সকলেই যেন “প্রাণ হাতে” করিয়া বসিয়া আছে।

কাটোয়ার পথে মুসলমান ও মারহাট্টার যে যোরতর সংগ্রাম হয়, তাহার চিত্র অনেক দিন পর্য্যন্ত তদ্দেশবাসী-দিগের হৃদয়ে অঙ্কিত ছিল। বঙ্গীয় সেনা এরূপ অনাহার ও উপবাসেও অস্থির হয় নাই—সেনাপতিগণের রণোন্ম-

ত্তা, তাহাদের সকলকে সকল অবস্থাতেই উত্তেজিত করিয়া রাখিয়াছিল। রাঢ় অঞ্চলের পুণ্যপিপাসু ব্যক্তির গ্রামাচ্ছাদনের বাস্তব সঙ্কচিত করিয়া মাঠের মধ্যে যে বড় বড় পুষ্করিণী দীঘি সরোবরাদি খাত করিয়া পিপাসিতের জন্ত জলদান করিয়া গিয়াছেন, সেই সকল জলাশয় দ্বারা বঙ্গীয় সেনার যথেষ্ট উপকার সাধিত হইল। সেই সকল জলাশয়ের চতুঃপাশে বড় বড় "পাড়"—তাহাতে নানা-জাতীয় ফলকর গাছ; সমস্ত দিনের পথশ্রম ও রণক্রান্তির পর সন্ধ্যার সময় এই সকল জলাশয়ের তীর আশ্রয় করিয়া গাছের ফলপাতা, মাঠের শাক ও ঘাস খাইয়া তৃণশস্য অঙ্গস্থাপন করিয়া তাহারা নিদ্রা যাইত। ছোট বড় সকলেরই এই দশা—কাহার জন্ত বিশেষ কোন বন্দ্যবস্ত ছিল না—মারহাট্টাদিগের দিন রাত্রি ভেদ ছিল না, তাহারা সকল সময়েই যুদ্ধ করিত, দিনের স্নান রাত্রি-কার্নেও নবাব সৈন্যকে বেঁধে রাখিয়া থাকিত, কিন্তু নিকটে ঘেঁসিত না। প্রভাত হইলেই তাহাদের আংশিক সৈন্য দলে দলে বিভক্ত হইয়া দশ বার ক্রোশ দূরবর্তী গ্রামে প্রবেশ করিয়া লুণ্ঠন করিত, শেষে তাহাতে অগ্নি প্রজ্জ্বলিত করিয়া দিয়া গ্রামান্তরে প্রবেশ করিত। এইরূপে প্রতিদিন বহুগ্রাম ভস্মীভূত হইত। একজন্ত বঙ্গীয় সেনার খাদ্যাভাব ঘুচিত না। এইরূপ অনশন ও উপবাস ক্রেশ সহ করিয়া যুদ্ধ করিতে করিতে ক্রমে তাহারা বন্দুক ধরিবার শক্তি হারাইতে বাসিল; বুদ্ধের বন্দুক পত্র এবং পিপি-লিকা ও তজ্জাতীয় কীট পতঙ্গ ভক্ষণ করিয়া কষ্টে সৃষ্টে কোন রকমে জীবন ধারণ করিয়া রহিল; এ সময়ে তাহারা যে অসাধারণ কষ্টভোগ করিয়াছিল, তাহার বর্ণনা কোন মতেই বিশ্বাসযোগ্য হইতে পারে না। ইউসুল আলি খাঁ এই মারহাট্টা যুদ্ধের যে বিবরণ লিপিবদ্ধ করিয়া গিয়াছেন, তাহা পাঠ করিলে অশ্রুসম্ময় করা যায় না—বর্ধমান হইতে কাটোয়ার পথে তিন দিন অতিবাহিত হইয়াছিল, এই তিন দিনের মধ্যে তিনি বহুকষ্টে এক দিন তিন পোয়া ওজনে খেচরান জুটাইয়া পলায় কালিয়াভুক্ সাতটি সস্ত্রাস্ত সেনাপতি মিলিয়া তাহাই আহার করিয়াছিলেন। এক দিন সাতখানি মালপো জুটিল, তাহাও সেইরূপে ভাগ করিয়া ভক্ষণ করা হইল, আর এক দিন আধ সের আন্দাজ পচা মাংস পাওয়া গেল, তাহাই উপাদেয় জ্ঞানে সকলে

গ্রহণ করিলেন, কিন্তু যখন তাহা পাক করা হইতেছিল, তখন আরও কয়েক জন আসিয়া এক এক গ্রাস খাইতে চাহিল, না দিয়া কে থাকিতে পারে—তদ্বারা "চটকস্ত মাংসং ভাগ শতং" এই মহাবাক্য সার্থক হইল; এক দিন টাকা দিয়াও খাদ্য মিলিল না—অপরের কথা নহে, বাঙ্গালা-বিহার-উড়িষ্যার নবাব-সেনাপতিদিগের কথা। ইহা অপেক্ষা দুঃখ ও আক্ষেপের বিষয় কি আর আছে। এইরূপেই বঙ্গীয় সেনার দুঃখের দিন অতিবাহিত হইতে লাগিল দেখিয়া সেনাপতিগণের বড়ই ক্রোধ জন্মিল—একদিন সায়ংকালে মুস্তফা খাঁ সেনাগণকে বলিলেন—মুসলমান ধর্মের লজ্জা, আফগান জাতির অপমান যে নীচ দাক্ষিণাত্যবাসীরা দিবারাত্র তোমাগিকে বেঁধে রাখিয়া তাড়া করিবে, আর তোমরা সেই সকল বিধর্মীর অত্যাচারের প্রতিশোধ লইতে পরাস্ত হইয়া অনাহার, অনশনে শুকাইয়া মরিবে।" সেনাপতির এই তেজস্বিনী বক্তৃতা বার্থ হয় নাই—যাহাদিগকে তিনি সম্বোধন করিয়া এই সকল কথা বলিয়াছিলেন, বাস্তবিকই বাহারা নিতান্ত নিস্তেজ ও নিরীর্ঘ্য ছিল না, তাহাদের বল বিক্রম অনেক-বার পরীক্ষিত হইয়াছিল, সকলে মিলিয়া উত্তর করিল,—আপনি আমাদের নেতা, আপনি যেরূপে আমাদিগকে পরিচালিত করিবেন, আমরা সেইরূপেই চলিব।


এই কথা শুনিয়া মুস্তফা খাঁ ঢাল তরবারি লইয়া বাহির হইলেন, কতকগুলি সৈনিক বেড়াইতে বাইবার ভাবে তাহার সঙ্গে সঙ্গে চলিল, সেনাপতি অহুচরগণকে কয়েকটি ক্ষুদ্র ক্ষুদ্র সম্প্রদায়ে বিভক্ত করিলেন এবং মহারাজ্য শিবিরের নিকটবর্তী হইয়া দেখিলেন, কতক-গুলি সেনা যুদ্ধসজ্জা পরিত্যাগ করিয়া সন্ধ্যাবন্দনাটির আয়োজন অনুষ্ঠান করিতেছে, কতকগুলি বা ডাইল কীটী পাকাইতেছে। ক্ষুধাক্লিষ্ট শীর্ণদর্শকগণের নিকট কোন অপকারের আশঙ্কা না করিয়া তাহারা নিশ্চিন্তমনে আপনাপন কাজে অভিনিবিষ্ট ছিল, তাহাদের অসতর্কতার সুযোগে সাহুচর মুস্তফা খাঁ আপনাদের তরবারি বাহির করিয়া তাহাদের অনেককেই কাটিয়া খণ্ড খণ্ড করিলেন। খাণ্ড-দ্রব্য যাহা কিছু সম্মুখে পাইলেন, সমস্তই লুটিয়া লইয়া আসিলেন, প্রস্তুত খাত, চাউল ডাইল অনেক পাওয়া গেল—তিন দিন উপবাসের পর সকলেই উদরপূর্ণ করিয়া

খাইয়া দুর্বলদেহে বল পাইল! অতঃপর মহারাজ্যীয়দিগের চৈতন্য হইল, তাহারা আর একরূপ আতঙ্কিত হইল না। এই-রূপ দুর্দশান্বিত হইয়া বঙ্গীয় সেনা কাটোয়ার দিকে অগ্রসর হইতেছিল, ইতিমধ্যে একদল মহারাজ্যীয়েরা উবার আলোকপাতের সঙ্গে সঙ্গে হঠাৎ একরূপভাবে নবাব সৈন্যের মধ্যবর্তী হইল যে তাহাদের কাহারও যুদ্ধার্থে সজ্জিত হইবার সুবিধা হইল না, দলবদ্ধ হইবার ত কথাই নাই—যে যেখানে ছিল, তাহাকে সেইখানে থাকিয়াই শত্রু-সম্মুখীন হইতে হইল, কাহারও কাহাকে সাহায্য করিবার উপায় রহিল না, কে কি করিতেছে দেখা গেল না—সকল-কেই একাকী যুদ্ধ করিতে হইল,—সেনাপতি, সৈন্যাধ্যক্ষ বা নবাব স্বয়ং কে কোথায় কি করিতেছেন—কিছুই জানা গেল না,—সকলেই একাকী যুদ্ধে প্রবৃত্ত। বারবার নাই দুর্ঘটনা, বড়ই দুর্দেব! নবাবও সেইরূপে একাকী শত্রুবেষ্টিত হইয়া অল্প চালাইয়া করিতেছিলেন—নিকটে আপনার বলিতে কেহই ছিল না! তাহার অবস্থা বড়ই শোচনীয় হইয়া আসিল, একরূপ সময়ে আশ্চর্যরূপে দৈব সুপ্রসন্নতা লাভ হইল—ঈশ্বর স্বয়ং যেন সেদিন বিপনের সন্ধ্যা হইলেন। সেই অত্যন্ত দৈব ঘটনার কথা বোধ হয় আলিবর্দি খাঁর যাবজ্জীবন স্মৃতিমন্দিরে জাগরুক ছিল।

নবাব হস্তীপৃষ্ঠে ছিলেন—নবাবের হস্তীর পুরোভাগে দুইটি করিয়া হস্তী রাজকীয় পতাকাদি বহন করিয়া বাই-বার রীতি ছিল, ত্রৈ দুই হস্তীর দন্তের উপর ভারী ভারী শৌহ শৃঙ্খল থাকিত। গজের মূর্তি গতির সঙ্গে সঙ্গে সেই শৌহ শৃঙ্খলের সঞ্চালনজনিত একপ্রকার শ্রুতিমধুর শব্দ হইত, হস্তীগণ সেই শব্দ শুনিয়া আক্লাদে নাচিতে নাচিতে চলিয়া যাইত। এই দুইটি হস্তী আপনাদের নিকটে এতাদৃশ অদৃষ্টচর ব্যক্তিকে দেখিয়া যেন কোন দেবাজ্ঞা পালনার্থী একরূপ কৌশলে আপনাদের দশনদ্বয় সঞ্চালন করিতে লাগিল যে তরুপরিস্থ শৃঙ্খল বাহারই অঙ্গে প্রস্থত হইল তাহারই শমন সাক্ষাৎকার ঘটিল; এইরূপে হস্তীযুগল বহু অক্ষ ও অধারোহীর প্রাণ সংহার করিল। মারহাট্টাগণ এই অভূতপূর্ব ব্যাপার দর্শনে আশ্চর্য হইয়া অগ্রসর হইতে সাহসী হইল না, দূরে পলা-য়ন করিল, এই সুযোগে নবাব সৈন্য তাহার উদ্ধারার্থ নিকটবর্তী হইল এবং আপনারাও সুব্যবস্থিত হইল।

ইহার পর তাহারা সকলে মিলিত হইয়া শত্রুসৈন্য আক্র-মণ করিবার অবসর পাইল, এই বারে অনেক মহারাজ্যীয় সৈন্য প্রাণ হারাইল,—এইরূপ ও অশ্রুপূর্ণ নানা বিঘ্ন বিপত্তি ভোগ করিয়াও নবাব সৈন্য যে সমূলে বিনষ্ট হয় নাই—সাম্প্রদায়িক সম্মান রক্ষা করিয়াই জীবিত ছিল ইহাই পরম সৌভাগ্যের বিষয়। অবশেষে তাহারা মুশিবা-বাদ হইতে দক্ষিণে দুইদিনের পথ দূরে কাটোয়া নামক স্থানে উপস্থিত হইয়া অনেকটা আশ্বস্ত হইল। কাটোয়া একটা বাণিজ্যপ্রধান নগর, সেখানে নবাবের একটা দুর্গ ও অনেক কর্মচারী থাকিতেন।

শ্রীঅধিকাচরণ গুপ্ত ।



## পাহাড়ী বাবা ।

প্রথম পরিচ্ছেদ ।

“গুরুদেব, আমার দশা কি হ’বে?”

“কোন ভয় নাই না! তারা—তারা।”

গলগলীকৃতবাদ্য এক বিধবা সাক্ষনরনে গুরুর চরণে প্রণত হইয়া করবোধে প্রশ্ন করিল “গুরুদেব, আমার দশা কি হইবে?”

আর বিধবারই সম্মুখে যে রক্তবস্ত্র-পরিহিত দীর্ঘকায় মহাপুরুষ দাঁড়াইয়াছিলেন, তিনি সেই প্রণত-শিষ্যার মস্তক আপন চরণাম্বলির দ্বারা তিনবার স্পর্শ করিয়া উত্তর করিলেন—“কোন ভয় নাই না। তারা—তারা।”

বিধবা তাড়াতাড়ি একখানি আসন পাতিয়া দিল। গুরুদেব সেই আসনে উপবেশন করিলেন। কিছুক্ষণ উভয়েই নীরব। তবে বিধবার নয়নাশ্রু নীরবে পতিত হইলেও, তাহার স্নদীর্ঘ নিশ্বাসের শব্দ মধ্যে মধ্যে শুনিতে পাওয়া যাইতেছিল। অবশেষে গুরুদেব কহিলেন,— “আমার শিবনাথ যে এ দেহ পরিত্যাগ করে শীঘ্রই স্বর্গে চ’লে যাবে, এ কথা আমি অনেক পূর্বেই জেনেছিলাম, আর তার জন্তে প্রস্তুতও হ’য়েছিলাম। তারা—তারা।”

বিধবা চক্ষের জল মুছিয়া কহিল,—“আপনি সর্বজ্ঞ—  
আপনি সকলই জানতে পারেন।”

গুরুদেব পুনরায় বলিতে আরম্ভ করিলেন—“তবে  
মৃত্যুটা বড়ই আকস্মিক হয়েছে। তুমি মা, একরূপ বিপদের  
জন্ত কিছুই প্রস্তুত হ'তে পার নাই। সেই কারণ, স্বামী-  
শোকে তোমায় বড়ই অধীর দেখছি। দেখ মা, বিপদের  
সময় একরূপ অধীর হ'লে চলে না। জন্ম হ'লেই মৃত্যু  
আছেই। মৃত্যুর আর অল্প অর্থ কি? একখানা জীর্ণ  
বস্ত্র পরিচাণ ক'রে, অল্প একখানা নূতন বস্ত্র পরিধান  
করা বই ত নয়? তবে আর এর জন্তে বৃথা শোক করা  
কেন মা? তারা—তারা।”

বিধবা। গুরুদেব, এ পৃথিবীতে আমার যে আর  
কেউ নাই। এ বিজন পাহাড়ে যার মুখ চেয়ে আমি সকল  
কষ্ট ভুলেছিলাম, তিনি আমার বড় ফাঁকি দিয়ে চলে  
গেছেন। তিনি—

কথা কয়েকটি বলিতে বলিতে প্রথমে বিধবার সে  
নীরব ক্রন্দন উচ্চ ক্রন্দনে পরিণত হইল। তার পর সে  
কণ্ঠস্বর রুদ্ধ হইয়া গেল—বিধবা আর কোন কথা  
কহিতে পারিল না—কেবল ফুলিয়া ফুলিয়া কাঁদিতে  
লাগিল। গুরুদেব তখন বিধবাকে সান্ত্বনা করিয়া  
কহিলেন—“দেখ মা, তোমার স্বামী স্বর্গে গিয়েছেন।  
তুমি একরূপ শোকে অধীর হ'লে, তাঁর সেই স্বর্গস্থে বিদ্র  
দট্টে পারো। তুমিও আমার শিষ্যা—তুমি যদি আমার  
সম্মুখেই একরূপ শোকাতুরা হও, তা হ'লে আমি মনে করবো,  
তুমি আমার উপযুক্ত শিষ্যা নও।”

গুরুদেবের এই কথায় বিধবার সেই ছরুল হৃদয়ে যেন  
কিঞ্চিৎ বল সঞ্চার হইল। বিধবা যেন জোর করিয়া  
সেই অস্থির হৃদয়কে কথঞ্চিৎ স্থির করিল। তার পর  
নীরে ধীরে কহিল,—“গুরুদেব, আমি বড় হতভাগিনী।  
তিনি যদি দশ দিন বিহানায় পড়ে থাকতেন, আর আমি  
যদি মৃত্যুকালে প্রাণপণে তাঁর সেবা করতে পেতুম, তা  
হ'লে বোধ হয়, আমার এত কষ্ট হ'তো না। আমার স্ত্রী-  
জন্ম বৃথা হয়েছে—আমি তাঁর সবার বঞ্চিত হয়েছি।”

গুরু। কেন মা, তোমার ত সে ক্ষোভের কোন  
কারণই নাই! আমি শিবনাথের মুখেই শুনেছি—  
তোমার বিবাহের দিন থেকে তুমি এক দিনের জন্তেও স্বামী

ছাড়া হও নাই। সে বিষয়ে তুমি ত ভাগ্যবতী বলতে হ'বে।  
আমি শুনেছি—যখন শিবনাথের প্রথম চাকুরী  
হয়, তখন বিদেশে স্বামী সঙ্গে পাঠাতে তোমার পিতা-  
মাতার আদৌ মত ছিল না, কিন্তু তুমি সে মত উপেক্ষা  
করে, এই সুদূর পাহাড়ে দেশে স্বামী সঙ্গে চলে এসেছিলে।  
তোমার স্বামীসেবার আবার কি ক্ষোভ আছে মা?  
তারা—তারা।

বিধবা। আমার কিন্তু মনে হয়—আমি তাঁর কোন  
সেবা করতে পারি নাই। বিশেষতঃ মৃত্যুকালে—

বলিতে বলিতে আবার কোথা হইতে অজস্র অশ্রুবিন্দু  
আসিয়া বিধবার নয়নপ্রান্তে দেখা দিল। আবার বিদ্রু  
পর বিন্দু ঝরিতে আরম্ভ করিল। বিধবা বস্ত্রাঞ্চলে সে অশ্রু-  
বিন্দু মুছিয়া ফেলিয়া আবার হৃদয়কে দৃঢ় করিল। তার  
পর বলিতে লাগিল—“তিনি আমার বড় ফাঁকি দিয়ে  
চ'লে গেছেন। গুরুদেব, তোমার সাক্ষাতে বলছি,—কেবল  
মহামায়ার জন্তই এ প্রাণ রেখেছি, তা নইলে এ পৃষ্  
প্রাণ ত্যাগ করে, আমিও হাস্তে হাস্তে তাঁর অনুগামিনী  
হতুম।”

মহামায়ার নাম মাত্র শুনিয়া গুরুদেব ঈষৎ চমকিয়া  
উঠিয়া আগ্রহের সহিত কহিলেন,—“আমার মহামায়া  
কোথায়? তারা—তারা।”

বিধবা। এ ঘটনা হ'য়ে পর্যন্ত আমি মহামায়াকেও  
পূর্বের মত বস্ত্র করতে পারি না। লোহিয়াই তা  
ভুলিয়ে নিয়ে রেখেছে।

গুরু। সে বালিকা পিতৃশোকে অধীর হয় নাই  
ত? তারা—তারা।

বিধবা। সেই ঘটনা থেকে মহামায়া যেন কেমন  
এক রকম হয়ে গেছে। সে আর পূর্বের মত পাহাড়ে  
পাহাড়ে দু'রিয়া বেড়ায় না—পাহাড়ী মেয়েদের সঙ্গেও  
আর খেলা করে না। তবে লোহিয়া তাকে প্রায়ের  
সহিত ভালবাসে—আর সেই তাকে মানুষ করেছে।  
লোহিয়া আছে বলেই,—আমি মহামায়ার ভাবনা বড়  
ভাবি না। তবে মহামায়ার সম্বন্ধে আমার অল্প ভাবনা  
অনেক আছে। এতদিন সে সকল ভাবনা আমার ভাব-  
বার আবশ্যক ছিল না—যার ভাবনা সেই ভাবিত। এখন  
আমি কি করবো—সেই জন্তই আপনার শরণাগত হয়েছি।

গুরু। সে সম্বন্ধে কি স্থির করেছ মা?  
বিধবা। আপনি ত অনুধ্যামী—সকলই মনে মনে  
জানতে পাচ্ছেন। তবে আমার এ ছলনা কেন প্রভু?

গুরু। তুমি ত দেশে যেতে মনস্ত করছ মা।  
তারা—তারা।

বিধবা। তা ভিন্ন আমার আর অল্প উপায় কি?  
যার জন্য দেশত্যাগী হয়ে—এই নির্জন্ম পাহাড়ে থাকা—  
তিনি ত আর নাই।

গুরু। সেখানে ত তোমার আত্মীয় স্বজন কেহ নাই  
মা, সেখানে তোমায় কে দেখবে? তারা—তারা।

বিধবা। সেখানে ছুর্গদাস বাবু আছে—আমি  
তাঁরই ভরসায় দেশে যাচ্ছি।

গুরু। ছুর্গদাস বাবু কে?

বিধবা। তিনি আমার স্বামীর বন্ধু—প্রতিবাসী—পরম  
আত্মীয়। একত্রে অনেক দিন উভয়ে কাজকর্মও করে  
ছিলেন।

গুরু। হাঁ—হাঁ—শিবনাথের নিকট তাঁর নাম  
অনেকবার শুনেছি বটে। তিনি ত পেশোয়ারে থাকেন  
নয়? তারা—তারা।

বিধবা। পূর্বে থাকতেন বটে, কিন্তু আজ সাত  
আট বৎসর কাজকর্ম ছেড়ে দিয়ে তিনি ভবানীপুরেই  
বাস করছেন।

গুরু। তোমার ভবানীপুরের বাড়ীর ভাড়া দেওয়া  
আছে—তুমি কোথায় থাকবে?

বিধবা। সে বাড়ীতে এখন কোন ভাড়াটীয়া নাই।  
আমি সেই বাড়ীতেই থাকবো।

গুরু। আর তোমার এ বাড়ীর কি বন্দোবস্ত করবে?  
এ বাড়ীর যে ভাড়া হয়, সে ত আমার মনে ধারণা হয় না।  
তারা—তারা।

বিধবা। এ বাড়ী আমি লোহিয়াকে দান করবো।

শিষ্যের কথা শুনিয়া গুরুদেব কিছুক্ষণ স্তম্ভিত হইয়া  
রহিলেন। একবার দৃঢ় কটাক্ষে শিষ্যের মুখের দিকে  
চাহিলেন। সে কটাক্ষে অসন্তোষের চিহ্ন দেখিয়া শিষ্যা  
ভীতা হইয়া কহিল—“প্রভু, যদি এ দানে আমার অধি-  
কার না থাকে, কিম্বা যদি এ দান আপনার অতিপ্রেত  
না হয়, তবে আমায় ক্ষমা করুন। এ বাড়ীর সম্বন্ধে

আপনি যা ভাল বিবেচনা করেন, করবেন। আমার  
প্রাণ বড়ই ব্যাকুল হয়েছে—আমার মন বড়ই অস্থির!  
কথাটিকে নিয়ে দেশে যেতে আমার অনুমতি করুন।

গুরুদেব অনেকক্ষণ নীরব—নিস্কল হইয়া রহিলেন।  
শিষ্যার সে কাতরোক্তি যেন গুরুদেবের কর্ণে গিয়া  
আদৌ পৌঁছছিল না। ক্রমে গুরুদেবের সেই আরক্তিম  
বড় বড় চক্ষুর মূদ্রিত হইয়া আসিল। গুরুদেব কিছু-  
ক্ষণ মূদ্রিতনেত্রে নির্বাত-প্রদেশের নিষ্কল্প দীপশিখার  
ক্রায় নিস্তলভাবে অবস্থিতি করিতে লাগিলেন। যেন  
একজন মহাযোগী হঠাৎ যোগমগ্ন হইয়া পড়িলেন। গুরু  
এইরূপ আকস্মিক পারবর্তনে বিধবার প্রাণেও কেমন  
একটা ভীতিঃ সঞ্চার হইল। দণ্ডাজ্ঞার অপেক্ষার অপ-  
রাধী যেকোন ব্যাকুলপ্রাণে বিচারপতির মুখের দিকে  
চাহিয়া থাকে, বিধবাও সেইরূপ কম্পিতহৃদয়ে যোগী-  
বরের ধ্যাননিমগ্নিত মুখের প্রতি একদৃষ্টে চাহিয়া  
রহিল। দেখিতে দেখিতে যোগীবরের সে ধ্যান উচ্ছ  
হইয়া গেল। তিনি অপেক্ষাকৃত গম্ভীরস্বরে কহিলেন,  
—“মা বিমলা, তোমায় একটি কথা বলি—তুমি এ স্থান  
পরিচাণ ক'রে, এখন আর দেশে যেও না। গেলে  
তোমার শ্রুত হ'বে না। তারা—তারা।”

কি সর্বনাশ! গুরুদেবের মুখে এই কথা! এর চেয়ে  
পতিহীনা বিমলার পক্ষে যে প্রাণদণ্ড সহস্রগুণে শ্রেয়ঃ।  
গুরুদেবের সে নিদারুণ আজ্ঞার ছিদ্রমূল-তরুর ক্রায় বিমলা  
গুরুদেবের চরণে লুপ্তিত হইয়া কাতরকণ্ঠে কহিল,—“প্রভু,  
দাসীর প্রতি একরূপ কঠোর আজ্ঞা কখনই করেন না।  
এ অবস্থায় প্রভুর ঐ আজ্ঞা পালনে আমি সম্পূর্ণ অসমর্থ—  
কেন আমার মহাপাতকে নিঃশ্র ব'রবেন?”

গুরু। তুমি শোকাকুলা স্ত্রীলোক—তুমি বুদ্ধিমতী  
হ'লেও হিতাহিত জ্ঞান এখন তোমার না থাকাই সম্ভব।  
মা বিমলা, আমি তোমার মঙ্গলের জন্তই এই কথা বলছি।  
মা, মহামায়ার বয়ঃক্রম এখন কত হয়েছে? তারা—তারা।”

গুরুদেবের প্রশ্নে কথার বয়ঃক্রমের কথা তৎক্ষণাৎ  
জনমীর স্মরণ হইয়া গেল,—ভ্রাতৃত্বাদিত অগ্নি স্তম্ভিত  
পাইয়া দাউ দাউ করিয়া জ্বলিয়া উঠিল। হৃদয়ের সে  
জ্বালা চাপিয়া রাখিয়া বিমলা কহিল,—“মহামায়া তেব  
উত্তীর্ণ হ'য়ে, এখন চৌদ্দ বৎসরে পড়েছে।”

তখন ঈশ্বং হাসিয়া গুরুদেব কহিলেন,—“তবে এখনও আরও সাত বৎসর কাল তোমার এই গৃহে অবস্থিত করতে হ'বে।”

বিশ্বর-বিস্ফারিত-নেত্রে মুহূর্তের জন্ত একবার বিমলা গুরুদেবের মুখের প্রতি চাহিল। এই সময় হঠাৎ তাহার মুখ হইতে নির্গত হইল—“সে কি প্রভু, তবে কি আমার কন্যার বিবাহ হ'বে না!”

বজ্রধ্বনির স্থায় গুরুগম্ভীরকণ্ঠে তৎক্ষণাৎ নিনাদিত হইল—“না!”

বিমলা নিদ্ৰিত না জাগ্রত? স্বামীশোকে বিমলার মস্তিষ্ক বিকৃত হয় নাই ত? বিমলা তাহার ভবসাগর-পারের একমাত্র কাণ্ডারী স্বয়ং ইষ্টদেবের সহিত কথা কহিতেছিল নয়? বিমলা আপন ইন্দ্রিয়কেও আর বিশ্বাস করিতে পারিল না। সেই কারণ পুনরায় কহিল—“গুরুদেব, আমার কন্যা বিবাহযোগ্য হয়েছে—এমন কি তার শাস্ত্রমত বিবাহের বয়স উত্তীর্ণ হ'য়ে গেছে।”

গুরুদেব কহিলেন,—“সে কথা আমার অবিদিত নাই,—আমি তা বিলক্ষণ জানি।”

বিমলা। আমি সেই জন্তেই দেশে যেতে এতদূর ব্যাকুল হয়ে পড়েছি।

গুরু। আমি ত পূর্বেই বলেছি না, তোমার কন্যার অদৃষ্টে বিবাহ নাই। তারা—তারা।

বিমলা। সে কি প্রভু, আমার যে একমাত্র কন্যা।

গুরু। এ কথা কি আজ আমি নূতন জানলাম মা, এ কথা ত আমি বরাবরই জানি। তারা—তারা।

বিমলা তখন নিরাশ হৃদয়ে গুরুদেবের চরণ দুইটি ধরিয়া কাতরকণ্ঠে কহিল—“সে শোকে তাপে আমার মন এখন বড়ই অস্থির হ'য়েছে। আমার পরিকার করে সকল কথা খুলে বসুন। প্রভুর কথা আমি ত কিছুই বুঝতে পারছি না।”

গুরুদেব কিছু নীরবে রহিলেন, সে কাতরপ্রাণে বিন্দুমাত্র নাড়াধাবারিও বস্তু হইল না। কিছুক্ষণ পরে গুরুদেব ঈশ্বং হাসিলেন। সে হাসি দেখিয়া বিমলা বড়ই ভীত হইল। সে হাসিতে যেন মুহূর্ত পরে বজ্রাঘাতের সংবাদ দিয়া যেন একটা বিছাৎ চমকিয়া গেল। বিমলার সেই কোমলহৃদয়ে আবার বজ্রাঘাত হইবে না কি?

গুরুদেব কহিলেন—“তোমার কন্যার বিবাহ আমি হ'তে দিব না—কেবল সেই উদ্দেশ্যেই তোমার এইখানে অবস্থিত করতে বলছি।”

বিমলা শ্রবণেন্দ্রিয়কে তখন আর অবিশ্বাস করিতে পারিল না। এই সময় তাহার মুখ হইতে বহির্গত হইয়া গেল—“সে এখনও নিরোধ বালিকা। কি অপরাধে প্রভু তার প্রতি এরূপ কঠিন দণ্ড বিধান করছেন? কি অপরাধে জ্ঞানহীন বালিকাকে চিরছাথিনী করছেন? কি অপরাধে তাহার সেই আশাপূর্ণ বালিকাজীবনকে নিরাশসাগরে ভাসিয়ে দিচ্ছেন—কেন তার নারীজন্মকে নিফল করছেন?”

শিষ্যার মুখের এরূপ কথায় গুরুদেব তখন উত্তেজিত হইয়া কহিলেন,—“আমি তার প্রতি অসন্তুষ্ট নই—সন্তুষ্ট। এ আমার দণ্ড নয়—সেই সন্তুষ্টেরই পুরস্কার। তার চিরস্থখই আমার জীবনের একমাত্র উদ্দেশ্য। তার নারীজন্ম নিফলে যা'বে না—বরং সার্থকই হ'বে।”

গুরুদেবের সে উত্তেজিত-কণ্ঠের আশ্বাসবাণীতে কিয়ৎ স্নেহময়ী জননী প্রাণ শীতল হইল না। কন্যার অমঙ্গল আকাঙ্ক্ষার হিতাহিত জ্ঞানশূন্য হইয়া জননী কহিল—“কিরূপে গুরুদেব?”

গুরুদেব সেইরূপ উত্তেজিত-স্বরেই কহিলেন,—“তোমার কন্যা হ'তে তার গুরু গুরু সিদ্ধকাম হ'বে—তোমার কন্যার মত ভাগ্যবতী আর কে আছে।”

তখন অকস্মাৎ বিমলার হৃদয়ে যেন এককালীন অগ্নি-বিস্ফোরণের জ্বালা অচ্যুত হইতে লাগিল। সে জ্বালায় অস্থির হইয়া বিমলা কহিল,—“প্রভু, আমি অজ্ঞান জ্ঞানহীন অবলা, তার অল্পদিনমাত্র আমার জীবনসকল স্বামীকে হারিয়েছি। সেই শোকে আজও আমার মন বড়ই অস্থির রয়েছে। আর প্রভুও আমার কন্যার স্থান স্নেহ করেন। আমি প্রভুকে কেবল গুরুদেব মনে করি না—জন্মদাতা পিতার চক্ষে দেখি। তবে সকলেই আমাকে ‘পাহাড়ী বাবা’ বলে ডাকে বলে, আমি সে নাম এত দিন গ্রহণ করি নাই। কিন্তু আজ এখন আর আপনি আমাকে গুরুর চক্ষে দেখবেন না—একবার স্নেহময় পিতার চক্ষে দেখুন। বাবা, তোমার কথায় আমি বড়ই একটা সংশয় দোলা ছুঁছি—এত তোমার শিষ্যার

ভক্তি পরীক্ষার সময় নয়, বাবা! কৃপা করে, আমার সেই সংশয় দূর করে দাও বাবা। আমার মনের এ অন্ধকার দূর করে দাও, যেন তোমার মঙ্গল উদ্দেশ্য আমি বুঝতে পারি বাবা।”

পাহাড়ী বাবা তখন প্রকুল মনে কহিলেন—“দেখ মা, আমি তোমার মহামায়াকে আমার মহামায়ার কার্যে উৎসর্গ করেছি। যত দিন না আমার সে উদ্দেশ্য সিদ্ধ হয়, ততদিন মহামায়াকে কুমারী থাকতে হবে। অরণ্য রাধিও মা, মহামায়া এখন আর তোমার নয়, মহামায়া দেবীর।”

### দ্বিতীয় পরিচ্ছেদ।

কি! মহামায়া আমার নয়—মহামায়া দেবীর! কথাটা একবার মুহূর্তের জন্ত বিমলার হৃদয়কে উদ্বেলিত করিল বটে, কিন্তু পর মুহূর্তেই সে কথা আর এক গূঢ় অর্থে বিমলার হৃদয়ঙ্গম হইল। মহামায়া দেবীরই ত। ভূতর সৈন্যের জলচর প্রভৃতি পৃথিবীর প্রাণী মাঝেই ত দেবীর। আর দেবীর অনুগ্রহেই ত বিমলা মহামায়াকে পাহাড়ী বাবা নামে মনে মনে এইরূপ চিত্রা করিতেছে। এমন দূর পাহাড়ী বাবা কহিলেন,—“দেখ মা, মহামায়া যদি দেশে যেতে ইচ্ছা করে, তবে তাকে আমি নিবারণ করতে পারবো না। তোমার দেশে যাওয়া না যাওয়া এখন মহামায়ার উপর নির্ভর করছে। তারা—তারা।”

গুরুদেবের এই কথায় বিমলার আশঙ্কা দূরের সমস্ত মনে নিরাশ-প্রাণে আশারও সঞ্চার হইল। বিমলা তখন একটা বালির বাঁধ বাধিল। গুরুদেবের পদধূলি গ্রহণ করিল। গুরুদেব কহিলেন—“মহামায়ার কি মত জন্মতে আমি আবার আসবো—তবে এখন আমি না? —তারা—তারা।”

এই কথা বলিয়া গুরুদেব উঠিয়া দাঁড়াইলেন। বিমলা পুনরায় গলগম্বীবাসে তাঁহাকে প্রণাম করিল। শিষ্যাকে আশীর্বাদ করিলেন। তার পর তিনি সে বাড়ীর প্রাচীর-দ্বারা অভ্যন্তর করিয়াই একবার চারিদিক চাহিলেন। দেখিলেন—সম্মুখে পার্বতীয় বসন্ত বিরাজমান! বড় বড় পাহাড়ী পার্বতীয় বৃক্ষ সকল একবারে পুষ্পনয় হইয়া

এক অপূর্ণ শোভা ধারণ করিয়াছে। যেন সে বৃক্ষের শাখা নাই—পত্র নাই—কেবল ফুল! খেত, লোহিত, হরিদ্রা—সকল বর্ণের ফুল! এ কি ফুল?—না মদনের ফুলশর! পার্বতীয় প্রদেশে বসন্তের কি পরাক্রম! পত্রোদগমের এখনও বিলম্ব আছে—কিন্তু ঋতুরাজ বসন্ত যখন আসিয়াছেন—তখন তাঁহাকে পুষ্পাজলি দিয়া অভ্যর্থনা করিতেই হইবে। আবার অশ্রুদিকে সময়ের কি অলঙ্ঘনীয় নিয়ম দেখুন। পুষ্পোদগমের সময় হইয়াছে,—এখন কার সাধ্য সময়ের সে গতিকে রোধ করিতে পারে?

পাহাড়ী বাবার চক্ষু চারিদিক ঘুরিয়া বেড়াইতেছে কেন? এই পার্বতীয় বসন্তের সেই অপূর্ণ শোভার তাঁহার মন আকৃষ্ট হইল না কেন? পাহাড়ী বাবা পাহাড়ের সেই উচ্চশিখরে দাঁড়াইয়া নিশ্চয়ই কাহার অনুসন্ধান করিতেছেন। যাহাকে অনুসন্ধান করিতে ছিলেন, এইবার তাহাকে বুঝি পাইয়াছেন। পাহাড়ী বাবা তখন সেই পাহাড়ের ‘চড়াই’ হইতে নিম্নে নামিতে আরম্ভ করিয়াছেন। পার্বতীয় পথ সাধারণতঃ বক্রপ হইয়া থাকে, বিমলার বাড়ী উঠিবার পথটিও সেইরূপ আকিয়া বাঁকিয়া ঘুরিয়া ফিরিয়া চলিয়াছিল। এ পথে উপর হইতে নীচে নামিতে কোন কষ্ট নাই। আবার নীচে নামিবার গতি সম্ভাবতঃই দ্রুত হইয়া পড়ে। কিন্তু পাহাড়ী বাবা তাহা অপেক্ষাও দ্রুতগতিতে নিম্নে নামিতে আরম্ভ করিয়াছেন। কিন্তু তাঁহাকে আর অধিক নিম্নে বাইতে হইল না। হঠাৎ কে বামের ‘খড়’ হইতে ডাকিল—“পাহাড়ী বাবা!”

পাহাড়ী বাবা বামে ফিরিয়া দেখিলেন—লোহিতা। তখন তিনি সেইখানে স্থির হইয়া দাঁড়াইলেন। লোহিতা পাহাড়ী বাবাকে দেখিয়া আক্লাদে একটা চাৎকর করিয়া উঠিল। পথ বাহিয়া আসিতে তাহার অস্তিত্ব সহ হইল না। হরিণ-শিশুর স্থায় বলীনা উচ্চ গাত্র বাহিয়া উঠিতে লাগিল। দেখিতে দেব-উচ্চ স্থানে আসিয়া পাহাড়ী বাবার চরণে প্রণাম করিল। লোহিতা দেখিয়া পাহাড়ী বাবার মনও যেন প্রফুল্লিত দেখা গেল। পাহাড়ী বাবা লোহিতার মস্তকের উপর, আপন দক্ষিণ পদ তুলিয়া দিলেন। লোহিতা তাহাতেও

না হইয়া স্বহস্তে পুনরায় তাঁহার পদধূলি গ্রহণ করিলেন। জ্বালা ও মস্তকে ধারণ করিল। পাহাড়ী বাবা কহিল—“লোহিয়া, আমি মহামায়ার জন্ত বড়ই সন্তুষ্ট হইছি।”

লোহিয়া করযোড়ে কহিল,—“পাহাড়ী বাবা, তুমি মহামায়ার লেগে কিছু ভাবনা করেন, পাহাড়ী বাবা। বাবাজী মর গিয়েছে—হামি আছে।”

পাহাড়ী বাবা। তুমি মহামায়াকে প্রাণের সহিত যে ভালবাস, তা আমি জানি।

লোহিয়া। ভাল বাসবে না—হামি ত উহারে মানুষ করেছে, পাহাড়ী বাবা। মহামায়া হামার কলিজা মহামায়া হামার জান।

পাহাড়ী। কিন্তু—

এই কথা বলিয়াই পাহাড়ী বাবা যে কথা বলিতে যাইতেছিলেন—সে কথা বলিতে থামিয়া গেলেন। লোহিয়া তৎক্ষণাৎ বলিল,—“ইথে কিন্তু কি আছে—পাহাড়ী বাবা?”

পাহাড়ী। তোমার মা জী যে মহামায়া নিয়ে দেশে চলে যাচ্ছেন। তারা—তারা।

পাহাড়ী বাবার এই কথায় লোহিয়া বিস্ময়-বিস্ফারিত-নেত্রে একবার তাঁহার মুখের প্রতি চাহিল! বিস্ময়ে লোহিয়ার সর্বাঙ্গ যেন ফুলিয়া উঠিল! লোহিয়া কহিল,—“মা জী তা পারবে না—মা জী তা পারবে না—বাঘী ক’বি তার লেড়কীকে ছাড়বে না।”

পাহাড়ী। দেখ লোহিয়া, মহামায়া যদি দেশে যেতে চায়, তাকে জোর করে এখানে রাখলে, সে মরে যেতে পারে। তাকে—

পাহাড়ী বাবার কথায় বাধা দিয়া লোহিয়া কহিল,—মহামায়া মরবে! হামি এমন কাজ ক’বি করবে না। হামি তা পারবে না। মহামায়া দেশে যাবে, হামি তার সাথে সাথে যাবে।

পাহাড়ী। এখন আর এক কাজ কর। মহামায়া যাতে দেশে যেতে না চায়, সেই চেষ্টা আগে কর, তারা—তারা।

লোহিয়া। হামি করবে—পাহাড়ী বাবা—হামি করবে।

পাহাড়ী। মহামায়া দেশে গেলে, তোমার আর এক বিপদ আছে। মহামায়া দেশে গেলে যদি তার বিবাহ হয়ে যায়, তবে তুমি দেশে গিয়েও তাকে আর কাছ রাখতে পারবে না। যে বিবাহ করবে, সে তোমার কাছ থেকে মহামায়াকে কেড়ে নিয়ে চলে যাবে। তারা—তারা।

ক্রোধে লোহিয়ার মুখমণ্ডল রক্তবর্ণ হইয়া উঠিল। চিবুকের সঙ্কিত রক্ত মুহূর্তের মধ্যে যেন শেতমুখে ছড়াইয়া পড়িল। লোহিয়া দস্তে দস্তে ঘর্ষণ করিতে করিতে কহিল—“পারবে না—হামার কাছ থেকে কেড়ে নিতে পারবে না। পাহাড়ী বাবা, হামি তাকে মারবে—হামি তাকে খুন করবে, পাহাড়ী বাবা।”

পাহাড়ী বাবা এই সময় একবার বিস্ফারিতনেত্রে লোহিয়ার প্রতি তীক্ষ্ণ-কটাঙ্ক করিয়া উচ্চকণ্ঠে কহিলেন,—“লোহিয়া!”

লোহিয়ার সে ভীষণ রাক্ষসীমূর্ত্তি আর নাই! অস্তিত্ব অস্তিতে বারি সেচনের গায় সে তীক্ষ্ণ-কটাঙ্ক কি মোহিনীশক্তি, আমরা জানি না। কিন্তু দেখিতে দেখিতে লোহিয়ার মধ্যে একটা ভয়ঙ্কর পরিবর্তন হইয়া গেল। লোহিয়া এখন আর সে তেজস্বিনী লোহিয়া নয়—লোহিয়া পাহাড়ী বাবার মন্ত্রবশীভূত সর্পিনী অথবা হস্তের জীড়া-পুস্তলী মাত্র। পাহাড়ী বাবা গম্ভীরস্বরে কহিলেন,—“লোহিয়া, আমার পদস্পর্শ করে শপথ কর।”

প্রভুর আদরে কুকুরী যেমন প্রভুর পদপ্রান্তে ঢুটিয়া আসিয়া পড়ে, লোহিয়াও সেইরূপ পাহাড়ী বাবার চরণতলে পড়িয়া তাঁহার চরণ স্পর্শ করিল। পাহাড়ী বাবা কহিলেন,—“শপথ করে বল, মহামায়ার বিবাহ যাহাতে না হয়—সে পক্ষে আমি প্রাণপণে চেষ্টা করিব।”

তখন শুদ্ধ উচ্চারণে—পাহাড়ী বাবার কণ্ঠস্বরের অঙ্গ-করণে স্পষ্ট স্পষ্ট ভাষায় সেই পাহাড়ী লোহিয়া কহিল,—“মহামায়ার বিবাহ যাহাতে না হয়, সে পক্ষে আমি প্রাণপণে চেষ্টা করিব।”

পাহাড়ী বাবা এবার পূর্ক্সাপেক্ষা অধিকতর গম্ভীরস্বরে কহিলেন,—“বল, এ কার্যে চুরি, ডাকাতি ও খুন করিতেও আমি পশ্চাৎপদ হইব না।”

লোহিয়া তৎক্ষণাৎ পাহাড়ী বাবার কথারই অবিকল

স্পষ্ট প্রতিধ্বনি করিল—“এ কার্যে চুরি, ডাকাতি ও খুন করিতেও আমি পশ্চাৎপদ হইব না।”

পাহাড়ী। বল—কালী মায়ী কা জয়! বল—তারা মায়ী কা জয়।

পাহাড়ের শৃঙ্গ হইতে শৃঙ্গাত্তর কম্পিত করিয়া তৎক্ষণাৎ লোহিয়া বজ্রনাদ করিল,—“কালী মায়ী কা জয়—তারা মায়ী কা জয়।”

তখন দূরে সঙ্গে সঙ্গে অমনি প্রতিধ্বনি অপেক্ষাকৃত ক্ষীণশব্দে জয়ধ্বনি করিল—“কালী মায়ী কা জয়—তারা মায়ী কা জয়।” সে শব্দ আকাশে মিলাইতে না মিলাইতেই পুনরায় অতিদূরে ক্ষীণতর শব্দে ধ্বনিত হইল,—“কালী মায়ী কা জয়—তারা মায়ী কা জয়।”

দেখিতে দেখিতে সে আকাশের শব্দ আকাশে ডুবিয়া গেল। চারিদিক নীরব ও নিস্তব্ধ হইল। নিদ্ৰাভিত্ত লোহিয়ার নিদ্ৰা যেন হঠাৎ ভাঙ্গিয়া গেল। লোহিয়া ধকড়িয়া উঠিয়া দাঁড়াইল। পাহাড়ী বাবা স্নেহসূচক ব্যাক্যে ধীরে ধীরে কহিলেন—“লোহিয়া, তোমার আজ-কার এ শপথ গ্রহণ থাকবে?”

লোহিয়াও ধীরে ধীরে ঘাড় নাড়িতে নাড়িতে পুনরায় স্বাভাবিক স্বরে ও স্বাভাবিক উচ্চারণে কহিল—“হামি ভুলবে না। হামি মহামায়াকে বশু করে রাখবে—মহামায়ার সাধি হামি ক’বি দিতে দিব না। এর লেগে হামি চুরি করবে—রাহাজানি করবে—খুন বি করবে।”

বলিতে বলিতে ধীরে ধীরে লোহিয়ার মস্তক অবনত হইয়া গেল। কিছুক্ষণ অবনত মস্তকে লোহিয়া স্থির হইয়া কি চিন্তা করিতে লাগিল। লোহিয়া যখন পুনরায় মস্তক উন্নত করিল—তখন পাহাড়ী বাবা আর তথায় নাই! লোহিয়া আকুল প্রাণে তৎক্ষণাৎ ক্ষিপ্রগতিতে পাহাড়ের একটা উচ্চস্থানে উঠিল। তারপর উচ্ছে—আরো উচ্ছে—নিশ্চেষ্ট—আরো নিয়ে চারিদিক স্তুতীক্ষ দৃষ্টিতে চাহিয়া দেখিল। কিন্তু কোন স্থানে পাহাড়ী বাবার চিহ্নমাত্র ও দেখিতে পাইল না!

তৃতীয় পরিচ্ছেদ।

লোহিয়া তখন বিষন্ন মনে ধীরে ধীরে বিমলার গৃহ-পথে উপরে উঠিতে আরম্ভ করিল। বিষন্ন মনে বিমলার

সন্নিকটে আসিয়া কহিল,—“মা জী, তুমি, হামাদের ছোড়ে দেশে চলে যাবে না কি?”

বিমলা দীর্ঘনিশ্বাস ত্যাগ করিয়া কহিল,—“হাঁ লোহিয়া, আর কার জন্তে এ পাহাড়ে দেশে পড়ে থাকবো মা? আমার মন বড় অস্থির হয়েছে,—আর এখানে তিলাঙ্ক থাকতে ইচ্ছা করে না।”

লোহিয়া। তুমি দেশে যাবে—মহামায়া তোমার সঙ্গে চলে যাবে—তো হামি কোথায় থাকবে?

বিমলা। লোহিয়া, এই বাড়ীখানি আমি তোমায় দিয়ে যাব। এ বাড়ী তোমার হ’বে—তুমি এই বাড়ীতেই থাকবে।

লোহিয়া। তোরা ছোড়ে গেলে, হামি এ বাড়ীতে থাকবে না। হামি এ বাড়ী নিয়ে কি করবে?

বিমলা। লোহিয়া, তুমি ইচ্ছা করলে এ বাড়ীতে থাকতে পারবে, না ইচ্ছা কর—এ বাড়ী ভাড়া দিবে—না হয়, বিক্রী করলেও তোমার অনেক টাকা হ’বে—তোমায় আর দাসীস্বস্তি করতে হ’বে না।

লোহিয়ার চক্ষু দুইটি ছল্ছল করিতে লাগিল। লোহিয়া সক্রপস্বরে কহিল,—“হামি বাড়ী চাইবে না—হামি টাকা চাইবে না—হামি মহামায়াকে চাইবে। মহামায়া ছোড়ে গেলে, হামার পরাণ ফাটি যাবে—হামি বাঁচবে না। হামি——”

বলিতে বলিতে লোহিয়া কাঁদিয়া আকুল হইল। তাহার কণ্ঠস্বর রুদ্ধ হইয়া গেল। বিমলার নয়নপ্রান্ত হইতেও সেই সময় দুই বিন্দু অশ্রু তাহার গণ্ডস্থল বহিয়া পড়িল। বিমলা বস্ত্রাঞ্চলে চক্ষু মুছিয়া কহিল—“কি বলবে মা, তোকে ছেড়ে যেতে আমারও প্রাণ কাঁদে। কিন্তু এখন আর আমার অস্ত্র উপায় কিছুই নাই। লোহিয়া, আমি আবার আসবো।”

লোহিয়ার মুখ হইতে তৎক্ষণাৎ বহির্গত হইল—“তোমার সঙ্গে মহামায়া আসবে না?”

বিমলা। সে কথা এখন আমি কেমন বলি—তোমার মা?

লোহিয়া তখন উত্তেজিত কণ্ঠে কহিল—“শুনো মা জী,—হামার কথাটা শুনে রাখো। মহামায়া দেশে যেতে চাবে, তো হামি ছোড়বে—মইলে ছোড়বে না। মহামা-

মায়া দেশে যাবে—তো আমি বি তার সাথে সাথে যাবে—  
ছোড় নে না।”

বিমলা উভয়সঙ্গটে পড়িল। কিছুক্ষণ স্থির হইয়া  
আকাশ পাতাল ভাবিতে লাগিল। তার পর কহিল,  
“আচ্ছা লোহিয়া, তাই হ'বে। মহামায়ার ইচ্ছার উপর  
আগ্নিও নির্ভর করলুম।”

মনে মনে কহিল,—“মহামায়া কি আমার মনোবাঞ্ছা  
পূর্ণ করবেন না—মহামায়া কি আমার উপর এত নির্দয়  
হবেন?”

তখন মহামায়ার জ্ঞান বিমলার মহাপ্রাণী আকুল হইয়া  
উঠিল। বিমলা আগ্রহের সহিত কহিল,—“লোহিয়া,  
আমার মহামায়া কোথায়? তাকে অনেকক্ষণ দেখি নাই,  
একবার তাকে ডেকে দে।”

লোহিয়ারও প্রাণ তখন মহামায়ার মায়ার ব্যাকুল  
হইয়া উঠিল। লোহিয়াও আর সে স্থানে তিলার্কি বিলম্ব  
না করিয়া দ্রুতগতিতে কোথায় অদৃশ হইল। বিমলা  
অনেকক্ষণ একাকী মহামায়ার প্রতীক্ষায় সেই স্থলে বসিয়া  
রহিল। বসিয়া বসিয়া বিমলা অকুলচিন্তাসাগরে নিমগ্ন  
হইল। বিমলা অনেকক্ষণ ধরিয়া চিন্তা করিল। কিন্তু  
কিছুতেই সেই অকুলচিন্তাসাগরের কূল পাইল না। এমন  
সময় কে পাশ্চাত্য হইতে ডাকিল—“মা।”

বিমলা চম্কিয়া উঠিয়া চাহিয়া দেখিল,—“মহামায়া।”  
আহা! সে অমৃতময় মা শব্দ স্বামিশোকে সম্ভাষিত  
জননীর মৃতদেহে যেন জীবন সঞ্চারিত করিল। বিমলার  
নিরাশপ্রাণে আবার আশাবীজ অঙ্কুরিত হইল। বিমলা  
সন্নেহে কন্টার চিবুক ধরিয়া তাহার মুখচুম্বন করিল।  
মহামায়া অপূর্ণ মায়াজাল বিস্তার করিয়া আধ আধ স্বরে  
কহিল—হাঁ মা, পাহাড়ী বাবা এসেছে না কি?”

বিমলা উত্তর করিল,—“হাঁ মা, পাহাড়ী বাবা এসে-  
ছেন।”

মহামায়া। তিনি কোথায় গেল মা?

বিমলা। তিনি বোধ হয়, তোমাকেই খুঁজতে গেছেন  
মা।

মহামায়া। না মা—লোহিয়া বলছিলো তুমি দেশে  
যাবে বলে, পাহাড়ী বাবা রাগ করে কোথায় চলে গেছে।  
তা তুমি দেশে কেন যাবি মা? তুমি দেশে থাক্ গে। এখন

থেকে যেতে আমার কেমন মন সরে না। সে কথা শুনে  
লোহিয়া কাঁদে, মোনিয়া কাঁদে, আর সুমেরু ত তাই শুনে  
পাহাড়ের উপর থেকে আছাড় খেয়ে পড়তে গেল না।  
তাই দেখে আমারও প্রাণটা বড় কাঁদছে মা। তুমি  
যামনে মা—তুমি যামনে মা।”

বলিতে বলিতে বালিকার নয়নপ্রাস্ত শিশিরবিন্দু-  
শোভিত প্রস্ফুটিত কমলের শোভা ধারণ করিল। বিমলা  
আপন বস্ত্রাঞ্চলে কন্টার চক্ষু মুছিয়া দিয়া কহিল—হাঁ মা,  
তোমার পাহাড়ীদের জন্তে প্রাণ কাঁদে, আর আমার জন্তে  
একটু প্রাণ কাঁদে না? তুমি না যথার্থই পাষণী মা-  
মায়া।

মহামায়া। না মা, তোমারও জন্তে আমার প্রাণ বড়  
কাঁদে না।

আমি যদি চলে যাই, তুমি লোহিয়া, মোনিয়া  
আর সুমেরুর সঙ্গে এখানে থাকতে পারবি?

মহামায়া। তুমি কেন যাবি মা, তোকেও এখানে  
থাকতে হ'বে।

বিমলা। আমি কি চিরকালই তোমার কাছে থাকবো?  
আমি যদি আজ মরে যাই, তুমি কি আমার ধ'রে রাখতে  
পারবি? তখন তোমার দশা কি হ'বে বল দেখি মা। আমি  
তোমার একটা বা হয়—গতি করে, কাশীবাসী হ'বো।

মহামায়া। আমার কি গতি করবি মা?

বিমলা এইবার চুপি চুপি কাণে কাণে কহিল—“আমি  
তোমার একটা বিয়ে দিতে পারলেই এখন নিশ্চিত হই।”

সে কথা কাণে কাণে বলিতেও যেন বিমলার হৃদয় গুণ্-  
গুণ্ করিয়া কাঁপিয়া উঠিল। বিমলা একবার সচকিত-  
মনে চারিদিক চাহিয়া দেখিল। মহামায়া সে কথা  
শুনিয়া কিছুক্ষণ চুপ করিয়া রহিল। সে কথায় তাহারও  
প্রাণের ভিতরটা মুহূর্তের জ্ঞান একবার গুণ্গুণ্ করিয়া  
উঠিল। মহামায়া কহিল—“বিয়ে—বিয়ে—হাঁ মা, বিয়ে  
যদি আমি না করি?”

বিমলা এদিক ওদিক চাহিয়া পুনরায় কন্টার কাণে  
কাণে কহিল—“অমন কথা বলতে নাই মা, মনে করলেও  
পাপ হয়।”

মহামায়া আর কোন কথা কহিল না। কেবল ফ্যান  
ফ্যান দৃষ্টে জননীর মুখের প্রতি চাহিয়া রহিল। জননী

## নষ্ট পূজা।

পুনরায় অন্তর্ভবের কহিল—“দেখ মা, জ্বালোকমাত্রেরই  
সকলের বিয়ে হয়। ত্রৈ দেখ, মোনিয়ার বিয়ে হয়েছে—  
সুমেরুর সঙ্গে। লোহিয়ারও এক সময় বিয়ে হয়েছিল—  
এখন ওর স্বামী বেঁচে নাই। অমন কথা কি বলতে  
আছে মা?”

মহামায়া। আচ্ছা মা, সুমেরু ত মোনিয়াকে লোহিয়ার  
কাছ থেকে কেড়ে নিয়ে চলে যায় নাই। লোহিয়া বল-  
ছিল—আমার বার সঙ্গে বিয়ে হ'বে, সে না কি আমার  
তোমার কাছ থেকে—লোহিয়ার কাছ থেকে, কেড়ে নিয়ে  
চলে যাবে?”

বিমলা। না মা, আমি তোমার তেমন বিয়ে দেবো  
না মা। তুমি আমার অন্দের যশ্রি—নয়নের মণি। আমি  
তোকে ছেড়ে কাশী গিয়েও থাকতে পারবো না না।  
যাতে তুমি আমার কাছ ছাড়া না হ'স, আমি এমনি বরে  
তোমার বিয়ে দেবো মা।

মহামায়া এই সময় কি কথা বলিতে বাইতেছিল,  
কিন্তু সে কথাটা কি জানি কেন—মুখে আটকিয়া গেল।  
মহামায়া অল্প কথা পাড়িল—“হাঁ মা, আমরা দেশে গেলে  
লোহিয়াও আমাদের সঙ্গে যাবে?”

বিমলা। হাঁ মা, লোহিয়াও আমাদের সঙ্গে যাবে।


মহামায়া। কিন্তু মোনিয়া আর সুমেরুর তাতে আরো  
কষ্ট হ'বে না।

বিমলা। কি করবো মা? আমি ত লোহিয়াকে রেখে  
যেতেই চেয়েছিলুম। কিন্তু সে যে কিছুইতেই আমা-  
দের ছেড়ে থাকতে চায় না।

মহামায়া। তবে ওদের সকলকে নিয়ে দেশে যাই  
চল্ মা। মা ও মেরেতে অন্যমনস্কভাবে এইরূপ কথাবাত্তা  
কহিতেছে, এমন সময় গৃহের মধ্যে গম্ভীরস্বরে ধ্বনিত  
হইল—“বিমলা, মহামায়াও এখন দেশে যেতে ইচ্ছুক  
হয়েছে, তখন দেশে যাও, কিন্তু মহামায়ার বিবাহের কোন  
চেষ্টা করো না। অরণ রেখো—মহামায়া তোমার নয়,  
মহামায়া মহাদেবীর।” ভয়বিহ্বলচিত্তে মাতা ও কন্টা  
চাহিয়া দেখিল—সম্মুখে স্বয়ং গুরুদেব—পাহাড়ী বাবা!

হে সুন্দর গুডব্লক, আনন্দ অল্প!  
কোথা তব, কোথা তব সেই শাস্ত রূপ?  
বিষম কন্টার বঙ্কা সহিছে জীবন,  
পলকে পলকে আনে নিকট মরণ।  
অন্ধকারে মৃত্যু তলে শিহরি শিহরি,  
উঠিতেছি, কেহ নাই চলে হাত ধরি!'  
তোমার পূজার অর্ঘ্য বহিয়া আনিয়া  
সহসা পলয় মুখে পড়েছি আসিয়া।  
কেমনে তোমারে দেব! না পূজিয়া ফিরি?  
কেমনে চলিব আগে,—পথ আছে ঘিরি'  
কাল-সম অন্ধকার!—ওগো প্রাণ ল'য়ে  
কেমনে ফিরিব তোমা অর্ঘ্য না সঁপিয়ে!—  
পূজায় এ অর্ঘ্য নাথ! নষ্ট কি-গো হবে?—  
হ'তে নাহি দিব,—না-না, কেমনে তা' হবে!  
নিরুপায়, বলহীন অবসন্ন প্রাণ,—  
আর ত পারি না নাথ!—ফিরে' লও দান,  
ফিরে লও ধর্ম-কর্ম সকলি তোমার!—  
অক্ষয় নিতান্ত দীন হতসর্কসার!  
সকলি আমার গেল!—সবি গেল নাথ!—  
যাক সব!—তুমি ক্ষম, হয় প্রাণপাত।  
এই বঙ্কা এই ষাত আর না সংহর!—  
কোথায় মন্দির দূর?—হেথা ধর-ধর  
আমার মৃত্যুর তটে এ শেষ অঞ্জলি  
অল্পপায় নষ্ট প্রাণ—অসম্পূর্ণ বলি!—  
তব ধন্য হ'ক অর্ঘ্য, ধন্য হ'ক প্রাণ;—  
অন্ধপথে বঙ্কাতলে ব্রত অবসান!!

শ্রীদক্ষিণারঞ্জন মিত্র মজুমদার।





## গ্রন্থের প্রাপ্তিস্বীকার ও সংক্ষিপ্ত সমালোচনা।

সিট পঞ্জিকা।—আমরা শ্রীযুক্ত কবিরাজ নগেন্দ্রনাথ সেন, শ্রীযুক্ত বটকৃষ্ণ পাল এণ্ড কোং এবং গোলাপফুল মার্কা তাম্বুল বিহারের আবিষ্কর্তা শ্রীযুক্ত কিশোরীলাল জৈনী মহাশয়ের নিকট হইতে সচিত্র সিট-পঞ্জিকা উপহার প্রাপ্ত হইয়াছি।

রসায়ন-পরিচয়।—শিবপুর কলেজের কৃষি-ডিপ্লোমা প্রাপ্ত, এবং বেঙ্গল গভর্নমেন্টের কৃষি বিভাগের কর্মচারী শ্রীযুক্ত নিবারণচন্দ্র চৌধুরী প্রণীত। বেঙ্গল কেমিক্যাল ইন্ড্রি প্রিটিং ওয়ার্কস হইতে মুদ্রিত এবং ইণ্ডিয়ান গার্ডেনিং এসোসিয়েশন হইতে প্রকাশিত, মূল্য ২ এক টাকা। পুস্তকখানি নূতন ধরণে লিখিত। আমাদের সংসার যাত্রা নির্দাহের জন্ত রসায়নশাস্ত্র বিষয়ে প্রয়োজনীয়, সুতরাং রসায়ন শাস্ত্রের আলোচনা আমাদের দরিদ্র দেশের পক্ষে অশেষ মঙ্গলজনক। কৃষিকার্যের সৌকর্যার্থে রসায়নসম্বন্ধিত অগ্রগণ্যতর্য সার কথাগুলি মোটামুটি এই পুস্তকে সন্নিবিষ্ট হইয়াছে। সার কি? সারের মূল্য নিরূপণ এবং সারপ্রয়োগপ্রণালীর আলোচনা এবং খাত্তজব্য-বিশ্লেষণ তালিকা প্রকাশ করিয়া নিবারণ বাবু পুস্তকের গৌরব বৃদ্ধি করিয়াছেন, একরূপ পুস্তকের বহুলপ্রচার একান্ত প্রার্থনীয়।

সেকালের কথা।—প্রাচীনকালের জীবজন্তুর কাহিনী সম্বলিত সচিত্র শিশুপাঠ্য পুস্তক। বিখ্যাত আর্টিষ্ট শ্রীযুক্ত উপেন্দ্রকিশোর রায় চৌধুরী বি, এ, প্রণীত। মূল্য ২ এক টাকা, ভারত মিহির যন্ত্রে সাত্তাল এণ্ড কোং কর্তৃক মুদ্রিত, সুন্দর ছাপা, উৎকৃষ্ট বিলাতি বাধাই। সুকুমারমতি বালক বালিকাগণের প্রীতিকর পাঠ্য পুস্তকের সংখ্যা এদেশে অতি অল্পই আছে। উপেন্দ্র বাবুর ঞ্চায় কৃতী লেখক যে সে অভাব মোচন করিতে অগ্রসর হইয়াছেন ইহা সুখের বিষয়। তিনি সুন্দর সুন্দর ১৭ খানি চিত্র এই পুস্তকের জন্ত বিশেষভাবে অঙ্কিত করিয়া ইহার শোভা আরো বর্দ্ধিত করিয়াছেন। উপখ্যানগুলি সরস

সরল এবং ভ্রুতি প্রাজল ভাষায় লিপিবদ্ধ হইয়াছে। সুকুমারমতি বালক বালিকাগণ ইহা পাঠে বিশেষ আনন্দ উপভোগ করিবে।


কবিতা বিলাস।—কবিতা পুস্তক শ্রীনন্দলাল গোস্বামী এবং শ্রীকানাইলাল গোস্বামী প্রণীত। নিউ হেরাল্ড প্রেসে মুদ্রিত, মূল্য ১০ আনা। ইহাতে কমবেশ চব্বিশটি কবিতা আছে। ২১টি কবিতা আমাদের ভাল লাগিয়াছে, চর্চা থাকিলে লেখকগণের লেখা উৎকৃষ্টতর হইবে, আশা করা যায়।

অশ্রুধারা।—শ্রীঅনুকূলচন্দ্র মুখোপাধ্যায় প্রণীত, ফ্যাক্টরি প্রেসে মুদ্রিত, মূল্য ১০ আনা। উদ্ভাস প্রেমের অনুকরণে লিখিত। অনুকরণ একেবারে ব্যর্থ হয় নাই। কিন্তু উদ্ভাস প্রেমের শোবাচ্ছাস প্রকৃত শোকার্ভ হৃদয়ের প্রতিধ্বনি আর ইহা বাস্তবিক; হৃদয় ভাষা ভাব ও বিশ্বনভদ্রী মনোহর হইলেও প্রাণহীন। আমাদের দেশে কেহ কেহ নাকি জীবিতাবস্থায়ই নিঃশব্দ শ্রাদ্ধ নিজে করিয়া থাকে। অনুকূল বাবুও জীবিতা পক্ষের বিরোধ কল্পনা করিয়া সেই কাল্পনিক শোকের আবেগ হৃদয়-দ্বার উদ্ভাটন করিয়া লেখনী ধারণ করিয়াছেন।

যোগেশকাব্য।—কবিবর হেমচন্দ্রের ভ্রাতা স্বর্গীয় ঈশানচন্দ্র বন্দ্যোপাধ্যায় প্রণীত। চব্বিশ বৎসর পূর্বে নূতন আকারে নূতন ও মনোহর সাজে সজ্জিত হইয়া ইহার দ্বিতীয় সংস্করণ বাহির হইয়াছে। যোগেশ-কাব্য িজগুণেই সর্বত্র পরিচিত তাহার নূতন পরিচয় অনাবশ্যক।

বিষাদ গাথা।—শ্রীবিপিনেশ্বর সরকার প্রণীত, মূল্য ১ আনা। স্বর্গীয় ভারতেশ্বরী ভিক্টোরিয়া মহোদয়ার বিরোধে কবিতার শোক প্রকাশ করা হইয়াছে। বিশেষত্ব কিছুই নাই।

সুরমা।—সুন্দর উপন্যাস, শ্রীসুরেন্দ্রনাথ কুণ্ডু প্রণীত, মূল্য ১০ আনা। এই শ্রেণীর পুস্তক প্রচারিত না হওয়াই সমধিক বাঞ্ছনীয়।





ছোট লাট সার্ এন্ড ফ্রেজার মহোদয় ।



### কুরুক্ষেত্র ।

#### প্রথম প্রস্তাব ।

পঞ্জাব প্রদেশে হিন্দুর ধর্মপ্রধান তীর্থক্ষেত্রের নাম কুরুক্ষেত্র । ভারতবর্ষের ইতিহাসে বিশেষতঃ হিন্দুর ধর্ম-শাস্ত্রে ও সংস্কৃত সাহিত্যে পঞ্জাবের কুরুক্ষেত্র নানা কারণে প্রসিদ্ধ । এই প্রাচীন ও পবিত্র ক্ষেত্র দেখিবার যোগ্য ; ইহা একদিকে আধ্যাত্মিক তত্ত্বজ্ঞানের মনোহর উৎস, অত্রদিকে বহুল ঐতিহাসিক ঘটনার প্রশস্ত দীপাঙ্কন । জাবালি, যাজ্ঞবল্ক্য, বৃহস্পতি প্রভৃতি মহর্ষিগণ কহিয়াছেন, “বদ হু কুরুক্ষেত্রং দেবানাং দেবযজ্ঞনং সন্মোহাং ভূতানাং ব্রহ্মসদনং ।” ত্রিকালজ্ঞ ঋষি বেদব্যাস শ্রীমৎ ভগবৎ গীতার প্রথমেই কুরুক্ষেত্রকে “ধর্মক্ষেত্র” বলিয়া অভিহিত করিয়াছেন । এই প্রাচীন, পবিত্র ও প্রশস্ত তীর্থক্ষেত্রে

ঋষিদের বেদব্যাস তাঁহার আধ্যাত্মিক জীবনের বহুবর্ষ কালবাণন করিয়াছিলেন । এই পতিত-পাবন মহাক্ষেত্রে যোগিরাজ ভীষ্মদেব পরশষাণ্ম শয়ন করিয়া পঞ্চভৌতিক দেহ পঞ্চভূতে মিশাইয়া ছিলেন । দাতাশ্রেষ্ঠ এবং কুবের-শ্রেষ্ঠ মহারাজা কর্ণ, কুরুক্ষেত্রে দুর্গ নিৰ্ম্মাণ করিয়া ভারতের ধন রক্ষা করিতেন এবং পুরাণ প্রসিদ্ধ রাজা সুরথ এই স্থানেই “বলি” দান করিয়া অমর হইয়া গিয়াছেন । ভুবনবিখ্যাত মহাভারতীয় সমরে কুরু ও পাণ্ডবদীরগণ ভারতের তৎসাময়িক প্রার সমুদয় প্রধান প্রধান নরপতি ও বোদ্ধেচ্ছগণের সহিত সমবেত হইয়া আপনাপন বীরত্ব ও প্রভুত্ব দেখাইবার জন্ত কুরুক্ষেত্রে সেনানিবাস স্থাপন করিয়াছিলেন । এই পুণ্যসময় প্রাচীনক্ষেত্রে পৃথিবীর পণ্ডিতদিগের নিকট পরিচিত শ্রীমৎ ভগবৎগীতার জন্ম হয়, এই স্থানেই শ্রীভগবান শ্রীকৃষ্ণ তাঁহার প্রিয়তম সখা ও অনুচর শ্রীমৎ অর্জুনকে গীতাতত্ত্ব শিক্ষা দিয়াছিলেন । কুরুক্ষেত্রের সুপ্রশস্ত ক্ষেত্রে মহারাষ্ট্রবীরের সৌভাগ্য স্থয়

অন্তিমিত হইয়াছে ; পানিপথের প্রান্তরে মহারাষ্ট্রীয় বীরবর-  
গণ মুসলমানদিগের সম্মুখে অটুট শৌর্য্য, অদম্য সাহস,  
অতুলনীয় বীরত্ব, দিগ্বিজয়ী বিক্রম এবং সনাতন হিন্দুশক্তির  
পরাকাষ্ঠা দেখাইয়া যে দিন ধর্ম্মের জয়, দেশের জয় এবং  
স্বাধীনতার জয় অকাতরে প্রাণ পরিত্যাগ করিয়াছিল,  
সেই দিন হইতেই মহারাষ্ট্রীয় শক্তি আর প্রভাব বিস্তার  
করিতে সক্ষম হয় নাই। কুরুক্ষেত্রে মুসলমানেরা হিন্দুকে  
হারাইয়াছিল, কিন্তু বিধির আশ্চর্য্য বিধি অনুসারে এই  
মহাক্ষেত্রেই মোগলের সর্বশেষ পতন ! কুরুক্ষেত্র মোগল-  
সাম্রাজ্যের জন্মদাতা এবং মোগল স্বাধীনতার বিলোপের  
অমর সাক্ষী ! পাঠক মহাশয় ! আসুন আমরা একবার  
কুরুক্ষেত্রে প্রবেশ করি।

ইংরাজী ১৮৭৭ অব্দ পর্য্যন্ত কুরুক্ষেত্র একটা বিস্তৃত  
জেলা ছিল ; ম্যালেরিয়া, প্লেগ প্রভৃতির জয় ১৮৭৮ অব্দে  
কর্ণাল নগরকে জেলা রূপে পরিণত করিয়া কুরুক্ষেত্রকে  
ইহার অধীনে সামান্য তহশীল মধ্যে গণ্য করা হয়।  
ইহা এক্ষণে কর্ণাল জেলার অন্তর্গত। দিল্লী হইতে  
কুরুক্ষেত্রে অর্দ্ধশত কোশ দূরবর্তী ; আধালা হইতে ইহার  
দূরত্ব প্রায় চতুর্দশ কোশ। নিকটবর্তী রেলওয়ে স্টেশনের  
নাম পানেশ্বর, প্লাটফর্ম হইতে কুরুক্ষেত্র অর্দ্ধকোশের  
কিছু অধিক। গীতায় লিখিত আছে, মহাভারতীয় সমর  
সময়ে অষ্টাদশ অক্ষৌহিণী সেনা, শত সহস্র রথী, নহারণী,  
অশ্ব, গজ, বীর, রাজা, পণ্ডিত এবং ভারতের প্রায় সমুদায়  
নরপতিগণ কুরুক্ষেত্রে সমবেত হইয়াছিলেন ; ইহাতে সহ-  
জেই বুঝা যায়, সেখানে কুরুক্ষেত্র একটা বিশাল হইতে  
বিশালতর ক্ষেত্ররূপে প্রস্তুত ছিল। মুসলমানেরা পুনঃ  
পুনঃ আক্রমণ করিয়া কুরুক্ষেত্রকে পুনঃ পুনঃ ধ্বংস করিয়া  
দিয়াছিল ; মুসলমান-শাসন বিলোপ হইবার পরে ইংরা-  
জের রাজত্বকালে যাহা কিছু বর্তমান ছিল, প্লেগ, ম্যালেরিয়া,  
জুতিফ, দরিদ্রতা, জলকষ্ট প্রভৃতি বশতঃ তাহাও  
ধ্বংস হইয়া গিয়াছে ; এখন কুরুক্ষেত্র নগর ক্ষুদ্র গ্রামে  
পরিণত, ইহার চারিদিকে “পতিত ক্ষেত্র” এবং অদূরে  
নিবিড় জঙ্গল। প্রাচীন গ্রামের অভ্যন্তরে নানা স্থানে  
শূণ্ড আবাসগৃহ এবং অতীত গৌরবের নানা চিহ্ন এখনও  
দৃষ্ট হয়। কলিকাতা হইতে কুরুক্ষেত্রের তৃতীয় শ্রেণীর  
রেলভাড়া চতুর্দশ রৌপ্য মুদ্রা।

সমগ্র কুরুক্ষেত্রের প... ৭ প্রায় ৪৫ কোশ। ইহার  
উত্তরে সীয়া সহর, দক্ষিণে জাতলাও, পূর্বদিকে মিয়া-  
বন্দ এবং পশ্চিমে পিণ্ডারী খাদের ভগ্নাবশেষ। বর্তমান  
কুরুক্ষেত্র গ্রামের একদিকে থানেশ্বর রেলওয়ে স্টেশন,  
অন্যদিকে বালুকাময় ভূমি, তৃতীয় দিকে সনানীর পুকুর  
এবং চতুর্থদিকে দ্বৈপায়ন হ্রদ ও রাজবন্দ। গ্রামে মুসল-  
মানের সংখ্যা অতি কম, এই মুষ্টিমেয় মুসলমানগণ সামান্য  
দোকান করিয়া জীবিকা নির্বাহ করে। হিন্দুর সংখ্যাই  
অধিক। গ্রামে কুড়িখানি মন্দির, তিনটি মুসলমান দরগা  
এবং তিন শত ত্রিশটি দেবমূর্তি দৃষ্ট হয়। কুরুক্ষেত্র দর্শন  
করিতে গিয়া হিন্দুযাত্রিগণ নিম্নলিখিত স্থানসমূহ প্রায়ই  
দেখিয়া থাকেন।

স্থানের নাম	কুরুক্ষেত্র গ্রাম হইতে দূরত্ব।
ব্রহ্মকূপ	অর্দ্ধ কোশ
সনানীর	৩ ৩
দ্বৈপায়ন হ্রদ	১ ৩
কুরুক্ষেত্র হ্রদ	১ ৩
ভদ্রকালী	৥ ৩
জ্যোতিষ্বর	৪৥ ৩
আমীন	২৥ ৩
নরকাটারী	১৥ ৩
নরস্বতী নদী	১৥ ৩
রাম হ্রদ	১ ৩
বাণ গঙ্গা	৩ ৩
অর্জুন তাল	৩ ৩
কর্ণবেড়	আড়াই মাইল
শাজ্জবাপী	৭৥০ কোশ
পরীক্ষিতপুর	২১ ৩
ধর্ম্মপুর	১২ কোশ
লক্ষ্মীকুণ্ড	১৥ মাইল
যুগপুর	৫ কোশ
কুকুস্ত	৪ কোশ
মীনহ্রদ	১৫ কোশ

কুরুক্ষেত্র গ্রামের বহির্দেশে ভদ্রকালী মন্দির প্রতি-  
ষ্ঠিত। ইহা হিন্দুর অশ্রুতম মহাপীঠ। দক্ষবজ্ঞে সতী

বেহত্যাগ করিলে বিষ্ণুচোঁড়ী তাঁহার শরীর ৫১ অংশে  
বিভক্ত হইয়া যে যে স্থানে পতিত হইয়াছিল, সেই স্থান  
এক একটি পীঠস্থান নামে প্রসিদ্ধ। পীঠস্থানের মধ্যে  
যেগুলি সমধিক প্রসিদ্ধ সেগুলি মহাপীঠ নামে প্রখ্যাত।  
হিংলাজে ব্রহ্মরন্ধু, শর্করায় তিনচক্ষু, আলামুখীতে জিহ্বা,  
সুগন্ধায় নাসিকা, ভৈরব পর্বতে উর্দ্ধ গুণ্ড, অটুহাসে অধঃ-  
গুণ্ড, প্রভাসতীরে উদর, জনস্থানে চিবুক, গোদাবরী  
তীরে বামগণ্ড, গগুকী নদীতীরে দক্ষিণগণ্ড, শুচিদেলে  
উর্দ্ধদণ্ডপাতি, পঞ্চসাগরে অধোদণ্ড, করোতোয়া তটে  
বামতল্ল, শ্রীপর্বতে দক্ষিণতল্ল, কর্ণাটে কর্ণ, বন্দাবনে  
কেশ, কালীঘাটে মুণ্ড, কিরীটেশ্বরে কিরীট, শ্রীশৈলে গ্রীবা,  
মলহাটীতে নলা, কাশ্মীরে কণ্ঠ, রত্নাবলীতে দক্ষিণহস্ত,  
মিথিলায় বামহস্ত, চট্টগ্রামে দক্ষিণহস্তার্ক, মানবক্ষেত্রে  
বামহস্তার্ক, উজ্জানী নগরে কনুই, মণিবন্ধে করগ্রন্থী,  
প্রয়াগে অঙ্গুলি, বেহলায় বামবাহু, জলন্ধরে প্রথম স্তন,  
বামগিরিতে দ্বিতীয় স্তন, বৈষ্ণবাথে হৃদয়, উৎকলে নাভি,  
দক্ষিণদেশে কঙ্কাল, কালনাথবে দক্ষিণ নিতম্ব, শোণ নদে  
বাম নিতম্ব, কামরূপে মহামুদ্রা, নেপালে জাহ্নবীর, মগধে  
দক্ষিণ জজ্বা, জয়ন্তিতে বাম জজ্বা, ত্রিপুরায় দক্ষিণ চরণ,  
ক্ষীরগ্রামে দক্ষিণ চরণের অঙ্গুষ্ঠ, বন্ধেশ্বরে ব্রহ্মধা, যশো-  
হরে পানিপদ, নন্দীপুরে হার, কাশীধামে কুণ্ডল, কন্যাশ্রমে  
পৃষ্ঠ, লক্ষায় লুপ্ত, বিরাটে পাদাঙ্গুলি, বিভাসকে বামগুলফ,  
ত্রিশোতায় বামপদ এবং কুরুক্ষেত্রে দক্ষিণপদের গুলফ  
পতিত হইয়াছিল। দেবী স্থাহু ভৈরব অশ্বনাথ লইয়া  
মন্দির প্রতিষ্ঠিত আছে।

কুরুক্ষেত্রের ভদ্রকালী মন্দিরকে পঞ্জাবের বাঙ্গালীর  
অত্যন্ত ভক্তি ও মাগ্ন করে। ইহার বর্তমান মন্দির  
পঞ্জাবপ্রবাসী বাঙ্গালী হিন্দুদিগের কর্তৃক প্রদত্ত অর্থে  
নির্ম্মিত হইয়াছে। প্রস্তর নির্ম্মিত “পদগুলফ” এই  
মন্দিরে রক্ষিত আছে। আমি যখন প্রথম কুরুক্ষেত্রে  
গিয়াছিলাম, তখন সেখানে একটিও বাঙ্গালী ছিল না।  
কিন্তু সে দেশের কয়েকজন ব্রাহ্মণ পাণ্ডা বাঙ্গালা ভাষায়  
এমন আশ্চর্য্য অধিকার লাভ করিয়াছিল যে, তাহাদের  
কথোপকথন শুনিয়া অনেক বাঙ্গালী তাহাদের সহিত  
শুদ্ধভাবে কথা কহিতে সাহসী হইত না। আমি যে  
পাণ্ডার বাটীতে ছিলাম, বাঙ্গালা ভাষা তাঁহার এক প্রকার

মাতৃভাষা হইয়া গিয়াছিল। তাঁহার স্ত্রী, কন্যা, পুত্র,  
পৌত্র, দৌহিত্র ইহারা অন্তঃপুরেও বাঙ্গালা কহিতে ভাল-  
বাসিত, অথচ ইহারা সকলেই খাঁটি পঞ্জাবী ব্রাহ্মণ।  
পাণ্ডারা বলে, “রেল হওয়ার পর হইতে আমরা দরিদ্র  
হইয়া পড়িয়াছি। এখন বাড়ীরা একদিন বা দুইদিন অব-  
স্থান করিয়াই রেলগাড়ীর সহায়তায় অশ্রুত চলিয়া যায়,  
তখন তাহারা মাসাধিক কাল পর্য্যন্ত আমাদের বাটীতে  
অবস্থান করিত, সুতরাং আমাদের পরস্পর সখ্যতা  
জন্মিত এবং বিশিষ্ট আয় হইত। আমরা বাঙ্গালীর অর্থেই  
প্রতিপালিত, বাঙ্গালীর প্রদত্ত অর্থেই আমরা পুষ্ট ;  
হিন্দুস্থানী বা পঞ্জাবী ইহারা রূপণ ও দরিদ্র। কিন্তু এখন  
আর সে দিনও নাই, আর সে বাঙ্গালীও নাই।”

ভদ্রকালীর মন্দির দর্শন করিয়া আমি আমীন নামক  
স্থানে গেলাম। এই স্থানে অর্জুনপুত্র অভিমন্যুকে সপ্ত-  
রথী বেষ্টন করিয়া বিনাশ করিবার চেষ্টা করিয়াছিল।  
এখানে এক্ষণে একটি ক্ষুদ্র রেলওয়ে স্টেশন প্রতিষ্ঠিত হই-  
য়াছে। নরকাটারী নামক স্থানে ইতিহাস প্রসিদ্ধ ভীষ্ম-  
দেব শরশয্যায় প্রাণত্যাগ করিয়াছিলেন। নরকাটারী  
এক্ষণে একটি ক্ষুদ্রাদপি ক্ষুদ্র গ্রাম মাত্র, ইহার চারিদিকে  
বন এবং তাৎপরেই মরুভূমি। কর্ণবেড় নামক স্থানে রাজা  
কর্ণের হৃগ, তপস্কার স্থান ও ধনভাণ্ডারের চিহ্ন দেখি-  
লাম। ধর্ম্মপুর নামক গ্রামের পার্শ্বস্থ প্রাচীন ও প্রশস্ত  
হ্রদ “ধর্ম্মহ্রদ” নামে প্রসিদ্ধ। প্রথিত আছে, এই হ্রদের  
তটে ধর্ম্মদেব বকবেশে ধর্ম্মরাজ যুধিষ্ঠিরের পরীক্ষা করিয়া-  
ছিলেন, এই হ্রদতটে ধর্ম্ম প্রশ্ন করিয়াছিলেন, “হে যুধি-  
ষ্ঠির! পৃথিবীতে সর্কারপেক্ষা গরিয়সী, লঘুতর, ক্রতগামী  
এবং শ্রেষ্ঠতম কাহারো ?”

প্রত্যুত্তরে যুধিষ্ঠির কহিয়াছিলেন, “মাতা, ভিক্ষুক, মন  
এবং ধর্ম্ম।” পরীক্ষিতপুরে রাজা পরীক্ষিতের স্মরণ  
সর্পবজ্র হইয়াছিল। রামহ্রদে পরশুরাম কর্তৃক নিহত  
ক্ষত্রিয় বীরদিগের শোণিত প্রোথিত আছে বলিয়া শুনা  
যায়। আদি গয়া নামক স্থানে কিছুকাল ব্যাপিরা গয়া-  
স্বর বাস করিয়াছিলেন। থানেশ্বর রেলওয়ে স্টেশন  
হইতে সার্ক তিন কোশ দূরে “জ্যোতিষ্বর” নামক স্থান,  
ইহাই কুরুক্ষেত্র মধ্যে সর্বশ্রেষ্ঠ স্থান, ইহাই সর্কারপেক্ষা  
পবিত্রতম। এই পুণ্যায় ক্ষেত্রে ভগবান্ শ্রীকৃষ্ণ অর্জুনের

সম্মুখে গীতাত্তর উন্মোচন করিয়া পৃথিবীকে অধ্যাত্ম-জ্ঞানে আলোকিত করিয়াছিলেন। ইহাই শ্রীমৎ ভগবত গীতার জন্মস্থান, এই স্থানেই গীতা প্রকাশিত (Revealed) হইয়াছিল। এই গীতার জন্মই শতপথ ব্রাহ্মণের ঋষি লিখিয়াছেন, “কুরুক্ষেত্র ভূতলে অতুল; ইহা ভূতলে স্বর্গক্ষেত্র।” ভাগবতে লিখিত আছে, “কুরুক্ষেত্রে যিনি ব্রহ্মচর্যা অবলম্বন করিয়া বাস করেন, তিনি জীবনুক্ক পুরুষ বলিয়া গণ্য হইবেন।” কুরুক্ষেত্র-মহাত্ম্য-নামক গ্রন্থের শ্লোকসমূহ পাঠ করিলে বুঝা যায়, অতি প্রাচীনকাল হইতে কুরুক্ষেত্র পবিত্র ও প্রসিদ্ধ। মহাত্ম্য-লেখক কহিয়াছেন, “কুরুক্ষেত্র মুক্তির দ্বার, ইহা সাধনার শ্রেষ্ঠ-স্থল, ইহা অধ্যাত্মজ্ঞানের প্রধান আকর।” এই জন্মই বোধ হয়, ক্ষত্রিয়ধিক ক্ষত্রিয় এর বীরধিক বীর শ্রীমৎ অর্জুন যুদ্ধে হইয়া আগমন করিয়াও, স্থান-মহাত্ম্য-বশতঃ তমোগুণ বিচ্ছিন্ন এবং সত্ত্বগুণে পরিপূর্ণ হইয়া বলিয়াছিলেন :-

“দৃষ্টে মান্ স্বজনান্ কুরু ! যুগ্মস্থান্ সমবস্থিতান্ ।  
সীদন্তি মম গাত্রাণি মুখঞ্চ পরিশুশ্যতি ।”

(ক্রমশঃ)

শ্রীধর্মাবন্দ মহাভারতী।

### বসন্ত সম্ভাষণ।

বসন্ত, শুনিলাম তুমি আসিয়াছ; সুতরাং যদি ছোটো আলাপ না করি, একটু খোঁজ না লই, তবে সকলে আমাকে নিতান্ত বৈরসিক বলিবে, তাই সেই অপবাদ এড়াইবার উদ্দেশ্যেই একটু আলাপ করিতে আসিলাম। অজ্ঞাতকাল হইতেই তুমি রাজা উপাধি পাইয়া আসিতেছ, কন্দর্প ঠাকুরের খাতিরে পড়িয়া সেকলে অর্ধাচীন গুলো তোমাকে ঋতুগণের রাজা বলিয়া একে-বারে কাগজে কলমে স্বীকার করিয়া তোমার একটা মস্ত দলিল করিয়া রাখিয়া গিয়াছে, সুতরাং আমাকেও বাধ্য হইয়া তোমাকে রাজ সন্মোদনই করিতে হইতেছে, নতুবা তুমি সেই সব পুরাণ পটা দলিল পেশ করিয়া আমার নামে

দশটি মানহানির নালিশ চড়া দিবে। আর চটিয়া যে লাল হইবে, আমাকে যে মূখ পাগাকাণ্ড জ্ঞানবিহীন বলিয়া উড়াইয়া দিবে, তাহা তোমারই বাইতেছে! কিন্তু তোমার রাজত্বজ্ঞাপক কোন চিহ্নই তো আমি দেখি না? কোন গুণে তোমাকে রাজা বলিব, বল দেখি? তবে একটা কথা আছে বটে, যে আমাদের উদারহৃদয় ইংরেজ গভর্ণমেণ্টের রূপায় আজ কাল আমরা ভূমিশূত্র, রাজত্ব-শূত্র, তক্ষুমাধারী, অনেক পোষাকী রাজা দেখিতেছি এবং বাধ্য হইয়া তাঁহাদিগকেও রাজাই বলিতেছি! তাঁহা-দিগকেও রাজা না বলিলে তাঁহারা চটিয়া লাল! সুতরাং তোমারই বা অপরাধ কি যে তোমার যুগান্তক্রমিক উপাধিটাই হইতে তোমাকে বঞ্চিত করিয়া তোমার মুখ ছোট করিয়া দিব? তুমি রাগ করিও না—“ক্রোধঃ সংহর, সংহর!” এই তোমাকেও আমি ‘ঋতুরাজ’ বলিয়া সন্মোদন করিতেছি,—মনের রাগ দাম্য কর! তবে ভায়া একটা কথা তোমাকে বলিয়া রাখি, আমাদের ‘রাজার’ সব দেশে সব ভাষাতেই ‘রাজা’ তদন্ত আর কিছু নহেন; ইংরাজ গভর্ণমেণ্টও রাজা কিন্তু তাঁহাদের ভাষায় তাঁহারা কেহ King, কেহ Sovereign, কেহ Emperor, ইত্যাদি কিন্তু তাঁহাদের কৃত অস্বদীয় রাজগণ এরূপ পরি-বর্তনশীল নহেন, তাঁহারা ইংরাজ গভর্ণমেণ্টের ভাষাতেও সেই Raja, সেই Maharaja—King or Emperor পরিবর্তিত হইবার নহেন। ইহার যা কিছু রহস্য তা তুমি যদি বুদ্ধিমান হও, নিজেই বুঝিয়া লইবে এবং এরূপ রাজো-পাধি লোভনীয় কি না বিবেচনা করিও; আর যদি নিবুদ্ধিতা তোমাকে আশ্রয় করিয়া থাকে, তবে আর আমি কি বলিব,—“দেহি দানং দ্বিজাতিভ্যাঃ দেবতারাদনং কুরু!”

তা বাক্য, বলিতেছিলাম যে তুমি রাজ’, সুতরাং প্রাচীন সনাতন প্রথানুসারে তোমার সঙ্গে দেখা করিতে হইলে স্তুতিপাঠ বা আশীর্ব্বচন-সূচিকা গীতিকাতেই তোমার সঙ্গে প্রথম সম্ভাষণটা হওয়া গন্ধিত, কিন্তু আমি তাহা করি নাই। মনে করিও না আমি সে বিষয় অজ্ঞ, আমি ব্যবহারবিদ্ নহি! তাহা নহে, আমি অনেক ফুট-নোট, অনেক ছেডিং, অনেক মটো, নানা প্রকার ভেদাজ, উপনিষদাজ, কত কি-ই অগস্ত্য গণ্ডুষের স্মার

শোষণ বা পবননন্দন কাব্য স্বর্ষ্যের স্মার কুক্ষিগত করিয়া মহামহোপাধ্যায় পণ্ডিত পতি হইয়াছি। কিন্তু কি করিব, নানা কারণে সেরূপ বাধ্য হইয়া এবারকার মত আমাকে নিরস্ত থাকিতে হইতেছে। পাণ্ডিত্যটা ফলাইয়া তোমাকে ও আর আর অজ্ঞ দশজনকে স্তুতিত এবং বিজ্ঞকে হসিত করিতে পারিলাম না বলিয়া আমার যে কি ক্ষোভ হইয়াছে, তাহা আমার ডাইরিটা দেখিলে বুঝিতে পারিবে। তুমি হয়ত বলিবে ওসব খোঁড়া ওজর মাত্র, তাই ছই একটা কারণের গুরুত্ব উপলদ্ধি করাইবার জন্ম তোমাকে জানাইতেছি, অবহিত চিত্তে শ্রবণ কর :-

১। প্রথমতঃ দেখ আজকাল সংস্কৃতে তোমার স্তুতি-পাঠাদি হইতে পারে না, কারণ সেটা মৃত্যু ভাষা। মড়া-ঘাঁটা কাজটা আজকাল মেথর ও ডাক্তারি শিক্ষার্থীগণেরই একচেটে; ভাষার রাজ্যেও সেইরূপ দলের লোক ধারা আছেন, সে কাজ তাঁহাদেরই। কেউ বা মড়াঘেঁটে তার রক্তমাংস সব ধুয়ে মুছে শাদা ধব্ধবে কঙ্কালগুলি আমা-দের সামনে এনে হাজির কচ্ছেন, আর তা ক্রেতাগণের নিকট উচ্চমূল্যে বিক্রয় করে বাহবা নিচ্ছেন, আবার কেউ কেউ চোকা চোকা ছুরি, কাঁচি, চিম্টে নিয়ে মড়ার অঙ্গ বাবচ্ছেদ করে তার সব শিরা ধমনী ও অণুাশ্রয়াদি অবস্থার বিষয় শিক্ষা ও আলোচনা কচ্ছেন। অধোর পছন্দী বন্দে আর একদলও আছে তারা স্বধু মড়া ঘাঁটে না, তারা তার রক্তমাংস সব খাইয়া হজম করিয়া ফেলে, কিন্তু ইহাদেরও কোন দলই সেই মড়ার রক্তমাংস নিয়ে তারি চেহারা কিছু বড় গঠন করে না সুতরাং সংস্কৃত গীতিকা কি করিয়া রচনা করি, বল দেখি! তুমি বলিবে ভাল বাঙ্গালাতেই কেন করিলে না? তার উত্তর ছই নম্বরে দেখ।

২। আজকাল বঙ্গ কবিতার উন্নতির ইতিহাসের বোধ হয় তুমি কোন খোঁজ রাখ না! সেই সেকলে ঋতু সংহারাদির ভাবই বুঝি তোমার মনে আছে? সেটা তোমার একটা মস্ত ভুল। ভায়া, সে কাল আর নাই। কাব্যপ্রকাশ আর কাব্যপ্রকাশের সমর্থ নহে। দর্পণেও এসব কবিতার কোনও প্রতিবিম্ব দেখিতে পাইবে না। এখন কবিতার নবং বয়ঃ, কান্তং বপুঃ, নব বেশ, নূতন লক্ষণ! সে সব পুরাতনদলের আর এখন “কল্কে

চাটাই”ও পাইবার সম্ভাবনা নাই; বাঁধা হকো ফরাস বিছানা তো দূরের কথা! আধুনিক কবিতার লক্ষণের একটু নমুনা শুনিবে?

গ্রাম্য ছন্দোরহিতা চ যদৃচ্ছা শব্দসংযুতা।

তুর্কোথা ভাব গান্তীর্ঘ্যং কিমত্তোষণং কবেরপি।

অনুভূতি প্রধানাত্ম্যং সর্বদা ভাবদ্যোতিকা।

অচেতন কথা শ্রোত্রী চন্দ্রজ্যোৎস্নাদিকাষিতা।

\* \* \* \* \*

কবিতা কথিতা জ্ঞাতা প্রাপ্তস্পৃহা প্রকাশিকা ॥

এই একটু সংক্ষেপে বলিলাম। লক্ষণ শুনিয়াই বুঝি-তেছ যে, আজ কালকার কবিতা মনোরঞ্জিনী হওয়া কত কঠিন। কিন্তু আশ্চর্য্য এই যে তথাপি বঙ্গে ছেলে বড়ো সবাই কবি। কবিতা তারঙ্গ বঙ্গদেশ টলমল! শুনিয়াছি কবিতার দেবতা কোন গুণে শূত্রমার্গে যাইতে যাইতে গোটা কবিতার রসের ভাঙটাই এই বঙ্গদেশের উপর বৃষ্টি করিয়াছিলেন; সেই রস যেখানে যেখানে পড়িয়াছে, সেই সেই স্থানেই ফাটিয়া রক্তবীজের বংশের মত এক এক ভূঁই ফোঁড় কবি দেখা দিয়াছেন; সুতরাং তাঁহারা স্বভাবকবি; বিদ্যা বুদ্ধির কোন ধার ধারেন না। হয়ত বিদ্যা শিষ্টশিক্ষা, বহু গণ্ডের ত্রিসীমাতোও কখন পদার্পণ হয় নাই, তথাপি সেই সব দেবাত্মগৃহীত স্বয়ং সিদ্ধ উর্দ্ধদৃষ্টি কবিগণ যদৃচ্ছা অক্ষর বসাইয়া অতি চমৎ-কার উৎকট কবিতামালা রচনা করেন; আছ কিবা তার পদলালিত্য, কিবা তার অর্থগৌরব! তা সব দেখিয়া তোমার কালিদাসাদিও তটস্থ হন। অস্ত্রে পরে কা কথা! তার ভাব গান্তীর্ঘ্যের কথা আর কি বলিব? পয়ঃ কবিই অনেক সময় তাহার ‘ভাবাবোধ কলুষ’ হইয়া থাকেন! তুর্ভাগ্যক্রমে আমিও মাদৃশ হতভাগ্য আর ছ-চারি জন সেই রসবৃষ্টির সময় বোধ হয় কোন স্নকোমল শব্যায় চম্পকাঙ্গুলি তাড়ন সহ করিতেছিলাম; তাই সে রস আমার কোন অঙ্গেই স্পৃষ্ট হয় নাই, সুতরাং সেরূপ হঠাৎ কবি হওয়ার ভাগ্যটাও আমার ঘটে নাই—আমি নেহাৎ গদ্য। একজ্ঞ অমন সুন্দর কবিতা আমার ঘটে আসে না; তাদৃশ মৌলিক ভাব ও ভাষা সৃষ্টি আমার দ্বারা হয় না—কি করিব বল! তার পর তন্ন দফ।

আমার শরীর অত্যন্ত অসুস্থ, তোমার সঙ্গে আলা-

পটা না করিলে নয়, তাই কেবল কষ্টে সৃষ্টে আসা। আর জানই তো, আমরা সেই সেকলে স্কুলের কবি! মৌলিকত্ব জোগাড় করিতে আমাদের বড় দেরি হয়। বিদ্যা বুদ্ধি কম কি না? তাই ঐরূপ শরীরে সে কল্পনা ত্যাগ করিলাম। এবারকার মত ভাষাতেই সম্ভাষণ গ্রহণ কর। আশীর্বাদ করি তুমি বেঁচে থাক (আচ্ছ কি না সে বিষয়েই বলব সন্দেহ! চটিও না, তা পরে বলব)। আর জন্মভূমি ভগবানের রূপাণ্ডনে কান্তিপুষ্টি ও সমৃদ্ধিলাভ করুন, আগামী মরুমুমে এই আসরেই তোমার আগমনী পালা অশ্রুতপূর্ব্বছন্দে ও ভাবে গান করিয়া তোমার ক্ষোভ মিটাইব এবং জনগণকে স্তম্ভিত করিয়া দিব! অশ্রুত-পূর্ব্ব বলিলাম কেন, জিজ্ঞাসা করিতেছ বৃষ্টি? ভায়া হে, বঙ্গ কবিতারাজ্যে বড়ই কঠিন! যদিও বা কষ্টে সৃষ্টে হুটো কবিতা অঙ্গুলি গণনায় অভিধান সাহায্যে কোনও রূপে মিলাইয়া দিব, তার এক প্রধান অন্তরায় ছন্দ, এখন তো আর সেকলে সহজ সহজ মালিনী, শালিনী, শার্দূল, স্রগ্ধরা, মানবক-ক্রীড়া, রথোদ্ধতা, বিয়োগিনী, ইন্দ্রবজ্রা ইত্যাদি ছন্দ নাই যে, সোজাসুজি দুই চারি গৎ গাহিয়া দিব! এখন প্রত্যেক কবির ছন্দও মৌলিক! কুন্তি-বাসী বা কাশীদাসী বা ঘনরামী, বা কবিকঙ্কণী, কি ভারত-চন্দ্রী ছন্দও এখন আর প্রতিপন্ন নহে! দেখ সব কবিতা-গ্রন্থ—কোন কবিতা প্রশস্ত পাতার উপর তুরক্ষরযুক্ত চরণসহ একটি রেখার ত্যায় বহিয়া গিয়াছে। কেহ বা ৮, কেহ ১০, কেহ ১২, কেহ ১৮, কেহ ২২, কেহ ২৫, অক্ষরযুক্ত চরণবিভূষিত! কোথাও বা দ্রুত মিল, কোথাও বা বিলম্বিত মিল, কোথাও বা অমিল! কোথাও বা কবির ইচ্ছাক্রমে হ্রস্ব দীর্ঘত্ব ও দীর্ঘে হ্রস্ব আরাপিত! এইরূপ মৌলিকত্বের দিনে আমি কোন সাহসে আমার সেই পুরাতন একঘেয়ে ছন্দ সাধারণ্যে বাহির করিব, বল দেখি? তাই এখন হইতে সংস্কৃতচিন্তে বিধিপত্র ও হরিতকী ভোজন পূর্ব্বক হেটমুণ্ডে উর্দ্ধপদে জপতপানু-ষ্ঠান করিতে থাকি, এ সাধনায় সিদ্ধিলাভ করিলে আগামী মরুমুমে অভূতপূর্ব্ব ৩০১৪০ অক্ষর সমন্বিত নানা মিলালঙ্কৃত এক নবছন্দ সৃষ্টি করিয়া তোমাকে গান শুনাইব; কিছুমাত্র ক্ষোভ করিও না!

এতক্ষণ তো কেবল কৈফিয়তের গোরচন্দ্রিকাই গাছি-

লাম—এতে আর কাজ নাই, কারণ আমার শরীরও অস্থূল, সময়ও কম! হুটো কথা বলতে হবে—তাই এখন আসল কথায় এস! গোড়াই বলেছি “শুনিলাম তুমি আসিয়াছ।” এ কথায় তুমি হয় ত বড়ই রাগ করিয়াছ! “কি আমা হেন একটা ‘মাগর ডাগর নাগর রাজা’ আসিল, আর তুমি শুনিলে মাত্র? আমার আসার কোন পরিচয়ই কি তুমি পাও নাই? আমার নকীব এসেছে, দূত এসেছে, ঘরবাড়ী সব সজ্জিত হয়েছে, এসব কি দেখ নাই?” ভায়া হে ঐ বিষয়টা নিয়েই তোমার সঙ্গে আমার একটু বিতণ্ডা আছে—তাই এ অস্থূল শরীরেও আমার আবির্ভাব! নতুবা আসিতাম না! হাঁ, শুনিলাম বৈ কি? দেখি নাই—এখনও শুনিতেছি মাত্র—দেখিতেছি না, তবে যে এ সম্ভাষণ ইহা কতক পূর্ব্ব স্মৃতির অভ্যাসবশে ও কতকটা উদ্দেশ্যে! দার্শনিক পণ্ডিতগণের মধ্যে অনেক সময় দেখার কাজ শুধু শোনার দ্বারা হয়, আকৃতি প্রকৃতি সবই শোনার দ্বারা নির্ণীত হইতে পারে। তাই বলিতেছিলাম, ‘শুনিলাম।’ তোমার নকীবগণের মধ্যে তো এক কোকিল, তিনি সেদিন কোথা থেকে একটু ‘ছুকু’ ‘কুহু’ বলিয়া উচ্চৈঃস্বরে দিয়াছিলেন; শুনেই তাঁর খোঁজে বাহির হইলাম, তোমার কথাটা একটু বিশেষ করিয়া শোনা আর ‘কবে আসবে’ তাও জানাই উদ্দেশ্য ছিল। কিন্তু আর দেখা নাই, কোথায় যে পালালেন, কি ভেবেই বা অদেখা হলেন, তা তিনিই জানেন; আমার কেবল পশুশ্রম—আর তাই শুধু আমি কেন, অনেকেই তাঁর দেখা পান না—বিলাতী একজন পাগুলা কবি বাল্যকাল হইতে তাঁকে বনে জঙ্গলে, পাহাড়ে পর্ব্বতে খুঁজে খুঁজে পরিশ্রান্ত হয়ে, শেষে সিদ্ধান্ত করিলেন, ওটা শব্দময়মি মাত্র, তার পৃথক একটা অস্তিত্ব নাই!

আর তোমার নকীব বড় বেয়াদবও বটে, শুধু যে এই সময়ই সে তান ছাড়ে তা নয়, মধ্যে মধ্যে বেটা শ্রাবণ, ভাদ্র, আশ্বিন প্রভৃতি অসময়ে কোথা থেকে তান ছাড়িয়া মনে বিদ্রম লাগায়! অকালে তার ডাক শুনিয়া প্রাণটা যেন চমকিয়া উঠে, পূর্ব্বকালের একটা ভয়ানক স্মৃতি চোখের সামনে ফুটিয়া উঠে, সেই যে ছাই ভস্মের কথাটা মনে পড়িয়া যায়। ওঃ! সে দারুণ কথা আর তুলে কাজ নাই!

এই তো তোমার বৈর অবস্থা! তাকে দেখা পাওয়া যায় না, স্মরণও অশ্রুতমাত্র। তার পর তোমার ভ্রমরাদি দূতেরা তো একেবারেই অদৃশ্য এবং এমন কি অশ্রুত। পূর্ব্বকৈ তুমি ভ্রমরগুলিকে তোমার সখার শর পুঞ্জ নামাবলী রচনায় নিয়োগ করিতে, আজ কাল ছাপাখানা হওয়ায় নাম ছাপিয়া দাও বৃষ্টি? নতুবা ভ্রমর দেখি না কেন? বাল্যকালেও বেশ কাল কাল ভ্রমর সব দেখিতাম—তখন এত রস ও মধু বোধ হয় নাই, কেবল দেখিতাম মাত্র; কিন্তু এখন বৃষ্টি ক্রমোন্নতি দর্শন বলে মে বংশ নির্কশ? সে পদে তুমি কাহাকে নিযুক্ত করিয়াছ, তাহারও কিছুমাত্র বিজ্ঞাপন দাও নাই, স্মরণও কেমন করিয়া জানিব বল? এখন যত ভ্রমর সব কলিকাতার থিয়েটার অর্থাৎ রঙ্গমঞ্চ আশ্রয় লইয়া বেশ দু পয়সা উপার্জন করিতেছে!

তার পর তোমার শ্রিয় সঙ্গী মলয়ানিল! তার কথা আর বলিও না—সে জ্বালাতন করিয়া ছাড়িল! সে কালের মলয়ানিলটা যেন বেশ একটু মুছ উফ গুণযুক্ত ধীর ললিত গোছ ছিল, কিন্তু দিক্ দক্ষিণার বিরহক্রমেই বেশী গুরুতর হওয়ায় তথা দক্ষিণ-দেশীয়া যুবতীগণের মধিকাংশেরই স্বামিগণ স্বৃতির খাতিরে বিদেশে ‘গন্তঃ প্রবৃত্ত’ হওয়ায় সকল উফ নির্ধাসের সমবায়ে সে অনিল আজ কাল বড় বেশী উফ হইয়া পড়িয়াছে এবং বেগও বিশেষ বৃদ্ধিপ্রাপ্ত হইয়াছে। সে অনিল হুপ্রহরে গায় লাগিলে ফোকা পড়ে, এত তার কাঁজ! তাই ভয়ে ভয়ে দরজা জানালা বন্ধ করে ঘরের মধ্যে বসে থাকি, সে বেটা বাহির থেকে বাঁশ বনগুলি ভাঙ্গে, সে সে করিয়া কেমন পাগুলা উচ্ছ্বলভাবে ছুটে ছুটে বেড়ায়, আর দেওয়ালে, দরজার, জানালার মাথা ভাঙ্গে! তার প্রবা-হেরই কি ঠিক আছে? কখন পশ্চিম, কখন উত্তর-পশ্চিম কোণ থেকেও বহে! আর সেও বুঝ বুঝ করিয়া কি? একেবারে ঝড় মূর্ত্তি! এই কি সেই মলয়ানিল? কি জানি ভাই, কেমন করিয়া তা জানিব বল!

তার পর ঘর বাড়ী পরিষ্কার করার কথা যে বলেছ তা কই ভাই? ঘর বাড়ী পরিষ্কৃত ও সজ্জিত করার ভার বোধ হয়, তোমার মলয়ানিল ভায়ার উপর ছিল, তাঁর পরিষ্কার পরিচ্ছন্নতার ধারণাটা বোধ হয়, আজকালকার

বিজ্ঞানযুক্তির বিপরীত, তাই তিনি খয়ের খাঁ চাকরের মত যত রাজোর ধুলো তুলে এনে এনে তোমার পল্লবাসুরণ, কুমুম শয়ন আদি যা দু একটা ভাঙ্গা খাট বিছানার শয্যা ছিল তা সব পূর্ণ কচ্ছেন, আর সঙ্গে সঙ্গে আমাদের বেচারাদের ঘর বাড়ী, বিছানা পত্র এমন কি খাদ্যাদিতে পযাত্ত সে রাজপ্রসাদ বণ্টন করে রাজভৃত্যের গুরুত্ব উপলব্ধি করাইতেছেন।

মধ্যে মধ্যে ঝড় মূর্ত্তিতে তোমার সাধের নবপল্লবিত বৃক্ষ ও নবকুমুমিতা লতাবলীকে নাস্তা নাবুদ করিয়া ছাড়িতেছেন। বেটার রসবোধ একেবারে নাই, নতুবা ঐরূপ করিয়া কোমলা অবলাগণকে জ্বালাতন করে; একটু বাহির আসিলে তাহারা নিজ বস্ত্র সংযমনেই বাতিবাস্ত! তার পর তিনি এতেই সন্তুষ্ট নহেন, তিনি শিশিরাঘাত জর্জরিত অগ্নি ভায়ার সহিত বেশ ভাব করিয়া লইয়া স্বতেজে তাহাকে সবল করিয়া লইয়াছেন, এবং সময় সময় সূবিধা মত তাঁহাকে আকাশমার্গে গমনের কৌশল শিক্ষা দিচ্ছেন এবং বলিয়া দিয়াছেন

“সম্মুখে দেখিলে খড়ো বাড়ী ধাম

শাস্ত হ’লে তথায় করিবে বিশ্রাম।”

স্মরণ দিন নাই ক্ষণ নাই এই সব গরীব আমাদের ঘর দ্বার অগ্নিদেবের আসন স্থানীয় হইয়া একেবারে স্বদেহ ত্যাগ করে আমাদের বিশেষ সম্ভাষণ উৎপাদন কচ্ছে। অনেক গৃহস্থ তাঁর রূপায় একেবারে ফকির হয়ে যাচ্ছে, সে সর্বভূকের হস্তে নিস্তার কোথায়? এ দিকে ইস্ত্রদেব যিনি স্বকারণ্য উদ্ধারের জন্ত আমাদের কত খোসামোদ করেছিলেন, এখন তিনিও পণে ঘাটে জল দেওয়া একেবারে বন্ধ করেছেন। সূর্য্যবাবু ছাড়ি-বেন কেন? তিনিও তোমাকে অভ্যর্থনা করার জন্ত স্রীয় তাঁক রক্ষিজাল প্রেরণ করেছেন। তাদের ঝাল সহ্য করা তাই বড় সহজ কস্ম নহে!

এ দিকে যমরাজের নিকট অনুমতি লইয়া তোমার শ্রিয় মিত্র বসন্ত তাঁহার বন্ধু ওলাউঠা সমভিব্যাহারে আমাদের মধ্যে আসিয়া পড়িয়াছেন, এবং এই সব যমের special দূতেরা যাহা যাহা কচ্ছেন তা চিত্রগুপ্ত মহাশয়ের খাতায় জমা আছে। যমরাজ এতকাল ঐ দুই জনকেই প্রধানতঃ তোমার অভ্যর্থনাকল্পে এত দিন

পাঠাতেন, কিন্তু তাহাদের কৃতকার্যতায় বোধ হয় তাঁর তেমন সন্তুষ্টি হয় নাই, এজন্য সম্প্রতি প্লেগ নামক অতি সূচেরার শিষ্ট শাস্ত্র এক জন দূত পাঠাইয়াছেন, তিনি জাহাজে বোম্বাই নামিয়া রেল সহযোগে মান্দ্রাজ, উত্তর পশ্চিমাঞ্চল ইত্যাদি দেখিয়া বেড়াইতেছেন এবং আমাদের বঙ্গ ও মধ্যে মধ্যে পদার্থ দ্বারা দেশকে ধ্বংস ও পূত করিতেছেন। এখানে পাল মুন্সী মহাশয়ের বাটতে তাঁর বাসা। যমরাজ নিশ্চয়ই তাঁহাকে নূতন ব্রতী করিয়া "no conviction, no promotion" এই মন্ত্র কাণে দিয়া দিয়াছেন, সুতরাং তিনি স্বীয় কার্যতৎপরতা প্রদর্শন করিতে কিছুমাত্র ক্রটি করিতেছেন না। তাঁর সৌজ্ঞেয় এমনি অসাধারণ যে বার সপ্তে তিনি একবার দেখা ও আলাপ কচ্ছেন সেই তাঁর গুণে বন্ধ হইয়া একেবারে তাঁহার বাড়ীতে গিয়া বসবাস করিতেছে, সুতরাং তোমার অভ্যর্থনার ঘটনা খুব! মলয়ানিল ভায়ার আর কোন কাজ নাই, কেবল এর কথা ওর কাছে, এর কুৎসা ওর কাণে চালান কচ্ছেন, আর সপ্তে সপ্তে কুলোর বাতাস কচ্ছেন!

তুমি রাজা—তাও আবার যে সে রাজা নও, রিপূরাজ মহাবাবু বিলাসী কানদেবের প্রিয় সহচর সুতরাং তোমার বাবুগিরি ও বিলাসিতা আমাদের রাজাদের মোসাহেব-গণের ত্যায় আরও বেশী, সেটা নিশ্চয়, সুতরাং তোমার পটমণ্ডপাদি যে একরূপে পরিষ্কৃত হয় তা কেমন করিয়া জানিব? তোমাদের পরিচ্ছন্নতার দৈব idea আমাদের নরলোকের মাথায় আসিবে কেমন করিয়া?

যেমন পরিষ্কার করার ব্যবস্থা, তেমনই সজ্জিত হওয়ারও বন্দোবস্ত। স্বয়ং মহাশয়ের করজালের অভ্যর্থনার চোটে প্রায় অনেক বৃক্ষ লতাই পরিগুণ্ড এবং নীরস! শাসকের প্রতিনিধিগণ মফঃস্বল আসিলে গরীব প্রজাগণ তাঁহাদের ও তাঁহাদের অধীনস্থগণের উদর স্বতঃ পরতঃ পূর্ণ করিতে এইরূপ অবস্থাতেই পড়িয়া থাকে। কর মহাশয়দের উদর পূর্ণ করা বড় সহজ নহে, তাঁহাদের তৃপ্তির জন্য সব প্রজাবর্গই নিজদেহ 'রক্ত' দান করিয়া জীর্ণ শীর্ণ হইয়া পড়িয়াছে। যে সব বৃক্ষ লতা বিশেষ ধনশালী ও রসভাবপূর্ণ, তাহাই কর মহাশয়দিগের আকাঙ্ক্ষা নিবৃত্ত করিয়া ছই চারিটা নবপল্লব পুষ্পাদি

ভূষিত হইয়াছে মাত্র, তাহা তেমন ক্ষুধার্তি নাই সন্দেহ দাই যেন কেমন ভীত ভীত!

অনেকেই মলয়ানিল ও কর মহাশয়দের কৃপার মস্তকাপি পয্যস্ত মুগুন করিয়া গরীবানা ভাব দেখাইতেছে সুতরাং তোমার শব্দ আর বিশেষ কই? এ তো দেখিতেছি সেই শকুন্তলার সময়ের অবস্থার মত? মনে আছে ত? সুতরাং কেমন করিয়া প্রত্যক্ষ দেখিয়া বলিব যে তুমি আসিয়াছ? তোমার পূর্বকালের মশরীকে আগমনের যে ইতিহাস আমরা পাঠ করি তাহাতে তোমার আধুনিক আগমন সম্বন্ধে বলবৎ সন্দেহ হইবারই ত কথা! তখন নাকি কেমন একটা হলধ্বংস পড়িয়া যাইত, সে বড় সাধারণ ব্যাপার নহে। প্রকৃতি তোমাকে অভ্যর্থনা করিবার জন্য নব সাজে সজ্জিত হইতেন, নববেশ পরিধান করিয়া নব অলঙ্কারে দেহী বুদ্ধি করিতেন, অলকা তিলকা দ্বারা অঙ্গরাগ ও শ্রীচন্দনাদি দ্বারা অঙ্গের শোভা সম্পাদন করিতেন। আকাশমণ্ডল সুনির্মল হইত, কবোক্ষ মলয়ানিল কুপসুর করিয়া বহিয়া বিরহিনী রমণীগণের হৃদয়ের মর্ম্ম স্থানে পীড়ন করিত। তখন মানুষ তো মানুষ তিথ্যাক জাতির মধ্যে পর্য্যন্ত একটা নূতন পরিবর্তন দেখা দিত! পলাশ তোমার সন্তোষ চিহ্ন প্রকাশ করিত, অশোক ডালে মূলে ফুটিয়া উঠিত, সকল বৃক্ষতলায় কোমল ও সুন্দর পুষ্প পত্রাবলী ফুটিয়া উঠিত, বিহঙ্গের অব্যক্ত মধুর কাকলিতে প্রাণ মন মুগ্ধ হইত; তখন তোমার 'চুতাম্বুরাস্বাদ-কব্যকর্ষণ' কোকিলের কুলুভায়ে মনস্বিনীগণের মান ভাঙ্গিয়া যাইত! চুতাম্বুরটা এখনও হয় বটে এবং সেই তোমার আগমনের একমাত্র নিদর্শন বলিলেই হয়; কিন্তু কোকিল ভায়ার তদাস্বাদপটুতা ও তদরূপ কণ্ঠে কব্যকর্ষণ বিষয় আধুনিক ঐতিহাসিকগণ স্বীকার করেন না, বরং এখন কোকিল ভায়ার যে অনেক সময় লুক্কায়িতভাবে বর্ষাকালেও এদেশের পক্ষযু ফল প্রত্যাশী হইয়া আসিয়া থাকেন এবং তদ্রূপ পানে তাঁহার স্বরভঙ্গ উপস্থিত হয় একরূপ সাক্ষ্য অনেক সুপণ্ডিত ব্যক্তি প্রদান করিয়াছেন। তারপর কোকিলের স্বরে মনস্বিনী দেব মান ভাঙ্গার কথা?—হা! হা! হা! সে কথা ভুলেও আর বোলো না, লোকে পাগল বলিবে আর সন্মার্জনী

নামক বক্ষীর ললনাকুলে বিশেষের ভয়ও সে ক্ষেত্রে যথেষ্ট বর্তমান; তাই সোমন করিয়া দিতেছি। ভায়ার আজ কালকার মনস্বিনীগণ এত তরলমতি, বা বোকা নহেন যে সামান্য একটা পাখীর ডাকেই তাঁরা মান ভাঙ্গিবেন আর তাঁহাদের মানও এত ভঙ্গপ্রবণ নহে যে এত অল্পতেই তাহা ভাঙ্গিবে। এখনকার মান কোকিল বসন্তে আর ভাঙ্গে না, ভায়ার! কোকিল কেন তার আসল প্রভূ পর্য্যন্ত এবিধে অগারগ! এখন কি আর পাখীর ডাকে মান ভাঙ্গে তা হলে 'বো কথা কও' বৃথা এতকাল এত উচ্চরবে করুণ চাঁৎকারে গগনমণ্ডল ধ্বনিত করিত না। আহা বেচারী পূর্বজন্মে দুর্জয় মান ভাঙ্গিবার জন্ম শত চেষ্টা করিয়াও শেষে জীবন বিসর্জন করিয়া পক্ষী জন্ম লাভ করিয়াও রমণীহৃদয়ের কাঠিগের পরিচয় প্রদান করিতেছে—এ দেখ একদিকে বেচারী পাখীর চাঁৎকার অতর্কিত পদপ্রাপ্তে পেচকবৎ উপবিষ্ট স্বামীর কাতর মাধ্য সাধনা তথাপি 'বো' কথা কহিল না, গৃহলক্ষ্মী প্রসন্ন হইলেন না—অপরাধ? এসেস একশিশিও আনা হয় নাই, হা হতভাগ্য স্বামিন্, স্বীয় দেহরক্ত দান করিয়া দেখ; তোমার ইষ্ট দেবতার প্রসন্নতা লাভ হয় কি না!

এখনকার মান বোম্বাই সাড়ী, সাটীন বডি, আতর এসেস, সোণার জড়োরা অলঙ্কার, ইত্যাদিতে কতকটা ভাঙ্গে বটে! ও সব ফাঁকা আওয়াজে কিছু হয় না। তোমার প্রিয়বন্ধুর কারিগরীও এ বিষয় সম্পূর্ণ ব্যর্থ হইয়া পড়িয়াছে! প্রেম, ভালবাসা ইত্যাদি এখন অনেক নিমে, বার্থই এখন প্রধান পদস্থ! বসন্তই আসুক, আর অন-দই আসুক, তাঁদের মান তাঁরা না ভাঙলে কারও বাবা-রও মাধ্য নাই যে ভাঙেন! তা যদি না হইবে তো এই তো সময়, এ সময় নাকি তিথ্যক্ জাতির পয্যন্ত "কাঠ-গত স্নেহরসালুবিদ্বং দ্বন্দ্বানি ভাবং" কার্যদ্বারা প্রকাশ করিয়া থাকে; কিন্তু কই ভায়ার তাহা প্রত্যক্ষ প্রমাণে সিদ্ধ হয় না। এই তো চক্ষের উপর একজন আছেন; তিনি তাঁহার দেহরূপ কাষ্ঠাগত সুগন্ধি স্নেহালুবিদ্বং দ্বন্দ্বভাব প্রকাশ করিতেছেন বটে, কিন্তু সেটা দ্বন্দ্বের অর্থ! তাহা অল্প-ভব করিতে করিতে কাণ ও প্রাণ একত্রেই জীর্ণ হইতেছে। একরূপ দ্বন্দ্বভাব বেশী দিন স্থায়ী হইলে এ গরীবের যে চির-বসন্তময় প্রদেশে প্রবেশের পথ খোঁচসা হইবে, তাহা নিশ্চয়!

আরও শুনি তোমার আগমনে মানবের মন নাকি কিছু উৎসুক উৎসুক থাকে, আজ কালকার কবিতার মত 'কি যেন' 'কোথা যেন' করে। প্রোধিতভর্তৃকাগণ নাকি এ সময় আহার নিদ্রা পরিত্যাগপূর্বক কেবল খাঁটি অশ্রুজলে বক্ষ ভিজাইয়া ঠাণ্ডা করিতে চায়! আর কোকিল, ভ্রমর প্রভৃতিকে খুব করিয়া গালাগালি করে। তাদের রবে নাকি চমকিয়া উঠে, হায় হায় করে! ভায়ার হে, বলিলে নিজ বুদ্ধির পশার হানি হয় বলিয়া রাগ করিবে, কিন্তু বাস্তবিকই কথাটা একেবারে শাদা মিছে কথা! আমি অনেকরূপ বিশ্বস্ত প্রমাণের বলেই এই সিদ্ধান্তে উপনীত হইয়াছি। আমি বেশ জানি ওরূপ কিছুই তাঁহাদের হয় না! পূর্বে তোমার আগমনে মুনি-গণের চিত্তও নাকি বিচলিত হইত, তাঁহারাও নাকি তোমার প্রবৃত্তি দেখিয়া কষ্টে সৃষ্টে মনটাকে বাগাইয়া রাখিয়া 'কথঞ্চিৎ মনের ঈশ্বর' হইতেন কিন্তু ভায়ার হে, আজ কালকার মনস্বিনীগণ মুনিগণকেও পরাস্ত এবং অধঃপাতিত করিয়াছেন। তাঁহারা সেই সর্ব্বশেষে 'কালের 'কপালে আগুণ' বেটার মত একেবারে "নির্বাত নিষ্কম্প-মিব প্রদীপং" নিষ্কিকার ও অচঞ্চল! তোমার বন্ধুর জারিজুরি একেবারেই ভাঙিয়া দিয়াছেন অথবা তোমার বন্ধু বোধ হয় তাঁহাদের নেত্রাগচ্ছটা এবং মুখ জোরের ঘট দেখিয়া পূর্ব্ণভাব স্মরণ করিয়া ভয়ে তাঁহাদের কাছে বড় একটা বেঁসেন না! কারণ কই? তাঁহারা অল্প কালেও যেমন এখনও তেমনি! সেই চিঠি পত্র লেখা, উল মোজা বোনা, নাটক নবেল পড়া, কেশ বেশ ও শয্যাপরায়ণতা, সেই পরচর্চা ও পরকুৎসা, কষ্টে সৃষ্টে দৈনিক চারিবার আহার এবং দিব্যাত্র মুনিদ্রা এসব তো বেশ সমভাবে এবং সুশৃঙ্খলভাবেই দেখিতে পাই! উৎ-কর্ষণও কোন লক্ষণ দেখি না, একান্ত ভয়ও কোন কনি নাই! সুতরাং কেমন করিয়া বলিব তুমি আসিয়াছ? কার্যকারণ পরম্পরায় তো তাহা সিদ্ধ হয় না! তবে কি তাঁরা তিথ্যক্ জাতিরও অধম? বাপ! তোমার সাহস থাকে, তাহা তাঁহাদিগকে বলিয়া আসিও—আমার এক-টার অধিক প্রাণ নহে সেও আবার মর্ত্য প্রাণ আমি সে সাহস করিতে পারিব না!

তোমার বন্ধুর প্রধান অঙ্গ চুতাম্বুর দেখা দিয়াছে বটে,

কিন্তু সে ভোঁতা! কোনই ধার নাই! তাহার কোন প্রভাবই দেখি না! পূর্বে পূর্বে এই চূতাকুরেরই বা কত সম্মান ছিল! লোকে এতদ্বারা তোমার ও তোমার বন্ধুকে আবাহন করিত, এবং ইহাকেও কত আদর করিয়া 'আতম্ব হরিঅ পণ্ডুর বসন্তমাসস্ম জীঅ সর্কস্ম' ইত্যাদি এবং "তুং সি চূতাকুরো দিগ্নো" ইত্যাদি দ্বারা মাম্ভল্য ভূষিত করিত এবং কপোত হস্তক করিয়া তোমাদিগকে উপহার দিত। সে সব কি মনে আছে? তখনকার সময় তোমার কত মাম্ভ, কত আদর! তোমার উৎসবে তখন কত ঘট! রত্নাবলী সাগরিকার কথা মনে আছে কি? স্বয়ং রাজা রাজ্ঞী পর্য্যন্ত তোমার উৎসবে মাতিয়া পড়িতেন! কি উৎসাহ, কি প্রফুল্লতা! কোন কারণে সে উৎসব বন্ধ হইলে লোকের কত কষ্ট, কত ক্ষোভ! মনে কর দেখি, সেই শকুন্তলার সময়কার ব্যাপারটার কথা!

আর এখন তার কি আছে বল দেখি! সেই ত চূতাকুর এমসেছে, কিন্তু কেউ কি ভুলেও জিজ্ঞাসা করে? যা কিছু একটু মনে করে সে চূতের জন্ত তোমাদের জন্ত নহে। যদি সেটা তোমার জন্ত বলিয়া ভাবিয়া থাক তবে বড় ভুল হইয়াছে, নিশ্চয় জানিও।

সুতরাং ভাই আমি যে গুনিলাম বলিয়াছি তাহাতে আমার অপরাধ কি? তোমাকে দেখিবার এখন কি আছে বল দেখি যে তাই দেখিয়া বুঝিব তুমি এসেছ? সেই মধু-দ্বিরেকং কুহুন্মৈক পাত্রে," সেই 'শুঙ্গেন চ স্পর্শনিম্নীলিতাক্ষীং,' সেই 'অর্দ্ধোপভুক্তেন বিসেন জাভাং' সেই "দদৌ রসাং পঙ্কজরেণুগন্ধি" ইত্যাদি কিছুই তো নয়নগোচর হয় না ভাই! প্রকৃতির শয্যার বিবরণও তো পূর্বেই বলিয়াছি! "কাষ্ঠাগত ম্লেহরসানুবিদ্ধা" ভাবেরও কোন পরিচয়ই নাই! আমারও একটা কাষ্ঠের প্রাণ আছে তারও তো কোন বৈলক্ষ্য দেখি না!

নকীবও মাঝে মাঝে বাঙ্কার দেন, আন্দের মুকুলও দেখি, অনিলও যে মধ্যে মধ্যে গায় না লাগে তা নয়, তথাপি তো সে সব ছলছল ব্যাপার কিছুই হয় না। প্রাণও ছুঁ করে না, খালি খালিও বোধ হয় না, কোকিলের চৌদ্দ পুরুষ উদ্ধারের জন্ত ব্যাধজীবন কামনা হয় না, চন্দ্রকে চূর্ণ বিচূর্ণ করিবার জন্ত অথবা গ্রাস করিবার জন্ত রাহু প্রাপ্তিরও ইচ্ছা হয় না, ভ্রমরকেও কমলোদরবন্ধ-

নস্থ করিতে ইচ্ছা হয় না, উচ্চন্দন অনুলেপন প্রায়-জনও অনুভব করি না! তুমি বলিবে "তোমার নীরস প্রাণ তাই হয় না!" ভাল-বন্ধু পরাবই কি প্রাণ নীরস? নতুবা কোথাও তো প্রত্যক্ষ প্রমাণ পাইতাম? যে ছই একজন পেশাদারি 'ছ ছ' 'হা হা' করে সে কেবল বাহ্যিক, আন্তরিক একবিন্দুও নহে, আমি শপথ করিয়া বলিতে পারি। আর আমিই বা নীরস কিসে? সে রূপ অভিযোগ স্ত্রীপুরুষ কেহই কখন আমাকে করে নাই সুতরাং তাহা অগ্রাহ! আদত কথা তোমার আগমনের যেরূপ আড়ম্বর প্রাচীন ইতিহাসে দেখি, এখন তার কিছুই নাই—দেখি না—তাই বলি তুমি আসিয়াছ তাহা বুঝিতে পারি না! তোমার এই সব প্রভাব সামার্থ্য গুলি যে কোন কবির উচ্চ মস্তিষ্কের কল্পনার সৃষ্টি মাত্র এক কথা বলিয়া তোমার মর্যাদা লঙ্ঘন করিতে সাহস হয় না! Theseus এর সঙ্গে সঙ্গে

As imagination bodies forth

The forms of things unknown, the poet's pen  
Turns them to shapes and gives to airy nothing  
A local habitation and a name."

এ কথা বলিতেও মাথার ভয় রাখি! সুতরাং বাণ হইয়া বলিতে হয় যে তুমি এসব দেশে আইস না! গাহাড় পর্বতে যাও কি না জলধর বলিতে পারেন, কারণ সে সব স্থানে তাঁহার সর্কদা গতায়াত আছে, বন জঙ্গলে যাও কি না তাহা বনবিহারীগণই বলিতে পারেন, গৃহবিহারী আমি তাহা কি জানিব?

তবে এই সব স্থানে যাহা সব দেখি তাতেই বলি যে অস্ততঃ এই বঙ্গদেশে তোমার আগমন এখন হয় না! অথবা হইলেও তোমার সে সব প্রভাব প্রতিপত্তি বুঝুক, আর এই সুসভ্য শিক্ষিত বিজ্ঞানালোকোদ্ভাসিত বঙ্গের উপর খাটে না। সেই ইন্ডুজালের মোহ প্রভাব টুটিয়া গিয়াছে। বঙ্গে এখন রমণীগণও বিদূষী, বিজ্ঞান-যুক্তিনিষ্ঠতা, কবিত্তে 'অতি নদীষণ' তাঁহারা তোমারও বুঝুকিতে ভুলিবার নহেন! সেকালে "যষ্টী মাখাল" পূজা ওয়ালা নিরক্ষর অন্ধ বিশ্বাসানুবর্তিনীগণের প্রতি বুঝুকি দেখাইয়া ভারি বাহাজুরী লইতে, আর ভাবিতে তোমাদের ক্ষমতা যেন কতই, নিজের ওজন পাইতে না, এখন তেমন

জঙ্ক! বঙ্গে আর কোন ঐশ্বরী খাটে না তুমি তো তুমি, তোমার বন্ধুর অজের পরাও পরাস্ত হইয়াছে; রমণীগণ এখন সর্বজয়া হইয়াছেন। তাই বলিয়াছিলাম, গুনিলাম তুমি আসিয়াছ! বড় অপরাধ হয়েছে, কি ভাই? বা হোক, কৈফিয়ৎ দিতেই আজকার দিনটা গেল! বেলা বড় বেণী হইয়াছে, সুতরাং আজকার মত আসি! তোমাকে আর একদিন এসে ছুটো হিত কথা বলিব, পরামর্শ দিব। তুমি রাজা—তা হইলেই বা, গরীবের কথা শুনিতে আর দোষ কি? রাখা না রাখা সেটা তো তোমার হাত! আমি বলিয়া যাইব মাত্র! বিশেষতঃ আমার কিঞ্চিৎ গলকণ্ঠ ও করকণ্ঠ রোগ আছে, তাই গলাবাজি ও কলমবাজি সময় সময় না করিলে শরীর শূন্য থাকে না—সুতরাং গ্রাহ হউক বা না হউক, কেহ শুনুক বা না শুনুক, পড়ুক বা না পড়ুক, আমার বক্তৃতাটা করা বা লেখাটা চাই—আজকাল আমার ঐ একমাত্র বল, ঐ একমাত্র জীবনোপায়, ইহা হইতে আমাকে বঞ্চিত করিও না তা'হলে মরিয়া যাইব! আমার অস্ত কোন কাজ নাই, এমন কি খুড়া পর্য্যন্ত নাই যে তাঁহার গঙ্গাযাত্রার বিধান করিব, সুতরাং মধ্যে মধ্যে বক্তৃতায় হিতকথা না বলিলে আমার দিনই বা চলে কি ক'রে তাই বল দেখি,— অর্থ নাই, সামর্থ্য নাই অথবা রূপণতা আছে, স্বার্থসিদ্ধি আছে, ভয়টা বিলক্ষণই আছে, সুখ স্বচ্ছন্দতা বোধও বিশেষই আছে অথচ দশজনের উপকারটাও করা চাই, এরূপ নিখরচায় হিতৈষী নাম গ্রহণ করা এক বক্তৃতা ভিন্ন আর কিসে হয় বল? অতএব দোহাই তোমার আমি আবার যাহা বলিব তাহা তুমি শুনিও, অথবা বলিও হাঁ গুনিয়াছি, সেই যথেষ্ট।

তবে আজ একটা কথা তোমাকে সমজাইয়া দিতেছি যে যদি তুমি আসিয়াই থাক, তবে সেটা তোমার বড়ই ভুল হয়েছে! তোমার পূর্বের সে সম্মান, সে প্রতিপত্তি কই? সে তো এখন স্মৃতিগত! "তে হি তে দিবসঃ গতাঃ।" এখন রমণীগণ পর্য্যন্তও যখন তোমাকে একটুও গ্রাহ করে না, আদর করে না, জিজ্ঞাসা করে না, তখন কেন এরূপ রবাহতের মায় অনাহ্বানে অসম্মানে তোমার আসা? অপমান বোধ হয় না কি? যাও কিছুদিন এস্থান ত্যাগ করিয়া তোমার বন্ধুর সহিত হিমালয়ের নিভৃত গুহার

আশ্রয় গ্রহণ পূর্বক এই অপমানের প্রতিশোধ বা প্রতিহিংসার উপায় চিন্তা কর গিয়া—নূতন নূতন কোশল, অস্ত্র ইত্যাদি আবিষ্কারের পথ উদ্ভাবন কর গিয়া! ছি! একটু পূর্ব গৌরব, আত্মসম্মানের বোধ থাকা কর্তব্য। তোমরা সব দেবতা, তোমারাও যদি আমাদের মত শত বার পদাঘাত সহ করিয়াও আবার সেই পদে হস্তাবমর্ষণ করিতে আইস, তবেই ত সব হইয়াছে!

যাও দেখি, এদেশ ছাড়িয়া চলিয়া যাও, এই অপমানের প্রতিবিধানের চেষ্টা কর; আমিও সে বিষয় ছুচাটটি পরামর্শ দিতে প্রস্তুত আছি! তারপর নব বলে, আশ্চর্য্য কৌশলে এবং নব অস্ত্রে ভূষিত হইয়া আসিয়া বীরদর্পে নিজ সম্মান আদায় করিও, আজ যাহাদের দ্বারা অপমানিত ও লাঞ্চিত হইতেছ, তাহাদিগকে পদানত করিও, আবার দেখিও তোমাদের জয় জয়কার হইয়াছে, পূর্ব মান সম্মান ফিরিয়া আসিয়াছে! নতুবা যেখানে একদিন রাজ সম্মান এবং অখণ্ড প্রতিপত্তি লাভ করিয়াছ, সেইখানে এরূপ অগ্রাহ ভাবে, নগণ্য ভাবে লাঞ্চিত হইতে কি তোমাদের লজ্জা বোধ হয় না! এতই তোমরা আত্মসম্মান বিষ্মত হইয়াছ? এতই তোমরা সেই প্রাচীন স্মৃতি ও প্রভুত্বের স্বপ্নে মুগ্ধ হইয়া অপরাজ্যে বিচরণ করিতেছ? তাই যদি হয় তবে ধিক্ তোমাদের দেবহৃদয়ে, ধিক্ তোমাদের মনোবৃত্তিকে, ধিক্ তোমাদিগের সিলাসিতায়! তা'হলে বুঝিব কন্দর্প ঠাকুরই বা কি, আর তুমিই বা কি, তোমাদের অতীত গৌরবের কথা, তেজের কাহিনী প্রতিপত্তির ইতিহাস বাস্তবিকই কবির কল্পনা মাত্র! তাহাতে কিছুমাত্র তথ্য নাই।

ভায়া, বড়ই বোধ হয় রাগ করিতেছ, যে আমি সামান্য একজন নগণ্য ব্যক্তি হইয়া তোমাকে এত কথা বলিলাম, এত তিরস্কার করিলাম! ভাই রাগ করিও না, তোমারই রাজ্যে তোমার এরূপ হৃৎদশা দেখিয়া মনের আবেগে তোমারই ভালর জন্ত বলিয়াছি! কথা গুলি একটু কর্কশ, একটু অপ্রিয় বোধ হইলেও উদ্দেশ্য বুঝিয়া তোমার মায় বিচক্ষণ লোকের ইহাতে রাগ করা উচিত নহে; কারণ এটা সকলেই বিশেষ অবগত আছেন যে সংসারে, "হিতং মনোহারি চ হুলভং বচঃ।" ইতি—

— শুভার্থী "বসন্ত বিলাসী।"

## প্রাচীন সাহিত্যোদ্ধার।

### ২। চৈত্র-মাহাত্ম্য।

এই গ্রন্থের নাম 'চৈত্র-মাহাত্ম্য' হইলেও ফলতঃ ইহা একখানি ক্ষুদ্র চণ্ডী-কাব্য। মোট ১৩৬টি পদ সাহায্যে চণ্ডী-কাব্যের সমস্ত ঘটনা ইহাতে বিবৃত হইয়াছে। সূতরাং ইহাকে উক্ত উপাখ্যানের আদি গ্রন্থ বা প্রথম উত্তম ভিন্ন আর কিছুই বলা যায় না। এরূপ স্থলে ইহার 'চৈত্র-মাহাত্ম্য' নামের সার্থকতাকি, আমরা বুঝিয়া উঠিতে পারিতেছি না।

চণ্ডী-কাব্যের কবি কতজন, ঠিক আজও কিছু বলা যায় না। কবি দ্বিজ জনাৰ্দন যে চণ্ডীর উপাখ্যান রচনা করেন, তাহা একখানি ছোট খাঁট ব্রত-কথা মাত্র। সমালোচ্য কাব্যখানিও ত্রৈলোক্য একখানা ব্রত-কথা বই কিছুই নহে। ক্রমান্বয়ে বলরাম, কবিকঙ্কণ, মাধবাচার্য ও মুকুন্দরাম এইরূপ ব্রত-কথার আশ্রয় করিয়াই তাঁহাদের নিজ নিজ বৃহৎ কাব্য প্রণয়ন করেন। এগুলি ব্যতীত আমরা মুক্তারাম সেন রচিত 'সারদা-মঙ্গল' নাম-ধেয় একখানি চণ্ডী-কাব্যের উদ্ধার করিয়াছি। কিন্তু উহাকে কোনরূপে প্রথম উত্তমের ফল বলিয়া অবধারণিত করা যায় না।

'চৈত্র-মাহাত্ম্য'র রচয়িতা কে, গ্রন্থ ইহাতে তাহা পরিজ্ঞাত হওয়া যায় না। অত্র কোনরূপেও যে তাহা জানা যাইবে, সে আশা নাই। মালী যিনিই হউন না কেন, আমরা যে এই বনফুলের মালা পাইতে পারিয়াছি, ইহাই কি আমাদের পক্ষে পরম সৌভাগ্য-সুচক নহে?

যখন মালাকারই অজ্ঞাত, তখন মাল্য-গ্রন্থনের কাল জানা যাইবে, সে আশা ত বিড়ম্বনা মাত্র! সাহিত্য-জগতে আমরা এই দুর্লভ পদার্থের প্রচার করিয়া দিলাম; ইহার আলোচনাদি দ্বারা কোন সত্যাবিষ্কার সম্ভব হইলে তাহা পণ্ডিতমণ্ডলীই করিবেন। সে বিষয়ে আমাদের মত ক্ষুদ্র-বুদ্ধি লোকের প্রয়াস পাওয়া ষ্ট্রুত। বই আর কিছু নহে।

এই পুঁথির প্রতিলিপিখানি চট্টগ্রাম পট্টয়া থানার অন্তর্গত 'মোহাম্মদপুর' গ্রামে রামগতি আচার্য্য কর্তৃক

প্রস্তুত হইয়াছিল। তাহা আজ ৭৯ বৎসর পূর্বের কথা। কিন্তু মূল গ্রন্থের রচয়িতা যে উহার বহুপূর্ববর্তী, তাহা বোধ হয়, আর বলিয়া পাইতে হইবে না। গ্রন্থ পাঠে ইহাকে চট্টগ্রামী-সম্পত্তি বলিয়া আমরা নিশ্চিত করিয়াছি।

এই গ্রন্থের সমালোচনা আমাদের উদ্দিষ্ট নহে; সূতরাং ইহার দোষগুণ সম্বন্ধে আমরা কোন কথাই বলিব না। বিশেষতঃ কাব্য-সৌন্দর্য্য-প্রদর্শনার্থ ইহা প্রচারিত হইতেছে না। কাব্য-জগতে ভাববিকাশের পর্যায় লক্ষ্য করিতে যাহারা ইচ্ছুক, তাহাদের নিকট ইহা খুব আদর-ণীয় হইবে, সন্দেহ নাই। আর বৃথা বাথাছল্যে পাঠক-গণের সময় নষ্ট না করিয়া আমরা এখানে পুঁথিখানি প্রকাশিত করিলাম।

পাঠোদ্ধারে অনেক স্থানে প্রাচীন বর্ণবিবৃতিসম্বন্ধিত্ব অনুসরণ করা হইল। দ্বিতীয় প্রতিলিপির অর্থাৎ বন্যতঃ গ্রন্থ মধ্যে কিছু কিছু ত্রুটি বা প্রমাদ পরিলক্ষিত হওয়ার খুব সম্ভাবনা।

### চৈত্র-মাহাত্ম্য।

জয় দুর্গা।

প্রণমোহ পরম দেবতা আত্মা দেবী।  
ব্রহ্মা হরিহর থাকে যার পদ সেবি ॥  
সত রজ তন তন গুণে সেই যুতা।  
প্রসূতি পালন বিনা শিবে শক্তি ভূতা ॥  
যার নাম স্মরণে দারিদ্র্য ছুঃখ জাএ।  
মহাপদ পাএ সেই ইস্বেদ (ঈষৎ) লীলাএ ॥  
তাহান চরিত্র রচিবারে করি আশা।  
লোক পরিতোষেরে করিব দেশী ভাষা ॥  
আছে অতি পশ্চিমে নগর উজায়নী।  
বিক্রম কেশরী রাজা নূপ শিরোমণি ॥  
তথাএ বৈসে এক সাধু নামে ধনপতি।  
মহাধনবন্ত সেই নগর বসতি ॥  
নিধিপতি সূতা লক্ষপতির হুহিতা।  
লহনা খুলনা তান এ দুই বনিতা ॥  
ভূতগা \* লহনা অতি দুর্বগা † খুলনা।  
করিলেস্ত ছাগল রক্ষক নিয়োজন। ॥

\* ভূতগা=সুভাগা?

† দুর্বগা=হুর্ভাগা?

আর এক দিনে ছাগল হাজিল\* রাখিতে।  
জয় রব শক শুনে পর্য্যটিতে ॥  
সরোবর তীরে ঘট্টার আরোপন।  
পঞ্চ উপচারে পূজা পূজে নারীগণ ॥ ১০  
এ সকল দেখিয়া খুলনা কহে বাৎ।  
কহ দেখি ফল মাগো ভজিলুম তোমাৎ ॥  
জথ আদি অন্ত কথা সকলি কহিল।  
নারীগণে কাকুতি গুনি উপদেশ দিল ॥  
ভক্তিয়ে পূজয়ে যদি দুর্গত-নাশিনী।  
অবিলম্বে সিদ্ধি হৈব জিনিবা সতিনী ॥  
অপুত্রার পুত্র হএ নির্ধনীর ধন।  
বন্দ্যে স্মরিলে হএ বন্ধন মোচন ॥  
এই উপদেশে অষ্ট দুর্গা চাউল লৈয়া।  
খুলনাএ ব্রত করে সমাহিত হৈয়া ॥  
ব্রাহ্মণী কহিল কালকেতুর প্রস্তাপ (প্রস্তাব)।  
যেন মতে ভবানী প্রসন্ন হৈলেস্তাক ॥ †  
কলিঙ্গতে মহাগিরি বিস্তে অন্তরিন ‡  
মহাটবী আছে মহামায়ার অধীন ॥  
তার সন্নহিতে বৈসে ব্যাধ কালকেতু।  
পঞ্চ পক্ষীগণের বিনাশ মুখ্য হেতু ॥  
যথা তথা জাএ পঞ্চ বিপিন বিচারি।  
কার পিতা কার পুত্র কার মারে নারী ॥  
অবশিষ্টে জে যাছিল হৈয়া একমতি।  
স্তবে গিয়া মঙ্গলচণ্ডিকা তগবতী ॥ ২০  
রক্ষ রক্ষ সুখনাঃ নোকনা স্কেন্দর।  
পরিব্রাজি পরিব্রাহি ত্রিভুনেখরি ॥  
দুর্গত-নাশিনি দুর্গা ছুঃখ বিনাশিনি।  
উদ্ধার উদ্ধার মোরে মথন গেহিনি (? ) ॥  
মহা ছুঃখ দূর কর ইসেদ (ঈষৎ) লীলাএ।  
জনম সাফল তার তুঙ্কিত সহায় ॥

\* হাজিল—হারা হইল।

† হৈলেস্তাক—হৈলেম তাক (তাকে)।

‡ বিস্তে অন্তরিন—বিস্তারপূর্ত মধ্যে?

§ মূলে 'সুখনা' হলে 'সুদক্ষনা' আছে।

ব্যাধরূপে যম কালকেতু হরাচার।  
তুঙ্কি যদি কর মাতা এহাতে নিস্তার ॥  
স্বাবর জন্মম জথ তোমার সৃজন।  
মোহকে\* রক্ষিতে মা না চিন্ত পরিশ্রম ॥  
সেবক বৎসলা দেবী গোধা রূপ ধরি।  
রহেন গিয়া কালকেতু পহ অহুসারি ॥  
প্রভাতে চলিল ব্যাধ পঞ্চ বধিবারে।  
সুবর্ণ গোধিকা দেখে পহের মান্বারে ॥  
গুনিয়া ব্যাধের কাল ধনুর টংকার।  
সেই বনে পঞ্চ পক্ষী না রহিল আর ॥  
পঞ্চ না পাইয়া ব্যাধ ভ্রমিয়া হতাশ।  
চিন্তায়ুক্ত হৈয়া ব্যাধ ঘন এরে (এড়ে) খাস ॥  
পুনরপি গেল সেই গোধিকার পাশ।  
ঘরেতে নিবারে গোধা করিলেস্ত আশ ॥ ৩০  
বাঙ্কিয়া লইল গোধা করিয়া যতন।  
গৃহিণীর স্থানে দিল করিতে রক্ষন ॥  
কাটিবারে নিল যদি ব্যাধের রমণী।  
গোধারূপ এরি (এড়ি) হৈলেম ত্রিলক্ষ

(ত্রৈলোক্য) মোহনী ॥

বিস্ময় ভাবিয়া গেল স্বামীর গোচর।  
বিবিধ কর্তুর (কঠোর) বাক্যে ভস্চিল† বিস্তর ॥  
কোন কালে নহি হয় এ ছার (তোয়?) হুঁমতি।  
কিবা স্মৃথে যেরে আন পরেয়ার ‡ যুবতী ॥  
পরদার-ছলে রাজা রিবেক দণ্ড।  
জেবা আছে জাতিকুল হৈবা লণ্ড ভণ্ড ॥  
স্ত্রীর বিরূপ বাক্য গুনিয়া তখন।  
যেরে গিয়া দেখে মঙ্গলচণ্ডিকা চরণ ॥  
গৌরবর্ণা অভয়া বরদা দিনয়না।  
দ্বিভূজ পরমোজ্জ্বলা প্রসন্নবদনা ॥  
রক্ত বস্ত্র রক্ত মালা রক্ত অভরণ।  
রক্ত পদ্মাসনে দেবী গন্ধানুলেপন ॥  
শিরে শশধর শোভে বিচিত্র মুকুট।  
কাঞ্চন কাঞ্চলি গাএ শিরে জটাভূট ॥

\* মোহকে—আমাকে।

† ভস্চিল—ভংসিল।

‡ পরেয়ার—পরের।



মস্তক ধামালা \* \* চম্পক কলিকা ।  
 নব ঘন মধ্যে যেন স্বরে (?) বিজুলিকা ॥ ৪০  
 ভ্রমরের কুল শোভে উপরে তাহার ।  
 স্নগন্ধি মৌরভ লোভে করয়ে বাঙ্কার ॥  
 গণ্ডেতে মণ্ডিত মণি কুন্তল (?) যুগল ।  
 কোটী চন্দ্র জিনি শোভে শ্রীমুখমণ্ডল ॥  
 স্বর্ণমণি রচিত কঞ্চণ ছই করে ।  
 রত্ন মণি হার পৈরে স্তনের উপরে ॥  
 কুটিল কুন্তল শোভে সিন্দূরের রেখা ।  
 রাঙ্কর গলিত যেন স্বৰ্য্যো দিছেন দেখা ॥  
 ললাট-চন্দ্রের মধ্যে গন্ধের তিলকা  
 চন্দ্রের গর্ভেতে যেন কলঙ্ক শশক ॥  
 বাহুগে অপ্তেতে কেশুর বিভূষিত ।  
 স্নগন্ধি পুষ্পের মাল্য আজাহুলস্থিত ॥  
 বাক্য সুধাধর দস্ত মুহূর্ত্তা গ্রহিল ।  
 চারু হাশু দেখি যেন বিজুলি চলিল ॥  
 তিল কুল সমতুল নাসা অবতংসী ।  
 ভুবন মোহন গতি জিনি রাজহংসী ॥  
 পয়োধর মৃগমদ কুঙ্কমে লেপিত ।  
 কনক কদলী জিনি সিন্দূরে জড়িত ॥  
 কুলিসের অবয়ব দেখি মধ্যভাগ ।  
 বিন্মুফল সমতুল অধরের রাগ ॥ ৫০  
 বিচিত্র নিৰ্ম্মাণ হেম অঙ্কুরী অঙ্কলে ।  
 হেমের মেখলা খোল নিত্য বিপুলে ॥  
 ত্রিভুবন ছোতে রূপ আনিয়া সকল ।  
 একত্র করিয়া বিধি নিৰ্ম্মাণ ( নিৰ্ম্মাল ? ) কেবল ॥  
 দিক্র ( দিব্য ) মূর্ত্তি দেখি ব্যাধ পাসরে আপনা ।  
 রতি সহস্র জনে যার না ধরে তুলনা ॥  
 সম্ভ্রম উপক্ষি\* ধার্যা ( ধৈর্য্য ? ) ধরিল যতনে ।  
 প্রদক্ষিণ হৈয়া পড়ে চণ্ডিকা চরণে ॥  
 কি নাম তোমার মাতা দেয় ( দেও ) পরিচয় ।  
 কোন কাজে আইলা পাপ ব্যাধের আলয় ॥  
 মঙ্গলচণ্ডিকা আমি ভুবন পূজিত ।  
 মোর পশু হিংসা না করিয় কদাচিত ॥

পার্কী চরণে ব্যাধে মিয়া কহে ।  
 তোমা দরশনে হৃৎখ দ্র না রহে ॥  
 শিবদা শিবদা তুম্বি সর্বা শিবদা ।  
 মাতা মেধা মানদা মঙ্গল মঙ্গলদা ॥  
 সৃষ্টি রক্ষা আপনে আপনা পুনি তোস ( দোষ ? ) ।  
 পশু না বধিলে মাতা অত্র মতে পোষ ॥  
 কিবা পশু কিবা ব্যাধ তোমার সৃজন ।  
 মোহকে\* রক্ষিতে না না চিত্ত পরিশ্রম ॥৬০  
 তুষ্ট হৈয়া দেবী দিলেন হস্তের কঞ্চণ ।  
 এহারে ভাঙ্কাই খাও জথ পাও ধন ॥  
 বাধে বোলে তোমার দাস কুবের শতেক ।  
 উচিত যে দিলা ধন তপস্বী জথেক ॥  
 এই পাপ উদর মুঞ্জি করুপে ভরাইমু ।  
 এহারে ধাইলে আর দিনে কি করিমু ॥  
 দেবী বোলে এইখান করিয় খনন ।  
 জথ ইচ্ছা তথ নের অমূল্য রতন ॥  
 স্তবিয়া বিবিধরূপে পুনি পড়ে পাএ ।  
 ধনী বাদে হৈব রাজা দণ্ডেতে সহায় ॥  
 আশ্বাসিয়া দেবী গেলেন আপনা ভুবন ।  
 নিপি লৈয়া নিজ পুরে করিলেন গমন ॥  
 পার্কী প্রসাদে কালকেতু ধনবস্ত ।  
 নৃপতি গোচরে কহে দোষাত্ম হরস্ত ॥  
 গুনিয়া সশ্রিঙ্গ ( কদ্বিছ ? ) নৃপতি আদেশিল ।  
 কোটোয়ালে ব্যাধ বন্দী করিয়া রাখিল ॥  
 পূর্ব্বের নিরুদ্ধ স্মরি স্থির করি মতি ।  
 ভাবে মহাভয়-বিনাশিনী ভগবতী ॥  
 তুম্বি দেবী দীনমহী (?) মায়ী মহামায়ী ।  
 লৈলুম পাপ তাপ ভয়ে তুয়া পদছায়া ॥ ৭০  
 ড্রাহি ড্রাহি তুম্বি সে গিরিজা গুণময়ী ।  
 যারে রূপা কর তুম্বি ভুবন বিজয়ী ॥  
 পরিত্রাহি পরিত্রাহি পরিত পুত্রিকা ।  
 শিবের সর্বাঙ্গরি† শিবা সর্ব্বত্রৈ সাধিকা ॥  
 অনন্ত গতিক মাতা মুঞ্জি পাপমতি ।  
 মুই উদ্ধার হৈতে আর নাই গতি ॥

\* মোহকে—মোকে ।  
 † সর্বাঙ্গরি—সর্ব্বেশ্বরী ?

\* উপক্ষি—উপেক্ষি ।

কথ অপরাধ কৈলুম আমার চরণে ।  
 ধন দিয়া প্রাণ লয়ে ( ৩ ) কিসের কারণে ॥  
 স্তুতি বশ হৈয়া দেবী গেলা অন্তস্পুর ।  
 রাজারে জে স্বপ্ন কহে হইয়া নিষ্ঠুর ॥  
 মোর পুত্র কালকেতু মুঞ্জি দিছুম ধন ।  
 তোরে কোন ধন লৈয়া কার প্রয়োজন ॥  
 সপ্ত্রে বাঙ্কবে যদি জীতে কর সাধ ।  
 শীঘ্র মুক্ত কর ব্যাধ না কর বিবাদ ॥  
 নিগড় গলিত হৈছে দেবের অনুভবে ।  
 হৃৎপদ দেখিল রাজা ব্যাধির প্রস্তাবে ॥  
 মোচন করিয়া মুক্ত বহু কৈল মান ।  
 অর্দ্ধ রাজ্য সহিতে পাঠাএ নিজ স্থান ॥  
 পার্কী প্রসাদে কালকেতু নিস্তুরিল ।  
 অরণ্যেতে নারীগণে জয়কার দিল ॥ ৮০  
 খুলনায়ে স্তুতি ভক্তি করিল অপার ।  
 হাজিছে\* ছাগল পাএ জাএ নিজ ঘর ॥  
 স্বপ্নে সফট দেখে লহনা স্তন্দরী ।  
 খুলনাকে নিজপুরে আনে আগুসারি ॥  
 মান করি বসন ভূষণ সাজাইয়া ।  
 স্বামীর সাক্ষাতে পাঠাইল জল দিয়া ॥  
 পরনারী জ্ঞানে সাধু ক্রোধ হৈল অতি ।  
 লহনায়ে জানাইল খুলনা যুবতী ॥  
 বিনোদ খুলনা সঙ্গে ছিল কথ দিন ।  
 বাণিজ্যে চলিল সাধু হইয়া ধনহীন ॥  
 ছই নারী আদেশিল ভোজ্যার্ঘ দিবারে ।  
 খুলনা চণ্ডিকা পূজে পঞ্চ উপচারে ॥  
 খুলনা না দেখি নিবত্তিয়া ঘরে জাএ ।  
 ক্রোধ হৈয়া ঘঠ ঠেলে চরণের ঘাএ ॥  
 হাহা করি স্বামীর ধরিল ছই পাএ ।  
 অভয়ার ঘঠ প্রভু ঠেলিতে না জুয়াএ ॥  
 সাস্ত্বাইয়া স্বামীরে বলিল প্রিয়বাণী ।  
 গর্ভের সন্ধর্ষ ( ৭ ) জানি লৈলা পত্রখানি ॥  
 পুত্র হৈলে নাম তান খুইয় শ্রীপতি ।  
 কথ্য হৈলে নাম তান খুইয় সরস্বতী ॥ ৯০

\* হাজিছে—হারাইছে ।

ডিঙ্গা সব সাজাইয়া চলিল ধনপতি ।  
 সমুদ্রের মধ্যে তান নানান হুর্গতি ॥  
 নদী প্রবেশিয়া দেখে এক অদভুত ।  
 পদ্ম পত্রে বসি কথ্য গিলে গজযুথ ॥  
 ত্রাসে শালবাহনেতে জথ কথা কৈল ।  
 মিথ্যা জানি সাধু বন্দী করিয়া রাখিল ॥  
 উজানীতে পুত্র প্রসবিল খুলনাএ ।  
 নাম খুইল শ্রীমন্ত পিতার আজ্ঞাএ ।  
 পঞ্চম বরিষে কৈল কঠিনী প্রদান ।  
 আর এক দিনে গেল পাঠকের স্থান ।  
 হাত হাতে খড়ি জে পড়িল গড়াইয়া ।  
 ধামাদি বিপ্রে বোলে খড়ি দে তুলিয়া ॥  
 ক্রোধ হৈয়া বিপ্রে বোলে না চিন আপনা ।  
 কহ দেখি তোমার জনক কোন জনা ॥  
 অপমানে ঘরে গেল কান্দিয়া বিস্তর ।  
 মায়ে সতমাএ তানে দিল পছত্তর\* ॥  
 মোহরো† জারজ বোলে ধামাদিয়ার পো ।  
 আপনা নাশিমু যদি হেনহি সে হও ॥  
 তবে তান মাএ সত ( মাত্র ) কহিতে লাগিল ।  
 তোমার জে বাপে পত্র জাইতে দিয়া গেল ॥ ১০০  
 না কান্দ না কান্দ হের পুত্র শ্রীপতি ।  
 সदाএ গিয়াছে তোমার বাপ ধনপতি ॥  
 বিবাদ না হৈয় পুত্র না হৈয় ফাফর ।  
 হের দেখ পত্র তোরে পিতার অক্ষর ॥  
 এ বলিয়া পত্র দিল শ্রীপতির করে ।  
 শ্রীমন্তে পত্র পড়ে অক্ষরে অক্ষরে ॥  
 পত্র পঠি হৈছে দেখে দ্বাদশ বৎসর ।  
 বাপের উদ্দেশে জাইমু তার সজ্জ ( সজ্জা ? ) কর ।  
 ভেট লৈয়া ভেটবারে গেল নরবর ।  
 নমস্কার করিলেক সাধুর কৌয়ার† ॥  
 রাজার সাক্ষাতে সাধু নোয়াইয়া মাথা ।  
 মোহরে§ জানাই দেয় বাপ আছেন জথা ॥  
 রাজার সাক্ষাতে সাধু হইল বিদায় ।  
 মায়ের সাক্ষাতে ছিরা ধীরে ধীরে জাএ ॥

\* পছত্তর—পদোত্তর ।


† মোহরে—মোরে ।

‡ কৌয়ার—কুমার ।

§ মোহরে—মোরে ।

দণ্ডবত হৈয়া পড়ে মায়ের ছই পাএ ।  
 অষ্টদূর্বা তপুল জে দিলেনত মাথাএ ॥  
 বিষম সঙ্কটে পুত্র ভাবিয় ভগবতী ।  
 তাহান চরণ বিনে অস্ত্র নাই গতি ॥  
 আর এক অষ্টদূর্বা দিল সতমাএ ।  
 আঞ্চলে বাক্ষিয়া সাধু হইল বিদায় ॥১১০০  
 শ্রীমন্ত চলিল পিতৃ উদ্দেশ্য কারণ ।  
 দেখে কত্যা গজ গিলে সেই পদ্মবন ॥  
 ত্রাসে শাল বাহনেতে একথা কহিল ।  
 সৈন্তে সামন্তে রাজা চাহিবারে আইল ॥  
 কোথাএ হস্তী কোথায় পদ্ম কিছু না দেখিল ।  
 মিথ্যা জানি শ্রীপতির কাটিবারে নিল ॥  
 মায়ের উপদেশ স্মরি স্থির করি মতি ।  
 ভাবে মহাভয় বিনাশিনী ভগবতী ॥  
 তুমি দেবি দীনমহী (?) মায়ী মহামায়ী ।  
 লৈলুম পাপ তাপ ভয়ে তুমি পদছায়ী ॥  
 ত্রাহি ত্রাহি তুমি সে গিরিজা স্তম্ভময়ী ।  
 যারে রুপা কর তুমি ভুবন বিজয়ী ॥  
 পরিত্রাহি পরিত্রাহি পর্বত-পুত্রিকা ।  
 শিবে সর্বাঙ্গরি\* শিবা সর্বত্র সাধিকা ॥  
 অনন্ত গতিক মাতা মুই পাপমতী ।  
 মুই উদ্ধার হৈতে আর নাহি গতি ॥  
 উপরে আকাশবাণী হৈল ষোরতর ।  
 না কাট না কাট মোর দাসীর কোয়র ॥  
 অলক্ষ্মী না হৈব যদি পুরীতে প্রবেশ ।  
 অর্ধরাজ্য সহিতে পাঠাও নিজ দেশ ॥১২০০  
 ত্রাসে শালবাহনে করিল কতাদান ।  
 বন্দি হোতে ধনপতি আনে বিছমান ॥  
 পিতা পুত্র পরিচয় হৈল সেই ঠাই ।  
 চলিল উজানি ডিঙ্গা সকল সাজাই ॥  
 পূর্বে জথ ডিঙ্গা সাজাইছিল ধনপতি ।  
 মঙ্গলচণ্ডিকার বরে পাইলেন শ্রীপতি ॥  
 ডিঙ্গা সব সাজাইয়া মতা মহারঙ্গে ।  
 ঘাটেতে লাগাইল নৌকা সর্ব মহারঙ্গে ॥

অর্থ মঙ্গল দিল লহনানা ।  
 ঘরে নিল পতি পুত্র তিনজনা ॥  
 ভেট লৈয়া ভেটিবারে গেল নরবর ।  
 নমস্কার করিলেন্ত সাধুর কুমার ॥  
 শুনি শ্রীপতির পাটন কতুক\* রহস্য ।  
 শ্রীপতিরে কত্যা বিহা দিবাম অবস্থ ॥  
 ঘরে ঘরে মঙ্গল করেন অনুষ্ঠান ।  
 বিক্রমকেশরী রাজা কৈল কতাদান ॥  
 প্রসাদে সুন্দর মণি মাণিক্য নিশ্চিন্তা ।  
 তার মধ্যে অষ্টদল প্রতিমা স্থাপিয়া ॥  
 বিশ্বপত্র অথও ষোড়শ উপচারে ।  
 পূজরে ( পূজয়ে ? ) মঙ্গল চণ্ডী মঙ্গল বাসরে ॥১৩০০  
 নানাবিধ বলি দেহি জথেক বিহিত ।  
 পঞ্চশক্তি ( শক্তে ? ) বাত বাজে হৈয়া হরসিত ॥  
 জয় জয় জননী জগত সনাতনী ।  
 নরকে না কর গতি নম নারায়ণি ॥  
 ভবানী ভিতিকা ভূতা হর ভগবতী ।  
 জন্মে জন্মে হোক তুমি চরণেতে গতি ॥  
 ইহ জন্ম অরোগিতা বিপক্ষ বিনাশ ।  
 গরলোকে হোক গৌরীপুরেতে নিবাস ॥  
 পুত্রে পৌত্রে অভিরামে বাড়ে ঠাকুরান ।  
 তিলমাত্র আপদে না লংঘে কোন কাল ॥  
 যাবত জীবন মাতা তুমি গুণ গাই ।  
 মতুকালে রাতুল চরণে দিবেন ঠাই ॥১৩৬  
 “ইতি চৈত্র মাহাত্ম্য সমাপ্ত ॥”  
 শাকে রসাবাণ শৈলেধুবামা ।  
 ঋষেভাষু প্রাহ সূর্যসূতঃ খরামা (?) ॥  
 শ্রীরামগতি আচার্য্যাকরশ্চ শ্রীরামতত্ব সর্গার পুষ্টি-  
 কচ্চ ॥ সন ১১৯৬ মঘী তারিখ ৩০ চৈত্র । ফুলবিঘ্নাদি  
 শনিবারে বেহান বাদে সমাপ্তঃ ॥”  
 পরিশেষে বলা উচিত যে, এই পুঁথিখানি চট্টগ্রাম-  
 পট্টয়া উচ্চ ইংরেজী স্কুলের পণ্ডিত বন্ধুবর শ্রীযুক্ত ঈশ্বরচন্দ্র  
 সরকার মহাশয় সংগ্রহ করিয়া দিয়া আমাকে চিরকৃত  
 জ্ঞতাপাশে আবদ্ধ করিয়াছেন ।  
 শ্রীআবহুল করিম ।



কত ভালবাসি পদ্মা, আমি তব জল,  
 কত আশা ক্রোড়ে করি,  
 কত শক্তি বৃকে ধরি,  
 কত দূর হ'তে আসে করি কল্ কল্,  
 কত সস্তাপের তনু করিয়া শীতল ।

পানি শরীরে, পদ্মা, আজিও শূঁজাল,  
 উন্মুক্ত প্রবাহরাশি,  
 উন্মত্ত পরাণে হাসি,  
 ধায় যেন মন্ত্রপূত রক্ত তরল,  
 অথবা আবেগে গলি প্রবৃত্তি প্রবল ।

ধর না হৃদয়ে কোন ফুল শতদল,  
 পারে না তব শক্তি,  
 সহিতে কুলসুবর্তী,  
 পঙ্কি তড়াগে গিয়া হাসে থল থল ;  
 বহু-বামা-সম শুধু প্রাঙ্গনে উজল ।

উদ্ভাস কেশরীসম সর্গার চঞ্চল,  
 প্রস্ফুটিত প্রেমাবেশে,  
 তোমার হৃদয় দেশে  
 চালে আলিঙ্গন রাশি যবে সুবিলস,  
 ত্রাণবে কতই ক্ষীত তব বক্ষঃস্থল ।

কত ভাঙ্গ গড় তুমি দেবতা পল,  
 কত বর, কত শাপ,  
 কত দুঃখ কত পাপ,  
 কতই অমৃতধারা, কত হলাহল,  
 তোমার প্রসাদে ভুঞ্জে ভাস্ত ধরাতল ।

এখনো আশঙ্কা মাথা তোমার কবল,  
 এখনো দর্পিত নর,  
 তোমা দেখে পায় ডর,  
 এখনো অদৃষ্টবল করিয়া সম্বল,  
 ভাসে তব বক্ষে বঙ্গতরঙ্গীর দল ।

প্রদোষ রক্তমাধারী জলদ পটল,  
 ও বিশাল বক্ষদেশে,  
 খেলে যবে হেসে হেসে,  
 তরঙ্গের নৃত্যে তব হইয়া বিভল,  
 কতই কোতুকে দেখে জ্যোতিষ্ক মণ্ডল ।

জন্মিরাছি বঙ্গভূমে সরস শ্রামদা,  
 দেখিনি সংজবারি,  
 দেখিনি আগ্নেয়গিরি,  
 দেখিনি গর্বিত হ্রদ তুমারে ধবল,  
 যা কিছু ভীষণ দেখি তোমার ও জল ।

হৃৎকল এ মাতৃভূমে সকলি হৃৎকল,  
 গো মেঘ সন্ন্যস্ত হর,  
 দীপ্ত হৃৎকলভাচয়,  
 নবল পশ্চিম তাজি তুমিই কেবল,  
 তাই এত ভালবাসি, পদ্মা, তব জল ।

দিয়ে আছে চারিদিকে যুঁহুতা কোমল,  
 কোমল তেজের হাসি,  
 কোমল কবির বাণী,  
 সজীব নিজীব মাতো তুমিই কেবল,  
 তাই এত ভালবাসি, পদ্মা, তব জল ।

## স্বাবলম্বন।

অবনীশচন্দ্র বড়লোকের ছেলে; সেইজন্য তাহার পিতা তাহার নাম রাখিয়াছিলেন অবনীশচন্দ্র। তাহার পিতা দুর্গাপুরের প্রবল প্রতাপী জমিদার। সুতরাং অবনীশের নাম অর্থ হওয়ার যথেষ্ট সম্ভাবনা ছিল। কিন্তু অবনীশের শৈশবে পদ্মার কোপদৃষ্টি ও রক্ষসী-ক্ষুধায় তাহাদের জমিদারীর অধিকাংশ নষ্ট হইয়া গিয়াছিল। তৎস্থানে দয়া করিয়া পদ্মা একটা চর অত্যন্ত তুলিয়া দিয়া ছিলেন; কিন্তু তাহার স্বস্ত্র সাব্যস্ত করিতে বাইয়া, উকিল কৌশলি বাকী জমিদারীটুকু গ্রাস করিয়া ফেলিলেন। পদ্মা ও উকিলের কবলভ্রষ্ট যে সামান্য জমি উদ্ভূত রহিল, তাহাতে পূর্কালুস্কৃত চাল-চলন বজায় রাখিতে গিয়া প্রকৃত দারিদ্র্য আসিয়া তাহাদিগকে পাইয়া বসিল। অবনীশের নাম শূণ্যার্থক হইয়া পড়িল।

অবনীশ স্কুলে পড়ে। সে স্বশ্রেণীর সন্দোহকণ্ঠ মেধাবী ছাত্র। বিনয়ী, শান্তশীল ও সচ্চরিত্র। সে জলপানী আদায় করিয়া বিশ্ববিদ্যালয়ের খ্যাতি অর্জন করিতে লাগিল। সকলে আবার মনে করিতে লাগিল, অবনীশ চাকুরি করিয়া অবনীশ হইতে পারিবে।

অবনীশ যথারীতি ছাত্র-জীবনেই কবিতা-রোগগ্রস্ত হইয়াছিল। এম, এ, পরীক্ষার উত্তীর্ণ হইয়া সে লেখক-বৃত্তি অবলম্বন করিল।

লোকে মনে করিল, অবনীশের এইবার অবনীশ হইবার আর কোন আশা নাই। বঙ্গের লেখকগণকে রচনা ক্ষমতা দেখিয়া প্রায়ই বিচার করা হয় না, নামে বিচার। অবনীশ অজ্ঞাতনামা; তাহার উচিত ছিল, কোন অপ্রথিত-নামা বিজনবাসী পত্রিকার পরিচিত বা সুপারিশে পরিচিত সম্পাদকের শরণাপন্ন হওয়া। তিনি নামটা একটু চালাইয়া দিলে শনৈঃ শনৈঃ উচ্চ উচ্চবার সম্ভাবনা ছিল। কিন্তু অবনীশ একরূপভাবে আত্মপ্রসার ঘণা করিতেন এবং কোন সম্পাদকের পত্রকে আদর করিয়া তাঁহার মন ভিজাইতে নিতান্ত নারাজ ছিলেন। কাজেই তাঁহার কোন রচনা আজ পর্যন্ত ছাপায় উঠিল না।

সংসার এদিকে অচল হইয়া উঠিয়াছে। পিতামাতার

কাতরতা, প্রতিবেশীর শুল্ক-মুভূতি, গ্রামবৃদ্ধের অমূল্য প্রশ্নবচন, অবনীশকে চিন্তিত করিয়া তুলিল। অবনীশের গর্ভ খর্ব হইয়া পড়িল। তাহার স্ব-বিবেচনায় তাহার যেটি শ্রেষ্ঠ রচনা, তাহা লইয়া সে একজন নামজাদা সম্পাদকের সহিত বহুকষ্টে সাক্ষাৎ করিল। সম্পাদক রচনা পড়িয়া বিজ্ঞভাবে জুকুঞ্চিত করিয়া বলিলেন, “হাঁ, একরকম, চলন-সই হইয়াছে বটে, কিন্তু তুমি অজ্ঞাত-লেখক, বিবেচনা করিয়া দেখিব। দুই একটা প্রকাশিত হওয়ার পর রচনার মূল্যের কথা উত্থাপন করিও।” কোন প্রবন্ধ-তুর্ভিক্ষের মাসে অবনীশের রচনাঘারা সম্পাদক পত্রিকার পাদ-পুরণ করিলেন। গুণগ্রাহী-পাঠকগণ মনে করিলেন, “সম্পাদক জহরির বটে, কোন নিভৃত ধনি অন্বেষণ করিয়া এ মহারত্ন আবিষ্কার করিলেন।” অবনীশ হাসিলেন, আর হাসিলেন সম্পাদক।

সম্পাদককুল লেখকের মুখাপেক্ষী ও প্রসাদ ভিখারী হইয়াও আপনার গন্তীর চাল ছাড়েন না। সম্পাদক অবনীশকে আমলই দেন না। তিনি বলেন, “ও রকম abstruse বিষয় কয়জন লোকে পড়ে? তোমার মন, তোমার ক্ষমতা বাহা লিখিতে চাহিবে, তাহা লিখিলে চলিবে না; লোকে বাহা চাহে, আমি পাঠকের মন বৃদ্ধি বাহা ফর্মাস করিব, তাহাই লিখিতে হইবে।”

অবনীশ সাময়িক পত্র ছাড়িয়া গ্রন্থ প্রণয়নে মন-সংযোগ করিলেন। অর্থাভাব। ছাপাইবার জন্ত প্রকাশকদিগের শরণাগত হইতে হইল। তাঁহার একবার নাড়িয়া চাড়িয়া সকলেই একই কথা বলিয়া বিদায় দিলেন, “দর্শন, বিজ্ঞান কে পড়িবে? সমালোচনা অর্থাৎ একটু সত্য-ধরণে কড়া-গালাগালি, নাটক নভেল যদি লিখিয়া আনিতে পার, তখন দেখা যাবে।” আবার ফর্মাস!

অর্থাভাব বড় কড়া প্রভু! মন বাহা না চায়, সে তাহা করায়। অবনীশ নাটক লিখিয়া অর্থ সংগ্রহ ও বঙ্গের নাট্যসমাজ সংশোধন করিবেন, স্থির করিলেন। থিয়েটারের ম্যানেজার মহাশয়েরা দুই একখানি নাটক দেখিয়া হাত্তমধুর স্বরে বলিলেন, “বাপু, শুধু বক্তৃতা, শুধু sermon, শুধু moral philosophyর পাঠ দিলে, কি কেহ এ নাটকের অভিনয় দেখতে আসিবে? রং বে-রঙের নাচ গান চাই, একটু শ্রুতিকটু অশ্লীল ইয়ারকি চাই,

বাঙাল কি ব্রাহ্মকে একটু একটাক্ষ করা চাই, তবে তাহা পালটা জমিবে। এগুলো broadcast করে, ঐ রকম করে এনো, দেখা যাবে।” আবার সেই ফর্মাস!

শিশুপাঠ্য পুস্তক। Text-Book Committeeর মহা-মহোপাধ্যায়দিগকে তুষ্ট করিবার মত নীচতা স্বাধীনচেতা অবনীশের ছিল না। সে ক্ষেত্রেও বিফল মনোরথ।

সংসার অচল; অর্দ্ধাশন অনশন। একদিন বকুলতলে শান-বাঁধান বেদীর উপরে গ্রামবৃদ্ধদিগের পাশা ও তামাক এবং ইংরাজ গভর্নমেন্টের তিস্রতে অনধিকার প্রবেশ, রুষ-জাপানের যুদ্ধ, ডেরাডুনের দাঙ্গা, ভাগলপুরের প্লেগ, কংগ্রেসের উপকারিতা, নফর দারোগার কুকীর্তি, লেডি লাটের পোষাক, তাতার দান, তিলকের প্রতি রাজরোষ, হনুলুলুর সভ্যতা প্রভৃতি বহু জ্ঞাত-অজ্ঞাত বিষয়ের অনধিকার চর্চা চলিতেছিল। তুর্ভাগ্যবশতঃ অবনীশ পরিষ্কার পরিচ্ছন্ন দারিদ্র্যব্যঞ্জক পরিচ্ছদে উন্নত-মস্তকে সেই পথে যাইতেছিল। এক বৃদ্ধ ডাকিলেন। অবনীশ আহ্বান-হেতু বুঝিল, কিন্তু তাহার স্বাভাবিক নম্রতায় সে গুনিতে বাধা হইল। বৃদ্ধ জিজ্ঞাসা করিলেন, “হাঁ হে, তুমি নাকি একটা চাকুরি হাতে পেয়েও ছেড়ে দিয়েছ? কেন, এ আবার কি পাগলামি?”

অবনীশ। আমি চাকর হ'তে পারি না।

বৃদ্ধ। এঃ, পাগল ছেলে। বাঙ্গালিকুলে বেদিন জন্মেছে, সেদিন জেনেই জন্মেছে, যে তুমি চাকর। ‘গোলামের জাতি শিখেছ গোলামি,’ আবে, তা' ছাড়া আর উপায় কি?

অবনীশ তর্ক করিতে নারাজ। শীঘ্র নিক্ষেপিত পাইবার জন্ত বলিল, “বেতনও বড় সামান্য ছিল। মোটে পঁচিশ টাকা দিতে চায়। আমার শত অভাব সত্ত্বেও আমি আমার শিক্ষার অমর্যাদা করিতে পারি না।”

বৃদ্ধ। এঃ, বোকা ছেলে, আরে গভর্নমেন্টের কাজে উপরি কত? এই হারাধনের বাপ বামাচরণ মাইনে আর কত পেত? হোসের মুন্সুদ্দি ছিল, যাবজ্জীবন দোল দুর্গোৎসব ঘটা করে' করেছে; মরবার সময় ছেলের জন্তে কোম্পানির কাগজে দু'টি লক্ষ টাকা রেখে গেল। ঐ বেণীর বাপ রামেশ্বর কমিসেরিয়েটে ১৬ টাকা মাই-নের সরকার ছিল। তার ছেলেরা বদখেয়ালে উড়িয়ে

দিয়েও এখনো বছরে দশহাজার টাকা মুনফা আছে। বাপু মাইনেতে কি করে, উপরি আয়ই ত' আয়।

অবনীশ। আমাকে চুরি করিতে বলিতে আপনার লজ্জিত হওয়া উচিত ছিল। দেশের কি দুর্দশা হইয়াছে, চুরি করাটাও প্রশংসনীয় হইয়া উঠিয়াছে। আরো গভর্নমেন্টের চাকুরি বলিয়াও আমি চাকুরি গ্রহণ করি নাই।

বৃদ্ধ একটু ক্রুর হাসি হাসিয়া বলিলেন, “কেন, গভর্নমেন্টের চাকুরীই ত' চাকুরী, বৃদ্ধ বয়সে ঘরে বসিয়া পেন্সন খাওয়া যায়। আর যদি চাকর হইতে হয়, অবনীশ, রাজার চাকর হওয়াই ত ভাল।

অবনীশ। আমাদের রাজা কে? আমাদের দেশ বহুরাজার শাসনাধীন। গভর্নমেন্ট আমাদিগকে শুধু গভর্ন বা শাসন করেন, প্রীতির চক্ষে দেখেন না, গভর্নমেন্ট প্রকাশ-অপ্রকাশ আদেশ প্রচার করিয়া দেশের সমস্ত পদ স্বজাতি ও স্বজাতির এদেশজ-বৎসদিগের জন্ত রাখিয়া চাকুরিগত-জীবন-বাঙালীকে মুষ্টিমেয় অনুসংগ্রহেও বঞ্চিত করিতেছেন। সে অবস্থায় সামান্য চাকুরি গ্রহণে লাভ কি? আমার মতে স্বাধীন ভাবে ব্যবসায় অবলম্বন করা বুদ্ধিযুক্ত।

বৃদ্ধ একটু কাশিয়া হাপিয়া বলিলেন, “তোমার মত সব বাঙালী ক্ষেপিয়া উঠে নাই, তাই আজো দেশে দুই চারিটা লোকের মুখ দেখিতে পাওয়া যাইতেছে। নতুবা তুর্ভিক্ষ দ্বিগুণতর হইত।”

অবনীশ বিরক্ত হইয়া বলিল, “আপনারা এই সোজা কথাটা বুঝেন না কেন? দেশী লোক অল্প পয়সার পাওয়া যায়, কাজও ভাল হয়। দেশী কর্মচারী বাতীত গভর্নমেন্টের চলা ত্রুষ্কর। আরো এদেশে গভর্নমেন্ট অধিক সাহেব আমদানি করিবে না, আমেরিকার কাণ্ডটা এখনো ইংরাজ বিস্মৃত হয় নাই। যদি এখন সব দেশী লোক চাকুরি ছাড়িয়া দেয়, কাল গভর্নমেন্টের কাজ অচল হইয়া উঠিবে, টেলিগ্রাফে বিলাত হইতে লোক আনাইলেও কুলাইবে না। তখন অবশ্যই গভর্নমেন্ট আমাদের স্থায় দাবী পূর্ণ করিতে বাধ্য হইবেন। বিদেশী গভর্নমেন্টের নিকট প্রীতিতে কিছু আদায় করিবার আশা করা দুঃশা মাত্র।

বৃদ্ধ। তবে তুমি কি করিবে স্থির করিয়াছ?

অবনীশ। ব্যবসায় বা ঠিকার কাজ করিব স্থির করিয়াছি।

বৃদ্ধ। পুঁজি?

অবনীশ। দুই চার টাকা আমার সঙ্গে আছে।

অবনীশ চলিয়া গেল। এক বৃদ্ধ অপর বৃদ্ধের হাতে ছুঁকা চালান করিবার উপলক্ষে চোখ টিপিয়া বলিলেন, “র্যাগে সাহেবের ‘Discontented B. A.’ নমুনা দেখিলে।” পূর্ব বৃদ্ধ বলিলেন, “ছোঁড়া কতকগুলো পাশই করিয়াছে, বিভাবুদ্ধি বড় একটা হয়নি।” আর একজন বলিলেন, “কতকগুলো কেবল কুতর্ক করিবার ক্ষমতা হয়েছে।” আর এক বৃদ্ধ বলিলেন, “ওর চেয়ে আমার শিবে ছোঁড়া ভাল। বি, এ, ফেলু করে দারোগাগিরি নিয়েছে। মাহিনা ৩০ টাকা হলে কি হয়, মাসে উপরি রাজগার দুই তিন পাঁচ টাকা করে থাকে।” ইত্যাকার সমালোচনা চলিতে লাগিল। সেদিনকার পাশা খেলার আমরটা ভাল জমিল না।

অবনীশের প্রবন্ধ মাঝে মাঝে মাসিক পত্রিকায় প্রকাশিত হইতেছে। বাঙালি মাসিকে লিখিয়া অর্থোপার্জনের আশা ছুরাশা। পত্রিকার গ্রাহকই বা কোথায় যে সম্পাদক প্রবন্ধের মূল্য দিতে পারেন। একটি পত্রিকার সম্পাদক কিছুদিনের জন্ত বিদেশে যাইবেন, অবনীশকে পত্রিকা পরিচালনের ভার লইতে অনুরোধ করিলেন। অবনীশ চাকুরি হিসাবে নহে, ঠিক হিসাবে ভার গ্রহণ করিল। সম্পাদক কতকগুলি নাম করা লেখকের প্রবন্ধ দিয়া বলিলেন, “খবরদার, ইহাদের বর্ণাশুদ্ধি ও ব্যাকরণশুদ্ধি ও ভয়ে ভয়ে সংশোধন করিবেন, আর কিছুতে হাত দিবেন না। বাহারা তেমন নহেন, তাঁহাদের সঙ্গে একটু সংগ্রহে descretion পাটাইবেন।” তথাপি কিছু প্রবন্ধগুলি দেখিয়া অবনীশের ক্ষোভ হইতে লাগিল, মহাপ্রভুদিগকে তাঁহাদের নিজের বেশে সাধারণে উপস্থিত করে। বর্ণাশুদ্ধি ব্যাবহার ও অস্পষ্ট জটিল রচনাতেই অনেকের কৃতিত্ব ও বাহাদুরি। অবনীশ বুঝিল, ছাপান রচনার অধিকাংশই সংস্কৃত-চর্যাবৃত-গর্ভভের ত্যায়, পরের খোলসে আয়োগ্যপন করিয়া বাহির হয়।

অবনীশের ঠিকার চুক্তি ফুরাইয়া গেল। এক মহাজনের পণ্য বিক্রয় করিয়া দিবার ভার লইয়া সে চট্টগ্রামে

নৌকা লইয়া রংগন হইল। সন্দীপের নিকট নৌকা ডুবিল। অনেক কষ্টে প্রায়চারি চট্টগ্রামে উপস্থিত। কাহারো নিকট যাচঞা করিয়া সে স্থণাবোধ করিল। মিঞাজান নামক হিকা গাড়ীওয়ালার নিকট কোচম্যানী স্বীকার করিল। দুই তিন সপ্তাহ নানা উপায়ে অল্পস্বল্প পরিশ্রমে কয়েকটি টাকা উপার্জন করিয়া, কলিকাতায় ফিরিয়া আসিল।

কলিকাতায় আসিয়া তাহার একটিনাত্র টাকা পুঁজি। তাহারই উপর নির্ভর করিয়া সে ছোট আদালতের নিকটে একটা পানের দোকান করিয়া বসিল। পান আর তামাক সে ভদ্রভাবে সকলকে দিত। তাহার বহু সহপাঠীর সহিত সাক্ষাৎ হইত। কেহ বি, এ, এম, এ, পান করিয়া ২০ টাকায় এপ্রেক্টিস, কেহ বা ২৫, ৩০ টাকায় permanent হইয়াছেন। অবনীশের স্বাধীন চেষ্টার রোজগারও মাসে ২৫, ৩০ টাকা দাঁড়াইয়াছে। কিন্তু ভদ্র চাকরগণ অভদ্র পানওয়ালার সহপাঠীরূপে পরিচিত হইবার ভয়ে, অবনীশের দোকানের দিকে ঘেঁসিতেন না। যাহাই হউক, অবনীশের ভদ্রতা ও বিনয়ে আকৃষ্ট হইয়া এবং (প্রকৃত কথা লুক্কায়িত থাকে না) তাহার সংসাহস দেখিয়া বহু ভদ্রব্যক্তি তাঁহার খরিদদার হইয়াছিলেন। তাঁহারা অবনীশকে সিগারেট রাখিতে অনুরোধ করিতেন। অবনীশ বলিত, “দেশের কষ্টার্জিত পরসাকে বিলাতী তাম্রে পরিণত করিয়া লাভ কি? দেশী সিগারেট কেহ প্রস্তুত করিতে পারেন, রাখিব।”

অবনীশ পথে চলিতেন, উন্নত-মস্তকে, সামান্য স্বদেশ-শ্রু পরিচ্ছদে; আর লোকে কাণাকাণি করিত, “এম, এ, পানওয়ালার।” অমনি এডিসনের “Dignity of Labour” সংসাহস প্রভৃতির আলোচনা ত্রিশং মুদ্রার এম, এ, চাকরদের মুখে ফুটিয়া উঠিত। অবনীশ হাসিত। প্রত্যেকে নূতন কাজে প্রশংসা ও মিন্দা ছুইই অবশ্যম্ভব।

আয় যখন ৩০, ৪০ টাকায় উঠিল, অবনীশ পানের সঙ্গে খাবারের, মিষ্টানের দোকান করিলেন। দুই জন কারিকর নিযুক্ত হইল। প্রথম প্রথম আয় ব্যয় সমান সমান চলিতে লাগিল। অবনীশ বুঝিলেন, এ ব্যবসায় লাভ হইবে। ক্রমে লাভ একশত টাকায় উঠিল। মিষ্টানের ব্রাহ্ম দোকান হাইকোর্টের নিকট, হাবড়া ও শিলাল-

দহ স্টেশনের নিকট, বোবার প্রভৃতি স্থানে ক্রমে ক্রমে খুলিতে লাগিল। তাহার দিনেও যে সকল বাল্যবন্ধুর শ্রদ্ধা ও প্রীতি নষ্ট হয় নাই, তাঁহাদের কয়েকজনকে সংগ্রহ করিয়া, তাঁহাদের কৌলিক সাধের চাকুরি ছাড়াইয়া এই ব্যবসায় গ্রহণ করাইল এবং সকলকে এক একটা দোকানের কর্তা করিয়া দিল। নিজে একখান বাই-সিকেল কিনিয়া সকল দোকান দেখিয়া বেড়াইত; এবং এক্ষণে অবসর হওয়ার তাহার চিরেঙ্গিত সাহিত্য-চর্চা আবার আরম্ভ করিতে পারিল।

মিষ্টানের দোকানগুলি ক্রমশঃ ভদ্রতর হইতে লাগিল। প্রত্যেক দোকানে দুইটি ঘর; একটি হিন্দু-দিগের, অপরটি অহিন্দুদিগের। কাঁসা পিতলের বাসন ভাণ মাজা না হইলে ভদ্রলোকে ব্যবহার করিতে চাহেন না; এবং একের ব্যবহারের পর তাহা খুব ভাল করিয়া পরিষ্কার না করিলে ব্যবহারে রুচি হয় না। এজন্ত আজকাল অনেকে বিলাতী এলামেল বা কাচপাত্রের বিশেষ পক্ষপাতী। অবনীশ বিদেশকে পঙ্গপাল দিতে নারাজ, এলুমিনিয়াম ধাতুর একশতপ্রশস্ত পাত্র তাহার প্রত্যেক দোকানে, কাহাকেও কাহারও উচ্ছিষ্ট পাত্রে পাইতে হইত না। এবং যেমন কতকগুলি ব্যবহার হইয়া থাকিত, অমনি তাহা পরিষ্কৃত হইয়া থাকিত। অবনীশের এই স্বদেশপ্ৰীতি, ব্যবসায়-বুদ্ধি ও পরিষ্কার পরিচ্ছন্নতা দেখিয়া সকল ভদ্রলোক তাহাকে ভালবাসিত। তাহার ব্যবহারে মুগ্ধ হইয়া ইণ্ডিয়ান মিরর, অমৃতবাজার, বেঙ্গলী, নেশন, নিউ ইণ্ডিয়া, বঙ্গবাসী, হিতবাদী, বঙ্গ-মতী, প্রতিবাসী প্রভৃতি দৈনিক সাপ্তাহিক ও মাসিক প্রভৃতি বহু কাগজের স্বত্বাধিকারী তাহার দোকানে বিনা মূল্যে বা বিজ্ঞাপনের পরিবর্তে কাগজ দিতেন; ইহাতেও বহু ভদ্রলোক তাহার দোকানে আকৃষ্ট হইত। ইহাই তাহার দোকানের নূতনত্ব ও বিশেষত্ব।

অবনীশ সকল বন্ধুকে মিলাইয়া অপর একটি যৌথ কারবার আরম্ভ করিল। কুড়ি টাকায় উৎসর্গিত-জীবন-বন্ধুগণ উন্নতির আশায় উৎফুল্ল হইয়া উঠিল। অবনীশের ব্যবসায় স্বদূর প্রথিত হইয়া উঠিল।

ব্যবসায়ের উন্নতির জন্ত অবনীশকে মধ্যে মধ্যে বিদেশে যাইতে হইত। সমাজের জুড়ি ভয়ে সে সমুদ্র

পারে যাইতেও কুণ্ঠিত হইত না। দক্ষিণ আফ্রিকাতে সে এক দোকান করিয়া ফেলিল।


এই জন্ত সে কয়েক বৎসর দেশে আসিতে পারে নাই। যখন সে গৃহে ফিরিল, স্ত্রীলিঙ্গ দারিদ্র্যও যে সকল বন্ধু-রাখিয়াছিল, অর্থ-সম্বন্ধ তাঁহাদের অধিকাংশকেই থাকিতে দেয় নাই। অবনীশ ব্যাক্ত হইল, কিন্তু কিছু না বলিয়া যৌথ কারবার হইতে আপনার অংশ বাহির করিয়া লইল, বাহা ছাড়া প্রাপ্য তাহাও সে পাইল না। সে ফুল্ল নহে, বাহাদের নিকট সে অজস্র উপকার পাইয়াছে, তাঁহারা যে দয়া করিয়া তাহার অর্থ গ্রহণ করিয়াছেন, ইহাতে সে আপনাকে কথঞ্চিৎ ঋণমুক্ত মনে করিয়া আশ্রিত হইল। কিন্তু মালতীর চিত্রকে বিশ্বাস নাই, বন্ধুপ্ৰীতি এখনও অটুট আছে, কিন্তু চিত্র যদি যাতস্য না থাকে। এই জন্ত সে ব্যবসায়-সংস্রব ত্যাগ করিল।

ভদ্র দরিদ্র পৃহস্যের পছন্দমত একটি কন্যা বিবাহ করিয়া অবনীশ দক্ষিণাফ্রিকায় চলিয়া গেল। উদ্যোগী-পুরুষকেই লক্ষ্মী আশ্রয় করেন। ইংরাজ বুঝারের শত অত্যাচার অবিচার হইতে স্বদেশবাসীকে রক্ষা করিয়া নিজের বিপদ অগ্রাহ করিয়া অবনীশ ব্যবসায়ের উন্নতি করিতে লাগিলেন। বিদেশবাসী স্বদেশীদিগের মধ্যে জাতীয়তা ও স্বদেশপ্ৰীতি বৃদ্ধির জন্ত জীবন উৎসর্গ করিলেন।

এদিকে পদ্মার রূপায় অবনীশের নষ্ট জমিদারী জাগিয়া উঠিল। অবনীশ দেশে বিদেশে ইচ্ছামত থাকিয়া দেশের কল্যাণে অর্থ ও পরিশ্রম ব্যয় করিতে লাগিল। অবনীশ এখন যথার্থ অবনীশ।

আমাদের দেশে এরূপ অবনীশের যথেষ্ট আবশ্যক রহিয়াছে, বাহারা দেশহিতে নিযুক্ত হইবেন এবং এই হতভাগ্য অধঃপতিত জাতিকে স্বাবলম্বন ও dignity of labour নিজের চরিত্র দিয়া বুঝাইয়া দিবেন। পশ্চাতে যে বিশ্বগ্রাসী ক্ষুধা ঠেলিয়া দাঁড়াইয়াছে, তাহাতে সে স্রোত শুধু একটা পল্লা চাপ, সমুদ্রের ক্ষীণ বাঁধটা আরো কয়েকজন অবনীশ মিলিয়া একটু ভাঙিয়া দিতে পারিলেই হয়।

শ্রীচাক্রচন্দ্র বন্দ্যোপাধ্যায়।



## স্যার জর্জ বার্ডউড্‌।

ভারতবন্ধু স্যার জর্জ বার্ডউড্‌ মহোদয়ের নাম অনেকের নিকট পরিচিত। অদ্য আমরা তাঁহার সম্বন্ধে গোটা-কতক কথা প্রদীপের পাঠকগণের নিকট বলিব।

১৮৩২ খৃষ্টাব্দের ৮ই ডিসেম্বর জর্জ খৃষ্টোকার মোলস-ওয়ার্থ বার্ডউড্‌ বোম্বাই প্রেসিডেন্সির অন্তর্গত বেলগামে জন্মগ্রহণ করেন। তিনি পরলোকগত জেনারেল খৃষ্টোকার বার্ডউডের জ্যেষ্ঠ পুত্র। বার্ডউড প্রথমতঃ বিদ্যা অধ্যয়নার্থ প্লাইমাউথে নিউ গ্রামার স্কুলে প্রেরিত হন এবং তৎপর এডিনবর্গ ইউনিভার্সিটিতে প্রবিষ্ট হইয়া ১৮৫৪ খৃষ্টাব্দে এম, ডি, পরীক্ষায় উত্তীর্ণ হন এবং সেই বৎসরেই ইষ্টইণ্ডিয়া কোম্পানীর ডিরেক্টরগণ কর্তৃক চিকিৎসা বিভাগে নিযুক্ত হন।

১৮৫৫ খৃষ্টাব্দের প্রারম্ভে ভারতবর্ষে পদার্পণ করিয়া বার্ডউড্‌ কালুদঘি, সাউদারেন মারাট্টা হর্সের (Southern Mahratta Horse) ভার প্রাপ্ত হন। সেই বৎসরের শেষ ভাগে তিনি সোলাপুরে দ্বিতীয় ব্যাটালিয়নে স্থানান্তরিত হন। এখানে তিনি সময় সময় অষ্টম মাস্ত্রাজ কেভেলারি, তৃতীয় বোম্বে ইনফেন্ট্রি এবং সিভিল স্টেশনের চিকিৎসকের কার্য করিতেন। ১৮৫৬ খৃষ্টাব্দের শেষভাগে তিনি মহামাত্ম কোম্পানীর 'অযোধ্যা' জাহাজের মেডিক্যাল চার্জ পাইয়া পারস্ত সাগরে গমন করেন। তিনি মোহাম্মদাবাদ অবরোধের সময় উপস্থিত ছিলেন। কর্তৃপক্ষ তাঁহার এখানকার কার্যকুশলতায় সন্তুষ্ট হইয়া তাঁহাকে একতী স্বর্ণ-পদক পুরস্কার দেন।

১৮৫৭ খৃষ্টাব্দের এপ্রিল মাসে বার্ডউড্‌ বোম্বে প্রত্যাবর্তন করিলে, গ্রান্ট মেডিকেল কলেজের এনাটমি ও ফিজিওলজির অধ্যাপক নিযুক্ত হন। এই সময় হইতে ভারত পরিত্যাগ পর্যন্ত তিনি প্রায় সকল সময় অধ্যাপকের কার্যেই নিরত ছিলেন।

লর্ড এলফিন্‌ষ্টোন স্বপ্রতিষ্ঠিত 'গভর্নমেন্ট সেন্ট্রাল মিউজিয়ামে'র উন্নতিকল্পে চেষ্টিত ছিলেন। বার্ডউড্‌ বেলগাম, কালুদঘি, সোলাপুর হইতে শুষ্ক চারাগাছ, মৃতপক্ষী প্রভৃতি নানা প্রকারের বিচিত্র উপকরণ সংগ্রহ করিয়া এই

যাহুঘরের নিমিত্ত প্রেরণ করেন। লর্ড এলফিন্‌ষ্টোন তাঁহার অধ্যবসানে সন্তুষ্ট হইয়া তাঁহাকে যাহুঘরের সেক্রেটারি ও কিউরেটর নিযুক্ত করেন। এই সময় বার্ডউড্‌, প্রসিদ্ধ হিন্দুচিকিৎসক ডাঃ ভাউকো ধাজির (Bhawco dhajee) উৎসাহে ২০০,০০০ পাউণ্ডেরও অধিক ব্যয়ে ভিক্টোরিয়া গ্যালবার্ট মিউজিয়াম এবং ভিক্টোরিয়া গার্ডেন প্রতিষ্ঠিত করেন। এই ভিক্টোরিয়া উদ্যানের নিমিত্ত বরোদার ভূতপূর্ব গাইকোবাড়, মহারাজা কুণ্ডোরো প্রভৃতি বার্ডউডের দ্বারা প্রায় ৩৫০০০ পাউণ্ড ব্যয়ে মহারাজার প্রস্তুতকৃত প্রতীমূর্তি স্থানান্তরিত করান। এই প্রস্তুতকৃত মূর্তি এখন এসপ্লানডিতে প্রতিষ্ঠিত আছে। এই সময় বার্ডউড তাঁহার প্রসিদ্ধ গ্রন্থ 'Catalogue of the Economic Products of the Presidency of Bombay' প্রকাশ করেন। তাঁহার ভারত পরিত্যাগের পূর্বে ইহা দুইবার মুদ্রিত হইয়াছিল। এই গ্রন্থখানি কেবল ভারতেই আদৃত হয়, এমন নহে, ইংলণ্ডেও ইহার সমধিক আদর হইয়াছিল এবং ফ্রান্সের অধ্যাপক Garcin de Tassy তাঁহার যথেষ্ট স্তুতি করিয়াছিলেন।

সার্জন মেজার এইচ, জে, কার্টার এফ, আর, এম, পদত্যাগ করিলে, বার্ডউড্‌ বোম্বে রয়্যাল এসিয়াটিক সোসাইটির অবৈতনিক সম্পাদক হন। তাঁহার হস্তে সোসাইটি পুনর্জন্ম লাভ করিয়াছিল। তিনি এই সময়েই উক্ত কার্টার মহোদয়ের পদত্যাগে, এলফিন্‌ষ্টোন ভাণ্ডারের এবং বোম্বে শিক্ষাভাণ্ডারের সম্পাদক মনোনীত হন। সার্জন হেইনিসের (Haines) মৃত্যুর পর তিনি সুর আলেকজান্ডার গ্রান্ট কর্তৃক এবং তৎপর দুইবার সিনেট কর্তৃক বোম্বে বিশ্ববিদ্যালয়ের রেজিষ্ট্রার নিযুক্ত হন। তিনি এই সকল কার্যে প্রশংসার সহিত নিরত হন। এই সকল সাধারণ হিতকর কার্যে তাঁহার আন্তরিক অনুরাগ থাকায়, ১৮৬৪ খৃষ্টাব্দে তিনি বোম্বে সেরিফ নিযুক্ত হন। ১৮৬৭ খৃষ্টাব্দে বোম্বাইয়ের বাণিজ্য ব্যবসায়ীদের একান্ত অনুরোধে Sir Bartle Frere, বার্ডউড্‌কে স্পেশাল কমিশনার করিয়া প্যারিসের বিশ্বজনীন প্রদর্শনীতে (Universal Exhibition) প্রেরণ করেন। এই সকল কার্যে কঠিন পরিশ্রমে তাঁহার স্বাস্থ্য ভঙ্গ হয়, পরে নানারূপ চিকিৎসাতে কোনরূপ ফল

প্রদীপ। ]

প্রদীপ।

[ ১২শ সংখ্যা।



স্যার জর্জ বার্ডউড্‌।

না পাওয়ায় ১৮৬৮ খৃষ্টাব্দে তিনি ভারতবর্ষের নিকট বিদায় গ্রহণ করিয়া স্বদেশযাত্রা করেন। বিদায়কালে তিনি রয়াল এসিয়াটিক সোসাইটি, এগ্রি-হর্টিকালচারাল সোসাইটি, ইউনিভারসিটি, এবং গ্রাণ্ট মেডিকেল কলেজের ছাত্রবর্গের নিকট হইতে অভিনন্দন-পত্র প্রাপ্ত হইয়াছিলেন। এগ্রি-হর্টিকালচারেলের অভিনন্দন-পত্রখানি মূল্যবান এবং বিচিত্র কারুকার্যখচিত। এত বড় প্লেটখানি 'প্রদীপে' প্রকাশ করিবার উপায় নাই, কাজেই আমরা কেবল পত্রখানি নিম্নে উদ্ধৃত করিলাম। \*

AN

ADDRESS

VOTED BY THE

AGRI-HORTICULTURAL SOCEITY

OF

WESTERN INDIA

TO

GEORGE C. M. BIRDWOOD

*Honorary Secretary,*

BOMBAY.

JULY, 1868.

পেন্সনের সময় হইবার পূর্বেই যদিও বার্ডউড বাধ্য হইয়া কার্যত্যাগ করিয়া স্বদেশযাত্রা করিয়াছিলেন, তথাপি বোম্বাই গভর্ণমেন্টের অনুরোধে ভারত-সেক্রেটারি তাঁহার ক্ষুদ্র বিশেষ পেন্সন নির্দিষ্ট করেন। তাঁহার কার্যের পুরস্কার স্বরূপ, ১৮৭৭ খৃষ্টাব্দে ১লা জানুয়ারী ভিক্টোরিয়া ভারত-সাম্রাজ্যরূপে বিঘোষিত হইবার সময়, দিল্লী দরবারে তিনি ভারত-সঙ্গ (Companionship of the orden of the Star of India) উপাধিতে ভূষিত হন। বার্ডউড ইংলণ্ডে প্রত্যাবর্ত হইবার অল্পদিন পরেই 'Genus Boswellia' গ্রন্থ প্রচার করেন। এই পুস্তকে তিনি বিভিন্ন বৃক্ষাদির পরিচয় দিয়াছেন। তৎপর ১৮৭৮ খৃষ্টাব্দে তাঁহার 'Hand-Book of the Indian

Court'\* এবং ১৮৮০ খৃষ্টাব্দে 'The Industrial Arts of India' গ্রন্থদ্বয় প্রকাশিত হয়। এই গ্রন্থদ্বয় বহুস্থানের বহুব্যক্তি কর্তৃক প্রশংসিত হইয়াছে। ভারতীয় শিল্প সম্বন্ধে তিনি যে প্রাণান্ত পরিশ্রম করিয়াছিলেন, তাহার ফলে তিনি ফরাসী গভর্ণমেন্ট কর্তৃক 'Officer of the Legion of Honor' এবং ব্রিটিশ গভর্ণমেন্ট কর্তৃক নাইট উপাধি-গৌরবে ভূষিত হইয়াছিলেন।

১৮৮৬ সালে বার্ডউড, রয়েল কমিশন, ঔপনিবেশিক কার্যকারী সভার এবং ভারতীয় প্রদর্শনীর সভ্য মনোনীত হন। ১৮৮৯ খৃষ্টাব্দে তিনি প্যারিস আন্তর্জাতিক

\* প্যারিস প্রদর্শনীর পর আমাদের বর্তমান সম্রাট এই পুস্তক সম্বন্ধে এইরূপ লিখিয়াছিলেন :—

SANDRINGHAM, NORFOLK,

January 27, 1879.

My dear Dr. Birdwood,

The Paris Exhibition being now at an end, I am anxious to convey to you the expression of my warm thanks for the valuable services which you have been so good to render to the Royal Commission in connection with the Indian section. These services were of the greatest assistance to the members of that Committee in enabling them to overcome the difficulties which they encountered and in lightening their labours.

I wish to take this opportunity of saying that I cannot speak in too high a sense of the hand-book which you brought out on India. It is unusually acknowledged to be a work of importance and utility, and bears witness not only to the vast knowledge of act and the correct judgment of the just means of promoting the highest development of the industries of India which you possess, but it contains also some very valuable and novel contributions of the history of Indian and Eastern commerce, and, as such, it is much appreciated by learned foreigners and by the best judges at home.

Although but a slight return for the care and industry you have bestowed on the work, I propose to place the copyright of the hand-book at your disposal, and it will give me much pleasure to hear that you accept my offer.

In conclusion I have great satisfaction in sending you a print of myself, with my autograph attached to it.

Believe me, my dear Dr. Birdwood,

Very sincerely yours,

Albert Edward, P.

Dr. Birdwood, C. S. I.

\* The journal of Indian Art and Industry—Vol. VIII.—Illuminated cover of Address presented to Sir G. C. M. Birdwood.

প্রদর্শনীর, বুটিশ ইণ্ডিয়ান সেকশনের চেয়ারম্যান হন। তিনি চিগাকো প্রদর্শনী প্রভৃতিতেও তিনি চেয়ারম্যান ও সভ্য হইয়াছিলেন।

বিভিন্ন প্রদর্শনীর সংস্রবে থাকিয়াও বার্ডউড, ১৮৮৬ খৃষ্টাব্দে কেমব্রিজ বিশ্ববিদ্যালয় কর্তৃক এল, এল, ডি. উপাধি প্রাপ্ত হন।

বার্ডউড ইষ্ট ইণ্ডিয়া কোম্পানীর পুরাতন কাগজ পত্রের প্রতি বিশেষ মনোযোগ দিয়াছিলেন। তিনি সর্ব প্রথম ১৮৭৩ খৃষ্টাব্দে Athenæum পত্র ইহার উল্লেখ করেন, তৎপরে ১৮৭৯ খৃষ্টাব্দে এতৎসম্বন্ধে তাঁহার 'Report on the Miscellaneous old Records of the Indian Office' পুস্তক প্রকাশিত হয়; এই পুস্তক ১৮৮৯ এবং ১৮৯১ খৃষ্টাব্দে পুনর্মুদ্রিত হয়। তাঁহার পরামর্শানুসারে Messrs. H. Stevens & Sons ১৮৮৬ খৃষ্টাব্দে 'Court-Minutes of the East India Company' গ্রন্থ প্রকাশ করেন। ইহাতে বার্ডউড একটা বিস্তৃত মনোরম ভূমিকা লিখিয়াছিলেন। ১৮৯৩ খৃষ্টাব্দে মিঃ বারনার্ড কোয়ারির 'First Letter Book of the East India Company' পুস্তক প্রকাশিত করেন, ইহার ভূমিকাও বার্ডউড কর্তৃক লিখিত হয়। এই গ্রন্থ সম্পাদন কালে বার্ডউড Halkyt সোসাইটির সুযোগ্য সেক্রেটারি মিঃ উইলিয়াম ফস্টারের সাহায্য প্রাপ্ত হইয়াছিলেন।


কিন্তু বার্ডউডের জীবনের প্রধান উদ্দেশ্য—ইংরেজ ও বাঙ্গালীর মধ্যে সদ্ভাব বৃদ্ধি করা। ১৮৮৫ সালে তাঁহার ভারতে প্রত্যাগমন হইতেই বোধের প্রত্যেক অধিবাসীর নিকট তাঁহার নাম এতই সুপরিচিত হইয়াছিল যে সকলেই তাঁহাকে তাহার নিজের এক জন বলিয়া মনে করিত। তিনি তদেশবাসীদের প্রতি বেকরূপ সহানুভূতি প্রদর্শন করিয়াছিলেন, তাহার ফলেই তিনি তাঁহাকে আপনার জন করিয়া ফেলিয়াছিল। বোধাই কেন, ভারতের প্রত্যেক শ্রেণীর নিকট বার্ডউড প্রিয়, এবং ইহারই ফলে তিনি তাঁহার সমধিক প্রিয়ভূমি বোধে নানাবিধ শিক্ষামন্দির স্থাপন করিতে পারিয়াছিলেন।

ইণ্ডিয়া আফিসে স্পেশাল গ্যাসিষ্ট্যান্টের কার্যে বিংশতি-বর্ষ নিযুক্ত থাকিয়াও বার্ডউড ক্ষণকালেরতরে ভারতের খনিজ ও শিল্পের উন্নতির চেষ্টা হইতে প্রতিনিবৃত্ত হন

নাই। তাঁহার পূর্বে ডাঃ ফর্বিস্ রয়েব ও ডাঃ জে, ফর্বিস্ ওয়াটসন নামক দুই মহোদয় এই বিষয়ে পরিশ্রম করিয়াছিলেন।

১৮৭৯ খৃষ্টাব্দে ভারতীয় মিউজিয়াম বিজ্ঞান এবং শিল্পবিভাগের অন্তর্গত হয় এবং এই পরিবর্তনের জন্ম ইণ্ডিয়া আফিসে, ইণ্ডিয়ান প্রোডাক্টসের (Indian Products) রিপোর্টারের পদ উঠিয়া গেলেও, বার্ডউড ঐ কার্যই চালাইতেছিলেন। তিনি সরকারী কায্য ব্যপদেশে, এবং ভারতীয় শিল্প-বাণিজ্য-সম্বন্ধীয় পুস্তকাদিতে ভারতের উন্নতির কথাই বেশী আলোচনা করিতেন। তাঁহার ভারত্যাগে, বাণিজ্য ব্যবসায়ীগণই বিশেষ অভাব বোধ করিয়াছে। ইহাও নিরাপদে বলা যাইতে পারে যে, পশ্চিম ভারতের (Western India) কোন লোকই একবার বার্ডউড না দেখিয়া লগুনে যান নাই। তিনি প্রত্যেক আগন্তুককেই সাদরে অভ্যর্থনা করিতেন এবং সুমিষ্টবচনে আপ্যায়িত করিয়া ও তাঁহাদের আগমনের উদ্দেশ্য সাধিত করিয়া বিদায় দিতেন। বার্ডউড ইণ্ডিয়া আফিসের যে ঘরে থাকিতেন, তাহার স্ম্যাম্পল্ রুম প্রভৃতির চিত্র ইণ্ডিয়ান আর্ট জর্নালে প্রকাশিত হইয়াছে। সেই সকল প্রকাশ করিবার সুবিধা এখানে নাই। আমরা তাহা হইতে কেবল বার্ডউড মহোদয়ের সৌম্যমূর্তি ও সংক্ষিপ্ত পরিচয়টুকুই পাঠকগণকে উপহার দিলাম।

শ্রীব্রজসুন্দর সান্যাল ।



## কফি ও উহার চাষ ।

আমাদের দেশে চা-র আধিপত্য ক্রমে যতটা বৃদ্ধি প্রাপ্ত হইয়াছে, কফি এখনও তাদৃশ আধিপত্য বিস্তার করিতে পারে নাই। এখন কোন কোন সৌখিনবাবু সখ করিয়া শীত-কালের দিনে কখনও কখনও কফি পান করেন, এবং কলেজের কোন কোন ছাত্র পরীক্ষার সময় রাত্রি জাগরণ করিয়া পাঠাভ্যাসের নিমিত্ত উহা ব্যবহার করিয়া থাকেন মাত্র; মচেৎ প্রাতঃসন্ধ্যা দুই চিনি-সহযোগে মিষ্টান্নপূর্ণ রেকাবির সহিত উদর পূরণের রূপান্তররূপে এখনও উহার ব্যবহার এদেশে প্রচলিত হয় নাই। শীঘ্র যে না হইবে, তাহা কে বলিতে পারে? কফির ব্যবহার বৃদ্ধি হইক বা না হইক, উহার চাষ কি প্রকারে করিতে হয় তাহা জানিবার আমাদের প্রয়োজন আছে।

মনুষ্য অর্ধের জন্ম কত পরিশ্রম করিতেছে, কত মূলধন খাটাইয়া তবে অর্থোপার্জন করিতেছে। ধনিগণের মধ্যে কেহ কেহ অনেক অর্থ ব্যয় করিয়া, বিস্তর লোকজন রাখিয়া চা-বাগান করিয়া লাভবান হইতেছেন। কৃষকগণ ধান ফেলিয়া পাটের চাষ আরম্ভ করিতেছে। গৃহস্থগণ আম, কাঁঠালগাছ কাটিয়া কদলির চাষে মনোযোগ করিতেছেন। অল্পব্যয়ে বাহাতে অধিক লাভ হয়, সকলেই এইরূপ কার্য্য করিতে ইচ্ছা করেন এবং করাও কর্তব্য। এই হিসাবে বাঙ্গালায় কফির চাষ আমাদের একটি চিন্তা ও পরীক্ষা করিবার বিষয়। ভারতবর্ষে উহার প্রচলন অধিক না হইলেও, শীতপ্রধানদেশে এবং এখানকার সাহেব মহলে, উহার আদর ও মূল্য কম নহে, অথচ আমার বিবেচনায় এখানকার মৃত্তিকা ও জলবায়ু কফি-গাছের পক্ষে অল্পকূল এবং চা-র তুলনায় ইহার আবাদ সকল বিষয়ে সুবিধাজনক।

ঠিক কোন সময় হইতে কি স্থানে মনুষ্যসমাজে কফির ব্যবহার আরম্ভ হইয়াছে, তাহা বলা যায় না। উহার সহিত মানুষের প্রথম পরিচয়ের বিষয় পণ্ডিত রামগতি ত্রায়ায় মহাশয় তাঁহার 'বস্তুবিচার' নামক বালকবালিকা-পাঠ্য-পুস্তকে বেরূপ লিখিয়াছেন, পাঠকের অবগতির জন্ম এখানে আমরা তাহা উদ্ধৃত করিয়া দিতেছি,—“আরবদেশীয়

কতিপয় পশুপালক দেখিয়াছিলেন যে, তাহাদিগের ঘে ঘে পশু কফি বৃক্ষের ফল খাইত, তাহারা রজনীতে অধিক নিদ্রা যাইত না এবং প্রফুল্লচিত্তে ইতস্ততঃ ক্রীড়া করিয়া বেড়াইত। তাহারা এই সংবাদ সন্নিহিত ধর্মোপাসকদিগকে জানাইলে পর, তাহারা সবিশেষ অনুসন্ধান দ্বারা স্থির করিলেন যে, কফির যথার্থই উত্তর গুণ আছে। অনন্তর তাহাদিগের হইতেই কফির ব্যবহার ক্রমে ক্রমে নানাদেশে প্রচলিত হইয়া আসিতে লাগিল।

ইংলণ্ডে কফির উপকারিতার কথা আবিষ্কৃত হইবার অনেক পূর্বে আফ্রিকার কোন কোন স্থানের অধিবাসীগণ কফি ব্যবহার করিত। মধ্য ও পূর্ব আফ্রিকা ইহার আদি উৎপত্তি স্থান। আফ্রিকাবাসিগণ কি প্রণালীতে ইহা ব্যবহার করিত, তাহা বলিতে পারা যায় না। প্রায় সহস্র বৎসর পূর্বে পারস্যগণ কর্তৃক আফ্রিকার নরুভূমি হইতে এসিয়াথগে উহা প্রথম আনীত হয়, তৎপরে আরব হইতে ক্রমে সমগ্র এসিয়া ও ইউরোপে ইহার প্রচলন আরম্ভ হইতে লাগিল। ইউরোপের মধ্যে সর্বপ্রথম ফ্রান্সে থিভেনট (Thevenot) নামক পরিব্রাজক কর্তৃক প্রথম আনীত হয়। তৎপরে পাস্কোয়া (Pasqua) নামক একজন গ্রীক ভৃত্য উহা ১৬৫২ খৃঃ অব্দে ইংলণ্ডে প্রথম আনয়ন করে।

মোচা ও জাভাদ্বীপের কফি সর্বাপেক্ষা উৎকৃষ্ট। সুমাত্রা দ্বীপেও কফি উৎপন্ন হইয়া থাকে। তথায় উহার বীজের পরিবর্তে চা-র ছায় পাতা ব্যবহৃত হয়। সমগ্র পৃথিবীর আবগৃহকের অর্ধেক অপেক্ষাও অধিক অংশ একমাত্র আমেরিকার ব্রেজিল হইতে রপ্তানি হইয়া থাকে। জাভাদ্বীপের কফির বীজ সর্বাপেক্ষা বৃহৎ এবং মোচায় সর্বাপেক্ষা ক্ষুদ্র হইয়া থাকে। সিংহলদ্বীপে যে কফি উৎপন্ন হইয়া থাকে, তাহাও উৎকৃষ্ট জাতীয় বলিয়া খ্যাত।

কফিবৃক্ষের পত্রাবলী দেখিতে অনেকটা আমাদের দেশীয় টগরগাছের পাতার ছায়, বর্ণ অপেক্ষাকৃত গাঢ় এবং মসৃণ। কফি বৃক্ষের পত্রহীন কাণ্ড বা শাখার দিকে দেখিলে সহস্রা শেফালিকা বৃক্ষের কাণ্ড বলিয়া ভ্রম হয়। গাছের অবয়বও দেখিতে বহুল পরিমাণে একটি অনতিবৃহৎ শেফালিকা বৃক্ষের অনুরূপ। উদ্ভিদতত্ত্ববিদগণের নিকট এই উভয়

জাতীয় বৃক্ষ এক শ্রেণীর বলিয়া গণ্য কি না জানি না। শেফালিবৃক্ষের শ্রায় কফিবৃক্ষের প্রথম বা আদিকাণ্ডের উপরিভাগ হইতে দীর্ঘ দীর্ঘ শাখা হয় এবং তাহারই প্রশাখা-গুলিতে ফল জন্মে। ফলগুলি অপক্কাবস্থায় উজ্জল হরি-ঘর্নের থাকে, পাকিলে ঘোর লালবর্ণ ধারণ করে। আকার ছোট ছোট দেশীয় কুল বা বড় বড় বৈচি-ফলের মত। এই ফলের বীজমধ্যস্থ শস্য হইতেই পানোপযোগী কফি প্রস্তুত হইয়া থাকে। যে নিয়মে ফল হইতে বীজসংগ্রহ করিতে পারা যায়, তাহা পরে বিবৃত হইবে। কফি বল ও ধাতুকক্ষকারক। ইহা পান করিলে রজনীতে নিদ্রা অল্প হইয়া থাকে।

কোন জমি কফি চাষের পক্ষে প্রকৃষ্ট, অথবা কোন জমি নিকৃষ্ট তাহার আলোচনা করা উপস্থিত সময়ে আমার পক্ষে অসম্ভব, কারণ এখনও আমার সে অভিজ্ঞতা জন্মে নাই এবং পরীক্ষার উপযুক্ত অবসরও হয় নাই। তবে বিশ্বাস, যে সকল ভূমিতে অধিকাংশ ফলকর বৃক্ষাদি ভালরূপ জন্মিয়া থাকে, সেই সকল ভূমিই ইহার চাষের পক্ষে অসুকূল। কৃষি সম্বন্ধে আমার অভিজ্ঞতা অল্প, কফির চাষও কুত্রাপি দেখি নাই। প্রায় তিন বৎসর গত হইলে, লেখকের পিতাপিতৃব্যকর্তৃক কোন সাহেবের একটি বাগানবাটা ক্রীত হয়। তথায় একস্থানে উনবিংশতি-সংখ্যক কফি বৃক্ষ আছে। এই সকল বৃক্ষের কোনরূপ আবাদ না করা সত্ত্বেও প্রচুর ফলোৎপত্তি ও কফির আবশ্যকীয়তা চিন্তা করিয়া, বাঙ্গালার উহার আবাদ লাভজনক কি না মনে মনে এই প্রশ্ন উদিত হয় এবং তাহারই ফলে, সাধারণের চিন্তা করিবার অবসর প্রদানার্থে এই প্রবন্ধ লিখিবার প্রয়াস। কৃষিতত্ত্ববিদ ও উদ্যানস্বামিগণের পরীক্ষা এবং ইহার বিষয় চিন্তা করা, একান্ত আবশ্যক মনে করি।

কিরূপ মৃত্তিকা বা সার কফি বৃক্ষের পক্ষে উপকারী তাহা ঠিক বলিতে না পারিলেও, সাধারণ মৃত্তিকায় উহা উত্তম জন্মিতে পারে। এই অনুমানের কারণ, উল্লিখিত গাছগুলি যেখানে আছে, তথাকার মৃত্তিকার কোন প্রকার বিশেষত্ব নাই, অথচ গাছগুলি বিলক্ষণ তেজস্বী ও ফল-দায়ক। পরীক্ষা করিয়া দেখিয়াছি, কৃষকগণ যে মাটিকে সাধারণতঃ দোরাঁশ মাটি বলে, উহাও তাহাই, অর্থাৎ উহাতে এঁটেল ও বালির ভাগ প্রায় সমান আছে।

কফির আবাদের স্তম্ভ বিশেষরূপে স্থান নির্বাচন করিতে হয় না। সাধারণ উষ্ণতাতির শ্রায় শীতাতপ-বায়ুসঞ্চালিত সমতল ভূমিতে উষ্ণতা লাভ করি-লেও, সমস্তদিনব্যাপী প্রথর রৌদ্রহীন, ছায়া ও রৌদ্রপূর্ণ ফলকর বৃক্ষের উদ্যান মধ্যেও কফিগাছের আবাদ করা যাইতে পারে। বৃহৎ বৃহৎ সখের বাগানের বিস্তৃত-পথ-পার্শ্বে অথবা ফলকর অপেক্ষা কফি শ্রেণী দেখিতেও বেশ মনোরম, অথচ বৃক্ষপালনও সুবিধাজনক। কিন্তু ব্যব-সায়ার্থে আবাদ করিতে হইলে, একত্র সংলগ্ন বিস্তৃত মুক্ত-জমির প্রয়োজন, নচেৎ কফিফল বা বীজ সংগ্রহ করিতে বিস্তর অসুবিধা ভোগ করিতে হয়।

বীজ হইতে কফির চারা করিতে হয়। এই চারা প্রথমে কিছুদিন হাপরে রাখিয়া, একটু বড় হইলে ক্ষেত্র<sup>\*</sup> রোপণ করা উচিত। যেমন তুঁসহীন ধাত্ত বা খোলাহীন কোন শস্যে বীজ প্রায় অক্ষুরিত হয় না, সেইরূপ বাঙ্গার বিক্রীত আবরণহীন শুষ্ক কফিবীজ হইতে চারা উৎপন্ন হয় না। বপনোপযোগী বীজ কোথায় পাওয়া যায় বলিতে পারি না। কলিকাতার কোন কোন নার্সারিতে\* চারা বিক্রয় হইয়া থাকে।

কফিক্ষেত্রে প্রতিবৎসর চারা রোপণ করিতে হয় না। একবার রোপণ করিলে বৃক্ষ উত্তরোত্তর বাড়িতে থাকে। কফির চারা শ্রেণিবদ্ধ করিয়া ক্ষেত্রে রোপণ করিতে হয়। চারা বসাইবার পূর্বে, প্রথমে ক্ষেত্র হইতে তৃণ লতা প্রভৃতি পরিষ্কার করিয়া একবার সমগ্র জমি খনন বা কর্ষণ করা কর্তব্য। স্থান প্রস্তুত হইলে রজ্জু ফেদিয়া পাঁচ ছর হস্ত ব্যবধান একটি করিয়া চারা সারমিশ্রিত মৃত্তিকার সহিত রোপণ করিলে ভাল হয়। অস্থিচূর্ণ-সার কফিগাছের পক্ষে সর্বাপেক্ষা উপকারী। গোময়ের সার, রেচি বা সরিষার খৈলও দেওয়া যাইতে পারে। কফি বাগানের প্রতি সারিগুলির মধ্যে ব্যবধান অন্ততঃ সাড়ে ছর বা সাত হাত হইলে ভাল হয়। চারা রোপণ করা হইলে যত্ন সহকারে তাহার পালন করিতে হয়। গাছ কিছু

\* Cossipore Practical Institution, Cossipore ; Manick-  
tola Nursery এবং Bengal Nursery, Manicktola এই ভি-  
স্থানে চারি আনা হইতে আট আনা মূল্যে এক একটি কফির চারা  
বিক্রয় হইয়া থাকে

বড় হইলেও শীত ঋতুতে মৃত্তিকার রসভাব বোধ হইলে সময়ে সময়ে জলসেচন<sup>\*</sup> আবশ্যক এবং প্রতি বৎসরেই একবার করিয়া গাছের গোড়া পরিষ্কার করিয়া মাটি খুসিয়া দেওয়া উচিত। গাছের তলায় সার প্রতিবৎসর না দিলেও ক্ষতি নাই। মোট কথা আয়, লিচু, পেয়ারা, লেবু প্রভৃতি ফলকর বৃক্ষকে যে প্রণালীতে পালন করিতে হয়, আমার বিবেচনায় ইহার পক্ষেও তাহা ছাড়া বিশেষ কোন ব্যবস্থা নাই।

বৃক্ষ রোপণের পর সচরাচর ছই তিন বৎসরের মধ্যে ফল হইতে আরম্ভ হয় এবং বৎসরে একবার করিয়া ফল-দান করিয়া থাকে। গাছ যতই বাড়িতে থাকে ফল ততই অধিক পরিমাণ জন্মিয়া থাকে। এদেশে কতদিন পর্যন্ত গাছ জীবিত থাকে এবং কতদিনই বা ফলোৎপাদনে সমর্থ থাকে তাহা জানিবার সুবোগ এখনও পাই নাই। তবে বিশ বাইশ বৎসরের মধ্যে যে উহার উৎপাদিকা-শক্তি বা জীবনী-শক্তির লোপ হয় না, এরূপ মনে করিবার উপ-যুক্ত প্রমাণ পাইয়াছি। সন্ধান দ্বারা পূর্বেল্লিখিত কফি-গাছ কয়টির রোপণকারীর নিকট হইতে অবগত হইয়াছি যে, গাছগুলি দশ বার বৎসরের অধিক রোপিত হইয়াছে। এখনও উহাদের বর্দ্ধনশীলতা যেরূপ পরিলক্ষিত হয়, তাহাতে যে আরও দশ বার বৎসর এই প্রকার সতেজ পাকিয়া ফল প্রদান করিবে, ইহা মনে করিতে কোন প্রকার দ্বিধা হয় না। এডেন, জাভা, মোচা, আমেরিকা প্রভৃতি স্থানে কফিবৃক্ষ হইতে একাদিক্রমে বিশ বৎসর ফল পাওয়া যায়।

কফিগাছ উর্দ্ধে চৌদ্দ পনের হাত পর্যন্ত হইতে পারে, কিন্তু সচরাচর বার হস্তের অধিক হয় না। কফি বাগানে এত উচ্চ গাছও দেখিতে পাওয়া যায় না। তথায় চারি পাঁচ হস্ত প্রমাণ রাখিয়া উপরের শাখা বা শাখার উর্দ্ধাংশ ছেদন করিয়া দেয়। ইহা দ্বারা ছইটি উপকার হইয়া থাকে। প্রথম, শাখাছেদনজনিত অনেক নবীন শাখা জন্মে, যতরাং গাছ বেশ বাড়াল হইয়া অধিক পরিমাণে ফল প্রদান করে। দ্বিতীয়, বৃক্ষ অলৌচ হইলে কফি পাড়ার পক্ষে সুবিধা হয়, নচেৎ উহা পাড়িতে বিশেষ অসুবিধা ভোগ করিতে হয়, এমন কি চাষ করিতে হইলে বৃক্ষের উচ্চশাখা হইতে কফি সংগ্রহ করা এক প্রকার অসম্ভব হইয়া উঠে।

বৃক্ষে আরোহণ পূর্বক বা আঁকুষি সাহায্যে কফি পাড়া যায় না, কারণ উহার শাখা প্রশাখা বড়ই ভঙ্গপ্রবণ। কোন কোন পুস্তকে লেখা আছে, গাছ নাড়া দিয়া কফি সংগ্রহ করা যায়। কিন্তু আমরা দেখিয়াছি গাছ নাড়া দিলে ফল অতি অল্পই পড়িয়া থাকে। তদপেক্ষা অতি পরিপক্ক ফলগুলি শুষ্ক হইবার পূর্বে আপনা হইতে শাখাবিচ্যুত হইয়া ভূপতিত হইতে দেখা যায়।

গাছের শাখাছেদন ভিন্ন উহার কৃষিতে আর একটি বিশেষত্ব আছে, যাহা অল্পক্ষেত্রে আবশ্যক হয় না। সমগ্র কফি বাগানের জমি সর্বদা বিশেষতঃ ফল পরিপক্ক হইলে পরিষ্কার এবং সত্ত্ববমত সমতল করিয়া রাখা উচিত। এই কারণ পূর্ব হইতেই জমির উপরিভাগের তৃণাদির মূল নাশ করিতে চেষ্টা করিলে আর প্রতিবৎসর অধিক শ্রম করিতে হয় না। গাছ একবার তৈয়ারি হইয়া গেলে, যদিও আর অধিক দেখিতে হয় না, তথাপি কফি পাকি-বার সময় বিশেষরূপ পরিশ্রম করিতে হয়। এই সময় গাছের তলা মুগায় গৃহের মেজে বা দেওয়াল-নিকানের মধ্য গোময় দ্বারা পাঁচ সাত দিন অন্তর বেশ করিয়া পরিষ্কার করা একান্ত প্রয়োজন। এতদ্বিন্ন ভূপতিত কফি বা বীজ সংগ্রহ করা অত্যন্ত ক্লেশসাধ্য এবং ব্যয়সাপেক্ষ। সংসা-রের ব্যবহারের জন্য অতি অল্পসংখ্যক গাছ হইলে, তলায় কাপড় পাতিয়া দেওয়া চলিতে পারে। আরবদেশে গাছের তলায় কাপড় পাতিয়া সজোরে গাছ নাড়া দিয়া কফি সংগ্রহ করে।

বর্ষার পূর্বেই কফিগাছে ফুল ধরে। ফুলের বর্ণ শ্বেত, মধ্যে কিঞ্চিৎ লালের আভা আছে। সম্পূর্ণ কফি-বৃক্ষ দেখিতে অতি মনোরম এবং ফুলের সৌরভও সুমিষ্ট। শ্রাবণ ভাদ্রমাস হইতে ফল ধরিতে আরম্ভ হয় এবং এই-সকল ফল কান্তিক মাসের শেষ ভাগ হইতে পাকিতে আরম্ভ হইয়া চৈত্রমাস পর্যন্ত থাকে। তখন অসংখ্য রক্তবর্ণ ফলপূর্ণ নতমুখী ক্ষুদ্র শাখাবিশিষ্ট কফিগাছগুলি আর একপ্রকার সুন্দররূপ ধারণ করে। দেখিলে মনে হয়, পুষ্পিতাবস্থার মদোন্মত্ত সুন্দরী যুবতীর উন্নতভাব এক্ষণে মাতৃহের গাভীর্ষ্যে পরিণত হইয়াছে। প্রকাবেস্থায় কফিফলের গন্ধ ভাল নয়, আপ্যাদন মিষ্ট। ফলের ভিতরে শাঁস নাই, পুরু খোলার ভিতর ছইটি বড় বড় বীজ



একটির গায় একটি লাগিয়া থাকে। ঐ বীজমধ্যস্থ শস্যই বাজারে বিক্রয় কফি। কফিগাছে ফল অপ- র্যাপ্ত পরিমাণে হইয়া থাকে। এতদপেক্ষা অধিক ফলন অল্প কোন বৃক্ষে দেখি নাই। প্রত্যেক শাখার প্রায় প্রতি গাঁইটে অর্থাৎ প্রজমূলে দশ বারটি হইতে পনের ষোলটি পর্যন্ত ফল ধরিতে দেখা যায়।

কফি বাগানের জন্ত যদিও সর্বদা অধিক পরিমাণে লোক রাখিবার প্রয়োজন হয় না, কিন্তু ফল পাকিবার সময়, অন্ততঃ পাকিতে আরম্ভ হইলে অতিরিক্ত লোক নিযুক্ত করিতে হয়। এই সময় ফলগুলি রক্ষা করা ও সংগ্রহ করাই প্রধান কার্য। বাতুল ও অন্তান্ত নিশাচর পক্ষীতে রাত্রিকালে অনেক ফল নষ্ট করে, এই কারণ গাছে জাল দিতে হয়, অথবা ক্ষেত্রের মধ্যে স্থানে স্থানে বংশখণ্ড বাঁধিয়া তাহার উর্দ্ধভাগ চিরিয়া বে প্রণালীতে এদেশের উদ্যানরক্ষকগণ লিচুগাছ পক্ষী, কাটবিড়ালী হইতে রক্ষা করে, সেইরূপ সময় সময় দড়ি টানিয়া শব্দ করিয়া পাখী তাড়াইতে হয়। গুনিয়াছি আলোক দেখিলেও ঐ সকল জন্তু পলায়ন করে। বোধ হয়, মাঝে মাঝে লণ্ঠনের ভিতর আলো দিতে পারিলেও অনিষ্টকারী জন্তুরা নিকটে আসে না। জাল দেওয়া অপেক্ষা শেষোক্ত যে কোন প্রকার উপায় অবলম্বন করা ভাল, কারণ সকল গাছে জাল দিতে ব্যয়ও অনেক এবং উহাতে কফি পাড়িবার বিশেষ অসুবিধা হয়। দুই পাঁচ দিনে সমস্ত ফল পাকে না, সুতরাং প্রতিদিন জাল উন্মোচন পূর্বক কফি পাড়া এবং পুনরায় চাপা দেওয়া বিশেষ অসুবিধাজনক, এক প্রকার অসম্ভব বলিলেও হয়।

পক্ষী, কাটবিড়াল প্রভৃতিতে কফি নষ্ট করে সত্য, আবার উহাদের দ্বারা উপকারও প্রাপ্ত হওয়া যায়। বিস্তৃত কফিক্ষেত্রে কুঁড়ে বাঁধিয়া প্রায় তিনমাস কাল সমস্ত রাত্রি জাগরণ বা গাছে গাছে প্রতিদিন লণ্ঠন বাঁধিয়া দেওয়া নিতান্ত সহজসাধ্য নহে এবং তাহাতে ব্যয়ও আছে। তদপেক্ষা সমগ্র উদ্যানটি যদিও বেশ পরিষ্কার রাখিতে পারা যায় তাহা হইলে পক্ষী প্রভৃতিতে ফল ভক্ষণ করিলেও বিশেষ ক্ষতি হয় না, অন্ততঃ রক্ষা করিবার, জড় করিবার ও বীজ বাহির করিবার ব্যয়ের তুলনায় সে ক্ষতি অল্প। পক্ষী সকল ফলের খোসা ভক্ষণ

করিলেও বীজ আদৌ যায় না। পরিত্যক্ত বীজগুলি তথায় ফেলিয়া দেয় বা মুখে করিয়া বাগানের অন্তঃস্থানে লইয়া যায়। রজনীর ভোজনাবশিষ্ট বীজগুলি প্রোচে লালাযুক্ত থাকে, বৈকালে বেশ শুষ্ক হইলে তখন সম্মার্জনী সহকারে সংগ্রহ করিতে হয়। পক্ষিগণ খোসাও সকল সময় ভক্ষণ করে না, কাটিয়া তলায় ফেলিয়া দেয়। খিতে পাওয়া যায়। যদি উহারা ফলগুলি মুখে করিয়া অল্পত্র না লইয়া, বৃক্ষমূলে বসিয়া ভক্ষণ করিত, তাহা হইলে উহাদের আগমন সর্বাত্মক প্রার্থনীয় হইত।

কফি পাকিয়া যখন লাল হইতে ক্রমশঃ পিঙ্গলবর্ণ ধারণ করে, তখন উহা গাছ হইতে তুলিবার উপযুক্ত সময়। তুলিবার কালে শুধু ফলগুলি ধরিয়া টানিলে অনেক সময় ক্ষুদ্র শাখাগুলি ভাঙিয়া যায়, তজ্জন্ত সাধ- ধানপূর্বক পাড়া উচিত। প্রথমে প্রতিদিন কফি তুলিয়া সংগ্রহ করিতে হয়। তৎপরে সংগৃহীত কফি সকল গৃহের ছাদে বা চেটাইয়ের উপর ছড়াইয়া আট দশ দিবস রোদ্রে শুখাইতে হয়। উহা বেশ শুষ্ক হইলে পর বীজ বাহির করিবার উপযুক্ত হয়।

শুষ্ক ফলের ভিতর হইতে সহজে এবং স্বল্পব্যয়ে বীজ বহির্গত করিবার উপযোগী কোন যন্ত্র আছে কি না, জানি না। আমি দেখিয়াছি, আমাদের চিরপরিচিত টেকির দ্বারা কফি হইতে বীজ বাহির করিবার পক্ষে বিশেষ সাহায্য পাওয়া যায়। ইহাতে ব্যয়ও অপেক্ষাকৃত অল্প হইয়া থাকে, কারণ সামান্য গ্রাম্য স্ত্রীলোকদিগকে অল্প পারিশ্রমিক দিয়া উক্ত কার্য অনায়াসেই করান যাইতে পারে। তৎপরে চূর্ণ খোসা হইতে বীজ পৃথক করা আর একটি কার্য। ইহাতেও আনাদের কুলার সহায়তায় দেশীয় প্রথা অবলম্বন করা যাইতে পারে। এই কার্যও পুরুষ অপেক্ষা স্ত্রীলোক কর্তৃক সহজে সমাধা হইতে পারে। কুলায় করিয়া একবার ঝাড়িলেই সমুদয় খোসা পৃথক হয় না, এই কারণ প্রথমবার ঝাড়ান হইলে পুনরায় একবার রোদ্রে দিয়া ঝাড়িয়া লইলে অনেক পরিমাণে পরিষ্কার হয়। অবশিষ্ট খোসাগুলি হস্তের দ্বারা বাছিয়া ফেলিতে হয় বা সমুদায় কফিগুলি একবার ধুলে ধুইয়া লইলে খোসা উপরে ভাসিয়া উঠে, তখন সহজে বীজ সকল পৃথক করা যায়, অথচ বীজগুলি কফি

পরিষ্কার হইয়া থাকে। কাঁচা ফল রোদ্রে শুখাইবার বে একবার সমগ্র রকম খেঁশলাইয়া দিলে শুখাইতোময় কিছু অল্প লাগে এবং বীজ পৃথক করিবার পক্ষেও কছ সুবিধা হয়।

• পূর্বোল্লিখিত পক্ষীপরিত্যক্ত বীজ হইতে শস্য হির করিতেও উপযুক্ত উপায় অবলম্বন করিতে পারায়। এই সকল আইসের ত্রায় পাতলা আবরণযুক্ত বীজহইতে শস্য বাহির করা অপেক্ষাকৃত অল্পব্যয় ও পরিশ্রম। ইহাতে টেকির পরিবর্তে বৃহদাকার কাঠের হাড়িয়া ব্যবহার করিলে সুবিধা হয়। এই বীজ-অভ্যন্ত শস্যগুলি উক্ত আবরণযুক্ত হইলেও উহা আর একপ্রকার পাতলা ও অতি লঘু উজ্জলবর্ণের পদার্থের দ্বারা আবৃত থাকে। একখানি নূতন মাহুরি বা কোন অপর স্থানে ঘর্ষণ করিয়া একবারমাত্র কুলায় ঝাড়িয়া লইলে কিছুকাল বাতাসে ছড়াইয়া দিলেই ইহা পরিষ্কার হইয়ায়।

পূর্বে বলিয়াছি, নিশাচরপক্ষিগণের দ্বারা আমরা উপকারও পাইয়া থাকি। সেই উপকারগুলি—এই গাছ হইতে কফি পাড়ার অপেক্ষা ঝাঁটা দিয়া সংগ্রহ করিতে সময় ও পরিশ্রম অনেক অল্প লাগে। ২য়—সুস্থ ফল শুখাইতে যে সময় লাগে, বীজ শুখাইতে তদপে অনেক কম সময় লাগে। সুতরাং প্রতিদিন রোদ দেওয়া এবং সন্ধ্যার পূর্বে গৃহে তোলায় পরিশ্রম সাধন হয়। ৩য়—আস্ত ফলাপেক্ষা ভূপতিত বীজ হইতে শস্যথক করার পারিশ্রমিক কম। এস্থলে ইহাও বলা যাইবে যে, কফিভক্ষক—জন্তুদিগকে যদিও বাগা আসিতে না দিবার কোন প্রকার ব্যবস্থা আদৌ না রা হয়, অথচ প্রতিদিন সুপক্ক ফল পাড়িবার ব্যবস্থা কে, তাহাতে ক্ষতি আছে। বৃক্ষে সুপক্ক ফলের গা বহইলেও পক্ষিগণ ফলাহারে বিরত থাকে না, অর্থাৎ তাহারা অক্ষ- পক্ক ফলগুলি ভক্ষণ করে। সুতরাং ঐ ফল ফল হইতে যে কফি হয় তাহাও উৎকৃষ্ট হয় না।

কফির আবাদ এ প্রদেশে লাভকর কৃষি হইতে পারে কি না, পাঠকগণকে এই বি চিন্তা করিয়া দেখিবার অবসর প্রদান করাই বর্তমান প্রবন্ধের মুখ্য উদ্দেশ্য। কফি সশব্দে লেখকের টুকু অভিজ্ঞতা জন্মিয়াছে, তাহা সামান্য হইলেও আবক্ষীর হইতে পারে

বিশেষণায় এ স্থলে লিখিত হইল। প্রয়োজন হইলে উহার চাষের বিস্তারিত বিবরণ সহজে সংগ্রহ হইতে পারিবে। গুনিয়াছি “Watt’s Dictionary of Economical Products—নামক গ্রন্থে কফিগাছের কথা লেখা আছে।

ইচ্ছা ছিল, কফিবাগানের বিঘা প্রতি দশ বৎসরের আয় ব্যয়ের একটা আনুমানিক স্থূল হিসাব প্রদান করিয়া অদ্য প্রবন্ধ শেষ করিব, কিন্তু সকল বিষয় সঠিক জানা না থাকায়, তাহা পারিলাম না। দশ বৎসরের হিসাব দিবার কারণ, কফি বাগানে প্রথম দুই তিন বৎসর কোন আয় হয় না, কেবল ব্যয় হইয়া থাকে; অথচ এই সময়ের ব্যয়ই সর্বাপেক্ষা অধিক, তৎপরে প্রতি বৎসর ব্যয় ক্রমশঃ কমিতে থাকে এবং আয় বহু পরিমাণে বৃদ্ধি হইতে থাকে। পাঁচ বৎসরের পর হইতে আয়ের তুলনায় ব্যয় সামান্য হইয়া থাকে।

পূর্বে কয়েকটি কফিগাছের কথা উল্লেখ করিয়াছি, তাহাদের প্রত্যেকটিতে গড়ে নয় সহস্র কফি হইয়া থাকে। উহার ওজন দশসের হইলেও ব্যবহারোপযোগী কফি বীজ পাঁচপোয়া অর্থাৎ আড়াই পাউণ্ডের অধিক পাওয়া যায় না। কলিকাতার বাজারে নয় দশ আনা করিয়া পাউণ্ড বিক্রয় হয়। আমরা আড়াই পাউণ্ডের মোট মূল্য ন্যূন সংখ্যা এক টাকা ধরিলাম। এক বিঘা জমিতে একশত অশীতিসংখ্যক গাছ হইতে পারে। অতএব দেখা যাইতেছে বিঘা প্রতি একশত আশী টাকার কফি উৎপন্ন হয়। জমির খাজানা, সারের মূল্য, লোকের মজুরি কফি পাড়াই, উহা রোদ্রে দেওয়া, বীজ পৃথক করা প্রভৃ- ত্তির খরচ আশী টাকা ধরিলেও বাৎসরিক একশত টাকা আয় হইয়া থাকে। এস্থলে বলা উচিত বিনা আবাদে যে পরিমাণে কফি জন্মিয়া থাকে, এখানে তাহাই বলা হইয়াছে। রীতিমত আবাদ করিলে ফল অধিক জন্মার সম্ভব। বোধ হয় ইহা বলাই বাহুল্য যে, কেহ না মনে করেন, যে বৎসর হইতে বৃক্ষ প্রথম ফলিতে আরম্ভ করে সেই বৎসর হইতেই এই পরিমাণে আয় হইয়া থাকে। আমি একটি প্রমাণ বৃক্ষের ফলোৎপত্তি দেখিয়া আয়ের আনুমানিক হিসাব দেখাইয়াছি। গাছ ছোট থাকিলে যেমন ফল কম হয়, তেমনি বড় হইলে একটি গাছ হইতে চারি পাউণ্ড কফিও পাওয়া যাইতে পারে।

## পাহাড়ী বাবা ।

### চতুর্থ পরিচ্ছেদ ।

কলিকাতার উপনগর ভবানীপুর । ভবানীপুরের অংশ-বিশেষের নাম বকুলবাগান । এই বকুলবাগানে দুর্গাদাস মুখোপাধ্যায় মহাশয়ের নিবাস । মুখোপাধ্যায় মহাশয় এখন একজন সম্ভ্রতিপন্ন বড় লোক । কিন্তু পূর্বে তাঁহার অবস্থা বড়ই দুঃস্থ ছিল । ঐ সময়ে পিতৃমাতৃহীন হইয়া এই বকুলবাগানে মাতুলালয়ে তিনি প্রতিপালিত হন । তাঁহার মাতুলের নাম সারদাচরণ ঘোষাল । মাতুল মহাশয়ের বিশেষ যত্ন সত্ত্বেও বাল্যকালে দুর্গাদাস ভালরূপ লেখা পড়া শিক্ষা করিতে সমর্থ হন নাই । ঘোষনে পাড়ার এক সখের খিয়েটারের দলে মিশিয়া তাঁহার চরিত্রদোষও ঘটে । তবে মাতুলের অবস্থা ভাল ছিল বলিয়া তাঁহার ভরণপোষণের কোন কষ্ট ছিল না । মাতুল মহাশয় দুর্গাদাসের বিবাহও দেন । সুতরাং দুর্গাদাসের জীবন প্রতিপালন ভারও মাতুল মহাশয়ের স্কন্ধে পড়ে । উপার্জনের কোন চেষ্টাই দুর্গাদাসের ছিল না । এই কারণ এক দিবস মাতুলানী তাঁহাকে বড়ই ভৎসনা করেন । সেই দিন রাতে দুর্গাদাস দেখিলেন—তাঁহার জ্বীও সেই ভৎসনার প্রতিধ্বনি আরম্ভ করিয়া দিয়াছে । তখন তাঁহার মনে ভয়ঙ্কর ধিকার জন্মে । পর দিন প্রভাতে তিনি মাতুলালয় পরিত্যাগ করিয়া চলিয়া যান ।

নানারূপ কষ্ট সহ্য করিয়া অবশেষে তিনি লাহোরে আসিয়া উপস্থিত হন । তখন লাহোরের কমিসরিয়েট আফিসে তাঁহার মাতুলেরই প্রতিবাসী শিবনাথ চট্টোপাধ্যায় মহাশয় দেশীয় লোকের মধ্যে এক জন প্রধান কর্মচারী ছিলেন । দুর্গাদাস বাবুর সহিত তাঁহার বিশেষ সদ্ভাবও ছিল । চট্টোপাধ্যায় মহাশয় সাদরে দুর্গাদাসকে আশ্রয় দিলেন । ক্রমে সে সদ্ভাব বিশেষ আত্মীয়তায় পরিণত হইল । শিবনাথ বাবু দুর্গাদাসকে কনিষ্ঠ সহোদরের ন্যায় দেখিতে লাগিলেন । শিবনাথের স্ত্রী বিমলাও তাঁহাকে দেবরের ন্যায় যত্ন করিতে লাগিল । কয়েক মাস পরে শিবনাথের চেষ্টায় কমিসরিয়েট আফিসে দুর্গা-

দাস বর এক গোমস্তাগিরি চাকুরীও জুটিল । এই চাকুরীহইতেই দুর্গাদাসের সৌভাগ্যের সূত্রপাত হয় ।

কমিসরিয়েটের গোমস্তাগিরি চাকুরী উপলক্ষে দুর্গাদাস সীমান্তের অনেক যুদ্ধক্ষেত্রে উপস্থিত থাকিতে হইয়াছে । শিবনাথ বাবুও তাহার সহিতে অস্থানীয় এবং অলা হইতে সিমলা পাহাড়ে বদলি হইয়া যান । সুতরাং এখন আর উভয়ের একত্রে থাকা হইল না । ১৮৭৮-৯ খৃষ্টাব্দের শেষ আকগান যুদ্ধে দুর্গাদাস বাবুকে অভিযাে সঙ্গে যাইতে হয় । এক্ষেত্রে দুর্গাদাসের উপার্জননাশাতীত হইয়াছিল । কিন্তু তিনি মাতুলের নিকট কাই কোন টাকা বা পত্রাদিও পাঠাইতেন না—এমন কাঁহার জ্বীও কোন সংবাদ লইতেন না । তবে তিনি সে গার্জনের একটি পরসোও এখন আর পূর্বের ন্যায় অগ্ন করিতেন না—সমস্তই সঞ্চয় করিয়া রাখিতেন মনে মনে প্রতিজ্ঞা ছিল—লক্ষ টাকা সঞ্চিত নাইলে আর তিনি দেশে ফিরিবেন না । এ দিকে লক্ষ্যকা সঞ্চিত হইবার পূর্বেই তাঁহার জ্বী-বিয়োগ হয় । তখন আর দেশের প্রতি তাঁহার সেরূপ মায়া রহিল না । তার পর যখন তাঁহার মাতুল ও মাতুলানীর মৃত্যুংবাদও পাইলেন, তখন দেশের অবশিষ্ট মায়াপাশ তি এককালীন ছিন্ন করিয়া ফেলিলেন । সরকারী কাপলক্ষে শিবনাথ বাবুর সহিত তাঁহার মধ্যে মধ্যে সাংও হইত । সে সময় পুনরায় বিবাহ করিয়া সংসারহইতে শিবনাথ দুর্গাদাসকে বড়ই অনুরোধ করিতেন । ন কি বিমলা এক সময়ে সিমলায় দুর্গাদাসের বিবাহের এক সম্মত ও স্থির করিয়াছিলেন । কিন্তু দুর্গাদাস পুনরাগারপরগ্রহও করিলেন না, এবং দেশেও ফিরিয়া গেলেনা । শেষে শিবনাথ বাবুও যখন পেন্সন লইলেন এবং নে কারণবশতঃ দেশের সমস্ত মায়া পরিত্যাগ করি সিমলা পাহাড়ের সন্নিকট সংসার পাহাড়ে অবশিষ্টাবন অতিবাহিত করিবার বন্দোবস্ত করিলেন, তখন য কেহ দুর্গাদাসকে দেশে গিয়া সংসারী হইতে অনুরোধ বতেন না । সুতরাং দুর্গাদাসও তখন একটা অনুরোধেরস্ত হইতে অব্যাহতি পাইলেন ।

এইরূপে কিছু ন চলিয়া গেল । দুর্গাদাসের বয়ঃক্রমও ক্রমে প্রায় পাঁচ বৎসর উত্তীর্ণ হইতে চলিল ।

এই সময় চিত্রল অভিযান হয় । এই অভিযানের সঙ্গে গিয়া তাঁহাকে নানারূপ কষ্ট পাইতে হয় । এই উপলক্ষে কোন পদস্থ সামরিক কর্মচারী সহিতও তাঁহার মনো-বিবাদ ঘটে, তখন তিনি পেন্সনের প্রার্থী হন । সেই প্রার্থনা মঞ্জুর হইলে, অগত্যা তিনি দেশে ফিরিয়া আসিতে বাধ্য হন । কিন্তু দেশে আসিয়া দেখিলেন—তাঁহার মাতুলের বৃহৎ পরিবারবর্গের মধ্যে একমাত্র পৌত্র ভিন্ন আর কেহ জীবিত নাই । তাঁহাদের অবস্থাও অতিশয় শোচনীয় । মাতুলপুত্র এক ব্যবসা করিতে গিয়া সর্বস্বান্ত হন । শেষে সেই মনোকষ্টেই তাঁহার ও তাঁহার জ্বীর মৃত্যু ঘটে । বিষয় সম্পত্তি যাহা কিছু ছিল, তখন সমস্তই নষ্ট হইয়া গিয়াছে । ভদ্রাসন বাড়ীখানি ২।৪ দিনের মধ্যেই নীলামে উঠিবে । দুর্গাদাস বাবু অনেক অর্থ লইয়া দেশে গিয়াছিলেন । সেই অর্থে তাঁহার প্রথম কার্য হইল—মাতুলের ভদ্রাসন বাড়ী নীলামে খরিদ করা । সে বাড়ীর অবস্থাও ভাল ছিল না—সুতরাং খরিদের পরেই তাঁহাকে বহু অর্থ ব্যয় করিয়া সে বাড়ীর মনের মতন পরিবর্তন ও সংস্কার আরম্ভ করিতে হয় । তখন তাঁহার অনেক আত্মীয় স্বজন আসিয়া যুটিতে আরম্ভ করিল । কিন্তু তাহাদের মধ্যে একটি পিতৃমাতৃহীন ভাগিনের ও সেই মাতুল পৌত্রটিকে তিনি আপনাদের পরিবারভুক্ত করিয়া লইলেন ।

দুর্গাদাসের ভাগিনেয়ের নাম অতুলচন্দ্র এবং মাতুল-পৌত্রের নাম অনুকূল চন্দ্র । এই দুইটি পিতৃমাতৃহীন বালক লইয়া দুর্গাদাস এই প্রবীণ বয়সে এক নূতন সংসার পাতিলেন । নিরাশ্রয় বালক দুইটিরও আশ্রয় হইল । তিনি অতি যত্নে তাহাদিগকে লালন পালন ও তাহাদের শিক্ষা-কার্য সম্পন্ন করিতে লাগিলেন । অতুল ও অনুকূল উভয়েই প্রায় সমবয়স্ক ছিল । তাহারাও বিশেষ যত্নের সহিত একত্রে এক শ্রেণীতেই পাঠাভ্যাস আরম্ভ করিয়া দিল । উভয়ের একত্রে আহার, একত্রে শয়ন এবং একত্রে পাঠাভ্যাসের কারণ উভয়ের মধ্যেও প্রগাঢ় বন্ধুত্ব জন্মিল । বিশেষ প্রশংসার সহিত এক সঙ্গে উভয়েই প্রবেশিকা পরীক্ষায় উত্তীর্ণ হইল । উভয়ের প্রথম পরীক্ষায় এইরূপ সমস্তোৎকর্ষক ফল দেখিয়া দুর্গাদাসের আনন্দের সীমা ছিল না । তিনি উভয়কে কলিকাতার প্রেসিডেন্সী কলেজে

ভর্তি করিয়া দিলেন । ফাষ্ট আর্টস পরীক্ষায় অনুকূল প্রথম শ্রেণীতে উত্তীর্ণ হইল, কিন্তু পরীক্ষার পূর্বে অতুলের পীড়া হওয়ার তাহার সে পরীক্ষার ফল সেরূপ সমস্তোৎকর্ষক হইল না । দুর্গাদাস তখন অতুলচন্দ্রকে চিকিৎসা বিদ্যা শিক্ষার্থে কলিকাতার মেডিকেল কলেজে প্রেরণ করিলেন, আর অনুকূলচন্দ্র প্রেসিডেন্সী কলেজেই বি, এ পড়িতে লাগিল । দুই বৎসর পরে অনুকূল বি, এ পরীক্ষায় উত্তীর্ণ হইল এবং তাহার পর বৎসর বি, এল, পরীক্ষায় উত্তীর্ণ হইয়া আলিপুরে ওকালতি আরম্ভ করিয়া দিল । অতুলচন্দ্রও মেডিকেল কলেজের দুইটি পরীক্ষায় বিশেষ সুখ্যাতি লাভ করিয়াছিল । তবে এখনও পাঁচ বৎসর উত্তীর্ণ হন নাই, সুতরাং তাহার শেষ পরীক্ষার এখনও বিলম্ব ছিল ।

অস্ত্রাত্ম আত্মীয়ের মধ্যে দুর্গাদাসের মাতুলবংশের আর এক ব্যক্তির সহিত আমাদের এই আখ্যায়িকার সম্বন্ধ আছে । সুতরাং তাঁহার পরিচয় এই স্থলেই দেওয়া কর্তব্য হইতেছে । তিনি তাঁহার মাতুলের খুল্লভাত ভ্রাতা সুতরাং সম্বন্ধে দুর্গাদাসের মাতুল বলিয়াই গণ্য । তাঁহার নাম তৈরবচন্দ্র ঘোষাল । এই বৃদ্ধ ঘোষাল মহাশয়ের দুর্গাদাস বিশেষ সম্মান ও ভক্তি করিতেন । তবে এক বিষয়ে দুর্গাদাসের সহিত এই ঘোষাল মহাশয়ের বড়ই মতের অনৈক্য ছিল । ঘোষাল মহাশয় অতুল ও অনুকূল-চন্দ্রের বিবাহের জন্ত বড়ই ব্যস্ত হইয়াছিলেন, কিন্তু পাঠ্যাবস্থায় ভাগিনেয় বা ভ্রাতৃপুত্রের বিবাহের কথা শুনিলেই দুর্গাদাস শিহরিয়া উঠিতেন । অনুকূলচন্দ্র ওকালতি আরম্ভ করিলেন । একদিন ঘোষাল মহাশয় দুর্গাদাসের নিকট তাহার বিবাহের প্রস্তাব করিলেন । তখনও কিন্তু দুর্গাদাস সে প্রস্তাবে অনুমোদন করিলেন না । তাঁহার ইচ্ছা অনুকূলচন্দ্রের ওকালতির আয় কিছু কিছু আরম্ভ হইলেই তাহার বিবাহ দেন । সে সম্বন্ধে কেহ তাঁহাকে কোনরূপ জেদ করিলে তিনি নিজের গৃহত্যাগের কারণ দেখাইয়া সকলকে বুঝাইতেন । এখন এই দুইটি আত্মীয়ের বিবাহ দিয়া অনায়াসেই তিনি সংসারী হইতে পারিতেন, তবে তাঁহার প্রকৃতি সেরূপ স্বার্থপর নহে, সেই কারণ তিনি নিজের স্বথ অপেক্ষা এই পুত্রতুল্য যুবক-দ্বয়ের ভবিষ্যৎ সুখের প্রতিই অধিকতর লক্ষ্য রাখিতেন ।

একদিন রাতে আহারাদির পর ভূর্গাদাস শয়ন করিতে যাবেন—এমন সময় তাঁহার নামে একখানি তারের সংবাদ আসিয়া উপস্থিত হইল। তিনি তাড়াতাড়ি সে সংবাদের আবরণ উন্মোচন করিয়া পাঠ করিতে লাগিলেন। নিকটেই অতুলচন্দ্র উপবিষ্ট ছিল। পাঠ শেষ হইলে, তাহাকে কহিলেন—“দেখ অতুল, শিবনাথের স্ত্রী ও তার কন্যা কাল সকালে পঞ্জাব মেলে এসে পৌঁছবে। অনুকূল এখানে নাই—তোমায় কি কাল সকালেই কলেজে যেতে হবে?”

অতুলচন্দ্র বিনীতভাবে কহিল—“না মামা বাবু, কাল থেকে আমার কাল সকালে কলেজে যেতে হবে না। তিনটার সময় গেলেই চলবে। আমাদের ‘হস্পিটাল ডিউটি’ শেষ হয়েছে।”

ভূর্গাদাস বাবু কহিলেন—“তবে শোবার পূর্বে কোচ-ম্যানকে বলো—সে যেন খুব ভোরে উঠে গাড়ী জোড়ে, আর সেই গাড়ীতে তোমায় নিয়ে হাবড়া স্টেশনে যায়। বোধ হয়, পঞ্জাব মেলটা ছয়টার সময় পৌঁছায়, তার পূর্বে তোমার সেখানে পৌঁছান আবশ্যিক। তুমি তাদের আপাতক আমাদের বাড়ীতেই নিয়ে আসবে।”

“যে আজ্ঞে”—বলিয়া তখন অতুলচন্দ্র মাতুল মহাশয়ের নিকট হইতে বিদায় গ্রহণ করিল।

### পঞ্চম পরিচ্ছেদ।

বৈশাখ মাস। ভোর হইয়াছে, কিন্তু তখনও সূর্যোদয়ের প্রায় এক ঘণ্টা কাল বিলম্ব আছে। প্রভাত সন্ন্যাসী-র ধীরে ধীরে বহিতেছে। দূরে কোকিলের স্তম্ভুর কণ্ঠ শুনিতে পাওয়া যাইতেছে। নিদ্রাভঙ্গের পর কাক-কুলও নীরব নহে। কোকিলের সেই মধুর কণ্ঠস্বরের সহিত, কি জানি কেন—তাহারাও প্রাণপণে তাহাদের সেই কর্কশ কণ্ঠস্বর মিশাইতেছে। আবার অল্প এক পক্ষী-বরের তীব্র কণ্ঠস্বর যেন থাকিয়া থাকিয়া একবারে সপ্তমে উঠিতেছিল। সে সুর সকলেরই পরিচিত, সুতরাং সে পক্ষীর নাম আমরা এস্থলে গোপনই রাখিলাম। এইমাত্র গ্যাসের আলো নিবাইয়া গেল, সুতরাং এখনও অল্প অল্প অন্ধকার রহিয়াছে। রাস্তায় দুই একজন মাত্র লোক

দেখিতে পাওয়া যাইতেছে। একখানি পাকী গাড়ী তীরবেগে চৌরঙ্গী রোড দিয়া উত্তর মুখে ছুটিতেছিল। দেখিতে দেখিতে একবেগে সে গাড়ী ধর্মতলার মোড়ে আসিয়া পৌঁছিল। মোড়ে পৌঁছিয়াই গাড়ীখানি মুহূর্তের মধ্যে পশ্চিম মুখ করিল। মোড়ে গুয়মান এক জন পুলিশ প্রহরী একবার কটমট গাড়ীর দিকে চাহিল। বোধ হয়, সেরূপ বেগে গাড়ী চালাইতে যে আইন-বিরুদ্ধ—তাহার সেই কটমটে চাহনি স্পষ্টাক্ষরে যেন সেই কথাই বলিতেছিল। কিন্তু দেখিতে দেখিতে সে গাড়ী কোথায় অদৃশ্য হইয়া গেল, সুতরাং পুলিশ প্রহরীর সে চাহনির উদ্দেশ্য ব্যর্থ হইয়া গেল।

এইরূপে ভীষণ বেগে সেই গাড়ী গঙ্গার পুল পার হইয়া একবারে হাবড়া স্টেশনে আসিয়া থামিল। সে গাড়ীর মধ্যে একমাত্র অতুলচন্দ্র বসিয়া ছিলেন। গাড়ী থামিতে না থামিতেই তিনি সে গাড়ী হইতে লাফাইয়া পড়িলেন। তার পর পকেট হইতে ঘড়ি বাহির করিয়া দেখিলেন। গাড়ীকে তথায় অপেক্ষা করিতে বলিয়াই তিনি দ্রুতগতিতে স্টেশনের মধ্যে প্রবেশ করিলেন। কিন্তু স্টেশনের ঘড়িতে দেখিলেন যে তখনও পাঁচটা বাজিতে পাঁচ মিনিট বাকি আছে। অনুসন্ধান জানিলেন যে ঠিক ছয়টার সময় পঞ্জাব মেল স্টেশনে আসিয়া পৌঁছবে। সুতরাং তাঁহার এত তাড়াতাড়ি কোন আবশ্যিকই ছিল না। এইবার কিন্তু যেন তাঁহার অস্থির মন অনেকটা স্থস্থির হইল। তখন তিনি স্টেশনের পুস্তকের দোকান হইতে একখানি সেই দিনের ইংরাজী দৈনিক সংবাদপত্র ক্রয় করিলেন, এবং একখানি বেঞ্চের উপর উপবেশন করিয়া তাহা পাঠ করিতে লাগিলেন। এক ঘণ্টা যাইতে না যাইতেই একটা টং করিয়া শব্দ হইল। সেই শব্দে সংবাদপত্র পাঠ হইতে তাঁহার চক্ষু অল্প দিকে আকর্ষিত হইল। তিনি চারিদিক চাহিয়া দেখিলেন—বুঝিলেন—গাড়ী আসিতে আর অধিক বিলম্ব নাই। তখন তিনি সংবাদপত্র পাঠ পরিত্যাগ করিয়া গাড়ীর প্রতীক্ষায় নির্দিষ্ট স্থানে আসিয়া দাঁড়াইলেন।

এই সময় তাঁহার মনে এক বিষম চিন্তা আসিয়া উপস্থিত হইল। তিনি যাহাদিগের অভ্যর্থনার জন্ত

স্টেশনে অপেক্ষা করেন, তাহাদের সাহিত তিনি আদৌ পরিচিত নহেন, তাহা কি জাবনেও কখন তাহাদের দেখেন নাই। সুতরাং একবেগে তাহাদের চিনিয়া লইবেন—এই ভাবনাই তখন তাঁহার মনে বদবতী হইয়া উঠিল। তবে কে কে আসিতেছেন, সে কথা তিনি জানিতেন—একমাত্র ভরসা ছিল। একজন বিধবা স্ত্রীলোক, সেই বিধবার সহিত তাঁহারই এক অবিবাহিতা কন্যা। অতুলচন্দ্র মনে মনে ভাবিতে লাগিলেন—এমন কত বিধবা অবিবাহিতা কন্যা লইয়া এই গাড়ীতে আসিতে পারে। আজ তাঁহারা কানীধান হইতে আসিতেছেন—এ কথাও অতুলচন্দ্র জানিতেন। কিন্তু ইহাতেও তাঁহার দিগকে চিনিয়া বাহির হইল না। এই সময় হঠাৎ অতুলচন্দ্রের মনে পড়িয়া গেল যে তাহাদের সঙ্গে এক জন পাহাড়ী স্ত্রীলোক মাত্র আছে, অল্প অভিভাবক আর কেহ নাই। তখন তাঁহার মন আশ্বস্ত হইল। অল্পক্ষণ পরেই পঞ্জাব মেল স্টেশনে আসিয়া পৌঁছিল। সেই পাহাড়ীয়া স্ত্রীলোক সঙ্গে থাকায় অতুলচন্দ্র অনায়াসেই বিধবা ও তাঁহার কন্যাকে চিনিয়া লইতে পারিলেন। তখন তাড়াতাড়ি নিকটে গিয়া অতুলচন্দ্র সেই বিধবাকে প্রণাম করিয়া আপনার পরিচয় প্রদান করিলেন। সে পরিচয়ে বিধবা আফ্লাদিত হইয়া তাঁহাকে আশীর্বাদ করিলেন। বলা বাহুল্য—বিধবা অল্প কেহ নহেন—আমাদের পুস্তকপরিচিতি বিমলা।

বিমলার সহিত যে সকল দ্রব্যাদি ছিল, প্রথমেই অতুলচন্দ্র কুলীর দ্বারা সে সমস্ত নামাইলেন। তাহার পর, যে গাড়ী বাহিরে অপেক্ষা করিতেছিল, সেই গাড়ীতে সমস্ত উঠাইয়া দিলেন। বিমলা, তাঁহার কন্যা মহামায়া এবং পরিচারিকা লোহিয়াও সেই গাড়ীতে উঠিল। তখন অতুলচন্দ্র সেই গাড়ীর কোচবাঞ্চে উঠিবার জন্ত যাইতে-

গাড়ীর মধ্যে তাহারই ঠিক সম্মুখে বসিয়া যে বালিকা বিস্ময়ভরিত চারিদিক চাহিয়া দেখিতেছে—সেই বালিকা কি অপূর্ণ রূপ! আ মরি মরি! এমন রূপ ত কখনও অতুলচন্দ্রের নয়নগোচর হয় নাই। প্রায় ত্রিশ-ঘণ্টা গন্ত হইল—বালিকা গাড়ী হইতে নামিয়াছে। সেই মুহূর্ত হইতে অতুলচন্দ্রও এই বালিকার সঙ্গে সঙ্গেই রহিয়াছেন। কিন্তু এতক্ষণ পর্যন্ত সে রূপ কেন তাঁহার চিত্ত আকর্ষণ করে নাই—তাহা তিনি নিজেই বুঝিতে পারিলেন না। হঠাৎ তাঁহার দর্শনেন্দ্রিয় কোন অসাধারণ শক্তি পাইল না কি? অতুলচন্দ্র একবারে বিস্ময়সাগরে ডুবিয়া গেলেন।

অতুলচন্দ্রও যখন অবাক হইয়া বালিকার সেই যৌবনোন্মুখ স্বর্গীয় মুখশ্রী একদৃষ্টে নিরীক্ষণ করিতেছিলেন, এমন সময় বালিকার ইতস্ততঃ বিস্ময় সঞ্চারিত দৃষ্টি ঘুরিয়া ঘুরিয়া হঠাৎ একবার অতুলচন্দ্রের চক্ষুর উপর আসিয়া পড়িল। উভয়ের চক্ষে চক্ষে মিলিল। বালিকার সেই চঞ্চল দৃষ্টি একবারে স্থির হইল কেন? এতক্ষণ বালিকা বেরূপ বিস্ময়ভরিত ও চঞ্চল দৃষ্টিতে গঙ্গাবক্ষিত অসংখ্য জাহাজ, নৌকা, ও কলিকাতা সহরের অপূর্ণ দৃশ্য দেখিতেছিল, হঠাৎ সে দৃষ্টির এ পরিবর্তন ঘটিল কেন? বালিকার অক্ষয়বিস্তৃত বড় বড় উজ্জল চক্ষু দুইটি এখনও পূর্বের স্থায় বিস্ময়বিস্ফারিত হইলেও তাহাদের চঞ্চলতা অকস্মাৎ কোথায় অদৃশ্য হইল? এদিকে বালিকার দৃষ্টি অতুলচন্দ্রের চক্ষুর উপর স্থির হইতে না হইতেই কিন্তু তাহারা অবনত হইয়া পড়িল। কি আপদ! অতুলচন্দ্র অল্পক্ষণ পরে পুনরায় ভয়ে ভয়ে বালিকার মুখের দিকে একবার চাহিলেন। তখনও সেই পলকহীন বিস্ময়বিস্ফারিত কনকলোচন দুইটি তাঁহার হৃৎকণের উপর স্থাপিত রহিয়াছে! কি আশ্চর্য! এতক্ষণ বালিকা আগ্রহের সহিত চারিদিকে যে সকল অপূর্ণ সুন্দর দৃশ্য দেখিতেছিল, কি যত্নমন্ত্রবলে হঠাৎ তাহাদের সে সৌন্দর্যের লোপ হইল? কই বালিকা ত একবারও আর তাহাদের প্রতি ফিরিয়া চাহিতেছে না! অতুলচন্দ্রের বড় মুখেই ব্যাঘাত ঘটিল। বালিকার অজ্ঞাতসারে তাহার সেই অপূর্ণ মুখশ্রীদর্শনসম্মুখে অতুলচন্দ্র তখন রক্ষিত হইলেন।

কিন্তু সে কথা তাঁহার মুখ হইতে আর বাহির হইল না। তিনি হতবুদ্ধির আয় কেবল মহামায়ার মুখের প্রতি একদৃষ্টে চাহিয়া রহিলেন। মহামায়া এই সময় কহিল—

“তোমাদের বাড়ী-ঘর আগায় দেখাবে এসো না দাদা।

দাদার কেমন লজ্জা করিতে লাগিল। বিশেষতঃ কামিনীকে সেইদিকে আসিতে দেখিয়া দাদা আর সে স্থানে থাকিতেই পারিলেন না। অতুলচন্দ্র চলিয়া গেলেন। যাইবার সময় কামিনীকে কি কথা বলিয়া গেলেন। কামিনী আসিয়া মহামায়াকে সঙ্গে লইয়া বাড়ী-ঘর দেখাইতে আরম্ভ করিল।

বিমলাকে দুর্গাদাসের গৃহে প্রায় দুই সপ্তাহ কাল বাস করিতে হইল। বিমলার বাড়ী মেরামত শেষ হইয়া গেলে, বিমলাই হেঁদ করিয়া তখন নিজ বাড়ীতে চলিয়া গেলেন। এই দুই সপ্তাহ কালের মধ্যেই অতুলচন্দ্রের মানসিক অবস্থার বড়ই একটা পরিবর্তন লক্ষিত হইল। বানাকাল হইতে লেখা পড়ার অতুলচন্দ্রের আন্তরিক বন্ধু হওয়া দেখা গাইত। কিন্তু মেডিকেল কলেজের শেষ পরীক্ষা সন্নিকট হইলেও এখন আর পাঠে তাঁহার সে যত্ন ও আগ্রহ দেখা গেল না, যে দুই তিন জন বন্ধুবান্ধবের সহিত অতুলচন্দ্রের বিশেষ সস্তাব ছিল, তিনি এখন তাহাদের সহিত দেখা সাক্ষাৎ পর্যন্ত একবারে বন্ধ করিয়া দিলেন। পরীক্ষা সন্নিকট বলিয়া তাহারাও অতুলচন্দ্রের মনের এই আকস্মিক পরিবর্তন কিছুই ধরিতে পারিল না। এখন অতুলচন্দ্রকে কলেজে যাইতে হয় না। তিনি দিবারাত্র বাড়ীতেই থাকিতে পান। তবে সম্মুখে পাঠ্য পুস্তক খোলা পড়িয়া থাকে আর তিনি আকাশ পাতাল ভাবিতে থাকেন। সর্বদাই বেন অল্পমনস্ক। থাকিয়া থাকিয়া তাঁহাকে অন্তঃপুরের মধ্যে ছুটিয়া আসিতে হয়। কি জন্তু আদেন, বুঝিতে পারেন না। কোন কথা জিজ্ঞাসা করিলে হয়ত থতমত খাইয়া যান। কখন বা একটু ছুতা করিয়া কিছু সময় অন্তঃপুরে অতিবাহিত করেন। আবার কি মনে পড়িয়া ছুটিয়া বাহিরে পড়িবার ঘরে আসেন। নিজের মানসিক ছন্দলতার দরুণ অনেক সময় মনে মনে আপনাকে ধিক্কার দিয়া থাকেন।

যে দুই সপ্তাহ বিমলা দুর্গাদাসের গৃহে রহিলেন, সেই

দুই সপ্তাহ অতুলচন্দ্রের দিন এইরূপে অতিবাহিত হইল। এক সপ্তাহ পরে অনুকূলচন্দ্র ফিট করিয়া আসিলেন। বরাবর অতুল ও অনুকূল এই দুই ভাই আহার করিতে বাসিতেন। কিন্তু এখন এতে অতুলচন্দ্র সে প্রথা রহিত করিয়া দিলেন। পরীক্ষা সন্নিকট হওয়ায় নির্দ্ধারিত সময় এখন আর আহার করিলে চলিবে না—এইরূপ ভ্রান করিতেন। আসল কথা পূর্বের আহার আর তাহার প্রবৃত্তি ছিল না। পাছে সে কথা অনুকূলচন্দ্র জানিতে পারেন, সেই জন্তু সতর্কতা অবলম্বন করিলেন। এক পরীক্ষার তাহা দিয়া অতুলচন্দ্র সকলের চক্ষে ধুলি নিক্ষেপ করিলেন। তার পর বিমলা মহামায়া ও লোহিয়া চলি গেলে, অতুলচন্দ্রের অবস্থা অধিকতর শোচনীয় হইয়া উঠিয়াছিল।

মহামায়াকে লইয়া বিমলা নিজ গৃহে দুই দিন বাস করিতে না করিতেই কিন্তু কত্তার বিবাহের জন্ত তিনি ব্যস্ত হইয়া পড়িলেন। গুরুদেবের আজ্ঞা পালন তাঁহার পক্ষে বড়ই কঠিন ব্যাপার হইয়া দাঁড়াইল। সমাজে বাস করিতে হইলে বিবাহাদি সামাজিক নিয়ম পালন করাই কর্তব্য। বিশেষতঃ যে শুভ কার্যের উপর কত্তার বাবজীবনের সুখ নির্ভর করিতেছে, মা হইয়া কোন্ প্রাণে কত্তার সে শুভ উদ্দেশ্য কার্য পালন না করিয়া থাকিতে পারেন? এক দিকে অপত্যস্নেহ এবং অল্প দিনে গুরুদেবের আজ্ঞা! অপত্য স্নেহের দিকে কত্তার সুখ, ত্রৈশ্বর্ষ্য ও নারীধর্ম পালন আর অপর দিকে লোক-মিন্দা, সমাজ ভয়, ও কত্তার ধর্মচ্যুতি আশঙ্কা। সুতরাং বিমলা বড়ই বিবম সঙ্কটে পড়িলেন। অবশেষে এ বিপদে বিমলা দুর্গাদাস বাবুর সহিত পরামর্শ করিবার জন্ত এক দিন বৈকালে তাঁহাকে ডাকিয়া পাঠাইলেন। তিনি উপস্থিত হইলে বিমলা নিজেই বিমলা তাঁহাকে সমস্ত কথা খুলিয়া বলিলেন। নিজের উভয়ের অনেক কথা ধরিয় একটা পরামর্শও হইল। এই উপলক্ষে পাহাড়ী বাবার সম্মুখে অনেক কথাও দুর্গাদাস জানিতে পারিলেন। সমস্ত শুনিয়া তিনি কহিলেন—“মহামায়ার বিবাহ আরো ২৬ বৎসর পূর্বে দেওয়া কর্তব্য হইল। শিবনা, দাদা কি বুঝে ছিড়েন জানি না। কিন্তু এখন যা শুনছি তাতে আর কিছুতেই বিলম্ব করা হইবে না। সে সম্বন্ধে তোমার

কিছু ভাবতে হবে

পাত্রে বিয়ে দেবো

বিমলা তখন

তোমায় আর কি

গোপনে সমাধ

রকমে না জা

“পাহাড়ী বা

শঙ্কের সহিত কথা

বাবা কোথা হইতে

বিমলা শিংকার ক

ব্যক্তির আয় স্তম্ভিত

ম শীঘ্র মহামায়ার উপয

রয়া কহিলেন—

এ কাছটি যে

পাহাড়ী কোন

রেছে।—

খটাধ উড়মের

তে বলিতে স্বয়ং

পাহাড়ী

লে দাঁড় হিলেন।

ভয়ে

আর দুর্গাদাস

হত

নাথ ... টোপা

দ্বিতীয়

ব্রহ্মে আমি প্রায় ... করিয়াছিলাম।  
এ সময়ের মধ্যে আমি এই ... অনেক অভিজ্ঞতা লাভ করিয়াছিলাম।  
এ প্রবন্ধে নাই। বি ... ক বর্ণনার ...  
দুই দিনে লাভ হয় না ... ম ক্রমে বর্ণন ...  
করা অপেক্ষা এক ... পী অভিজ্ঞতা ...  
লিপিবদ্ধ করা আমি ... কতর উপযোগ ...  
তজ্জন্ত সেই পস্থাই অব ... বন করিলাম।

ব্রহ্মবাদিগণের প্রাচীন ভূগোল বিশ্বাস ...  
অদ্ভুত ও রূপকপূর্ণ। ইহাদের বিশ্বাস মে ...  
বীর ঠি বধ্যস্থলে সংস্থাপিত। পৃথিবীর ...  
কটা হংসডিমের আয় ... উহার অর্ধভাগ ...  
স্থলপূর্ণ। মেরুর চতু ... ক ক্রমায়ে সা ...  
সাতটি দ্বীপ। উহার ... দো দক্ষিণ দিকস্থ ...  
ভারতবর্ষ ও ব্রহ্মবর্ষী ... বাস কর। তাহ ...  
অপর কে কটি ক্ষুদ্রতর ... পে ইংরাজ প্রভৃতি ...  
জাতির আস করে। আ ... মাদের আয় ইহার ...  
সপ্ত নাগলোকের অস্তিত্বে ... পূর্ণ আস্থাবান।

বন্দী জাতির উৎপত্তি সম্বন্ধে তাহাদের প্রাচীন পুস্তক ...  
না না ওকার বিচিত্র মত দেখিতে পাওয়া যায়।

তা বলা এক সময়ে তাহাদের পূর্ব পুরুষের স্বর্গে ...  
বাস করিত। কোনও অজ্ঞায় কাঞ্চের জন্ত দেবতার ...  
তাহাদিগকে স্বর্গচ্যুত করিয়া মর্ত্তে প্রেরণ করেন। আধু ...  
নিক শিক্ষিত ব্রহ্মবাদীরা বলেন, এই কাহিনী রূপক মাত্র। ...  
প্রকৃত কথা এই যে, তাহাদের পূর্বপুরুষেরা কোনও ...  
স্মরণাতীত যুগে ভারত হইতে আসিয়া এই দেশে উ ...  
নিবেশ সংস্থাপন করিয়াছিলেন। ব্রহ্মবাদীরা ভারত ...  
বর্ষকে নিতান্ত ভক্তি চক্ষে দেখিতেন বলিয়া তাহাকে স্ব ...  
বলিয়া উল্লেখ করিয়াছেন। এখন ইহা অধিক পরিমাণে ...  
ভারত ও ভারতবাদীকে নিতান্ত ... দেখিয়া ...  
থাকেন। তাহার কারণ এই যে, আ ...

বাসীরা দলে দলে তাহাদের দেশে বাইরা ...  
ভাগ বসাইতে আরম্ভ করিয়াছে। তৎ ... অপরাপর ...  
কথা সম্বন্ধে বিবৃত করিয়া ...  
রোপীয় অনুসন্ধিৎসু পণ্ডিতেরা ... মতে ...  
স্থাপন করেন না। তাহাদের ... নেরা ইহাদের ...  
বিশ্বাস ... ব্রহ্ম আমায় ... বিশেষ মতামত ...  
তবে ... দর চৈনিক না ...  
ও নিতান্ত ... প্রকৃতি দর্শনে তাহাদিগ ... কাচীন ও ...  
সানের মধ্যবর্তী ... তি বলিয়া মনে হয়। ... মধ্যবর্তী ...  
ক্ষেত্র একটি বিষয় ... শেষ বিচিত্র ও বিশ্বয়কর ...  
হয়। ব্রহ্মে স্ত্রী ও পুরুষের মধ্যে বিলক্ষণ ... ভদ। এক ...  
দেশ ... পুরুষের মধ্যে ওরূপ স্পষ্ট পা ... ইবার প্রকৃত ...  
কা ... পর্যন্ত কেহই আবিষ্কার ক ... সমর্থ হয়েন ...

ব্রহ্মবাদীরা নিতান্ত ... উচ্চতায় সাচ ...  
রাচর পাঁচকুট তিন ইঞ্চির অধিক হয় না। তাহাদের ...  
না ... বিলক্ষণ চ ... বর্ণ ... এই স্থানে আর একটা ...  
রাখা ... ত ... দক্ষিণ ভ্রমের অধি ...  
মধ্যে ... পথ ... অল্পত হয়। দক্ষিণ ...  
প্রায় ... ঠা ... তার পাঁচকুট পাঁচ ইঞ্চি ...  
আমাত্র ... একে বলেন, উত্তর ...  
না (ব্রহ্মব ... না ...